

কালকূট

বনগোবিন্দ

রচনা

বঙ্গভাষা

সমগ্র

সমগ্র



কালকূটের রচনাইশেলী

এক হিসাবে কালকূটের রচনা সমগ্রোধ জন্ম বিশেষ প্রবন্ধ লেখা বোধ হয় আমাকেই মাজে। কেননা, বরাবর দেখে আসছি তিনি যেমন সচল, আমি তেমনই অচল। আমার 'ঘর হৈতে আঙ্গিনা বিদেশে।' কালকূট নামক ব্যক্তিটিরও প্রাণের কথা বুঝি 'সব ঠাই মোর ঘর আছে আমি সেই ঘর মরি খুঁজিয়া।' আমার জগৎ শোনা কথায় ভর্তি, তার জগৎ দেখা-শোনায় আশ্তো। ব্যক্তি কালকূট-কে যারা জানেন, তাঁদের কাছে পুরনো লাগবে, যারা জানেন না, তাঁরা শুনে মজা পাবেন, এই ব্যক্তিটি তিন মাস চার মাস অন্তর অন্তরই এই কথা বলে বসেন—বড়ো বেশি দিন একটানা এক জায়গায় আটকে আছি। লেখক জীবনের প্রারম্ভে তিনি একদিন কথায় কথায় আমাকে জানিয়েছিলেন, ঘুরে বেড়াতে পেলে তিনি আর কিছু চান না। একথা অনেকদিন আগের—কিন্তু আজও আমার ধারণা ঐ প্রশ্ন নতুন করে তুললে তিনি আবারও বলবেন—সব ফেলে

সত্যের সন্ধানার্থে
দুঃস্বপ্ন

ঘুরে বেড়াব। ‘কেন পাশ্ব এ চঞ্চলতা’—এ প্রশ্নের উত্তর তিনিও খোঁজেন ভারত-বর্ষের নানা মানুষের মেলায়, নানা বিচিত্রের বর্ণিল পটভূমিতে। ‘আমার ঘরে থাকাই দায়’ এই বলেই যেন তিনি বেরিয়ে পড়েন—কখনো দূরে, কখনো কাছে। কখনো সীমান্তের ওপারে—কখনো কাছের গ্রামটিতে।

‘কালকূট রচনা সমগ্র’ যারা পড়বেন এবং যারা এই রচনার রসে ইতিপূর্বেই মজেছেন, তাঁরা জানেন যে, ‘অমৃত কুণ্ডের সন্ধানে’ বা ‘অমাবস্তায় চাঁদের উদয়’, ‘স্বর্ণ শিখর প্রাঙ্গণে’ বা ‘কোথায় পাবো তারে’—এরা কেউই প্রচলিত অর্থে ট্রাভেলগ্‌ নয়—ভ্রমণোপন্যাস বললে এদের পুরো পরিচয়টা যেন দেওয়া হয় না। কালকূট ভ্রমণবীর বলে পরিগণিত হতে চান না। তাই তাঁর বৃত্তান্তে কখনো, ব্যক্তিগত এ্যাডভেঞ্চারের বিবরণী থাকে না; অন্যদিকে, গল্পে গ্রথিত ভ্রমণ নির্দেশিকাও নয় তাঁর রচনাগুলি। তাঁর এ জাতীয় রচনার মূল কথাটিও হল ‘মানুষ’—যেটা তাঁর সমগ্র সাহিত্যিক ব্যক্তিত্বের প্রধান অঙ্গে, সেটাই তাঁকে নিয়ে যায় মানুষের মেলায়, মানুষ খুঁজতে। স্মরণ্য ভ্রমণ-রস ‘কালকূট রচনা সমগ্র’তে যদি থাকে তো থাক—এর আসল রস মানব-রস।

তখন একটা প্রশ্ন উঠবে, বিচিত্রের যে পটভূমিকা এ রচনাগুলিতে বিচিত্রের ছায়া ফেলেছে, তা কি শুধুই ছায়া, একান্তই পটভূমিকা? না, তাও নয়। লেখকের মনোনীত পটভূমিকাগুলির সংস্পর্শে অভিজ্ঞতা-লব্ধ ব্যক্তিপাত্রগুলি একটা নতুন স্তর পায়। পট ও পাত্রের এই অঙ্গের ফলেই রচনা-গুলি স্বাদে হয়ে উঠেছে অভিনব, শ্রেণী পরিচয়ে এদের জন্য পৃথক নামকরণ একারণেই অনিবার্হ। এদের বলা যেতে পারে ‘তীর্থ পটে রসচ্ছবি’—তা সে প্রাকৃতিক তীর্থই হোক, আর আধ্যাত্মিক তীর্থ ই হোক। প্রসঙ্গত উল্লেখ্য, তাঁর নিজ নাম নির্বাচনের তাৎপর্য। আজ যে নামে তিনি সারা দেশে পরিচিত সেটাও যেমন তাঁর পারিবারিক নাম নয়, স্ব-নির্বাচিত, ছদ্মনামটিও তেমনি স্বোপার্জিত—পথে পাওয়া। সে কথায় আমরা পরে আসছি। এইক্ষেণে আমাদের আলোচ্য, ছদ্মনামটির তাৎপর্য। ‘কালকূট’ শব্দের আভিধানিক অর্থ প্রাণহ্ন বিধ। আলোচ্য ছদ্মনামটিতে বিষ এবং বিষজর্জর ব্যক্তিটি এক হয়ে গেছেন। এমন ব্যক্তি-পাত্রকেই অমৃত পিপাসা সাজে। সংশয় এবং অবিশ্বাসের বিষে ভরা চতুর্পাখ, যেখানে অপ্রেমের হলাহলেরই প্রাধান্য, সেখানে এই নামটি স্মরণ করিয়ে দেয় এক গভীর সত্য—অতিক্রম করতে হবে এই বিষজর্জর পরিবেশকে। ‘কালকূট রচনা সমগ্র’র প্রথম রচনাটির কথা এই নাম অর্জনের ঐতিহাসিক হিসাবে উল্লেখযোগ্য। এক প্রাক-নির্বাচনী সংকীর্ণ বিষাক্ততার মাঝে মানুষের যে মূর্তি

তিনি প্রত্যক্ষ করেছিলেন তা মান্বষের অমৃতময় মূর্তি নয়। তাঁর লজ্জা সমস্ত মান্বষের হয়েই। তাই বিনয়ের সঙ্গে তিনি স্বনাম নির্বাচন করেছেন ‘কালকূট’। বিষামৃতমধুর-ভিত্তের সন্ধানে তাঁর যাত্রা। যে বিষ বদলে গিয়ে হবে সুখা, সেই বিষকেই নামবাচক বিশেষ্যে রূপান্তরিত করেছেন এই লেখক। প্রসঙ্গত স্মরণ করি লেখকেরই আত্মমোচন—‘বিষের ঘোঁয়া নিয়ে এসেছিল দ্বিতীয় বিশ্বযুদ্ধ। কৈশোর থেকে ঘোবনে পা দিয়েছিলাম সেই বিষের কোঁটা কপালে নিয়ে।’

॥ দুই ॥

কালকূটের রচনা প্রথম প্রকাশিত হল ‘ভোটদর্পণ’-এর মতো অকিঞ্চিৎকর রিপোর্টাঙ্গে—গল্পের এবং সত্য অভিজ্ঞতার স্রোত দিয়ে যা বোনা। কিন্তু প্রকৃত স্বরূপে কালকূট দেখা দিলেন ‘অমৃত কুন্তের সন্ধানে’ গ্রন্থে। এক একটা বই থাকে যেগুলি আসে আর জয় করে। খুব কম বই থাকে যাদের জয়ের পালা ফুরোয় না। ‘অমৃত কুন্তের সন্ধানে’ এমনই একখানি বই। কিন্তু এই বইটির কালোস্তর সাফল্যের কারণ যাই হোক না কেন, তার তাৎক্ষণিক সাফল্যের একটি বিশিষ্ট কারণ ছিল। তখনো আমাদের স্বাধীনতা কৈশোর ডিক্কায়ে নি। বাংলা উপন্যাসের জগতে আঞ্চলিক উপন্যাসের প্রতি যে পক্ষপাত তখন জেগেছিল, তাকে আমরা যত সমালোচনাই করি না কেন, এর একটা মূল ছিল স্বাধীনতা-উত্তর দেশপ্রেমে। যে-দেশপ্রেম এতদিন ইংরেজের প্রতিমুখে স্থাপিত হয়েই আত্মপরিচয় দিয়েছে, সে-দেশপ্রেম এবার আরো গভীরে যেতে চাইল। দেশকে—বিশাল ভারতবর্ষকে সে এবার চিনতে চাইল মমতায় এবং জিজ্ঞাসায়। ‘অমৃত কুন্তের সন্ধানে’ সেই ভারতবোধের অভিজ্ঞানকে প্রথম থেকেই সঘনো ধারণ করে রেখেছে। প্রারম্ভিক ট্রেন যাত্রার ছন্দেই সেই বোধ বাঙ্কত হয়েছে বিপুল বেগে। এ ট্রেনটিই যেন প্রতীক হয়ে ধরিয়ে দিল—‘আমরা বেরিয়ে পড়েছি যে যার ছকে বাঁধা ভ্রাসানটি ছেড়ে বিশাল ভারতবর্ষের বুকে।’ অথচ কালকূট কোনো প্রকার আঞ্চলিকতার ধার ঘেঁষে গেলেন না। এ তাঁর গ্রামের বেগুজুরের বাঁশি—ভারতবর্ষের মহামেলায় বহুবচনের কলরবের মাঝে মাঝে সে-বাঁশিটি তিনি বাজিয়েছেন। এইখানে ‘অমৃত কুন্তের সন্ধানে’ হয়ে উঠেছে অপ্রতিরোধ্য। কালকূটের নিজের কথাটিই এখানে স্মরণ করা যাক :
চোখের সামনে কল্পনা এঁকে দিল একটি ছবি। প্রয়াগের ত্রিবেণী সঙ্গমে মহামানবের মেলা। বলতে কি, কেমন যেন একটা শিহরণ ঢেউ দিল

প্রাণে। বাঁশির ডাক শুনতে এবার ভুল হল না। সারা দেশের যুঁতিখানি যদি দেখতে হয় তবে সেই মেলার প্রাঙ্গণে চলো।”

এবং বর্তমান নিবন্ধ লেখকের কালকূটের সমগ্র রচনা সম্বন্ধেই ক্ষণে ক্ষণে একথা মনে হয়েছে যে তিনি দেশকে, দেশের মানুষকেই খুঁজে বেড়িয়েছেন সর্বত্র। তাঁর এই আকাঙ্ক্ষার বিষয়টি তিনি ব্যক্ত করেছেন বেঙ্গল পাবলিশার্স থেকে প্রকাশিত দ্বিতীয় মুদ্রণ ‘অমৃত কুস্তুর সন্ধান’র ‘বিব্রত’ নামক সংযোজিত ভূমিকায় :

অনেক বিচিত্রের মধ্যে মানুষের চেয়ে বিচিত্র তো আর কিছু কোনো দিন দেখিনি। সে বিচিত্রের মাঝেই আমার অপক্লেশের দর্শন খটেছে। ভেবেছিলাম, একদিন মানুষ ছাড়িয়ে, অথ কোনোখানে আমার সেই অপক্লেশের দেখা পাব।

উদ্ধৃতির শেষ বাক্যটিতে কালকূট যেন একটা অমৃত হ্রদ বাজিয়ে তোলেন। এই কালকূটই ‘কোথায় পাবো তারে’ বলে বোরিয়ে পড়েন, এ কালকূটই ‘কবে তুমি আসবে বলে আমি রইব না বসে’ এ গান গাইতে গাইতে চোখের জল ফেলে। এটাই আসল মানুষ। ‘খুঁজে ফিরি সেই মানুষে’ বলে যখন তিনি ইতি উতি, এ গ্রাম ও গ্রাম আনুগায়ে ভিনগায়ে, নদীতে, প্রান্তরে মানুষের মনের গহীনে ডুব দেন তখনই ব্যক্তির আসল চেহারা ধরা পড়ে। এইখানেই কালকূট-রচনার বিশিষ্টতা। ব্যক্তি ও রচনা এখানেই এক হয়ে যায়।

। তিন ।

‘কালকূট রচনা সমগ্র’কে শ্রেণী বিচারে তিনটি ভাগে ভাগ করা যায়। এক, তীর্থ পরিক্রমা, যথা ‘অমৃত কুস্তুর সন্ধান’ ‘নির্জন সৈকতে’ প্রভৃতি। দুই, জ্ঞানপদ অভিজ্ঞতা, যথা ‘স্বর্ণ শিখর প্রাঙ্গণে’ ‘আরব সাগরের জল লোনা’ প্রভৃতি। তিন, বিচিত্রের সন্ধান, যথা ‘মন চলো বনে’ ‘বনের সঙ্গে খেলা’ প্রভৃতি। এই তিনটি শ্রেণীকে ছাড়িয়ে, এবং তিনটিরই প্রধান লক্ষণ, যথা পরিক্রমা, অভিজ্ঞতা আর বিচিত্রের পিপাসাকে অঙ্গীকার করে আর এক ধরনের লেখা তিনি লিখেছেন, যেগুলিকে বলা যায় কালকূটের গৈরিক পরিচয়। ছোট আকারে ‘খুঁজে ফিরি সেই মানুষে’ এবং বড় আকারে ‘কোথায় পাবো তারে’ জাতীয় লেখায় লেখকের পথপাণল, ঘরপালানো ভাবটি বেশি ফুটে ওঠে। নদীর সঙ্গে তুলনীয় এদের ভঙ্গিমা। তটকে ছুঁয়ে ছুঁয়ে যায়, কিন্তু বাঁধা পড়ে না কোথাও। অমৃত বইগুলি,

কালকূট যা হতে চেয়েছেন তার নিদর্শন। ‘খুঁজে ফিরি সেই মাহুঘে’ বা ‘কোথায় পাবো তারে’ বই দুটিতে পেলাম, কালকূট যা হলেন তাঁকে।

‘অমৃত কুন্তের সন্ধানে’ এবং ‘স্বর্ণ শিখর প্রাঙ্গণে’-র রচনাশৈলী এবং গঠনরীতি কিন্তু এক নয়। হবার কথাও নয়। শুধু পটভূমির জগতই যে এমনটা ঘটেছে তা নয়। লেখকের মনোভঙ্গিরও কিছু পার্থক্য নজরে পড়ে এই দুই গ্রন্থের কাহিনী বয়নে, চরিত্র সন্ধানে। ‘অমৃত কুন্তের সন্ধানে’ সত্যই মহামানবের মেলা। মেলা আর মেলার মাহুঘগুলি মিলে মিশে সেখানে একাকার। লক্ষ্মীদামী শুধু নয়, ঝুসি, এমন কি পাঁচুগোপালকেও আমরা ঐ মেলার বাইরে আর ধরতে পারি না। ‘স্বর্ণ শিখর প্রাঙ্গণে’ সম্বন্ধে এমন কথা বলা যাবে না। পরমেশবাবু, ইভা মালতী মল্লিকা স্মৃতি, ছোট্ট কাকলীকেও খুঁজে পাওয়া যাবে স্বর্ণ শিখরের ছায়া ঢাকা প্রাঙ্গণের বাইরে। এদের কারো কারো জীবনের যে জটিলতা—যেমন স্মৃতি—তা একান্তই নাগরিক জটিলতা। কাকনজজ্বার চির মোন পটভূমিকায় তাদের হাসি কান্না আরো উছলে উঠেছে মাত্র।

‘অমৃত কুন্তের সন্ধানে’-র সঙ্গে ‘স্বর্ণ শিখর প্রাঙ্গণে’-র আরো একটি পার্থক্য আছে। ‘অমৃত কুন্তের সন্ধানে’ বইয়ে লেখক নিজেই একটা চরিত্র। ‘স্বর্ণ শিখর প্রাঙ্গণে’র লেখক চরিত্র বৃত্তগুলিকে স্পর্শ করেছেন দৃষ্টা হিসাবে। নিজেই একটি চরিত্র পাত্র হয়ে ওঠেননি। ‘অমৃত কুন্তের সন্ধানে’ এবং ‘স্বর্ণ শিখর প্রাঙ্গণে’ একই লেখকের দুই দৃষ্টিবিন্দুর রচনা। তাই ভাষাশৈলীতেও সামান্য হেরফের ঘটেছে। ‘অমৃত কুন্তের সন্ধানে’-র ভাষা বেগবান, মেলার মাহুঘ আর দৃষ্টের মতোই চঞ্চল। গতি এই ভাষারও প্রাণ :

দূর পশ্চিমের দিকে তাকিয়ে দেখি, কালো অথচ তীব্র আলোকময়ী জলের স্রোতোরেখা ছুটে আসছে আমার দিকে। আসতে আসতে আচমকা বাক নিয়ে চলে যাচ্ছে দক্ষিণে। যাচ্ছে এই প্রাক্ উষা মুহূর্তে গঙ্গার অস্পষ্ট হিম-বিধু-মুক্তা ধবল তরঙ্গের গায়ে গায়ে। এই মুহূর্তে নীল যমুনার রং হয়েছে নিকষ কালো। দূর পশ্চিমে তার ঝাপসা রেলওয়ে সেতু। উত্তর কোলে জলের বৃক্ থেকেই উঠেছে দুর্গের পাথুরে ইমারত। কী হাওয়া! প্রাণনাশী ঠাণ্ডা হাওয়ায় যমুনার উত্তর তীরের উচু গাছের মাথা ঢুলছে। যেন কাঁপ দিতে চাইছে।

এই বেগবান ভাষার সঙ্গে যদি তুলনা করা যায় ‘স্বর্ণ শিখর প্রাঙ্গণে’র ভাষার, যথা :

বিবেকবাবু চলে গেলেন। কয়েকটা মুহূর্ত বার্চহিল রোডের গাছের ছায়ায় শুক হয়ে দাঁড়িয়ে রইলাম। এতক্ষণ ধরে যা শুনেছি, তাই আবার স্মরণ করতে শুরু করলাম। আর ফিরে তাকিয়ে দেখলাম, আমার মাথার ওপর দিয়ে, ম্যাল রোড ধরে বিবেক তাড়াতাড়ি হেঁটে চলে যাচ্ছেন। আমার গায়ে শুকনো পাতা উড়ে পড়লো। প্রজ্ঞাপত্রিকা উড়ছে। ফার্ন গাছগুলো অল্প বাতাসে মাথা দোলাচ্ছে। উত্তরের দরজা বন্ধ। স্মিতার মুখখানি আমার মনে পড়লো।

তাহলে দেখি, স্বর্ণ শিখরের ভাষা অনেকটা ছবি-ছবি। কিছুটা বা প্রসাধিত। অমৃত কুস্তুর ভাষায় ফুটে উঠেছে মজাজ। স্বর্ণ শিখরের ভাষায় অ্যাপ্ শট। অমৃত কুস্তুর ভাষায় আছে গানের মেজাজ। স্বর্ণ শিখরের ভাষায় উপন্যাসের মেজাজ; অমৃতকুস্তুর কোনো সময়েই উপন্যাস হতে চায়নি। স্বর্ণ শিখর মাঝে মাঝেই উপন্যাসকে ছুঁই ছুঁই করেছে। স্মিতা-সুবীর-বিবেকবাবু যে জটিল কাটাছুটি খেলায় ক্রান্ত, জটিলতা বর্ণনায় ও ব্যাখ্যায় কালকূটের হাত দড় হয়েছে, ‘স্বর্ণ শিখর প্রাপ্তবে’ পড়লে বোঝা যায়। কিন্তু ‘খুঁজে ফিরি সেই মানুষে’ পড়লেই বুঝতে পারি, কালকূটের—আরেক সম্ভার। যাই হোক, অস্বতঃ কালকূটের, হৃদয় পড়ে রয়েছে পথে পথে, যেখানে তিনি খুঁজে বেড়ান তাঁর অটিক গুরু বৈটিক গুরু, এবং সঠিক মনের ঠিকানাকেও। ‘কোথায় পাবো তারে’-তে সেই ঠিকানা ধরে যাত্রা।

॥ চার ॥

‘অমৃত কুস্তুর সন্ধান’, ‘খুঁজে ফিরি সেই মানুষে’, ‘কোথায় পাবো তারে’ এবং ‘অমাবস্তায় চাঁদের উদয়’—একধারার রচনা। কিন্তু রচনারীতি এবং লেখকের মনের কথার ক্রম-গভীরতা ও গূঢ়তা সেই ধারার মধ্যে স্বাদের বৈচিত্র্য এনেছে। অমৃত কুস্তুরে মানুষকে খুঁজতে চাওয়া, বুঝতে চাওয়া। ‘খুঁজে ফিরি সেই মানুষে’ এই ছোট্ট লেখাটিতেও জয়দেব-মেলার প্রসঙ্গ পটে মানুষের ভীড়ে লেখক নিজেকেই খুঁজতে চাইলেন। এটাই আরো গভীরতা পেল, হল বর্ণাঢ্য ‘কোথায় পাবো তারে’ রচনায়। নানা মানুষের আকুলতা ও আত্মিক মাঝখানে সেখানে যেটা গুনগুনিয়ে ওঠে, সেটাই এর আসল কথা—‘কেউ জানে না, তুমি মনের মানুষ মনে অবস্থানো।’ এ সবই তাহলে একটা প্রস্তুতি—অমাবস্তার অধরা চাঁদকে ধরার প্রস্তুতি। না কি সেটাও আরেক প্রস্তুতি—সমস্ত অস্থিরতার মাঝে থাকে বরণের জন্ত তাঁর মনে পড়ে রয়েছে!

কাহিনী বয়নের সাধারণ ধর্ম একটা অবশ্যই পরিলক্ষিত হয়। ‘অমৃত কুন্তের সন্ধানে’ থেকে ‘অমাবস্তায় চাঁদের উদয়’ পর্যন্ত সমস্ত বইগুলিকেই আমরা এ ব্যাপারের সাক্ষী মানতে পারি। যে সাধারণ ধর্মটা আর কিছু নয়—একটা অভিনব পটে-পরিবেশে লেখকের দেখা চরিত্র-পাত্রগুলির ওপরের ঢাকা সরে যায়। এটা একটা সূক্ষ্ম মনস্তত্ত্বের ব্যাপারও বটে। চেনা, অভ্যস্ত পরিবেশে যে-হাসি, যে-কারা আটকে রাখা যায়, চেনা অভ্যাসজীর্ণ প্রাত্যহিকতায় যে-কথা অবচেতনের নীড়ে থাকতে ভালবাসে, নতুন আকাশের তলায় সেই হাসি কান্না, সেই কথাগুলিই ডানা মেলে উড়তে চায় আকাশে। কালকূট সেই কথাগুলিকে ধরতে চান। ‘স্বর্ণ শিখর প্রাঙ্গণে’ বা ‘বাণীধ্বনি বেগুবনে’ বা ‘মন চলো বনে’ কিংবা ‘কোথায় পাবো তারে’—ছোট বড় সব লেখাতেই কালকূটের দেখা সকল মানুষের মনের কথা এভাবেই হয়ে উঠেছে অনিবার্য।

আর, প্রাকৃতির পটভূমিকাই হোক, কি, ‘আরব সাগরের জল লোনা’-র মতো জ্ঞানপদ পৃষ্ঠপট্টই হোক, সব জায়গাতেই একটা লজিক কাজ করছে। ঐ পটভূমি বা পৃষ্ঠপট্টের অসামান্যতাকে কালকূট প্রথমেই আমাদের দিয়ে স্বীকার করিয়ে নিয়েছেন। সেই অসামান্যতায় চরিত্র পাত্রগুলি পরোক্ষে প্রত্যক্ষে অভিভূত হয়ে পড়ে। তখনই তারা সেই অসামান্যতার কাছেই ঢেলে দিতে চায় নিজের বেদনা। এত সরলতা, এত মহামান্বিতা অটলতা যদি চারপাশের প্রাকৃতিক জগতে, তবে আমার মধ্যে কেন এত জটিলতা, কেন এত দৈন্য—এই কথাই তারা বলে। তারা বলে ঐ গিরি-গুপ্তীর ধরিত্রীকে, অশ্রান্ত অকুলের তরঙ্গকে, নদীকে, উপত্যকাকে, অরণ্যকে—কালকূট মাত্র উপলক্ষ্য। এবং কালকূটও কি বলে বসেন না মাঝে মাঝে তাঁর নিজেরই কথা—ঐ অপার সৌন্দর্যের উপকূলে দাঁড়িয়ে, সেই অ-ধরের উদ্দেশ্যে? এই ভাবেই তিনি রক্ষা করেছেন নিজের বিনয়—তিনিও পৃথক্ কেউ নন; ব্যাখ্যায়, বেদনায়, আকৃতিতে আর সকলেরই একজন।

তবু এই সাধারণ ধর্ম সত্ত্বেও, রচনারীতির একটা ক্রমবিকাশ সহজেই নজরে ধরে। ‘খুঁজে ফিরি সেই মানুষে’, ‘কোথায় পাবো তারে’ যদিবা অমৃতকুন্তের ধারাকে কিছু না কিছু রক্ষা করেছে—এই ধারারই শেষতম লেখা ‘অমাবস্তায় চাঁদের উদয়’ সেই ধারাতেই অন্যধরনের লেখা। অন্য রচনাগুলিতে পথটাই মুখ্য—পৌছানো-টা গৌণ। ‘অমাবস্তায় চাঁদের উদয়’-এষ্টমানে হয় কালকূট নিজেই যেন কিছু একটা খুঁজছেন। জীবন সন্ধানে বিস্ময় ‘স্বর্ণ শিখর প্রাঙ্গণে’ও অনুভূত হয়, ‘বাণীধ্বনি বেগুবনে’ও। তবু সে বিস্ময় যেন ‘বাণীধ্বনি বেগুবনে’-তে আরেকটি

স্তর পেয়েছে। বিস্ময় বেদনার পথ বেয়ে পৌছে যায় মধুরের তীরে।

॥ পাঁচ ॥

একটা প্রশ্ন তবুও বাকি থেকে যায়—কালকূট কি আশ্চিক ? তিনি কি শেষ পর্যন্ত কোনো আধ্যাত্মিক চরিতার্থতার সন্ধানী ? কখনো কখনো এ কথার একটা ভিত্তি যে খুঁজে পাওয়া যায় না, তা নয়। ‘কোথায় পাবো তারে’ থেকে একটি উদ্ধৃতি এখানে অপ্রাসঙ্গিক হবে না। :—

সে প্রেমের তত্ত্ব বুঝি না। প্রেম কী, তাই বা কী জানি। তবু যেন মনের মধ্যে কেমন একটা দোলা লেগে যায়। কিসের একটা ধারা যেন উপছে পড়তে চায়। তাতে একটা আনন্দের বোধ যতটুকু, তার চেয়ে বেশী যেন এক হাহাকারের কষ্ট বাজে। মন ছুথানো ব্যথায় যেন কোন শূন্যতায় বাতাসে মাথা কোটে। ব্যক্ত করতে পারি না।

এই যে ‘অব্যক্ত’—যাকে ব্যক্ত করার জন্য লেখকের এত আকুলতা, একে আমরা কিসের আকুলতা বলব ? পথপাগল পথিক রাখো কথা, নিশীথে তব কেন এ অধীরতা ? তবে সব সন্দেহ, অসুমান ঘুচে যায় যখন কালকূটেরই কাছে শুনি আর এক কথা :

অন্ধকারে যেমন জাগে ঝাপসা আলোর ইশারা, তেমনি বোধহয় তার কথা। দেহতত্ত্বের সহজ সাধন, যেন এক অরূপের রূপে জেগে ওঠে। তার ধর্ম কী মর্ম কী, জানি না। মনে বাজে, প্রেম ভজে যেই জন সেই জন সেবিছে মানব।...তখন এক ভিন জগতের দোলা। তখন রূপ ছেড়ে অরূপের খেলা।

কিন্তু একে আমরা ‘সহজ সাধন’ বা আধ্যাত্মিকতা কিছুই বলব না। এর সাংসারিক নামটাই যথেষ্ট ভালো—সে নামটি হলো ‘ভালবাসা’।

একটি রাঙা রাখীই কালকূট, আর কালকূট নামের আড়ালে রয়েছে যে ঔপন্যাসিক এই দুজনকে বেঁধে দিয়েছে তাদের স্রষ্টা। সেই রাখীটার নামও ‘ভালবাসা’।

অরবিন্দ রোড

নৈহাটী

সরোজ বন্দ্যোপাধ্যায়

কালকূট নাম- ২০ পৃষ্ঠার উপর
 কালকূট নাম পৃষ্ঠার উপর ৩ নাম পৃষ্ঠার
 উপর দিখান কিছু নিম্নে বলাইয়া। অতি
 সহজ 'নাম' ~~কালকূট~~ ১৩৮২, সাদিক
 সাদিক ২ দিখান উপর ১১ দিখান, ৩০
 অতি দিখান কিছু পৃষ্ঠার উপর ১৩৮২। অতি
 'নাম' সাদিক সাদিক ১৩৮২
 পৃষ্ঠার উপর ১৩৮২ দিখান ১৩৮২। ১৩. ৮. ৭০
 কালকূট



গাহে অচিন পাখি

কার আজায়, কে বা রাখে নাম।
 নাম, কালকূট। অর্থ যার তীব্র বিষ।
 মনে করতে পারছি না, কেউ মুখে
 আঁচল চেপে হেসে বলেছিল কী না,
 'কী বা নামের ছব্বা!' ভেবেছিলাম
 আমিও। আমিও অমৃত সুখ। কিছু
 এলো না মনে, এলো তো, একেবারে
 সংসার ছাড়া নাম, মহা হলাহল।
 আজ্ঞাটা যে কার, আমি নিজেকে জানি
 না।

অন্তত এই একটি ক্ষেত্রে, লেখার
 কথা বলার আগে নামকরণের ভাবনা-
 টাই আগে মনে আসে। এ কথা
 বিদিত সংসারে, জানেন সর্ব লোকে
 ছদ্মনামের প্রয়োজন হয়, নামের
 আড়াল থেকে নিজেকে ব্যক্ত করা।
 এমন না যে, সংসারেতে এসেছিলেম

কিছু কথা বলবো বলে। বরং বলতে হয়, 'আমি একদিনও না দেগিলাম তারে/আমার ঘরের কাছে আরশীনগর এক পড়শী বসত কয়ে।'...গামখানি যে অর্থে লালন গেয়েছিলেন, বলতে গেলে একদিক থেকে আমারও সেই অর্থেই স্মরণ। আসলে তো আরশীনগরটি তাঁর আপন দেহ, পড়শী হলেন তাঁর সাধক সত্তা। যাকে তিনি সন্ধান করেছেন, দেখতে চেয়েছেন। কেন না, তাঁর সাধন ভজন যা কিছু, সবই যে দেহ ভাঙে অবস্থিত।

কিন্তু আমি তো আর সাধক না। অতএব বলি, নামের আড়ালে থেকে নিজেকে ব্যক্ত করা কথাটা তেমন যুতসই লাগছে না। বরং আমার আরশীনগর যদি হয় জগৎ ও জগৎজন, তাদের মধ্যে আমার পড়শী সত্তাটিকে সন্ধানই নামের আড়ালে ঘুরে ফেরা। ইংরেজীতে একে আইডেন্টিফিকেশন বলে নাকি? যা খুশি বলুক গিয়ে, ওতে আমি নেই। যা বলেছি তা-ই, আড়াল দিয়ে খুঁজে ফিরি বোধহয় নিজেকেই। তারই নাম কালকূট।

কিন্তু এমন নামটি কেন? তা হলে যে প্রাণটি খুলে দেখাতে হয়। দেখলেই বোঝা যাবে, বুক ভরে আছে গরলে, আপনাকে খুঁজে ফেরা, আসলে তো হা অমৃত হা অমৃত! বিয়ে অঙ্গ জর্জর, কোথা হা অমৃত!...কালকূট ছাড়া, আমার আর কী নাম হতে পারে?

ইতিহাস কথাটা বলতে ইচ্ছে করে না, কিন্তু সব কিছুই একটা পশ্চাদপট থাকে। নাটো যারে প্রস্তাবনা বলে। তা হলে সেই প্রস্তাবনার ছোট ঘটনাটি আগে জানান দেওয়া থাক, ছদ্মনামের আড়ালটা কেন দরকার হয়েছিল। যতোদূর মনে পড়ে, সেটা বোধহয় ইংরেজি সন উনিশশো বাহার। তখনো জব্বর রাজনীতি করি। না করতে চাইলে কী হবে। কথায় বলে, যমে ছাড়ে না। ঘাড় থেকে ভূত নামাতে চাইলেই কি ভূত নামে। এখন না হয় রাজনীতি করি না। তা বলে কি বলতে পারবো, রাজনীতি আমাকে ছেড়েছে? যে শিশু ফুটপাথের ওপর না খেতে পেয়ে মরে পড়ে থাকে, রাজনীতির নামাবলি ওর শবের গায়ে দেখি নি। ও কি রাজনীতি করতো? অতএব বলতে হয়, সাধে কি আর বাবা বলি, গুঁতোর চোটে বাবা বলায়। রাজনীতি হলো এমন বিষয়। থাক গিয়ে রাজনীতির প্যাঁচ পাঁচালী, প্রথম লেখাটার কথাই বলি। তখন ভোটরঙ্গের খেলা চলছে দেশ জুড়ে। আমি সত্ত পিতৃহারা। একাদশ দিনে ঘাটকামানো মন্ত্রপাঠ গিয়েছে, দ্বাদশ দিনে বৃষোৎসর্গ শ্রাদ্ধ ইত্যাদি। মৃত্তিত মন্তকে তখন একটি বেশ গুচ্ছ করা শিখা—মানে, টিকি। যাচ্ছিলাম বাসে চেপে, শিল্পাঙ্কলের ওপর দিয়ে। মাঝ

পথে কংগ্রেসের জোড়া বলনের এক বিরাট মিছিল, কিন্তু প্রচণ্ড মারমুখী। ব্যাপার কী? না, বাঙালী এলাকায় নাকি মিছিলের ওপর আক্রমণ হয়েছিল, অতএব এখন তার বদলা চাই। বদলা কী ভাবে নেওয়া যেতে পারে? ব্যারাকপুর মহকুমার শিল্পাঞ্চলের অধিকাংশই তো অবাঙালীর আবাসস্থল। সাধারণ স্ফাপনা লোকেরা কতটুকু বা আর ক্ষতিয়ে বিচার করে? বিশেষ করে স্বয়ং নেতাই যদি উসকানি দেন।

সুতরাং, রোখো বাস! টেনে নামাও মহিলা পুরুষ যাত্রীদের। পেটাও বেধড়ক, বে-ইজ্জত করো অগুরত লোকেদের। টের পেলাম, রক্তচক্ষু আক্রমণকারীদের খর তপ্ত নিঃশ্বাসে স্রার গন্ধ। আমি কিছু বুঝে ওঠার আগেই, এক লাঠিধারী টেনে নামালো আমাকে। মারবার আগে, আমার দিকে তাকিয়ে থমকে গেল। আমি জিজ্ঞেস করলাম, ‘ক্যা ছয়া?’

ধুতি পাঞ্জাবি ন্যাড়া মাথায় টিকি, তার ওপরে এক জ্বান, ‘ক্যা ছয়া’-তেই মুক্তি! বরং একটি কটুক্তি করে, আমাকে বাঙালী এলাকায় না যাবার উপদেশ দিয়ে, আর একজনের ওপর ঝাঁপিয়ে পড়লো। আমার পায়ের কাছে তখন ধরাশায়ী রক্তাশ্লুত অবস্থা। পুলিশ এসেছিল অনেক দেরিতে। তার আগে, রাজনীতির যা ‘ফয়দা’ তা তুলে নেওয়া হয়েছে। ওটাও ভোটরঙ্গেরই অঙ্গ।

সেই ঘটনাই তখন লিখেছিলাম, ছদ্মনামের আড়াল নিয়ে। স্বয়ং জওহর-লালকেও উদ্দেশ্য করে বলতে হয়েছিল, এই সব কুনাট্যরঙ্গের নেপথ্যে তাঁর ছবিও দেখা যাচ্ছে। বলা বাহুল্য, লেখাটি ছাপা হয়েছিল একটি কমিউনিস্ট (অথও) মতবাদী পত্রিকায়। কালকূটের উদ্ভব সেই প্রথম রাজনৈতিক রচনায়, আর সেই শেষ। অর্থাৎ রাজনৈতিক ক্ষেত্রে। নিজের নামের অর্থটা তখনো নিজের কাছে ধরা পড়েনি। কারণ সেই লেখাটা ভুলতে বেশী সময় লাগে নি। মন তখন বড় আনচান করছে।

কেমন আনচান? এইরকম,

‘গুনিয়া বাঁশিরো গান

মন করে আনচান

গৃহকার্য রয় না আমার স্মৃতিতে।’

এ গৃহকার্য আসলে আমার চিন্তার জগৎ। রাজনীতি দিয়ে তা ঘেরা। কিন্তু বুঝতে পারছিলাম না, শরৎ আকাশের মতোই, রাজনীতির মেঘ উধাও হয়ে যাচ্ছে, বুঝতে পারছিলাম না। কেবল, ‘কে না বাঁশি বায়ে বড়াফি

কালিনী নই কুলে।' কে বাজাচ্ছিল সেই বাঁশি, কী বা সেই বাঁশির নাম।
পার্টির নামে একটা বন্ধ জলা থেকে যতোই মুক্তি খটছিল, ততোই নৃকের মধ্যে
এক ধ্বনি, 'তবু ভরিল না চিন্ত।'

ইংরেজিতে 'পেট্রিয়ট' শব্দটা শোনা ছিল। কিন্তু দেশপ্রেমের কোনো
অনুভূতি ছিল বলে মনে হয় না। স্বাদেশিকতা ঘোষণাও অতি ভাসা ভাসা।
রাজনীতির প্রথম দীক্ষাটা কমিউনিস্ট পার্টিতেই খটোজল। এমন যে মনের
আনচান ভাব তার সঙ্গে কি এসব ভাবনার যোগ ছিল ?

তাও কি বুঝতে পেরেছি! পারি নি। এমন সময় প্রয়াগে আসন্ন কুস্ত-
মেলার ঘোষণা। উনিশ শো বাহান্ন তখন অতীত, চ্যুয়ান শুরু। কুস্তমেলার
প্রস্তুতি পর্বের একটি ঘোষণা, সারা ভারত থেকে সেখানে আগমন ঘটবে লক্ষ
লক্ষ ভারতবাসীর। আনচান করা মন হঠাৎ ঠেক খেলো। জামার জেব
শূন্য, ঘরেতে অন্ন বাড়ন্ত। আপন দেশটি ঘুরে ঘুরে দেখবো, আর আমার
দেশের বিচিত্র বিশাল জীবন আর জীবনযাত্রাকে, তেমনি সঙ্গতি নেই। মন
ঠেক খেলো সেই কারণেই।

চোখের সামনে কল্লনা এঁকে দিল একটি ছবি। প্রয়াগের ত্রিবেণী সঙ্গমে
মহামানবের মেলো। বলতে কি, কেমন একটা শিহরণ ঢেউ দিল প্রাণে। বাঁশির
ডাক শুনতে এবার ভুল হল না। সারা দেশের মূর্তিখানি যদি দেখতে হয়
তবে সেই মেলার প্রাঙ্গণে চলো। কী করে বোঝাবো সেই ব্যাকুলতা।
তেমন কথা আমার জানা নেই। কেবল মনে হতে লাগলো, বড়ো অন্ধকারে
আছি। চোখ ভরে দেখা হয়নি আপন রূপেরই বিস্তৃতিকে।

কিন্তু কেমন করে ? রেল গাড়িতে ভাড়া লাগে। ঘোরা-ফেরাতেও থরচ।
কবুল করেছি আগেই, পকেট শূন্য, অন্ন বাড়ন্ত ঘরে। কিন্তু সন্ন্যাসী বিবাগী
তো নই। বোলাঝুলি কাঁধে নিয়ে, জয় গুরু বলে বেরিয়ে পড়ার উপায় নেই।
আমি তীর্থযাত্রীও না। ভিন্‌চালের টান আমার, সঙ্গম টেনেছে আমাকে
আমার দেশের নানা রূপের এক মূর্তি ধরে। মূর্তির হাতছানি দিয়ে। আমার
নিজের পরিচয় যে সেখানে রয়েছে।

এখন উপায় ? কড়ি চাই কড়ি, পারানির কড়ি। পাই কোথায় ? যেতে
আসতে পরিচয়, অগ্রজ সাহিত্যিক মনোজ বসুর সঙ্গে। অনেক অগ্রজ
সাহিত্যিকের মতো তিনিও কিঞ্চিৎ স্নেহ করতেন। তাঁকে অগতির গতি ভেবে
মনের কথা পাড়লাম। তিনি যদি একটু ব্যবস্থা করে দেন, কোনো বড়
পত্রিকাকে বলে কয়ে। কিছু টাকা চাই। যাওয়া আসা, মেলায় থাকা

খাওয়া। ফিরে এসে, তাঁদের কাগজে লিখে ধার শোধ করবো। আর কী-ই বা আমার আছে। ওটাই আমার রথ দেখা কলা বেচা।

মনোজ্ঞদা আশা দিলেন। সাঁজবেলাতে একটি চিঠি লিখে বলে দিলেন, 'এই চিঠিটি নিয়ে যুগান্তর পত্রিকার পরিমল গোস্বামীর কাছে যাও। তাঁকে আমি সব লিখে দিয়েছি, তিনি সব ব্যবস্থা করে দেবেন।'

আহা, প্রাণের মধ্যে যেন ডিগবাজি খাওয়া পাখির খুঁশি। এই মান্নুষেই সেই মান্নুষ থাকে, না হলে সংসারে জীবন চলনের গতি কী? আমি তো ছুটলাম না, কুরঙ্গ ছুট দিল, তুণের খোঁজ পাওয়া ভূমির দিকে। হাতে মনোজ্ঞদার চিঠি। স্থান উত্তর কলকাতার বাগবাজার। মনোজ্ঞদা আগেই জানিয়ে দিয়েছিলেন, 'অফিসের ভিতরে যেতে হবে না, রাস্তার ওপরই শিশির ইনস্টিটিউট-এর একটি ঘরে পরিমলবাবুকে পাবে।'

পেলামণ্ড। দারোয়ান ঘর দেখিয়ে দিল। দেখলাম, ধূতি পাঞ্জাবি পরা, কিছু শীর্ণ একমাত্র ব্যক্তি, চেয়ারে বসে, টেবিলের ওপরে কাগজে কিছু লিখছেন। সঙ্কোচ হলো। ব্যস্ত মান্নুষকে উদ্বাস্ত করবো? কিন্তু মনোজ্ঞদা তো জেনেগুনেই আমাকে এখানে পাঠিয়েছেন সঙ্গে লিখন দিয়ে। তা ছাড়া, আমিও যে এসে দাঁড়িয়েছি স্বর্ণ স্বযোগের মুখোমুখি! আমার নাই রে সময় নাই। দারোয়ানের দিকে ফিরে তাকালাম, সে ঘাড় কাঁকিয়ে বললো, 'বাবুজী পরিমলবাবু।' সমস্কোচে সামনে গিয়ে বললাম, 'নমস্কার। মনোজ্ঞবজ্র এই চিঠি নিয়ে আমি আপনার কাছে এসেছি।'

তিনি মুখ তুলে তাকালেন না, বাঁ হাত বাড়িয়ে, চিঠিটি নিলেন। বাঁ হাতেই চিঠির ভাঁজ খুললেন, কাগজের ধস্‌ধস্‌ শব্দটা এখন ইস্তক কানে বাজছে। কয়েক নিমেষ মাত্র, তাঁর চিঠি পড়া হয়ে গেল। সেটি রেখে দিলেন এক পাশে সরিয়ে। তারপর মুখ না তুলেই, বাঁ হাত তুলে নেড়ে দিলেন। বুকের আর দোষ দেবো কী! ধরফড়িয়ে মার! কারণ, হাত নাড়াটার সঠিক অর্থ না বুঝে, জিজ্ঞেস করে ফেললাম, 'মনোজ্ঞদাকে তা হলে—'

কথা শেষ করার অবকাশ পেলাম না, তাঁর হাত আরো দ্রুত নড়ে উঠলো। এবারের ভঙ্গি শুধু 'না' নয়, দরজার দিকে বিদায়ের সংকেত। বিদায় বলবো, না 'তফাৎ যাও' ভঙ্গি বলবো, আজ পর্যন্ত বুঝে উঠেঁতে পাইরলেম্ না গ! কিন্তু একবারটি তাঁর মুখ দেখতে দেবার স্বযোগ সৌভাগ্যটুকুও কেন দিলেন না, বা কণ্ঠস্বরটি শোনার, অত্যাঁপি তাও বুঝতে পারি নি। বুঝলাম, আমারই পোড়ার মুখ। বুকে মোচড় দিল, বাগবাজারের রাস্তাখানি চোখের সামনে

রাপসা। মানে লাগলো বলবো না, বড় অপমান বোধ হলো। সতেজ খুশি কুরঙ্গের মতো ছুটে গিয়েছিলাম। ফিরলাম তীর বেঁধা আহত হয়ে। স্থপিন্ডের স্পন্দনের তালে তালে বাজতে লাগলো কেবল, 'কেন কেন কেন।'...বেঙ্গল পাবলিশার্সে ফিরে এসে দেখলাম, মনোজ্ঞা তখনো আছেন। তাঁকে ঘটনাটি বললাম।

মনোজ্ঞা বিমর্ষ হলেন, ছু একটি ছোটখাটো মন্তব্য করলেন, তারপরে বললেন, 'ঠিক আছে, আমি দক্ষিণাবাহুকে (দক্ষিণারঞ্জন বসু) একটা চিঠি দিয়ে তোমাকে পাঠাবো। তিনি নিশ্চয়ই একটা ব্যবস্থা করবেন।'

ওরে আমার মাটির হাঁড়ির প্রাণ! একটা মুণ্ডা গানে শুনেছি, 'মাটির হাঁড়ি ভাঙলে জোড়া লাগে না। জীবনটাকে মাটির হাঁড়ি করো না।' কিন্তু আমার হাঁড়ির প্রাণটা তখন চূর্ণবিচূর্ণ। জোড়া লাগবার লক্ষণ দেখি না। মনোজ্ঞা পরের দিন চিঠি দেবেন বললেন। আমাকে ফিরতে হবে কলকাতার বাইরে, রেল গাড়ি ধরে। রাস্তায় বেরিয়ে পবিত্র গঙ্গোপাধ্যায়ের সঙ্গে দেখা। বাড়ি যাচ্ছি শুনে বললেন, 'চল, তোর সঙ্গে একটু হাঁটি।'

কথায় কথায় আমার বৃকের কথা মুখে এলো, বাগবাজারের বৃত্তাস্ত তাঁকে বললাম। তিনি খাস বঙ্গ + আল্-এর ভাষায়, কয়েকটি ফুক ফুক মন্তব্য করলেন। বললেন, 'ওসব মনে পুষে রাখিস না। তোর ভেতরে জিনিস থাকলে, তা চেপে রাখবে কে? আমার উপায় থাকলে, এখুনি তোকে এলাহাবাদ পাঠাবার ব্যবস্থা করতাম। এখন আমার আর সেদিন নেই।'...

কথাগুলো কানে ভাসছে। আমহার্ট স্ট্রিট আর হ্যারিসন রোডের মোড়ে তখন কেন যে হঠাৎ বাতাস ঝাপ্টা দিয়ে উঠেছিল, এখনো বুঝি না। আমি পবিত্রদার চোখের মোটা লেন্সের দিকে তাকিয়েছিলাম।

গভীর রাত্রে, বাড়ি ফিরে পুকুরের ধারে বসে ভাবলাম। দুঃখ-অপমান তখন তল অতল আমার ভাবনা, কেমন করে সেই মহামানবের মেলায় যাবো? ঘরের লোকের সঙ্গে সলা পরামর্শ করলাম। কথায় কথায় বর্মণ স্ট্রিটের কথা উঠলো। আমার চোখের সামনে ভেসে উঠলো একটা মুখ। নিরেট গভীর মুখ, দশ কথার জবাবে তার এক কথা। টেবিলের সামনে গোব্দফ্লেক সিগারেটের প্যাকেট আর দেশলাই, ডিসের ওপর কলাপাতার মোড়কে পানের খিলি। তখনো তাঁকে কচিৎ হাসতে দেখেছি কী না মনে করতে পারছি না। বর্মণ স্ট্রিটের আনন্দবাজার পত্রিকার অফিসের দৌতলায় গোটা দুয়েক ছোটখাটো মহল পেরিয়ে, নিরিবিলি একটি ঘরে তিনি বসেন। ঘরটি 'দেশ' পত্রিকার

অফিস। মহাশয়ের নাম সাগরময় ঘোষ। এর পরেও কি পরিচয় দেবার কিছু বাকি থাকলো?

যার থাকলো তার থাকলো, আমি আপনার। কিন্তু—হায়, ওই কিন্তুতেই থেয়েছে। মহাশয়ের সঙ্গে তখন সামান্য পরিচয়। পিলে চমকানো তাঁর আচরণ নয় বটে, মুখের রেখা কাঁপে না যে! প্রসন্ন আছেন, না অপ্রসন্ন, মুখ দেখে কিছু ধরতেই পারি না। আবার একটা বাগবাজারের ফ্যান্টা (Feasta থেকে চন্দননগরী বাংলায় কথাটা এই অর্থেই ব্যবহৃত হয়, লিখে গিয়েছেন হরিহর শেঠ মহাশয়।) হবে না তো? বাগবাজার না হলেও জায়গাটা বড় বাজারের মুখেই তো।

তবু জয় মা বলে যাই তো। চলে গেলাম তার পরের দিন। এবার আর কোনো চিঠি চাপাটি সঙ্গে নেই। চলো বাড়ি হাত পা, চলো তারপরে দেখা যাবে। মরার বাড়ি নাকি গাল নেই। তবু ‘দেশ’ পত্রিকার অফিসে ঢোকবার আগে ‘বড় আশা করে এসেছি গো’ জপতে জপতে ঢুকলাম। দেখলাম, সাগর-বাবুর মুখোমুখি আর একজন বসে আছেন। খদ্দের ধূতি পাঞ্জাবি পরা, মাথায় চুল ছোট করে কাটা, শক্ত স্বাস্থ্যবান ব্যক্তি। সাগরবাবুকে নমস্কার করে সামনে গিয়ে দাঁড়াতেই, সেই ভদ্রলোক একবার আমার দিকে তাকালেন। মিথ্যে বলবো না, একটু পিলে চমকে উঠলো। রাশভারি চেহারা, গম্ভীর মুখ, তীক্ষ্ণ দৃষ্টিতে আপাতত একটি অনীহা। সাগরবাবু আমাকে বসতে বললেন। বসলাম। তারপর?

তারপর সেই অকম্পিত রেখা মুখ, এবং নির্বিকার পাশের চেয়ারের ভদ্রলোক, কেউ কোনো কথা বলেন না। আমার তো জান ছটকে যাবার অবস্থা। সময় বহিয়া যায়। কিন্তু যেতে দিলে চলবে না। পাশের ভদ্রলোকের সামনেই আমাকে আমতা আমতা করে মুখ খুলতে হলো, সাগর-বাবুর কাছে।

সাগরবাবু বৃত্তান্ত সব শুনলেন, আর শুনতে শুনতে তিনি বারেকারেই তাকাছিলেন সামনের ভদ্রলোকের দিকে। ভদ্রলোক ঘাড় কাত করে, ভ্রুকুটি চোখে আমার দিকে তাকিয়ে কথা শুনছিলেন, আর মাঝে মাঝে সাগরবাবুর দিকেও দেখছিলেন। আমার প্রস্তাব শেষ হতেই, সাগরবাবু সামনের ভদ্রলোককে সম্বোধন করে বললেন, ‘কানাইদা, ইনি হচ্ছেন—’

যিনি কানাইদা, তিনি হঠাৎ মুখ খুললেন। আহ, গজিত স্বরে ও কী মধুর বাণী বাজে! বলে উঠলেন, ‘গুড! ভেরি গুড আইডিয়া! কী বলো সাগর?’

সাগরবাবু বললেন, ‘হ্যাঁ, আমার তো খুব ভালোই লাগছে।’ বলে আমাকে বললেন, ‘ইনি কানাইলাল সরকার।’

নামটা শুনলাম, তাঁর মহিমা তখনো কিছুই জানি না। আমি হাত তুলে নমস্কার করলাম। কানাইবাবু মাথা পাঁকিয়ে বললেন, ‘আপনি চলে যান এলাহাবাদ, আমরা আপনার লেখা ছাপবো। দেশে নয়, আনন্দবাজারে। আপনি কুম্ভমেলায় যেতে চান, দেখতে চান, শুনে খুব ভালো লাগলো। আমি খুশি হয়েছি। আপনি যান, দেখুন আর আমাদের সংবাদ দিন। ফটো তুলতে পারেন?’

আমার অবস্থা তখন কাকেই বা কী বোঝাবো! খুশিতে প্রাণ উগমগ হতে হতেই, বাপ্। তবু বলে ফেললাম, ‘পারি। বক্স ক্যামেরায়।’

কানাইবাবুর মুখে বিছাৎ বলকের মতো একটু হাসি দেখা দিল। সাগরবাবুর দিকে একবার তাকালেন। সাগরবাবুর টেপা ঠোঁটেও কি হাসির ঝিলিক? কানাইবাবু বলে উঠলেন, ‘ওতেই হবে। আমরা নেগেটিভ দেখে শুনে, প্রিন্ট করে বড় করে নেবো। আপনি—হ্যাঁ আপনি ওখানে গিয়ে একটা কাজ করবেন। আপনি নিশ্চয়ই রোজ মেলায় মেলায় ঘুরবেন?’

আমি খাড় কাত্ করে বললাম, ‘হ্যাঁ ওইতো যাচ্ছি।’

‘বেশ, ভেরিগুড।’ কানাইবাবু নড়ে চড়ে বসে বললেন, ‘আপনি যা দেখবেন—আই মীন, বিশেষ বিশেষ সব ঘটনা, রোজ একটা ইনল্যাণ্ড থামে লিখে পাঠাবেন। আমরা সেগুলো সংবাদ করে ছাপবো। আমরা আপনার প্রত্যেকটি চিঠির জন্ম—ইয়ে—(এক মুহূর্ত মুখ বুজে ভাবলেন, জন্মটি চোখের তারা এক কোণে বিদ্ধ হলো, তারপরেই) হ্যাঁ, কুড়ি টাকা করে দেবো। টুয়েন্টি রুপিজ্, অ্যা, কী বলো সাগর?’

সাগরবাবু বললেন, ‘হ্যাঁ ভালোই তো।’

কানাইবাবু আমার দিকে ফিরে বললেন, ‘আপনি ফিরে এসে, আর্টিকেল টাটিকেল গোছের যা লিখতে চান, লিখবেন, আনন্দবাজারের লাস্ট পেজে ছাপা হবে।’

আমি তো যেন বাসর ঘরের বউ। যেমন আনন্দ, তেমনি ভয়। গলার স্বরই যে গর্জানো! বললাম, ‘আচ্ছা।’

‘কিন্তু হ্যাঁ—’ কানাইবাবু বললেন, ‘ওই যে অ্যাডভান্সের কথা বললেন, ওসব হবে না। আগাম টাকা দিতে পারবো না। আপনি চলে যান, যা বললাম করুন, ফিরে এসেই টাকা পাবেন। কবে যাচ্ছেন?’

শেষের কথাতেই আমার এতক্ষণের সব আশা ভূস্। কিন্তু সাহস করে সে কথা কে বলবে? মহাশয়ের চোখের দিকেই তো তাকানো যায় না। বললাম, ‘হু তিন দিনের মধ্যেই।’

‘বেরিয়ে পড়ুন।’ কানাইবাবু বললেন, তারপরেই যেন হঠাৎ তাঁর স্বতি চকিত হলো, বললেন, ‘আর হ্যাঁ, এলাহাবাদে অরুণ মিত্র আছেন—তিনি আমাদের উত্তর প্রদেশের চিঠি লেখেন। আপনি তাঁর সঙ্গেও দেখা করবেন। আমি একটা চিঠিও দিয়ে দেবো, আপনাকে তিনি সাহায্য করবেন।’

মনে আবার উল্লাস ফিরে এলো। অরুণ মিত্র—কবি অরুণ মিত্র! অরুণদা? এলাহাবাদ বিশ্ববিদ্যালয়ের ফরাসী ভাষার অধ্যাপক! বলে উঠলাম, ‘ওঁর সঙ্গে পরিচয় আছে।’

‘ওয়েল দেন’, কানাইবাবু বললেন, ‘তা হলে তো কোনো কথাই নেই। আজই গুঁকে একটা চিঠি পাঠিয়ে দিন। আমিও একটা চিঠি দিয়ে দিচ্ছি। ইটজ্ এ গুড আইডিয়া, একজন ইয়ংম্যান কুস্তমেলো সম্পর্কে ইণ্টারেস্টেড, আমি খুব খুশি হয়েছি, আপনি চলে যান।’

বলে চেয়ার ছেড়ে উঠে বললেন, ‘আচ্ছা সাগর, আমি পরে ঘুরে আসছি।’ তা তো হলো। কিন্তু ম্যাও? ম্যাও সামলাবে কে? আমার নিঃস্বতার কথাটা যে বোঝাতেই পারলাম না। তবু সাগরবাবুকে জিজ্ঞেস করলাম, ‘ইনি কী করেন?’

সাগরবাবু বললেন, ‘পত্রিকার সব কিছু উনিই এখন পরিচালনা করেন।’

তার মানে, সর্বস্বাধীন। কিন্তু—সাগরবাবুর মুখের দিকে তাকালাম। উনি নির্বিকার মুখে, মোটা মোটা আঙুল কয়েকবার টেবিলে ঠুকলেন, এক আধবার গলা খাঁকারি দিলেন। কিছু বলবেন? না, দীর্ঘে স্বছে একটি সিগারেট ধরালেন। তারপরেও প্রায় মিনিট দুয়েক বাদে বললেন, ‘আপনি এটা করুন। টাকা পয়সার অঙ্কবিধে আছে, বুঝতে পারছি। উপায় থাকলে, কানাইদা নিশ্চয়ই ব্যবস্থা করতেন। আপনি যে-করেই হোক, কিছু টাকা যোগাড় করে চলে যান। তারপরে এলাহাবাদে গিয়ে তো অরুণ মিত্রকে পেয়েই যাচ্ছেন। তখন বোধহয় আর আটকাবে না।’

এ যে সব গল্প কথার মতো লাগছে। সাগরবাবুর কথাগুলো শুনে, টাকার জ্ঞাত অতি দুর্ভাবনা যেন কেমন ঘুচে গেল। মনে হলো, এমন কিছু কষ্টিন ব্যাপার তো না। অতএব, মাঠে! চলো চলো, প্রয়াগ চলো। সঙ্গমে ভারত দর্শন।

অরুণদাকে চিঠি লিখে দিলাম। বকস্ ক্যামেরা যোগাড় করলাম চেয়ে ১৮শে। দারি ক্যামেরা মনে করতে পারছি না। কিন্তু রেল কোম্পানীর এক গরম ওভারকোট আমার মেজদা দিয়েছিল, যেটার ওজন আমার থেকেও অনেক বেশী। লম্বায় প্রায় পায়ের কনুই ছোঁয় ছোঁয়। গায়ে পরে, চলতে গেলে, হাল আমলের রোবোটের অবস্থা। তবু উত্তর প্রদেশের মাঘের শীত বলে কথা। সেই হিসাবে ওভারকোটটি একেবারে শীতের গায়ে জমপেশ। আর বলিহারি ঘাই সাগরময় বোম্বের বয়ানের। ‘যে-করেই হোক’ টাকা কিছু যোগাড় হয়ে গেল। বলতে হবে নাকি, সেটা বন্ধু-বান্ধবদের কাছ থেকেই?

তারপরে যাত্রা। একটা প্রবাদ আছে, শব নিয়ে অশান যাত্রা দেখলে নাকি যাত্রা শুভ হয়। আমার কপালে তেমন শুভযাত্রা ঘটে নি। কিন্তু রেলের কামরায় আমার এক জীবিত সহযাত্রীকে মৃত্যুবরণ করতে হলো প্রায় আমার পাশেই। একাকী যাত্রী সে আমার মতোই। পাটনায় যখন তার মৃতদেহ নামিয়ে নেওয়া হলো, উষার আকাশে তখন রক্তাভা। এ-সবই কি যাত্রাপথের কোনো সংকেত? মনে পড়লো, বুক চেপে মারা রাত্রি তার কাশি। উত্থানশক্তিরহিত সে থু থু করে রক্ত ছিটিয়েছিল কামরার দেওয়ালে। প্রাণের ভয়ে কেউ কেউ সে কামরা বদলিয়েছিল। মৃতদেহ নামিয়ে নেওয়ার পরে, আমিও আর সে কামরায় থাকি নি।

এলাহাবাদে পৌঁছে, অরুণদা আর বউদির সাদর আপ্যায়ন, বৃকে জালিয়ে দিল দীপশিখা। ওঁদের একমাত্র ছেলে গোগোল তখন কলকাতায়। একমাত্র মেয়ে টুসি বাবা মায়ের কাছে। কিন্তু আমার প্রাণ যে পড়ে আছে সন্দেহম্বলে। আসবার সময়েই দেখেছি, বিশাল যাত্রীর বহর। সে দেখাটা কিছু না, আসল দেখা আসল থানে। থান মাহাত্ম্য তা নইলে বলেছে কেন? অরুণদা আমার অবস্থা দেখে বললেন, ‘তোমাকে দেখে মনে হচ্ছে, প্রয়াগে মাথা না মুড়িয়ে যাবে না। মার্কসবাদ থেকে একেবারে আধ্যাত্মবাদে।’

সেটাও কথায় আছে, ‘প্রয়াগে মুড়িয়ে মাথা/মরণে পাপী যথা তথা।’ তার মানে সব পাপ শেষ। কিন্তু আধ্যাত্মবাদ? অত্যাধি আধ্যাত্মবাদের অমূল্যত্ব কী, আমি জানি না। প্রাণে তার ক্রিয়া কেমন, আর হৃদয়ে লীলা, কিছুই বুঝিনি। দরকারই বা কী। অরুণদাকে বললাম, ‘দেখতে এসেছি।’

‘কী?’

‘দেশকে।’

অরুণদা বললেন, ‘দেখ। আমরা প্রতি বছরই মাঘ মাসে প্রয়াগের মেলা

দেখি। প্রত্যেক বছরই হাজার হাজার আসে, এবার লক্ষ লক্ষ, যে জন্তু সঙ্গমে একটা আলাদা রেল স্টেশনই করেছে।’

এ সব শুনে প্রাণে ত্বরা লাগে। ঘরে আমার আগমন না, মেলায় আমার শাজা। আহা করলেও নিদ্রার সময় নেই। রওনা দিলাম সঙ্গমে।

দূর থেকে কেল্লার চূড়া দেখেই রোমাঙ্কিত। গঙ্গার বাঁধের ওপরে উঠে, প্রথম জিজ্ঞাসা নিয়ে তাকলাম ঝুসির চরের দিকে। কোথায় ছিল বশিষ্ঠ মূর্তির আশ্রম? কেমন ছিল সেই সময়ের এই ত্রিবেণী সঙ্গমের প্রকৃতির রূপ?

রূপ? রূপ দেখে. পাগল হয়ে গেলাম। ভেবেছিলাম, সারা ভারতের দর্শন পাবো ওই সঙ্গমভূমিতে। কিন্তু দেখছি, বিশ্ব করে কোলাহুলি। পশ্চিমের গোরী গৌরীরাও দেখছি মিলেছে এসে! কাঁধে ঝোলাঝুলি, ঈশ্বরের পুত্রের বাগীর লিখন বিতরণ করে।

সঙ্গমের কাছে গিয়ে পশ্চিম থেকে প্রবাহিনী যমুনাকে দেখলাম। উত্তর থেকে গঙ্গা। সরস্বতী কোথায়? এক সাধুকে জিজ্ঞেস করতে তিনি হিন্দীতে বললেন, ‘সরস্বতী গুপ্ত আছেন। ঝুসির ওদিকে, পূর্বদিকে তুমি তার চিহ্ন দেখতে পাবে।’

সঙ্গমের জলে, কেল্লার প্রতিবিম্ব কাঁপছে। মিলিটারিদের তৈরী পলটুন সেতু, পারাপারের জন্য জোড়া জোড়া আলাদা। যাকে বলে আপ আর ডাউন। ভুল করলেই সেপাইয়ের বাধা। কোন্‌দিকে যাবো, ভেবে পাই না। কোন্‌দিকে তাকাবো বুঝতে পারি না। এ যেন সেই ‘ফুলের বনে ঘর কাছে যাই তারেই লাগে ভালো।’

ঝুসির চরে দেখলাম, নগ্ন নাগা সাধু, কিন্তু প্রাণ চমকায়। সাধু না যোদ্ধা? কোমরে রূপাণ! হাতীর পিঠে মধমলের ওপর নানা রঙের নকশা কাটা, ঝালর দেওয়া আসনের ওপরে আসীন নগ্ন সাধু। নগ্নতার কী বিচিত্র মূর্তি! নগ্ন রূপের মধ্যেও কী গভীর উদাসীনতা। কেবল হাতী নয়, নাগা সাধু অশ্ব সওয়ারও হন। হাতী ঘোড়া মানেই রাজকীয়, কিন্তু তার পিঠে উলঙ্গ উদাসীন সম্যাসী, এমন দৃশ্য কি জগতের কুত্রাপি দেখা যায়?

নগ্নতা তো সারা মেলাতেই দেখতে পাচ্ছি। পাশ্চাত্যের নগ্নতার ছবি দেখেছি। চিরায়ত চিত্রাবলী ছাড়াও হাল ছুনিয়ার পশ্চিমী নগ্নতা নিয়ে আমাদের কী ধিক্কার। কিন্তু নদীর জলে সিনান করি বসিয়া বালুচরে, ভারতীয় নারীদের এই নগ্নতার মধ্যেও দেখেছি ভারত দর্শনেরই এক রূপ। যেন এই পুণ্যভূমিতে আবরণই বা কী! নগ্নতাই বা কী! সকলই সমান, এখানে

সংগেছি প্রাণ। নগ্ন সাধুনী থেকে জনপদের রমণী, সকলেরই নগ্নতার রূপের মধ্যেই উদাসীনতা। অন্য রূপও যে নেই তা না। পশ্চিম থেকে চোখ ফিরিয়ে তাকালে অবাক হতে হয়। চৌদ হাত শাড়িতেও হয়, না যায় ঢাকা, বক্ষ বস্ত্রি মাতিত্বয় উর। কিন্তু মুখ? সেখানেই সব ইজ্জত, তা তোমাকে কখনোই দেখতে দেবো না। চোখে চোখ পড়লে তো কথাই নেই। তার চেয়ে গহিত কাজ নারীর আর কিছু নেই।

কী বলবে? কিসের? তুমি যাও, অল্পভব কর। ভারত দর্শন কর, দর্শন কর আপনাকে। কিন্তু বিপদ ঘটলো সেখানেই। বক্স ক্যামেরা বুকের কাছে ফিট করে টিপ করে টিপেছি মাত্র, অমনি থপ। হাতের দিকে তাকিয়ে দেখি পেঞ্জার খাবায় মুঠি। চোখ তুলে তাকিয়ে দেখি, ইয়া গোঁফওয়ালা সেপাই, पहले बात, 'क्याया, फोटो खिचा?'

‘আজে?’ ভয়েতে প্রথম বাঙলা সমীহের সন্ধানই বেরিয়ে গেল।

সেপাই চীৎকার করে উঠলো, ‘চলো, জলদি চলো।’

জিজ্ঞেস করলাম, ‘কিধর?’

‘মেলা কং কোতোয়ালি মে।’

তার মানে মেলার থানায়। জিজ্ঞেস করলাম, ‘কাহে।’

সেপাই ধমক দিয়ে উঠলো, ‘কাহে? জান্তা নেই, মেলা মে ফোটো খিচনা মনা হৈ।’

বলতে বাচ্ছিলাম, ‘মাইরী জানি না।’ সামলে নিয়ে করুণ মুখে বললাম, ‘মাচ বাতাতা সিপাহীজী, নেই জান্তা।’

ইতিমধ্যে আমাদের ঘিরে একটি ছোটখাটো ভিড়। সেপাই ছাড়বে না, ‘উসব নেই জান্তা, কোতোয়ালি মে চলো।’

কানাইলাল সরকারের মুখটি আমার মনে পড়ছে। ‘ফটো তুলতে পারেন?’ কী কুঞ্গেই না বক্স ক্যামেরা কবুল করেছিলাম। এখন আমার ভারত দর্শন হাজত দর্শন হতে চলেছে! তবু সেপাইকে বোঝাতে চেষ্টা করলাম, সেও বুঝবে না। সহসা এক জটাজুটধারী সাধুর আবির্ভাব। একটু দাঁড়িয়ে শুনলেন, তারপর, সেপাইকে বললেন, ‘ছোড় দে বেটা, লড়কা আছো মালুম হোতা।’

ইজ্জতাল ঘটে গেল। সেপাই ধমক দিয়ে আমাকে ছেড়ে দিল, কিন্তু সাধুকে হুহাত কপালে ঠেকিয়ে নমস্কার করে গেল। ইতিমধ্যে আলোচনা শুরু হয়ে গিয়েছে, অবিজ্ঞিই হিন্দীতে, আরে কত লোক ফটো খিচে নিয়ে

শাচ্ছে, এর আবার বড় বড় কথা। একটা টাকা দিলেই ছাড়। আমি ততক্ষণে সাধুজীর সঙ্গে চলতে আরম্ভ করেছি। তিনি জিজ্ঞেস করলেন, কোথা থেকে এসেছি, কী করি ইত্যাদি। তাঁর মুখ থেকেই শুনলাম, এবারের মেলায় নাগা সাধুদের ঝুসির চর থেকে গঙ্গার শহরের পারে প্রবেশ নিষেধ। প্রবেশ করতে হলে নগ্নতাকে আবরণ দিতে হবে। কিন্তু নাগা সাধুরা আবরণের স্বীকৃতি কখনোই দিতে পারে না, তারা সরকারের নির্দেশ শুনে ভীষণ রেগে আছে।

এই তো আমার সংবাদ গ্রহণ। এমনি করেই সাংবাদিক হওয়া যায় নাকি? সাধু আরো জানালেন, এর নতিজা নাকি খুবই খারাপ হবে।

চললো আমার ভারত দর্শন। রোজ চিঠি একটা লিখি, সংবাদ দিয়ে। কিন্তু কতোটুকু আর লেখা যায়! সংবাদের থেকেও আমার প্রাণে বাজছে অগ্নি সুর! কবির কবিতা আমার প্রাণে বাজছে অগ্নি সুরে। কবির কবিতা আমার চোখে এই ভারত রূপ দেখেই ভোর, 'জন্ম অবধি হম রূপ নেহারছ নয়ন না তিরপিত ভেল/লাখো লাখো যুগ হিয়ে হিয়ে রাখছ তবু হিয়া জুড়ন না গেল।' পুরাণ আর ইতিহাসের স্মৃতি, আর সারা ভারতের মানুষ, তাদের ভাষা পোশাক খাদ্য আর নানান ধর্মীয় আচরণ, মনে হচ্ছে, আমি যুগ যুগান্তের এক লীলাক্ষেত্রে দাঁড়িয়ে আছি। এই রূপের মধ্যে আমার চোখে ভেসে উঠছে, হাজার হাজার বছর আগের নানান ঘটনা। যেন এক আবছায়ায় আমি সবাইকে দেখতে পাচ্ছি।

তবে নাগা সাধুদের বিষয় সেই সাধুজী ভুল বলেন নি। জগদ্বরলাল নেহরু কল্যাণী কংগ্রেসে যাবার পথে মেলা দর্শনে এলেন। আচমন করলেন গঙ্গায়। সেতু পেরিয়ে যেই নাগা সাধুদের আঁখড়ায় ঢুকলেন, তৎক্ষণাৎ সকলে যে যার ঝুপড়িতে ঢুকে, কাঁপ বন্ধ করে দিলেন। জগদ্বরলাল আঁখড়ার উঠানে দাঁড়িয়ে তা দেখলেন, ফিরে গেলেন। নাগা সাধুরা প্রতিবাদ করলেন, তাঁদের অধিকার হ্রননের।

হেসে কেঁদে ধন্য হলাম, আর শেষ দিনটিতে দাঁড়িয়ে দেখলাম সেই মহাশ্মশানের ছবি। পুণ্য স্নানের লগ্ন মুহূর্তে যাওয়া আসার পথের ভুলে, বিশৃংখলায় শত শত মানুষ, নারী পুরুষ শিশু বৃদ্ধ পিষ্ট হয়ে গেল। তারপরে খুঁজে পাই নি অনেক চেনা মুখ। কুরুক্ষেত্রের রণভূমিতে যে কান্না ধ্বনিত হয়েছিল তা কি এই শোকাকর্ষ, আপনজন হারাদের হাহাকারের মতোই? যে বিশাল চিতার আগুন প্রয়াগের আকাশ স্পর্শ করলো, মহাকাব্যের শ্মশান-

ভূমির চিত্র কি এর থেকেও মর্মস্পর্শদ হয়েছিল ?

কে তুমি আমাকে আশ্রয় দিয়েছিলে, নাম কালকূট ? মনে হলো, অশোচ নিয়ে ফিরে এলাম নিজের দেশে।

তা তো হলো। চিঠির সংবাদ ছাপা হয়েছে। ছ' সপ্তাহ ধরে আনন্দ-বাজার পত্রিকার শেষ পাতায় কিছু বিবরণ লেখা হলো। কিছু ফটোও ছাপা হলো। কী করবো, চুরি করেই কিছু ফটো খিচতে হয়েছিল। আর কথাতোই আছে, 'চুরি বিজ্ঞা মহা বিজ্ঞা, যদি না পড়ে ধরা।' পড়ি নি, এটাই যা পুণ্য। লেখা ছাপা হলো কানাইলাল সরকারের নির্দেশে। আরো নির্দেশ, প্রতিটি রচনার জন্তই দক্ষিণা পঞ্চাশ টাকা। খরচের বেশীই পেয়েছি। এইখানেই কানাইলাল সরকারের নামের মহিমা। কথার এদিক ওদিক পাবে না। বরং প্রত্যাশার বেশী সম্মানমূল্য! আর একজনের সেই কথাটি, 'তারপরে এলাহাবাদে গিয়ে অরুণ মিত্রকে তো পেয়েই যাচ্ছেন। তখন বোধহয় আর আটকাবে না।' মস্তের মতো কথা। অরুণদা আর শান্তি বউদি কিছুই আটকে থাকতে দেন নি।

কিন্তু প্রাণে যে অশোচ চলছে। আত্ম শাস্তি, আত্মার পূজা না হলে যে মুক্তি পাচ্ছি না। অতএব আবার চলো সাগরময় ঘোষের কাছে, কালকূটের প্রার্থনা নিয়ে। গেলাম। উহু, মুখের রেখা কাঁপে না। তবু বললাম, যদি আমার বিষবাহী প্রাণের অমৃত সন্ধানের কথা 'দেশ' পত্রিকায় একটু বিস্তৃত করে লেখার অল্পমতি দেন।

কথা শেষ হতে না হতেই ভারি ভারি পায়ের শব্দে কানাইলাল সরকারের আবির্ভাব! সাগরময় ঘোষ আমার প্রার্থনা জানিয়ে দিলেন তাঁকে। গজিত হংকারের স্বরে কী শুনবো, সেই ভয়ে আমি কাঁটা। শুনলাম, 'ইয়েস, হোয়াই নট ? এ তো খুব ভালো কথা, তুমি কি বলো সাগর ?'

সাগরবাবু বললেন, 'হ্যাঁ, আমার তো বেশ মনে লাগছে।'

'নিশ্চয়ই আমারো মনে লাগছে।' কানাইবাবু গজিত স্বরে বেগুধ্বনি করলেন, 'লিখুন আপনি। যতো তাড়াতাড়ি আরম্ভ করতে পারেন, তা-ই করুন। ছদ্মনামে লিখতে চান ? তাই লিখুন! আমার মনে হচ্ছে ভালোই হবে লেখাটা, কী বলো সাগর ?'

সাগরবাবু বললেন, 'হ্যাঁ, ওর কথা শুনে আমার তাই ধারণা হচ্ছে।'

'আরম্ভ করে দিন।' কানাইবাবু যেন এ কথাটি বলবার জন্তই এসেছিলেন এবং চলে গেলেন। পাথরের মুখের রেখা কি কাঁপছে ? না। বেশ খানিকক্ষণ

পরে সাগরবাবু বললেন, 'লেখাটার একটা নাম ঠিক করে ফেলুন। চারটে কিস্তি লেখা হলেই ছাপা শুরু করা যাবে।'

ব্যাস, এই পর্যন্তই। আর 'কিস্তি' কথাটা জীবনে সেই প্রথম শুনলাম। শুরু হলো যাত্রা, 'অমৃত কুন্তের সন্ধানে।' কালকূট তার নামের সংজ্ঞার্থ খুঁজে পাচ্ছে।

ইতিমধ্যে কবে থেকে যেন মুখের রেখা কাঁপতে আরম্ভ করেছে, একটি অনাবিল ভালবাসা আর প্রীতির হাসি ফুটেতে আরম্ভ করেছে সেই মুখে, নিজের কানেই অবাক লাগছে, আমি তাঁকে 'সাগরদা' বলে সম্বোধন করছি, তিনি আমাকে নাম ধরে 'তুমি'। অবাক কাণ্ড আরো, প্রায় অবাক জলপানের মতোই, নিজের কানেই শুনছি, সেই ব্যাঙ্গসদৃশ ব্যক্তিকে আমি 'কানাইদা' বলে সম্বোধন করছি। তিনি কোনোদিনই আমাকে নাম ধরে ডাকেননি, কিন্তু তাঁর জুঁকুটি চোখের তারায় দেখেছি স্নেহের স্নিগ্ধ কিরণ, গজিত স্বরে প্রীতির স্বর।

বলতে গেলে এই আমার প্রকৃত প্রথম লেখার পাঁচালী। কিন্তু শ্রেষ্ঠত্বের সংজ্ঞা আমাকে কে বলে দেবে? ভাবতে ভাবতেই আমার এক অতি প্রিয় পাঠকের দু'একটি কথা না বলে পারছি না। তিনি আমার লেখাটি পড়ার জন্য প্রতি সপ্তাহে মুখিয়ে থাকতেন, আর তারপরে আমাকে একবার গিয়ে তাঁর সঙ্গে দেখা করতেই হতো। তিনি আমার অন্তরে গুরুজন মুখোপাধ্যায় মহাশয়, আমার স্বপ্নের মশাই। তিনি ছিলেন বিদগ্ধ ব্যক্তি। যেমন ছিল তাঁর রসবোধ, আবেগের প্রাবল্যও ছিল বেশ। সাহিত্যের ক্ষেত্রে নানানভাবে আমি তাঁর কাছে কৃতজ্ঞ।

একদিন বিকালে গিয়েছি তাঁর গৃহে, তাঁর কন্ঠ্যকে (মদীয় পত্নী) সঙ্গে নিয়ে। তিনি যেন আমার জন্মই ব্যাগ্র প্রতীক্ষায় ছিলেন। আমরা তাঁর ঘরে গেলাম। ঘরের এক কোণে ছিল তাঁর দ্বাদশবর্ষীয়া কনিষ্ঠতমা কন্যাটি। মুখোপাধ্যায় মহাশয় বললেন, 'ওহে, এইমাত্র তোমার এবারের ক্রমশটা পড়লুম। শ্রামা মেয়েটির জন্য আমার বড় কষ্ট হচ্ছে।'

শ্রামা একটি বিহারের ভূঁইহার পরিবারের অশীতিপর বৃদ্ধের তৃতীয় পক্ষের যুবতী স্ত্রী। মুখোপাধ্যায় মহাশয় বলে উঠলেন, 'তোমার প্রতি মেয়েটির যেরকম টান দেখছি, তাতে তুমি তাকে চুমো খেলেও কোনো অন্যায় হতো না।'


কথাটা বলেই বোধহয় তাঁর থেয়াল হলো, তাঁর কন্যা (মদীয় পত্নী) সামনেই দাঁড়িয়ে। ফল যা হবার তাই হলো, তাঁর কন্যা গভীর মুখে ঘর থেকে

বেরিয়ে গেলেন। কিন্তু কোণে দাঁড়ানো কনিষ্ঠতম কন্যাটি ফিক করে হেসে লাফ দিয়ে বাগানে চলে গেল। দ্বাদশবর্ষীয়া শ্রালিকাটির চোখের তীরায় কবে যে বিদ্যুতের সঞ্চার হয়েছে, তাই ভেবেই অবাক হলাম।

আমার সেই পাঠকটিকে আজ বড় গভীরভাবে মনে পড়ছে। কয়েক বছর আগে তিনি ইহলোক ত্যাগ করেছেন। আমি একদিক থেকে ছুঁড়াগা। অনেক চিঠি, এমন কি কবিতা যা স্নেহ প্রীতিতে ভালবাসার মহার্ঘ এই রচনাটির বিষয়ে, সবই আমি হারিয়েছি।

তারপর ‘দেশ’ পত্রিকায় কালকূটের দ্বিতীয় ধারাবাহিক রচনা ‘কোথায় পাবো তারে’ এবং ‘বিনোদন সংখ্যায়’ ‘অমৃত বিধের পায়ে’। তার মধ্যে আগে পরে আরো লিখেছি। কিন্তু কোন্টি শ্রেষ্ঠ, বলতে গিয়ে ঠেক লেগে যাচ্ছে।

মাগরদা, আপনাকে সন্ধান করেই বলি, আজকাল আপনার কথায় একটি ক্লাস্তির স্বর শুনতে পাই। কেন যেন মনে হয়, আমার সেই ক্লাস্ত দিনটির জন্যই এখনো আমার শ্রেষ্ঠ লেখাটি অপেক্ষা করছে। সঠিক জবাব দিতে পারলাম না বলে মার্জনা করবেন, দৃষ্টি বড় ঝাপসা হয়ে উঠেছে।



সূচীপত্র

ভোটদর্পণ	...	১
অমৃত কুন্তের সন্ধানে	...	১১
স্বর্ণ শিখর প্রাপ্তি	...	২৬৯
খুঁজে ফিরি সেই মাহুঘে	...	৩৯২
বর্তমান খণ্ডের গ্রন্থ পরিচয়	...	৪০৭

ভোটদর্পণ

৩০শে ডিসেম্বর। রবিবার। শীতের সকাল, মেঘমুক্ত নীল আকাশ। বাংলার শীতকালতো, তাতে আবার শীতটাও বেশী পড়েনি। উত্তরে হাওয়া দক্ষিণের এই জেলাটিতে হঠাৎ ধাক্কা গেয়ে বৈকে উঠছিল! জেলা ২৪ পরগণা, কাছেই সমুদ্র।

কিন্তু সেদিকে বিশেষ কারুর নজর ছিল না। ভোটের তরঙ্গে ভাসছে সারা জেলা। তরঙ্গ না বলে বলা উচিত ভোটের জর চড়ছিল, আশ্বে আশ্বে সাধারণের শিরায় শিরায় ঝিমুনো রক্তের বাড়ছিল গতি।

সকাল থেকে দেখা গেল, শিল্পাঞ্চলের ভোটনায়কদের আজকের টার্গেট হচ্ছে ভাটপাড়া। শ্রামনগর থেকে ভাটপাড়া, দীর্ঘ পাঁচ ছ' মাইল তার বিস্তৃতি। সারা ভারতের লোক থিক্ থিক্ করছে সমস্ত অঞ্চলটিতে। রবিবারের ছুটিতে গা ভাসিয়েছে সারা এলাকা...কিন্তু ভোট প্রার্থীদের কাছে এই একমাত্র দিন সব মানুষগুলোকে পাওয়ার।

বর্ষার জলে যেমন আগাছার ভিড় বাড়ে, ভোটের আগে তেমনি শ্রামা মুখুজে খাড়া করেছেন জনসংঘ। পিঙ্গীম জালিয়েছেন, শুনি এ নাকি মুখুজে মশাইয়ের শিবরাত্রির সন্নে। পিঙ্গীম জলে চাঁবতে। ছুট লোকে বলে, চাঁবের ষোগান নাকি হয় বিশ্ববিদ্যালয় থেকে। যাক্ সে কথা।...আইন সচিবের দল থেকে কেটে পড়া শ্রমিকদের এক মাসীমা হয়েছে এ দলের ভাটপাড়ার এসেম্বলীর প্রার্থী।

আজকের সকালে এরা এবং এ অঞ্চলে আচমকা আবির্ভূত কংগ্রেসী নতুন দেবতা দয়ারাম বেরীর দল সবচেয়ে বেশী চঞ্চল হয়ে উঠেছে। দয়ারাম বেরী

তার তিন ফুট শরীরটাকে নিয়ে টুক টুক করে এলাকাতে ঘুর ঘুর করছে, টহল দিচ্ছে তার প্রচার ভান। তাদের কথায় এবং চলায় কেয়ায় বেশ একটা উগলাসি ভাব ফুটে উঠেছে। ষোড়া হলে তার মুখ দিয়ে ফেনা গড়িয়ে পড়ত, কিন্তু বিংশ শতাব্দীতে পেটলের গন্ধ আর ধোঁয়ায় আচ্ছন্ন করে দিয়েছে জগদ্বল কাকিনাড়ার রাস্তা। ফেনা যা গড়াচ্ছে, সেটা মাইক্রোফোনের সামনে ভলান্টিয়ারের মুখ থেকে।

কু-ম-প্র'র বিধানসভার প্রার্থীও ঘুরছেন কুঁড়ে মাথায় করে। রাজনৈতিক আকাশে এ প্রাবণের ঘনঘোরে বর্ষা পিয়াসী ব্যাংএর ডাকাডাকির মত কুপালনীও কুপা না করে পারেননি। ভাই লেহাম তো পড়, তা পরে লাগে তাক, না লাগে তুক, এই ভেবে এরাও আসর জাঁকিয়ে বসেছে। এদলের এসেধলী প্রার্থীটি ইঞ্জিনিয়ারিং কারখানার শ্রমিকদের ভারী আছুরে পিসীমা।

মাসীমা আর পিসীমা অর্থাৎ কর্তা কংগ্রেসের একজন শালী, অপরটি ভগ্নী। জোড়া বলদ খোদ কর্তা মহেশ্বর, মাঝে মাঝে হুঙ্কার ছাড়ছে আর আপনারা তা শুনতেও পাচ্ছেন নিশ্চয়ই।

এরা সকলেই প্রায় মেতে উঠেছে। মাততে পারেনি বলশেভিক পার্টির বিধান সভার প্রার্থী সীতা শেঠ। কেন না, তার অত পয়সা নেই। তার তো আর মিলওয়াল, জমিওয়াল, বিশ্ববিদ্যালয়ওয়াল সাকরেদ নেই। যেটা আছে, সেটা মদিছা আর কিছু দরিদ্র কুলিমজুর, যারা দিবারাত্র কলে মিলে খাটে আর পুলিশের ও কলের সাহেবের চোখরাঙানি ও খেউড় শুন মরে।

আর আমরা ভোটদাতারা, পথে পথে দাঁত বার করে হাসছি, খালি পেটে চা ঢালছি চৌরাস্তার মোড়ে বসে, বাজার থেকে ফিরে আসছি শূন্য থলি নিয়ে, মুখে হাসি বুকে বিষ নিয়ে থিস্তি করছি, শুকনো মুখে ভিড় করছি ডাক্তারের দরজায় আর বোম্বাইওয়ালী সাইয়ার বুকে হাজার পাওয়ারের আলো দেখে ছটফট করছি পোকায় মত।

রোদ পোয়াচ্ছে আগরওয়াল, লাল হুবের দল, সরকারি কর্মচারীরা জমকাচ্ছেন বৈঠকখানা। ওদিকে শ্রামনগরে পোষকালীর মেলা। আটপৌরে মেয়ে পুরুষের দল ছুটেছে সেদিকে।

এমন সময় গৌ গৌ শব্দের সঙ্গে ভেসে এল বন্দেমাতরম্ ধ্বনি। কে আসছেন? দেখা গেল উত্তর মুখে ছুটেছে জনসংঘের সেই দেখে দেখে চোখে পচে যাওয়া মাইক্ লাগানো ঘোর সবুজ গাড়ীখানি, পেছনে আর একখানি

স্বদৃশ মোটরকার। তার মধ্যে মেসোমশাই শ্রীযুত শামাপ্রসাদ মুখার্জে আছেন।
গুটিগুটি বসে। চলেছেন ভাটপাড়ায় কোন্ কেলাবের মাঠে বক্তৃতা দিতে।

জগদলে বেরীর দল বলদের লেজ ভুলে গৌফ মুচড়ে নিল একচোট।
ভাবখানি, ওবেলা দেখে লেবে।

মাসীমা তো কবেই ভাটপাড়ায় চলে গেছে। দেখে শুনে কু-ম-প্র'র
পিসীমা ভাটপাড়ায় চলে গেল। দেখে শুনে কু-ম-প্র'র পিসীমা ভাবল দাঁড়াও,
আমিও গুঁকে (অর্থাৎ পিসেমশাই কৃপালনীকে) এনে দেখিয়ে দিচ্ছি।

ওদিকে ভাটপাড়ার মোড় আগলে বসে আছে মিউনিসিপালিটির চেয়ার-
ম্যান বাবু, বিধানসভার স্বতন্ত্রপ্রার্থী। সে তার এক কমিশনার ভায়াকে বিমুখ
করে নিজেই প্রার্থী হয়ে এখন প্রোচা বাদ্জীর মত হাসছে মিট মিট করে।
অর্থাৎ, তার নাচানাচিতে এখন আর কেউ ভুলবে না বুঝেই সে তার 'রেলগাড়ীর'
দৌড় কমিয়ে ব্রেক কসবার উদ্যোগ করেছে। উদ্বেগ, নেপথ্য থেকেই কান্নার
গলায় ঝুলবে।

বেলা গড়িয়ে চলল, পথঘাট এল একটু ঝিমিয়ে। তবে ছুটির দিন তো।
লোকজন কিছু আছেই। মেলার যাত্রীরা পেটের ভাত হজম না করেই
ছুটেছে। কান্নার খোঁপা ঝুলছে, বেকে গেছে টিপ। আধাভদ্র ও ভদ্রদের
কোলে ছেলপুলে। বাসে কাঁপছে অনেকে। উপোসীরা, ভবঘুরেরা, ভদ্র
বেকারেরা এবং অগেরস্ত কুকুরেরা ঘুরছে রোজকার মতই।

পৌষের দুপুর, কিন্তু মনে হচ্ছে বসন্ত এসে গেছে। ডাকছে কোকিল
হাওয়া উঠেছে এলোমেলো হয়ে। একেই বলে বোধ হয় অকাল বসন্ত। গায়ে
গুটি গুঠাটা যা বাকী আছে।

বাঁড়ের গর্জন শোনা গেল। অকাল বসন্তে কি বাঁড় গর্জায়? উকি
মেরে দেখি, মিছিল আসছে। জোড়া বলদের মিছিল। আর বলদ থাকলেই
ডাঙা থাকবে। হাতে ডাঙা, একেবারে মোক্ষম যাকে বলে।

ভক্ করে নাকে একটা গন্ধ যেতেই থমকে গেলাম। কিসের গন্ধ?
মিছিলের অগ্রগামীদের দিকে তাকিয়ে দেখি, সবাই রীতিমত জেহাদ ঘোষণা
করেছে। শিবনেত্র রক্তবর্ণ হয়েছে, গা টলছে আর জড়ানো গলায় খালি
শোনা যাচ্ছে 'কং কো দো।' অর্থাৎ কংগ্রেসকো ভোট দো।.....এ ল্লোগানটি
না থাকলে মনে হত বুকি একদল ডাঙাধারী মাতাল কোথাও মদ বয়কট-
ওয়ালাদের ঠাণ্ডাতে চলেছে।

জেহাদী মস্তের চরণভরে ধরণী করিছে টলমল। হাওয়া থেমে গেছে,
পথের দুধারে শুক্ক বিমূঢ় জনতা। পথ কাঁপছে, আকাশ ফাটাচ্ছে রৌহঙ্কার।
কিন্তু কার বিরুদ্ধে এ জেহাদ!

এদেরও টার্গেট ভাটপাড়া, রিলায়েন্স মিলের ময়দান। সেখানে আসছেন
আজ শ্রীযুত অতুলা ঘোষ, দেখাবেন তুলনাহীন খেলা।

দেখে শুনে চন্দননগর ফেরতা উটকো মাতালও হেসে উঠল। উটকো
মাতালের বউ সোয়ামীর হাত ধরে চৈচাচ্ছে, ‘ওরে, তুই সারা হপ্তার পয়সা
দিয়ে মাতোয়ালা বনে এলি, বালবাচ্চারা কি খাবে?’

উটকো মাতাল সে কথাই জবাব না দিয়ে থুথু ছেট্টাতে লাগল আর
মিছিলের মাতালদের চীৎকার করে বলতে লাগল, ‘থুক শালা, মাতাল বনেছে
‘হুসরা আদমীর পয়সায়।’

আমরা পথচারীরা খালি পেটে খিল ধরিয়ে হাসলাম। উটকো মাতাল সে
হাসি শুনে থেপে গিয়ে বক্তৃতা দিতে সুরু করল।

ডাঙা মিছিল চলে গেল। পথচারীদের হতভম্ব ভাবটা কেটে যেতেই
একটা ঝড় বয়ে গেল কটুকির। ভালমাল্লষ বাবুরা মিহি করে বললেন, ‘এ তো
গুণামি।’

একটা রিক্সাওয়ালা তার রিক্সার পেছন থেকে ফর্ ফর্ করে ছিঁড়ে
ফেলল জোড়া বলদের পোষ্টারটা।

ধুলোয় ধোঁয়ায় ভরা আকাশ। বেলা চলে গেছে। শীত লাগছে একটু।
বাসে চাপলাম নৈহাটি যাওয়ার উদ্দেশ্যে। পথিমধ্যে একবার উঁকি মারব
অতুল্যচরণের ভোট-বন্দনা সভায়। জায়গা মিলল পাঞ্জাবী ড্রাইভারের
পাশেই। ড্রাইভারের পাশে আর একটি বাবুভায়াও আছেন। সেজেগুজে
চলেছেন বোধ হয় নৈহাটিতে সিনেমাটা আসটা দেখতে, কোন্ না একটু চপ্
কাটলেটও খাবেন বাসন্তী কেবিনের চেয়ারে বসে।

মোটরবাস চলল গৌঁ গৌঁ করে। হোই-জগদল, কাঁকনাড়া, ভাটপাড়া,
নৈহাটি, গৌরীপুর, হাজিনগ...র! কানপাতা দায়। পথে পথে ক’লো
লোকের ভিড়, যেন দলা পাকিয়ে আছে। হাজার হর্নও সরতে চায় না,
শুনতে পায় না।

আকাশ লাল হয়ে উঠেছে, সন্ধ্যা নামছে। গাছে গাছে দিন শেষের
কাকশব্দীর জটলা। এংলো ইণ্ডিয়া শেষ মিলটা পেরুতেই দেখি জোড়াবলদ

ও দয়ারামবেরীর পোষ্টার নিয়ে লোকজন ফিরে আসছে। কি ব্যাশার?...
যারা ফিরে আসছে তারা সকলেই ঘরে বাইরে থেকে জোর করে টেনে নিয়ে
যাওয়া এবং পোষ্টার চাপিয়ে দেওয়া লোক। তাদের মুখে বিরক্তি ও ভীতির
চায়া। বোঝা যাচ্ছে তারা রিলায়েন্সের ময়দান অবধি পৌঁছয়নি, তার
আগেই এ্যাবাউট্ টার্ন করেছে।

একটু নড়েচড়ে বসলাম। পাশের বাবুভায়া একটি সিগারেট ধরালেন।
নাকের ভিতর দিয়ে একটা শব্দ করল পাঞ্জাবী ড্রাইভার।

মিছিল থেকে ফিরে আশা লোকের ভিড় বাড়ছে, পথের দুপাশ ধরে আসছে
তারা। একটা লোক দরমা আঁটা পোষ্টার ফেলে দিল ছুঁড়ে নর্দমায়।

এর মধ্যেই একটা নতুন মিছিল দেখা গেল সাধুদের। চারটে ঝাটা সাধু
রিকসায় বসে, একদল টোল করতাল বাজাতে বাজাতে চলেছে।

সামনে তাকিয়ে দেখি কাঁকনাড়ার মোড়ের কাছে অসম্ভব ভিড়। যত
এগোই, তত ফিরে আসা মিছিলের লোকগুলোর মুখে দেখি ত্রাস, গতি
হ্রত। অত্যন্ত সাধারণ কলে খাটা লোক এরা। গোলমালের আঁচ পেয়েছে
যেন।

পেপার মিলের সাইডিংএর কাছে আসতেই হঠাৎ বাসের গায়ে ভুমদাম
করে কয়েকটা লাঠি পড়ল। পাঞ্জাবী ড্রাইভার বলে উঠল, ইলোক বহারে
ফুঁত মচাতা।...বাবুভায়া বললেন—যত সব ঝাষ্টি...

আর খানিকটা এগুতেই একদল ক্ষিপ্ত লাঠিধারী বাসের পথরোধ করে
দাঁড়াল।

বাস থেমে পড়তেই ক্ষিপ্তের দল অন্ধের মত লাঠি ঘোরাতে লাগল বাঁই
বাঁই করে। হুলা, থিস্তি আর দাঙ্গা।...

ড্রাইভারের পাশের দরজাটাতে একটা মোটা হাত এগিয়ে এল, দরজাটা
খুলে ফেলার জন্ত। তাকিয়ে দেখি সেই মিছিলের মাতালদের একজন। মুখে
মদের গন্ধ, মাথায় গাঙ্গুী টুপী, হাতে ডাণ্ডা। সে গর্জাচ্ছে, 'উতরকে
আও!'

দরজাটা খুলে যেতেই সে এক হ্যাচ্‌কায় আমাকে টেনে নামিয়ে আমার
আঁপাদমস্তক দেখতে লাগল।

তার চোখের দিকে তাকিয়েই আমার মনে পড়ে গেল আমি বান্দালী।
বুকের মধ্যে ধব্বক করে উঠে আমার কানে খালি একটা শব্দ বাজতে লাগল

টিপ্ টিপ্ টিপ্। গুণ্ডার দৃষ্টি অলসরণ করে নিজের মাথায় হাত দিয়ে দেখলাম, আমার মাথায় চুল চাঁচা, কোয়াটার ইঞ্চি একটি টিকিও আছে। মনে পড়ল আমার মৃত পিতার শ্রাদ্ধ হয়েছে কয়েকদিন।...আততায়ী বুঝতে পারছে না আমি বাঙ্গালী না অবাঙ্গালী।

সেই বাবুভায়াকেও টেনে নামানো হয়েছে। কানে এল বাবুভায়া জিজ্ঞেস করছেন,

‘কি হয়েছে ভাই?’

একটা মাত্র আঘাতের শব্দ পেলাম, দেখলাম বাবুভায়া আমারই পায়ের কাছে মুখ থুবড়ে পড়েছেন।

আমি প্রাণভয়ে চৈতিয়ে উঠতে চাইলাম, কিন্তু গলার স্বর নেই। কানে একটা আর্তনাদ ভেসে এল, ওরে বাবা রে...মরে গেলাম রে।...বাসের প্যাসেঞ্জারদের টেনে টেনে নামানো হচ্ছে।

নিজের নাম নিয়ে নিজেকে মনে মনে ডেকে বললাম, ওরে মরবার আগে একটু চেষ্টা কর। একটা কথা বল। মাথার উপরে যে তোর ডাঙা!

জিজ্ঞেস করলাম, ‘কা হ্যা?’

প্রশ্ন শুনে খুনী সংশয়ান্বিতভাবে আমার হাত ছেড়ে দিল, সরিয়ে দিল ধাক্কা দিয়ে। বলল, ‘দেখতা নেই কা হ্যা?’

সে আমাকে অবাঙ্গালী ভেবেই ছেড়ে দিয়ে গেল। তাকিয়ে দেখি পথচারীদের উপর খুনীদের ডাঙা পড়ছে নির্মমভাবে। মৃত্যুভয়ে সব চীৎকার করছে, ছুটছে, তাদের পেছনে ধাওয়া করছে কংগ্রেসী ভ্লাটিয়ার মাতালেরা। উত্তর পূর্ব কোণে একটা ধোঁয়ার কুণ্ডলী পাকিয়ে উঠেছে। আগুন লেগেছে সেখানে।

কিন্তু আমার কানে তখন বাজছে, হয় তো বৈচেছিন্স। এবার পালা, পালা তাড়াতাড়ি। কিন্তু কোথায় পালাব? সামনে পেছনে খুনীদের তাণ্ডব। মিউনিসিপ্যালিটির দিকে তাকিয়ে দেখি দরজা জানালা সব বন্ধ। প্রাণভয়ে যারা মিউনিসিপ্যালিটির মাঠের দিকে যাচ্ছে, তাদেরও ওরা তাড়া করে গিয়ে মারছে। কোথায় যাব?

সামনেই ফায়ারব্রিগেডের স্টেশন, মাত্র পনের হাত দূরে। যেতে পারলে হয়তো বাঁচব। কিন্তু পা সরছে না। যদি চিনে ফেলে।...ওখানেই যে তাণ্ডবটা সবচেয়ে বেশী হচ্ছে।

তবুও এগুলাম। মিনিটে এক পা করে।

ফায়ারব্রিগেডের গেটের সামনেই তখন একজন সাইকেল আরোহী পথিকের উপর কয়েকজন ঝাঁপিয়ে পড়েছে।—মার, মার শালাকে।

সামনের মন্দিরের কাছে দাঁড়িয়ে একজন কংগ্রেসী উত্তেজিত বক্তৃতার ফোয়ারা ছুটিয়েছে। আমার পাশ দিয়ে ছুটে চলেছে খুনীরা। তাদের ছোট্টা ঝাপটা লাগছে আমার শরীরে। ওরা পাঞ্জাবী ড্রাইভারকে ছেড়ে দিয়েছে। সে গালি বাস্‌টা নিয়ে ছুটে বেরিয়ে গেল উত্তর দিকে।

একটা খুনীর চীৎকার ভেসে এল, ওই...ওই যাতা হায়।

আমার দিকেই ছুটে আসার শব্দ পেলাম, অনেকগুলি পায়ের শব্দ। আসছে...আমার দিকেই আসছে।...কিন্তু আমার ঝাড়া মাথা। চিনতে পারবে কি?

পা এঁটে গেছে মাটিতে, মিটিয়ে গেছে শরীরটা। ঘাড়ের পিঠে সমস্ত শিরঃ উপশিরা একেবেঁকে উঠেছে ভাঙা খাওয়ার আগ মুহূর্তে। একবার, মাত্র একবার চেষ্টা করলাম ছোটবার, একটা ঝাঁকানি দিলাম শরীরটাকে।

কিন্তু পারলাম না।

ছুটি গ্রাম্য মহিলা আর একটি বৃদ্ধ ফায়ারব্রিগেডের গেটের সামনে অসহায়ের মত আঁকুপাকু করছে। কোথায় যাবে তারা, কোন্‌দিকে? পানপুরে? না কি কেউটেতে? কিন্তু চারদিকে যে দাঙ্গার দাবানল!

আমার পাশ দিয়েই একজন মার খেয়ে গড়িয়ে পড়ল নর্দমাতে।

মা! মাগো!...

কে বলল? ওই আহত, না আমি? আমি...আমিই বলেছি।...ভারতের কোন্‌ মা এই দাঙ্গাবাজদের জন্ম দিয়েছে? কোথায়, কোন্‌ নিরালা গাঁয়ে, কোন্‌ বস্তীর অন্ধকূঠরীতে সেই মা মাটিতে কপাল কুটে আত্মহত্যা করতে চাইছে।...চারদিকে অতুল্য ঘোষ ও দয়ারাম বেরীদের ছায়া ঘুরছে, পরাজয়ের ভয়ে ফিষ্ট উন্নত।...মা, এই দেশের মাটিতেই কি তুই তোর আঁতুড় ঘর পেতেছিলি, ঢেলেছিলি রক্ত, ছিঁড়েছিলি নাড়ি?

ফায়ারব্রিগেডের সামনে আসতেই এক লাফে ভিতরে ছুটে যেতে চাইলাম। বাধা দিল একজন অফিসার।—আপনারা সব ভেতরে ঢুকলে, ওরাও যে ঢুকবে।

আমার কানে এল আমারই তিক্ত উত্তেজিত গলা, তবে কি মরব?

অফিসারও কেমন ভীত। অন্ধকার মুখে অপ্রতিভ হয়ে বলল, তবে যান,

ভিতরে গিয়ে একেবারে ঘরের মধ্যে বসে থাকুন, যেন দেখতে না পায় আপনাদের। তাহলে আমরাও মরব।

ফায়ারব্রিগেডের ভেতরে ঢুকতেই, যেমন করে চড়ুই দোয়েল পুচ্ছ নাড়ে, তেমনি যেন নড়ে উঠল আমার শিরদাঁড়াটা। বেঁচেছি...বেঁচেছি।...

আমার পেছন পেছন এল সেই গ্রাম্য পরিবারটি।

গঙ্গার দিকে যাওয়ার নিরালা পথটা দিয়ে একটা বারো-তের বছরের ছেলেকে গুণ্ডারা তাড়া করেছে।

ফায়ারব্রিগেডের কর্মীরা জটলা করছে, হাত কচলাচ্ছে, পায়েচাষী করছে। সামনেই রাস্তার উপর, গলির মধ্যে যে তাদের অসহায় স্ত্রী ও শিশুরা রয়েছে। সাহায্য চাইছে অফিসারের কাছে। অফিসার অস্বস্তিভরে উত্তেজিতভাবে জবাব দিচ্ছে, কি করব আমি বল? থানায় কোন অফিসার নেই, সেপাইরা নাকি সব টালিগঞ্জে না কোথায় গেছে। আমি কি করব?

একজন সাধারণ কর্মী কঁদে ফেলেছে ভয়ে আর উত্তেজনায়, সরকার... আমার সরকার!...

একটা মোটর সাইকেল আমার শব্দ পাওয়া যাচ্ছে। আসছে বুঝি তা' হলে পুলিশ।...কিন্তু চীৎকার বেড়ে উঠল দাঙ্গাবাজদের। দ্রাম্ করে শব্দ হয়ে মোটরসাইকেলের শব্দ বন্ধ হয়ে গেল।

একটু পরে ফায়ারব্রিগেডের কর্মীরাই এনে তুলল রক্তাক্ত দেহ একটা। নিরীহ মোটরবাইক-আরোহীটির।

কে একজন ফুঁপিয়ে ফুঁপিয়ে বলছে, আমার মাইয়ার জামাইডারে ধইরা রাখছে, বুঝি মাইরা ফালাইছে।

কখন অন্ধকার নেমেছে টেরও পাইনি। লক্ষ্য করে দেখলাম, আমার মত আরও কয়েকজন এসে সেখানে আশ্রয় নিয়েছে। মেয়ে পুরুষ, শিশু বৃদ্ধ। রবিবারের ছুটিতে তারা বেরিয়েছিল।

এখনো লোক আসছে এখানে। আসছে নানান খবর নিয়ে। কোথায় নাকি মেয়েমানুষকে বে-ইজ্জৎ করেছে, মেরেছে।

ওদের ভোটপ্রার্থী কংগ্রেসী নেতা নিজেকে নাকি আগুন লাগাবার হুকুম দিয়েছে।

তখনো চলেছে ঘোর তাণ্ডব, তখনো শোনা যাচ্ছে অসহায়ের তীব্র আত্ননাদ।

পুলিশ এল। এল শ্মশান আগলাতে, ভাগাড়ের পাহারাদারিতে।

কোলাহল স্তিমিত হয়ে আসছে। গৌঁ গৌঁ শব্দ উঠছে ট্রাকের। ছুটন্ত গুটের আওয়াজ এদিক ওদিক করছে।

একদিকে কাঁকনাড়া, আর একদিকে ভাটপাড়া। দুইদিকে দুই ভিন্ন প্রদেশের লোকের ভিড়। কিন্তু কি আশ্চর্য! কাঁকনাড়ার মোড়ে একটা বাঙ্গালীর দোকানও লুট হয়নি, দোকানীরা মারও খায়নি।...কেমন করে থাকে? দাঙ্গাবাজরা যে বেশীরভাগই ভাড়াটে গুণ্ডা, কংগ্রেসের নতুন ভলান্টিয়ার আগন্তুক। তারা যে জানে না এদের প্রাদেশিক পরিচয়। জানলে রক্ষা ছিল না।

যেখানে হয়েছে, সেখানেই ছিল স্থানীয় নামকরা শয়তান ও গুণ্ডার দল, যারা প্রতিমুহুর্তে সুযোগের সন্ধানে ফেরে নিশাচর খাপদের মত।

ভাঙা মোটা কাঁপা গলায় গান ভেসে এল,

I was with you the whole night.....

হুড়্ গোলা মোটিরকারে চেপে চলেছে মত্ত খেত-প্রভুরা, কোলে তাদের অর্ধ উলঙ্গ রক্ত-সঙ্গিনী, এই ভীত সন্ত্রস্ত শ্মশানের বুকে আজ এদেরই পুরা আজাদি। ওরা হলো বেড়ালের মত আরামে গোড়াচ্ছে, শিব দিচ্ছে কাঁপা কাঁপা সুরে।

আর আমরা এদেশবাসীরা শেরালকুহুরের মত ছোট্টাছুটি করছি অন্ধকারে। কার মোটা গলার আঁ আঁ শব্দ শোনা যাচ্ছে। বোধ হয় আমার। ফাষ্ট এইডের লোক এসেছে দু'জন পুলিশের সঙ্গে।

কে একজন আর-একজনকে দেয়ালের পাশে ফিস্ ফিস্ করে বলছে, এক দাঙ্গা ছেড়ে আর এক দাঙ্গা...আমরা সব দাঙ্গায় মরব...উঃ। জানোয়ারের দল!...

রাত্রি প্রায় দশটার সময় ফায়ারব্রিগেডের একটা ব্যারাকপুরগামী গাড়ীতে উঠে পড়লাম।

আনাচে কানাচে অন্ধকারে বেঞ্চালয়ের ধারে ঘাপটি মেরে আছে তখনো শয়তানেরা। যারা পারেনি প্রাণধরে বাড়ীর বাইরে থাকতে, যারা চলেছে বাড়ীর উদ্দেশ্যে আমাদের সামনেই তাদের আক্রমণ করে ছিনিয়ে নিচ্ছে পয়সা, জামা চাদর।

ব্রিগেডের গাড়ী হু হু করে ছুটে চলেছে দক্ষিণ দিকে।

জগদলের দিকে উত্তেজনা আছে, ছ'একটা চোরা ঘটনাও ঘটে গেছে কিন্তু এখনো ঠিক সুবিধে করতে পারেনি।

পরদিন ১লা জাহ্নয়ারী, ইংরেজদের নববর্ষ। জহরলাল নেহরু আসছেন ব্যারাকপুরে পশ্চিমবঙ্গের সামরিক ঘাঁটি-সহরে।

পথে এসে যখন দাঁড়ালাম, দেখলাম স্থানীয় কলকারখানার লরীগুলোতে মানুষবোঝাই, চলেছে ব্যারাকপুরের দিকে। লরীর কন্ভয়। চলেছে লাঠি ভাঙাধারীর দল, ছুরি আর ড্যাংগার নিয়ে, খাপে ঢাকা তলোয়ার বাগিয়ে ধরে সাদা টুপী মাথায় দিয়ে।

স্থানীয় নামকরা গুণ্ডা, সর্দারের দল তেরঙ্গা বাণ্ডা নিয়ে প্লোগান দিচ্ছে। জোর করে রিক্সায় চাপছে একসঙ্গে তিনজন, চারজন। ভীত রিক্সাওয়ালারা পেট পিঠ এক করে প্রাণের ভয়ে প্যাডেলে চাপ দিচ্ছে।

পথে কাতার দিয়ে দাঁড়িয়েছে জনতা; নিশ্চল, অবাক, সঙ্কস্ত।

কিন্তু একদিন এই জনতা এমনি বিমূঢ় নিশ্চল দাঁড়িয়েছিল না। ভারতের প্রধানমন্ত্রী, সর্বশ্রেষ্ঠ নেতাকে দেখবার জন্ম সেদিন এরা মিছিল করে ছুটে গিয়েছিল। সেই পথের মোড় আজ বেঁকে গিয়েছে একেবারে উল্টো হয়ে।

আজ চলেছে ভাঙাধারীরা, ছোরা আর তলোয়ার নিয়ে। গতরাত্রের মত্ত রক্তচক্ষুতে কুৎসিত ইন্ধন নিয়ে।

এই মত্তদের রিক্সায় চাপা ও কোম্পানীর লরীর কন্ভয় দেখে কে একজন ফিস ফিস করে উঠল, মাইরী, সেই লড়াইয়ের সময় আমরিকানলোগ্ শালা এইভাবে যেত।...

স্বপ্নোগ বুঝে একটিভ্ হয়ে উঠেছে মজুরদের মাসীমা পিসীমার দল।

আত্মবিশ্লেষণ

মাঝে মাঝে মনে হয়, মন যেন এক সর্বনেশে যন্ত্রবিশেষ। বর্ষে বর্ষে ঋতু বদলায়, তার সঙ্গে রূপ বদলায় এই পৃথিবীর। কত তার রূপ, কখনো দেখি জলশূন্য রিক্ত মাঠ, সহস্র ফাটল কেটে চোচির হয়ে আছে। সেই ফুটি-ফাটা মাঠের উপর দিয়ে পাগল হাওয়া হা হা করে ছুটে যায়। মনে করি, রিক্তা ধরিত্রী নিঃশব্দ কান্নায় গুমরে উঠছে। অগ্নিশ্রাবী আকাশ। গাছে পাতা নেই, কলকাকলী নেই বিহঙ্গকুলের। বিশ্বসংসার জলছে নিরন্তর।

আবার দেখি, কোন্ অদৃশ্য লোক থেকে সহস্র ধারে আসছে বন্যা। আকাশে মেঘের ছড়াছড়ি। ভেসে গিয়েছে মাঠ, সবুজ শস্যে ভরে উঠেছে তার বুক। সোহাগী গর্ভবতী হঠাৎ হাওয়ার শিউরিনিতে কেঁপে কেঁপে উঠছে হাসিতে।

মনের দিকে তাকিয়ে দেখি, সেখানে শূন্য। লোকে বলে, মনের মাহুঘ মেলে না। তাই কি! মনের সঙ্গে কোনদিন বোঝাপড়া করলাম না। শূন্য মন নিয়ে আমরা দিবানিশি ছুটে চলেছি বৈচিত্র্যের সন্ধানে। কী চাই জানি নে, পাওয়ার জন্য পাগল হয়েছি। তাই কেউ বলেছে, 'ত্রেখা তারে খুঁইজে মরা মাটির এই বৃন্দাবনে।' কেউ বলেছেন, 'একবার—আপনারে চিনলে পরে, যায় অচেনারে চেনা।' মনের এই বিড়ম্বনার কথা আর একজন বলেছেন,

‘যাহা চাই তাহা ভুল করে চাই

যাহা পাই তাহা চাই নে’

বৈচিত্র্যের সন্ধান, আমাদের মনেরই সন্ধান। মাহুঘ খোঁজার ছলে আমরা মন খুঁজি। তাই বন্ধু যখন বিদ্রোপ করে বললে, ‘কেন যাচ্ছ কুন্তমেলায়? ধর্ম করতে নাকি?’ ধর্মের নামে যে-হিসাবে ধার্মিক বোঝায়, আমি তা নই,

আবার বিধর্মীও নই। আমরা সেই মানিকবাবুর ‘লেবেল ক্রসিং’-এর নায়কের মত।

বললাম, ‘দেখতে!’

‘কী দেখতে? লক্ষ লক্ষ ধর্মীক মানুষকে?’

ধর্মীক! লক্ষ লক্ষ মানুষ যদি ধর্মীক হয়, তবে খুঁজেই দেখি না কেন, লক্ষ মনের কোন্ চোখে পরানো আছে সেই হুঁলি। মনে পড়ছে এক প্রোচা বিধবার কথা। বাঙালী বিধবা কুস্তমেলার গন্ধার উপরে এক ভাসমান সেতুর কোণে বসেছিলেন আঁহিক শেষ করে। সন্ধ্যা নামছে। আমিও যাচ্ছিলাম জলের দিকে। মহিলাটির গায়ে পা লেগে গেল। বাঙালীর ছেলে আমি। সসঙ্কোচে ক্ষমা চেয়ে হাত বাড়লাম ওঁর দিকে। উনি তাড়াতাড়ি আমার হাত ধরে চিবুকে হাত দিয়ে সশব্দে আজুলটি চুখন করলেন। স্বভাবতই অনেক কথা হল। ওঁর একটি কথা এখানে বলব।

কথার পিঠে কথা দিয়ে একবার কয়েক মূহুর্তের জন্য চুপ করে রইলেন। মুগ্ধ চোখে তাকিয়ে রইলেন মেলার ভিড়ের দিকে। তারপরে বললেন, ‘বাবা, মানুষ মিলে মেলা, মানুষের মেলা। যখন ভাবি, এই লক্ষ লক্ষ মানুষের মেলায় আমিও একজন, তখন সুখে আনন্দে আমি আর চোখের জল রাখতে পারি নে।’

এখন মনে পড়ছে সে কথা। কিন্তু তখন বন্ধুকে বলেছিলাম, ‘ধর্মীক কিনা জানি নে, তবে মানুষ দেখতে যাচ্ছি। আমাদের সব কিছুতে সাধ মিটতে পারে। সাধ মেটে না মানুষ দেখে, মানুষ চেখে! মানুষের চেয়ে বিচিত্র এ সংসারে আর কী আছে?’

বললাম, বন্ধু খুশী হয় নি। বিজ্ঞপে বঁকে ছিল তাঁর ঠোঁট! অনেক তর্ক সে তপন করেছিল। এখন সে তর্কের কথা তুলে লাভ নেই। তর্ক করেও লাভ নেই। আমরা যা দেখি নি, যা পাই নি, তাই দেখবার ও পাবার জন্য ব্যাকুল হয়ে উঠি। অজানা আমাদের হাতছানি দিয়ে ডাকে।

সত্যি, অষ্টগ্রহর মানুষের সঙ্গেই বাস করি। মানুষের কত রূপ দেখি। কিন্তু যেখানে চলেছি, সেখানে আরও কত মানুষ, কত তার রূপ! যে প্রতিবেশীকে বছরের পর বছর দেখেও কোনদিন চোখে পড়ে নি, পরিবেশের গুণে তার বিচিত্র রূপ দেখে আমাদের মন ভুলে যায়। কী কথা! হাজার দিন

দেখেও যে মন ভোলে না, সে একদিন সব ভোলে। মন চিনি না। তাই তো
বারে বারে রূপ দেখি।

জনম অবধি হাম রূপ নেহারতু

নয়ন না তিরপিত ভেল।

এত রূপের ক্ষেত্রে ফিরি কেন আমরা। মন খুঁজি। লক্ষ রূপের আরশিতে
আমরা নিজের বৈচিত্র্যকে দেখি। এই বৈচিত্র্য হল নিরিখ, যাকে বলে
কষ্টিপাথর। দাগ কাটো। সোনা কি লোহা, নিমেষে তা ফুটে উঠবে।

না, আর দেরি নয়। মন চলেছে আগে আগে, এবার পা চালিয়ে দিই।
ডুব দেব লক্ষ হৃদি-কুন্ত-সায়রে।

পিঠে নিয়েছি ঝোলা, হাতে নিয়েছি ঝুলি। কিন্তু হাওড়া স্টেশনের
প্ল্যাটফর্ম দেখে চক্ষুস্থির। তবুও উঠতে পেরেছি, এক সময়ে গাড়িও ছেড়েছে।

এক ফালি ছোট্ট কামরা। জনা আটকের বসবার জায়গা। কলকাতাবাসী
এক উত্তরপ্রদেশের ছজনের পরিবার বসেছেন প্রায় দুটো সীট দখল করে।
আমিও পেয়েছি খানিকটা। আরও জনা চারেক উপরে নীচে। এর চেয়ে
ভালো আর কী হতে পারে।

ছ'জনের পরিবারের চালক যে যুবকটি, সে গোটা তিনেক ষ্টিলট্রাঙ্ক দাঁটে
দিল প্ল্যাটফর্মমুখো দরজায়। দিয়ে আমার দিকে বীরত্বব্যঙ্গক অর্থপূর্ণ দৃষ্টিতে
তাকিয়ে হাসল। অর্থ পরিষ্কার। হেসে জবাব দেওয়া ছাড়া উপায় কী।

আমার আজানুলব্ধিত কালো ওভার-কোট আর টুপি দেখিয়ে সে ইংরেজী
মিশ্রিত হিন্দীতে বলল, 'আপনাকে দেখাচ্ছে যেন মিলিটারি সেপাই। দরজার
দিকে 'সিরিফ' কটমট করে তাকিয়ে থাকবেন। তাহলেই আর কেউ সাহস
করে—'

শেষটুকু তার চোখের আধবোজা হাসিতেই পরিস্ফুট। অতএব তার
নির্দেশে আমি হলাম এ কুঠুরির আর-এক দিকের দ্বাররক্ষী। সন্দেহ ছিল
নিজেরই, এ চোখের কটমটানিতে কেউ ঘাবড়াবে কিনা।

এই তো আমরা। কেউ বলতে এলে মন ভারি করি। অথচ সামান্য
স্বথের জ্ঞান আমরা নিয়ত এমনি অভিনয় করে চলি। নিজের সঙ্গেও করি
কি-না কে জানে।

কথায় জানলাম, ছজনের পরিবারের দেশ আজমগড় জেলা। ব্যবসাক্ষেত্র
কলকাতা। গস্তব্য এলাহাবাদ, কুন্তমেলা। আমি? আমিও একই পথের

যাত্রী। হ্যা? শুনে ভারি খুশী। যুবকটি লাফ দিয়ে উঠে পড়ল ট্রাকের উপর। নাক ডাকতে আরম্ভ করল কষল মুড়ি দিয়ে।

পরিবারের মা, মেয়ে আর বউ সামলে দিব্যি এলিয়ে পড়লেন আমার উপরে। ভগবান জানেন, কী খেয়ে গুর গতরখানি অমন ভয়াবহ হয়েছে। আমি বেকে রইলাম একটা চ্যাপটানো ব্যাগের মত। ওভারকোটের মহিমায় এত যে ফোজী কায়দায় কটমট করে তাকলাম, সেদিকে কারুরই হাশ নেই। কিছুক্ষণের মধ্যেই নাক ডাকার ঐকতান শোনা গেল। কিন্তু নথ-নোলক-পরী নাকগুলিও যে এমন মেঘগর্জন করতে পারে, তা কে জানত।

কয়েক হ্যাচকাতেই এক্সপ্রেসগানি গজলের দ্রুত রেলার মত বাংলাদেশ পেরিয়ে গেল। মুখ বাড়িয়ে দিলাম বাইরে। অন্ধকারের বৃক অজস্র আলোর সারি, যেন কচি শিশুর হাসকুটে চোখের নত। অন্ধকার মিহিজামের আলো। যন্ত্রনগরী চিত্তরঞ্জন। সীমান্ত বাংলার। কাঁথা-মাহুর-পচা ছেলে আমরা। বাইরে বড় যাতায়াত নেই। এইটুকুতেই মনে হল, দেশ ছেড়ে এলাম। এবার মহাদেশের পথে। মহামেলার পথে, লক্ষজনের মাঝে। সেই লক্ষজনের অকল্পিত বিচিত্র রূপ বিচিত্র নাদে আমার প্রতিটি ধমনীকে ডাক দিয়ে চলেছে। পথে কী আছে কে জানে।

মুখ ফিরিয়ে নিলাম। সামনে তাকিয়ে দেখি কালো কঙ্কালের ছুটি হাত। চমকে উঠলাম। সকলে নিদ্রামগ্ন। আমি গ্রহরী।

কঙ্কালসার কম্পিত হাতদুটো অতিকষ্টে একটি কমলালেবু ছাড়াচ্ছে। এতক্ষণ মুখোমুখি দেখেছিলাম, সামনের সীটে একটি কষলের পুঁটুলি। এবার সেই পুঁটুলির মধ্যে দেখছি একটি মুখ। লিকলিকে ঘাড়ের উপর বসানো একটি মাথা। গৌফ-দাড়ি-গজানো শীর্ণ মুখ। কোটরাগত চোখ। অস্বাভাবিক উজ্জল সেই চোখের চাউনি। গের্ডিগুগুলির মত একরাশ মাহুলি ঝুলছে কণ্ঠার কাছে।

নিঃসন্দেহে মাহুঘ। চোখাচোখি হতেই নিঃশব্দে হেসে উঠল সে। বালকের মত তার কোটরাগত চোখেও হাসির নির্ঝর। ঘাড় বাঁকিয়ে বলল হিন্দীতে, ‘আমি যাব, হ্যা।’

আমাকেই বলছে। অবাক হয়ে বললাম, ‘কোথায়?’

‘কুন্তমেলায়? কেন, আমি যেতে পারিনে?’

এই সামান্য জিজ্ঞাসায় তার চোখের ব্যগ্রতা দেখে আরও অবাক হলাম।

কেন যেতে পারবে না। কিন্তু তার কথা শুনে আমার যেন সন্দেহ হল।
জিজ্ঞাসা করলাম, ‘তোমার কি অস্থখ করেছে?’

সে-কথার কোন জবাব দিল না সে। খানিকক্ষণ ধরে চিবুল কমলালেবু।
তারপর আপনা থেকেই বলতে আরম্ভ করল। তার একটানা কণ্ঠস্বর একাঙ্গ
হয়ে গেল ট্রেনের শব্দের সঙ্গে। বলল, বাড়ি তার বালিয়া জেলায়। কাজ
করত কলকাতার শহরতলীর এক কারখানায়। সেখানে আছে তার বউ,
তার ছেলেমেয়ে। বউও কাজ করে। না, তার চেহারা দেখে যেন বয়স
ঠিক না করে ফেলি। বয়স তার মাত্র আঠাশ। বউ তার বাইশ বছরের
জোয়ানী অগুরত। বেচারা তাকে খাওয়া-দাওয়া সবই দিচ্ছিল। সে যে বড়
ভালো লড়কী। কিন্তু—

তার রুগ চোখে ফুটে উঠল অসহ যন্ত্রণা। ‘আর সহ হয় না এই
ব্যামোর কষ্ট, তাই চলেছি কুন্তমেলায়।’

বললাম, ‘কেন?’

এবার তার অবাক হওয়ার পালা। তার সেই কোটরগত বিস্মিত চোখে
আমার দিকে তাকিয়ে বলল, ‘কেন, তুমি জান না? তবে তুমি কেন চলেছ?
জান না, অস্থরের চোখ কাঁকি দিয়ে দেবতারা তাঁদের অমৃতকুন্ত প্রয়াগ-সঙ্গমে
লুকিয়ে রেখেছিলেন?’

বললাম, ‘শুনেছি।’

তেমনি মিষ্টি হেসে বলল, ‘শুধু শোননি, কেন ছুনিয়ার মাল্লু যায় সেখানে?
কেন মহাপুরুষ সাধুরা আসেন সেখানে স্নান করতে? তাঁদের চেহারা দেখ
নি কী স্তম্ভর! কী তার বাঁধুনি! কুন্তযোগে সঙ্গমে স্নান করলে মাল্লু শত
বছর পরমাষু পায়, রোগমুক্ত হয়। তাই তো আমি যাচ্ছি।’

বলতে বলতে আলোকিত হয়ে উঠল তার কালো কঙ্কাল মুখ। বোধহয়
খানিকটা উত্তেজনাও এসেছে তার। কিসের একটা বেগ আসছে তার
স্বংপিণ্ড থেকে। সে তাড়াতাড়ি আবার কন্ঠল মুড়ি দিল। কন্ঠলের ভেতর
থেকে শুনতে পেলাম একটা ঘড়ঘড় শব্দ, তার সঙ্গে দেহাতী ভাষায় ছন্দিত
ঈশ্বরের নাম।

যুমন্ত কামরা। বাইরে অন্ধকার। আকাশে অস্পষ্ট নক্ষত্র। গাড়িটা
হুড়মুড় করে ছিটকে গেল আরেকটা লাইনে। কত রাত কে জানে!

মিথ্যে বলেনি যুবকটি। ব্যর্থ হয়নি আমার প্রহর। ফোজের মতনই

বাধা দিয়েছি জন-বন্টার পাগলা গতি ।

কিন্তু এই মানুষটি, ওই কব্বলের পুঁটলিটি কী অপূর্ব ! ভাবতে গেলাম, কিন্তু ভাবা হল না । লোকটির গা থেকে খসে পড়েছে কব্বল । বুকে হাত দিয়ে কাশছে ষং ষং করে । কাশির কঁাকে কঁাকে বলছে রুদ্রগলায় :

‘উঃ, বড় তখলিফ, বড় তখলিফ । এখন নয়, হে ভগবান ! সে যে অনেক দূর, অনেক দূর ।’

কী অনেক দূর ! ভীত বিস্মিত হয়ে তার অসহ্য যন্ত্রণা দেখতে লাগলাম । বললাম, ‘কী বলছ ?’

সে বললে, ‘খুলে দাও দরজা, জিজির খুলে দাও । প্রাণ গেলে হে ভগবান ! এখনো অনেক দূর ।’

দরজা খুলে দেব ! চাবকের আঘাতের মত ঠাণ্ডা হাওয়ার ঝাপটা বাইরে । দরজা খুলে দেব কি !

সে কাশতে কাশতে চেষ্টা করে উঠল, ‘খুলে দাও বাবু, খুলে দাও ।’

কথা শেষ হল না । তার কব্বলের উপর কী যেন চকচক করে উঠল । তরল পদার্থ । রক্ত । রক্ত তার ঠোঁটের কশে । রাজরোগ-যক্ষা ।

সে যে অমৃত-কুস্ত সন্ধানের যাত্রী । সে যে শত বছরের পরমায়ু-সন্ধানী । এ গাড়ী কি পথ ভুল করেছে !

আর আমি ! কত কথা বলেছি নিজের মনে । অমৃতকুস্তকে হৃদিকুস্ত নাম দিয়ে চলেছি ছুটে । কিন্তু এইমুহূর্তে মনে হল, কোথায় পালাই ! চোখের সামনে কিলবিল করছে জীবন্ত মৃত্যুজীবাত্ম । পালাও পালাও । বিচিক্রের সন্ধানী, অমৃতের সন্ধানী ভুল করে পা দিয়েছি যমের দোরে ।

আশ্চর্য ! কেউ উঠল না ঘুম থেকে । কাশির শেষে বিরক্ত হয়ে মুখ ফিরিয়ে গুল কেউ কেউ । আমি খুলে দিলাম দরজা । বুঝতে পারিনি যে, একটা স্টেশনে এসেছে ।

ছুটে গেলাম গার্ডের কাছে । গার্ড বললেন, ‘কুড়ি মিনিট দেরীতে দৌড়াচ্ছি আর এখনো রাত রয়েছে, কাকে বলতে যাব বলুন । আপনি তার চেয়ে কামরাটা বদলী করে ফেলুন ।’ সেই ভালো, ওই কামরাটি ছাড়া আর সব কামরাতেই আছে অমৃত-কুস্ত ! মৃতসঞ্জীবনী । এসে দেখি, ভয়ানক ব্যাপার । ফোজ নেই দরজায়, বিনা বাধায় ঢুকছে সব বেনো জলের মত । প্রায় কুড়ি-খানেক মাথার উপরে মাথা । অন্ধকূপ হত্যার জীবন্ত ছবি ।

চেঁচিয়ে মারামারি করে কোনরকমে নেমে এলাম নিজের ঝোলাঝুলি নিয়ে। কিন্তু কেউ দরজা খোলে না। আমি এক দ্বাররক্ষী, পড়েছি অনেক রক্ষীর হাতে। কেউ কথাই বলে না। কিন্তু পড়েও থাকতে পারি না। মন তো আবার বলছে, চলো চলো।

গাড়ি ছেড়ে দেয়। ছুটে গিয়ে উঠলাম একটা আপার ক্লাস কামরায়। তীরের মতো ছুটে এল কয়েক জোড়া আধ-ঘুমন্ত চোখের বিরক্ত সন্দেহাশ্রিত দৃষ্টি। গুটিকয়েক অবাঙালী মহিলা ও পুরুষ। অস্ত্র ছিল একটি। পরিষ্কার ইংরেজীতে বললাম, ‘একটু বিপদে পড়ে উঠে পড়েছি। যাব এলাহাবাদ। স্বযোগ পেলেই নেমে যাব, আপনাদের কষ্ট দেব না।’

চেহারা দেখিয়ে সব বোঝানো যায় না। কথা শুনিয়ে অহুমান করাতে হয়। একটু একটু করে বিরক্ত চোখের দৃষ্টি স্বাভাবিক হয়ে এল। তারপর একটু বা কোতুহল। তারও পরে আপার ক্লাস গদির সামান্য একটুখানি জায়গার প্রতি অঙ্গুলিসঙ্কেতের করুণা।

দাম আছে এই প্রত্যাশিত করুণার। করুণা কেন। সভ্যতাই বলা যাক না। বুঝলাম, দুটি পরিবার রয়েছে কামরাটিতে। একটি পরিবার অস্ত্রের, আর একটি মধ্য-প্রদেশের। জায়গা দিলেন অস্ত্রের এক ভদ্রলোক। এঁরা তীর্থযাত্রী। কলকাতার কালীঘাট দর্শন করে চলেছেন প্রয়াগসঙ্গমের কুস্ত-মেলায়। ঘুরেছেন আরও অত্যাশ্চর্য জায়গায়। প্রয়াগ হয়ে চলে যাবেন দেশে। অনেক কথা হল। বললেন, ‘আফসোস রয়েছে গেল, কল্যাণী, কংগ্রেস দেখা হল না।’

সে আফসোস ছিল আমারও। কিন্তু একটা দেখতে গেলে আর-একটা ছাড়তে হবে, উপায় কী? তারপর ভদ্রলোক হঠাৎ বললেন, ‘আপনি কেন চলেছেন প্রয়াগে?’

ভদ্রলোকেরা তিন ভাই। তিনজনেই অদ্ভুত কালো। যাকে বলে নিকষ কালো। মাথার চুলও তিনজনেরই ঘন কৃষ্ণিত। সঙ্গে বড় ভাইয়ের বউ। আজাঝলম্বিত বেণী ঝুলে পড়েছে নীটের নীচে। দুটি কানে গুটি আটেক সোনার মাকড়ি, নাকের দুদিকে দুটি নাকছাবি। বোমটা নেই। কিন্তু ইংরেজী জানে বলে মনে হল। তাঁরা তিন ভাই ও এক ভাজ, চারজনেই আমার জবাব শোনার জন্য মুখের দিকে তাকালেন।

লজ্জা পেলাম। বললাম, ‘কেন, যেতে নেই?’

‘নিশ্চয়ই আছে। কিন্তু ইয়ংম্যানেরা তো এ সব বড় একটা—’

বললাম, ‘পছন্দ করেনা বলছেন তো? ঠিকই। আমিও মাথা মুড়োতে যাচ্ছি না। দেখুন, আমাদের জীবন বড় সীমাবদ্ধ। গণ্ডীবদ্ধ জীবনদর্শনের কচকচি নিয়ে আমরা দিনগত পাপক্ষয় করি। কিন্তু নিজের দেশের কতটুকু জানি। দেখেছি কতটুকু। আমাদের দেশের কোটি কোটি মানুষ যা নিয়ে মরে বাঁচে (তা ভালো কি মন্দ জানি নে), সে তার জাতীয় বিশেষত্ব নিয়ে যেখানে মিলিত হয়, যেখানে আমাদের সমস্ত জাতি হাসে কাঁদে, গান গায়, তাকে ইয়ংম্যান হয়ে আমি অবহেলা করব কী করে। যদি আমার হাসি পায়, তবে আমি হাসব কাঁদব। যদি ভুগে আসে মাথা তাকে আমি মিথ্যে অহঙ্কার দিয়ে জোর করে তুলে ধরব না। আর যদি থাকতে পারি নিরাসক্ত তা-ই থাকব। এত বড় দেশ, এত মানুষ, কত তার বৈচিত্র্য! আপনাদের দেখব বলেই তো এসেছি। না এসে পারলাম না।’

আবার বিচিত্রের কথা। ধক করে উঠল বৃকের মধ্যে। এই একই গাড়ির কয়েকটা বগীর পেছনে রয়েছে সেই মানুষটি। চোখের সামনে দেখতে পাচ্ছি তার সেই ষড়পাকাতর মুখ। এতক্ষণ কী করছে সে। কেমন আছে।

এঁরা আমার কথা শুনে মুগ্ধ হয়েছেন কি-না জানি না, বিস্মিত হয়েছেন বুঝলাম। কিন্তু আমার আর কথা বলতে ইচ্ছা করল না। এঁদের কৌতূহল ছিল অনেক, মেটাতে পারলাম না আর।

কাঁচের শাশির বাইরে দেখছি আকাশ ফরসা হয়ে আসছে। রক্তিমভা দেখা দিয়েছে পূর্ব দিগন্তে। গাড়ি এসে দাঁড়াল মোকামাঘাটে। নেমে গেলাম প্লাটফর্মের। নীচ প্লাটফর্ম। উত্তরে হাওয়া হ্রস্ব ঝাপটা মারছে। গায়ের মোটা গুভারকোটটা পর্যন্ত পাতলা কাপড়ের মত উড়তে লাগল।

বিহারের চেহারা এখন শ্যামল। দিগন্তবিস্তারী মাঠে ছোলা আর মটর অড়হরের কিশোরী ডগা দোলাচ্ছে মাথা। মাথা তার হলুদ ফুলে গিয়েছে ছেয়ে।

গাড়ির পেছন দিকে ভিড় দেখে এগিয়ে গেলাম। আর একবার চমকে উঠল বৃকের মধ্যে। লাল কাঁকরের উপর শোয়ানো রয়েছে সেই মানুষটি। অমৃতসন্ধানী। মুখটি খোলা। শরীর ঢাকা কষলে। সে ঘেন চোখ বুজে ঘুমোচ্ছে।

মনে পড়েছে সেই বালকের মত আবদারের স্বর, ‘আমিও যাব!’ কেন? না, বাঁচবার জন্য।

আমার যাত্রাপথের প্রথমেই বিচিত্র এই যত্নদৃশ্য। কে জানত, অমৃত-

সন্ধানীর পেছনে পেছনে মৃত্যু এসে এই কামরাটায় ওত পেতে ছিল স্বেচ্ছায়ের অপেক্ষায়। তাই সে বার বার বলেছিল, ‘হে ভগবান, সে যে এখনো অনেক দূরে।’

গাড়ির দরজায় দরজায় কুন্তখাত্মীর মাঝামাঝি, চিংকার, হুন্স। সবাই যাওয়ার জন্তু পাগলের মত ছটফট করছে। তুমি পড়ে রইলে। সে যে এতদূর, তা আমিও জানতাম না। তোমার হয়ে আমি হাজারটা ডুবও যদি সন্ধমে দিই তাহলেও তোমার আশা আর কোনদিন মিটেবে না। তুমি পড়ে থাক, আমাদের পরমাণু নিয়ে আমরা ছুটে চলি। এটাই নিয়ম।

সত্যি এ নিয়ম বড় বিচিত্র।

কত সুখ দুখ আসে নিশিদিন।

কত ভুলি কত হয়ে আসে ক্ষীণ।

নইলে বাঁচতাম কী করে। মনে পড়ে, একটা আধপাগলের মুখ থেকে একবার শুনেছিলাম, ‘শুনি, পৃথিবীর তিন ভাগ জল, এক ভাগ হল। জল আমাদের দুঃখ, স্বলটুকু আমাদের সুখ।’

সেই অপার দুঃখকে ভুলে থাকা ছাড়া উপায় কী? সামান্য সুখের মুখ দেখলেই দুঃখ ভুলে যাব।

তাড়াতাড়ি সেই আপার ক্লাসে এসে তুলে নিলাম নিজের ঝোলা-ঝুলি। অস্ত্রের বড়ভাই বললেন, ‘কোথায় চললেন?’

বললাম, ‘আপনাদের অনেক কষ্ট দিয়েছি, এবার নেমে যাই।’

‘কেন বসুন না। শুধু শুধু আর কামরা বদলি করে কী হবে। একেবারেই এলাহাবাদে গিয়ে নামবেন।’

ভাবলাম, উনি হয়তো জানেন না যে আমার তৃতীয় শ্রেণীর টিকিট। বললাম, ‘উপায় নেই, থার্ড ক্লাসের টিকিট।’

কিন্তু ভদ্রলোক কিছুতেই নামতে দিলেন না। মনে হল তাঁদের সমস্ত পরিবারটিই নামতে দিতে চান না। চোখমুখ কুঁচকে ভদ্রলোক এমন একটি ভাব করলেন যেন সামান্য টিকিটের জন্তু আবার এত ভাবনা কিসের। কিন্তু আমি তো জানি কালো-কোটধারী একজন সামান্য রেল কর্মচারী সময় বিশেষে কী দারুণ বিভীষিকা। অপমানের ভয়টাই বড়। তাছাড়া আর কী।

তবু বসতে হল ভদ্রলোকের আগ্রহে। বুঝলাম, ওদিকের মধ্যপ্রদেশের পরিবারটি কষ্ট হয়েছেন। কষ্টতার সঙ্গে কিছুটা বিজ্ঞপ।

সমুদ্রোপকূলবর্তী প্রদেশের মানুষগুলো বোধহয় একটু বেশী সেন্টিমেন্টাল। নাকি ইংরাজীতে যাকে বলে ‘টাচি’, বোধহয় তাই। অর্থাৎ আবেগপ্রবণ। সেই আবেগপ্রবণতা মধ্যপ্রদেশের লোকের কাছে ঠাকামো মনে হতে পারে। আমার উঠে যাওয়াতেই বা কী এমন ভক্ততা প্রকাশ পেত।

কিন্তু এক-একটা সময় আসে, যখন মনকে দিয়ে বা খুশি তাই করাতে পারি নে; অজ্ঞের ভক্তলোক আলোচনা পেড়ে বসলেন ধর্মতত্ত্বের। অথচ মন পড়ে রইল মোকামাঘাটে। মোকামাঘাটের বিছানো লাল কাঁকরের বুক, যেখানে শুয়ে রয়েছে আমাদের অনেকের সহযাত্রী। তাছাড়া ধর্মতত্ত্বের আলোচনায় আমার অধিকারই-বা ছিল কতটুকু।

পায়ের কাছেই দেখছি ছেঁড়া কধলে ঢাকা দিয়ে শুয়ে আছে একটি মানুষ। বেরিয়ে আছে শুধু মুখটি। ঘুমন্ত মুখ। বয়স ঠাণ্ড করা মুসকিল। মুখের উপর ছড়িয়ে আছে একরাশ রক্ত চুল। ভাবলাম, এদেরই কারুর চাকর-বাকর হবে।

গাড়িটা হঠাৎ লোকালের মতো থামতে থামতে চলেছে। শত হলেও পশ্চিমদেশ। ভোরের আলোয় যাকে দেখেছিলাম শ্রামাদ্বিনী রৌদ্রালোকে দেখলাম শ্রামাদ্বিনী কিঞ্চিৎ রক্ত। যত দূরে চোখ যায়, শুধু জনহীন মাঠ আর মাঠ। অড়হর, কলাই, মুগ আর মুগুরির মাঠ তৈরী হয়ে গিয়ে আকাশের গায়ে। মাঝে মাঝে হঠাৎ ক্রান্ত চোখের সামনে ভেসে উঠছে গ্রাম। এ গ্রাম কালকাস্তুরের বনঝোপ আর আম-জাম-সুপুরি-নারকেলের ছায়া-শীতল গ্রাম নয়। আমবাগান আছে বটে, থোকো থোকো কাঞ্চন-বরগী বোলে ভরে উঠেছে তার সর্বাঙ্গ। আর আছে তালবন। তারই ফাঁকে ফাঁকে মাটির দেয়াল আর খোলার ছাউনি-দেওয়া বস্তু।

অজ্ঞের ভক্তলোক হঠাৎ বললেন, ‘আপনি বোধহয় আমার কথা ঠিক ধরতে পারছেন না। না, না, আমি আপনাকে খুব বড় কথা কিছু বলছিলাম না। আমি শুধু আপনাকে—’ বলতে বলতে থেমে গেলেন। নিতান্ত হুঁ-হুঁ দিয়ে কাজ সারছিলাম। লজ্জা পেয়ে ফিরে তাকিয়ে দেখি, তিনি আপন মনে মাথা নাড়ছেন। মাথা নামিয়ে বসে আছেন হুই ভাই। আর তাঁর স্ত্রী তাকিয়ে রয়েছেন বাইরের দিকে। কিন্তু কিছু দেখছেন না। মন-চোখ তাঁর এদিকেই? চোখ দুটি ছলছল করছে। লজ্জিত করণ মুখে সামান্য হাসির আভাস জোর করে ফুটিয়ে রেখেছেন তিনি।

তাঁরা চারজনেই যেন বড় বিমর্ষ হয়ে উঠেছেন। মনে মনে অত্যন্ত বিস্মিত

হয়ে তাড়াতাড়ি বললাম, 'হ্যাঁ আপনি বলেছিলেন উপনিষদে যে সমস্ত প্রাকৃত—'

'না, না, অতবড় কথা আমি বলতেই পারব না। আমি বলেছিলাম,' এক মুহূর্ত ইতস্তত করে বললেন তিনি, 'জানেন, আমাদের এই চারজনের পরিবারটি একেবারে অভিশপ্ত। আমি নিজে একজন সরকারী কর্মচারী, আমার ভাই দুজনও তাই। আমাদের অর্থের অভাব নেই। শুধু একটি মতাবে আমরা সর্বহারা হয়েছি, আমরা পাগলের মত ঘুরে মরছি সারা দেশ। এই আমাদের কুলগুরু নির্দেশ।'

অবাক হয়ে লক্ষ্য করলাম, কথা বলতে বলতে উত্তেজিত হয়ে উঠছেন তিনি। উত্তেজনার সঙ্গে পালা দিয়ে ছ-ছ রক্ত ছুটে আসছে তাঁর স্ত্রীর মুখে। স্বামীর দিকেই অবাক হয়ে তাকিয়ে ছিলেন তিনি। বোধহয় নিরস্ত করতে চাইছিলেন স্বামীকে। কিন্তু লজ্জায় কিছু বলতে পারছিলেন না।

আমার দিকে চোখ পড়তেই মুখ ফিরিয়ে নিলেন। আশ্চর্য মনে হল তাঁর চোখ দুটো কেঁপে উঠল। তাঁর দক্ষিণী সমুদ্রের অতল ডাগর চোখে ঝিক-ঝিকিয়ে উঠল অশ্রুর মুক্তাবিন্দু। সন্তরশি খেলে গেল তাঁর গ্রাম্য নারীর মত কানে পরা অনেকগুলি পাথরখচিত কর্ণভূষণে। ক্লান্ত কালনাগিনীর মত পিঠের উপর এলিয়ে পড়ে রইল রক্ষ বেণী।

আমি কিছুই বুঝতে পারলাম না। ভুলে গেলাম কুন্তসহযাত্রীর কথা। কৌতুহলপূর্ণ মন নিয়ে, জিজ্ঞাসু চোখে তাকিয়ে রইলাম, তিন ভাই ও এক বউয়ের দিকে।

বড় ভাই তাঁর স্ত্রীকে লক্ষ্য করেই চুপ করে গিয়েছিলেন। আবার বললেন, নীচু গলায়, 'জানেন, প্রয়াগের আর-এক নাম তীর্থরাজ। এইবারই আমাদের শেষ, আমাদের আশা-নিরাশার পরীক্ষার শেষদিন এগিয়ে আসছে। এইবারই আমাদের সমস্ত সঞ্চিত পাপ নষ্ট হয়ে যাবে। সংসার পাতবে আমার ভাইয়েরা, আর আমার—'

তাঁকে বাধা দিয়ে এক ভাই নিতান্ত দুর্বোধ্য ভাষায় কী বলে উঠলেন। মনে হল, তাঁর স্ত্রীর বিষয়ে কিছু বললেন। তিনিও স্ত্রীর দিকে তাকিয়ে তেমনি দুর্বোধ্য ভাষায় কিছু বললেন। কিন্তু মহিলাটি কোন জবাব দিলেন না।

আমি যেন এক রহস্ত-নাটকের বিস্মিত নীরব দর্শক। ভদ্রলোক এবার হাসবার চেষ্টা করে বললেন, 'আপনি বলছিলেন, অনেক কিছু দেখতে চলেছেন আপনি। আপনার দুর্ভাগ্য যে, আমার মত একজন লোকের সঙ্গেও আপনার

আলাপ হয়ে গেল। কিছু মনে করবেন না। আমি আমাদের নিতান্ত ব্যক্তিগত একটা কথা আপনাকে বলেছিলাম।’

সমস্ত সংকোচ কাটিয়ে আমি বললাম, ‘কিন্তু আপনার কথা আমি কিছু বুঝতে পারি নি।’

তিনি বললেন, ‘ক্ষমা করবেন। আমার জ্বর বড় কষ্ট হচ্ছে। আপনি আসবেন আমাদের ক্যাম্পে। পাণ্ডার কাছে আমাদের খবর পাবেন। আপনি এলে আমরা খুব খুশী হব।’ বলে তিনি আমাকে সিগারেট দিয়ে আপ্যায়িত করলেন। তাঁর স্বাী তাকালেন শান্ত চোখে কৃতজ্ঞতা নিয়ে। তাঁর আত্মভোলা স্বামীর দিকে আর আমার দিকে। আমার প্রতি কৃতজ্ঞতা, বোধ হয় আর কোতুল না প্রকাশ করবার জ্ঞ।

বুলাম, ভক্তলোকের ধন মান ও বিলাসের তলে বৃকে একটি পাথর চেপে আছে। নিজের অজ্ঞাতনারে কয়েক মুহূর্তের জ্ঞ সরে গিয়েছিল সেই পাথর। মন পেতে বসেছিলেন এক অপরিচিত নগণ্যের কাছে।

মন পাতা হল, মনের কথা হল না। এখানে পরস্পরকে গুটিয়ে নেওয়া ছাড়া উপায় কি। ভবিষ্যতেয় আশা রইল কিনা কে জানে। আশা এইটুকু, পথের দেখা পথেই শেষ হবে না। আমরা সকলেই চলেছি এক মহাসদমে। সেখানে হবে মিলন, তারপরে বিদায়। মিলন-মুহূর্তে এক হয়ে যায় হাসি কান্না। সেই হাসি-কান্নার কলরোলে যদি শুনে নিতে পারি তাঁর কথাটি, সেইটুকু লাভ।

এখন শুধু মনে রইল, তাঁদের পরিবারের মধ্যে একটা ড্রাজেডি লুকিয়ে আছে তারই প্রায়শ্চিত্ত করে ফিরছেন তাঁরা। প্রায়শ্চিত্তের শেষ দিন আগত। গরলে হবে অমৃতের উদ্ভব। ভরে উঠবে তাঁদের তিন ভাইয়ের সংসার।

এমনি ভরিয়ে তোলবার জ্ঞে ছুটে চলেছে লক্ষ মাহুঘ। লক্ষ জনের লক্ষ রকম কামনা! আমিও চলেছি তেমনি এক কামনা নিয়ে।

কিন্তু আর কতদূর? পূব আকাশের কোল ঘেঁষে দেখা দিয়েছে বিদ্যাচলের উচু-নীচু মাথা। বেলাও হয়েছে মন্দ নয়।

পায়ে মৃদু চাপ অহুভব করলাম। তাকিয়ে দেখি, পায়ের কাছে শোয়া সেই মাহুঘটি। মুখের চুল সরিয়ে ধূলিরূক্ষ মুখ ভরে হাসছে। তাকাতেই ওই অবস্থাতেই কপালে হাত ঠেকিয়ে নমস্কার করল।

অবাক হলাম! এদের কারুর লোক নয় নাকি! বললাম, ‘কিছু বলছ আমাকে?’

‘একটা বিড়ি দেন।’

প্রথমেই বিড়ি, তাও আবার প্রাণের ভাষায়। অর্থাৎ বাঙলা কথায়, বুঝলাম, এদের কেউ নয়। বললাম, ‘এখানে উঠলে কী করে?’

হেসে বলল, ‘উঠি নি, উঠিয়ে দিলে নোকেরা। কাল রাত্রেই আপনার মুখখানি দেখে মনে হয়েছিল, এ আমার চেনা মুখ। এখন দেখছি, ঠিক তাই!’

‘চেনা মুখ? কী করে চিনলে?’

‘কেন। এই তো এতগুলোন মুখ রয়েছে। আমার দেশের মানুষের মত মুখখানি আর ক্যার আছে, আপনি বলেন।’

ভাবলাম ধন্ত তোষামোদ। কি ভাগ্যি বলে নি বাড়ির কাছের মানুষ। বিড়ি তো নেই। প্রাণ ধরে দিলাম একটা সিগারেট।

তার কালা মুখের হাসিটি আরও মধুর করে বলল, ‘ছিগরেট দিলেন? তবে এট্রুস নিধমের হাতটা ধরুন, উঠে বসি।’

নিধম মানে অধম করে নেওয়া যেতে পারে, কিন্তু হাত ধরে ওঠাতে হবে কেন বললাম না। বললাম, ‘কেন?’

তেমনি হেসে পায়ের উপর থেকে তুলে নিল হেঁড়া কবলটা। দেখলাম, পা-দুটো হাঁটুর কাছ থেকে বেকে ঠেকে রয়েছে পাছার কাছে। উঠে বসতে হয়তো পারে, তবে অবলম্বন চাই।

হাত বাড়িয়ে দিলাম। উঠে বসল সে। একটু বিরক্ত হয়েই বললাম, ‘রাস্তায় বসে বসে খাচ্ছিলে, আবার পথে পথে কেন?’

‘রাস্তায়?’ হাসতে হাসতে বলল, ‘ভিক্ষের কথা বলছেন? তাই-ই, তবে রাস্তায় তো বসিনি কখনো। পড়ে থাকতাম এক কোণে। রাস্তা আর পথ, যা-ই বলেন এই পথম। থাকতে পাইরলাম না কিছুতেই। জ্ঞান, দিয়াশলাইটা জ্ঞান।’

দেশলাই দিয়ে বললাম, ‘যাওয়া হবে কোথায়?’

‘যেখানে সবাই চাইলছে, সেইখানে। পেরাগের মেলায়।’

‘আসছে কোথেকে?’

‘নদে জিলা। আমঘাটার নাম শুইনছেন, নবদ্বীপের কাছখেনেই? সেইখানে নকীদাসীর আখড়ায় নাম-গান করি। আমি মূল গায়েন।’

বললাম, ‘বৈষ্ণবেরাও কুন্ডের মেলায় যায়?’

সে কপালে তাড়াতাড়ি হাত ঠেকিয়ে বলল, ‘আরে-বাপরে, বোষ্টাম যাবে না তো যাবে কে ? তীখখানি তো বোষ্টমের। ভাগা-ভাগির কথা যদি বলেন অন্য মতের সাধকেরা তো জোর করে ভাগ বইসেছে। শিবভক্তরা আইসবে বটে, তবে বিষ্টু ভক্তি না চাইলে পেরাগের মাটি আপনার পেন্নাম নেবে না।’

নাকমুখ নিয়ে একরাশ ধোঁয়া ছেড়ে বলল, ‘এটা হল ঝগড়ার কথা। এ কথা বাদ দেন। ঔনার কাছে, ভাগাভাগি নাই, জাত নাই ! যানার কাছে এলেম, তারে না ডেকে দলের মারামারি করে লাভ ?’

বললাম, ‘এলে তো, ওই পা নিয়ে যাবে কী করে ?’

সে হাসল। হাসি তার মুখের ভূষণ। অনর্গল ধোঁয়ার জালের আড়ালে আড়ালে দেখলাম ভিজ্জে-ওঠা চোখ দুটো মুছে নিল। বলল, ‘বাবু, আমার নাম মা-খেগো বলা। অর্থাৎ কিনা বলরাম। আমারে জন্মো দিয়ে মা আর সামলাতে পারে নাই, মরে গেছিল। এই পা দুটোর জন্তেই। জন্মো-লুলা বইসে ছিলেম, কবে সেদিন আইসবে, যেদিন বেরিয়ে পড়ব। তা এই পা দুটোর জন্তে পড়ে থাকতে বলেন ? বুকে হেঁটে যাব।’ বলে সে গলা ছেড়ে গান ধরে দিল,

অগো আইসবে বলে

পথের মাঝে জীবন কেটে গেল,

তুমি এমনি খেলা খেল।

সবুর-মেওয়ার রইল মাথায়,

চইলব এবার যথায় তথায়,

রোদবিষ্টি আশীর্বাদী

আমার মাথায় ঢেলে ॥

সকলেই কিছুটা চমকে উঠেছিলেন, আমিও। কিন্তু মা-খেগো বলার গলাটি এমনি উদার ও মিষ্টি যে, ভেসে গিয়েছিলাম। লক্ষ্মীদাসীর মূল গায়ের বলে আর অস্বীকার করার উপায় ছিল না বলরামকে !

বোধহয়, গানটা আরও বাকী ছিল। মধ্যপ্রদেশের সপ্তম্ফ বিরাটকায় ভাঙ্গলোক খেঁকিয়ে উঠলেন, ‘ক্যায়া, অতি গানা ভি শুক কিয়া ?’

বলরাম হাত জোড় করে বলল, ‘আজ্ঞে কী বললেন কর্তা ?’

‘উসব কতা ফতা নহি জানতা, গানা বন্দ কর।’

অজ্ঞেয় হাসি বলরামের। বলল, ‘আচ্ছা বাবু, আর করেগা নেই।’

আমি তাকালাম অঞ্জের পরিবারটির দিকে। তাঁরা তাকালেন আমার দিকে। একটা চাপা ও অর্থপূর্ণ হাসি বিনিময় হল আমাদের মধ্যে।

বড়ভাই বললেন, ‘আপনি এই ভিক্ষুকটিকে চেনেন?’

বললাম, ‘না। চেনা হয়ে গেল।’

বলরাম আমাকে আবার ডাকল, ‘বাবু।’

বললাম, ‘বলো।’

‘বাবু, মুনিষ্কামিরা কথা না কইয়ে জীবন কাটিয়ে দেন। আর আমরা। কাল রাত থেকে মুখ বন্ধ। আর চুপ কইরে থাকতে পারি না। আমার কষ্ট হইবে, সেই ভেবে নক্কীদাসী আমারে এই বাবু-কামরায় উঠিয়ে দিয়ে গেল। কিন্তু, নক্কী যদি নরকে থেকেও সঙ্গে নিয়ে যেইত, তবে বাঁচতাম।’

বললাম, ‘লক্ষ্মীদাসীকে ছাড়া বুঝি থাকতে পার না?’

বলরাম হাসল মাতালের মত। বলল, ‘বাবু, পা ছুইখান নাই, কিন্তু মাহুষ তো। তাই মাহুষ ছাড়া থাকতে পারি না। থাইকলে নিজেকে নিজেকে গান গেইয়ে নিজের পরান তোষ করি। যাচ্ছি পেরাগে জাগ্রত বেগীমাধবের ঠাই। ওয়ার কাছে নক্কীদাসী, আপনি, সবাই যাচ্ছেন, সবারে পাব সেখানে। ওই যে বলে না,’ বলে সে চাপা গলায়—গুনগুনিয়ে উঠল,—

‘মাতুর দুদিন রইলে কাছে।

মনে কষ্ট হয় পাছে,

তাই’ যাবার সময় বইলে গেলে

আরশিখানি লয়ে কোলে

দেখিস, সে তোর বুকে আছে।’

বলে সে তার নিজের বুকের দিকে আঙ্গুল দিয়ে দেখাল।

বললাম, ‘বলছ বোষ্টম। গানে তো দেখছি পাক্সা বাউল।’

বলরাম খপাত করে পায়ে হাত দিয়ে বলে উঠল, ‘খাটি কয়েছেন। আপনি জানেন, জানেন সব। যাবার কথা শোনা ইস্তক মন বাউরা হইছে। আজ পথে আসছি, আর চাইপতে পারি না মনটারে। বাবু, বৈরাগ্য এইলে বৈরাগী হয়। আসলে আমরা সবাই বাউল। সব গানেতেই আপনি ওইটি পাবেন। আবাবী রাই-কিশোরী যে প্রেমে পাগল হইয়ে পথে পা দিছিল, সেও তো একই ব্যাপার।’

তাড়াতাড়ি পা ছাড়িয়ে বললাম, ‘পা ছাড়ো হে।’

‘কিন্তু বাবু, আপনি নিচয় গুণী মানুষ। আমারে দুই-একখানা পদ শোনান।’

বলরামেরা এমনিতেই পাগল। তাদের খ্যাপালে আর রক্ষে নেই। বলরাম, ‘পাগলামি কোরো না বলরাম। আমি গুণী নই, গানও গাইতে জানি নে।’

কিন্তু অস্বীকার করতে পারি না, বলরাম আমার এই নীরস শহরে বস্তুতাত্ত্বিক মনকে ভাসিয়ে নিয়েছে তার নিজের শোতে। আমার পথের ক্লান্তি, আমার এতক্ষণের ছোটখাটো স্থখদুঃখ, সব ভুবিয়ে দিয়েছে সে। আমার জমকালো ওভারকোটটাকে রেয়াত করল না একটুও। বাবুর মত মানল না বাবু বলে। বিকলাঙ্গ বলরাম সমস্ত আড়ম্বর ও আবরণের ভেতর থেকে টেনে বের করে দিল আমার শুক দেহের ভেতরের মনটাকে। নিজের সঙ্গে তার তুলনা করতে গেলে কোথায় ঠাঁই পাব জানি না। কিন্তু, অন্ধ সংস্কারের বশেই কি বিকলাঙ্গ বলরাম এমনি নিরত হেসে গেয়ে যুঁতিমান আনন্দের যুঁতি হয়ে উঠেছে? বিশ্বাস করতে মন চায় না। কুসংস্কারের এক চিমটি বেলুনে-ঠাশা জীবন তো এ নয়। না-থাকা ও না-পাওয়ার বেদনা বলরামের প্রাণে তাড়া দিয়েছে। তাড়া দিয়েছে প্রেম-সংস্কারের, ভালবাসার। বলরাম ভালবাসে জগৎ সংসারকে।

বলরাম কিন্তু আমাকে ছাড়ল না। সে তেমনি গুনগুন করে চলেছে, ‘পথের ধুলো সোনা হইল, এবার চোখের জল দিয়ে রসকলি কাটব। তোমারে ছেইড়ে তো দিব না।’

গান ছেড়ে আবার কথা আরম্ভ করল, ‘আর ভাবব না, সে কতদূর। গাড়ি তো একসময় থামবে। সময় হইলে আপনি নামিয়ে দেবে। কী বলেন বাবু, জ্যা?’ বলে আবার গান,—

‘সবাই বলে যৈবন জালা,

ভবে এ যৈবন যাক চলে যাক।

কী হবে এ কালো কেশে, নীল বেশে

এই পোড়া অঙ্গ তোমার চরণ পাক।’

কী ভাগ্য, গলা নামিয়ে গাইছিল। মধ্যপ্রদেশের ভদ্রলোকের তন্ত্রা ভাঙছিল না তাতে। অজ্ঞের পরিবারটি অবাক হয়ে পাগলামি ও পাগলামির দর্শককে দেখছিলেন। বলরাম, ‘বলরাম, তোমার প্রথম গানটি বেশ। কার গান শুটি?’

‘বাবু ও পদ আতাউলের। আতাউল বাউল তার নাম।’

বললাম, ‘তোমাকে একটা গানের লাইন বলি শোন। তোমার ঐ গানের মতই যেন এটিও।—’

‘কবে তুমি আসবে বলে রইব না বসে,

আমি চলব বাহিরে।

শুকনো ফুলের পাতাগুলি পড়তেছে খসে,

আর সময় নাহিরে ॥’

বলরাম আবার আমার পায়ে হাত দিতে এল, ‘তবে নাকি জানেন না? আর কবে সে আইসবে, সেই আশায় আমি মরা পা নিয়ে বইসে থাকব। বাবু, পেরাগের সঙ্গমে কি আর হাঁড়ি-ভরা মধু আছে? তা নেই? আছে অমর্ত। অমর্ত-কুস্ত্র যে। সে অমর্ত প্রেম-অমর্ত, ডুবলে পরান শীতল হবে। বা-বা! বা-বা! কী সোন্দর পদ! পদখানি ক্যার বাবু?’

কার পদ! আশ্চর্য! কুস্ত্রমেলা যাবার পথে কবিগুরুর গান নিয়ে যে এমনি এক মা-গেগো বলার সঙ্গে আলাপ করতে হবে, তা কে জানত! আর কেমন করেই বা তাকে সে কথা বলব।

বললাম, ‘পদকর্তার নাম রবি ঠাকুর।’

আলোয় আলো হয়ে উঠল বলরামের চোখ, ‘র-বিঠাকুর! ঠাকুর তো বটেই, রবিও বটে। নইলে এমন পদ বেয়োয়? তা উনি কোথাকার বাউল বাবু?’

কোথাকার বাউল! হায়, বিশ্বকবি রবীন্দ্রনাথ! বলরাম তোমাকে কোথায় টেনে নিয়ে এল। তার বুকে ঠাই দিয়ে তোমাকে সে খাটো করল কি না বললাম না। বললাম, ‘কলকাতা।’

বলরাম বলল, ‘তা হোক! কেঁতুলির জয়দেবের মেলায় নিশ্চয়ই দেখছি ওঁয়ারে, এখন মনে নাই। পোষপূর্ণিমেতে সব বাউল বাবাজীকে এখানে আসতেই হবে কি না একবার।’

জানি, এক কথায় রবীন্দ্রনাথের পরিচয় দিতে পারব না আমি। ছ-কথায় রবি ঠাকুরের কল্লিত বাউল-মূর্তি অদৃশ্য হবে না বলরামের মন থেকে। আবার এও ভাবি, বলরামের ভুলই বা কোথায়, যে ভুল ভাঙব। মন যার বাউল হয়নি, তিনি বাউল গান গাইলেন কেমন করে।

আচমকা ঝড় এল। ঝড়-ই বলি। হঠাৎ একটা তুমুল গুণ্ডগোল আর তার সঙ্গে শিলাবৃষ্টির মত কামরাটীর মধ্যে এসে পড়তে লাগল বান্ন, প্যাটরা, বোচকা, পুঁটুলি। প্রতিবাদের অবসর ছিল না। অবসর ছিল না তাকাবার।

যে যার মাথা বাঁচাতেই বাস্তু। তার সঙ্গে একটা বাজুখাই মহিলা কণ্ঠের চিৎকার, ‘শ্রামা! প্রেমবতী। ইধার, ইধার মে। বুঢ়া কো উঠাও। পাতিয়া, এ পাতিয়া। ছোকরি বহেরা হো গয়ী। শুনতি কি নহি? শ্রামা, হাঁ হাঁ তু কোণে চলে যা।’

মনে হল আমার ঘাড়ের উপর একটা দু-মোণী বোঝা পড়ল।

তারপর ব্যাপারটা যখন একটু শান্ত হল, তাকিয়ে দেখি, পিঠের কাছে মস্ত বস্তা। বস্তার উপর হয় প্রেমবতী, নয় শ্রামা কিংবা পাতিয়া। তার পায়ের কাছে জুজুবুড়ির মত এক ঘাড়-নোয়ানো বুড়ো। দরজার কাছে দুটি যুবতী আর এক প্রোচা। বুলাম, ওই প্রোচার-ই কণ্ঠস্বর আমি শুনেছি এতক্ষণ। তারা সকলেই মাল মাজাতে বাস্তু। বোধহয় উঠতে পারার আনন্দেই মহিষাসুরমর্দিনীর মত আমার ঘাড়ের উপরে মহিলাটি খিলখিল করে হেসে উঠে বলল, ‘আরে বাপরে, গাড়ি মে উঠনা এক আজীব কাম হায়।’

ওদিকে মধ্যপ্রদেশের পরিবারটি যুদ্ধ দেহী অবস্থায় কাঁপিয়ে পড়তে উন্মুখ। অস্ত্রের পরিবারটিও সামলাতে বাস্তু।

গাড়ি ছেড়ে দিল। তারপরেই আমল যুদ্ধ শুরু। মধ্যপ্রদেশের সেই ভক্তলোক খেঁকিয়ে উঠতেই নতুন দলের প্রোচা গলা সপ্তমে উঠিয়ে আরম্ভ করল। যা বলল, তার বাঙলা করলে এই হয়, ‘থার্ড ক্লাসের টিকিটই হোক, আর যা-ই হোক, আমি চড়বই। নিয়ে এসো তোমার পুলিশ আর মিলিটারী। আমাদের মারুক আর কাটুক, আমি কিছুতেই পড়ে থাকতে পারব না। টাকা নেই বলে কি আমি তীর্থ টুকুও করতে পারব না। খালি তোমরাই যাবে। উঠেছি তো বটেই, এবার তোমার যা খুশি তাই করো।’

তার কথার ফাঁকে ওদিকে দুই যুবতী কাজ গুছিয়ে নিচ্ছে। আমার ঘাড়মর্দিনী ও যুবতী। কিন্তু আমার শক্তির তো একটা সীমা আছে। অবাক হয়ে অবশ্য এও ভাবছিলাম যে, যাবে তীর্থ করতে। কিন্তু সঙ্গে এতগুলি অল্পবয়সী মেয়ে নিয়ে কেন। বাঙলা-দেশে তো এর ব্যতিক্রমই দেখি।

বললাম, ‘এই, দেখিয়ে, আপ উতর যাইয়ে হামারা বাড়সে।’

ঘাড় বাঁকিয়ে তাকালে মেয়েটি। ভাবখানা, এ আবার কে গা! তারপর হেসে পরিষ্কার গলায় বলল, ‘আরে ভাই সবকোইকা তখ্ লিফ, কিসকো তো একলী নহি। এ দেখো, আদমিলোগ বগড়া কর রহে!’

বলে সে তার বলিষ্ঠ দেহটি সামান্য সরিয়ে আবার ঘাড় বাঁকিয়ে চেয়ে হাসল।

অর্থাৎ, হল তো? কতখানি হল, সে আমিই জানি। আর খানিকক্ষণ বাদে আমার উঠে পড়া ছাড়া গতি নেই। কিন্তু—

কিন্তু বলরাম কোথায়? বলরাম! মা-থেগো বলা? পায়ের কাছে তাকিয়ে দেখি, একরাশ মাল আমার বুকসমান উচু হয়ে আছে। তবে কি চাপা পড়ে গিয়েছে বলরাম? এক সহযাত্রীকে রেখে এসেছি মোকামাঘাটে। বলরামকেও রেখে যেতে হবে নাকি?

কিছুতেই চূপ করে থাকতে পারলাম না। তাড়াতাড়ি উঠে গায়ের সমস্ত শক্তি দিয়ে যেখানে-সেখানে ছুঁড়ে ফেলতে লাগলাম মালপত্র।

যা ভেবেছি, তাই। দেখি বলরাম হাসছে। ঘন ঘন নিশ্বাস পড়ছে। ফুলে উঠেছে কপালটা, রক্ত ফুটে বেরুচ্ছে। তবুও হাসছে, তার সমস্ত হাসি আমার সমস্ত হৃদয় জালিয়ে দিল। মরতে মরতেও সে হাসবে নাকি?

হাসুক। তার মত হাসি তো সকলেরই নেই। মুখ গোমড়া করে তুলে বসালাম তাকে। মালপত্র ছুঁড়ে ফেলতে দেখে, নতুন দলের সকলে হা হা করে তেড়ে এল আমার দিকে।—‘আরে আরে, আদমি আন্ধা না কি? দিলে সব মাল চোপাট করে।’

বলরাম, ‘আন্ধা তো মনে হচ্ছে তোমরাই। তোমরা যে একটা জান চোপাট করে দিচ্ছিলে।’

জান! জান কোথায়! এতক্ষণে উঁকি মেরে দেখল তারা বলরামকে। কিন্তু বলরাম হাসছিল তার সেই কপাল-ফোলা মুখ নিয়ে। সে হাসি দেখে আমার গায়ের মধ্যে আরও জ্বলে উঠল।

এক মুহূর্তের নীরবতা। প্রথমে হেসে উঠল প্রৌঢ়া। তারপর শ্রামা প্রেমবতীর দল।

হাসির কারণ বুঝলাম না। তাকিয়ে রইলাম বিস্মিত বোকার মত।

হাসেনি ওদের একজন, সেই বুড়োটি। সে হাতের লাঠির ডগায় নড়বড়ে খুতনিটি রেখে তাকিয়ে দেখছিল আমাকে। মোটা সাদা জ্বর তলায় তার সেই চোখে বিরক্তিপূর্ণ অল্পসঙ্কিসা। এতখানি বেলাতেও তার আপদমস্তক শাল দিয়ে ঢাকা। তার নাকের ছুপাশের গভীর রেখা দেখে মনে হল সে বীতশ্রদ্ধ এ জগৎসংসারের উপর। জীবনে হাসির পালা তার শেষ হয়েছে। আর কোনদিন সে হাসবে না।

হাসি থামিয়ে প্রৌঢ়াই প্রথমে বলল, ‘আহা, বেচারী!’

আর একজন, ‘সাধু নাকি?’

পার্শ্ববর্তিনী, ‘বোধ হয়।’

প্রৌঢ়া করুণ মুখে বলে উঠল, ‘শ্রীমা, দিয়ে দে বেচারাকে ছুঁচার পয়সা।’

শ্রীমা নামধারিণী অচিরে আঁচলের বদলে ট্যাঁক থেকে এক আনা পয়সা বার করে ছুঁড়ে দিল বলরামের কোলে। তারপর প্রৌঢ়া আমার দিকে ফিরে বলল, ‘আরে ভাই, দেখা নহি উনকো। গোসা ন করো।’

বলেই আবার তারা তাদের মালপত্র গোছাবার জন্ত লাফালাফি, ঘাড়ে ওঠাউঠি শুরু করে দিল। যত না মালপত্র সাজায়, তত সামলায় বড়োকে। বড়ো যেন তাদের সাত রাজার ধন এক মানিক। কেন, কে জানে! সেই সঙ্গেই স্বভাষায় কি একটা কথা নিয়ে হেসে খুন হচ্ছে সকলে। আর আড়চোখে তাকিয়ে দেখছে আমাকে। কেন, তারাই জানে!

তারা শুধু খাপা হাওয়ায় মত আসে নি। খাপা তারা নিজেরাও। তাদের হাসি কথা কাজ দেখে তাই মনে হয়। যেন খাঁচার পাখি খাঁচাছাড়া হয়েছে। মাতিয়ে তুলেছে বনপালা।

তাদের চারজনের মধ্যে প্রৌঢ়াসহ তিনজনের দেহে সাবেকী ধরণের সোনার অলঙ্কার। জামাকাপড়েও গ্রাম্য অবস্থাপন্ন পরিবার বলেই মনে হয়। সবচেয়ে বেশি চোখে পড়ে এই বাঁধনছাড়া কলকাকলীর মধ্যে তাদের স্বাস্থ্যের ঔজ্জ্বল্য।

মধ্যপ্রদেশের শাহুল তখনো হাত-পা গুটিয়ে বসে গজরাচ্ছেন। অজ্ঞের পরিবারটিরও শাস্তিভঙ্গ হয়েছে বিলক্ষণ। তবু মনে হল, তাঁরা উপভোগ করছেন সমস্ত ব্যাপারটা।

বলরাম বিকলাঙ্গ। পরিচয়ও তার সঙ্গে সামান্য। তবু মনটা আমার বিমুগ্ধ হয়ে উঠল তার প্রতি। কী বলে সে আনিটা নিয়ে হাসছে আমার দিকে চেয়ে। যারা অমনি আঘাত করে তার মাণ্ডল দেয় এক আনা, দিয়ে আবার নির্লজ্জের মত হাসে, তাদের প্রতি বলরামের এত অহুয়ন্তি কিসের। বলরামেরা চিরকালই এমন! ছি, ওয় সঙ্গে আর কথা বলব না।

হুমিনিট গেল না। বলরাম আবার ডাকল, ‘বাবু।’

যেন শুনতে পাই নি, এমনভাবে তাকিয়ে রইলাম অন্তরিকায়। কিন্তু বলরাম চাপা ও খুশি গলায় বলল, ‘এতক্ষণে শুকনা খালে জোয়ার এইল। বাবা! এতক্ষণ এই কামরাটাতে বইসে মনে হচ্ছিল না যে পেরাগে যাচ্ছি।

এইবার দেখেন তো, কেমন কলর-বলর গমগম করছে।’

আমি জবাব দিলাম না। কিন্তু সে আপন মনে বলেই চলল, ‘বুইবলেন বাবু, বলে মানুষ নিয়ে কথা। বেঁইটে আছি যদি, তদিন মানুষ ছাড়া গতি নাই। একলা স্ত্রু, একলা দুখ, এ কি হয়। তবে মরণের ঘুনাইলে অত কান্না কিসের, অ্যা? ছেইড়ে যাবার ভয়েই তো। আস্থক, আরো আস্থক। কী বলেন বাবু, যে কয় একলা চলি, সে তো চলে দোকলার জন্তে। নইলে চইলতে যাবে কেন, অ্যা?’

কাঁচা কুয়োয় উপরের জল চুঁইয়ে পড়বেই। তা রোধ করবে কে? বলরামের কথাগুলি ঠিক কানে এসে ঠেকছিল। শুধু ঠেকছিল না অবাক করছিল আমাকে। শাসন, রাজনীতি, নিরাপত্তাহীন জীবন, সব মিলিয়ে আমাদের মনে অনেক সন্দেহ, অনেক সংশয়, অনেক সন্ধীর্ণতা। দিবানিশি পা টিপে টিপে চলেছি চোরাবালি এড়িয়ে। এই জীবনেই কীক পেয়ে আবার দোড় দিয়েছি অমৃত-কুস্তুর সন্ধানে, ভারতের সেই বিচিত্র রূপের রসে ডুব দেব বলে। সে রূপ লক্ষ লক্ষ হৃদয়েরই; কিন্তু বলরামের এ কিসের রস। এ কি তার নিরঙ্কর অন্তরেরই বিশ্বাস, নাকি শুধু কথার জাহ্ন! মানুষের প্রতি তার এত টান! নাকি টানটা চার পয়সার!

ফিরে তাকাতেই চোখে পড়ল বলরামের ফোলা কপাল। লাল জায়গাটিতে বিন্দু বিন্দু রক্তও দেখা দিয়েছে। তবু সে হাসছে। অগ্নান হাসি দেখে সহজে মনে পড়ে শুধু বৌদ্ধ শ্রমণদের কথা। কিন্তু এ যুগে তা অচল এবং অবিশ্বাস্ত, গলায় আমার আপনিই বাঁজ এসে পড়ল। বললাম, ‘তোমার কি একটুও চোট লাগে নি?’

বলরাম বলল, ‘চোট আমার লাগে নি বাবু? কিন্তু কাঁদব কার কাছে বলেন। কাঁদনে লাভ? ওনারা কইবেন, দেখি নাই বাপু। মিটে গেল। তাই বলে পইড়ে থাকব না, চইলব। চইলতে চোট লাগে না বাবু? আপনার লাগে না?’

আবার সেই কথার ফুল ফোটানো। সে ফুলে এমন গন্ধও ছিল যে, চট করে জবাবও দিতে পারি না এই সামান্য বলরামের কথার।

সে আবার বলল, ‘বাবু, নোকে সংসার চালায়। সংসারে কত ব্যথা, কত চোট। সেখানে পেটে চোট, মনে চোট। পেটে খেতে নাই, বুক-জোড়া মানুষটি নাই, হাজার চোট খেয়েও খেমে আছে কেন বলেন?’

তর্কের অবকাশ ছিল কি না জানি নে। কিন্তু হেরে গেলাম। জানি নে, কোন পথে আমাকে টেনে নিয়ে গেল। আমাকে আবার ভাসিয়ে নিয়ে গেল তার স্রোতে। একটা সামান্য ছুলা বলরামের কাছে হার মেনে গেল আমার বিচা-বুদ্ধি। অন্তত এই মুহূর্তের জ্ঞান সে আমার মনের ঢুকুল ভাসিয়ে ভরিয়ে দিল।

এর পরে আর ওই চারটে পয়সার কথা বলে তাকে আঘাত দেওয়ার কথা আমার মনে আনতে সংকোচ হল। আমার মন তো বলরামের মন নয়।

তৃতীয়বার বলরামের হাত এসে ঠেকল আমার পায়ে। ছি ছি, অমন পায়ে হাত কেন বার বার। বললাম, ‘কী বলছ?’

দেখলাম বলরামেরও সঙ্কোচ হয়। বলল, ‘আলবাদ ইষ্টিমনে এট্রুস হাত দুইখান ধরবেন, কোনরকমে একবার টেনে-হিঁচড়ে ফেলতে পারলেই হইবে। আপনি একলা মাহুষ, তাই কইলাম।’

বলে সে আমার মুখের দিকে ব্যাকুল চোখে তাকিয়ে রইল। সেই চোখে দেখতে পেলাম বোধহয় বলরামের আসল রূপ। সে রূপ এক বিকলাঙ্গের করুণ অসহায় রূপ। এ সংসারে আয়নায় বোধহয় এটাই তার প্রকৃত মূর্তি। আর এ রূপই বুঝি তাকে দিয়েছে প্রাণ-ভোলানো স্বপ্ন, গলা, কথা ও মন।

বললাম, ‘পায়ে হাত দিও না। দেব, নিশ্চয় নামিয়ে দেব।’

ব্যস। আবার গুনগুন।

কথায় বলে, বানের জল একবার ঢুকলে আর রক্ষে নেই। আমার দল ঢুকে আপার ক্লাসের আভিজাত্য ও গাঙ্গুীর্থে চিড় ধরিয়ে দিয়েছিল। এবার প্রতিটি স্টপেজ থেকে কলকল নাদে ধেয়ে এল বত্মা। এবার সাধারণ পুণ্যার্থীর সঙ্গে সাধু। গণমনের গঠনপ্রকৃতিও এমনি বিচিত্র যে, একবার যেদিকে ঢল নামে, সবাই ছুটে চলে সেদিকে। জানি নে, অন্যান্য কামরাগুলির কী অবস্থা। কিন্তু এখানে আমাদের মুখে মুখে ঠেকে গেল। যেমন ঠাসাঠাসি, তেমনি কলরব। শুধু খুশির অন্ত নেই বলরামের।

মাহুষ বিরক্তিতে ও হতাশায় হাসে। অজ্ঞের বড় ভাই তেমনি হেসে বললেন, ‘কিছু করার নেই, কী বলেন? কী ভাগ্যি, আমাদের গম্ভব্য আর বেশী দূরে নয়।’

বললাম, ‘আমাদের সকলের বোধহয় একটাই গম্ভব্য।’

বড় ভাইয়ের মধ্যেও বোধহয় বলরামের মত একটা পাগলামি ছিল। বললেন, 'কী করে বলি বলুন। সমূহ আমাদের একটা গন্তব্য এক হতে পারে না। আমি সম্পূর্ণ অন্য পথের যাত্রী।'

বলে তিনি চূপ করে গেলেন। ঘুরে-ফিরে তাঁর সেই পারিবারিক ট্রাজেডির কথাই আসছে। পথ যত সংক্ষিপ্ত হয়ে আসছে, তাঁর পাথরের মত নিকষ কালো মুখে তত পরিস্ফুট হয়ে উঠছে গভীর ফাটলের চিহ্ন। সম্পূর্ণ অন্য পথের যাত্রী, অথচ চলেছেন সেই প্রয়াগেই।

ভয়ঙ্কর অবস্থা হয়েছে মধ্যপ্রদেশের ক্ষিপ্ত অথচ অসহায় শার্জুলের। তাঁরা মহিলাপুরুষে মিলে কিছুক্ষণ রীতিমত ঝগড়া করেছেন। এমন কি ভয়ও দেখিয়েছেন, কর্তৃপক্ষকে বলে এদের নামিয়ে দেবেন।

কা-কস্ত পরিবেদনা। কাকেই বা বলা। যাদের বলছেন, তাদের ভয়ের লেশমাত্র নেই। ভয় নেই, আছে শুধু এক বিষম সংশয়। এত কাছে এসেও তাদের শুধু সংশয়, তারা যেতে পারবে কি না। ভয় তারা পেছনে ফেলে এসেছে। নিষ্ঠুরের মত এর চূলের মুঠি ধরে, ওর মুখে পা দিয়ে যেভাবে সবাই হন্যে হয়ে উঠছে যাবার জন্যে, দেখে মনে হচ্ছে প্রাণকেও তুচ্ছ করেছে তারা। যে যার নিজের ভাবনায় নিজে উন্মাদ। পাশের মানুষটির কথা ভাববার অবকাশও নেই কারুর। সে যদি অপরের পেষণে পীড়নে আত্ননাদ করে ওঠে, তাতেও ক্রক্ষেপ নেই কারুর।

পাগলা হাতি ছুটে দেখেছিলাম কুম্ভমেলায়। লিখতে বসে সেই উপমা মনে পড়ছে। এক নির্মম প্রতিযোগিতায় মেতে উঠেছে সকলে। কে পড়ে থাকবে, কে মরবে, সেটা বড় কথা নয়। আমি যাব। সামনে পড়ে আছে তার জীবন-যৌবন, আজন্মাললিত কাম্যবস্তু, তার ধ্যানধারণা।

বুখা দোষ ধরেছিলাম আমাদের দলের। এখন আর ছোট কামরাটিতে খুঁজে পাওয়া দায় শ্যামাদের। তারা চারটি মেয়েমানুষ নিজেদের সমস্ত পেষণ যন্ত্রণার মধ্যেও আগলে রেখেছে সেই বুড়োকে। আমি আগলে রেখেছি বলরামকে।

আস্তে আস্তে ভয়াবহ হয়ে উঠেছে কামরার অবস্থা।

আর কতদূর। দূর নেই আর। ক্রমে এলাহাবাদ শহরের সীমানায় ঢুকল গাড়ী।

ভেবেছিলাম, সকালেই পৌঁছাব। চারটের সময় গাড়ি দাঁড়াল এলাহাবাদে।

গাড়ি এসে দাঁড়াতে না দাঁড়াতেই, দেখতে গেলুম, হুমদাম করে মালপত্র পড়ছে প্র্যাটফরমের উপর। পড়ছে আমাদেরই গাড়ির দরজা-জানালা দিয়ে।

এসে পড়েছে। একটিমাত্র কথার অপেক্ষা। সত্যিই এল কি-না, সন্ধানের প্রয়োজন নেই। শোনা মাত্র সংক্ষিপ্ত স্থানে পাক-খাওয়া বুধিজালের আবর্ত মুহূর্তে পথ পাওয়ার জন্য ফুলে ফুলে উঠল। অকস্মাৎ এই ক্ষীণভাবে একটা তীব্র আত্ননাদ উঠল সারা কামরাটার মধ্যে। ‘মরে গেলুম, বাবারে। মেরে ফেললে, মেরে ফেললে।’

কাকর হাত ভাঙল, পা ভাঙল, গুঁতো খেয়ে রক্ত বেরিয়ে পড়ল মুখ দিয়ে। এরই মধ্যে বাদরের মত কুলিদের লক্ষ-বিক্ষ। গেষ্টশনের মাইকের চিংকার, হাজার হাজার নরনারীর কলরব। গাড়িটা ফিরোজপুর এক্সপ্রেস। যাত্রীরা নামবার আগেই অন্য যাত্রীর দল ওঠার জন্য ঠেলাঠেলি করছে দরজার কাছে।

প্র্যাটফরমের উলটো দিকে নামবার স্থবিধা নেই। আমার হাঁটু চেপে ধরে চূপ করে বসেছিল বলরাম। বুঝলাম, উপায় নেই। এর মধ্যেই নামতে হবে। আমার এই ক্ষীণ দেহে কখনো শক্তির পরীক্ষা দেব, সেটা অবিশ্বাস্য। কিন্তু ত্রাণ পেতে হবে।

এক কাঁধে ঝোলা নিলাম। হুহাতে বলরামকে তুলে বললাম, ‘শক্ত করে গলা ধরে বুলে পড়ো।’

শঙ্কিত বলরাম বলল, ‘পারবেন তো ঠাকুর! আমার ঠাকুরের কোন কষ্ট হবে না তো!’

বাবু থেকে ঠাকুর হয়েছি বলরামের কাছে। এর পরে দেবতা হব। নরাদম পাপিষ্ঠও হতে পারি।

সামনে তাকিয়ে মগজের সমস্ত বুদ্ধি আচ্ছন্ন হয়ে গেল। এতক্ষণ অপরকে বলেছি, এবার নিজে একটা অক্ষ ক্ষিপ্ত মোবের মত কাঁপিয়ে পড়লাম সামনের দিকে।

অন্ধ্রের বড় ভাইয়ের উৎকণ্ঠিত গলা একবার শুনতে পেলাম, ‘এ কী করছেন, মিঃ শুভন।’

না, শুভন না। নামতে হবে। কতটা এগিয়েছি জানি, একটা নারীকণ্ঠের তীব্র আত্ননাদ শুনে তাকিয়ে দেখলাম, শ্যামা। আমার কহুই তার গলায় ঠেকেছে। প্রাণভরে চিংকার করছে সেই মুক্ত পাখির দল। কোথায় প্রোচা, প্রেমবতীয়া, পাতিয়া। কোথায় বা বুড়ো! দেখতে পেলাম না, শুধু চিংকার

শোনা যাচ্ছে।

আমা আমার কনুই চেপে ধরল দুহাতে। অসহ্য ভার। প্রাণ বেরিয়ে যায়। যেতে দাও যেতে দাও।

দুশ করে এক বলক ঠাণ্ডা হাওয়া লাগল ঘাম-ঝরা মুখে। বাইরে এসে পড়েছি। দেখলাম, একসঙ্গে অনেকে এসে পড়েছি। খসে পড়েছে বলরাম খাড়ের উপর থেকে। না, তার লাগেনি। সে ভগবানকে ডাকছে।

ওভারকোটটা কে ধরে রেখেছে পেছন থেকে। ফিরে দেখি শ্যামা। উৎকণ্ঠিত চোখে জলের ধারা। অসহায় ভাবে বলে উঠল, ‘ওদের একটু নামিয়ে দাও বাঙালীবাবু।’

আবার! কিন্তু এবার দুজন সেপাই এসে পড়েছে। সেপাই ডেকেছেন মধ্যপ্রদেশের সেই ভদ্রলোক। অবস্থা কিছুটা আয়ত্তে এল যেন।

পরোপকারের নেশা বলে কোন বস্তু আছে কিনা জানি না। মানুষের মনে মাঝে মাঝে একটা ঝাঁক চাপে। আমারও ঝাঁক চাপল তেমনি। শ্যামার হাতে ঝোলা ফেলে উঠে গেলাম আবার।

প্রোচা চেষ্টায় উঠল, ‘এই বুড়োকে, দোহাই বাবু, এই বুড়োকে একটু নামিয়ে দাও!’

বলতে না-বলতে বুড়ো দু হাতে চেপে ধরল আমাকে। যেমন করে জলে ডুবন্ত মানুষ কোন আশ্রয় খোঁজে। ভেবেও দেখে না, সে-আশ্রয়স্থল সে তলিয়ে যাবে কি-না।

নেমে এলাম। নেমে এসেছে সবাই। কোথায় গেল হা-হতাশ, ধস্তাধরি, চিৎকার ও কান্না।

শ্যামা হাসছে! হাউমাউ করে কী সব বলছে প্রোচাকে আর আঙুল দিয়ে দেগাচ্ছে আমাকে। বুঝতে পারলাম, এমন ভালমানুষ ওরা কখনো দেখে নি, সে কথাই বলছে আর বোঝাতে চাইছে আমাকে।

বলরাম ডাকল, ‘ঠাকুর!’

বললাম, ‘ঠাকুর নই, জাত শুদ্ধুর আমি।’

কিন্তু বলরামের আছে কথার ফুলবাগান। বলল, ‘কই! আপনার গায়ে মুখে যে নেকা রয়েছে ঠাকুর বলে। তা আমি কেন। ঠাকুর, অ্যাই, অ্যাই যে নকীদাসী।’

দেখলাম, বলরামের পাশে দাঁড়িয়ে আছে কয়েকজন পেটেন্ট বাঙালী

নামাবলীধারী বৈষ্ণব, আর-একজন কালো স্থল চেহারার মেয়েমানুষ।

বুললাম, আমবাটার লক্ষ্মীদাসী এই মেয়েমানুষটি। বয়স চল্লিশের কাছাকাছি। থানের উপর নামাবলী। পান-দোস্তা-খাওয়া ঠোট ফেটে চৌচির হয়েছে। স্থল ঠোট, বিস্ফারিত করে বেচারী হাসতেও পারছে না। বোধ করি তার মূল গায়নকে রক্ষা করেছি বলেই মুগ্ধ কৃতজ্ঞতায় বাকরহিতা হয়েছে সে।

বললাম, ‘বেশ, এবার চলি বলরাম।’

জবাব দিল লক্ষ্মীদাসী। সেও বলল, ‘ঠাকুর—’

ফিরে তাকালাম তার দিকে। চল্লিশ বছরের লক্ষ্মীর কালো কালো ডাগর চোখ দুটি এখনও বালিকার মত কোতুহলিত ও নম্র। বলল, ‘একবার আমাদের আশ্রমে পায়ের ধুলো দিবেন।’

‘কোথায় তোমাদের আশ্রম?’

‘কোথায় জানি না। দেখি নাই তো কোনদিন। আশ্রমের নাম ছিরি নন্দগোপাল মাধবাচার্য বাবাজীর মন্দির। আমাদেরও খুঁজে নিতে হবে।’

বললাম, ‘পারলে যাব। না যেতে পারলে কিছু মনে করো না। তবে তোমার মূল গায়নের গলাটি বড় মিষ্টি। ওর গান শোনবার ইচ্ছা রইল মনে।’

অঙ্কের পরিবারটি নেমে এসেছেন। দেখলাম, ড্রাইভারের উর্দি-পরা একটা লোক তাঁদের পথ করে দিয়ে নিয়ে চলেছে। সকলেই আমার দিকে চেয়ে হাসলেন। বড় ভাই বললেন, ‘আমাদের ক্যাম্পটার নাম মনে আছে তো? আসা চাই।’

সাধারণ যাত্রীদের বেকবাব পথে এগিয়ে গেলাম। জানি, আমার দিকে তাকিয়ে আছে বলরাম। জলে ভেসে যাচ্ছে তার হুচোখ। মা-খেগো বলা মানুষের অকৃত্রিম বন্ধু!

এই মহামেলার জনারণ্যে আর কোনদিন ওকে খুঁজে পাব কি-না জানি না।

মানুষের মন নদীর কূলে সৈকতভূমি, সেখানে দিবানিশি পলি পড়ছে। পলের পলি, মিনিটের পলি, ঘণ্টার পলি, মহাকাল ও যুগের পলি। একটা বেলার মধ্যে অস্পষ্ট হয়ে এসেছে স্মৃতি-সহ তীব্র স্মৃতি। এর পর হারিয়ে যাবে বলরামও।

আবার কোন ঘটনার ঢেউ আছড়ে পড়ে যেদিন জাগিয়ে দেবে এই কুণ্ড-

যাত্রার স্মৃতি, সেইদিন হয়তো এই বিচিত্র মুখগুলি ভেসে উঠবে চোখের সামনে।
কত কথা মনে পড়বে।

স্মৃতি যেন কণ্ঠলগ্না প্রেয়সী। প্রেয়সীর আদরে অবিস্মৃতি স্থখ থাকে না।
স্থখ ও দুঃস্থ, এ দুই ধারার মিলনে সেখানে নোনা জলের ধারাও গড়িয়ে আসে।
স্মৃতিও তেমনি। এমন কি, কণ্ঠলগ্ন হয়েও তীব্র দহন সময়ে সময়ে অজ্ঞপ্ত করি
আমরা। তবুও স্মৃতি বিনা প্রাণ বাঁচে না।

মাইক অনবরত বলে চলেছে, ‘কলেরার ইন্জেকশন নিতে ভুলবেন না।
ভুলবেন না মার্টিকিফিকেট নিতে। বিনা মার্টিকিফিকেটে আপনার মেলায় প্রবেশ
নিষিদ্ধ।’

তার ব্যবস্থাও হয়েছে কম নয়। সমস্ত স্টেশনটি বাঁশের বেড়া দিয়ে ঘিরে
একটি অস্থায়ী কারাগার সৃষ্টি হয়েছে। দরজায় দরজায় ডজন ডজন পুলিশ।

স্টেশনের খোলা আঙিনাতেই ছাউনি পড়েছে মহামারী প্রতিষেধক-
ওয়ালাদের। কয়েকজন মহিলা ও পুরুষ বাগিয়ে ধরে আছেন চকচকে সিরিজ
আর তুলো।

শ্রামার দল এখানেও হটগোল পাকিয়েছে। ইন্জেকশন তারা কিছুতেই
নেবে না। শুধু শ্রামারা কেন, অনেক শ্রামার দলই মুহুর্তের মত পড়ে আছে
ছাউনির পাশে। ভগবানের কাছে হতো দেওয়ার মত অসহায়ভাবে পড়ে
আছে।

পুণ্যার্থী নারীবাহিনীর কোন কোন দল তো কান্নার রোল তুলেছে।—‘হে
ভগবান, হে মহাদেব তোমার রাজত্বে এ কি কাণ্ডকারখানা চলেছে।’

অবাক হয়ে দেখি পাশে একজন মস্ত মরদ জোয়ান পাগড়ি নিয়ে চোখের জল
মুছেছে। বললাম, ‘কাদছ কেন?’

সে আমার দিকে কয়েক মুহুর্তে শূন্য দৃষ্টিতে তাকিয়ে ছুঁপিয়ে উঠল। বলল,
‘বিনা স্ত্রীসে ইনলোগ হম কো ঘানে নাহি দেগা।’

মতি, ভগবানের রাজত্বেরই কাণ্ডকারখানা বটে। মরদটিকে দেখে মনে
হচ্ছে, সে রাজস্থানের কৃষক। শরীর তার আমার চার ডবল। তার চওড়া
থাবাটাই আমাকে বোধহয় টিপে মেরে ফেলতে পারে। সে যে সামান্য একটি
ছুঁচ হাতে বৈধবার ভয়ে রীতিমত কান্না জুড়েছে, এ চোখে না দেখলে বিশ্বাস
করা যায় না।

কিন্তু চোখে দেখতে পাচ্ছি, শুধু সে কেন, এমন কয়েক জনেরই চোখ ছিলছিল

করছে। অথচ এই মানুষই হয়তো সামান্য আলপথের জমি নিয়ে দাঙ্গা করে নজের ও পরের মাথা কাটায় অনায়াসে। তখন সে রক্ত দেখেও ভীত নয়। হয়তো ধর্মের নাম করে তার নাক কান ফুটো করে দিলেও সে সহ্য করবে। কিন্তু ইন্জেকশন! সে যে বড় সাংঘাতিক।

কিন্তু তেল দাও, সিঁদুর দাও, ভবী ভোলবার নয়। ইন্জেকশন-রুপী দেবতাটি বড় নির্দয়। ছুঁচ হয়ে না ঢুকে সে ছাড়বে না। আর তার পরোয়ানা না পেলে স্বর্গের দরজাও বন্ধ। যারা ভীত অথচ বুদ্ধিমান, তারা কেউ স্বীকার করছে না। নিচ্ছে আর পালাচ্ছে। ভাবখানা, যা হয় পরে দেখা যাবে। এখন তো যাক।

শ্রামার দল শেষটায় টাকা বের করছে। কিন্তু টাকা নিয়ে যারা নিষ্কৃতি দেবে, এ দিনের আলোয়, শহশ্র চোখের সামনে তাদের ইচ্ছা থাকলেও লজ্জা বলে একটা বস্তু তো আছে।

বুখা দেবী করা। যেতে হবে। এদিকে বেলা যায়। ইন্জেকশন নিয়ে, এক টুকরো কাগজের শার্টফিকেট পকেটে পুরে বেরুতে গলাম।

সামনেই দেখি শ্যামা ও প্রৌঢ়। পেছনে প্রেমবতীয়া, পাতিয়া ও বুদ্ধ।

শ্যামা উৎকণ্ঠিত গলায় জিজ্ঞেস করল, ‘চোট লাগে নি?’

ভাবলাম, বলরামের মত জবাব দিই যে, চোট ছাড়া চলা যায় নাকি? হেসে বললাম, ‘সামান্য। ও কিছু নয়।’

শ্যামা বলল, ‘সচ বলছ?’

‘ঝুটা বলে লাভ কি আমার। নিয়ে দেখো।’

এত ভয় যে, শ্যামা আমার চোখের দিকে তীক্ষ্ণ দৃষ্টিতে এক মুহূর্ত তাকিয়ে রইল। বলল, ‘আমাদের এই বৃড়া মানুষটি নিতে পারবে তো?’

বললাম, ‘নিশ্চয়ই। একশোটা নিতে পারবে।’

বলে হাসতে হাসতে বাইরে এসে দাঁড়াতেই এক কাণ্ড। একটি বাঙালী বৃদ্ধা শণ-মুড়ি চুল উড়িয়ে ভাঙা গলায় খনখন করে উঠল, ‘দাঁত বের করে নিয়ে তো এলে বাছা। এমনি করে তোমরা প্যাক প্যাক করে নিলে মড়ারা কি আর আমাদের ছাড়বে? একটু বলে কয়ে ব্যবস্থা তো করতে হয়।’

অবাক হয়ে বললাম, ‘আমাকে বলছেন?’

‘তবে আর কাকে বলব।’

‘কিন্তু বলে কয়ে কাকে বোঝাব, বলুন তো?’

‘কেন, হিন্দিমিন্দিওয়ালাদের বলে দাও, আমাদের এই বুড়িহুড়িদের সাত-কাল গিয়ে এককাল ঠেকেছে। মরি মরব। আমরা সব ইঞ্জিনফিজিশন নিতে পারব না।’

তাই ভাল। ভেবেছিলাম, না জানি কী করেছি। দেখলাম, বুড়ির পাশে এক বছর ত্রিশ-বত্রিশ বয়সের যুবক দাঁড়িয়ে রয়েছে। এর মধ্যেই সে আপাদমস্তক মোটা শালে ঢাকা দিয়েছে। শীত আছে সত্যি কিন্তু যুবকটিকে শীতের জুজুবুড়িতে ধরেছে বলে মনে হল। ঠেলাঠেলির ঠেলায় আমাকে তো সব গরম জামা খুলে ফেলতে হয়েছে।

যুবকটির পাশে দেখলাম একটি অবগুপ্তিতা বালিকা। বালিকা উৎকণ্ঠিতা। আমার চোখে চোখ পড়তেই যুবকটি বলে উঠল, ‘কী করা যায় বলুন তো?’

আমি বললাম, ‘কেন, আপনিও নেন নি নাকি?’

যুবকটি লজ্জিত হল না একটুও। মুখটা আরও করুণ করে বলল, ‘মানে কথা, কখনো নিই নি কি-না, তাই বড় ঘাবড়ে যাচ্ছি। দেখুন না, আমার পরিবারটি তো একেবারে মরিয়া হয়ে গেছে দাদা। আর দিদিমার কথা তো শুনলেনই।’

পরিবার অর্থাৎ বালিকাটি। বুড়ি হল দিদিমা। লোকটির অবস্থা সবদিক দিয়েই কাহিল হয়ে পড়েছে, বুঝতে পারলাম। কিন্তু অবাক হলাম ওর কাণ্ড দেখে। ইনজেকশন যে এমন করালরূপে এখনো দেশে বিরাজিত, তা জানতাম না।

বললাম, ‘জানতেন তো আসবার আগেই। ব্যবস্থা একটা করলেন না কেন?’

যেমনি বলা, অমনি যুবকটি শাল খুলে একেবারে রুদ্ধ যুতিতে জলে উঠল। টেঁচিয়ে বলল, ‘মশাই, এই বুড়ি যত নষ্টের মূল। পইপই করে বলেছিলুম, ছটা টাকা দে দিমা (অর্থাৎ দিদিমা), মিউনিসিপালের হেলথ অফিসারকে মাথা পিছু ছুটাকা করে দিয়ে সার্টিফিকেট নিয়ে নিই। তখন বলে কত কথা। ছটা টাকা। এখন কোন্ শালা এ বোত্‌রনি পার করবে, ঝ্যা?’

যুবক স্মৃতিতে বিরাজিত। দিদিমাও কন্‌ যায় না আছুরে নাতির চেয়ে। মেও গলা চড়িয়ে বলল, ‘হ্যাঁ রে, একালষেঁড়ে, ছপয়সা কামাবার মুরোদ নেই, ছটা টাকা আসে কোথেকে। আর তখন কি অত জানতুম যে, মিনসেরা এমনি করে ধরবে।’

যুবক আরও উগ্র হয়ে উঠল। শাল কোমরে বেঁধে জামার আঙ্গিন গুটিয়ে বলল, ‘আমি শালা এখনি ইনজেকশন নেব, যা খুশি তুই কর।’

সর্বনাশ! বুড়ি একেবারে ক্ষেপে উঠল। বলল, ‘মাথা কুটে মরব পেলাদ, তোর দিমার তালে আজ এথেনেই মিত্যু আছে। খবরদার।’

কিন্তু পেলাদ আফালন করতে ছাড়ে না।—‘হোক মরণ তবু নেব।’

বলে, কিন্তু এগোয় না। আর আমিহি কি জানতাম যে এলাহাবাদে স্টেশন-প্রাঙ্গণে এমনি একটি নেহাত বাঙলা নাটক দেখব!

দর্শক অনেক ছিল। বোধকরি ভারতের প্রতিটি প্রদেশের নরনারী দেখল এই নাটক। প্ল্যাটফর্ম থেকে জনতা ক্রমে আঙিনাতে ভিড় করতে আরম্ভ করছে। মহামারী ক্যাম্পের লোকেরা তাড়া দিলেন ভিড় কমাবার জ্ঞাত।

ইতিমধ্যে অনেকেই বেরিয়ে গিয়েছে। বুঝলাম, দাঁড়িয়ে থাকা বৃথা। জানি না দিদিমা-নাতির এ নাটকের যবনিকা কিভাবে কখন পড়বে। সরে পড়া ছাড়া গত্যন্তর নেই।

এলাহাবাদ শহর। প্রাচীন হিন্দু-রাজত্বের প্রয়াগ প্রদেশ। শুধু হিন্দুর তীর্থভূমি বলে নয়, যে কোন ইতিহাস-কৌতুহলিত ব্যক্তি রোমাঞ্চিত হবেন আজকের উত্তরপ্রদেশের এই শহরের ইতিহাস শুনলে।

দলবদ্ধ তরুণীদের কলহাসির মত অনেকগুলি বেল বাজছে সাইকেল রিক্সার। এখানে কর্ণবিদারী ভেঁপু নেই। ষাড় হুইয়ে সঁ সঁ করে ছুটে চলেছে উত্তরপ্রদেশের রিক্সাওয়ালারা। সময় সেই আজ তাদেরই পৌষ মাস। এক টাকার জায়গায় চার টাকা চাইলেও না বলার মত কেউ নেই। রথ যাদের চাই, তাদের আজ রথীদের মনোমত ব্যবস্থায় রাজী হতেই হবে।

কিন্তু সে-কথা বলছিলাম না। বলছিলাম এ দেশের কথা। বাঙলা থেকে খুব দূরে বলব না এ দেশকে। বিশেষ এই বিজ্ঞানের যুগে। তা ছাড়া বাঙালী বাসিন্দার সংখ্যাও এখানে কম নয়।

আজ এই দেশের রাজপথের উপর দিয়ে যাওয়ার সময় দেখছি পিচ-ঢালা রাস্তা, ছ’পাশে ইমারতের সারি। ধুলো উড়িয়ে ছুটে চলেছে মোটর লরি আর গ্রাইন্ডেট কার। সাইকেল রিক্সা আর রকমারি টাঙ্গা। টাঙ্গাগুলিই বোধহয় প্রাচীন ভারতের ষোড়ায়-টানা রথের স্মৃতি বহন করছে। মানুষ চলেছে অসংখ্য।

শহরের চেহারা বাঙলার মফঃস্বল শহরের মত। বিশেষ, বর্তমান বাংলা-

দেশের রাজধানী ঢাকা শহরের ছাপ এলাহাবাদে পরিস্ফুট।

কাল থেকে কালান্তর, যুগ থেকে যুগান্তর। কাল যায়, যুগ যায়। যাওয়ার সময় সে তার ছাপ রেখে যায়। সবই মানুষের কীর্তি। মানুষই ভাঙে, আবার মানুষই গড়ে। তবু পেছন দিকে তাকালে আমাদের ছু চোখ জলে ভরে আসে। এ চোখের জল অবজ্ঞাবাদীর নয়, নয় ইতিহাস-বিমুখের। বরের গৃহে মেয়ে পাঠাবার জন্ত পিতা কত হৃদয় অহুষ্ঠান করেন। মেয়ের প্রতিষ্ঠা, তার নারীত্বের মহিমা প্রকাশের জন্য এক নতুন জীবনে তুলে দিয়ে আসেন তাকে। তবুও থাকে লালন করেছেন, জন্মের পর থেকে যার বিকাশের জন্য প্রতিদিন কষ্ট করেছেন, তারই নব জীবনের প্রবেশপথে দাঁড়িয়ে তিনি কেঁদে ভাসান।

প্রয়াগ নাম আমাদের তেমনি মুগ্ধ করে। হাজার হাজার বছর আগে থেকে ভারতের নামের সঙ্গে প্রয়াগের নাম জড়িত। ভাবি, ঘে-পথের উপর দিয়ে আজ রিক্সায় চেপে চলেছি, একদিন এখানকারই ভয়াবহ বন-জঙ্গলের মধ্য দিয়ে অযোধ্যার দশরথ-পুত্র রাম, ভাই লক্ষণ ও স্ত্রী সীতাকে নিয়ে বনবাসের পথে গিয়েছিলেন। দেখতে পেয়েছিলেন দূর-আকাশের ধোঁয়ার কুণ্ডলী! ধোঁয়ার কুণ্ডলী উঠেছিল ভরষাজ মুনির আশ্রম থেকে।

কাব্য নয়, বাস্তবে কি একবার চোখ বুজে ভাবতে পারিনা, সংমায়ের তাড়নায় ছুইভাই আর এক বউ বহুকাল পূর্বে একদিন ঘর ছেড়ে এ পথে এসেছিলেন। তাঁদেরই দিয়ে আমাদের রাজকথা কাব্য, গোরবগাথা, রূপকথা, আমাদের ইতিহাস।

চমকে উঠলাম। হঠাৎ কানে এল, ‘এই যে বাঙালী ভাই!’

কথার সঙ্গেই জলতরঙ্গের চড়া স্রের মত এক বলক হাসি। হাসি, ঘোড়ার পদশব্দ, ঘোড়ার গলায় বাঁধা বকুলেশের ঘুঙুরে ঝুম-ঝুম বাজনা।

চোখ চেয়েছিলাম কিন্তু মন-চোখ হারিয়ে গিয়েছিল রামায়ণ কাব্যলোকের স্বপ্নরাজ্যে। স্রষ্টোথিতের মত চমকে তাকিয়ে দেখি, মাত্র দুহাত দূরে শ্যামা। টাঙ্গার প্রান্তে বসেছে পা ঝুলিয়ে। একটা টাঙ্গারই স্বল্পপরিসর জায়গায় তারা সকলে বসেছে বুড়োকে নিয়ে। বুড়ো রয়েছে মাঝখানে। তাদের টাঙ্গা চলেছে আমারই রিক্সার গায়ে। এত গায়ে গায়ে যে ঠেকে না যায় আবার।

সামনে পিছনে টাঙ্গা ও রিক্সার ভিড়। পথের দুপাশে ভিড় মানুষের। মেয়ে, পুরুষ, শিশু ও বুড়ো। সারবন্দী চলেছে সকলে। চলেছে লাধুর দল।

ক্রিং ক্রিং নয়, রিনি-রিনি করে বাজছে রিক্সার বেল। তাড়া দিচ্ছে আমার রিক্সা শ্রামাদের টাঙ্গাকে।

শ্যামা হাসছে, হাসছে ওদের সমস্ত দলটা। বড়োটিও কি হাসছে? হাসছে না, কিন্তু নাকের পাশের গভীর রেখা ছুটিতে তার প্রশ্নসত্তার আভাস!

প্রোটা কী বলল শ্যামাকে। যাত্রী ও যানবাহনের কলকোলাহল ছাপিয়ে গলা চড়িয়ে শ্যামা আমাকে জিজ্ঞেস করল, 'কাঁহা জানা হয়?' বাংলা করলে বোধহয় অর্থ দাঁড়ায় 'কোথায় যাওয়া হবে?'

বললাম, 'মেলা। কুম্ভমেলা।'

'সচ্?' সত্যি! চমকিত বিশ্বাস ও মুহূর্তের নীরবতা। আবার হাসি। সে-হাসিতে পথচারী নরনারী চমকায়, জানোয়ার চমকায়। বোধহয় চকিতের জন্তু থমকে যায় অবিরাম বয়ে-চলা এই জন সমুদ্রের পায়ের তলার মাটি, উত্তর-প্রদেশের হালকা মেঘ-ছাওয়া বেলাশেষের রক্তিম আকাশ, উত্তরের সর্বনাশী বাতাস। কেন-না, এ-হাসিতে মুক্তির স্বাদ নেই।

কেন এত হাসি, জানি নে। বলরামের যেমন দেখলাম, হাসি প্রাণ, হাসি গান, হাসি অঙ্গের বসন-ভূষণ। বুঝি এদেরও তাই। কিন্তু বলরামের নীরব হাসিতে খুলে যায় প্রাণের বন্ধ দরজা। নীরব অথচ এক প্রাণখোলা মাহুঘের মুক্তির উদার ডাক। আর এই চড়া হাসির লহরে লহরে অল্পভূত হয় এক চাপা-পড়া বন্দীর নিঃশব্দ যন্ত্রণার ছটফটানি।

রিক্সার সামনের চাকা গিয়ে ঠেকেছে শ্যামার পায়ের কাছে। ঠেকে ঠেকে, তবু ঠেকে না। শ্যামার একটি খেলা আরম্ভ হয়েছে দেখছি। কার সঙ্গে? আমার সঙ্গে, না রিক্সাওয়ালার সঙ্গে, তা জানি নে।

বাঙালী ছেলে বলে ভাবি, দেশের মেয়েরা ছাড়া বুঝি কেউ আলতা দিয়ে পা রাঙায় না। কিন্তু শ্যামারও দেখি আলতারাঙানো পা, প্রজাপতির নকশাকাটা শ্যঙেল, আবার বাঁকা মল। মলের উপরেই পেশম-উন্মুক্ত-ময়ূর-ছাপা শাড়ি। তার বলিষ্ঠ অঙ্গ জুড়ে ছড়াছড়ি নৃত্যরত ময়ূরের। খুলে গিয়েছে ধূলিরূপ চুল, সিঁথিতে মেটে সিন্দুর। কাঁচা সোনার স্থল কাজ-করা কঙ্কণ-শোভিত দুহাতে কোলের উপর জড়িয়ে ধরেছে একটা পেতলের কলসীর গলা। বসেছে বঁকে, ঘাড় হেলিয়ে। মুখে তার খেলার হাসি।

সে আবার জিজ্ঞেস করল, 'কোন্ আশ্রমে থাকবে?'

বললাম, 'জানি নে।'

'জান না?' বোধহয় নিজেদের মধ্যে সেই কথাটি বলাবলি করে আবার তারা সকলে হেসে উঠল। কী করে জানব। যেখানে কোনদিন যাই নি, দেখি নি কেমন জায়গা, কী রকম আশ্রয়, সেখানে কোথায় থাকব সেই ভেবে তো বেরুই নি। কি ভেবে বেরিয়েছিলাম, আজ পথ চলতে সব ঘেন ঘুলিয়ে গিয়েছে। বক্তৃতা আর যুক্তি গিয়েছে ভুলে। ভেঙে পড়ি নি ক্রান্তিতে, তবু মনেও হচ্ছে না কখন কেন বেরিয়েছিলাম।

মনকে জিঞ্জেস করেও লাভ নেই। বেরুবার জন্ত মন অস্থির হয়েছিল। অস্থিরতা ঘুচেছে, এখন মন পাগল হয়েছে। নিজের সেই পাগল রূপটি দেখতে কেমন জানি নে! এখন চলা নামের মদ খেয়ে মাতাল হয়েছে। মনের বৃকে কান পাতলে শুনি শুধু, চলো চলো চলো। এত মাহুষ চলেছে, অবিরাম চলেছে। বস্তার জলে আমি জল হয়ে মিশে গিয়েছি।

কোথায় গিয়ে ঠেকব জানি নে। ঠেকব কি ভেসে যাব তাও জানি নে। আশ্রয়ের কথা কে ভেবেছে।

পথের দুধারে চলেছে পাঞ্জাব, সিন্ধু, বোম্বাই, গুজরাট, দ্রাবিড়, উৎকল, বঙ্গ। কী বিচিত্র তার রূপ। কোথাও রঙিন পায়জামা পাঞ্জাবি ও ওড়নার সঙ্গে ঘাড়ের উপর এলানো খোঁপা, দোলানো বেণী। বাঁকা খোঁপায় ফুল গুঁজে রঙিন রেশমী শাড়িতে টেনে দিয়েছে কাছা। গলায় ঝোলানো বেণ্টের সঙ্গে থাপে ঢাকা ছুরি, কোমরে তলোয়ার নিয়ে চলেছে পাঞ্জাবী শিখ। হাজার কুচি-ঘেরা বাগরায় ঢেউ তুলে চলেছে দিল্লীওয়ালী, বিচিত্র বর্ণবহুল চৌদ হাত শাড়িতেও সর্বাঙ্গ উদাস করে চলেছে রাজপুতানী। মাথায় সোনার টিকুলি, হাতে পায়ে সোনা। কারুর বা রূপোর হাঁজুলি, কান-ছিঁড়ে-পড়া ছ-ইঞ্চি ভারী কর্ণাভরণ। নাকের দুপাশে নাকছাবি, কপালে দেশী গোলাপী রঙের সিঁদুরটিপ, সামনে কুচি দিয়ে বাঁ-দিকে আঁচল এলিয়ে চলেছে দক্ষিণদেশীনী। বাবরিকটা, লুঙ্গি-পরা, মুখে চুরুট পুরুষবাহিনী। কোথাও চোস্ত পাজামা আর চুড়িদার পাঞ্জাবি, কোথাও নকশা-ফোটানো নাগরা জুতো, ধুতি আর ঝোলা পাঞ্জাবি পরা গৌফ-পাকানো হিন্দুস্থানের পুরুষ। এরই চোখে চোখে পড়ে কস্তাপেড়ে বাংলা শাড়ি আর বাংলা সিঁদুরের আগুনের মত লাল উজ্জল টিপ ও শাঁখা। সর্বহারার শুভবেশিনী বিধবা। কচিং বাঙালী কুমারীর মস্ত বড় আঁট খোঁপা, স্নিগ্ধ মুখে উত্তরপ্রদেশের ধূলি-রূক্ষতা আর কৌচা-ঝোলানো,

কিংবা পায়ের গোড়ালি অবধি মালকোঁচা-দেওয়া পুরুষ, আমারই মত সব টাইপ চেহারার বাঙালী !

দেখে শেষ হয় না, আশ মেটে না পথের এই বিচিত্র রূপ দেখে। ভাবি, যার বেশ এত বিচিত্র, তার হৃদয় ও চরিত্রের গতিবিধি না জানি আরও কত বিচিত্র। সে বিচিত্রকে জানব কেমন করে। মন ভারী হয়ে উঠল। এত মানুষ, কত রূপ। এ রূপের শেষ রূপ কোথায়। সে রূপকে খুঁজব, সেই অপরূপকে দেখব। ভুলি নি তো! ডুব দেব সেই হৃদিকুস্তে। রূপে তাকে চিনব না, প্রাণে প্রাণে বুঝব বলে ডুব দিতে চাই। প্রাণের দরজা যদি থাকে বন্ধ, করাঘাত করব। চাবি হয়ে ঘুরব ক্লুপ ছিজের মধ্যে।

কেন এলাম ছুটে উদ্ভাস্তের মত। দেখব বলেই তো। ভারতের এই বিচিত্র আরশিতে নিজের মুখটি ভাল করে যাচাই করব বলেই তো এসেছি। সে মুখ আমার মন। আমার ধর্ম।

চলো চলো, আর কত দূর। নিজের মনের কথা নিজে বলতে পারি নে, মা-খেগো বলা হলে হয়তো গান গেয়ে শুনিয়ে দিত আমার মনের কথা।

এরই মাঝে আর এক রূপ যেন মসলিনের ওড়নার সর্বাঙ্গে ধূলিমলিন ন্যাকড়ার তালিতে ভরা। ভারতের দরিদ্র নরনারী এই সমারোহপূর্ণ মিছিলের সবচেয়ে বড় অংশ। জীর্ণ কঞ্চল, ছিন্ন কাঁথা, ময়লা জামা-কাপড়, উসকো খুসকো চুল, ধুলো-মাখা মুখ। তাদের ঘাড়ে মাথায় বোঝা! শত শত মাইল, শত গ্রাম-গ্রামান্তরের ধুলো তাদের সর্বাঙ্গে ছাওয়া। তবু নিজের প্রদেশ-পরিচয় লেখা রয়েছে তাদের মলিন পোশাকে।

এই রূপের স্রোত চলেছে টাঙ্গায়, রিক্সায়, পায়ে হেঁটে। দূর-গ্রামের মানুষ এলেছে মোষের গাড়ি, বলদের গাড়ি নিয়ে। ভারতের বর্ণাঢ্য ঐশ্বর্য, ভারতের মলিন ছাইচাপা সোনা। আমি হু-হাতে কুড়িয়ে নেব এই সম্পদ।

চারিদিকে কলকোলাহল। গাড়ির ধর্মর, ঘোড়ার খুঁবাঘাত, ঘুঙুরের বাজনা, রিক্সার জলতরঙ্গ। পথচলতি মেয়েরা গান ধরেছে। মেয়েদের দেখে মনে হয় তারা মাড়োয়ারের বি-বহড়ি। হাত দিয়ে নথ নোলক সাপটে ধরে গান করছে তারা। গান চলেছে একটি টাঙ্গায়, মোষ-বলদের গাড়ীতে। এই তো বিরাট মেলা। চলন্ত মেলা। হারিয়ে যাওয়ার ভয়ে হাতে হাত ধরেছে, আঁচলে আঁচলে বেঁধেছে সকলে।

ভুক্তার্ত হয়ে চারিদিকে তাকিয়ে দেখি, কোথাও হাসি, কোথাও গান,

কোথাও কান্না, কোথাও বিবাদ। ভাষা বুঝি নে, ভাব বুঝি নে, সকলের।

সব যখন এমনি ভাঙা রেকর্ডের বিকৃত শব্দের মত তালগোল পাকিয়ে গিয়েছে, তখন শুধু শুদ্ধ বনের মাঝে ঘেন একটি ব্যাকুল কণ্ঠস্বর ভেসে এল, 'ও নিধিরাম, বাবা নিধিরাম, কোথায় গেলি। আমি যে হাতছাড়া হয়ে গেছি বাপ। আমার হাত ধর, তোর কাছে টেনে নে।'

একটি ক্লান্ত মোটা গলার জবাব শোনা গেল আরও দূর থেকে, 'এই যে পিসি, আমি এখানে। ভয় নেই, চলো। আমি তোমাকে ঠিক দেখতে পাচ্ছি, তুমি হারাবে না। ভয় নেই!'

ভয় নেই। নির্ভয়ে চলো। কারা কথা বলছে। মানুষ দেখার জো নেই। কথা বলছে ভিড়। এক গানের ভাষা বুঝতে পারি নি, আর-এক গানের ভাষা বুঝতে পারছি। শুনতে পাচ্ছি খোল-করতালের ঝিমানো বাজনা, তার সঙ্গে 'শ্রীকৃষ্ণ চৈতন্য প্রভু নিত্যানন্দ, হরে কৃষ্ণ হরে রাম রাধে গোবিন্দ।'

শুনেই চোখের সামনে ভেসে ওঠে বলরামের মুখ। কারা গাইছে। লক্ষ্মীদাসীর দল নাকি।

রাস্তার বাঁ-দিকে একটা প্লেটে লেখা রয়েছে, কমলা নেহেরু রোড, রাস্তার দু পাশের কাঁচা অংশে বাঁট দিচ্ছে ঝাড়ুদারনীর। বাঁশের ডগায় ঝাড়ু বেঁধে দাঁড়িয়ে দাঁড়িয়ে বাঁট দিচ্ছে, অবাক হয়ে তাকিয়ে দেখছে যাত্রীদের। এক কোঁটা জল নেই, বাঁট দিয়ে শুধু কেন ধুলো ওড়ানো হচ্ছে বুঝি নে। ধোঁয়ার মত ধুলো ছেয়ে ফেলল সারাটা রাস্তা। বাপসা হয়ে গেল হাজার হাজার মুখ।

এই রাস্তায় আজ আমরা চলেছি, কুস্তের যাত্রীরা। যদি খুলে দিই এই রাস্তার পুরানো ইতিহাসের পাতা, তবে খুঁজে পাব বুঝি গৌতম বুদ্ধের পদ-রেণু। কান পাতলে শুনতে পাব বিজয়ী মৌর্য-বাহিনীর পদশব্দ। দেখতে পাব মুঞ্চিভি গ্রীক-রাজদূত মেগাস্থিনিসকে, চীন পর্যটক ফা-হিয়েনকে। শুনতে পাব সমুদ্রগুপ্ত ও হর্ষবর্ধনের রথচক্রের বর্ষরানি। পদচিহ্ন খুঁজে পাব হিউ-এন সাঙ আর শঙ্করাচার্যের!

তবে, সে ইতিহাস প্রয়াগের। এলাহাবাদের নয়। গবেষকদের মতে, একসময়ে এই প্রয়াগের নাম ছিল বৎসদেশ। ত্রিশ মাইল দূরে, যমুনাকূলে ছিল তার রাজধানী কৌশাধী নগরী। প্রয়াগেরই নাম বৎসদেশ। তারপর মুঘল-

যুগের দুর্ধর্ষবাহিনী ছুটে এসেছে এই পথের উপর দিয়ে। মুঘলের শ্রেষ্ঠ সম্রাট আকবর প্রয়াগে এসে তার নাম রাখলেন ইলাহাবাস। ভিত্তি স্থাপন করলেন ইলাহাবাস দুর্গের। ক্রমে বাদশাহের রম্যভূমি হয়ে উঠেছে এই ইলাহাবাস। জাহাঙ্গীর তৈরি করলেন তাঁর শখের খসরুবাগ। শাজাহান ইলাহাবাসের নাম দিলেন ইলাহাবাদ।

তার পরেও ইলাহাবাদের বৃকে ঝাঁপিয়ে পড়েছে বিদ্রোহী বৃন্দেলা আর মারাঠাদের নির্ভীক অশ্ববাহিনী। আক্রমণ আর প্রতি-আক্রমণে রক্তে ভেসে গিয়েছে ইলাহাবাদের মাটি। কখনো মুঘলদের গোলা আর কখনো মারাঠীদের তলোয়ার অধিকার করেছে এই দেশ।

তারপর অন্ধকার। অযোধ্যার নবাব দেনার দায়ে বিকিয়ে দিল এ দেশ ইস্ট ইণ্ডিয়া কোম্পানীর কাছে।

আর আজ চলছি আমরা। আমরা ঐতিহাসিক যাত্রী নই; কিন্তু ইতিহাস রচিত হচ্ছে আমাদের মনে। আমাদের ইতিহাস আমরা।

হঠাৎ একটা ঝাঁকুনি খেয়ে উলটে পড়বার মুখে সামনে হাত বাড়িয়ে নিজেকে রক্ষা করলাম। সামনে হাত বাড়িয়ে যে-বস্তুটি ধরলাম, সেটি শ্যামার কলসী। রিক্সার সামনের চাকা খানিকটা বঁেকে দাঁড়িয়েছে। সামনে পেছনে সর্বত্র আচমকা দাঁড়িয়ে পড়েছে চলন্ত মিছিল। পুলিশ হাত তুলেছে মোড়ে।

তাড়াতাড়ি হাত সরিয়ে নিলাম। তাকিয়ে দেখি শ্যামা হাসছে খিলখিল করে।

বললাম, ‘একেবারে দেখতে পাই নি।’

শ্যামা বাড় বাকিয়ে তাকাল। বলল, ‘ঘরের কথা ভাবছিলে বুঝি?’

বলে আবার হাসি। আশ্চর্য। হাসি মেয়েটার রোগ নয় তো?

প্রোট জিজ্ঞেস করল, ‘কী হয়েছে?’

শ্যামা আমার দিকে বাকা চোখে তাকিয়ে এবার নিঃশব্দে হাসল। মুখ ফিরিয়ে বলল, ‘কিছু না, বাঙালী ভাই আমার কলসী বাঁচিয়ে দিয়েছে।’

কলসী বাঁচিয়ে দিলাম কেমন করে? কলসী ধরে তো নিজেকে বাঁচালাম। অবাক হয়ে সপ্রশ্নদৃষ্টিতে শ্যামার দিকে তাকিয়ে আমার পথচলা মন চমকে উঠল।

অমন করে কী দেখছে শ্যামা? টোঁটের কোণে তার সেই সর্বক্ষণের হাসি চমকচ্ছে। তার শানিত চোখের খর তারা ছুটি নেচে নেচে যেন কী খুঁজে

বেড়াচ্ছে আমার মুখে। সে চোখের দৃষ্টি যেমন তীব্র, তেমনি মনের এক গোপন খেলার ছটামিতে ভরা।

তাড়াতাড়ি মুখ ফিরিয়ে নিলাম। নিজে অপ্রতিভ হলাম। পথে লজ্জা পেতে হবে, সেকথা ভেবে বেরুই নি। পথে আবার লজ্জা কিসের। পথের দেখা পথেই শেষ হয়ে যাবে। জানি নে শ্রামা কতখানি নির্লজ্জ। জানি নে, আমার এই উদ্ধত চটুলতার মধ্যে তার হৃদয়ের কোন্ গোপন লীলা নিহিত রয়েছে। তার নিজের লীলা নিয়ে সে চলে যাবে এক পথে, আমি যাব অন্য পথে। আমি কেন লজ্জা পাব।

লজ্জা নয়, লোকলজ্জা। সামনে মানুষ, পেছনে মানুষ, মানুষ দিগন্তজোড়া। তার মধ্যে শ্রামা ভিন্ন হয়ে উঠেছে, লোকলজ্জার কারণ সেইটুকুই।

উচ্চকণ্ঠের হাসি একরকম। নীরবে হেসে তাকিয়ে থাকা আর একরকম। অস্বস্তিও তো হয়।

বললাম, ‘কী দেখছ?’

বাতাসে-ঝরা চুলের গুচ্ছ মুখ থেকে সরিয়ে দিল শ্রামা। তেমনি হেসে গলার স্বর নামিয়ে বলল, ‘আমি কোথায় দেখছি। দেখছ তুমি।’

তা বটে। আজ সকাল থেকে অনেকবার দেখেছি তাকে। ভেবে দেখি নি দেখব বলে। যে দেখা দেয়, তাকে না দেখে উপায় কী। পথ চলতে আকাশ না দেখে কে। বাগানে ফুল চোখে পড়ে না কার। শূন্যে ডিগবাজি খাওয়া গান-পাগলা বিহঙ্গ কে না দেখতে পায়!

সুনেছি, তাও অনেকে দেখতে পায় না। আমি যে দেখব বলেই এসেছি। আর শ্যামাকে দেখতে পাব না, তা কেমন করে হয়।

কিন্তু জিজ্ঞেস করেছিলাম এক কথা একরকম ভাবে। জবাব পেলাম আর এক কথা, আর-এক রকম ভাবে। উপরন্তু পালটা অভিযোগ। এ অভিযোগ অভিযোগ না হয়ে যদি খেলা হয়, তবে শ্যামার কাছে হার মানা ছাড়া উপায় নেই। এই ব্যাপারে শ্যামাদের কাছে আমরা চিরকাল হার মানি।

আমাকে জবাব না দিতে দেখে শ্যামার চাপা হাসি ফেটে পড়তে চাইল। খানিকটা বুকে আবার জিজ্ঞেস করল, এবার বল, ‘তুমি কী দেখছিলে?’

শুধু শ্যামাকে দেখছি, সে তো মিছে কথা। তবু বললাম, ‘তোমাকেই। তোমার আলতা-রাঙানো পা, তোমার ময়ূর ছাপা শাড়ি...’

তাড়াতাড়ি মুখ ফিরিয়ে নিল শ্যামা। এই সামান্য কথায় অন্তমনস্কতার ভান করতে হচ্ছে উদ্ভাস রহস্যময়ী শ্যামাকে? জনতার মাঝে কী দেখবার জন্ম মুখ ফেরাতে হল তাকে! আমাকে বেশী প্রশয় দিয়ে ফেলেছে এই অস্থশোচনা, নাকি লজ্জা পেয়েছে?

কিন্তু অপ্রতিভ হতে চায় না শ্যামা। যেন আমার আগের কথা শুনতে পায় নি, এমনি ভাবে ফিরে বলল, ‘গলাটা আমার এখনো ব্যথা করছে। গাড়ির ভিড়ে তুমি আর একটু চাপ দিলে আমাকে মরতে হত।’

প্রসঙ্গ পরিবর্তন করতে চাইছে শ্যামা নিজেই। কিন্তু রহস্যের আভাস যায় না তার মুখ থেকে তবু। আবার বলল ‘ওই বাঙালী ছুলা সাধুকে তুমি অমন করে ঘাড়ে নিয়েছিলে কেন? তোমার জান-পহচন নাকি?’

‘না।’

‘তবে?’

বললাম, ‘তুমি আমার মত এই ক্ষীণ মানুষটার কতই ধরে বুলে পড়েছিলে। কিন্তু তুমি তো আমার জান-পহচন নও।’

হাসির সঙ্গে বিশ্বয়ের বিদ্যুৎ-লেখা খেলে গেল শ্যামার মুখে। তারপর হেসে উঠে বলল, ‘আজীব আদমী।’

হাত উঠেছে পুলিশের। যানবাহনের মিছিল চলতে আরম্ভ করছে আবার। এক হ্যাচকায় শ্যামাদের টাঙ্গা এবার এগিয়ে গেল অনেকখানি। কানে শুনতে পেলাম না, দেখলাম, শ্যামা তার তিন সঙ্গিনীর সঙ্গে কী কথায় হাসিতে মেতে উঠল।

সামনে তাকিয়ে দেখি উত্তর-দক্ষিণের লম্বালম্বি রাস্তার পোস্টে লেখা রয়েছে গ্রাণ্ড-ট্রাঙ্ক রোড। আমরা চলেছি পশ্চিম থেকে পূবে। কিছুটা অবশ্য কোণাকোণি। জনসমূহের কলরোরের সঙ্গে মাইক-যন্ত্রের সেই চির-পরিচিত কান-পচা গান ভেসে আসছে।

মাথা তুলে দেখি বিস্তৃত মাঠের উপর তাঁবুর সারি। ভাবলাম, এই কি মেলা। বীচিবিক্রয় চেউয়ের মত তাঁবু আর চালাঘরের দিগন্তহীন সমুদ্র একদিকে। কিন্তু কী বিপদ! ঝাড়ুদারনীরা এখানে ধুলো নিয়ে যেন হোলি খেলায় মেতে উঠেছে। বাঁ-দিকে বিশাল প্রাস্তর। একগাছা ঘাস নেই, একচ্ছত্র ধুলোর রাজ্য। জানি নে, কি স্থখে সেখানে ঝাঁপিয়ে পড়েছে ঝাড়ুদারনীরা, আর কি ভেবে তাদের হুকুম দিয়েছেন শহরের স্বাস্থ্যরক্ষী কর্তা।

এদেশে কি এককোঁটা জল নেই।

বেলা যায়। কিন্তু অন্ধকার হয় নি। অথচ সামনে ধুলোয় অন্ধকার হয়ে এসেছে। ভারী কুয়াশার মত ধুলোর আশ্রয়ে ঢাকা পড়ে যাচ্ছে সম্মুখ দিগন্ত। মানুষ তো দূরের কথা, ঘোড়াগুলি ষড়ঘড় করে নাক ঝাড়তে আরম্ভ করেছে। অনেকে চলেছে গাধার পিঠে করে। সে বেচারীরাও ভেঁপু ফুঁকতে আরম্ভ করেছে।

আর কী নিদারুণ ব্যাপার! গাড়ি-ঘোড়াগুলি সব ঢালু পথ বেয়ে হু হু করে নেমে চলল সেই ধুলো-মাঠের দিকে। জিজ্ঞেস করলাম রিক্সাওয়ালাকে, 'ওদিকে কোথায় যাচ্ছ?'

বলল, 'বাবু, এখানে সব গাড়ি দাঁড় করাতে হবে। গাড়ির টিকিট নিতে হবে। ছ-আনা পয়সা দিন।'

'এ আট আনার পথটুকু ছুঁটাকায় রফা করেও আবার ছ-আনা কিসের?'

রিক্সাওয়ালা তার ধর্মাত্ম ধুলোমাথা মুখে একগাল হেসে বলল, 'কাছন বাবুসাহেব। বাঁধ পর্যন্ত যেতে হলে টিকিট কাটাতে হবে। নইলে রিক্সা নিয়ে যেতে দেবে না।'

বলে সে এদিক-ওদিক একবার দেখে, সোজা একটা টাঙ্গার কাছে নিয়ে দাঁড় করিয়ে দিল আমার রিক্সা। আবার সেই হাসি। ধুলোয় অন্ধকার চোখ তুলে তাকিয়ে দেখি টাঙ্গাটা শ্যামাদের। রিক্সাওয়ালার নজরটা পরিষ্কার। কিন্তু এর জন্য বকশিস দেওয়ার মত মনে কোন প্রাবল আসে নি।

ছ-আনা পয়সা দিয়ে বললাম, 'জলদি আসবে।'

তাতাতাড়ি পকেট থেকে রুমাল বের করে নাকে মুখে চাপা দিলাম। বীজাণুর ভয়ে নয়! কেন না, এখানে খারাপ বীজাণু থাকলে, দেবতারও সাধা নেই দেহে প্রবেশ করা তিনি রোধ করবেন। কিন্তু দম ঘে বন্ধ হয়ে আসছে।

কানের কাছেই একটি শব্দ শুনতে পেলাম, 'আহা বেচারী!'

মুখ ফিরিয়ে চোখ পিটপিট করে তাকিয়ে দেখি শ্যামার মুখ, কিন্তু তার মুখের দিকে তাকাতে গিয়ে দেখি সঙ্গিনীদের মধ্যে আর একজন তাকিয়ে আছে। ধুলো তাদের চোখ বন্ধ করতে পারে নি। সেই সঙ্গিনীর পিছনের দিকে চোখ পড়তেই চমকে গেলাম। সর্বনাশ! বুড়ো আমার দিকে একটা ক্ষিপ্ত বাঘের মত এক নজরে তাকিয়ে আছে। বুঝলাম, লোকটির দোষ নেই। অভিভাবক হয়ে আর কতক্ষণ এ আলাপন সে সম্ভ করবে!

শ্যামাকে জিজ্ঞেস করলাম, 'ওই মানুষটি কি তোমার বাবা?'

‘বাবা! হট! বাবা কেন হবে?’

কথা কটি অত্যন্ত দ্রুত ছিটকে বেরিয়ে এল শ্যামার গলা থেকে। ঠাণ্ডর
পেলাম না, মনে হল হেসেই মুখটা সরিয়ে সে অল্পদিকে তাকাল।

জিজ্ঞেস করলাম, ‘তবে?’

জবাব না পেয়ে মুখ তুলে দেখি শ্যামা দূরে শূন্য দৃষ্টিতে তাকিয়ে আছে।
এমন গাভীর্থ ও অল্পমনস্কতা তার! আশ্চর্য! একি ধুলোর ধাঁধা দেখছি, না
সত্যি একটা ছায়া ঘনিয়ে এসেছে শ্যামার মুখে! আর কিছু না জিজ্ঞেস করাই
উচিত ছিল। কি-ই বা পরিচয়। তবু কৌতূহল চাপতে পারলাম না। বললাম,
‘বলো না।’

অন্ধকারে বিদ্যুৎ-ঝলকের মত তীক্ষ্ণ হাসি চমকে উঠল শ্যামার মুখে। বলল,
‘আমার স্বামী।’

স্বামী! ওই অশীতিপর বৃদ্ধ! এও শ্যামার রহস্য নয় তো! কিন্তু ফিরে
আর সে বিষয়ে প্রশ্ন করবার সাধ্য ছিল না আমার।

প্রোচাকে দেখিয়ে বললাম, ‘উনি?’

তেমনি হেসে শ্যামা বলল, ‘আমার সতীন।’

‘আর এরা দুজন?’

‘একজন আমার সতীনের বোন, আর একজন নোকরানী।’

আমার ঠোঁটের ডগায় হ হ করে একরাশ প্রশ্ন ছুটে এল। কিন্তু একরাশ
এলেই তো হয় না। রাশ টানতে হয়! জিজ্ঞেস করলাম, ‘তোমরা কী জাত?’
শ্যামা বলল, ‘ভূঁইয়ার।’

ভূঁইহার। জানা ছিল আমার। ভূঁইহারেরা ব্রাহ্মণ-কায়স্থের মতই বর্ণহিন্দু।
শুনেছি, তাদের কৌলীন্দ্ৰপ্রথা বড় প্রবল। মনের মত পাত্র না জুটলে মেয়েকে
অনেক সময় আজীবন কুমারী থেকে বাপের ঘরে কাটাতে হয়। বাঙালীর
ছেলের কাছে এ জিনিস নতুন নয়। কৌলীন্দ্ৰপ্রথার কাছে অনেক বাঙালী
কুমারী নিজেকে আহুতি দিয়েছেন। ভূঁইহাদের কথা যখন শুনেছিলাম, তখন
বাঙালার কৌলীন্দ্ৰপ্রথার সঙ্গে তুলনা করতে পারি নি। আজ চোখের সামনেই
দেখছি সেই বাস্তব চিত্র।

কিন্তু আমার এমন কি বয়স হয়েছে যে কুমারীও ঘোচাবার জন্তু এই
লোলচর্ম বুদ্ধের অঙ্কশায়িনী হয়েছে সে! ভুল ভাবলাম। অঙ্কশায়িনী হয় নি,
করা হয়েছে। শুনেছি, এদের অর্থের অভাব নেই। অধিকাংশ ভূঁইহার
পরিবারই ধনী। সান্ত্বনা বোধ করি সেইটুকুই।

কিন্তু তাকাত্তে ভরসা পেলাম না আর শ্যামার দিকে। একবেলার পরিচয়।
পুণ্যার্থী নয়, বোধহয় সামান্য একজন মুসাফির ছাড়া তার কাছে আমার আর-
কোন পরিচয় নেই। আমরা কেউ কারুর জীবন-ধারণের রীতি জানি নে।
পথ চলার সামান্য হুত্বতা। এই চলতে থাকলে বন্ধু জন্মায়। বোধ-করি,
তারই ক্ষীণ স্মৃতিপাতও হয়েছে। তা ছাড়া শ্রামার মত মেয়ের অপরিচয়ের বাধা
ভেঙ্গে ফেলতে বেশী সময় লাগে না।

তবু তাকাত্তে পারলাম না। বিদ্যুৎ-ঝলকের মত যে হাসি তার মুখে
দেখেছি, সে হাসি যে সমস্ত পুরুষ জাতির হৃদয় পুড়িয়ে দিতে পারে। আকাশের
বিদ্যুৎ যখন বজ্র হয়ে নেমে আসে, তখন রূপবতী সৌদামিনী আগুন হয়ে
ধ্বংসলীলায় মেতে ওঠে।

চাপা ও তীব্র কণ্ঠ শ্যামা বলে উঠল, ‘কই, আর কিছু জিজ্ঞেস করলে
না?’ বলে হেসে উঠল খিলখিল করে।

কিন্তু আর ও-হাসিতে ভোলার কিছু নেই। যে বলিষ্ঠ ঘোড়ার দুরন্ত
দৌড়ের কান-ফাটানো টকাটক শব্দ শুনে ভেবেছিলাম প্রসন্নময়ের মুক্ত দূত ছুটে
আসছে, এখন দেখি সে সার্কাসের ঘোড়া। সে আছে তারের বেড়ার ঘেরাওয়ার
মধ্যে। গতি নির্ধারিত তার চাবুকের নির্দেশে।

তার হাসি শুনে প্রোচা আবার জিজ্ঞেস করল, ‘কী হয়েছে রে শ্যামা?’

মুহূর্তে মুখভঙ্গি বদলে শ্যামার ঠোঁট বেকে উঠল। আমার প্রতি বিদ্রোহের
বাঁকা কটাক্ষ করে বলে উঠল, ‘দেখ না, খুঁটিয়ে আমাকে কত কথা জিজ্ঞেস
করছে। ও কে, সে কে, কী জাত? কেন রে বাবা?’

‘তাই নাকি?’

তার। সকলে হেসে উঠল। যেন আমাকে অপমান করবার জন্তই শ্রামা
একটি নিতান্ত গ্রাম্য মেয়ের মত হঠাৎ শ্রাব্য হয়ে উঠল। যেন প্রতিশোধ
নিতে চাইল আমার কোন কৃত অপরাধের।

আমার অপ্রতিভ হবার কথা। কিন্তু শ্যামার এই চকিত রঙ বদলানোর
বহুরূপিনী রূপ আমাকে একটুও বাজে নি। তাদের সশব্দ হাসির সঙ্গে আমিও
হেসে উঠলাম নীরবে।

শ্যামার বিদ্রোহ তো আমার প্রতি নয়। বিতৃষ্ণা তার ও সংসারের প্রতি।
অসতর্ক মুহূর্তে নিজেকে সামান্যতম প্রকাশ করে ফেলতেও মর্যাদাহানি ঘটেছে
তার। সেই অপমানের জলুনিটুকু সে রেখে গেল।

আরও কিছু বলবার সাধ ছিল হয়তো শ্যামার। কিন্তু তাদের টান্ধা ছলে

উঠল। টিকেট কেটে এনেছে টালাওয়ালা।

মনে মনে প্রার্থনা করলাম, বলুক, বলে যাক শ্যামা যা তার প্রাণ চায়। এই জনারণ্য হয়ে উঠুক তার কাছে হুর্গম বন-জঙ্গল, আমি রইলাম সেই বনের বিষভোবা হয়ে। সেখানে তার সঞ্চিত বিষ ফেলে দিয়ে সে চলে যাক অমৃতকুণ্ডে ডুব দিতে। পুণ্যসঞ্চয়ে ভাস্কর প্রাণ-সঞ্চারের সঙ্গম।

কিন্তু তা হয় না। তাদের টান্ডার চাকা দুটো একটা তীব্র আর্তনাদ করে এগিয়ে চলে গেল। ধুলোরাশির উপর ধুলো ছড়িয়ে দিয়ে গেল আরও খানিকটা।

কিছুক্ষণের জ্ঞান জনারণ্যের কোলাহল শুদ্ধ হয়ে গেল আমার কানে। উৎকর্ষ হয়ে তাকিয়ে ছিলাম শ্যামার দিকে। এবার সেই মিলিত হাসির বাজার শুনব বলে।

শ্যামা এদিকে তাকিয়েছিল। গাড়ি চলতে চলতেই ঠোঁটের কোণের বিষেষটুকু অদৃশ্য হয়েছে। বিষেষ নেই, আনন্দ নেই, হাসিও নেই। মুখ তার হঠাৎ ভাবলেশহীন হয়ে উঠেছে, দৃষ্টি চলে গিয়েছে শূন্যে। চোখে তার তীব্রতা নেই, জ্যোতি নেই। সে অন্ধ হয়ে গিয়েছে। তার পেছনেই চকিতের জন্য জ্বলতে দেখলাম, বৃদ্ধ ব্যাঘ্রের ডাঢাকা একজোড়া চোখ। তারপর ধুলো-আস্তরণের ভাঁজে ভাঁজে অদৃশ্য হয়ে গেল সেই টালা।

আর হাসি শোনা গেল না। ধূলি-ধূসরিত এই যানবাহন ও জনতাপূর্ণ প্রান্তর যেন পাতালের বদ্ধ জলের আবর্তের মত নিঃশব্দে পাক খেয়ে ছটফট করে উঠল।

উঃ, কী ধুলো! ধুলোয় অন্ধ হয়ে গিয়েছে আমার চোখ। মুখ বিশ্বাদে ভরে গিয়েছে, কিচকিচ করছে ধুলোয়।

জীবনযুদ্ধে প্রাণ তিক্ত হলোহলে পূর্ণ। পথে বেরিয়েছি নিতান্ত একান্তে নিজের হৃদয়-একতারায় সুর তুলে। সেখানেও একটানা আনন্দ থাকবে কে বলেছে? সুরে যদি বেহর না বাজে, তবে আর বাজিয়ে বেড়াবার কি প্রয়োজন ছিল। কিছুক্ষণ পরেই এল রিক্সাওয়ালা। ধুলোমাঠ থেকে ছুটে বেরিয়ে রাস্তায় উঠল রিক্সা। বাঁধের পথের দুদিকে বিপণি সাজিয়ে বসেছে ব্যবসাদারেরা। একটি একটি আলো জ্বলে উঠেছে এখানে সেখানে। কোলাহল ক্রমে আরও বাড়ছে।

চোখ ভরে দেখবার ইচ্ছা ছিল। কিন্তু এতক্ষণে ক্লান্তি এসে গ্রাস করছে।
বুজে আসছে চোখ। বুঝি গন্তব্য আগতপ্রায়। তব্ মন বলছে আর কতদূর।
রিফ্লা খামল। বললে, 'বাবু, এই যে বাঁধ।'

তাকিয়ে দেখি সামনেই পথ বন্ধ। বাঁধের উঁচুজমি আড়াআড়ি চলে
গিয়েছে উত্তর-দক্ষিণের কোণাকোণি। যেতে হবে বাঁধের ওপরে।

রিফ্লাওয়ালাকে পয়সা দিয়ে বাঁধে উঠে এক মুহূর্ত দাঁড়ালাম। অদূরেই
গঙ্গা। উত্তর থেকে দক্ষিণে তীব্র স্রোত ছুটে চলেছে। বারো মাসের অন্ধকার
গঙ্গার তীর আজ বৈদ্যুতিক আলোয় ঝলমল করছে। তারই আলোর ঝলক
গঙ্গার পূর্বতীরের বাঁকা স্রোতে শাণিত বঙ্কিম অস্ত্রের মত ঝিকমিকিয়ে উঠেছে।

ওপারের আধো আলো আধো অন্ধকারের মধ্যে দেখতে পাচ্ছি তাঁবু-
সমূহের ঢেউ। সন্ধ্যার গাঢ় ধূসরতায় ঢেকে গিয়েছে পেছনের বিস্তৃত ভূমিখণ্ড।
আর পূর্বে মাথা উচিয়ে উঠেছে উঁচু ভূমির বৃকে গাছপালা-ধেরা গ্রাম। হয়তো
ওখানেই আছে কোথাও সমুদ্র গুপ্তের উঁচু টিলার বৃকে কাটানো কূপ।

আর বিশেষ কিছু চোখে পড়ছে না এখন। দক্ষিণে দেখতে পাচ্ছি ঘবা
রূপোর পাতের মত একটা চলন্ত জলের ধারা।

এই প্রয়াগ (প্র = প্রকৃষ্ট, যাগ = যজ্ঞ)। যজ্ঞ অনুষ্ঠানের প্রকৃষ্ট স্থান হল
প্রয়াগ। পুরাণ শাস্ত্রের প্রজাপতি-ব্রহ্মার যজ্ঞবেদী, যজ্ঞের মধ্যবেদী এই প্রয়াগ।
প্রজাপতের্বজ্ঞ আসীং প্রয়াগে। ভারতের আদিম যুগের ধর্মীয় ইতিহাসের
লীলাক্ষেত্র। পৃথিবীর প্রথম যজ্ঞের ধূম সঞ্চারিত হয়েছে এখানকার মাথার
উপরের আকাশে। প্রয়াগ সেই পুণ্যভূমি।

সিতাসিতে সরিতে যত্র সদ্গতে

তত্রাহল্য তাসো দিবমুৎপত্তি।

যে বৈ তন্মুং বিশ্বজন্তি ধীরাঃ

তে বৈ জনাসোহমৃতত্বং ভজন্তে।

কিন্তু তা তো হল। ঘরবাসী মাল্লুষ, পথে বেরিয়েছি। মাথা গুঁজব
কোথায়! ঠাই নিশানা করে বেরুই নি, খুঁজে নিতে হবে। কিন্তু এই মুক্ত
আকাশের বৃকে উত্তরঙ্গ তাঁবু-সমূহের কোথায় ঠাই পাব, সে কথা তো একবারও
ভাবি নি। মন বাউল হোক, হৃদয় হোক বৈরাগী, তব্ ইতিমধ্যেই শীতে ঘেঁর রকম
হুকড়ে উঠছি, আচ্ছাদন না পেলে তো নিছক বাউলের মতই মরতে হবে।

সব ছাড়তে পারি, কিন্তু প্রাণ ছাড়তে পারি নে। তাড়াতাড়ি ঠাই
খোঁজার জন্য নেমে গেলাম বাঁধের নীচে।

বাঁধের নীচে নেমে দেখলাম, জমকালো ব্যবস্থা। সে জমকালো ব্যবস্থা দেখবার মত চোখ বা মন কোনটাই এখন নেই। কালকে এ সময়ে প্রায় বর ছাড়ার উদ্যোগ করেছিলাম, আজ এখনো মাথা গুঁজতে পারি নি কোথাও। চোখ আর মনের দোষ দিতে পারি নে।

সামনে লোক, পেছনে লোক, লোক ডাইনে বাঁয়ে। এখানে কারুর গতি একমুখী নয়। বহুমুখে চলেছে জনতার মিছিল। সকলেই চলেছে আশ্রয়ের সন্ধানে। আমি বোলাবুলি নিয়ে একবার এদিকে ধাক্কা খেয়ে ওদিকে যাই, ওদিক থেকে এদিকে। বেশীর ভাগই চলেছে গঙ্গার ওপারে।

ওপারে যাওয়ার জন্ত রয়েছে অস্থায়ী সেতু। ভাসন্ত সেতু। আধুনিক যুদ্ধবিগ্রহের জন্তই এই সব সেতুর প্রয়োজন। পাশেই রয়েছে সামরিক বাহিনী এবং পি ডব্লিউ ডি-র ক্যাম্প। উদ্দি-পর্যায় সৈনিকেরা দেখলাম পুলের উপর যানবাহন নিয়ন্ত্রণ করছে। সারি সারি আলোক মালা জলে উঠেছে পুলের উপর। তীব্র শ্রোতে তার প্রতিবিম্ব হারিয়ে যাচ্ছে মুহূর্তে মুহূর্তে। কাছাকাছি মনে হল, ছোটো মাত্র পুল রয়েছে।

কিন্তু ওপারে গিয়েই বা কী করব। যাব কোথায়। দেখতে পাচ্ছি, ওপারের হালকা কুয়াশার আড়ালে জলছে অজস্র আলো, অজস্র ধূসর বর্ণের তাঁবু। মানুষ আসছে শত শত, যাচ্ছে হাজার হাজার। এপারে ওপারে মাইক-নির্নাদিত স্তোত্র, ভজন কীর্তন ও পুণ্যাখীর কোলাহলে দিগন্ত মুখরিত। কিন্তু আমি যাই কোথায়।

মন পাগল হয়েছিল, কিন্তু এখন পাগল হয়ে দাঁড়িয়ে থাকা যায় কি করে। সামনেই একটা বটতলায় দেখলাম, থরে থরে খাবার সাজানো রয়েছে। সর্বনাশ! সারা দিনটাতে যে চা-সিক্ত প্রাণ বাউল হয়েছিল সে প্রাণ খাবার দেখেই মুহূর্তে ভোগের জন্য লালায়িত হয়ে উঠল! সেই তেলসিঁদুর আর ভবীর ব্যাপার। পোড়া পেট যে বাউল হয় না, বৈরাগ্যও মানে না। খাবার দেখা মাত্র চকিতে ক্ষুধার্ত চোখ পড়ে ফেলল, ‘খাটি ঘিউকে পুরী, দুধকে মালাই, লাড্ডু, প্যাড়া, সন্দেশ...’ থাক থাক, আর পড়ে লাভ নেই। ইতিমধ্যেই চোখের ভিতর দিয়ে সে মরমে পশেছে। এবার মরমের রস জিভ দিয়ে গড়াবার যোগাড় হয়েছে। তবে এই প্রয়াগ কা লাড্ডু এখন দিল্লী কা লাড্ডুর সমান। খেলে ভেদবমি হবার আশঙ্কা খুবই, না খেলেও জিভের জল তো কারুর হাতধরা নয়।

এদিকে ‘ইন্দ্রে যাও,’ উদ্ধার হটো,’ নানান প্রাদেশিক বুলি ও ধাক্কা খেতে খেতে সরে এসেছি অনেকখানি। সামনেই দেখলাম, একটা তাঁবুর গায়ে

লাইনবোর্ড ঝুলছে, এনকোয়ারি। দেখি, এনকোয়ারিতে এনকোয়ারি করে কিছু মেলে কি না।

আগে থাকতে শুনি নি কিছুই। ভেবেছিলাম ভারতবর্ষের ধর্মীয় পীঠস্থান ভ্রম্যগ। পাণ্ডাদের আলায় স্থির হয়ে দাঁড়াতে পারব না। আপনিই আশ্রয় যোগাড় হয়ে যাবে। কথায় বলে, ধরলে যম ছাড়তে পারে, পাণ্ডা ছাড়ে না। কিঞ্চিৎ অভিজ্ঞতা না ছিল এমন নয়।

বছর কয়েক আগে একবার পুরী যেতে হয়েছিল। অসময়ে মানে, মরসুমের বাইরে। শুনেছি কোন কোন সময়ে, বনগাঁয়ের ইয়ে রাজা থেকে শুরু করে কুতো-গদা-পুঁটীরা, স্বপ্না-শিপ্রা-শুভ্রা বাহিনী, আওয়ারা গ্যাং, কলমবেষী কেরানী, বাগী অধ্যাপক ও যাদুকরী, কলমবাজ সাহিত্যিক বিদগ্ধজনেরা সকলেই পুরীর লমুদ্রসৈকতে মরসুমী ফুল হয়ে ফুটে থাকেন কিছুদিনের জুত। মরসুমী ফুল হওয়ার সুযোগ পাইনি। মেঘভারাতুর আকাশ আর নিয়ত-ক্ষিপ্ত ভয়ঙ্করমূর্তি লমুদ্রের দারুণ ঝাপটায় আমার মত অনামী ফুলের সব পাপড়িগুলি ঝরে গিয়েছিল।

যাক সে কথা। পুরী স্টেশনে দেখেছিলাম, যাত্রীর দ্বিগুণ পাণ্ডাবাহিনী ঝাঁপিয়ে পড়েছিল আমাদের উপর। যেন একরাশ মানুষের উপর ক্ষুধার্ত সিংহ-বাহিনী। কে কাকে সাপটে নেবে সেই চিন্তা। আমি একলা মানুষ, কোন রকমে যদিও বা পাণ্ডাবুহ ভেদ করে রিক্সায় উঠেছিলাম, খানিকটা এগুতেই দেখি এক আধবুড়ো চলন্ত রিক্সাতে উঠেই আমার পাশে বসেছে। জিজ্ঞেস করলাম, 'কী ব্যাপার?' সে একগাল হেসে তার নাম-ধাম পরিচয় দিলে। বুঝলাম, সে একটি পাণ্ডা। আরও বুঝতে হয়েছিল, বাংলাদেশের অনেক নামী ও মানী পরিবারের পাণ্ডা। অতএব তার নিজস্ব মন্দিরেই আমার প্রথম প্রবেশ। কিন্তু কোনরকমে যদিও বা তার এঁটো-কাঁটা-ছড়ানো ভয়াবহ পিছল পাতকুয়ো-ভালা থেকে ক্রি়ে এসেছিলাম, থেতে বসে কান্না পেয়েছিল।

হলুদ-গোলা ফ্যান হল ডাল, আর কচুর তরকারী দিয়ে আমাকে বুঝিয়ে দিলে আলুর তরকারী। কাছে বসে আত্মীয়তা করছিল পাণ্ডা আর হাতির মত ফোলা দুটি পা নিয়ে তার বউ। থেতে দিচ্ছিল একটি কলা বউ। ঘোমটার নীচে দেখা যাচ্ছিল তার দোলানো নোলক আর ছুঁচলো পুুল ঠোঁট।

সে রকম হলে, পরিবেশ একটি বাঙালী গৃহস্থের দ্বিপ্রাহরিক রান্নাঘরের মুখে দুঃখে ভরে উঠতে পারত। কিন্তু এখানে স্নেহ ও অহুরাগ-ভরা উপরোধ ও এক হাতা ঘণ্টো ধপাস করে পাশে ফেলে দেওয়ার ব্যাপার নয়। কচু দিয়ে কালকুট (প্রথম)-৬

আলুর দাম নেওয়ার প্রচেষ্টা মাত্র।

শুনলাম দেড় টাকা এর দাম। দুবেলায় তিন টাকা হয় বটে, আট আনা গ্রেস দেওয়া হবে। এ ছাড়া জগন্নাথের মন্দির দর্শন করবার দর্শনী তো আছেই।

মাথায় থাকুন জগন্নাথ ঠাকুর। জানি না কচুকে আলু করতে পারেন কি না তিনি। মাথায় দিই তাঁর লীলাভূমির ধূলা নিয়ে। দেড়খানি রৌপ্য মুদ্রা দিয়ে গলায় জলুনি নিয়ে ছুটে গিয়েছিলাম সমুদ্রতীরে। কপাল ভাল, আকাশে ছিল মেঘলা ভাঙা রোদ। দিগন্তহীন শান্ত সমুদ্র প্রাণভোলানো হামির লহর তুলে সম্বোধন ও সংবর্ধনা জানিয়েছিল আমাকে। সেই ছিল আমার সান্ত্বনা, আমার কচুজলুনি গলায় অমৃতের প্রলেপ, আমার জগন্নাথ দর্শন।

ধাক। একেবারে গল্প ফেঁদে বসেছি। প্রয়াগ থেকে ছুটে গেছি সমুদ্রে। গল্প বলার নেশা ছাড়তে পারি নে। কথা হচ্ছিল পাণ্ডা নিয়ে। কিন্তু এখানে পাণ্ডার প্রাকৃত্যব অন্তত আমার চোখে পড়ল না। পড়লে সঙ্গতি হোক আর দুর্গতি হোক, গতি একটা হত।

‘এনকোয়ারি’ ক্যাম্পে ঢুকে দেখলাম, একজন পুলিশ অফিসার বসে কী লিখছেন আর সেপাই একজন রয়েছে দাঁড়িয়ে। বললাম, ‘দেখুন মশাই, আপনাকে একটা কথা—’

অফিসারটি লেখনী বন্ধ করে চকিতে একবার আমার আপাদমস্তক দেখেই আবার নিজের কাজে মন দিয়ে বললেন, ‘আপ ফোটো খিচনে মাংতা হায় না? আই অ্যাম সরি, মেলা-কা ফোটো খিচনা বিলকুল মানা হায়।’

মেলা-কা ফোটো! সামনে আসনা নেই, তবু নিজের দিকে তাকিয়ে দেখলাম একবার। ধূলি-বুসরিত জামা-কাপড়ের আসল রঙ চেনা দায়। তাহলে মাথা-মুখের অবস্থা কী হয়েছে, সেটা অহুমান করে নেওয়া যেতে পারে। কাঁধে ওভার-কোট, হুহাতে ঝোলা। গলায় ক্যামেরাও ঝোলানো নেই, পোশাকটাও যা হোক আর ট্রাভেলারের মত রম্য নয়। ফোটোর কথা কেন এল ভেবে বিস্মিত হলাম। বুকে নিলাম, মেলা-কা ফোটো তোলা নিষিদ্ধ হয়েছে। বললাম, ‘ফোটোর কথা বলছি না, এখানে কোথায় আশ্রয় পেতে পারি, বলতে পারেন?’

এবার অফিসারটি বিস্মিত হয়ে তাকালেন আমার দিকে। বললেন, ‘কেন, আপনি যেখানে খুশি আশ্রয় নিতে পারেন। কোন আশ্রমে কিংবা পাণ্ডাদের ক্যাম্পে। নয় তো আপনি নিজেই বেড়ার ছাউনি দিয়ে আশ্রয় তৈরী করে নিতে পারেন। কোথেকে এসেছেন?’

বললাম, 'কলকাতা।'

অফিসারটি এক মুহূর্ত ভেবে বললেন, 'আপনি রামকৃষ্ণ আশ্রম কিংবা ভারত সেবাশ্রমের ক্যাম্পে খোঁজ করলে আপনার সুবিধা হতে পারে।'

কেন সুবিধে হতে পারে, সেটা উহু রেখেই তিনি আবার কাজে মনোযোগ দিলেন। কিন্তু আবার আমাকে জিজ্ঞেস করতে হল, 'আচ্ছা বলতে পারেন, সেবাশ্রম সংঘটা কোথায়? কিংবা রামকৃষ্ণ আশ্রম?'

মুখ না তুলেই তিনি বললেন, 'একটা বাঁধের ওপারে, আর-একটা গঙ্গার ওপারে।'

বলে তিনি অভ্যস্ত দ্রুত গলায় সেপাইটিকে কি নির্দেশ দিতে লাগলেন। বুঝলাম, আমার এনকোয়ারির পালা শেষ। এবার আমাকে বাঁধের ওপার অথবা গঙ্গার ওপার বেছে নিতে হবে। যে কোন ওপার ছাড়া গতি নেই।

কতদূর চলে মনে মনে হাঁপিয়ে মরছিলাম। ভেবেছিলাম, এসে পড়েছি। কিন্তু সে যে কতদূর এখনো, কে জানে।

বাইরে এসে দাঁড়াতেই, মনে হল শিশু দিয়ে উঠল একটা চাবুক আর সর্বাঙ্গে কেটে বসল লগ্নর আঘাত। একবার শিউরে উঠে সামলাতে না সামলাতে আর-একটা বাপটা। সর্বনাশ! শীতের প্রকোপ যে এত ভীষণ তা জানতাম না। তাড়াতাড়ি ঝোলা নামিয়ে ওভারকোট চাপালাম গায়ে।

সন্ধ্যার পরমুহূর্তের এই সময়টা অদ্ভুত হয়ে উঠেছে। ধুলো আর ধোঁয়ায় ঢাকা পড়ে যাচ্ছে চারদিক। আলো থাকা সত্ত্বেও আপাদমস্তক-ঢাকা মানুষগুলি ছায়ামূর্তির রূপ ধরেছে। আধ-অন্ধকার মঞ্চের এক গোপন রহস্য দৃশ্য হয়ে উঠেছে সঙ্গমের উন্মুক্ত আকাশতলে। তারই মাঝে ছায়ামূর্তির খেলা।

এ-সবই ক্লান্ত ও ক্ষুধার্ত মস্তিষ্কের আজগুবি স্বপ্ন কি-না বুঝতে পারছি না। কাছে এত ভিড় ঠেলাঠেলি, এত কল-কোলাহল। তবু মনে হচ্ছে সবই অনেক দূরে। যেন শীতের নিম্নীথে আমি দাঁড়িয়ে আছি এক গ্রামের সীমান্ত মাঠে। আমার কানে ভেসে আসছে সেই গ্রামের কোলাহল। অস্পষ্ট, অথচ কত স্পষ্ট! বাপসা, অথচ সবই দৃশ্যমান!

হঠাৎ আমার মন বঁকে বসল। থাক, যাব না কোন আশ্রয়ের সন্ধানে। একবারও নিজের মন খোঁজার চেষ্টা করলাম না। একটু ছিলও খুঁজলাম না। কেবল মনে হল, এইটুকু দেখবার জগতই তো এসেছিলাম। এইটুকু আরও প্রাণভরে দেখব। কী করে মনে এ ভাবের উদয় হয় জানি নে। এ কিসের হতাশা, কিসের গ্লানি বুঝি নে। এ কি নিজের মন থেকেই কোন অভিমানের

কষ্ট, না কি নিজেকে পীড়ন করার এক ভয়াবহ বিলাস-বাসনা স্থপ্ত রয়েছে আমার মনের মাঝে, তাও আন্দাজ করতে পারি নে। দূরে ফেলে এসেছি জীবনধারণের সংগ্রাম। সেখানে প্রতি মুহূর্তে বাঁচার অভিযান। এখানে জীবন নিয়ে ছিন-মিনি খেলার তেমন কোন নির্দয় ইচ্ছা নেই, তবুও ভাবলাম, পড়ে থাকব এই বালুপ্রান্তরে। কেন আবার নিজের ভাবনায় অস্থির হয়ে ছুটোছুটি করব এখানেও! রাত কেটে যাবে, সম্ভবত কেটে যাবে এখানে থাকার অঙ্ক-কষা দিনগুলিও। যে মনকে ফাঁকা ভেবে এসেছি ছুটে, তাকে ভরে নিয়ে যাব চলে। তবু আর টেনে নিয়ে যেতে পারি নে। দেহের চেয়ে মন ভারী। এর বাড়ি ভারী সংসারে আর কী আছে।

আমি নয়, হঠাৎ চমকে উঠল আমার কানের পর্দা। কী শুনলাম! কার গলা শুনলাম! চকিতে শিথিল দেহ ঝাড়াপাড়া দিয়ে উঠল। তাড়াতাড়ি ভিড়ের দিকে ধূলোভরা ভূচোখ তুলে ধরলেম আকুল আগ্রহে।

দেখতে পেলাম না, কিন্তু আবার শুনতে পেলাম ফাটা বাঁশের চেরা গলা, 'আর জালাস নি আমাকে পেলাদ।' এবার আমি গঙ্গায় ডুবে প্রাণটা দেব।'

জবাবে পেলাদের ক্রুদ্ধ হেঁড়ে গলা শোনা গেল, 'যা খুশি তাই করগে যা। আমি আমার পরিবারকে নিয়ে কাল চলে না যাই তো—'

'খবরদার পেলাদ, দেবতার থানে দিব্যি কাটিস নে।'

'কাটব। হাজারবার দিব্যি কাটব। দেখি আমাকে কে কী করতে পারে।'

'কাট, কাট তাহলে। ঝাথ. আমিও গঙ্গায় ঝাঁপ দিতে পারি কি-না।'

কিন্তু পেলাদের সেই কথা, 'কাটবই তো। তুই দে ঝাঁপ। শালা জন্মে অবধি গায়ে কোনদিন ছুঁচ ফুটাই নি। আর তোর কিপটেগিরির জালায় আমাকে তো নিতেই হল, আমার পরিবারকেও কিনা ছুঁচ ফোটালে। এখন যদি একটা কিছু হয়?'

'আর আমার এই বুড়ি হাড়ে বুঝি ছেড়ে দিয়েছে রে ভ্যাকরা?'

এবার কার মোটা গলা শোনা গেল, 'আঃ তোমরা এবার থামো দিকিনি বাপু।'

উঃ, সেই নাটক। এখনো তার শেষ হয় নি। এর দেখছি বিরাম নেই, অঙ্ক নেই, বোধহয় যবনিকাও পড়বে না। শুধু বহির্দৃশ্যের পরিবর্তন ঘটে যাচ্ছে মাত্র।

কিন্তু আমার মনটা চাক্ষা হয়ে উঠল। আহা, ফাটা বাঁশের চেরা গলা

ও প্রহ্লাদের হেঁড়ে গলা যে এমন মিষ্টি, তা কে জানত। এ যে ডুবন্ত মাছবের খড়-কুটার আশ্রয়। কেন পড়ে থাকবে এই বালুপ্রান্তরে। কিসের গ্লানি, কিসের হতাশা।

ওই তো! ওই তো দেখতে পাচ্ছি প্রহ্লাদ ভিড় ঠেলে চলেছে। তার আঠেপৃষ্ঠে জড়ানো শাল খুলে পড়েছে। এক হাতে ধরেছে দিদিমাকে, আর-এক হাতে বউকে। বউ তো নয়, প্রহ্লাদের ভাষায় পরিবার। বাবা, হারিয়ে যাবার ভয়ে এত হাত ধরার কবাকবি, তার মধ্যেই গঙ্গায় ঝাঁপ দেওয়া ও দিবি কাতার ভয়ঙ্কর প্রতিজ্ঞা চলছে। তাহলে তাদের তিনজনকেই ইনজেকশন নিতে হয়েছে। যাক বাঁচা গেল। রুগীকে কোন কোন সময় ওই ভাবেই জোর করে ঔষধ দিতে হয়।

ভিড় ঠেলে তাদের কাছে গেলাম। প্রথমেই নজর পড়ল দিদিমার। আর যায় কোথায়? অমনি খেঁকিয়ে উঠলেন, ‘খাক, আর দাঁত বের করে হাসতে হবে না।’

সত্যি। তাড়াতাড়ি দাঁত ঢাকবার ব্যর্থ চেষ্টা করলাম। কী করব। তাদের আগ বেড়ে ইনজেকশন নিয়েছি, অপরাধ তো আমারই।

প্রহ্লাদ বলল, ‘অ্যাই যে মশাই, ব্যাটারা ছাড়লে না কিছুতেই। কুট করে দিলে ঢুকিয়ে।’ বলেই গলার স্বর পরিবর্তন করে বলল, ‘উঃ, কী ব্যথা! নির্ঘাত আমার জ্বর এসেছে।’

অমনি দিদিমা বলে উঠলেন, ‘সেই অলক্ষ্যে কথ। কক্ষনো তোর জ্বর আসে নি।’

‘আমি বলছি এসেছে। আমার যদি কিছু হয়।’

‘হঠাৎ একটা গোড়ানি শুনে তাকিয়ে দেখি বুড়ি দিদিমা উদ্গত চোখের জল চেপে বিড়বিড় করে বলছে, ‘ভগবান, ওর কথা যেন মিথ্যে হয়। আমি এত দূর থেকে ছুটে এসেছি, আর আমার পেলাদের জ্বর করে দেবে?’

কী জানি প্রহ্লাদ টের পেয়েছে কি-না। সে কিন্তু গলার স্বর একটু নামিয়েছে। জ্বর আসে নি, প্রহ্লাদের ওটা মন-জ্বর। একবার যখন পেয়ে বসেছে, ও সারতে দেরি হবে। সে আমাকে উদ্দেশ করে বকবক করেই চলল, ‘মোশাই, এমন কিপটে বুড়ী, রোজ ছুআনা পয়সা দিতে আমার কালঘাম বার করে ছাড়ে। রোজ নয়, মাসে নয়, বছরেও নয়, একবারের জন্ত ছটা টাকা। দিলে তো কাউকেই এ ভোগ পোয়াতে হত না।’

কোঁতুলী হয়ে জিজ্ঞেস করলাম, ‘রোজ ছু আনাটা কিসের?’

হিকা তোলার মত সরু গলায় হি হি করে হেসে উঠল প্রহ্লাদ। পরমুহুর্তেই আবার বিরক্তি প্রকাশ করে বলল, ‘আর জিজ্ঞেস করবেন না মোশাই, মেজাজ খারাপ হয়ে যাচ্ছে।’ ওঃ, দু ছুটো দিন নিরন্তর উপোস যাচ্ছে! আগে জানলে কোন শালা আসত এখানে!’

কথাটা না বুঝে তার দিকে তাকালাম। সে আমার দিকে একটু ঝুঁকে গলা নামিয়ে বলল, ‘বুঝলেন না? আপনি দেখছি নেহাত অকস্মাৎ। আরে মোশাই, বাবার পেসাদ, বুঝলেন, বাবার পেসাদ। যাকে বলে কলকে সেবা।’

‘মানে গাঁজা?’

প্রহ্লাদ জ্বিত কেটে বলল, ‘ছি, ও কথা বলতে নেই।’

পাশ থেকে দিদির গলা শুনতে পেলাম, ‘মরণ! ওর মুণ্ড বলতে নেই। নেশাখোর যম, তীর্থ করতে এসেও আমার হাড় জালিয়ে থাকে। বলি ও পাঁচ-বত্তি, কোমর যে ভেঙে গেল বাবা, আর কদর?’

এতক্ষণে সামনের লোকটি মুখ ফেরালো। অর্থাৎ পাঁচ-বত্তি। পাঁচ-বত্তি কেন, অতবড় চেহারাটার নাম দশ-বত্তি হলেও ক্ষতি না। কিন্তু মুখটা দেখে শিউরে উঠলাম। মনে হল, নিষ্ঠুর লগুড়াঘাতে কেউ ফুলিয়ে দিয়েছে লোকটার মুখ। মাথাটা সামনে পেছনে নোড়ার মত লম্বা। কপালটা হুমড়ি খেয়ে পড়েছে সামনের দিকে, চোখের কোল দুটো ঢুকে গিয়েছে ভেতরে। খ্যাবড়া নাক, মোটা ঠোঁট। নাম পাঁচ-বত্তি। কেন, তা জানি নে। কিন্তু পরণে রয়েছে ফুলপ্যান্ট আর বৃশ শার্ট। কোট চাদর কিছুই নেই। তবু এই নীতে সে একটুও ঝুঁজো হয়ে পড়ে নি। বলল, ‘এই পুলটা পার হয়ে থানিকটা যেতে হবে।’

বলে একবার আমার দিকে ফিরল। চোখ না দেখলেও বুঝলাম, আমার দিকেই তাকিয়ে দেখল সে।

পুল পার হতে গিয়ে দেখি বাধা। সেপাই ছুটে এসে বলল, ‘এ পুল দিয়ে ওপার থেকে আসা যায়। ওই দক্ষিণের পুল দিয়ে যেতে হবে।’

তাই গেলাম। ভিড় ঠেলাঠেলি করছে পুলের মুখে। যারা এসেছে রিক্সায়, টাক্সায়, তাদের নামিয়ে দিচ্ছে সেপাইরা। পুলের উপর দিয়ে মাহুষ নিয়ে যেতে পারবে না কোন যানবাহন। হেঁটে যেতে হবে। তাই নিয়ে লেগেছে চাঁৎকার আর গুগোল।

ভাসন্ত পুল। মাহুষের পায়ের চাপে চাপা আত্মনাদে কী কী করে উঠছে। ভুলে ভুলে উঠছে। বাধা পেয়ে ফুলে ফুলে উঠছে পুলের নীচের জল। চাপা গর্জন ভুলে ছুটে চলেছে নিয়তবাহী গঙ্গা।

এখানে শুধুই চলা, শুধুই যাওয়া। যাওয়া-আসা নেই। আমরা সমুদ্রোপ-
লের বাঙালীরা গঙ্গায় যাওয়া-আসা দেখতে অভ্যস্ত। এ-বেলার জলে আমরা
সবেলা পলিমাটি দেখতে পাই। কিন্তু এখানে নিরবধি হৃদয়ের ডাক। অজানা
ও অচেনার পথে নিরন্তর রোমাঞ্চকর অভিযান। সে অভিযানের প্রত্যাবর্তন
নেই।

গঙ্গা পার হয়ে এসে শীতের ডিগ্রী যেন আর-একটু চড়ল। পূলের নীচেই
সারি সারি প্রদীপ জালিয়ে বসে আছে কতকগুলি লোক। ঢেঁচাচ্ছে, 'ঘিউ কা-
দীয়া। চার চার পয়সা। গঙ্গা মায়ীকী সেবা করো বাবু।'

দেখলাম অনেকগুলি জ্বলন্ত প্রদীপ গঙ্গাকিনারের নিস্তরঙ্গ জলে চলেছে ভেসে।
ঘুত-দীপ। জলের বুকে প্রতিবিম্ব পড়ে দ্বিগুণ হয়ে উঠেছে তার সংখ্যা।

এই দীপ গঙ্গা কীভাবে গ্রহণ করেছেন জানি না। চোখে দেখতে পাচ্ছি,
গ্রাংটো, আধ-গ্রাংটো হা-ভাতে ছেলের দল ঝাঁপিয়ে পড়েছে জলে। দুহাতে
সন্তর্পণে নিয়ে চলেছে হয়তো নিজেদের অঙ্গকার ডেরায়। কেউ মেতে উঠেছে
খেলায়। চেউ দিয়ে প্রদীপ সরিয়ে দিচ্ছে গঙ্গার দূর অকূলে।

মাতালের মত চলেছি। ঠাণ্ডা বালুর মধ্যে গোড়ালিস্বচ্ছ পা ডুবে যাচ্ছে।
গাঁয়ের বাড়িঘরের আগ-দুয়ার দিয়ে চলার মত চলেছি তাঁবুর এ-পাশে ও-পাশে।
ধুতুচি জালিয়ে এখানে সেখানে বালুর উপর বসে আছে সাধুর দল।

প্রহ্লাদ ডাকল, 'ডাক্তারমামা।'

জবাব দিল পাঁচ-বত্তি, 'বল।'

'আর কত দূর?'

'এই এসে পড়েছি। ওই যে দক্ষিণপূবে দেখছিস অনেকগুলো আলো জ্বলছে,
ওইটে আমাদের আশ্রম।'

প্রহ্লাদ খুশী হয়ে বলল, 'বাঃ, বেড়ে আশ্রমটি দেখছি। মাইকে গানও হচ্ছে
নাকি ডাক্তারমামা?' বুকলাম, ফ্রাঙ্কেনস্টাইনের মত পাঁচ-বত্তির আর এক নাম
ডাক্তারমামা। যেরকম গম্ভীর দেখছি, ডাক্তার বলেই মনে হয়।

বলল, 'হঁ হঁ, এ যার তার কাজ নয়। দেখে শুনে এমন জায়গা করেছে, বুকলে
খুড়ি, মনে হবে নিজের ঘরে রয়েছি।'

খুড়ি হল প্রহ্লাদের দিদিমা। বলল, 'গুণের শরীর তোমার বাবা। তুমি
না থাকলে আর আমার এ-যাত্রা আসা হত না। তোমরা ছাড়া আমার আর
কে আছে বল?' আকসোসের মধ্যে বোধহয় প্রহ্লাদের প্রতি অভিযোগ প্রকাশ
করল দিদিমা।

কিন্তু তাতে গ্রন্থীদের কিছু যায় আসে বলে মনে হল না।

বুড়ি ইঁপাচ্ছে অনেকক্ষণ থেকে। ইঁপাচ্ছে বোধহয় গ্রন্থীদের পরিবারও। গ্রন্থীদের পরিবার কিন্তু জোর তেরো-চোদ্দর একটি বালিকা মাত্র। একে ক্লান্তি তায় লীত। বেচারীর ঘোমটা খুলে গিয়েছে। গ্রন্থীদের হাতে নিজেকে ছেড়ে দিয়ে চলেছে অন্ধের মত টলতে টলতে।

পাঁচ-বত্তি না কিরেই জিজ্ঞেস করল, 'খুড়ি, ওই ছোড়াটা কে?'

ছোড়া? আশে পাশে তাকিয়ে দেখলাম। কই, কাউকে দেখতে পাচ্ছি না তো।

দিদিমা আমার দিকে তাকিয়ে বলল, 'কি জানি, আমি তো জানিনে বাবা।'

আমাকেই বলছে নাকি? সর্বনাশ, প্রথমেই একেবারে ছোড়া! তা হলে যা আশ্রয় পাব, বুঝতেই পারছি।

পাঁচ-বত্তি আমার দিকে ফিরে নীরস গলায় জিজ্ঞেস করল, 'কোথায় যাওয়া হবে?'

বললাম, 'কোথাও একটু আশ্রয়ের দরকার।'

ঠেলে-ওঠা কপালটা এগিয়ে নিয়ে এসে প্রায় ধমকে উঠল, 'তা আমাদের সঙ্গে কেন?'

অভ্যর্থনার বহর দেখে প্রায় থেমেই পড়লাম। বললাম, 'থাকতে হবে তো। অন্তত আজকের রাতটার মত—'

পাঁচ-বত্তি তেমনি গলায় বলে উঠল, 'যাক, ও-সব চালাকি ঢের দেখেছি, এখন কেটে পড়।'

নতুন জায়গা। নিয়মকানুন জানি নে। জানি নে এখানকার হালচাল। কিন্তু পাঁচ-বত্তির ভাষায় কেটে পড়ে, নিজেকে খণ্ডিত করে যাব কোথায়।

একটু আশা নিয়ে তাকালাম গ্রন্থীদের দিকে। গ্রন্থাদ হেসে বলল, 'দ্বিবি আসছিলেন, বাধা পড়ে গেল। যান, কেটেই পড়ুন।'

এমনভাবে বলল, যেন কেটে পড়াটা তার কাছে কিছুই নয়। দ্বিদিমার দিকে তাকালাম। দ্বিদিমা আমার দিকে ফিরে অপ্রসন্ন গলায় বলল, 'ঝাড়া হাত-পা নিয়ে তো ছুটে এসেছ, তা মাথা গোঁজবার ঠাঁই করতে পার নি?'

সত্যি। ভগবানকে পাব বলে দ্বিদিমার মত পাগল হয়ে আসি নি। আসিনি পুণ্যসঙ্ঘের কথা ভেবে। মাততে আসিনি তীর্থ নিয়ে। বৈষয়িক বুদ্ধি-বিবেচনা থাকা উচিত ছিল আমারই। কিন্তু ব্যাপারটা ঘটে গিয়েছে বিপরীত। কিছু বললে, উলটো উৎপত্তির লক্ষণ।

চেরা গলা মোলায়েম করে বলল দিদিমা, ‘পাঁচুগোপাল, বলছিলুম, দেশের ছেলে। তীর্থক্ষেত্রে কুকুর-বেড়ালকেও ভাড়াতে নেই। ছেলেটাকে তাড়িয়ে দিবি?’

পাঁচ-বত্তি বলে উঠল, ‘ও-সব তুমি বুঝবে না খুড়ি। এর নাম কুন্তমেলা, বুঝলে? মানুষ ঘুমিয়ে থাকলে মানুষস্বপ্ন চুরি যায়। রাত্রে যদি গ্যাড়াকাই করে ভাগে, শুখন?’

কথাটা অপমানকর। কিন্তু প্রতিবাদ নিরর্থক। এদিকে এসে পড়েছি আশ্রমের কাছে। আশ্রম বলতে, হৃদীর্ঘ ঘেরাওয়ার মধ্যে দেবতার মঞ্চ, আর গোটা-দশেক যাত্রীদের তাঁবু। মঞ্চের উপরে কয়েকজন গেকুয়াধারী গান করছেন মাইকের সামনে বসে। জটাজুটধারী ভিক্ষু-আচ্ছাদিত একজন সাধু বসে আছেন কাঠের সিংহাসনের উপর। কয়েকশো মেয়ে-পুরুষ বসে শুনছে গান।

টোকবার মুখে মাটিতে কপাল ঠেকিয়ে নমস্কার করলে দিদিমা। নমস্কার করে উঠে ঢুকতে গিয়ে থমকে দাঁড়াল। বলল, ‘পাঁচু, ছেলেটাকে নিয়ে নে। রাত করে যাবে কোথায়?’

‘যেখানে খুশি যাক, তোমার অত ভাবনা কিসের খুড়ি! এখানে ও থাকবে কোথায়?’

বলে সে এগিয়ে গেল। দিদিমা শপথুড়ি মাথাটা ঝাঁকিয়ে বলল, ‘এস, চলে এস। আমার যেন মরণ নেই, সব হয়েছে একতরো।’

পাঁচ-বত্তির হুক্বারের কাছে এই চেরা-গলার আশ্বাস ও বিশ্বাস অনেক বেশী। কে ভেবেছিল, এলাহাবাদ স্টেশন-প্রান্তরের সেই বুড়ি এমন মহীয়সী মূর্তিতে দেখা দেবে আমার কাছে। ইচ্ছে হল তখুনি পায়ের ধুলো নিই। কিন্তু আবেগ বাগ মানাতে হল। কেন না এখনো সংশয় দূর হয় নি।

এবার প্রহ্লাদও বলে উঠল, ‘চলে আসুন না মোশাই, ডাক্তারমামা ওরকম বলেই থাকে! মাথা খারাপ কি না।’

জানি নে কার মাথা খারাপ। খানিকটা যেতেই পাঁচ-বত্তি একজন সাধুকে নিয়ে এসে হাজির। মনে হল বৈষ্ণব। নাকের উপর থেকে মাথা পর্যন্ত পুণ্ডরেকা টানা। ঘাড় অবধি চুল। পরণে গেকুয়া কাপড়। বোধহয় এ আশ্রমের অধ্যক্ষ। আমাকে বললেন পরিষ্কার বাংলায়, ‘একলা পুরুষের জন্তু কোন তাঁবু আমাদের নেই। আপনি সপরিবারে এলে আমরা ব্যবস্থা করতে পারতাম। এখানে সকলেই বউ-ঝি নিয়ে আছেন। আপনাকে তো আমরা থাকতে দিতে পারি নে!’

জানি নে কেমন করে বুড়ি-বুকে ঠাই পেয়ে গিয়েছিলাম। দিদিমা আশ্রমের মধ্যেই গলা চড়িয়ে বলে উঠল, ‘পাঁচু, এ তোর বড় অন্ডায় কিন্তু বাপু! ছেলেটা একলা কোথায় দেখলি তোরা? ও কারুর বউ-ঝিকে উঁকি মেরে দেখতে চায়, তখন বলিস। এখন ও আমাদের তাঁবুতে আমাদের সঙ্গেই থাকবে। এতে যদি না হয়, তবে বলে দে আমরাও পথ দেখি।’

পাঁচ-বজির ভয়ঙ্কর মুখটা অপ্রতিভ হয়ে উঠল। সাধুও অবাক হয়েছিলেন। তারা দুজনে বিস্মিত হয়ে পরস্পর মুখ দেখাও দেখি করল। বিস্মিত আমিও কম হই নি! দিদিমা যে এতখানি এগুবে, তা আমিও জানতাম না।

প্রহ্লাদ মাঝখান থেকে বলে উঠল, ‘হাঁ বাবা, বলে দেও, তাহলে আমরাও কেটে পড়ি। দেখছ ছেলেটা আমাদের চেয়ে ভদ্রলোকের মত দেখতে।’

সাধু বললেন দিদিমাকে, ‘না, আপনার সঙ্গে যদি থাকে, তবে আর আমাদের আপত্তি কি?’

তারপর আমার দিকে ফিরে বললেন, ‘আপনি এদের সঙ্গে ব্যবস্থা করে নেবেন। আমি সাধারণ নিয়মের কথা বললাম মাত্র।’

বলে তিনি চলে গেলেন। সকলেই চুপচাপ। পাঁচ-বজি আমার দিকে একবার ক্রুদ্ধ চোখে দেখে দিদিমাকে বলল, ‘এস, তোমাদের তাঁবু দেখিয়ে দিই।’

একটি তাঁবুর মাঝখান দিয়ে ভাগাভাগি করে এক-একটি পরিবারের আস্তানা করা হয়েছে। মাটির উপর বিছিয়ে দিয়েছে বিচুলি। ব্যবস্থা আছে ইলেকট্রিক আলোর। সত্যি, বাড়ির মত ব্যবস্থাই বটে।

মনে মনে খুব সন্তুষ্ট হলেও দিদিমার সঙ্গে ঢুকে আগে ঝোলা-মুক্ত করলাম নিজে। তারপর ধপাস করে বসে পড়লাম বিচুলির গদিতে।

সকলেরই সেই অবস্থা। সকলেই বসে পড়েছে। কেবল পাঁচ-বজি যাবার আগে বলে গেল, ‘বাট হয়েছে আমার তোমাদের আনা। আগে জানলে এ আপদ আমি আনতুম না। বাট, ইও ছোকরা,—’

আমাকেই বলছে। তাকালাম তার দিকে। পাঁচ-বজি একটা অদ্ভুত ভঙ্গি করে বুক ঠুকে বলল, ‘মাই নেম ইজ ডক্টর পাঁচুগোপাল রায়। একটু এদিক ওদিক করবে তো, বাড়তি মটকে ছেড়ে দেব, মনে থাকে যেন। থাক আজকের রাতটা, তারপরে তোমাকে কাল আমি দেখছি।’ বলে সে চলে গেল।

আমি বসেছিলাম একটি ভীত সঙ্কল্প বালকের মত। সবই সময়ের ব্যাপার। পাঁচ-বজিকে জবাব দেওয়ার সময় পাব একদিন। আপাতত আমি তার

চোখের বিষ। সেই বিষ বুকে নিয়েছে দিদিমা।

তাকিয়ে দেখি দিদিমা দিবি নাতবউ নিয়ে ঘর গোছাবার উদ্যোগ করছে। সে সব আমার কানে গেল না। দিদিমাকে দেখে ভাবছিলাম একটা কথা। সেই কথা, রূপে তাকে চিনব না। ডুব দেব তার হৃদিসায়রে। রূপের পরে যে রূপ থাকে লুকিয়ে। মনের অন্ধকারে। ক্লান্ত ক্ষুধার্ত দেহ। তবু চোখ ভরে জল এসে পড়ল। উঠতে চাইলাম। আড়ষ্ট হয়ে রইল হাত-পা। বোধহয় এই-ই দেখতে এসেছি। যা দেখতে এসেছি, তাই তো দেখছি নিজের অপমানের মধ্যে, অসহায়তার মধ্যে, আমার চোখের জলে।

একটু জলের জল হাঁপিয়ে উঠলাম। কোনরকমে এলাম বাইরে বেরিয়ে। ঘুরে পিছন দিকে গিয়ে দেখি জলের কল রয়েছে। সেখানে ভীড় করেছে মেয়ে-পুরুষ। বাসন মাজছে, হাত-পা ধুচ্ছে।

কে বলছে, 'বিহু, তরকারিটা পোড়ারমুখী পুড়িয়ে ফেলেছিস।' কে হেসে উঠল খিলখিল করে। বোধহয় বিহুই। কে চৈচিয়ে উঠল, 'নেও, নেও, বাসনকোসন নিয়ে সর বাপু, আর দাঁড়িয়ে থাকতে পারি না।'

পাশের তাঁবুতেই নারীকণ্ঠ শুনতে পাচ্ছি, 'অনিলের শ্বশুরের কথা বলছ তো? সে মিনসে নাকি মস্ত চাকরি করে। ওই গোমরেই তো অনিলের বউ অত বাপ-সোহাগী!'

হঠাৎ আমার মনে হল যেন বাঙলার কোন মফস্বল শহরের এঁদো গলির বস্তি অঞ্চলে ঢুকে পড়েছি। সন্ধ্যাবেলার বস্তি। চারদিকে কলকোলাহল, ঝগড়া, গান, ফুটকাটা, সাংসারিক প্যাঁচাল। তারই মাঝে জলের ছড়ছড়, বাসনের ধাতুর খনখন শব্দ।

ভুলে গেলাম তীর্থক্ষেত্র। দাঁড়িয়ে আছি বাঙলাদেশের কোন এক পাড়ায়। মনটা তাজা হয়ে উঠল। তাজা হয়ে উঠল আরও জল দেখে। 'উঃ, যেন কতদিন গায়ে দিই নি। থাক শীত, তবু গায়ে জল না দিয়ে বাঁচব না।

আর থাক পাঁচ-বস্তি। কে জানে, রূপে তাকে চিনলাম না। মনের মাঝের অন্ধকারে তার রূপ আরও কত ভয়ঙ্কর, সেটুকু না দেখে গেলেও সে-দেখা আমার পূর্ণ হবে না।

একটা স্বস্তির নিঃশ্বাস ফেলে নীচু হয়ে আবার ঢুকলাম তাঁবুর মধ্যে।

তাঁবুতে এসে তাড়াতাড়ি ঝোলা হাতড়ে বের করলাম সাবান আর গামছা।

আগে দেহটি আবর্জনামুক্ত করি, তারপরে অন্য কথা।

কিন্তু বেরতে আর পারলাম না। দিদিমা বুড়ির চেরাবাঁশের গলা আচমকা তাঁবু কাঁপিয়ে খরখর করে উঠল, ‘ওমাঃ! একি মেলেচ্ছ কাণ্ড গো বাবা!’

কাকে বলছে। ওরে বাবা, তাকিয়ে দেখি, খেত-পিঙ্গল শব্দুড়ি উচিয়ে বুড়ি কুঞ্চিত অগ্নিকটাক আমার দিকেই হানছে। শরীর আমার শুধু সিটিয়েই গেল না, আবার একটি কেলেকারির লজ্জায় ও ভয়ে কঁকড়ে গেলাম। তাড়াতাড়ি বললাম, ‘কী হয়েছে?’

‘কী হয়েছে?’ বলে দিদিমা আবার গলা চড়াল। অর্থাৎ যা আমি সবচেয়ে ভয় পাচ্ছিলাম। বলল, ‘প্যাণ্ট পরে ইঞ্জিন না হয় নিয়ে এলে। নইলে যমে ছাড়বে না। কিন্তু দেবতার পানে সাবাং মাথতে যাচ্ছ কী বলে। তীর্থক্ষেত্রে তেল সাবাং-এ অপবিত্র হয়, তাও জানো না বাছা?’

জানা ছিল না এত বড় কথা। প্রতিবাদও নিরর্থক। কে জানত যে তেল সাবানে দেবতার মাহাত্ম্যও ধুয়ে যেতে পারে।

কিন্তু মানুষ চেনার বড়াই আর এ জীবনে করব না। কয়েক মুহূর্ত আগে যার পায়ে হাত দিয়ে কৃতজ্ঞতা প্রকাশের জ্ঞান উন্মূখ হয়েছিলাম, এখন তার কাছ থেকে পালাতে পারলে বাঁচি। স্নেহ ভালবাসা, রাগ ও বিরাগ, এই উভয় ভাব প্রকাশের মধ্যে কি এদের ভাবেরও তারতম্য ঘটে না? অনেক মানুষেরই ঘটে না। সে উদাহরণ বাড়িয়ে লাভ নেই। কিন্তু নিজে বড় একটা সে বিষয়ে ভুক্তভোগী নই। তাই মন বড় সহজেই দমে যায়।

ইচ্ছা থাকলেও এখান থেকে আর পালাবার উপায় নেই। এইটুকুই তো আমার পরম ভাগ্য যে, বুড়ির চোঁটানি শুনে ডাক্তার পাঁচুগোপাল রায় তার ভয়ঙ্কর মূর্তি নিয়ে আসেনি ছুটে।

বিশ্রামের আরামে গ্রন্থীদের রসভরাট গলা গদগদ হয়ে উঠেছে। আমার দিকে তাকিয়ে বলল, ‘জানলি দিমা, ছেলেটা একেবারে ভদ্রলোক।’

দিদিমা বলল, ‘তাই না বটে।’

সেইটাই অপরাধ। সাবান রেখে গামছা নিয়েই বেরিয়ে গেলাম। গায়ে জল লাগিয়ে আর ফিরে আসতে পারি নি। দাঁতে দাঁত লেগে যাওয়ার যোগাড়। উঃ বড় ভুল করেছি। এ যে কম্প দিয়ে জ্বর আসার মত। ম্যালেরিয়ার সর্বনাশ কাঁপুনির মত হৃৎপিণ্ড ছরকুটে যাবে দেখছি। উত্তর প্রদেশের শীত না ব্যক্ত করতে পারি, বাঙলা দেশের জল-হাওয়ায়, এই ম্যালেরিয়া-প্রুফ স্কাপ দেহের অভিজ্ঞতাটুকু জাহির করতে পারি খুব। মাসের পর মাস ঘড়ি না দেখে

সময় বলে দিতে পারি জ্বর আসার ক্ষণটি লক্ষ্য করে। এ অভিজ্ঞতা কম নাকি ! বেশ বড়-সড় একটি পিলেয়ুক্ত নিটোল পেট আর কাঠি-কাঠি হাত-পা নেড়ে, ভাসা-ভাসা টানা-টানা চোখে বাঙলার জল আকাশের দিকে তাকিয়ে শুবু আমরা দ্বিবি কবিত্ব করি, 'আয় লো আয় রাই বিনোদিনী, রসের হাটে কালো মানিক করব বিকিকিনি।' হাড়কাঁপুনিকে বলি, শুদিকে থাক। দোষ ধোরো না ভাই। পিলের গোরব করছি নে। ওই রূপ দেখেও তো শুনেছি, 'বাইরী বাঙালিনী নাকি, নিশি নিশি গুঞ্জরে।'।

মধুর মধুর রসরাজ

মধুর বৃন্দাবন মাঝা।

থাক, রসিকতা আর পোষায় না। উত্তর প্রদেশের হাওয়া পারে নি, জল যে একেবারে কাবু করে দিল। কোন রকমে কাঁপতে কাঁপতে তাঁবুতে এসে মনটা একেবারে ভরে উঠল। বাঃ! প্রহ্লাদের ক্যাটকেটে দিদিমা দেখছি টাকি মুরগীর মত বহরুপিণী। আমার ধারণা ছিল ওটা তরুণীদেরই একচেটিয়া। ক্ষণে ক্ষণে রং বদলানো! দ্বিবি দেখছি, আমার কোলা উজাড় করে বিচুলির উপর পাতা হয়েছে কঞ্চল। কোলা শিয়রে রেখে হয়েছে বালিশ। গায়ের কঞ্চলটিও ভাঁজ করা হয়েছে পায়ের দিকে। এবার গুয়ে পড়ার ওয়াস্তা।

যাক, আর কিছু চাই নে। দেখেই মন গরম হয়ে উঠেছে। শরীর গরম হতে আর কতক্ষণ। তাড়াতাড়ি গা-হাত-পা গুছে গায়ে দিলাম ওভারকোট। স্নিগ্ধ গায়ে নিয়েই বিচুলির উপর কঞ্চল শয্যায় অঙ্গ পেতে টেনে নিলাম আর-একটি কঞ্চল।

কিন্তু এতক্ষণ প্রহ্লাদ সপরিবারে, অর্থাৎ দিদিমা সহ আমার দিকে তাকিয়েছিল বিস্ফারিত চোখে। তারপরই বুদ্ধির স্লেষ্মা-জড়িত গলায় হাসি তো নয়, হাসির হিষ্কা। কিন্তু এও যে সম্ভব, তা জানতাম না। বুদ্ধি বলল, 'বলি ও ভাল মানুষের ছেলে, সাবাং তো মাথতে যাচ্ছিলে, তোমার আবার এত ছুঁচিবাই কিসের বাপু?'

বললাম, 'কিসের ছুঁচিবাই?'

'এই যে গায়ে জল ঢেলে এলে। বায়ো জেত্তের ছোঁয়া নিয়ে আমরাও এসেছি, কিন্তু এই শীতে কি আমরা জল ঢালতে গেছি?'

এখন সত্য বলে বোঝানো নিরর্থক যে ছুঁচিবাই নয়, পরিষ্কার হওয়ার জন্যই জল ঢেলেছি। হয়তো বিশ্বাসই করবে না। তবু এমনি অবিশ্বাস ভাল। কিন্তু টেচামেচি খেন না হয়। কিছু না বলে শুধু হাসলাম।

দিদিমা আবার বলল, 'দেখো বাপু, শেষে নিমুনি বাধিয়ে বোসো না। ওসব ঝক্কি পোয়াতে পারব না।'

কি দরকার পারবার! রাত পোহালে যাদের রেহাই দেব, তাদের ভাবনার প্রয়োজন নেই। ওদিকে খাবার বন্দোবস্তও হচ্ছে বলে মনে হয়। রান্না করা তো এখন আর সম্ভব নয়। চিঁড়েমুড়কি বেকুচ্ছে টিনের পাত্র থেকে। অস্বস্তি ঘিরে ধরল আমাকে। অন্তত খাওয়ার সময়টাও বাইরে থাকতে পারলে হত। শুয়ে পড়েছি যে।

আবার দিদিমার গলা, 'নেও দুটো চিবিয়ে নিয়ে শুয়ে পড়।'

এরা না জাহ্নক, নিজে তো জানি, চিবোবার স্পৃহা এখন আমার একটুও নেই। গতকাল সকালে বিছানা ছেড়েছিলাম। পথের ধকল কাটিয়ে এবার গা পেতেছি। এই বিশ্রামের ভোগ এখন খাওয়ার চেয়ে বড় ভোগ। কিন্তু পরিস্থিতি আমার এ সত্য ভাষণের মর্যাদা দেবে না।

কথানা বাড়িয়ে, যতটা পারলাম, চিবিয়েই শুতে হল। এখনো এ আশ্রমের মাইকে দেবমাহাত্ম্য আলোচিত হচ্ছে। সারা কুস্তমেলা জুড়েই এখনো কল-কোলাহল চলছে পুরো দমে। শুধু আমি রয়েছি যেন অনেক দূরে। শুনতে পাচ্ছি আশপাশের তাঁবুগুলিতে বিচিত্র গুঞ্জন। কিন্তু সবই অস্পষ্ট। এটুকু না থাকলে হয়তো গাঢ় ঘুমের আলিঙ্গনে অচেতন হয়ে পড়তাম।

অমনি অর্ধচেতন অবস্থায় আমার কানে এল ভাঙা-ভাঙা অর্ধশব্দ একটা গলার গুঞ্জন —

শ্রীনন্দ রাখিল নাম নন্দের নন্দন।

যশোদা রাখিল নাম যাহ্ন-বাছানন ॥

দিদিমার গলা। বোধহয় তন্দ্রাচ্ছন্ন গলা। আমার কানের শিরাগুলি চকিত মুহূর্তে একেবারে জেগে উঠল। তারপর কানের পর্দা থেকে একটা বিচিত্র শিহরণ আমার সর্বাস্থ রোমাঞ্চিত করে তুলল।

কৃষ্ণের শতনাম। কোনদিন জীবনে মুখস্থ হয় নি। মহিমাও কিছু বুঝিনে ও নামের। কিন্তু ভাঙা জড়িত গলার এই বিচিত্র স্বর, আমার শৈশবের নিদ্রাহীন চোখের উদ্ভট স্বপ্নের, আমার দুষ্টামির, আমার বিখজোড়া কোঁতুলের সমাপ্তি এনে দিত। আমার শিশুরক্তের শিরায় শিরায় ঘুমের মায়া হয়ে থাকত লুকিয়ে। না-ছোঁয়া থাকলেও সর্বাস্থ ভরে থাকত, জড়িয়ে থাকত আমার মায়ের আলিঙ্গন, এমনি ছিল রাত্রের ঘুমে, ভোরের জাগরণে। যে স্বরে ঘুম আসত, আবার সেই স্বরেই একটু একটু করে খুলে যেত চোখের পাতা।

তারপর জীবনের শ্রোতে আমি ভেসে গিয়েছি একটি বৃন্তহীন ফুলের মত।
যৌবন এসেছে অসহ বেদনা ও সংগ্রামের ডাক নিয়ে। পায়ের তলার মাটি
বাঁচাতে কবে হারিয়ে গিয়েছে সেই স্বর। মায়ের রূপ ধরেছে এই কঠিন
পৃথিবী।

কিন্তু সেই হারানো স্বর যে আমার এই দীর্ঘ জীবনের রক্ত-প্রবাহে অজান্তে
অনুসরণ করছে, তা জানতাম না। সমস্ত কোলাহল স্তিমিত হয়ে এল। গাঢ়
নিজার কোলে চলে পড়লাম আমি। তখনো একটু একটু কানে আসছে :

কালোসোনা নাম রাখে রাধা বিনোদিনী,

কুব্জা রাখিল নাম.....

হঠাৎ ঘুম ভেঙে গেল। খসখস শব্দ হচ্ছে টিক কানের কাছেই। কত
রাত হবে, কে জানে। শুয়ে ছিলাম বাইরের পর্দার সামনে। প্রথমটা চোখ
মেলতে পারলাম না। পর্দার তলা দিয়ে তীক্ষ্ণ ছুঁচের মত এসে বিঁধছে কনকনে
হাওয়া। কাঁটা দিয়ে উঠছে গায়ের মধ্যে। মনে হল সর্বাঙ্গ ভিজে গিয়েছে।
রক্ত জমে গিয়েছে হাতপায়ের। বিচুলি-শয্যা বরকের মত ঠাণ্ডা অনুভূত হচ্ছে।
দুর্গত মেঘগর্জনের মত গুড়গুড় করে উঠল বুকের মধ্যে।

বোধহয়, এই ভয়ানক শীতেই ঘুমটা ভেঙে গিয়েছে। মেলা নিস্তর্র।
কোলাহল নেই। হঠাৎ দু-একটা সংক্ষিপ্ত কণ্ঠস্বর ভেসে আসছে দূর থেকে।
আচমকা শোনা যাচ্ছে স্থলিত ঘণ্টাধ্বনি। আবায় নীরবতা। কেবল কানের
কাছে খসখস।

চোখ মেললাম। চোখ মেলেই চমকে উঠলাম। পর্দার কাছেই একজোড়া
বুট। তাঁবুর মধ্যে আলো জ্বলছে। একটু একটু করে বুট বেয়ে বেয়ে দৃষ্টি
তুললাম। বুটের উপরেই মেটো, খাকি প্যান্ট। হাঁটুর উপর থেকে ভারী
কালো কয়ল।

সর্বনাশ! ফ্রাঙ্কেনস্টাইন ছবির মন্স্টার! পাঁচ-বক্তি! ভয়ঙ্কর মুখ
নিয়ে দাঁড়িয়ে আছে ডক্টর পাঁচুগোপাল। টের পায় নি যে, আমি জেগে
আছি। হাত আড়াল করা আমার চোখের কোলে ছায়া। দেখলাম, ডক্টর
পাঁচুগোপাল রীতিমত রাত-প্রহরীর মত তীক্ষ্ণ দৃষ্টিতে নিরীক্ষণ করছে
চারদিক। কী দেখছে কে জানে। কিন্তু একটা বুট যদি চাপিয়ে দেয় গলায়
উপর!

কয়েকটি রুদ্ধশ্বাস মুহূর্ত কাটল বুকের ধুকধুক তালে। তারপর কানে এল
চাপা চীৎকার, 'শালা, নো জায়গা নট কিচ্ছু। চলো বাহার!'

পরমুহুর্তেই পর্দাটা তুলে বেরিয়ে গেল সে। আর-এক ঝলক কুটো বরককে ছুঁড়ে মারল আমার গায়ে। কোনরকমে হজম করলাম ঠাণ্ডা চাবুকের কষাঘাত।

কিন্তু ডক্টর কেন এই শীতনিনীথে জায়গা খুঁজে বেড়াচ্ছে। 'নো জায়গা নট কিছু'র বাংলা মানে তো তাই বোঝায়। বুঝতে পারলাম না ব্যাপারটা। ঘুম আর এল না। অনেকক্ষণ পড়ে রইলাম। চব্বিশ ঘণ্টার ক্লান্তিতে এখনো চোখ জুড়ে আসারই কথা। কিন্তু আশ্চর্য! এপাশ ওপাশ করেও ঘুম আর কিছুতেই আসছে না। অনেক সময় অতিরিক্ত ক্লান্তিতে দেহতন্ত্রী যেন টানটান হয়ে থাকে। সেই সঙ্গে মনটিও। এই হঠাৎ-ঘুম-ভাঙা মনেও আমার কোন শৈথিল্য নেই। সেখানে অনেক তাড়া, অনেক কৌতুহল। মন যেন ছেঁড়া পালের টুকরো ফালির মত খরখর করে কাঁপছে। হয়তো এর কোন অর্থ নেই, আশা নেই। তবু মন মানে না। মানে নি বলেই তো এসেছি ছুটে। হোক ডক্টর, অদ্ভুত, অবাক কাণ্ড। তবু আর শুয়ে থাকতে পারি নে। উঠে পড়লাম। উঠে দেখি প্রহ্লাদকে মাঝখানে রেখে একপাশে তার পরিবার আর-একপাশে দিদিমা অঘোরে ঘুমোচ্ছে। এই ঘুম দেখে হঠাৎ বোঝার উপায় নেই, এরা এসেছে ঘর ছেড়ে দূরে। এসেছে তীর্থ করতে।

বাইরে বেরিয়ে এলাম ওভারকোটের বোতাম এঁটে। কিন্তু এসে কয়েক মুহূর্ত চলৎশক্তি রহিত হয়ে গেল। মনে হল, মনের আশা মনে নিয়ে ঢুকে পড়ি তাঁবুর মধ্যে। শুনেছি, ইওরোপ শীতপ্রধান দেশ। সেখানকার শীতে জল জমে বরফ হয়। পথে ঘাটে উঠানে ছাদে বরফ। লোকে পথে বেরুতে ভয় পায়। কিন্তু আমার বাঙালী হাড় যে উত্তর প্রদেশের গঙ্গার পাড়ে জমে যাওয়ার দাখিল।

পকেটে ছিল মাফলার। বার করে জড়ালাম মাথায়। জুতো মোজা পরেই শুয়েছিলাম। স্নুতরাং দরকার থাকলেও শীত আটকাবার আর কোন উপায় ছিল না।

আশ্রমের বাইরের আলোগুলি নেভানো। মন্দের পেছনেই অস্থায়ী মন্দির হয়েছে মাটির দাওয়ার উপরে, গোলপাতার বেড়া ও মন্দিরের বাঁপ বন্ধ। মন্দের উপরে ও নীচে ইতস্তত বিক্ষিপ্ত পুঁটলির মত দেখাচ্ছে আপাদমস্তক মুড়ি-দেওয়া ঘুমন্ত কতকগুলি মানুষকে। মনে হল না কেউ জেগে আছে।

আশ্রমের প্রধান গেট দিয়ে বেরিয়ে এলাম। শিশির-ভেজা বালি খস-খস করছে। চলার সঙ্গে সঙ্গে শব্দ খসখস করে। আটকে যাচ্ছে পা। রাশি

রাশি ভেজা বালি জুতোর মধ্যে ঢুকে মোজাস্বদ্ধ পা সিক্ত করে তুলছে অন্ধকারে চিকচিক করে উঠছে বালির বৃকে অভ্রকুচি।

পশ্চিমদিকে মুখ করে চলেছিলাম। ওপারে অস্পষ্ট এলাহাবাদ দুর্গপ্রাকার মাথা তুলে দাঁড়িয়ে আছে অন্ধকারে। দুর্গের মাথায় পতাকাটিও লক্ষ্য করা যায় একটা গাছের ফাঁক দিয়ে। নজরে পড়ে না শুধু সতর্ক প্রহরী।

সম্ভবত, কিছুক্ষণ পূর্বেই চাঁদ চলে পড়েছে দুর্গের আড়ালে। তাই পশ্চিমের আকাশে কিঞ্চিৎ আলোর আভাস। কিংবা এলাহাবাদ শহরের আলোকমালার হাঙ্কা আভাস মাত্র।

লক্ষ মাস্তবের মেলা এখন নিঃশব্দ। এই নিঃশব্দের মধ্যে মিশে গিয়েছে ঝিঁঝির ডাক, আমার পদশব্দের খসখসানি। নিয়ত ধাবিত গঙ্গার কলকলধ্বনি এই নিঃশব্দ রাত্রির সঙ্গীতপ্রবাহের মত চলেছে ভেসে। যেন অদৃশ্যে বসে কোন এক নিঃশব্দের সঙ্গীতবিলাসী নিয়ত জলের বৃকে ঢেলে চলেছে ধাতব বস্তু।

সঙ্গার সেই আলোর ছড়াছড়ি নেই। এখানে সেখানে দু-একটা আলো জ্বলছে। দিগন্ত জুড়ে তাঁবুগুলি দেখাচ্ছে যেন সমুদ্র-সৈকতে নিশ্চল নীরব অসংখ্য পাখির মত। যেন ধূসরবর্ণের পাখা মেলে বসে রয়েছে বাহুড়ের দল।

আবার সেই স্থলিত ঘণ্টাধ্বনি। কানের কাছেই শব্দ শুনে থমকে দাঁড়িলাম। দেখলাম, কয়েক হাত দূরেই একটা হাতি বাঁধা রয়েছে। সুরের মাঝে ডুবে গিয়ে মাস্তব যেমন করে দোলে, হাতিটা তেমনি দুলছে সামনে পেছনে। তারই তালে তালে বাজছে ঘণ্টা।

অদূরেই কিছু পোড়া কাঠ থেকে একটু একটু ধোঁয়া উঠছে। আগুন জ্বালা হয়েছিল, নিভে গিয়েছে। সেই অগ্নিকুণ্ডের গা ঘেঁষেই বালির উপর কয়েকজন শুয়ে আছে আপাদমস্তক ঢেকে। ভাবাও দুষ্কর এই ভয়াবহ শীতের মধ্যে উন্মুক্ত আকাশের তলে কেমন করে মাস্তব শুয়ে আছে।

দূরে দূরে কোথাও দু-একটি প্রজ্জ্বলিত আগুনের শিখা কেঁপে কেঁপে উঠছে। সেই আলোয় স্পষ্ট হয়ে উঠছে আগুনের চেয়েও পুঞ্জীভূত ধোঁয়ারাশি।

আচমকা কানফাটানো হুম হুম বাম-বাম শব্দে চমকে উঠলাম। উত্তর দিকে তাকিয়ে দেখলাম, গঙ্গার উপর দিয়ে চলে গিয়েছে রেলগয়ে ব্রীজ। ট্রেন চলেছে তার উপর দিয়ে। মনে হল, জমাট নৈঃশব্দ ভেঙে সেই বাম-বাম শব্দ ছড়িয়ে পড়ল চারিদিকে। এখুনি জেগে উঠবে মাস্তবের মেলা।

কিন্তু ট্রেনের বিলম্বমান শব্দের সঙ্গে সঙ্গে বালুচর একেবারে স্তব্ধ হয়ে গেল। ট্রেন দেখবার জগুই দাঁড়িয়েছিলাম। এই গাঢ় নিস্তব্ধতার মধ্যে একটি ভাঙ্গা

ভাড়া গলা শুনতে পেলাম। যেন কাকে কী বলছে। এই তাঁবু-সমুদ্রের মধ্যেই কোথাও কেউ কথা বলছে। কিন্তু কোথায়? মানুষ তো দেখতে পাই নে।

একটু কৌতূহল হল। কান পাতলাম। কথাগুলি হিন্দী ভাষায় বলছে। কী বলছে? আর-একটু এগিয়ে আবার ধমকালাম। কথা তো নয়, কে যেন কাঁদছে। কাঁদতে কাঁদতে বলছে, 'বহত, বহত পাণ কিয়া ভগবান! হে ঈশ্বর, আমার অর্থ নাও, আমার সোনা নাও, আমার থাওয়া নাও, আমাকে বিবস্ত্র কর, আমার সব নিয়ে, আমাকে মৃত্যু দাও। আমার এই পাপের প্রাণ আমি তোমার পায়ে দিচ্ছি। গ্রহণ করে তুমি আমাকে মুক্তি দাও।'

আমার হাত-পা একেবারে নিশ্চল হয়ে গেল। অন্ধকারে একা দাঁড়িয়ে আমি কার পাপের স্বীকারোক্তি শুনছি! মৃত্যুকামনা শুনছি কার? আমি কোথায় এসেছি, যেখানে মানুষ অসঙ্কোচে প্রকাশ করছে তার পাপ! নিবেদন করছে প্রাণ।

ভুলে গেলাম, আমি এক সভ্য দেশের সৃষ্টি ও কৃষ্টি-ভরা নগরের নাগরিক। আমি যেন হাজার বছরের অতীতে এসেছি ফিরে। কোন অদৃশ্য থেকে আমাকে দুহাতে আলিঙ্গন করল এই বালুচরের নিশি। নিশি-পাওয়া অন্ধ ও বোবার মত আমি চারিদিকে হাতড়ে স্ক্রিমে লাগলাম।

ওই যে দূরের অগ্নিকুণ্ড ও ধোঁয়া, হয়তো ভরদ্বাজ মূনির যজ্ঞের কাঠ পুড়ছে ওইখানেই। দিনের পর দিন শত শত মানুষ প্রয়াগের গঙ্গায় কাঁপ দিয়ে প্রাণ নাশ করেছে! প্রাণনাশের এই ভয়াবহ মহাপুণ্যলীলা আজ ঘিরে ধরল আমাকে। অনেক মানুষ, অনেক মানুষের ছায়া চারিদিক থেকে ঘিরে আসছে আমাকে। ভারতের এক বিশ্বস্ত যুগের ছায়ারা ভিড় করেছে আমার চারপাশে। ওভারকোট-পরা একটি ক্ষীণ মানুষরূপী জীবের দিকে তারা অবাক বিস্ময়ে তাকিয়ে আছে। খুঁটিয়ে খুঁটিয়ে দেখছে, এ কোন্ দেশের মানুষ। গঙ্গাতীরে তাদের শত শত বছরের এই নির্জন বিচরণক্ষেত্রে রাত্রি নিশীথে এ কোন্ রক্তমাংসের জীব। অনেক পরিবর্তন তারা দিনের পর দিন লক্ষ্য করেছে। যে অক্ষয়বটগাছের উপর থেকে লাফিয়ে পড়ে ভগবানের কাছে তারা প্রাণ দান করেছে, তাদের সেই অক্ষয়বট অসঙ্কোচে কেটে দিয়েছেন আকবর বাদশা। গঙ্গা-যমুনার সঙ্গমে দাঁড়িয়ে তারা দল বেঁধে সবাই সেই নিষ্ঠুর কাজ দেখেছে। তারপরও শত শত বছর ধরে তারা দেখে আসছে, মরজগত্তের লক্ষ লক্ষ নয়-নারীকে, তাদের সেই অক্ষয়বটের স্মৃতিচিহ্নে মাথা ঠুকতে। দেখে অট্টহাসিতে ফেটে পড়েছে তারা। সে হাসি কেউ শুনতে পায় না। গঙ্গা ও যমুনার তলে

চাপা পড়ে থাকে সেই হাসি। বিক্রপে বঁকে উঠেছে তাদের চোখ, যখন দেখেছে মরজগতের মানুষগুলি বঁচে থাকতে কত ভালবাসে। পাপকে গোপন করতে তাদের কত আয়াস। মুদ্রা নিক্ষেপ করে কত সহজে সে ঈশ্বরের কুপা লাভ করতে চাইছে। তারা দেখেছে, তাদের অক্ষয়বটের পরিবর্তে একটা অগ্নি বটের ডাল দেখিয়ে পাণ্ডা পয়সা নিচ্ছে মানুষের কাছ থেকে।

তারা কিসফিস করে কথা বলেছে আর হাওয়ার গায়ে ভেসে বেড়িয়েছে। কেউ জানে না, কিন্তু তারা জানে প্রয়াগের রক্তে রক্তে ভারতের কি ইতিহাস লুকিয়ে আছে।

কিন্তু তাদের এই অবাধ মুক্ত বিচরণ সময়ে এ কোন্ জীব! গঙ্গার কোল থেকে একে একে তারা সকলে উঠে এসেছে। তারা কেউ হাজার বছরের, কেউ পাঁচশো বছরের, কেউ দুশো বছরের।

আমি কথা বলতে গেলাম। কিন্তু আমার কথা হারিয়ে গিয়েছে। তারা পরম্পরের গা টিপে হাসছে। আঙুল দিয়ে দেখাচ্ছে আমাকে। তারপর, তাদেরই সমবেত কণ্ঠের হাসির মত আমার কানে এসে বাজল গঙ্গার কলকল ধ্বনি।

তাকিয়ে দেখলাম, আমার পায়ের কাছে জল। গঙ্গার তীরে এসে পড়েছি। দূর-গঙ্গার বহ্নিম স্রোতে হঠাৎ কারা হেসে উঠছে নিশ্চন্দে। বাঁকা স্রোতের আলোর ঝিলিকে হেসে হেসে, আবার সেই হাসি হারিয়ে যাচ্ছে স্রোতেরই বুকে। ছায়ারা সব গুপ্ত শব্দের মত চোখের সামনে অতলে ডুব দিয়ে পালিয়ে যাচ্ছে।

কে যেন গান করছে। নারীকণ্ঠের গান। নিশি-পাওয়া মন ভেসে গেল আর-এক দিকে। বেহালার চাপা স্বরের মত মিষ্টি গলা অকস্মাৎ এক নতুন স্বপ্নজাল বিছিয়ে দিলে বালুচরে।

না, গান তো নয়। স্বর করে আবৃত্তি করছে,

চিরং নিবাসং ন সমীক্ষতে যো

হৃদ্যারচিত্তঃ প্রদদাতি চ ক্রমাৎ।

কল্লিতার্থাংস্ দদাতি পুংসঃ

স তীর্থরাজো জয়তি প্রয়াগঃ।

কণ্ঠ লক্ষ্য করে কয়েক পা অগ্রসর হয়েই থামলাম। দেখলাম, গঙ্গার দিকে মুখ করে দাঁড়িয়ে আছে একটি নারী। মনে হল, শাড়ি পরে আছে। আল্লায়িত কেশরাশি ছড়িয়ে পড়েছে তার পিঠ জুড়ে। দূরের অস্থায়ী ভাসন্ত আলোর সামান্য আলোর রেশ এসে পড়েছে তার মুখে। সে আলো সামান্য।

তার মুখাবয়বটি সুস্পষ্ট হয়ে উঠেছে তাতে। তার স্ব-উচ্চ নাক, কম্পিত ঠোঁটা, নিম্পলক চোখের ঘনপল্লব।

কয়েক মুহূর্ত পরেই দেখলাম, আপাদমস্তক-আবৃত একজন পুরুষ এসে দাঁড়াল তার পাশে। সেও কণ্ঠের সঙ্গে কণ্ঠ মিলিয়ে আবৃত্তি করতে লাগল প্রয়াগস্তোত্র।

আরও খানিকক্ষণ পরে আর-একটি মেয়ে এল, একটি বালকের হাত ধরে। আগে যাকে দেখেছিলাম, তার চেয়ে এর বয়স কম মনে হল। পুষ্ট যৌবনের চিহ্ন তার সর্বাস্থে বঙ্কিম রেখায় উদ্ভাসিত। মুখে তার হাসির আভাস। বালকের সঙ্গে সেও আবৃত্তিতে যোগ দিল।

তাদের নীচু ও চাপা গলার মিশ্রিত আবৃত্তির স্বর একাত্ম হয়ে গেল গঙ্গার কলকলধ্বনিতে। কয়েক মুহূর্ত দাঁড়িয়ে তারা সকলে চলল দক্ষিণে সঙ্গমের দিকে।

আমি সেই দিকেই এগুলাম। যত সময় যাচ্ছে, উত্তরে হাওয়া তত যেন ক্ষেপে উঠছে। ওদের মিলিত গলা থেকে ঝাপটা মারছে আমার কানের পর্দায়।

মাহুষের দেখা পেয়ে আমিও অনেকখানি যেন নিশিমুক্ত হয়ে উঠেছি আবার, চারিদিক পরিষ্কার হয়ে উঠেছে আমার কাছে।

হঠাৎ মনে হল, কে যেন আমার পেছনে আসছে! তাকিয়ে দেখলাম। মনে হল একটা মূর্তি সরে গেল তাঁবুর অন্ধকার কোলে। হয়তো কোন মাহুষ বেরিয়েছে পথে। বেরুক। সামনে ফিরে আমি ওই চারজনের পিছে পিছে আবার চললাম।

এখনো কত রাত্রি অনুমান করতে পারি নে। কেল্লার পেছনের আকাশ ক্রমে গাঢ় অন্ধকারে ঢাকা পড়ে যাচ্ছে। পূর্বাকাশের কোলে দূর ঝুসির পাহাড়ের মত উঁচু ভূমির অস্পষ্ট রেখা ফুটেছে ধীরে ধীরে। বিশাল নিকষ কালোপটে কোন এক অদৃশ্য শিল্পী যন্ত্র দিয়ে খুটিয়ে ফুটিয়ে তুলছে নতুন দৃশ্য।

মন্ত্র গতিতে আমার আগে আগে চলেছে তারা চারজন—দুটি নারী, একটি বয়স্ক পুরুষ, বালক একটি। তারা মিলিতকণ্ঠে স্বর করে আবৃত্তি করে চলেছে প্রয়াগমাহাত্ম্য। চাপা স্বর, আবৃত্তিও মন্ত্র তাদের চলার মত। সুস্পষ্ট সংস্কৃত উচ্চারণ। এই দারুণ শীতে একটুও বিকৃত শোনাচ্ছে না তাদের গলা।

আমি দূরে থেকে, চলেছি তাদের পেছনে পেছনে। কেন চলেছি, তার সঠিক অর্থ জানি নে। জানি কিঞ্চিৎ প্রয়াগের ইতিহাস। মাহাত্ম্য জানি নে তার অলৌকিক কীর্তির। আসা মাত্র গণ্ডুবেতরা গঙ্গাজল নিয়ে দিই নি মাধায়।

বাশি বাশি ধুলো ছড়িয়ে দিই নি নিজের গায়ে। তবুও চলেছি তাদের পেছনে পেছনে।

নিশির দলে নিশি পেয়েছে আমাকে। স্বরে আমাকে ডাক দিয়েছে। ইতিহাস কথা বলছে আমার কানে কানে। আমি মন্ত্র বুকি নে প্রয়াগের। বুকি নে পুজো।

আবণ মাসে বাঙলার গাঁয়ের গৃহস্থে মেয়ে-বউরা পুজো করে 'ঢালা প্যালা।' পুজো করে মাটি ও বনপালার। তার অর্থ বুকি, হে ধরিত্রী, তুমি উর্বর হও। তোমার প্রতিটি মাটির টুকরো ভরে উঠুক সবুজ শস্ত। আমার পুজো নিয়ে তুমি তৃপ্ত হও, তুমি সিক্ত হও, আমি জীবনভর তোমার সেবা করব।

এই আদিম সংস্কারের মধ্যে দেখি মানুষের বাঁচার অভিযান। নবান্ন উৎসবে শুনি জীবনের জয়গান। কসলের গুণকীর্তন।

কিন্তু এই বালুচর। ভারতীয় প্রাচীন ইতিহাসের লীলাভূমি। ধর্মীয় ইতিহাসের স্মৃতিভূমি! কিন্তু কেউ এখানে ডুব দেয় না সেই স্মৃতিমাগরে। সন্ধান করে না জ্ঞানের। জনপদ ও তার জীবন থেকে বিচ্ছিন্ন এই বালুচরের গুণকীর্তন তাহলে কেন বুকি নে? মানুষের রূপে মুগ্ধ হই। অলৌকিকের অহুভূতি নেই মনে। কী করে বুঝব।

তবুও আমি মোহপাশে আবদ্ধ হয়েছি। মোহ নয়, মুগ্ধ প্রাণ নিয়ে চলেছি আমি। এই মৌন রাত্রি, আলো-আঁধারিতে ওই নারী ও পুরুষ, আর কী বিচিত্র তাদের মিলিত গলার হারমনি। এই সন্ধীতে নেই যন্ত্র-সঙ্গত। যন্ত্র হয়ে উঠেছে তাদের বিভিন্ন গলার স্বর। এই স্বরের অঙ্গে স্বর মিলিয়েছে নিয়ন্তবাহী গঙ্গা।

ক্রমে শেষ হয়ে এল তাঁবুর সারি। যেন পিছনে ফেলে এলাম লোকালয়। এবার বালু আর বালু। বালুপ্রান্তর। পায়ে পাতা ডুবে যাচ্ছে গভীর বালুতে। মনে হল, অনেক দূরে ফেলে এসেছি কুস্তমেলা। হারিয়ে গিয়েছে বালুর উপর আকাবাকা পথের দিশা। বালুর নীচে কোথাও ভেজা মাটির ইশ্ণুরা। জেগে উঠেছে টুকরো ঘাসবন। জলো ঘাস। আবান্ন বালু।

হাওয়ায় ছুয়ে পড়েছে ঘাসের মাথা। ক্রমে হাওয়া ছরস্ক হয়ে উঠেছে। পবন উন্মাদ হয়েছে। শিশ দিয়ে চলেছে কানের কাছে। আর কানে ভেসে আসছে ওই স্বর। স্বর চড়েছে। বেহালার চাপা স্বর হয়ে পড়েছে মূক্ত ও ব্যাপ্ত। তার চান পড়েছে। উচ্চতর গ্রামে মিশেছে হাওয়ায়।

বয়স্ক পুরুষটির কন্ঠ উড়ছে ফরফর করে। মেয়ে দুটির আলুলায়িত

কেশপাশ শূন্যে আছাড় খাচ্ছে হাওয়ার দমকে।

হাওয়া নয়, নিঃশব্দ চাবুক। আমার হাত আর পা ফেটে পড়তে চাইছে টনটনানিতে। শিউরে শিউরে উঠছে পায়ের মধ্যে।

একটু পরেই গতি মন্দ হল সামনের চারজনের। সামনেই ঢালু হয়ে নেমে গিয়েছে বালুচর। ছিলাম প্রায় বিশ-ত্রিশ হাত দূরে। বুঝতে পারলাম না কতটা নীচু। নীচেও খানিকটা সমতল চর। তারপরও দূর-আলোকের অস্পষ্ট রেখায় চকচক করছে জল।

তারা চারজন নেমে গেল নীচের সমতলে। আমি দূরেই দাঁড়িয়ে পড়লাম। তারা চারজনও দাঁড়িয়েছে। এবার স্তিমিত হয়ে এসেছে গলার স্বর। যেন অনেক দূর থেকে ভেসে আসছে মিষ্টি ও চাপা গুনগুনানি।

কয়েক মুহূর্ত দাঁড়িয়ে ছত্রভঙ্গ হয়ে পড়ল ছদ্ম। চর বাঁদিকে বাঁক নিয়ে সরে গিয়েছে। কষলধারী চলে গেল সেই দিকে। বুঝতে পারলাম না, ওদিকটা আরও নীচু কি না। কিন্তু তাকে আর দেখা গেল না। তারপরে একটি নারী গেল। সেও হারিয়ে গেল অন্ধকারে।

বালকটিকে নিয়ে রইল আর-একজন নারী। কিন্তু আর দাঁড়াল না। বালকটি এই ভয়াবহ শীতে জামা-কাপড় খুলে এগিয়ে গেল জলের দিকে।

শিশু বালকের এই দুঃসহ পীড়নে হৃদয় বিখিত ব্যথায় চমকিত হওয়ার পূর্ব মুহূর্তেই, নতুন দৃশ্যে আমার সর্ব চেতনা আড়ষ্ট হয়ে গেল। দেখলাম, সেই মেয়েটিও বিবস্ত্রা হয়েছে। এত শীতেও কোন তাড়া নেই। সবই মত্তরভাবে চলেছে। বিবস্ত্রা হয়ে দাঁড়াল সে কয়েক মুহূর্ত।

একেবারে স্পষ্ট নয়, কিন্তু অস্পষ্টও নয়। আমার সভ্যতাগবী মন ধমকে গেল। নিজেকে আড়াল করার কিছু নেই এখানে। চোখের পাতা একবার চকিতে আনত হয়েও, মনের পাতা উঠল আবধ্য হয়ে। কোন পাপ তো করি নি। পালাব কেন।

কিন্তু সে-ও কি আমাকে দেখতে পায় নি! মুক্ত আকাশের তলে, দারুণ হিমেল হাওয়া-মুখরিত চরে, মনে আমার অস্পষ্ট ভয় ঘিরে এল।

শূন্য-ওড়া কালনাগিনীর মত তার উড়ন্ত দীর্ঘ কেশরাশি, তার বলিষ্ঠ দেহের অস্পষ্ট রেখা, তার চাপা গুনগুনানি, সব মিলিয়ে পৃথিবীর চেহারা বদলে গেল আমার চোখের সামনে।

সে নেমে গেল জলের দিকে। চাপা পড়ে গেল গুনগুনানি। কিন্তু আমি তেমনি আড়ষ্ট, স্তম্ভিত। তাকিয়ে দেখি, চারদিক আলোয় উদ্ভাসিত হয়ে

উঠছে। আলো, এত আলো এল কোথা থেকে। পশ্চিম দিকে মুখ করে দাঁড়িয়েছিলাম। ফিরে তাকিয়ে দেখলাম, পূর্বের প্রতিষ্ঠানপুরের আকাশের কোল আলোয় উদ্ভাসিত হয়ে উঠেছে। দূর-পশ্চিমের দিকে তাকিয়ে দেখি, কালো অথচ তীব্র আলোকময়ী জলের স্রোতরেখা ছুটে আসছে আমার দিকে। আসতে আসতে আচমকা বাঁক নিয়ে চলে যাচ্ছে দক্ষিণে। যাচ্ছে এই প্রাক-উবা মুহূর্তে গঙ্গার অস্পষ্ট হিম-বিধু-মুক্তা ধবল তরঙ্গের গায়ে গায়ে। এই মুহূর্তে নীল যমুনার রং হয়েছে নিকষ কালো। দূর পশ্চিমে তার কাপসা রেলওয়ে সেতু। উত্তর কোলে জলের বুক থেকেই উঠেছে দুর্গের পাথুরে ইয়ারত। কী হাওয়া! প্রাণনাশী ঠাণ্ডা হাওয়ায় যমুনার উত্তর তীরের উঁচু গাছের মাথা ছলছে। যেন ঝাঁপ দিতে চাইছে যমুনায়। ব্যাকুল হাওয়ার শনশন; যেন কোন অদৃশ্য-চারিগীর ব্যাকুল গুনগুনানির মত আসছে ভেসে। আর মুরারিকায় কালী যমুনার বাঁকা স্রোতে ঝলকিত বাঁকা হাসি। সে হাসি গোপনে হেসে ভেসে চলেছে দূরে।

কিছুক্ষণ পরেই আবার গঙ্গার কোল থেকে ভেসে এল সেই কণ্ঠের বাঁশির স্বর :

দেবি সুরেশ্বরী ভগবতি গঙ্গে

ত্রিভুবনতারিণী তরল তরঙ্গে।

গঙ্গার অদৃশ্য কোল থেকে উঠে এল সেই বালক। সে কাঁপছে থরথর করে। দাঁতে দাঁত লেগে যাওয়ার ফাঁক দিয়ে এবার বিকৃত শোনাচ্ছে তার উচ্চারণ। শুকনো কাপড় খাবা মেরে তুলে নিল সে গায়ের উপর। বালকের পেছনেই উঠে এল সে। সর্বচরাচরের মত সে আরও জম্পট। সম্মুখ তার পূর্বদিকে। উবার সিন্দুরকণা ছড়িয়ে পড়েছে তার সর্বাঙ্গে। ভেজা চুলের রাশি এলিয়ে পড়েছে তার ঘাড়ে ছুপাশ দিয়ে। তার শরীর অকম্পিত নয় কাঁপুনি রয়েছে তার গলার স্বরে।

চোখ কিরিয়ে নেওয়া উচিত। নিলামও তাই। ধার্মিকের ভক্তি নেই। চোখে আছে কিঞ্চিৎ নিতান্ত মাহুঘিক মোহের অঙ্গন। এসেছি যেন বানের জলে ভেসে যাব বলে। ডুব দেব বলে। কিন্তু সস্তা তো পেছন ছাড়েনি। নিজেকে তুলি কেমন করে।

তবু, আমার নগরসভ্য চোখ দেখেছে অনেক ছবি। বিদেশী শিল্পীদের অসংখ্য ভেনাস, মনের মানসী, নগ্ন নাগরী। দেখেছে দেশী শিল্পের আঁকা হৃদয়মাধুরীমেশানো নগ্ন-বিচিত্রার ছবি। তা ছাড়াও এ সভ্য চোখ বিধে

আচ্ছন্ন দেশের দিগন্তজোড়া দেওয়ালের ছবি দেখে। সেলুলয়েডের বৃক্কে বীভৎস নগ্নতা দেখে।

কিন্তু এই নগ্নতা! ওই আকাশের মত, এই চরের মত, ওই গঙ্গা ও যমুনার মত দ্বিধামুক্ত নগ্নতা। নগ্নতা পরিবেশ-অন্ধ। নগ্নতা কী ভয়ঙ্কর অথচ কী অপক্লপ!

বৃষ্টি পথ ভুল করেছি! কিন্তু ভুল করে এসেছি কোন্ যুগে। ভারতের কোন বিগত শতাব্দীতে। বিষের ধোঁয়া নিয়ে এসেছিল দ্বিতীয় বিশ্বযুদ্ধ। কৈশোর থেকে যৌবনে পা দিয়েছিলাম সেই বিষের ফোঁটা কপালে নিয়ে। যখন থেকে দেখতে শিখেছি, দেখেছি বিষ-ক্ষতে ভরা দেশ। নিরম্মের মিছিল, অবিশ্বাস, ভয়, নির্ধূরতা আর হাহাকার।

তবু আরও দেখি দেখি করে ছুটে এলাম। কিন্তু কোন্ যুগের হাত ধরে এসে এ ছবি এল আমার চোখের সামনে। এও দেশেরই রূপ। বাছ-বিচারের কী ধার ধারি। যা ভাবতে পারি নি, তাই দেখলাম। তাই তো দেখব। ঘুরে ফিরে এ নিজেকেই দেখা। না দেখলে চিনব কী করে? বিশ্বয় আর সন্দেহ? তার নিরসন তো পরে।

এবার তারা মিলেছে আবার চারজন। বস্ত্রে আবৃত করেছে নিজেদের। গঙ্গাস্তোত্র শেষ করে নতুন হুঁরে আবৃত্তি ধরেছে :

প্রাতঃ স্মরামি ভবভীতিমহাভিশাষ্টম্য

নারায়ণং গুরুডবাহনমম্ভনাভম...

আবৃত্তি করতে করতে এগিয়ে আসছে তারা। নিশ্বাসের তালে তালে ঘেন ফুটছে দিনের আলো। পুরুষটিকে দেখেই ভড়কে গেলাম। এ যে একমাথা রুম্ব চুল। আর বিরাট গুঁফো পুরুষ। চোখও বেশ লালবর্ণ। লজ্জা যে কিন্তু ছিল না মনে, তা নয়; কিন্তু এ যে ভয় ধরিয়ে দিল। ধমকালে যাব কোথায়। তা ছাড়া কুস্তমেলো সম্পর্কে নানান কথা শুনে একটা শিউয়োনি ছিলই মনের মধ্যে।

কাছাকাছি এসে বয়স্ক পুরুষটি আমার দিকে বারকয়েক দেখল। সন্দ্বিগ্ন ও সপ্রশ্ন দৃষ্টি। গলায় তার রুদ্রাক্ষের মালা। লোমশ বৃক্কে ভরে ছড়িয়ে পড়েছে। ডানায় ও মণিবন্ধে রুদ্রাক্ষের মণিবন্ধনী। কানের ছিদ্রে পরানো রয়েছে রুদ্রাক্ষের কুণ্ডল।

তার পেছনে মেয়েদেরও তাই। মনে হল, দুজনেই যুবতী। তাদেরও রুদ্রাক্ষের অলঙ্কার রয়েছে গায়ে। ছেলেটিরও তাই। কিন্তু দেখবার অবসর ছিল না।

আমার কাছে দাঁড়িয়ে যেন অবাক বিষয়ে ঘাড় ঝাঁকিয়ে আমাকে নিরীক্ষণ করল পুরুষটি। অবিশ্বাস্ত হাসি ছড়িয়ে পড়েছে তার মুখের ভাঁজে ভাঁজে। সঙ্কোচের হাসি। মোটা গলায় জিজ্ঞেস করল, একেবারে ঠেট হিন্দীতে, 'আপনি কি সেপাই নন?'

আমি? কোন দুঃখে? তাই ভেবেছে বুঝি লোকটি? গুভার কোটটার গুণ আছে দেখছি। বললাম, 'না তো!'

সে তার বড় বড় দাঁতগুলি বের করে বলল, 'মহারাজ, আমি ভেবেছিলাম আপনি সেপাই। নমস্কার মহারাজ, নমস্কার। সন্ন্যাসীকে কিছু দান করুন।'

কি ভেবেছিলাম, কী হল। এ যে দান চায়। কিন্তু নারী-শিশু-পরিবৃত্ত, এ আবার কোন্ রকমের সন্ন্যাসী, তা তো বুঝলাম না। বললাম, 'তু-আপ-আপনি সন্ন্যাসী?'

সে হা হা করে হেসে উঠল। বাবা! এ যে অট্টহাসি। মনে হয় মেয়েরা ও শিশুটি মনে মনে মস্ত আবৃত্তি করছে।

সে হেসে বললে, 'জী মহারাজ, আমি সন্ন্যাসী। অবধূত আমি।'

অবধূত! কথাটি শুনেছি জীবনে কয়েকবার কিন্তু অর্থ জানি নে। ভবু অবধূতের সঙ্গে, এরা করা? জিজ্ঞেস করলাম, 'সন্ন্যাসীজী, অবধূত কাকে বলে বুঝলাম না তো।'

সন্ন্যাসী হেসে পিছন দিকে তাকাল। আমিও সেদিকেই দেখলাম। মেয়েদের মধ্যে যে বালকের হাত ধরে ছিল, সে মাথা নীচু করে হাসছিল। সলজ্জ মিষ্ট হাসি তার মুখে। কুণ্ডাজনিত লজ্জা। তার বয়স আমার মনে হল সতেরো-আঠারোর উর্ধ্বে নয়। আর একজন, সেও হাসছিল। তার লজ্জা নেই। সে তাকিয়ে ছিল অকুণ্ঠ হাসি নিয়ে। তার বয়স অসুস্থমান করতে পারি নে। সে কিঞ্চিং খাটো, কিন্তু বলিষ্ঠ শরীর। একটু জ্বলতার লক্ষণও আছে। আর একজনের চেয়ে তার বয়স কিছু বেশীই মনে হয়। ছেলেটি নিতান্ত শিশু। বোধহয় আট-নয় বছরের বেশী নয়। তার কাঁপুনি, তার মস্ত, তার বিষয়, সব মিলিয়ে সে একটি নিপীড়িত বেচারী মাত্র।

কুদ্রাক্ষ খুলে নিয়ে কাপড় পরিয়ে দিলে এরা যে গৃহস্থের বউ আর ছেলে হয়ে উঠবে এখনি। ওই হাসি-উচ্ছলিত মুখের উপরে ঘোমটা টেনে দিলে, এ মুখের পরিচয় যে বদলে যাবে মুহূর্তে। সন্ন্যাসী বলল, 'মহারাজ, আমার তো এখন সময় নেই। অবধূতের অনেক কথা। চলতে চলতে দুকথায় কিছু বলতে পারি।'

কৌতূহল হুনিবার। পেট থেকে পড়েই শিশু অজ্ঞকারে চেয়ে দেখে অবাক চোখে। দেখে ছুৰোধ মনের কৌতূহল নিয়ে, কুতকুতে চোখ বিস্ফারিত করে।

ছাড়ব কেন। ওনেই নিই, কী বলে। তাদের সঙ্গে আবার চললাম উত্তর দিকে।

ইতিমধ্যে মেলা জেগে উঠেছে। কল কোলাহল শুরু হচ্ছে আস্তে আস্তে। এর মধ্যেই কোন কোন আশ্রমের মাইকে গীতাপাঠ ও প্রাতঃস্তোত্র আরম্ভ হয়ে গিয়েছে।

সন্ন্যাসী বলল, 'এক কথায় অবধূত কাকে বলে জানেন? সন্ন্যাসীকেই অবধূত বলে। শৈব উদাসীনকেই বলে অবধূত। তার মধ্যে আছে রকমকমের। সকলের তো এরকম নয়। কেউ হংসাবধূত, কেউ ব্রহ্মাবধূত। কিন্তু ওসবে কিছু যায় আসে না। ওসবে বিলকুল গুণগোল আছে। আসলে দুই দল মহারাজ। ভগবান মহাদেবের আপনি ক-টা রূপ দেখতে পান?' বলে সে আমার দিকে সম্ভ্রম হাসি নিয়ে তাকাল। আমি? আমি তো কিছু জানি না। বললাম, 'আপনিই বলুন।'

সন্ন্যাসী আবার আচমকা হা হা করে হেসে উঠল। বলল, যখন তিনি ঘরে যান, তখন তিনি গৃহী। যখন তিনি বাইরে যান, তিনি উদাসীন। আমিও গৃহাবধূত। আমি ঘরে থাকতে পারি, আমি বাইরেও যেতে পারি। আমি কৌপীন জাঁটতে পারি, ইচ্ছা করলে নাও জাঁটতে পারি। যে-কোন আওরতকে আমি আমার সঙ্গিনী করতে পারি। আশ্রিত মহাদেবী। মহারাজ, আমার মত অবধূত সিদ্ধিলাভে শিবস্ত প্রাপ্ত হয়।'

হবে হয়তো। কিন্তু গৃহাবধূতের মত এমন বিচিত্র কথা আর কখনো শুনি নি। জিজ্ঞেস করলাম, 'এরা আপনাদের কারা?'

সন্ন্যাসী কিঞ্চিৎ ব্যঙ্গ্যাকে দেখিয়ে বলল, 'আমাদের অবধূতানী। আমাদের জেনানা। আর ওই আমাদের লেড়কি আর লেড়কা। ওদের দীক্ষা হয় নি। হবে।'

আমাদের মাথার সব জগাখিচুড়ি পাকিয়ে গেল। দেখলাম, লেড়কি নিতান্ত গৃহস্ত লজ্জাবতী বালিকার মত হেসে মুখ ঘুরিয়ে নিল। কিন্তু বালক বেচারী বোধহয় স্তোত্র ভুলে গেছে। সে আমাকেই দেখছে হাঁ করে। আর অবধূতানী যে একজন খাটি মা, তা বোঝা যাচ্ছে তার স্নেহমুগ্ধ চোখ দুটি দেখে। কোথাও তো এদের সন্ন্যাসের ছাপ দেখি নে।

জিজ্ঞেস করলাম, 'আপনাদের কি দান নিয়েই দিন চলে?'

সন্ন্যাসী বলল, 'সাধুকে দান করবার লোক কোথায় মহারাজ। আমার ঘর আছে। আছে কিছু ক্ষেতি-বাড়ি। তাইতেই দিন চলে যায়। এখন তীর্থ করতে এসেছি। ভিক্ষামাত্র সার।'

ক্ষেতি-বাড়ির কথা শুনে অবাক হলাম। বললাম, 'কিন্তু এই ভোর রাতে তো কোন সাধুকে দান করতে দেখলাম না।'

সন্ন্যাসী আবার হেসে উঠল, 'দেখেন নি, কিন্তু অনেকেই করেছে। সব জিনিস কি দেখা যায়? শাস্ত্রবিধি অল্পযায়ী, এরই নামে মাঘব্রত, বঙ্গবাসীর অবশ্য কর্তব্য।'

'বুঝলাম না।'

'বুঝলেন না? মকর সংক্রান্তি থেকে গঙ্গাচরে বাস করতে হয়। থাকতে হয় উপোস করে। গুনতে হয় ধর্মের কথা। শোনাতে হয়, আপনা সাধন করতে হয়। আর ব্রাহ্মমুহুর্তে নগ্ন হয়ে নাইতে হয়। তবে পরম ব্রহ্মা তুষ্ট হন।'

পরম ব্রহ্মাকে তুষ্ট করবার জন্য এই ভয়াবহ শীতে স্নান! অবধূতানীর কথা বাদ দিই। কিন্তু ওই যুবতী আর বালক, ওরা কেমন করে দ্বিধামুক্তভাবে নগ্ন হয়ে স্নান করে। আবার আমি তাকাতো আরক্তিম হয়ে উঠল অবধূতের মেয়ের মুখ। সে এক ভাবী অবধূতানী, কিন্তু গৃহকলার চারিত্রিক অলঙ্কার ভরে রয়েছে তার আপাদমস্তকে। তার আলুলায়িত কেশের আড়াল দিয়ে ঢেকেছে সে তার মুখ ও বুক। সামনে যে তার পরপুরুষ।

আমার মনে হল সন্ন্যাসী অবধূত হোক, আর গৃহাবধূতই হোক, আমি দেখছি, সে পরম ধার্মিক সদাহাস্তময়, প্রেমিকা স্ত্রীর স্বামী, আছুরে ছেলেমেয়ের বাবা।

এখন আর আমার এগুনো সম্ভব নয়। আবার তাঁবুর সারি আরম্ভ হয়েছে। লোকালয়ে এসে পড়েছি। সামনেই তাঁবুর পাগখানা সারবন্দী। ফিনাইল আর ব্লিচিং পাউডারের হালকা গন্ধ লাগছে।

পকেটে হাত দিয়ে ব্যাগ বার করলাম। অবধূতানীর চোখে এবার কৃতজ্ঞতার চড়া হাসি ঝিলিক দিয়ে উঠল। বালকটি অপলক বিশ্বাসে দেখছিল আমার পয়সার ব্যাগ। আর কুমারী তার এলোচুলের আড়ালে আড়চোখে দেখছিল আমি কী করি।

সন্ন্যাসীকে পয়সা দিয়ে বললাম, 'আমার ক্ষমতা কিছু নেই। এই সামান্য.....'

সন্ন্যাসী তাড়াতাড়ি জ্বিত কেটে বিক্ষারিত চোখে বাধা দিল আমাকে, 'খবরদার মহারাজ, গুণখাটি বলবেন না। আপনার যা কৃপা, সেই ভগবানের কৃপা। এই কৃপা ভিক্ষা করে বেড়াব আমি সারাদিন। মহারাজ, আজকে নেয়ে উঠে আপনাকে দর্শন করেছি। একদিন সে এমনি করেই হয়তো আমার সামনে দিয়ে চলে গিয়েছে, কিংবা যাবে। কিন্তু আমি তো কোনদিন জ্ঞানতেও চাইব না! কৃপাভিক্ষাই আমার ভিক্ষা।'

সন্ন্যাসীর হাসিমুখ গভীর হয়ে উঠল। লাল চোখ চিস্তামগ্ন। ঠিক চিস্তামগ্ন নয়, যেন পাগলের মত দিশেহারা হয়ে উঠল।

বললাম, 'চলি তাহলে।'

সন্ন্যাসী বলল, 'মহারাজ, আপনি কোথায় থাকেন?'

আশ্রমের নাম বললাম। সে বলল, 'তুলসীমার্গের পথ জানেন আপনি?'

তুলসীমার্গ? ভাবলাম হয়তো মেলার বাইরে কোথাও। বললাম, 'না তো।'

সে বলল, 'হু নম্বর পুলের রাস্তা দিয়ে পুবে গেলে নির্বাণী আশ্রম। সেই পুবের রাস্তাই তুলসীমার্গের পথ। সেই পথে গেলে পাবেন ১০৮ শঙ্করাচার্যের আশ্রম। ওই আশ্রমের পেছনে আমার পাতার ঘর। সম্ভ্যাবেলা আপনি আসবেন সেখানে। কৃপা করে আসবেন।

হঠাৎ কেন তার এই ব্যাকুলতা, বুঝতে পারলাম না। আমার মত নিতান্ত ধর্মবিমুখ আর বস্তুবাদী মানুষের সঙ্গে তার কী কথা হবে। বললাম, 'নমস্কে পেলেন বাব।'

'আচ্ছা, মহারাজ, আপ—কা—কৃপা।'

বলে তারা সদলবলে এগিয়ে গেল। অবধূতানী বিদায় নমস্কার জ্ঞানাল ষাড় বাকিয়ে হেসে। বালকটি দাঁড়িয়েই ছিল আমার দিকে তাকিয়ে। দ্বিদি টের পেয়ে, পেছন ফিরে নিঃশব্দে হেসে উঠল। হেসে এসে তাড়াতাড়ি ভাইয়ের হাত ধরে নিয়ে চলে গেল।

বিদায় দিয়েও দাঁড়িয়ে ছিলাম। গৃহাবধূত। কে কেমন জানি নে। কিন্তু এ যে পুরো মানুষ। হোক তার নাম গৃহাবধূত। তার পিতৃত্ব, তার স্বামিত্ব, তার ঘর ও সংসার এই নিয়ে যদি তার সব স্তম্ভর হয়ে ওঠে, তবে উঠুক। আজ আর তার বাইরে তার প্রতি শুভেচ্ছা আমার কী থাকতে পারে।

তীব্রলাইনের এপাশ-ওপাশ দিয়ে যেতে বেতে হারিয়ে গেল ওরা চারজন। হাবাল না মন থেকে। মানসী মোহের অঙ্কনটুকু একটি অপক্লপ রঙের ছোপ

লাগিয়ে বেখেছে মনের মধ্যে। সেই সঙ্গে কিছু বিষয়, একটু সংশয়।

ভাবলাম, কোনটুকু সত্য। একদিকে অপরিণীত উদাসীনতা, আর একদিকে সীমাহীন লজ্জা। যেন নিরালার লজ্জাবতী লতাটির মত। ডাঁটোঁটোঁ লতাটি, দিব্যি চিকন পাতা মেলে সর্বাঙ্গ উদাস করে তাকিয়ে থাকে আকাশের দিকে। ছোঁয়ামাত্র মুখ ঢেকে মিশে যায় মাটির বুকে।

কিন্তু লতা নয়, মানবী যে। সে সন্ন্যাসী-বালা ঘরে-বাইরে, জীবনে-মরণে নারী আমাদের সঙ্গিনী। নানান বেশে নানান সম্পর্কে পরস্পরের অসঙ্গতি চোখে লাগে। বৈচিত্র্যে কোঁতুলী হই। দুঃখে জানাই সমবেদনা, সুখে দিই সঙ্গ। মনের চারপাশে খাড়া রয়েছে সমাজের প্রাচীর। তাই ভাবি। তাই ভাবলাম। ঘর ছেড়ে চলে এসেছি পথে। ‘কোন বাঁধন রাখবো না গো’ গেয়ে গেয়ে পথে বেড়ালেও মন মাঝে মাঝে থমকায় বৈ কি। সেটুকুনই তো বাঁচোয়া। নইলে আকাশ বাতাস সবই যে একাকার হয়ে যেত। ফুল, জল, পাতা, পাখি সবই ভিন্ন ভিন্ন বেশে ভিন্ন অলুভূতি জাগায়। গানে আর স্বরে আনে বৈচিত্র্য। নইলে চোখ থেকেও কানা। মন থেকেও পাথর।

তাই ভাবি, যে মেয়ে লজ্জায় লজ্জাবতী, সে মেয়েই অকুণ্ঠ উদাসীনতায় প্রকৃতির মত নগ্ন। কোনটা সত্য?

কপু দেখে বোঝা যায় না। বোঝা যায় না হাত দিয়ে স্পর্শ করলে। মন দিয়ে ছুঁতে হবে। জানি নে কোথায় নির্বাণী আশ্রম, আর কোথায় তুলসী-মার্গের পথ। বালুচরের কোন সীমানায় আছে অবধূতের পর্ণকুটির। তবু দেখার দেখা নয়, দেখার মত করে দেখতে চাই। নইলে দেখা সঙ্গ হয় না। সে হোক ভারতের গৌরব কিংবা হোক কলঙ্ক।

পূর্ব-দিগন্ত জুড়ে ছড়িয়ে পড়েছে সোনালী রোদ। রোদ তো নয়, মৃতের প্রাণসঞ্জীবনী। শীতাতের ব্যথিত আড়ষ্ট দেহে উষ্ণ দেহের আলিঙ্গন। কী মিষ্টি, কী স্বন্দর, কত আরাম! হুদিন যাক, আবার এই রোদকেই আড়াল করে গাল দেব মনে মনে। এই-ই নিয়ম।

রোদ উঠেছে। ঝুসির সুদীর্ঘ ছায়া পড়েছে বালুচরের বেলায়। তাঁবু ছেড়ে বেরিয়ে পড়েছে নরনারী। মাইলের পর মাইল জুড়ে গুনগুনানি উঠেছে, কোলাহলের নিত্যনৈমিত্তিক স্রোতের জল চলেছে সবাই জলের দিকে। একদিকে মাইক-যন্ত্রের যান্ত্রিক চীৎকারে মুখরিত হয়ে উঠেছে। আর আশে-পাশে দেখছি স্নানার্থী অর্ধনগ্ন সাধুরা চলেছে স্তোত্র আওড়াতে আওড়াতে, কখনো বর্ণবিদ্যারী শব্দ উঠছে, ‘জয় মহাদেও কি জয়’, ‘রাম রাম, সীতারাম’। দূর থেকে ভেসে

আসছে অনেক কাড়া-নাকাড়ার আওয়াজ। তার সঙ্গে স্তিমিত শিঙাধ্বনি।

জাগছে মেলা। আর দাঁড়াতে পারি নে। আবার তো ফিরে যেতে হবে সেই দিদিমা আর পেল্লাদেব তাঁবুতে। তার চেয়ে খুঁজে নিই আশ্রয়।

কিন্তু কোন দিকে যাই। কোন দিকে যাই ভেবে পিছন ফিরতেই দেখি, আপাদমস্তক কয়লা-ঢাকা পাঁচ-বজি। আমার পিছনেই যেন গুপ্ত আততায়ী। কী সাংঘাতিক! পাঁচ-বজি তো নয়, ফ্রাঙ্কেনস্টাইন বইয়ের সেই দৈত্য। কিন্তু কেন, কী করেছে, কারোর বাড়ি ভাতে তো ছাই দিই নি। তবে এমন বাঘের পেছনে কেউয়ের মত লেগে রয়েছে কেন সে। না, বাঘের পেছনে ফেউ বলি কি করে। শিকারের পেছনে বাঘ। রাত না পোহাতে এ কি বিভ্রাট! মনটা খারাপ হয়ে গেল। তবু কথা না বলাটা বিসদৃশ দেখায়। হেসেই বললাম, 'ডাক্তারবাবু যে?'

ডাক্তার মুখিয়ে ছিল। বলামাত্র মাথা থেকে কয়লাটা খুলে ফেলল সে। পরিস্ফুট হয়ে উঠল তার ভয়ঙ্কর মুখটা। যেন কোমর বাঁধছে। কিসের যে এত রাগ, তা জানি নে। প্রায় চিবিয়ে চিবিয়ে বলল, 'ডাক্তার নয়, ধ্বস্তুরি। রোগের ওষুধ জানি।'

সে তো ভাল কথা। কিন্তু কী কথার কী জবাব। পৃথিবীতে একরকমের মানুষ আছে, ভাল বল, মন্দ বল, তাদের মন পাওয়া দায়। এগুলো ভেড়ের ভেড়ের, পেছু নিলেও নিকোংশের ব্যাটা। ছেলেবেলায় দেখেছি, পাড়ার মোড়ে থাকত একটা ছেলে। নাম বেচা। ছেলে নয়, প্রায় মিনসে। বেচা ছিল এমনই এক মানুষ। তার কিছুই করি নি কোনদিন। কিন্তু তার সামনে পড়লেই চোখ কুঁচকে তাকাত থপিসের মত। আর প্রাণভরে কথাত গাঁট্রা, ঘুঘি, চড়। একেবারে অকারণ। বাড়ী থেকে বেরনো এক আতঙ্কের ব্যাপার হয়ে দাঁড়িয়েছিল। কাউকে বলতেও বাধতো। খালি মা কালীকে ডাকতাম, 'হে মা কালী, হয় বেচাদের ও বাড়ী থেকে উঠিয়ে অল্প পাড়ায় নিয়ে যাও, না-হয় ওর হাত ছুটো দাও ভেঙে।'

এই পাঁচ-বজি যেন তেমনি। আমার ছেলেবেলার বেচা। কিন্তু সেই ছেলেবেলার রাজ্যে আমরাই ছিলাম আমাদের নবাব-বাদশা-খলিফার দল। দুর্বল হলে বহু আজগুবি সন্ধিস্থত্রে বশতা স্বীকার করতেই হত।

কিন্তু এখানেও কি সেই! ডানা মেলে উড়ে এলাম পায়রাটির মত, ওদিকে বাজপাখি ঠোট শানাচ্ছে। তবু বললাম, 'কোথায় চললেন?'

ডাক্তার এক পর্দা গলা চড়াল, 'যেখানেই চলি, তোমাকে চোখে চোখে

রাখছি ঠিক। হ্যাঁ।’

আমিও একটু উদ্ভাভরেই বললাম, ‘কেন বলুন তো?’

‘আমার খুশি।’ বলে ডাক্তার বুক চাপড়াতেই গাদা খানেক ধুলো ঝরে পড়ল তাঁর কবল থেকে। আর গলা কি—একেবারে বাজখাঁই। রাগও যেমন চল লজ্জাও হল তেমনি। আশেপাশে লোক। সবাই কোঁতুহলী হয়ে দেখছে হাঁ করে।

ধামাতে গেলাম। কে শোনে। ডাক্তার ঠিক তেমনি গলায় বলে চলল, ‘মনে করেছ, আমি তোমাকে বেরুতে দেখি নি? রাত করে কেন ক্যাম্প থেকে বেরিয়েছ? কথা নেই, বার্তা নেই, বেরুলেই হল?’

চেঁধা করে গলা চড়াতে পারি নে। বললাম, ‘কেন বেরুনো কি নিষেধ?’

‘চোপ! চোপরাও! বলেছিলাম না, তোমাকে দেখে নেব। আই অ্যাম ডক্টর পাচুগোপাল রায়।’

তা ঠিকই, কিন্তু এ অপমানের কারণ কি? কারণ কি খাপামির? দেখে নেওয়ার ব্যাপার হলে দেখতে হবে। তা কি এমন করে? স্বভাবতই কোঁতুহলী লোক দু-একজন জমেছে আশেপাশে। মেলার ব্যাপার। কে রোধ করবে। হায় রে, এ কোন্ অমৃতকুন্তের সন্ধানে ছুটে এলাম! বললাম, ‘ডাক্তার নয়, ধনন্তরিই। কী দেখবেন, দেখুন। অত চেঁচাচ্ছেন কেন?’

‘আলবত চেঁচাব।’ বাংলায় যাকে বলে তড়পানি, ডাক্তার সেরকম শুরু করল।

তারপর যা হয়। একজন সাধুবেশী মোলায়েম গলায় জিজ্ঞেস করল ডাক্তারকেই, ‘ক্যায়া হয়া বাবা?’

যা বলো, সবই আগুনে ঘি। সাধুকেই তেড়ে গেল, ‘যো হয়া সো হয়া, তুম্‌কো কেয়া? তুম্‌ আপনা রাস্তা দেখো।’

সাধুর বৈরাগ্যের মিষ্টি হাসি চকিতে উধাও। বেচারী মুখ গোমড়া করে চূপ করে গেল।

ডাক্তার আমার মুখের সামনে তর্জনী নেড়ে আবার বলল, ‘আবার আমাকে ঠাট্টা করা হচ্ছে ধনন্তরী বলে?’

‘কেন আপনিই তো—’

কে শোনে। কোথায় আগুন লেগেছে না জানলে জল ঢালবে কোথায়! ডাক্তার প্রায় লাকিয়ে ওঠে আর কি! ‘জানো, আমি তোমার বাপের বয়সী?’

তাতে আর আশ্চর্যের কী? বললাম, ‘তা তো দেখছিই। তা আমাকে

কেন ? বাপের বয়সী আছেন, ঘরে গিয়ে নিজের ছেলেকে শাসন করুন ।’

‘কেন আমার কি ছেলে মেয়ে থাকতে নেই ?’

কথায় কি অদ্ভুত অসঙ্গতি ! ডাক্তারের কোয়ালিটি ক্রমেই পরিবর্তিত হচ্ছে । শেষটায় কি একটা বন্ধ পাগলের হাতে পড়লাম ? বললাম, ‘থাকবে না কেন ? একশোটা থাকতে পারে ।’

‘একশোটা ?’

‘না হয় দুশোটাই ?’

‘তার মানে, আমার কিছু নেই ? আমাকে আটকুড়ো বললি তুই ?’

একেবারে ‘তুই’ ! ট্রেনের ভিড়ে একবার মোষের মত বাঁপিয়ে পড়েছিলাম বিপদে পড়ে । এও প্রায় তেমনি বিপদ । উদ্ধার পেতে হলে পালাটা রূপ ধরতে হবে । উপায় নেই । রুখে-মুখে চড়া গলায় ডাক্তারকে শেষবারের জন্ত সাবধান করতে গেলাম ।

কিন্তু কাকে বলব । ডাক্তার ততক্ষণে কঞ্চলটি বগলদাবা করে হাঁটা ধরেছে । হাঁটছে থ্যাপা মোষের মতই । পদাঘাতে বালু ছটকে যাচ্ছে । খানিকটা গিয়ে আবার দাঁড়াল । দাঁড়িয়ে সেখান থেকেই বলল, ‘আমি আটকুড়ো ? আচ্ছা, দেখে নেব তোকে, দাঁড়া ।’

বলে আবার চলতে আরম্ভ করল । কোথা থেকে কী হয়ে গেল যেন । ঝড় বয়ে গেল একটা । ছিলাম স্তম্ভ, করে গেল উদ্ব্যস্ত । এতই আকস্মিক ব্যাপার, এমনই অদ্ভুত যে, তার না বুঝলাম অর্থ, না কারণ । হতচকিত হয়ে দাঁড়িয়ে রইলাম । এ যে উন্মাদ !

কে জানত । কে জানত, পথে বেরিয়ে এমন মাল্লুষের হাতে পড়ব । ভেবেছিলাম, দু-চোখ ভরে দেখব । বাজাব আপন মনে, তাল দিয়ে যাব নিজেরই সুর । এ যে তাল আর সুর, সব ছরকুটে যায় ।

তবে হ্যাঁ, বেরিয়েছি, একটা কথা ভাবি নি তো ! প্রকৃতির ঘরের কোন্ রূপসী আমার জন্ত সাজিয়ে রাখবে শুধু নির্মেষ আকাশ, ফোটা ফুল আর সূকর্ণ বিহঙ্গী ! তার বিচিত্র দেহ জুড়ে নেই গুমমোনি গুমোট ? ঝড়-ঝঞ্ঝা, দুর্বোণের ঘনঘটা ? তবে ? পথের দশাই এমনি !

কত রূপ ! কিন্তু কই, কালকেও তো ডাক্তারকে এতখানি গুণগোলে মালুষ মনে হয়নি ! কিছুটা মনে হয়েছিল, কিন্তু একেবারে এত অসঙ্গত ঠেকে নি । আর, একি শুধু আমার কান্না ? এই পাগলামি, থ্যাপামি, এ অসঙ্গতি ?

অসঙ্গতি। মনে পড়ল, রাত্রে নিঃসাড়ে ডাক্তারের তাঁবুতে প্রবেশ। জায়গায়
মভাবে চলে যাওয়া। তারপরে এত কথা। তার শেষের কথাগুলি। শেষের
কথাগুলিতে শুধু রাগ নয়। চোখ তার যন্ত্রণায় লাল হয়ে উঠেছিল যে! এই
অসঙ্গতির মধ্যে একাধার একটু সঙ্গতি রয়েছে। বেসুরের মধ্যে সুর। ডাক্তার
চলে গেল না, যেন পালাল। পালাল যেন অসহায়ের মত।

মন ফিরে গেল আমার। যা বল, তাই বল। লজ্জা-ধেন্না-ভয়, তিন
থাকতে নয়। উৎসুক হয়ে তাকালাম ডাক্তারের পথের দিকে। ওই যে দেখা
যায় এখনো। মস্ত লম্বা মানুষ। ছোট হয়ে আসছে। চলেছে গঙ্গার ধার
দিয়ে, উত্তরে। ভুল করেছে। ছেড়ে দেব না, ধরব ডাক্তারকে।

কী আমার কপাল! পাশে জড়ো হয়েছে সব অবাস্থালী মেয়ে-পুরুষ।
গুলতানি করছে নিজেদের মধ্যে। আবিষ্কার করছে আমার আর ডাক্তারের
সম্পর্ক। দুই বাঙালী, আপনা-আপনি ঝগড়া বাধিয়েছে। হবে দুই ভাই,
নয়তো বাপ-ব্যাটা। আপসে ঝগড়া মিটিয়ে নাও বাপু। কি বল, অ্যা?

ঠিকই, দাঁড়িয়েছি মঞ্চে, ভূমিকা নিতে হবে না? না নিলে দর্শক ছাড়ে?
নিজেই কি ছাড়ি?

সেই ভাল। আপস করব ডাক্তারের সঙ্গে। হাঁটা ধরলাম। মিলিয়ে
যাচ্ছে ডাক্তারের চেহারা। ডাকলে শুনতে পাবে না। পা চালিয়ে দিলাম
দ্রুত। আশ্রয় খুঁজব পরে।

দোকানপাট খুলেছে। কত দোকান কত রকমের। দেখবার সময় নেই।
পদে পদে বাধা, মানুষের দঙ্গল। মেয়েমানুষের হাত ধরে সব লাইনবন্দী হয়ে
চলেছে। একেবেঁকে যেতে হয়।

অনেকখানি এসেছি। ডাক্তার তেমনি চলেছে। একেবারে নাক বরাবর।
ডাকলে শুনতে পাবে কি-না জানি নে। তবু একবার ডাক দিলাম,
'ডাক্তারবাবু!'

ঠিক শুনেছে। খমকে দাঁড়াল ডাক্তার। বাজে-মাথা-মুড়নো তালগাছের
মত বিরাট চেহারা। হঠাৎ মনে হয়, অনেকদিনের পরিখাবাদী নিগ্রো সৈনিক।
পেছন ফিরে একবার দেখল আমার দিকে। দেখেও আবার চলল হনহন করে।

ডাকলাম, 'শুনুন ডাক্তারবাবু!'

আর নয়। ডাক্তার ততক্ষণে সেতুতে পা দিয়েছে। ওপারে চলল যে!
চলুক, ভেবেছি যখন, ডাক্তারকে একবার ধরবই।

ওপারে, কেল্লার প্যারেড গ্রাউন্ডে এসে ধরে কেললাম ডাক্তারকে। প্যারেড
কাপকুট (প্রথম) — ৮

গ্রাউণ্ড, সঙ্গমের ত্রিকোণ ভূমি। এখন মেলার আসর। ডাক্তারকে ধরে ফেললাম একটা ভিড়ের কাছে। অনেক মেয়েপুরুষের ভিড়। কিসের ভিড় না দেখেই ডাক্তারকে ডাকলাম।

বোধহয় ভিড়ের বাধাতেই দাঁড়াতে হল ডাক্তারকে। দাঁড়িয়ে আড়চোখে তাকাল আমার দিকে। মুখে কোন কথা নেই। গুঁতোবার আগে সিং কাত করে যেমন আড়চোখে তাকায় ষাঁড়, তেমনি ভাবখানা ডাক্তারের।

কিন্তু কী যে বলি। আশ্চর্য! এত যে ছুটে এলাম, এখন আর মুখে আমার রা কোটে না। সত্যি, কী বলব?

সামনেই ভিড়। ভিড়ের কাছেই একটা মস্ত মোটরগাড়ি। গাড়িটাতে রেকর্ডে গান দিয়েছে সেই মাতাল মেয়ের। মাতলামির হিঙ্কা আর 'হম্ পী-কে আয়ে।' কী যেন হাত বাড়িয়ে দিচ্ছে গাড়িটা থেকে। কী দিচ্ছে। চা! আরে, আরে, তাকিয়ে দেখি গাড়িটাতে লেখা রয়েছে, 'অন্নপূর্ণা উইমেনস্ রেস্টুরেন্ট'।

চৌরঙ্গীর ক্যাফেটেরিয়া। কোথা থেকে এসেছে? দিল্লী, না লক্ষ্ণৌ। সামনে যমুনা, আর এই চলন্ত ক্যাফেটেরিয়া। দিব্যি কন্ডিং চেয়ার-টেবিল পেতে আসর জমিয়ে তুলেছে এই বারো-মাসের বালুচরে। টেবিলে টেবিলে উষ্ণ চায়ের কাপে ধোঁয়া। শীতে আঁটো-সাঁটো হয়ে ঝড়ুত ঝড়ুত করে চুমুক দিচ্ছে স্ববেশিনী মেয়ে আর স্ববেশ পুরুষের দল। ওদিকে কুপন আর ক্যাশ নিয়ে বসেছেন ক্যাশিয়ার বাবু। মোটা-মোটা টেকে মাঝুষ। শীতে হাত কাঁপছে থরথর করে।

একটু যে ভয় না ছিল, তা নয়। তবু বললাম, 'চা খাবেন ডাক্তারবাবু?'

ডাক্তারের মুখে কথা নেই। আড়চোখে যেমন আমাকে দেখছিল, তেমনি একবার দেখল অন্নপূর্ণার গাড়ির দিকে। দেখল চায়ের মজলিসের দিকে। তারপর গাড়ির শো-কেসের খাবারের দিকে তাকিয়ে রইল একদৃষ্টে।

মৌনতা সঙ্গতির লক্ষণ কি-না জানি নে। কিন্তু কথা আর ফুটবে বলে মনে হল না। যেন—যা বলার তা বলা হয়ে গেছে। আর মুখ খুলবে না।

বললাম, 'দাঁড়ান একটু। আমি কুপন কেটে নিয়ে আসি।'

বলে কুপন কেটে আগে দু-হাতে খাবারের ডিশ নিয়ে এলাম। এসে দেখি ডাক্তার নেই। যেমন হতাশ হলাম, মনটাও থরপ হল তত। ডাক্তার একদৃষ্টে তাকিয়েছিল খাবারের দিকে। খাবার নিতে নিতেও তাই লক্ষ্য করেছি। এর মধ্যে সে কোথায় গেল। মজলিসের দিকে ফিরে দেখি, ডাক্তার দিবি

চেয়ারে বসেছে! চোখ পাকিয়ে শুকাচ্ছে তার টেবিলের একমাত্র সঙ্গিনীর দিকে। পাঁচ-বজির বসার ভঙ্গি ও চোখ দেখে বোধহয়, চা আর নামছে না সে বেচারীর গলা দিয়ে।

আমি তাড়াতাড়ি খাবারের ডিশ দুটো ডাক্তারের সামনে রেখে জল আর চা আনতে চলে গেলাম।

চা আনতে গিয়ে দেখি মস্ত বড় কিউ পড়ে গিয়েছে। দাঁড়িয়ে পড়লাম সারবন্দী লাইনের পিছনে। একটু অস্বস্তি লাগল। অস্বস্তি লাগল এই ভেবে, ডাক্তার না আবার সরে পড়ে। কিন্তু লাইনে দাঁড়াতেও বড় আনন্দ হচ্ছে।

সত্যি, মেলা যেন নতুন রূপে জমে উঠেছে। মেতে উঠেছে সকলে। বোধহয় একেই বলে মেলা। ইংরেজীতে যাকে বলে মুড, সেই মুড এসেছে সকলের মনে; মেলার মুড। অন্ততঃ আমার চারপাশে যা দেখি তাই।

অন্নপূর্ণার গাড়ির রেকর্ডে ‘হুম পী-কে আয়ে’র মাতলামি শেষ হয়েছে। হঠাৎ বেজে উঠেছে সেই মাদ্ধাতা-আমলের বাংলা রেকর্ড। লক্ষর আলোর চেয়ে ধোঁয়া বেশী। রেকর্ডে আর গানের কথা শোনা যায় না। যন্ত্রসংগতের অস্পষ্ট অথচ কর্ণবিদারী ধ্বনি শোনা যাচ্ছে কঁাসর-ঘণ্টার মত। তারই ভেতর থেকে পিঁ পিঁ করে শোনা যাচ্ছে, ‘প্রাণের প্রভু রহে প্রাণে, রয় না বাহিরে’।

তা হোক। প্রয়োজন হচ্ছে একটা শব্দের। গান শুনেছে ক-জনা? ওদিকে কাড়া-নাঁকাড়ার ধ্বনি আরও স্পষ্ট হয়ে উঠেছে। বাঁধের উপর যাচ্ছে যত লোক, নেমে আসছে তার চেয়ে অনেক বেশী। যেন পিল-পিল করে নেমে আসছে পিঁপড়ের সারি। আসছে লটবহর নিয়ে। টাঙ্গা আর রিক্সা, ঘোড়া আর গাধা, লরি আর বেটে চ্যাপ্টা প্রাইভেট কার। আর দিগন্ত থেকে দিগন্তে শুধু মাহুঘ। নর আর নারী। রঙ আর রঙ। কথা আর কথা। গান আর গান। মাইকের কথা কতবারই বা বলব।

চারিদিকে এত কোলাহল। কিন্তু ধন্য সেই আর্তিস্বর, ‘হেই বাবু ভাইয়া পঞ্চ লোক সকল, হেই ধর্মাবাবা!’... আশেপাশের সব গুণ্ডগোল ছাপিয়ে শোনা যাচ্ছে সেই অদৃশ্য ভিখারীর তীব্র চিৎকার। চীৎকার খাবার-ফেরি-ওয়ালাদের। আমরুদ্। লে সস্তা আমরুদ্। পেয়ারার নাম আমরুদ্। আমরুদ্ আর পুরি। পুরি আর প্যাঁড়া। প্যাঁড়া আর মোমফালি। মোমফালি হল চিনেবাদাম। দেখতে পাচ্ছি, ফেরিওয়ালাদের পেছনে লেগেছে পুলিশ। লাইসেন্সের ব্যাপার। হাজার হাজার টাকা জমা দিয়ে দোকান করেছে মহাজনেরা। ফেরিওয়ালাদের অনধিকার প্রবেশে বাধা পড়বেই, কিন্তু

তাড়া দেবে কত। কত লাগবে পেছনে। পাঁচিল নেই, গেট নেই। মৃত সঙ্গ-প্রান্তর চারিদিকে করছে হা হা। ধাওয়া করবে কোথায়। যাবে এপার থেকে ওপারে। প্রান্তরের এপাশ থেকে ওপাশে। যেখানেই যাবে, মাল্লুষ। মাল্লুষ থাকলেই পেট। আর মেলায় মাল্লুষের পকেটের পরস। সে তো খাবার সন্ধানী পিপড়ের মত। ফুটোর এপাশ ওপাশ দিয়ে বেরোয়।

যে কিউতে দাঁড়িয়েছি, সেখানে আর এক রূপ। কুস্তমেলারই ভিন্ন রূপ। কিউ দিয়েছে মেয়েপুরুষ। চোখ-বলসে-মাওয়া উলেন পোশাকের ছড়াছড়ি। মেয়ে-পোশাক আর পুরুষের হাল-ফ্যামানের আমেরিকান স্মার্ট বকবকে আর চকচকে। খুবই দামী, নিঃসন্দেহে। এই সাত-সকালেই টোটে আর নখে রঙ পরেছে। পরিপাটি অ্যালবার্ট ক্যাশানের চুল।

ওরকম চুল দেখলেই আমার একটি কথা মনে পড়ে যায়। মনে পড়ে একটা মজুর বস্ত্রির কথা। বাপ শাসন করছে ছেলেকে। কারখানার মজুর হুজুনেই। শাসন নয়, বোধ হয় বিক্রপই করছিল বাপ ছেলেকে। ছেলের পোশাকের বড় পরিপাটি। তাই বাপ বলছিল, ‘বড়বাজারের ফোকটু কা পাতলুন, চোরাবাজার কা জুতা, ওর চুল কো সিদ্ধাড়া বনা কর কাইঁকা লাটসাহিব কা ভাতিজা আইলান তু?’

বড়বাজারের ফোকোটের প্যান্ট আর চোরাবাজারের জুতোর একটা মানে বুঝি। কিন্তু চুলকে সিদ্ধাড়া বানানো? সে আবার কি! পরে শুনেছিলাম ওই অ্যালবার্ট ফ্যাশান হল সিদ্ধাড়া। হেসেছিলাম, কিন্তু সিদ্ধাড়ার সঙ্গে অ্যালবার্টের এই আঙ্গিকগত সাদৃশ্যতা সত্যিই লক্ষণীয়!

যাক সে কথা। পরিবেশটি নতুন রকম। ক্যাশানটা স্বভাবতই আজকালকার স্টুডিও-ঘেঁষা। গ্রেগরি পেক আর স্মুশান হেওয়ার্ড, দিলীপকুমার আর...। যাক নাম বাড়িয়ে লাভ নেই। ক্যানবুন্দ আহত হতে পারেন। এ বিষয়ে এলাহাবাদ বিশ্ববিদ্যালয়ের একজন প্রবীণ অধ্যাপকের বক্তব্য বলার ইচ্ছা রইল পরে। তা বলে আমার মত ব্যতিক্রমও আছে বৈকি কিউতে। রাজস্থানী নাগরা আর গালপাট্টা, চোদ্দ হাত শাড়ি আর তিন ইঞ্চি ডায়মেটারের নখ। তাদের হাসির আর অন্ত নেই। ‘টিকস্’ কেটে চা কিনতে হয়? আজব কাণ্ড! এটা জেনানা-লোকেদের চায়েথানা? আরে রাম রাম কহো। এসে পড়ো, এসে পড়ো। চার পরস দিয়ে টিকস্ কাটাও আর লাইন দিয়ে পেয়লীভর চা পিয়ে নাও।

চা পাওয়ার ও খাওয়ার এ অভিনব পন্থা দেখবার জগুই ভিড় করেছে কত

মানুষ। পুরুষ আর মেয়েমানুষ। কৃষাণী ঘোমটা-খসা উদাসিনী। এ কি গো বিষয়! জেনানা তুক লাইন দিয়ে চা খাচ্ছে। দিনে দিনে কতই হবে! তা ছাড়া বে-আক্ৰি মেয়েদের পোশাকই কি। পাক্সা মেমসাহেব বনে গিয়েছে সব।

খুব গা টেপাটেপি আর হাসাহাসির ধুম। এমন কি পুরুষদের মধ্যেও। আমার সামনেই হাল-ফ্যাশানের স্ফাট-পর্য এক যুবক। তার সামনে এক সুবেশিনী যুবতী। সম্ভবত স্ত্রী। ভেবেছিলাম, গান কেউ শোনে না, কিন্তু এরা দুজনে কিউতে দাঁড়িয়ে সেই আলোচনাতেই মশগুল। তারা কান পেতে আবিষ্কার করছে, কী গান বাজছে রেকর্ডে। যুবতী বলল, 'বোধহয় ওড়িয়া গান।' যুবক বলল, 'আমার মনে হচ্ছে মাদ্রাজী।'

আর আমি বাংলা গানের এ ভাষা-আবিষ্কার শুনে হাঁ। যত অস্পষ্টই বাজুক, তা বলে, 'প্রাণের প্রভু রয়ে প্রাণে' একেবারে ওড়িয়া না-হয় মাদ্রাজী! কপাল আমার বাংলা ভাষার। ধন্য আমার বাংলা গানের শ্রোতা!

মেলা সরগরম! এই আবেষ্টনী, আর চেয়ার-টেবিলের ছড়াছড়ি রেকর্ডে কী বাজবে? ঘরছাড়া মানুষের গলায় গান আপনি গুনগুনিয়ে ওঠে। এ পরিবেশ দেখে ভুলে যেতে হয় অবস্থার কথা। বিস্মৃতি আসে কুস্তমেলার। শহুরে জীবনের এক নতুন পকেট খেন।

চা পেতেই ছুটে এলাম। ছি ছি, ডাক্তার এখনও সেই মহিলাটির দিকে তাকিয়ে রয়েছে কটমট করে। তার-টেলিকোনের নেহাত এক সুন্দর-মুখ ভালো মানুষ সঙ্গিনী। অবাঙালিনী নিঃসন্দেহে। কোন কোন শিকারীর নজরেই বন্দী হয়ে পড়ে শিকার। মহিলাটির অবস্থা প্রায় সেইরকম।

আমি আসতেই বোধহয় একটু হাঁফ ছেড়ে বাঁচল বেচারী। চোখে তার বাসি স্বর্ষার দাগ। নেহাৎ বাঙালিনীর মত চোখ তুলে তাকাল। ভাবখানা, কী রকম মানুষ! একটা পাগলকে বসিয়ে রেখে গেছ এখানে?

অপরিচয়ের মধ্যেও মানুষ কথা বলে বৈ কি। বলে নীরবে, চোখে চোখে। মহিলাটি একটি কটাক্ষ করে উঠে গেল। দেখলাম, পেয়ালায় চা রয়েছে এখনো। চুমুক দেবারও সুযোগ পায় নি।

সে উঠে যেতে ডাক্তারও যেন স্বস্তির নিঃশ্বাস ফেলল। দলা-করা কঞ্চলটা টেবিলে রেখে ফিরে তাকাল মেয়েটির চলার পথের দিকে। তারপর আমার দিকে। খাপামিটা এখনও একেবারে যায় নি মুখ থেকে। কোন কথা না বলে দ্বিবি পেয়লা টেনে নিয়ে চুমুক দিল। খাবারটি খাবে না নাকি? কি জানি!

বা মাহুয !

ভাবতে না ভাবতেই খাবারে হাত পড়ল ডাক্তারের। যত হাত পড়ে ততই ডাক্তারের ভয়ঙ্কর মুখের নিষ্ঠুর রেখাগুলি অদৃশ্য হয়ে যাচ্ছে! অবিশ্বাস্যরকম কোমল হয়ে উঠেছে ডাক্তারের মুখ। ফ্রাঙ্কেনস্টাইনের মনস্টারের মুখে মানবিক সুরঙ্গ। নিজে খাব-কী। ডাক্তারের মুখে কোন অদৃশ্য জাহ্নুদণ্ডের স্পর্শ লেগেছে, তাই খুঁজছি। শুধু কোমল নয়, তৃপ্তিতে, স্বথে, নতুন স্ববমায় ভরে উঠেছে ডাক্তারের মুখ !

লোকে বলে, বিশেষ করে গৃহিনীরা বলেন, ‘খাওয়া দেখেও স্বখ’। সে কোন খাওয়া। এমন খাওয়া কি? বিষয়ের সঙ্গে খুশীর আমেজ দেখা গেল আমার মনে। এ আবার কেমন খুশী, তা তো জানিনে। থেয়ে খুশী বরাবর। খাইয়ে খুশী তো হই নি কখনো।

কী বিচিত্র! আমার ছেলেবেলার বেচা এল কিরে। আমার যৌবনে এল এই কুন্ডমেলার দিগন্তের হাটে, পাঁচ-বস্তির বেশে।

ছেলেবেলায় আমার পিঁপড়ের মত খুঁটিয়ে বেড়ান সঞ্চয়। সেই সঞ্চয়ের ঐশ্বর্য দিয়ে একদিন ভয়ে ছুঁতে, আশায়-নিরাশায় খাইয়ে দিয়েছিলাম বেচাকে। নোটনের ডালপুরি, লালমোহনের সন্দেশ, লজেন্স, বাখরখানি। কত কি! সেই থেকে সন্ধি স্থাপন হয়েছিল। বেচার খাওয়ায় স্বখ পেয়েছিলাম, তা নয়। বরং সঞ্চয়ের শৃঙ্খলিটা দেখে, লুকিয়ে কৈদেছিলাম। সন্ধি হয়েছিল চোখের জল দিয়ে। কিন্তু বেচার কথা তো ভুলি নি। ভুলি নি, আমাকে দেখিয়ে দেখিয়ে কেন তুই রোজ খাস? দেখিয়ে দেখিয়ে কোনদিনই খাই নি। গুর দেখার মধ্যে ছিল আমার দেখানো।

দুটো প্লেটই সাবাড় করেছে ডাক্তার। করে ডাক্তার একটু বা অপ্রস্তুত যেন। তাকাতে পারছে না আমার দিকে। চা-ও শেষ।

দেখলাম, ডাক্তারের মোটা স্থূল ঠোঁটজোড়া ভিজে উঠেছে। এবড়ো-থেবড়ো মুখের চামড়া উঠেছে টান-টান হয়ে। মাথায় কাঁচা-পাকা চুল। সেলাই-বহল মোটা জামা আর তালি-মারা প্যান্ট। একটা রীতিমত বলিষ্ঠ মাহুয। কিন্তু কী করণ!

উঠে গেলাম ক্যাশিয়ারের কাছে। কুপন কিনে খাবার নিলাম। হিসাবের কড়ি পকেটে। টায়টিকে খরচের কড়ি। পথে বেরিয়েছি, এক পরশা মা-বাং। না থাকলে কেউ ডেকে জিজ্ঞেস করবে না। দৈবজ্ঞ মরবে কাঁধা বয়ে।

তবুও। উপোস দেব একটি বেলা। ভাবছ, আবেগে হয়েছি অচৈতন্য।

হবেও বা। কিন্তু মনের খুঁত-খুঁত রাখব কোথায়। হৃদয়জোড়া বিষকুস্ত।
মনে অশান্তি দিয়ে তাকে আরও ভরে দিই কেন। অমৃতকুস্তের খোজ পাই
নে এখনো। ছাড়ি কেন আত্মতৃপ্তিটুকু। চোখের উপর ভেসে উঠছে খালি
বলরামের মুখটি।

খাবার দেখে ডাক্তার আরও অপ্রস্তুত। অহুসন্ধিস্থ চোখে তাকাল আমার
দিকে। কি জানি, আমিই আবার রেগে গিয়েছে কি না, সেটুকুই তার
সংশয়।

বললাম, ‘থান।’

খাবারের দিকে দেখে ডাক্তার আবার তাকাল আমার দিকে। তারপর
টেনে নিল একটা প্লেট। সে প্লেটখানিও শূণ্য হল। হু প্লেট এনেছিলাম
আবার।

বাকি প্লেটটি দেখিয়ে বললাম, ‘ওটাও খেয়ে ফেলুন।’

এতক্ষণে মৌনব্রত ছাড়ল ডাক্তার। বলল, ‘তুমি?’

‘আমি চা খাব।’

ডাক্তার আমার দিকে তাকাল। সর্বনাশ! আবার খ্যাপামির লক্ষণ দেখা
দিয়েছে। কিন্তু খেপল না। খেল না। প্যাণ্টের পকেটে হাত দিয়ে বার করল
একটি ছোট কলকে। তেঁতুলবিছের মত একটি চকচকে লাল গাঁজার কলকে।
আবার এ-পকেট ও-পকেট করে বেরল খানিকটা পাটের ফৈসো আর নারকেলের
ছোবড়া। কিন্তু আর কিছু নয়। বিরক্ত হয়ে সেগুলি পকেটে রেখে বলল,
‘বিড়ি-টিড়ি আছে?’

বিড়ি তো নেই। পকেট থেকে বার করে দিলাম সিগারেট। বললাম, ‘ওই
বস্তুটি তেমন মনঃপুত নয়। জিজ্ঞেস করলাম, ‘পেট ভরেছে আপনার?’

ডাক্তার বলল, ‘পেট আবার কখনো ভরে? না, ভরেছে কোনদিন কারুর?
কী করে ভরবে?’

আমি অবাক হয়ে তাকালাম। ডাক্তার বলল, ‘কালকে যাও বা পেঙ্গাদের
দিদিমা দিত ছোটো খেতে, সে তো তুমি পেঙ্গাদ এসে ঘোচালে।’

বললাম, ‘আমি?’

‘তবে কে?’

‘কি রকম?’

ডাক্তার আবার প্রায় স্বমূর্তিতে দেখা দিল। বলল, ‘ওই যে, বুড়ির মন
কেড়ে মেজাজ খারাপ করে দিলে। কিপটে বুড়ি। বুড়িগুলো সব কিপটে!

ওরকম ষোলটা বুড়িকে গলায় ঝুলিয়ে নিয়ে এসেছি দেশ থেকে। তখন বলে, কত কথা। সব বেটি পাঁচুগোপালের ঘাড় বেয়ে সগুগে যাওয়ার তালে আছে। যাওয়ার'খন! ভেবেছে, প্রয়াগে এসে সব সগুগ ধরে ফেলে দিয়েছে। আবার ফিরতে হবে না?'

বললাম, 'আপনি নিয়ে এসেছেন নাকি?'

'তবে? কে নিয়ে আসবে? পাঁচুগোপাল ছাড়া আর সব জানে কে? নিয়ে এসেছি, নিজের জানাশোনা আশ্রমে ক্যাম্প খুঁজে দিয়েছি।'

বলে ডাক্তার আমাকেই যেন আসামী করে ধমকে উঠল, 'এমনি নিয়ে এসেছি, ঝা? এমনি নাকি বল? সবাই কটাকট করে এসেছে, দু-বেলা খেতে দেবে আর রাত্রে শুতে দেবে পালা করে। তা দু-বেলা ঠিকমত খেতে দেওয়া দূরে থাক, রাত্রে একটু শুতে পর্যন্ত দিচ্ছে না।'

মনটা বিম্বিত ব্যাথায় চমকে উঠল। দু-বেলা ছুটো খাওয়া, আর একটু আশ্রয়ও যে ডাক্তারের কপালে নেই, এতটা তো অস্বাভাবিক করতে পারি নি। মনে পড়ে গেল, কাল রাত্রে শীতার্ঘ্য ডাক্তারের ক্যাম্পে প্রবেশ। সেই 'নো জায়গা, নট কিচ্ছু।' ডাক্তার! পেশা ও বিশেষণের কি বিড়ম্বনা। রহস্যচ্ছন্ন ব্যাপার। এই পাঁচুগোপাল রায় ডাক্তার হল কী করে?

ডাক্তার আপন মনে বলেই চলল, 'এই বুড়িগুলো একটাও সগুগে যাবে? একি গাড়ির টিকিট কেটে আর ভিড় ঠেলে মরতে যাওয়া, যে সগুগে গিয়ে পৌঁছুবে। তিন সত্যি করে এল সব আর এখানে এসে আমাকে চিনতেই পারে না। দিব্যি নিজেরা খাচ্ছে দাচ্ছে, সাধুদর্শন করে বেড়াচ্ছে। ভগবান না, মণ্ দেখতে এসেছে। দেখো ভূমি, সবগুলো নরকে যাবে।'

কী করে দেখব, তা তো জানি নে। ডাক্তারের অবস্থাটাই খালি ভাববার চেষ্টা করছি। কিন্তু ডাক্তার থামে না—'ওই পেল্লাদের দ্বিদিয়ার জন্ত ক্যাম্প বলে রেখেছি। এলাহাবাদ ইন্টিশান থেকে নিয়ে এলাম। পথে বললে, 'পাঁচু, আজ আমার কাছেই থাবি থাকবি।' কিন্তু একবার ডাকলে! যখন নিজেরা খেলে? ক্যাম্পের বাইরে চূপ করে দাঁড়িয়ে দেখলাম।'

লজ্জায় ও ব্যাথায় এতটুকু হয়ে গেলাম। আমিও তখন থাচ্ছিলাম। আমিই কালকের রাত্রিটা ডাক্তারকে উপোস রেখেছি। নিরাশ্রয় করেছি। তাই ডাক্তার ক্ষেপে উঠেছিল। তাড়াতাড়ি বললাম, 'সত্যি, কালকে রাত্রে ব্যাপারটা আমার খুব...'

'ভূমি?' ডাক্তার আবার ধমকে উঠল আমাকে। 'ভূমি কী করবে।

ওসবে আমার আর বাজে নাকি ? তাই ভেবেছ তুমি ? আরে ছোঃ ! অত সস্তা কলজে পাঁচ-বস্ত্র নয়, বুঝেছ ? দশ-দশ বছর সাধু হয়ে সারা দেশ ঘুরেছি। সারাটা দেশ ।’

বলে হাতের বুড়ো আঙ্গুল দুটি দেখিয়ে বলল, ‘সব নখদর্পণে আছে, যতরকম সাধু আর যতরকম মানুষ । জিজ্ঞেস কর, বলে দেব ।’

‘আপনি সাধু হয়েছিলেন ?’

‘তব্বে ?’

‘কেন ?’

‘কেন আবার ? বার করে নিয়ে গেল ঘর থেকে । ঘর-বার সমান করে দিলে । জোর করে নিয়ে গেল টেনে ।’

‘কে ?’

‘কে আবার ? যার নেওয়ার । জালা, প্রাণের জালা ।’

‘ছেড়ে দিলেন কেন ?’

‘ছাড়াছাড়ির কী আছে ? কিছুই ধরি নি, তার ছাড়ব কী । কপুনি এঁটেছিলাম, কেলো দিয়েছি । আছি, যেমন ছিলাম তেমনি । জালা টানে, জালাই নিয়ে আসে । জালা কখনো ছাড়ে ?’

বলে ডাক্তার সোজাশুজি তাকাল চোখের দিকে । তাকিয়ে দেখি ডাক্তারের চোখের মনি নেই । অন্ধকার দুটি গর্ত শুধু । কোথায় হারিয়ে গিয়েছে চোখের মনি দুটি । অন্ধ গহ্বরে একটা দুর্বোধ্য যন্ত্রণার চমকানি । জ্বল ঠোট দুটি জ্বলচলো হয়ে উঠেছে । বিকৃত গলায় বলল, ‘বল, জালা কখনো ছাড়ে ?’

জবাব চায় ডাক্তার । কী জবাব দেব । জালা ছাড়ে কি-না জানি নে । কিন্তু ওই মুখের দিকে তাকিয়ে বলি কেমন করে যে, ছাড়ে ।

ডাক্তার আবার মুখ খুলল । তখনো কে জানত, অজান্তে এক কুলূপ ছিদ্রে স্ফুট করে ঘুরিয়ে দিয়েছি চাবি । ধাক্কা দিয়েছি বহুদিনের মরচে-পড়া বন্ধ দরজায় । ডাক্তার বলল, ‘কোথায় না গিয়েছি । অসময়ে একলা একলা বরফ ভেঙে ছুটে গেছি হিমালয়ের উপরে । মানুষথেকো জন্তু পালিয়ে গেছে, তবু থামি থামি নি । ভীতু কাপুরুষ সাধু পুরুত দরজা খোলে নি মন্দিরের । মরণের, খেতে দেবার ভয়ে । বয়ে গেছে । জীবন মরণ ক্ষুধা-তৃষ্ণা, সব জালা, জালা হয়ে গেছে । আমাকে কথবে কে ? কিন্তু প্রাণ জুড়োল ? জালা জুড়োল ?’

ডাকলাম, ‘ডাক্তারবাবু ।’

‘ডাক্তারবাবু?’ আবার সেই ভয়ঙ্কর মুখ। ‘আমাকে ঠাট্টা করা হচ্ছে? আমি ডাক্তারবাবু? জড়ি বুট ছাড়ি, জড়ি বুট। রাস্তায় ফেরি করি! দাদ কাউরের মলম তৈরী করে বেচি। নিয়ে দেখ, সারে কি-না! মাহুলি? তাও দিই। তা বলে ডাক্তার?’

সর্বনাশ। আবার সেই মূর্তি। এখন কি আর মনে আছে পাঁচ-বছির ডাক্তার পরিচয় সে নিজেই দিয়েছে। বলতে গেলে উল্টো উৎপত্তি হবে। যাক, বলে যাক। চায়ের আসর জমজমাট। বেশী গুণগোল হলে ভিড় বাড়বে। আগেই টের পেয়েছিলাম, ডাক্তার নামের মধ্যে আছে পাঁচুগোপালের বিড়ম্বনা। বুঝলাম, নির্মম বিদ্রূপ মাত্র। থাপার প্রতি স্নেহ। পাঁচ-বছি আর ডাক্তার। পাঁচুগোপাল রায়। ওই নামে নিজেকেও বিদ্রূপ করে সে। করে যে, তাও বোধকরি নিজে সঠিক জানে না। কিসের জালা, সেটুকু জানার বড় ইচ্ছা হল।

ডাকলাম, ‘পাঁচুগোপালবাবু।’

ডাক্তার তাকাল। অবাক কাণ্ড! সে হাসছে নাকি? এও কি বিশ্বাসযোগ্য? বিকশিত তার বড় বড় দন্তরাজি। যদি হাসি হয়, তবে কী ভয়ঙ্কর হাসি। বলল, ‘মিষ্টি কথা বলা হচ্ছে। দিব্যি ওলটানো চুল, ঠাণ্ডা চোখ, ভালো মাহুষের মত দেখতে। ভাজা মাছটি উলটে খেতে জানে না। খুব জানি তোমাদের মত ছোড়াদের।’

আমাকেই বলছে। কিন্তু বাধা আর দিচ্ছি নে। তা হলেই ডাক্তারের ক্ষিপ্ততা দেখা দেবে।

গলার স্বর নেমে এল ডাক্তারের। বলল, ‘ওই যে একটি কেটে পড়ল টেবিল ছেড়ে। দিব্যি টানা-টানা চোখ, টিকলো নাক, স্বন্দর মুখ। কেমন শাস্ত মেয়েটি।’

বুঝতে দেরী হল না, টেবিল-সঙ্গিনী সেই মহিলাটির কথা বলছে ডাক্তার। কিন্তু বেচারী সত্যি ভাল মাহুষ। আমি তো তাই দেখেছিলাম, ‘না, সে মহিলাটিকে তো—?’

‘সব করতে পারে।’ বাধা দিয়ে বলে উঠল ডাক্তার।—‘ওসব ভয়ঙ্কর, সাংঘাতিক। আমার চেয়ে বেশী জানো তুমি?’

তা হয়তো জানি নে। কিন্তু একটা বিশ্বাস অবিশ্বাসের প্রশ্ন আছে তো।

ডাক্তার বলল, ‘বিশ্বাস হল না বুঝি?’ বলে পকেট থেকে বাগ্ন কবল একটা

ময়লা কাগজ। এত ময়লা, কুঙ্কিত চামড়ার মত হয়ে গিয়েছে। অতি দস্তর্পণে সেই কাগজের ভাঁজ খুলতে চকচক করে উঠল একটি কটো। একটি মেয়ের ফটো। ফটোটি আমার সামনে মেলে বলল ডাক্তার, ‘দেখো তো কেমন?’

সুন্দর, সত্যি সুন্দর! টানা-টানা শান্ত চোখ। সু-উচ্চ নাক। কপালের উপর বাঁপিয়ে-পড়া চুলের গোছা। বয়স অনুমান করা শক্ত। তবে তরুণ বয়স, সন্দেহ নেই।

‘কেমন?’

বললাম, ‘সুন্দর।’

‘হুঁ হুঁ, বিধ। ভয়ানক বিধ, সুন্দর বিধ।’

মনে বড় কুণ্ঠা এল। ‘তবু জিজ্ঞেস করলাম, ‘কে ইনি?’

শুনতে পেল না ডাক্তার। ভয়ানক বিধ, সুন্দর বিধের দিকেই সব ভুলে তাকিয়ে ছিল সে। ‘গর্তে-চোকা কালো চোখে তার বিগলিত দৃষ্টি। খাওয়ার সময় যেমন কোমল হয়ে উঠেছিল তার মুখ, এখন সেই মুহূর্তে তার চেয়ে সুন্দর হয়ে উঠেছে সেই মুখের শ্রী।

পরমুহূর্তেই ফটোটা কাগজে মুড়ে পকেটে ঢুকিয়ে দিল। বলল, ‘কে, জিজ্ঞেস করেছিলে? আমার বউ ওকে জন্ম দিয়ে মরেছিল।’

‘আপনার মেয়ে?’

বুঝলাম, ‘আমার মেয়ে’ কথাটি উচ্চারণ করতে নারাজ সে!

চারিদিকে কথা, হাসি ও চীৎকার। বোড়ার হ্রেষাধ্বনি আর মোটরের গর্জন। সব মিলিয়ে একাকার। তার মধ্যে পাঁচুগোপালের চাপা মোটা গলা অদ্ভুত মিষ্টি শোনাল। যেন ক্লারিওনেটের খাদের স্বরে বেজে চলেছে বিচিত্র রাগিণী।

সে বলল, ‘ওই যে ফটোটি দেখলে, বললে বিশ্বাস করবে না, ওই ফটোর মেয়ের চেয়েও তার মা ছিল আরও সুন্দর। এই পাঁচুগোপাল, প্রাণগোপাল রায়ের ছেলে বসে আছে তোমার কাছে। চেয়ে দেখো, আমি কি কুৎসিত। চেহারা দেখে মানুষ আমার কাছে আসে না। তবু, সে আমাকে ভালবাসত। এত ভালবাসত যে, আমিই এক এক সময় ভাবনায় পড়ে যেতাম। আমার খেতে বসতে শুতে তারও ভাবনার অন্ত ছিল না। ওই মেয়ে জন্ম দিয়ে সে মরে গেল। ভালবাসার কদর বুঝতে না বুঝতে সে চলে গেল। অন্ধ আর বোবার মত আমি দিবানিশি হাতড়ে কিরেছি, খুঁজেছি। মনে হত, কেউ বড়ঘন্ত্র করে তাকে লুকিয়ে রেখেছে আমার কাছ থেকে। মানুষের থাপামি

কতদিন থাকে? ঘরের দিকে তাকিয়ে দেখি কাঁথায় শুয়ে কঁাদছে সে আমারই মেয়ের বেশ। প্রথমে বড় রাগ ছিল মেয়েটার উপর। পাড়ার মেয়েরাই দেখতো ওকে। তা ছাড়া কে বাঁচাবে। দিনে দিনে সেই মেয়ের চোখ ফুটল, নাক ফুটল, হাসি ফুটল। মায়ের মতই। নাম হল শিউলী। শেফালির মতই সুন্দর, নরম আর মিষ্টি। নজর যখন দিলাম, আর চোখ ফেরাতে পারলাম না। কাজ করতাম কারখানায়। মন বসত না। কখন বাড়ি আসব, শিউলিকে বুকে নেব, সেই আমার ভাবনা। আমার ধ্যান জ্ঞান, আমার প্রেম ভালবাসা, আমার স্বর্গ, আমার ভগবান, আমার সব। আদেখলের ঘটি হলে যা হয়। কুঁড়েঘরে রাজকন্তের সাজপোশাক, খাওয়া। সবাই হাসত আর ঠাট্টা করত।... বড় হল, বুলি ফুটল। কী মিষ্টি কথা। প্রাণ ধরে ইস্কুলে দিলাম। দিনে দিনে বড় হল। আমার ধুলোভরা রোদপড়া বাগানে ফুল ফুটল, ছায়া হল, পাখি ডাকল।...লুকিয়ে শুনতাম, মেয়েকে দেখে লোকে বলত, ইঁা পাঁচুগোপালের মেয়ে। কত আমার ভাবনা। অনেক লেখাপড়া শেখাব গান শেখাব। কত কী।’

বলে একটু থামল। আর আমি ভাবছিলাম এমন অভাবিত সুন্দর বিন্যাসও বেয়ে তার মুখ থেকে? গলার স্বরটা আরও নেমে এল তার।—‘সতেরো বছর হল। মেয়ের ভরা যৌবন। কিন্তু কী শাস্ত। তার মায়ের মত। আমি ছিলাম তার বাপের চেয়েও বড়, তার একলার সঙ্গী, তার বন্ধু। বিয়ের কথা হলে কতদিন বুকে মুখ রেখে বলেছে, বাবা, ‘তোমাকে ছেড়ে থাকতে আমি পারব না।’

এই পর্যন্ত বলে আচমকা ব্রেক করার মত পাঁচুগোপালের কথা ধামল। ‘তাকিয়ে দেখি, সারাটা মুখ কুঁচকে বিকৃত হয়ে একেবারে অগ্ন্যবকম হয়ে গিয়েছে। যেমন আচমকা থেমেছিল, তেমনি হঠাৎ বলল, ‘মিছে কথা। একেবারে শয়তান। সুন্দরের মধ্যে বিষ। চলে গেল। না বলে, না জানিয়ে পালিয়ে গেল একটা ছেলের সঙ্গে। পাড়ারই ছেলে।’

এ পর্যন্ত বলতেই নাটকীয়ভাবে যবনিকা পড়ল। চলন্ত অন্নপূর্ণার আদালি টেবিল ওঠাতে এল। লক্ষ্য করিনি, কখন আসর ভেঙে গিয়েছে। বন্ধ হয়ে গিয়েছে রেকর্ড। পথের রেস্টোরাঁ গিয়েছে উঠে! উঠে পড়লাম। পাঁচুগোপালের সঙ্গে চললাম পুলের দিকে। বেলা অনেক হয়ে গিয়েছে। কিন্তু সে কথা মনে নেই। তাকিয়ে ছিলাম ডাক্তারের দিকে।

বোধহয় তার কথা কুঁরিয়েছিল। আর কিছু বলার দরকারও ছিল না।

কিভাবে পাঁচুগোপালের জীবন আজ এ পর্যায়ে এসে দাঁড়িয়েছে, কেন সে সাধু হয়েছিল, তার কারণ ব্যাখ্যারও আর প্রয়োজন ছিল না। দরকার নেই আর বলার, কেন তার এত হাঁকাইঁকি, কথার খেই হারানো, পাগলামি আর সুন্দর ছেলেমেয়ে দেখলেই একটা তিক্ত সন্দেহে ও যন্ত্রণায় জলে উঠা।

জালার কথা তো নিজেই বলেছে সে। ঘরের বাইরে, অসীম সমুদ্র আর বিরাট হিমালয়, কোথাও তার জালার নিরসন হয়নি। সব মিলে সে আজ অস্বাভাবিক, অবাস্তব রূপ ধরেছে।

পুল পেরিয়ে গঙ্গার ধারে এসে দাঁড়াল সে। সাপের মত একেবেঁকে দাঁগ পড়েছে চ্যাটালো পাড়ে। কলকল শব্দ। পাঁচুগোপাল এসে দাঁড়াল।

বললাম, 'পাঁচুগোপালবাবু, আপনার মেয়ে কোথায়?'

বলল, 'তা জানলে কি আর ভাবনা ছিল? ভাবি, এ কেমন যাওয়া? একটু কি খোঁজও দিতে নেই? দশ বছর বাইরে ঘুরে এসেও খোঁজ পাই নি।'

তারপর অনেকক্ষণ চুপচাপ। অজান্তে একটি নিশ্বাস পড়ল আমার। আর নয়। এবার আশ্রয়ের সন্ধান না করলে আর নয়।

খ্যাপা খুঁজে খুঁজে ফেরে পরশ পাথর।...

চলে যাওয়ার আগে সেই কথাটিই বার বার মনে পড়ছিল। জীবনভর এই খোঁজার পালা পাঁচুগোপালের শেষ হবে কি-না জানি নে।

খুব উত্তেজনার পর মাছ যখন ঠাণ্ডা হয়ে যায়, অনেকক্ষণ কাঁদার পর শোকাভূর যেমন নীরব ও বিহ্বল হয়ে পড়ে, পাঁচুগোপাল তেমনি শান্ত হয়ে গিয়েছে।

মুখ কিরিয়ে বিদায় নিতে গেলাম। পাঁচুগোপাল আচমকা প্রশ্ন করে বসল, 'কী করা হয়?'

কী যে করি, সে জবাব দেওয়া বড় মুশকিল। যা করি, সে কাজটি ভাল কি মন্দ, দশজনের বিচার্য। কিন্তু বলতে গেলেই সঙ্কোচ হয়। বিশেষ পাঁচুগোপালের কাছে। সাত-পাঁচ ভেবে তবু সত্যি কথাই বললাম।

বললাম, 'লিখি।'

পাঁচুগোপাল অবাক হল! জিজ্ঞেস করল, 'কী লেখ? বই?'

পাঁচুগোপালের বিশ্বয় দেখে একেবারে এতটুকু হয়ে গেলাম। কেন, বই লেখাটা কি পাপ? বললাম, 'হ্যাঁ।'

'কী বই লেখা হয়? এমনি সব জ্ঞান-ট্যানের বই, না গল্পো-নভেল?'

বললাম, 'জ্ঞান-ট্যানের বই বললেই বোধহয় খুলী হয় সে। কিন্তু সত্যি

বলতে কি, পাঁচুগোপালের কাছ থেকে এরকম প্রশ্ন আশা করিনি।

বললাম, 'হ্যাঁ, গল্পো আর নভেলই লিখি।'

পাঁচুগোপাল বলল, 'তা বুঝেছি। মাথার উপর রোজগেরে বাপ আছে
নিশ্চয়ই?'

'কেন বলুন তো?'

'তা নইলে চলে কী করে?'

জবাব দিতে পারলাম না। চলে কি না চলে, সে বিষয়ে নিজের মন্তব্য প্রকাশ
করে লাভ কি। বললাম, 'কেন, বাংলাদেশের লেখকদের কী চলে না?'

পাঁচুগোপাল বলল, 'কই, আমাদের কেটেকাস্ত তো বাপের পয়সাতেই বউ
ছেলে মেয়ে নিয়ে থায় আর কাঁড়ি কাঁড়ি বই লেখে।'

জিজ্ঞেস করলাম, 'কেটেকাস্ত কে?'

'আমাদের পাড়ার ছেলে।'

বললাম, 'তা হবে। তবে, আমার বাবা মাঝে গেছেন।'

পাঁচুগোপাল আরও বিস্মিত হয়ে বলল, 'তোমার মাথায় তো বাউড়ি-কাটা
চুলও নেই দেখছি।'

বললাম, 'কেন?'

'আমাদের কেটেকাস্ত তাই বলে। বই লিখলে নাকি মাথায় বাউড়ি রাখতে
হয়, চশমা পরতে হয়, উড়নি চাপাতে হয়।'

পাঁচুগোপালের মুখের দিকে নজর করে দেখলাম। না, ঠাট্টা নয়, কথাগুলি
সে সরল বিশ্বাসেই বলছে।

জানি নে কে কেটেকাস্ত। তার রচিত সাহিত্য পড়ার সৌভাগ্যও আমার
হয় নি। বললাম, 'সকলের তো একরকম নয়। আপনাদের কেটেকাস্ত হয়তো
ওই রকমটিই পছন্দ করেন।'

পাঁচুগোপাল একটি দীর্ঘ হাঁ দিল। মানে যার অনেক কিছুই হতে পারে।
আবার বলল, 'আর এ লাইনে কতদিন?'

জিজ্ঞেস করলাম, 'কোন লাইনে?'

বললে, 'এই তীর্থ ঘুরে বেড়ানো?'

বললাম, 'এই প্রথম।'

ঘাড় নেড়ে বললে পাঁচুগোপাল, 'সেইজগেই। সেইজগেই রাত করে একলা
বেকনো হয়েছিল!'

'বেকলে কী হয়?'

‘কী আর হবে ! ঘাড়টি মটকে বালুতে পুঁতে রেখে দেবে !’

পুঁতে রেখে দেবে ! অপরাধ ? বললাম, ‘কে ? কেন রাখবে ?’

পাঁচুগোপাল দ্বিতীয় বার হাসল। বলল, ‘যার দরকার সে-ই রাখবে।

পকেটে নিশ্চয়ই কিছু রেষ্টোও আছে ?’

রেষ্টোর মানে পয়সা। তা কিছু তো আছেই। তা বলে সে পয়সার জন্য একেবারে ঘাড় মটকানো !

পাঁচুগোপাল হঠাৎ গম্ভীর হয়ে উঠল। বলল, ‘মনে রেখো, এই কয়েক মাইলের মধ্যে দূর জায়গায় ওৎ পেতে আছে সব ভয়ঙ্কর মানুষ। অনেকে সাধুর বেশেও আছে। সন্ধ্যোগ পেলেই তারা কখনো ছাড়বে না। আর সাধুদের কাছে রাত্রে কখনো ভিড়ো না।’

বললাম, ‘কই, কাল রাত্রে তো সেরকম কিছু—’

‘টের পাও নি। রোজ রাত্রেই কি আর এমনি হয়। তা ছাড়া আমি ছিলাম কাল তোমার পেছনে পেছনে। আর-একটা কথা বলি। অনেক পেরতিনি আছে এখানে, তারাও ছেড়ে কথা কইবে না।’

পেরতিনি ! পাঁচুগোপাল যে মনের মধ্যে রীতিমত একটা ভয় ধরিয়ে দিল। বললাম, ‘পেরতিনি ! সেটা আবার কী ?’

পাঁচুগোপাল মুখ বিকৃত করে বলল, ‘সেটা দেখলেই চোখ ভুলে যাবে। আড়ে আড়ে চাইবে, ফিকফিক করে হাসবে, মনে হবে হাতছানি দিয়ে বৃকের কাছে ডাকছে, বুঝেছ ? খুব সাবধান !’

বলে মুখ কিরিয়ে বলল আপন মনে, ‘কত দেখলাম এরকম। এই গেলবারের হরিদ্বারের কুম্ভমেলায় তিনজনকে এরকম খুন হতে দেখেছি। তারা সবাই তোমার মত ভক্তদ্বরের ছেলে।’

ভয়টা প্রায় চেপে বসল মনে। বক্তব্য অনুযায়ী পাঁচুগোপাল এ বিষয়ে আমার চেয়ে অভিজ্ঞ নিঃসন্দেহে। তার কথা একেবারে উড়িয়ে দিতেও পারি নে। বললাম, ‘কিন্তু এই তীর্থক্ষেত্রে ?’

সে বলল, ‘এইখানেই তো সহজ। তীর্থক্ষেত্রের বলে তো আর কাকুর আসতে মানা নেই। দেখতে চাও ? অনেক কিছু দেখতে পাবে। দেখিয়ে দেব তোমাকে। মাল-টাল টানা হয় ?’

মাল ? মানে মদ। বললাম, ‘না। কেন ?’

সে সব বন্দোবস্তও আছে। এখানে সব পাবে। বে-আইনী চোলাই-করা মদ এখানে খুব আসে।’

এতক্ষণে মনে হল পাঁচুগোপাল যে দিকটা ইঙ্গিত করতে চাইছে, সেদিকে আমার ভয় নেই। কিন্তু তার কথা শুনে আমি বিস্ময়ে নির্বাক হয়ে রইলাম।

এই দুস্তর বেলাভূমি। চারিদিকে গিজগিজ করছে সাধু-সন্ন্যাসী আর পুণ্যার্থী নরনারীর দল। এই উন্মুক্ত প্রান্তরের বুকে কোথায় থাকতে পারে সেই বেসাতির আস্তানা? জানি নে কোথায় থাকতে পারে! তবে থাকাটা অসম্ভব বলে বোধ হয় না। মানুষের অসাধ্য কিছুই নেই।

যাবার আগে পাঁচুগোপালকেই জিজ্ঞেস করলাম, ‘আচ্ছা বলতে পারেন, এখানে বাঙালীদের আস্তানা আর কোথায় আছে?’

পাঁচুগোপাল বলল, ‘সব জায়গায় আছে, কেন?’

বললাম, ‘আমাকে একটা আশ্রয় খুঁজে নিতে হবে তো।’

‘কেন? তুমি ওই ক্যাম্প থাকবে না?’

বললাম, ‘কী করে থাকব বলুন? বলেছিলাম, একটা রাতের জন্ম থাকব, আজকে আমাকে নতুন জায়গা দেখে নিতে হবে।’

পাঁচুগোপাল বিস্মিত ব্যাকুল চোখে কয়েক মুহূর্ত তাকিয়ে রইল আমার দিকে। বললে, ‘ও, এতক্ষণ ধরে মনে মনে এই সব মতলব ভাঁজা হচ্ছিল। চলে যাবে বলে বুঝি এত কথা বলছিলে আমার সঙ্গে?’

হঠাৎ করুণ হয়ে উঠল পাঁচুগোপালের মুখ। এখনো বুঝতে পারলুম না তাকে। বুঝতে পারলুম না মানুষটির সঠিক ধাত। এই একরকম, তার পরেই আর একরকম। কালকে এই মানুষই আমাকে তাড়াবার জন্ম কত করেছে। সে কথা এখন মনে করিয়ে দিয়ে লাভ নেই। ভেবেছিলাম, পাঁচুগোপালের অপমানের শোধ তুলব। কিন্তু যার উপর শোধ তুলব, তার শোধবোধ কোনটারই বালাই নেই। সে চলে নিজের হৃদয়াবেগে। হৃদয়াবেগে চলায় মানুষের স্ত্রের চেয়ে দুঃখ বেশী। সে দুঃখ কেউ কেউ রোধ করতে পারে না। কিন্তু নিজে সে সেই দুঃখের বিষয়ে সচেতন নয়। আসলে পাঁচুগোপাল আমাকে কাল অপমান করে নি। ওটাও তার হৃদয়াবেগেরই একটা ঘটনা মাত্র।

পাঁচুগোপাল বলল, বলল খুবই ঠাণ্ডা গলায়, ‘ওখান থেকে চলে যাওয়ার জন্ম কে তোমাকে মাথার দিবা দিয়েছে?’

বললাম, ‘দেয় নি। তা ছাড়া প্রহ্লাদবাবুদের ক্যাম্পটাও তো আমার ছেড়ে দেওয়া উচিত।’

পাঁচুগোপাল ঈষৎ চটল। বলল, ‘তোমার মাথা। যেখানে উঠেছ, কপালগুণে উঠে পড়েছ। একবার যখন বুড়ি তোমাকে ঠাই দিয়েছে, তখন

আর ফেরাবে না। তাড়াতাড়ি গিয়ে বুড়ির হাতে খোরাকির পরস্যা গুঁজে দাও তো! তোফা থাকবে আর বেড়াবে। নইলে মরবে।’

বলে আপন মনে বলল কিসকিস করে, ‘এ লাইনে পরলা হাতে খড়ি কি না, তাই এখনো সব ফালতু কথা নিয়ে—’

তবু ভাবছিলাম। শীতের বেলা। দেখতে দেখতে বেলা অনেকখানি বেড়ে উঠেছে। বেলা বাড়ছে আমার। মেলায় কোন বেলা নেই। মেলায় কলরব ও চীৎকার, যাওয়া-আসার শেষ নেই। ভাবছিলাম প্রাণভরে হুদিন ঘুরব। কত ঘোরা আমার এখনো বাকি। কত কিছু বাকি। কিন্তু ওই ক্যাস্পে থেকে আমার মনের স্থখটুকু, শান্তিটুকু যাবে না তো!

কী ভেবে পাঁচুগোপাল দ্রুত ঘুরে দাঁড়াল আমার দিকে। বলল, ‘ত্যাখ, একটা কথা বলব?’ গলায় আবার তার খ্যাপামির আভাস। বললাম, ‘বলুন।’

গলা আর-একটু চড়িয়ে বলল, ‘তোমার মত দেখতে ওরকম ছেলে ভাল হয় বলে আমি বিশ্বাস করি না। কিন্তু তুমি যদি চলে যাও, তাহলে সত্যি বলছি, মনে বড় দুঃখু পাব। এই বলে দিলাম।’

বলে যেমন দ্রুত ঘুরেছিল, তেমনি দ্রুত মুখ কিরিয়ে দাঁড়াল সে। দাঁড়িয়ে বোধহয় উৎকর্ষ হয়ে রইল।

ব্যাপারটা এমনই হাস্যকর। কিন্তু হাসতে গিয়ে পারলাম না হাসতে। হাসিটা ছুটে আসতে গিয়ে থচ করে আটকে রইল বুকের মাঝে।

ওই ভঙ্গিতে তাকে এখন যে দেখবে, সে হাসবে। তাই তো হয়। পাঁচুগোপাল তার দুঃখ দিয়ে পরকে হাসায়। ওটাই পাগলের বিড়ম্বনা। মানুষ জলেপুড়ে পাগল হয়। আমরা পাগল দেখে হাসি। বিশ্বের নিয়মটাই এমনি বিচিত্র।

সেই বিচিত্রের মতই, পাঁচুগোপালের বিচিত্র মনের গতি কখন এক সময়ে আমার দিকে দু-হাত বাড়িয়ে দিয়েছে। বোধহয় বন্ধুত্ব পেতেছে; পেতেছে মন। ভালবেসেছে। হৃদয়াবেগের গতিই এমনি।

আসলে বোধহয় আমাদের মত ছেলেমেয়েদেরই সে ভালবাসে সবচেয়ে বেশী। কে জানত, পাঁচুগোপালের মত মানুষের সঙ্গে এখানে দেখা হবে। কে জানত, গলা চড়িয়ে সে আবার বলবে, ‘তুমি চলে গেলে দুঃখু পাব।’ বলে ছেলেমানুষের মত দাঁড়িয়ে থাকবে মুখ ঘুরিয়ে। যে অমনি করে বলে, তাকে ছেড়ে গেলে মনের মধ্যে অশান্তি হবে।

বললাম, 'তাহলে চলুন, যাওয়া যাক।'

পাঁচুগোপাল মুখ ফেরাল না। আড়চোখে দেখল। দেখে ধীরে ধীরে
ইটা ধরল।

একটা সিগারেট বাড়িয়ে দিলাম। নিল না। বলল, 'ওতে কিছু হয় না।
দেও তো, দু-আনা পয়সা দেও, একটু নেশা করি।'

বুঝলাম, গাঁজা কেনা হবে। কিন্তু এখানে কোথায় পাওয়া যাবে? দু-আনা
পয়সা দিলাম তাকে।

এদিক ওদিক দেখে, পাঁচুগোপাল একটি সাধুকে পেখে ডাকল, 'হোই
বাবা।'

সাধু দাঁড়াল। ভিড়ের ঠেলাঠেলি। বেচারী। বরফ হয়ে জিঙ্গেস করল,
'কেয়া বেটা?'

পাঁচুগোপাল বলল, 'খোড়া ইধার রূপা কর বাবা।'

সাধু এল। পাঁচুগোপাল পয়সা দু-আনা তাকে দিয়ে বলল, 'খোড়া সপ্তমী
রূপা কর বাবা। অব শহর যানা বহুত মুশকিল।'

সাধু একবার সংশয়ান্বিত নজরে তাকাল আমার দিকে। আমি ভাবছিলাম,
সপ্তমীটা আবার কী বস্তু।

সাধু জিঙ্গেস করল পাঁচুগোপালকে, 'কোনা জমাত?'

পাঁচুগোপাল জবাব দিল, 'অব ঘর কি জমাত বাবা। চুঁরতে হায় গুরু।
পহলি গুরুকো ছোড় দিয়া।'

সাধু জিত দিয়ে করুণা ও আক্ষেপসূচক ধ্বনি করে বলল, 'বিষু ব্রহ্মচারীকে
আশ্রমমে ভেট কর বাবা। গুরু মিল যায়েগা।'

বলে পয়সা দু-আনা নিল। বুলি হাতড়ে বের করে দিল ছোট্ট একটি
পুঁরিয়া। তারপর নমস্কার করে চলে গেল আবার।

আমি অবাক হয়ে জিঙ্গেস করলাম, 'সপ্তমীটা কী?'

পাঁচুগোপাল বলল, 'মহাদেবের ধূমপান। যার নাম গাঁজা। অনেক
সাধুদের মধ্যে গাঁজাকে ওই নামে ডাকা হয়।'

বলে পাঁচুগোপাল বিকৃত মুখে বলল, 'হুঁ, এবার গুরু ধরব ওর বিষু
ব্রহ্মচারীর আশ্রমে। বলে, কত হাতি গেল তল, মশা বলে কত জল।
ভাগ ভাগ।'

ব্যাপারটি সব বুঝলাম না। জিঙ্গেস করব ভাবলাম। পাঁচুগোপাল তখন
গাঁজা তৈরীতে মনোযোগ দিয়েছে।

প্রায় পনেরো মিনিট হেঁটে আবার সেই ক্যাম্প এসে হাজির হলাম। রান্না থাওয়া, মাইকের মর্মোপদেশ, সব মিলিয়ে আশ্রম একেবারে জমজমাট।

প্রহ্লাদ কোথেকে ছুটে এসে বলল, ‘ও বাবা, তোমরা বেড়ে ডুবে ডুবে জল খাও, শিবের বাবাও টের পায় না। আর আমি শালা মুখ চোকাচ্ছি তখন থেকে। খুব তুমি যা হোক ডাক্তার খুড়ো।’

প্রহ্লাদের কথাটা ঠিক অনুমান করতে পারলাম না। ডুবে জল খাওয়ার মত পাপ তো কিছু করি নি। যা করেছি, তা বিশ্ব-সংসারের মত শিবের বাবাও জানেন বৈ কি।

পাঁচুগোপাল ধমকে উঠল, ‘মাকড়া কোথাকার। কাকে কী বলছিস। ছেলেটা আমাকে দু-আনা দিল, তাই দিয়েই তো’—বলে পাঁচুগোপাল মুঠো খুলে দেখিয়ে দিল পরমবস্তুটি।

প্রহ্লাদ আনন্দে পেলাদ হয়ে উঠল। বলল, ‘মাইরি। ওর চলে না বুঝি? তাই বল। আমি যে এদিকে হেঁপে মরছি কাকা তোমার জন্তে।’

পাঁচুগোপাল হাত পেতে বললে, ‘কই, দেখি, আগে আসল চীজটি বার কর দিকিনি।’

বলতে না বলতে প্রহ্লাদ কয়েক আনা পয়সা তুলে দিল পাঁচুগোপালের হাতে। পয়সাগুলি পকেটে রেখে পাঁচুগোপাল বললে, ‘চলে আয় আমার সঙ্গে।’

প্রহ্লাদের আনন্দ আর ধরে না। পাঁচুগোপালের পেছনে পেছনে চলল ঘাড় উচিয়ে। বুঝলাম, ওদের দুজনেরই এখন আর অন্য কিছু ভাববার সময় নেই। আমি তো দূরের কথা। ফিরেও তাকাল না। ওতেই আনন্দ। মুঠোয় আছে প্রাণের নার। আর কিছু চাই নে।

কিম্ আশ্চর্যম্! নেশা নয়, পাঁচুগোপালের কথাই ভাবছি। ভাবতে গিয়ে হাসিও পেল। হাসি নয়, হাসির নামাস্তর। নিজের কথা ভেবে কাউকে করুণা করতেও লজ্জা পাই। হাসিটা দুঃখের।

সবাই আমরা মনের মত বস্তুটি খুঁজছি। মনে মনে খাপা আমরা সবাই। আমাদের রকমারি বিচিত্র বেশ। পাঁচুগোপাল গাঁজা নিয়ে মাতামাতি করছে, যেন ওই ছাড়া আর কাম্য ধন নেই। কখন দেখব, সব ফেলে টেঁচামেচি হাঁক-ডাক করে একলাই মাথায় করে তুলেছে সারা কুস্তমেল। কিন্তু সবটাই উপরের জিনিস। মনটা কে দেখে।

হেসে ফিরতে গিয়ে দেখি কালকের সেই গেরুয়াধারী। পাঁচুগোপাল থাকে সঙ্গে করে এনেছিল। মন চমকালো। ফাঁড়া কেটেছে কি-না কে

জানে ? পাঁচুগোপাল তো ঠেকিয়ে দিয়ে গেল ।

গেরুয়াধারী বলল, 'হাসছেন যে ?'

বললাম, 'পাঁচুগোপালের কথা ভেবে ।'

গেরুয়াধারী হেসে বলল, 'আপনার সঙ্গে ওর আলাপ হয়ে গেছে নাকি ?'

বললাম, 'একরকম ।'

গেরুয়াধারী হাসল বহুশ্রের হাসি । বলল, 'একরকম তো বটে । কী রকম সেটা বলুন ।'

বলে চোখাচোখি হতেই হেসে উঠল সরবে । নিজেই বলল আবার, 'থাক আপনাকে বলতে হবে না । আন্দাজই করা যাচ্ছে । ও আমাদের কানীর আশ্রমে এক নাগাড়ে তিন বছর ছিল এক সময়ে । তখন সাধু হয়েছিল । জালিয়ে খেয়েছে আমাদের সবাইকে ।'

জিজ্ঞেস করলাম, 'কেন বলুন তো ?'

সন্ন্যাসী বিস্মিত হয়ে বলল, 'ও তো পাগল । বন্ধ পাগল । আমাদের মোহান্তকেই মারতে গেছল । কোন কোন সম্প্রদায়ের কিছু কিছু গুহ্য কর্তব্য করণীয় আছে তো । সেগুলো ও সহ্য করতে পারত না । সাধুদের উপরও ও খুব চটা জানেন তো ?'

হবে হয়তো । কিন্তু সেরকম কোন কথা শুনি নি তার মুখে । কোন জবাব না দিয়ে তাকিয়ে রইলাম পাঁচুগোপালের চলার পথের দিকে । সত্যি, বন্ধ পাগলই বটে ।

গেরুয়াধারী বলে উঠল, 'অবশ্য কালকে ওর কথাতেই আপনার কাছে আমাকে আসতে হয়েছিল । যা-ই হোক, ওগুলো আমাদের কর্তব্য তো !'

তাড়াতাড়ি বললাম, 'তা তো বটেই ।'

সে আবার বলল, 'তা ছাড়া, আশ্রমে আপনার হুবিধা-অহুবিধার দিকে আমার নজর রাখাও কর্তব্য । অর্থাৎ duty । আমি একাধারে এ আশ্রমের হিসাবী, অর্থাৎ মুহুরী । আর একাধারে কোতোয়াল । বলতে পারেন ম্যানেজার ।'

শুনে কৌতূহল হল, জিজ্ঞেস করলাম, 'আপনাদের আবার এসবও আছে নাকি ?'

'নেই ?' আ তুলে বলল, 'কী নেই বলুন । একটা প্রতিষ্ঠান চালাতে হলে যা যা দরকার, আমাদের সবই আছে । সব পাবেন এখানে । যা চাইবেন । অফিস চালাতে হলে অফিসার চাই, ম্যানেজার চাই, কেরানী চাই ।

সংসার চালাতে নিয়মের দরকার নেই? দরকার নেই নিষ্ঠার? আশ্রমেরও তেমন নিয়ম আছে বৈকি। বিশেষ, বাইরে যখন আমরা জমায়েত হই। মোহান্তের নীচে আছে পূজারী, কুঠারী কারবারী, হিসাবী, কোতোয়াল, ভাণ্ডারী, পাহারাদার, তুরীবাদক। কত কি! নইলে কি মনে করেছেন, এত বড় ব্যাপারটা আপনি আপনি হচ্ছে?

তা তো নয়-ই। কিন্তু এত সব জানতাম না। বাংলাদেশের কোন কোন আশ্রমে আধুনিক নিয়ম কালনের ব্যবস্থার কথা শুনেছি। কারণ ধর্মের গতি ছেড়ে সেখানে তাদের গতি সমাজের বৃদ্ধি। কিন্তু সন্ন্যাসীর আবার এত নিয়ম-কালন কিসের। এ যে জমিদারী সেরেস্তা চালানোর ব্যাপার।

সন্ন্যাসী ব্যাখ্যা করে চলল কার কী কাজ। ভাণ্ডারী দেখবে ভাণ্ডার, পাহারাদার দেবে পাহারা। মনে হচ্ছে বুঝি, এখানে কোথায় কী ঘটেছে কেউ জানে না। সব নখদর্পণে আছে। পাহারাদার নজর রেখেছে কড়া। একটু এদিক ওদিক হলে ধরবে এসে চেপে। খোয়া যাবার উপায় নেই কিছু। টাকাপয়সা? সব জমা আছে কারবারীর কাছে। কারবারী হল আশ্রমের ক্যাশিয়ার। টাকা দিচ্ছে নিচ্ছে, হিসাব রাখছে মুহুরী। একটি আধলা এদিক ওদিক হওয়ার যো নেই। মায় গাজা-সুখার হিসাবটি পর্বন্ত। হাতে নিয়ে ডললাম, হাঁক দিলাম আর কলকে ফুকলাম, তা নয়। যে যা পাচ্ছ, আগে জমা দাও। তারপর নিজের পাওনাটি নিয়ে ভোগ কর। তুমিও শিব, আমিও শিব। তাহলে আর কি! এস সবাই মিলে গ্যাংটা হয়ে নাচি। উঁহু! সেটি চলবে না। আইন মেনে চলতে হবে সবাইকে। সন্ন্যাসী তো সকলেই। যে আইন দেখে আর আইন মানে। পূজারী রয়েছে। সময়মত নিয়মমত পূজা কর আগে। হ্যাঁ, অগ্নায় অপরাধ আছে বৈ কি। বিচার হয়। সবাই মিলে যে পঞ্চায়েত তৈরী হয়েছে, সেই পঞ্চায়েত বিচার করে। বিচারকর্তা মোহান্ত বলতে পার। ওখানে বড় একটা কারুর হাত চলে না। বিচারে সাজা হয়। কতরকম সাজা আছে। জেল ফাঁসি দড়ি কেন? সন্ন্যাসীর সাজা তার চেয়েও কঠিন। সকলে বুঝবে না। সাজা মানলে ভাল। নইলে বহিষ্কার! সন্ন্যাসী-জীবনের দফা গয়া। বেরিয়ে গেলো তো সে মরে গেল। মৃতের সম্মান। তার কাজের দায় আর নিচ্ছে কে? অধিকার? সমানঅধিকার? ওই কথাটা নিয়েই দেশে আজকাল বড় বাদানুবাদ, হ্যাঁ, তাই তো। যার যেমন, তার তেমন। গুণ বুঝে কদর। কাজ বুঝে দাম। আমি নারকেলগাছ। উঁচু হয়ে মাথা তুলেছি আকাশে। ফল দিই ডাব আর নারকেল। সে এক

রস। ঝাপা ঝোপা ছোট্ট আমগাছটি দেয় আম। নিংড়ে খাও। সে আর এক রস। যারটি যেমন, তারটি তেমন বলব। পেয়ারাকে জামরুল বলে খেলে তুমিই ঠকবে। কাজে কুঁড়ে, ভোজনে দেড়ে আর ছাই মেখে জটা নেড়ে সবার উপর তর্জি করে বেড়াবে, সেটি হচ্ছে না। তার কোন অধিকার নেই। সমান অসমান, কোনটাই নয়।

বলে কি, এ তো দেখছি সংসারের কথা। সমাজের কথা। এই থেকেই আসে রাষ্ট্রের কথা। বললাম, 'আপনাদের আবার এত নিয়ম-কানুন কিসের? ওসব তো আমাদের। সাধারণ মানুষের।'

নিয়ম-কানুন থাকবে না কেন? বিশ্বের নিয়ম-কানুন আছে। দিন হয়, রাত্রি হয়, ঋতু বদলায়। সবই সেই নিয়মের মধ্যে। মাস গেলে রোজগারটি করতে হলে, মুখে ভাত গুঁজে ছুটতে হয় না অকিসে? সকাল হলে ঝাপ খুলতে হয় না দোকানের? খালি অ্যালাকাড়ি বুঝি ভগবান পাওয়ার বেলায়? সেখানে আইন-কানুন নেই বুঝি? ওটা হল ফোকোটিয়া, না? তা হবে না।

কিন্তু আমরা তো জানি সিদ্ধপুরুষেরা ভাব-ভোলা। সময় জ্ঞান রহিত। কখন কী করেন আর কখন কী বলেন, অগ্র মানুষের উপায় নেই।

সন্ন্যাসী হাসল! হেসে বলল, 'সিদ্ধপুরুষ? সে কজনা? এই যে দেখছেন, এত বড় কুস্তমেলা আর দেশের তাবৎ সাধু সন্ন্যাসী যোগী, এর মধ্যে কার সিদ্ধিলাভ হয়েছে, কে বলতে পারে। যার হয়েছে তাকে কে চিনতে পারবে? সে যে কী বেশে, কী রূপে কোথায় ঘুরে বেড়াচ্ছে, কে বলবে? তার নিয়ম নেই? তার নিয়মের যে চাড়া নেই। এই বাহ্যিক জগতের সঙ্গে তার যোগাযোগ কতটুকু? নিয়ম তার অগ্র লোকে, অগ্রখানে। সে-নিয়মের স্মৃতি-কাঠি কে দেখতে পাবে? তার যে চলতে নিয়ম, নিয়ম খেতে-বসতে।'

বলতে বলতে দিব্যি হাসিমুখে সন্ন্যাসী গভীর হয়ে উঠল। চোখের দৃষ্টি তার স্বাভাবিক হয়েছে বলে মনে হল না। হাত জোড় করে আপন মনেই বলে চলল, 'যেখানেই থাক, এখানে তাকে আসতে হবে। মাঘ মাসের প্রয়াগ ছেড়ে তার কোথাও যাবার উপায় নেই। কিন্তু কে চিনতে পারবে। যে মোহাস্তের সঙ্গে বছরের পর বছর ঘুরে বেড়াচ্ছি, হয়তো উনিই সেই মানুষ। দত্তাত্রেয়র পাছুকা-পুজারী হয়তো ছদ্মবেশে ঘুরছে আমারই সঙ্গে সঙ্গে। কে জানে? কে জানে—'

বলে আমার দিকে চেয়ে এবার অদ্ভুত হেসে বলল, 'এমনি প্যাণ্ট পরে আর অলস্টার গায়ে দিয়ে তিনি হয়তো দিব্যি ভদ্রলোক সঙ্গে ঘুরে বেড়াচ্ছেন!

কী করে জানব।’

আজ ভোরবেলা অবধূতের মুখেও যেন এমনিধারা কথাই শুনেছি। সিদ্ধিপ্রাপ্ত সাধক—ভগবান কখন কোন্ বেশে তার সামনে দিয়ে চলে যাবে। খ্যাপা খুঁজে খুঁজে কখন পরশ পাথরটি ছুঁড়ে ফেলে দিয়ে যাবে নদীর জলে। এমনি একটি বিশ্বাস যেন এদের সকলের মনে রয়েছে। সেই বিশ্বাসের মধ্যে রয়েছে একটি বিচিত্র আবেগ ও ভক্তি। তাই, ওই কথা বলতে গেলেই ভক্তি ও বিশ্বাসের আবেগে সে হঠাৎ অচ্য মাহু্য হয়ে ওঠে। এখানে আমার বক্তব্য ও মন্তব্য, দুই-ই নিম্প্রয়োজন।

সন্ন্যাসী নিজেই আমায় পরিষ্কার গলায় বলল, ‘যাক, ওসব কথা পরে এক সময় হবে। আজ বিকেলে রামজীদাসী আসছেন। কোথাও যাবেন না যেন।’

জিজ্ঞেস করলাম, ‘তিনি কে?’

‘সে কি, রামদাসজীর কথা শোনে নি? তিনি একজন সাধিকা। আমাদের মাইকে তো অনেকবার বলা হচ্ছে আজ সে কথা। তিনি রোজ রোজ এক-একটি আশ্রমে ঘুরে বেড়াবেন। খবর পাঠিয়েছেন, আজ এখানে আসবেন। তিনি হিমাচল প্রদেশের মেয়ে। এলে বুঝতে পারবেন সব। যান, আপনার আর দেরি করাব না, অনেক বেলা হল।’

বলে, যাবার উদ্দেগ করে ফিরে দাঁড়াল আবার। বলল, ‘আপনার তাঁবু চিনতে পারবেন তো?’

পারব না কেন? তাঁবুর সারির দিকে ফিরে তাকালাম। সর্বনাশ! তাই তো! সবই একরকম দেখতে, আর একেবারে গায়ে গায়ে। বেরিয়েছিলাম রাতি থাকতে। কোনখান থেকে বেরিয়েছিলাম, মনে থাকার কথা নয়। তা ছাড়া এমনিতে বোঝা মুশকিল। সেই রেল কলোনির রকের মত না চিনে খালি পরের বাড়ি ঊকিঝুঁকি। নির্দোষকে গুণতে হয় কটুভক্তি।

আমার বিভ্রান্তি দেখে গেরুয়াধারী হাসল। গেরুয়াধারী নয়, কোতোয়ালই বলা যাক। বলল, ‘কেমন, ঠিক ধরেছি তো? অবশ্য দু-একদিন গেলে ঠিক চিনতে পারবেন। তবে প্রথম প্রথম বড় অসুবিধা হয় নিজেই বুঝি। তবে তার দরকার হবে না। ওই যে তাঁবুটা দেখছেন, একটি বুড়ি বসে আছে, তার ডানদিকের তাঁবুটা আপনার। দেখবেন, খড়িমাটি দিয়ে হিন্দীতে লেখা আছে আরো নম্বর।’

হেসে ফেললাম।—‘সত্যি, আপনি না বললে ভারি বিপদে পড়তাম। কিন্তু

একটা কথা আপনাকে জিজ্ঞেস করব।’

‘করুন।’

‘আপনি কি বাঙালী?’

কোতোয়াল হাসল। হাসিটি সব সময়েই একটু অর্থবোধক। বলল, ‘ওটা কি খুব বড় কথা? তবে হ্যাঁ, আমি বাঙালী। জন্মেছিলাম বাংলাদেশেই। দেখুন, মানুষের জিজ্ঞাসার অন্ত নেই, আর অন্ত নেই জবাবের। আমি হয়তো আপনাকে সব কথার জবাব-ই দিতে পারব না।’

বলে হেসে চলে গেল কোতোয়াল। অদ্ভুত ভদ্র তো লোকটি। প্রশ্ন না করার অভিপ্রায় জানিয়ে গেল হাসতে হাসতে।

ওদিকে মঞ্চের উপর মোহান্ত। তার পাশে বসে গায়ক ধরেছে গান। গলা মিলিয়েছে তানপুরার সঙ্গে। একটি করে গান হয়। গানের শেষে মোহান্ত উপদেশ দান করেন, ধর্মের কথা শোনান।

ভিড়ও হয়েছে কম নয়। অধিকাংশই এই আশ্রমের নরনারী নয়। যেখানে হোক ছুটে ছুটে এসে বসেছে সবাই। কোথাও বসে কিছুক্ষণ ধর্মের গীত ও কথা শোনা নিয়ে কথা। এর মধ্যেই চলেছে দেখছি নানান গল্পগুজব। সামনেই দাঁড়িয়ে হেসে জটলা করছে জনা পাঁচ-ছয় পাঞ্জাবী মহিলা। পায়জামা, পাঞ্জাবী আর ওড়নার রঙ রূপে একগোছা ফুলের মত রয়েছেন ফুটে। কিসের কথা, বুঝি নে। হাসিতে বাজছে শত নৃপুত্রের রিনিঝিনি। তাই দেখে কয়েক জন মহিলা রয়েছেন চোখ বাঁকিয়ে। ভাবখানা, হাসতে হয় বাইরে গিয়ে হাসো, এখানে কেন?

কয়েক বিঘা জুড়ে আশ্রমের পরিধি। কতকগুলি অপোগণ্ড দিব্যি চালিয়েছে ছুটে ছুটে খেলা। ধরাধরি আর পাকড়াপাকড়ি। তাদের হঠাৎ-হাসির ঝলকে চমকে তুলছে আশ্রমের গুরু-গম্ভীর জমায়েত ও পরিবেশ। এদিকে বাতাসে ভাসছে ঘিয়ের গন্ধ। তারই সঙ্গে সঙ্গে যেন বাংলা রান্নার কোড়নের পরিচিত গন্ধটিও নাকে এসে লাগছে।

তাঁবুর সামনে এসেও ভাবনা। আধাআধি বথরা। কোন্‌দিকেরটি? বোধহয় বাদিকেরটিই। সামনে পর্দার মত ক্যাশিসের ঢাকনা। তুলে দেখব অন্য লোক।

তুলে দেখলাম, সত্যি তাই। হাঁটু মুড়ে বসে একটি ছোট মেয়ে। বোধহয় বাঙালী।

ফ্রকের নীচে গাছকোমর করে বাঁধা রঙীন তাঁতের শাড়ি। ঝাড়ের কাছে

ঝুলছে বাসি বিহুনি। কিছু একটা গালে পুরে, গাল ফুলিয়ে দিবি চিবুচ্ছে
আর মাথা নেড়ে নেড়ে গুলগুল করছে। এক মুহূর্তের ব্যাপার। নজরটা তীক্ষ্ণ
করলাম। সিঁথিতে সিঁথুর রয়েছে মনে হল। আর মনে হওয়া! মনে হতে
না হতেই মেয়েটি অদ্ভুত চাঁৎকারে একেবারে লাক দিয়ে উঠল! তড়িঘড়ি
করে খুলল গাছকোমর। বাধা আঁচল খুলেই মাথার উপর টেনে একেবারে
কলাবউ! কোল থেকে ছড়িয়ে পড়ল এক রাশ টোপা টোপা বিলিতি কুল।

ছি ছি ছি, আমারই ভুল। বালিকা যে আমাদের পেলাদের পরিবার।
লজ্জার চেয়ে হাসি পেল বেশী। তার চেয়ে বেশী বিস্ময় এক ফোঁটা মেয়ের
সর্বাস্থে এত লজ্জা এল কোথেকে। অন্য দেশের মেয়ের কেন, আজ নিজের
দেশের এমনি মেয়েরাই তো এ বয়সে বই-স্নেট নিয়ে দিদিমণির দারস্থ হয়।
অবশ্য পুতুলরূপী পুত্রকন্যাদের বিয়ের ভাবনায় এখন থেকেই ভাবী খাণ্ডড়ী
হওয়ার মক্শ করা হয়। দিব্যি মাথার উপর বউ দিয়ে, অর্থাৎ ঘোমটা টেনে
বউ বউ খেলা হয়।

কিন্তু এ যে সত্যি বউ। মাথায় উঠল কুল খাওয়া। পর পুরুষের সামনে
এ যে রীতিমত লজ্জাবতী বাঙালী বধু। কালকেও দেখেছি। কিন্তু শাড়ির
আড়ালে গ্রন্থীদের পরিবারটি এত ছোট, তা অনুমান করতে পারিনি! শত
হলেও পরস্ত্রী। ইচ্ছে হলেও কি করে বলি, খুকি, কুল কটা খেয়ে নাও।
খুকি বলা দূরের কথা, তুমি করে বলাটাই সমীচীন কি-না বুঝতে পারছি নে।

কিন্তু বেচারী এমন জড়োসড়ো হয়ে দাঁড়িয়ে রয়েছে! কিছু না বলাটাও ঠিক
নয়। আহা, ছড়ানো টোপা কুলগুলিও বালিকার আঁচলহারা হয়ে বিবল
হয়ে উঠেছে।

না, অত আর অগ্রপশ্চাৎ ভাবা চলে না। বললাম, 'কুল কটা
কুড়িয়ে নাও।'

বলার অপেক্ষা মাত্র। অমনি ছোট হাত বাড়িয়ে টুক-টুক করে আঁচল-
জাত করল কুলগুলি। করেও আবার দাঁড়িয়ে রইল তেমনি।

বললাম, 'এবার খাও। আমি ততক্ষণ জামাকাপড় ছাড়ি।'

বলে ওভারকোটটা খুলতে গিয়ে দেখি বালিকা ঘোমটার আড়াল থেকে
দিব্যি পিট-পিট করে দেখছে আমার দিকে। বোধহয় যাচাই করা হচ্ছে
আমাকে। চোখাচোখি হতেই আবার আড়াল হল মুখ।

মনে মনে ভারি হাসি পেল। ওভারকোট ছেড়ে জামা খোলবার উদ্যোগ
করছি। ভাবছি, প্রয়োজনীয় দু-একটি কথা জিজ্ঞেস করব কি-না একে।

ভাবতে ভাবতেই এক অভাবিত ব্যাপার।

গ্রন্থীদের পরিবার ফরফর করে বাইরের পর্দার কাছে গিয়ে দাঁড়াল। তারপর হঠাৎ ঘোমটার আড়াল থেকেই বাঁজমিশ্রিত বালিকা-কণ্ঠ ভেসে এল, 'কোথায় যাওয়া হয়েছিল? দিমা আসুক, দেখাবে 'খনি।'

বলার সঙ্গে সঙ্গেই সে একেবারে অদৃশ্য। বিস্ময়ে আমি জিভটা কামড়ে ফেললাম কি-ন', সেটুকুও মনে নেই। এ যে বিনা মেঘে বজ্রপাত। জামা খোলার উত্তোষ করে যেমন দাঁড়িয়েছিলাম, দাঁড়িয়ে রইলাম তেমনি। আমাকেই বলল তো! রীতিমত শাসন! শাসন নয়, ঝগড়া ঘোষণা করে গেল। আর আমি কোথায় ভাবছি, ঘোমটা-ঢাকা এক লজ্জাবতী বালিকা মাত্র। কুলের শোকে কেঁদে না ফেলে। সে যে এমনিধারা মুখঝামটা দিতে পারে, কে জানত? বাইরে মাইকে ব্যাখ্যা হচ্ছে মাণ্ডুক্যোপনিষদ্। আর আমি একলা এই তাঁবু কোটরে পাগলের মত হেসে উঠলাম। কুস্তমেলয় এমনি এক বাঙালী গিন্নিও যে আছে, তা কি কেউ জানে!

একটু পরেই দেখি যে, আবার এসে হাজির। ঘোমটার আড়াল আছে ঠিক তেমনি। এসে ছোট্ট একটি তেলের শিশি রাখল আমার সামনে। রেখে বসল গিয়ে আবার নিজের জায়গায়। যেখানে বসেছিল আগে। বসে আবার ঘোমটার আড়াল থেকে শাসানির স্বর শোনা গেল, 'তাড়াতাড়ি নেয়ে এসো। দিমা বলে দিয়েছে। নইলে দেখবে 'খনি।'

সত্যি আর দেখাদেখির দরকার নেই। কিন্তু তেল মাখব কী করে? তীর্থক্ষেত্রে তো আবার তেল মাঝে মাঝে বারণ। বললাম, 'তেল দিলে কে? দিদিমা?'

এক মুহূর্ত চুপ। তারপর একটু চাপা গলা শোনা গেল, 'না। আমিই এনেছি। চটপট নাও। নইলে দিমা আমার মুণ্ডপাত করবে।'

লুকিয়ে তেল এনেছে! এতখানি দয়া স্ববুদ্ধি তার হয়েছে। গ্রন্থীদের পরিবার দেখছি গুণু কাঁচা নয়, হৃদয়টি তার রীতিমত কাঁচা-মিঠের স্বাদে অপূর্ব। এর পর বালিকা বলে অবজ্ঞা করব, তেমন সাহস আমার নেই।

নির্দেশ মাত্র খালি গায়ে বসে গেলাম তেল মাখতে। জিজ্ঞেস করলাম, 'দিদিমা কী করছে?'

বালিকার মেজাজটি সব সময়েই যেন চড়ে আছে। বলল, 'কী আবার করবে, রান্না করছে। তোমাদের মত তো নয় যে, খালি টো-টো করে বেড়াবে।'

বলার পরই কটাস করে একটি শব্দ উঠল ঘোমটার মধ্যে। বুঝলাম, এটি ডাশা কুলে কামড় পড়ল।

কিন্তু এত ভৎসনা কেন? বকুনিটা গ্রহ্লাদকে নয় তো! মুখ দেখতে পাচ্ছি নে। কিন্তু বুঝতে পারছি, বালগিনীর চোখে-মুখে কথা! জবাব দিতে গেলে এঁটে ওঠা দায় হবে। শত হলেও ওই দিমার নাভবউ তো!

কিন্তু সত্য কোনটি? ওই ঘোমটা, না খর-কণ্ঠের ধমকানি? বোধহয়, উভয়ই। তা হোক, তবু শাসন আর ধমকানির রূপ কী বিচিত্র উপভোগ্য! বিচিত্রের সন্ধানে ফিরি। ঘরের কানাচে চারাগাছের পাতায় পাতায় যে কত বিচিত্র, তা তাকিয়েও দেখি নে। দেখতে জানি নে, তাই দেখি নে।

একটু বা ভয়েই জিজ্ঞেস করলাম, 'তোমার নামটি কি?'

অমনি কুল-পোরা মুখের কোলা গাল নিমেষে দেখা দিল একবার। দেখা দিল দুটি ডাগর চোখ। চোখে সেই বকুনির আভাস। ভাবখানা, বউ মাছঘের আবার নামের দরকার কি?

তারপরই ঘোমটার তল থেকে জবাব এল, 'কী আবার, ছিরিমোতি বেরজোবালা দেবী।' অর্থাৎ শ্রীমতী ব্রজবালা দেবী। হোক বালিকা, তবু ব্রজবালা বলে তো আর ডাকতে পারি নে তাকে। মনে মনে হেসে বললাম, 'আচ্ছা, তোমাকে আমি না হয় বোঁঠান বলেই ডাকব, কি বল?'

'বোঁঠান?' বলে বিস্মিত গলায় অশ্রুট একটি শব্দ শোনা গেল। তারপরে হাসি। কিকফিক করে হাসতে হাসতে একেবারে খিলখিল হাসিতে তাঁবু-কুটির চমকে উঠল। বুঝলাম, কথাটি ভারি খুশী করেছে তাকে। হাসতে হাসতে হঠাৎ গম্ভীর হয়ে বলল, 'আচ্ছা, বোলো।'

ইতিমধ্যে ঘোমটা উঠে গিয়েছে মাথার মাঝখানে। পরমুহুর্তে আবার অন্ধ ভাব! বেশ খানিকটা ঝুঁকে, চাপা গলায় চোখ বড় বড় করে বলল, 'এখানে একটা ভীষণ কিপটে বুড়ি আছে, জানো। ঠিক পয়সা চাইবে তোমার কাছে। সন্ধ্যার কাছে খেতে চায়। সবাই বলেছে, বুড়িটার অনেক পয়সা আছে। তুমি দিও না যেন!'

বললাম, 'তাই নাকি?' গম্ভীর হয়ে বললাম, 'কথনো দেব না।'

ঘোমটাটি এবার ঘাড়ে নেমেছে। কিন্তু সেদিকে ব্রজবালার খেয়াল নেই। বোধহয়, এতক্ষণে সে একটি সন্ধ্যা পেয়েছে। কথা তার এখনো শেষ হয় নি! আবার তেমনি চাপা গলায় বলল, 'জানো, একটা খুব সোন্দর বউ এসেছে এখানে। কী চোখ, কী মুখ! আমার চেয়েও মাথায় বড় বড় চুল। সেই

বউটা না, কারুর সঙ্গে কথা বলে না কেন জান ?’

থতিয়ে গেলাম গ্রন্থ শুনে। ‘অ্যা ? তা তো জানিনে।’

আমাকে অপ্রতিভ দেখে ব্রজবালার ঠোট ছুটি করুণভাবে উল্টে গেল। বলল, ‘জান না তো। তার স্বামী নাকি দশ বছোর আগে সাধু হয়ে বেরিয়ে গেছে। সেইজন্তে দেওরের সঙ্গে এখানে এসেছে। এখানে দেশের সব সাধুটাধু আসে কি না, তাই এসেছে। যদি খুঁজে পাওয়া যায় তাই।’

কে সেই নির্বাক সুন্দরী বউ তাকে দেখি নি, জানিও নে কিছু। ‘তাই নাকি’ ছাড়া ব্রজবালাকে কী বলতে পারি! রীতিমত সিরিয়স হয়ে বললাম, ‘তাই নাকি ?’

ব্রজর ছোট মুখে কী বিচিত্র ব্যথিত বিষ্ময়ের অভিব্যক্তি! বলল, ‘হ্যা গো। আমি দেখেছি যে! আচ্ছা তোমাকে চুপি চুপি দেখিয়ে দেব’খনি।’

চুপি চুপি সেই দেখাটা কতখানি বুদ্ধিমানের কাজ হবে জানি নে। আপাতত বলতে হল, ‘আচ্ছা।’

কিন্তু ব্রজবালার কথা তখনো শেষ হয় নি। রামধনুর রঙের খেলা তার চোখে মুখে। এই একরকম। তারপরেই আর একরকম। আচমকা তার মুখে ফুটল এক দিশেহারা ভয়ের চিহ্ন। বলল, ‘জানো এখানে বড় চোরের উপদ্রাব।’

উপদ্রাবের নিশ্চয়ই উপদ্রব। ভাষাটাই একটা উপদ্রব বিশেষ। কিন্তু কী চুরি হল ব্রজবালার ? আমার ভাবনার ফাঁকে ব্রজ আবার হেসে কুটিপাটি। বলল, ‘জানো, আজ ভোর রাত্রে সবাই একটা চোরকে তাড়া করেছিল। মেয়েমানুষ চোর !’

মেয়েমানুষ চোর ! কিম্ আশ্চর্যম্ ! এত গুঢ় সংবাদ ব্রজবালা কী করে সংগ্রহ করল। এ তো রীতিমত খবরের কাগজের রিপোর্টারের চেয়েও দুরূহ কাজ। জিজ্ঞেস করলাম, ‘মেয়েমানুষ কী করে জানা গেল ?’

ব্রজ কুলের বীচিটিকে এবার মুখ থেকে মুক্তি দিল। বলল চোখ বড় করে, ‘ওমা সবাই বলল। তা ছাড়া, সে যে আবার এসেছিল। ত্যাখো নি, পুর্বদিকের বেড়া অনেকটা ভেঙে কেলছে। সেখান দিয়ে সকালবেলা মাখা গলিয়েছিল। একজন দেখে ফেলল, তাই তো আবার পালিয়ে গেছে।’ তারপর গলাটি আরও চেপে বলল ব্রজবালা, ‘মেয়েমানুষটা নাকি খারাপ। ওকে ধরতে পারলে না—পুলিশে দিয়ে দেবে বলেছে, হ্যা !’

ডবল সিরিয়স হওয়া যায় কি-না জানি নে। আমি গলার স্বরটা অদ্ভুত

রকম করে আবার বললাম, ‘তাই নাকি?’

ব্রজ তার ছোট্ট, সুন্দর মুখটি বঁকিয়ে বলল, ‘হ্যাঁ গো!’

পরমুহুর্তেই ব্রজবালার চোখ দুটি চকিত আগুনের ঝিলিকে জ্বলে উঠল। বলল, ‘হ্যাঁ গো! সেই মেয়ে চোরটাকে আমি নিজের চোখে দেখিচি। খুঁউ-ব সুন্দর। ধবধবে গায়ের রঙ। একজন নয়, ওরকম অনেক আছে। দিমা বলেছে, ওরা নাকি ছেলেও চুরি করে।’

চোখ কপালে তুলে বলতে হল আমাকে, ‘সর্বনাশ!’ তারপর বললাম, একটু স্বস্তির নিঃশ্বাস ফেলে, ‘যাকগে, যার ছেলে নেবে তার ছেলে নেবে। তোমার তো ছেলে নেই।’

ওমা! ব্রজবালার ঠোট ফুলে উঠল অমনি ওই টোপা কুলের মত। পাকা বউটির মত টেনে দিল ঘোমটা। কি ভাগ্যি, মুখ-চাকা পড়ে নি। দুশ্চিন্তাভরা ডাগর চোখ দুটি তুলে বলল, ‘তা বলে ভাবনা নেই বুঝি? তোমার দাদা বলছিল, ওকেও নাকি চুরি করে নিয়ে যেতে পারে।’

আমার দাদা! মানে পেলাদ? তা, ব্রজবালাকে যখন বোঁঠান বলেছি, প্রহ্লাদ আমার দাদা বৈ কি! কিন্তু কি অকপট হৃদয় ব্রজর! কি অকুণ্ঠ বিশ্বাস! কী অপরূপ তার ভঙ্গি! কে বলবে, এ এক নাবালিকা বধূ। ভারি হাসি পেল। সাহস হল না হাসতে। তা হলে অনর্থ ঘটবে না!

সত্যিই, পেলাদ তো শুধু বর নয়, ও যে ছেলেও বটে! ব্রজর খেলাঘরের ছেলে, ব্রজর আঁচল-চাপা ছেলে, হৃদয়-জোড়া ছেলে, ব্রজর সংসারের একমাত্র ছেলে। হলই বা সে লিকলিকে কালো গঞ্জিকাসেবী। ব্রজবালার ছোট্ট বুকে ভাবনার অন্ত কোথায়।

কী বিচিত্র সংসার! আর ধন্ত প্রহ্লাদের রসজ্ঞান। সে তার এ নাবালিকা প্রিয়াকে কী বলে এমন এক অসহায় ভাবনায় দেলেছে!

বললাম, ‘তোমার অত ভাবনা কিসের। আমি তো আছি?’

বুক ফুলিয়ে বলি নি। খালি গায়ে তৈল মর্দনে বুকটা এমনিত্তেই টান হয়েছিল একটু। কিন্তু ব্রজ বোঁঠান তাতে ভরসা পেল বলে মনে হল না। এক মুহূর্ত দেখল আমাকে ঘাড় কাত করে। চোখে চাপা সংশয়। তারপর একটি টোপা কুলে কামড় দিয়ে জিজ্ঞেস করল, ‘বে করেছ?’

হঠাৎ বিয়ের কথা? বললাম, ‘কেন?’

ব্রজবালা বলল, ‘আইবুড়ো ছেলেদের ভয়-ই তো বেশী, জানো না?’

জানি নে আবার! কিন্তু ব্রজও যে সেটুকু জানে, তা আবার আমি

জানতাম না। দেখি যত, অরাক মানি তত। ব্রজর যৌবনের সোনার কুঁড়ির
পাপড়ি এখনো দল মেলে নি। বহু সংসারে আগে-পাছে চোরাবালি। তার
রকমই বা কত। সংসারের বোঝা মাথায় নিয়ে, সন্তর্পণে পা টিপে টিপে চলেছে
যে বাংলার চিরকালের মেয়েটি, সে মেয়েটি কিন্তু এর মধ্যেই প্রস্তুতি হয়ে উঠেছে
ব্রজবালার মধ্যে। ফুলফলহীন লকলকে লাউডগাটির মত। ভবিষ্যতের বিরাট
সম্ভাবনা তার ওই চরিত্রের মধ্যে। সংসারের ফুল আর কল চাপা আছে ওই
চরিত্রের মধ্যে। চরিত্রই তো রূপ। ওই রূপ-ই তো চরিত্র। হাড়ি-কড়া-ঘর-
পুকুর, ক্ষেত-খামার-মরাই-লক্ষ্মী, সব আগলে সামলে চলার সংগ্রামী প্রবৃত্তি।
ওইটিই তো আদিম প্রবৃত্তি।

ব্রজ বালিকা! তা আমি জানি। তবু, সংসারের সব ভালমন্দ বোঝার মধ্যে
তার পাপ কোথায়? অকাল-পকতা? কিন্তু ওই দিয়ে তার সংসারের প্রথম
পাঠ শুরু। দিদিমণির ক্রাস রুমে যে সে যেতে পারে নি, সে জাতির দুর্ভাগ্য।
ব্রজর চেয়ে সরলা কে আছে। দিল্লী সেক্রেটারিয়েট থেকে ঘরামি পাড়ার
পুরুষটি পর্যন্ত, ব্রজবালাদের না হলে যে সকল সংসারের ভিত-ই বালি আর বালি।
ভিত গড়ার সেই ব্রজ-আঁটনি আঁঠাল মাটি কোথায়।

ব্রজকে আশ্বাস দিয়ে বললাম, 'বিয়ের কথা বলছ? সে কাজটি আমি অনেক
আগেই মেরে রেখে দিয়েছি। ওই মেয়ে-চোর আমার কিছু করতে
পারবে না।'

বলল, 'সত্যি বলছ?'

হেসে বললাম, 'মিছে মনে হল?'

ব্রজ গম্ভীর হয়ে বলল, 'বলা যায় না। আজকালকার ছেলেরা তো এ
বয়সে বে করে না। তোমাকেও চোখে চোখে রাখা দরকার বাপু। কী জানি
কি হয়। বলা তো যায় না!'

ব্রজর শঙ্কাব্যাকুল চোখের দিকে তাকিয়ে হাসি আর বাধা মানতে চায় না।
মনে মনে বলি, বটে! সেই ভাল। এই মেলা জুড়ে খুঁউ-ব সোন্দর চোর-
মেয়েরা রয়েছে ছেলে ধরার ফাঁদ পেতে। তার মাঝে, ব্রজর চোখে চোখে
থাকার চেয়ে নিশ্চিন্ততা আর কী থাকতে পারে।

তবু বললাম, 'কেন, তোমরা বুঝি আজকালকার ছেলেমেয়ে নও?'

কৌচড়ে তার অগুণ্টি কুল। আর-একটাতে কামড় বসিয়ে গম্ভীর বালিকা
বলল, 'হলেই বা!' তারপর মুখের কুলটি গালে আটকে রেখেই বলল চাপা
গলায়, 'তোমার দাদা তো ভাল মানুষ না। বামোয় ভোগে তবু নেশা-ভাঙ

করে। যদি আর কিছু করে, তাই দিমা আগে থাকতেই বে দিয়ে দিয়েছে।
পুরুষ মানুষ তো!

পুরুষ মানুষ তো! ওই কলকটি আর আমাদের ঘুচল না। যেমন ওদিকে একটু মাথা বেড়ে উঠল, দেখা দিল গোঁফের রেখা, আর অমনি আমরা উঠলাম মাথা বাড়া দিয়ে। দিবানিশি মন আনচান। গুমরে উঠছে বুকের মধ্যে, প্রান যারে চায় তারে নাহি পায়। কোথা গেলে প্রাণসখি, দেখা দেও, এ পোড়া লয়নপথে। অচিরে বাবা মা আর ঠাকমা দিমার দল বিস্মিত উৎকণ্ঠায় চমকিত। ওমা! ডাকরার যে মরণ ধরেছে গো। ডাকরা, অর্থাৎ হাতে পায়ে বেড়ে ঠাটা ডাগর ছেলেকে ওটি স্নেহের গাল। মরণ ধরেছে কিসের। না, মরণ রে, তুঁহ মম শ্রাম সমান। অমনি একটি ব্রজবালাকে এনে ঘুরিয়ে দিল সাত পাক। ওই-ই হল মরণ। ব্যাস, ডাকরার সব জারিজুরি খতম। তখন ব্রজবালা একা-ই একশো।

কথাটা আর নিছক সত্য না হোক, সত্য আংশিক। যুগে যুগে পালটাচ্ছে রূপ। কিন্তু মেয়েদের বেলা? সে তর্ক করব কার সঙ্গে? প্রসাদ অত বড় একটি প্রমাণ। ব্রজর কাছে হারমানা ছাড়া উপায় কী। তবু বললাম, 'তা সে আর কিছু করে না তো?'

দশ বরে জলে উঠল বালিকা ব্রজ। ওইটুকু মেয়ে। থসা ঘোমটা, দোলানো বেণী। ডাগর চোখে চমক কী! যেন ধবধবকে আঙুন। এক ফৌটা নীল বিষের মত নাকছাটিও জলে উঠল ঝিকিমিকি। কুল মুখে তুলতে ভুলে গেল। বলল, 'করক না একবার, দেখি।'

ব্রজর মূর্তি কী! ভয় ধরে গেল আমারই। ওইটুকু মেয়ের এত আগ্নেসম্মানবোধ! অনাচারে এত ঘৃণা! স্বাধিকার-জ্ঞান এতখানি!

মনে আমার হাসি বিস্ময়, ছই-ই। বললাম, 'যদি করে?'

'যদি করে?' ব্রজ তাকাল তেমনি করেই। অসহায় রাগে বঁেকে উঠল ঠোঁট। যেন টঙ্কার-দেওয়া ধনুকের ছিল। আবার বলল, তীক্ষ্ণ কণ্ঠে, 'ইস। করক তো!'

আমিও যেন খেলাচ্ছিলেই বললাম আবার, 'তবু যদি করে?'

ব্রজর চোখে রক্ত ছুটে এল। তার সারা মুখে চকিত আলোছায়ায় ঝিলিমিলি। নিঃশ্বাস দ্রুত। গলার শিরা থেকে ঠোঁট কেঁপে উঠল থরথর করে। আচমকা যেন ফণা মেলল কণিনী। বলল, 'তবে চলে যাব।'

অবাক হয়ে বললাম, 'কোথায়?'

বলতে বলতেই দেখি, বালিকার দুই চোখে জলের ধারা। চাপা অশ্রু কঁক করে বলল, 'যেখানে মন চায়, চোখ যায়, চলে যাব সেখানে। ঠিক, হ্যাঁ।'

আমি চকিত লজ্জায় ও ব্যথায় এতটুকু হয়ে গেলাম। ছি ছি ছি! মনে মনে হেসে খেলছিলাম। বালিকা ভেবে তার ছোট্ট হৃদয়টুকুর সঙ্গে পেতেছিলাম খেলাপাতি। কিন্তু, সে খেলা যে বালিকার এতখানি বাজবে, তা কে জানত। আবার বলি,

জনম অবধি হুম রূপ নেহারলু*

নয়ন না তিরপিত ভেল।

বাল্যবিবাহের স্বপক্ষে আমার যুক্তি নেই। কিন্তু যে দেহলতায় ফোটে নি ফুল, তার হৃদিসায়রে ফুটেছে ভালবাসার পদ্ম। কে অস্বীকার করবে, বালিকা ভালবেসেছে। ওই প্রহ্লাদ প্রাণেশ্বর হয়েছে ব্রজর। তাই এত রাগ, এত ব্যথা, এত কান্না।

নিজেকে ধিকার দিয়ে তাড়াতাড়ি বললাম, 'ওকি, তুমি কঁাদছ কেন? আমি এমনি বললাম। তাই কি কখনও হয়? অমন সুন্দর বউ।'

জলভরা চোখেই ব্রজ আমাকে দেখল একবার চকিতে, তারপর মুখ ফিরিয়ে মুছল চোখের জল। আমি হেসে আবার বললাম, 'এঃ, তুমি ভারি ছেলেমানুষ বোঁঠান। তোমার মত বউকে কেউ ঠকাতে পারে?'

অমনি হাওয়া এল, মেঘ গেল। আকাশ নীল ঝকঝকে। ব্রজর আলোকিত মুখে মিটি-মিটি হাসি। লজ্জা পেয়েছে একটু একটু।

মনটা তার অন্ত দিকে নিয়ে যাওয়ার জন্য বললাম, 'তা কুস্তমেলায় কেন এলে ছুটে?'

ব্রজ পরিষ্কার বলল, 'ওর জন্য।'

ওর জন্য, অর্থাৎ প্রহ্লাদের জন্য। বললাম, 'কেন?'

ব্রজ বলল, 'দিমা বললে।'

'কী বললে?'

ব্রজ একটু চুপ করে রইল। হাত হ-খানি এলিয়ে পড়েছে নিজের ছোট্ট কোলে। ছুটি ছোট ছোট শাঁখায় সোনালি প্যাঁচ, পাতলা নোয়া আর চুড়ি। আবার ঘোমটা দিয়েছে টেনে। টেনে দিতে বড় ভাল লাগে বোধ হয়। বলল, 'কী আবার! বললে, এখানে ত্রিপুরিতে নাইতে হবে, আর...'

ত্রিপুরি হল ত্রিবেণী। বললাম, 'আর?'

'আর ওর যেন ব্যামো সেরে যায়। মতিগতি ভাল হয়। ওর যেন একশো

বছর পরমাণু হয়।

কী গম্ভীর ব্রজবালা! কত গম্ভীর তার কণ্ঠ, তার যত হাসি, তত রাগ। ততোধিক গাম্ভীৰ্য। ব্রজবালা বালিকা। আর সমাজ আমাদের অজস্র কুসংস্কারে ঠাসা। অভিলাষ ও অভিপ্রায় নিয়ে আমরা কখনো পড়ি বন্ধ জলায়, যাই কখনো অন্ধকারে।

কিন্তু কোথায় বালিকা ব্রজবালা। দিদিমার কাছ থেকে জীবনের পাঠ নিয়ে যে কথা সে বলল, তাতে দেখি সে বালিকা নয়, যুবতী নয়, বৃদ্ধা নয়, ব্রজবেশিনী সেটি মঙ্গলাচারিণী নারী। স্বখে, দুঃখে, কামনা ও বাসনায় অতি সাধারণ ও অসাধারণ মানুষী। তার সেই আদিম বাসনা! সেখানে তো কুসংস্কার নেই। কবিগুরুর শেষ জন্মদিবসের উক্তি মনে পড়ছে, মানুষের প্রতি বিশ্বাস হারানো পাপ। সে বিশ্বাস আমি কোনদিন হারাই নি। সেই মানুষের এক বিচিত্র রূপ নিয়ে সামনে আমার ব্রজ।

ক্ষণিকের জ্ঞান মন আমার আবেগে আশ্রিত। রূপসুন্দর হৃদয় বোবা হয়ে গেল। মানুষ খোঁজার ছলে খুঁজি মন। সেকথাটি মনে নেই। রূপসায়রে ডুবে দেখি, তলিয়ে গিয়েছি হৃদিকুন্তে। ওইটি কি মন?

এসেছিলাম অমৃতের সন্ধানে। তাঁবু-খুপরিতে পেলাম ব্রজবালিকে। বালিকা বধূ। মুখে তার পাকা কথা। আমার মনে কুসংস্কার নেই। নব্য-সংস্কারবাদী আমার শহরে মনের নতুন-কাটা খালের জলে আর-এক জলের বন্যা এনে দিল সে তবু। এই পরম বিশ্বাস ও খুশিটুকু আমার ঘরছাড়া মনের অন্তর্ভুক্তির খলিতে দিল সে ভরে। আমার পথের সক্ষয় ও লাভের খলি।

হঠাৎ তাঁবুর পেছন থেকেই শোনা গেল চেরা বংশধবনি, 'বেরজো, মুখপুড়ি গেলি কোথায়।'

বোকা গেল, রান্নার স্থান তাঁবুর পেছনেই। একাধিক হাতা-খুস্তির ঘট ঘট শব্দ আসছে ভেসে। ব্রজ লাফ দিয়ে উঠল। চোঁচিয়ে বলল, 'কী বলছ?'

বলেই কুলের কামড়। বিলিতি কুল নামক বস্তুটি দেখছি তার ভারি প্রিয়।

জবাব এল সেই কণ্ঠে, 'তেলের শিশিটা কোথায় গেল?'

চমকে উঠে ভীত চাপা গলায় বলল, 'ও মা গো!' বলেই গালে হাত। আমারও অবস্থা তথৈবচ। সারা দেহ আমার তৈলাক্ত। যদি আসে তা হলে আর লুকোবার উপায় নেই।

ব্রজ ভীত, কিন্তু চৌচৌর পাশে তার চাপা হাসির ঝিলিমিলি। চৌচৌর

বলল, 'তেলের শিশি ? আমি তো জানি নে দিমা।'

বলেই চাপা গলায় ব্রজর কি হাসি। আমাকে বলল, 'শিগগির পাগিয়ে যাও' তাড়াতাড়ি গামছা খুলে দিলাম গায়ে। ব্রজ ছৌঁ মেরে তুলে নিল তেলের শিশি। তার ছোট্ট দেহের চেয়ে অনেক বড় শাড়ির তলায় তা নিমেষে হল অন্তর্হিত। কোথায়, তা সেই জানে। তারপর আমার দিকে তাকিয়ে তার আবার একটু করুণা হল বোধহয়। সে বউ। নাত-বউ। তার হাসি-কান্না সব ছাড়িয়ে তবু সে বালিকা। খেলা তার যাবে কোথায়। আর আমার মত দেবরের সঙ্গে সে পাতিয়াছে খেলা। ছাড়ে কখনো। কাছে এসে চুপি চুপি বলল। তাও বলল অনেক কষ্টে। মুখ ভরতি যে কুল। বলল, 'আমার পিছু পিছু এস চলে। জলের কলটা দেখেছ তো ? ঢুকে পড়বে আর আমি চলে যাব, আঁা ?'

তাই হোক। চললাম ব্রজবালার পশ্চাতে।

আত্মমগ্নাঙ্গ শূন্য। বেলা হয়েছে অনেক। এবেলার মত অছুষ্ঠান শেষ হয়েছে। জলকলের ধারে এসে দেখি কল নেই। একরাশ মহিলার ভিড়। চাকের বকে মৌমাছির মত। জলকল এখন নারীবাহিনীর এস্তিয়ারে। স্তবোধ ছেলের মত অপেক্ষা করা ছাড়া উপায় নেই। অন্তথায় ছুটতে হয় গন্ধার ধারে।

ওদিকে দিদিমার গলা শোনা যাচ্ছে, 'এই তো এখানেই ছিল শিশিটা। কি চোরের জায়গা বাপু। এরকম হলে তো গায়ের কাপড়ও চুরি করে নেবে কখন।' নিজের মনেই মাথা নেড়ে বললাম, 'তা কি করে সম্ভব! সে কাজটি তো একজনই পারত। গোপিনীদের বস্ত্র হরণ করা যার অভ্যাস ছিল।'

কিন্তু মনের রসিকতা রইল মনে। কানে এল, 'তুই জানিস বেরজো ?'

ব্রজ ধরা পড়লেই আমিও পড়ব। ব্রজ বলল তেমনি ভালো মানুষটির মত, 'না তো! আচ্ছা, আমি দেখছি খুঁজে।'

দিদিমা বলল, 'আর কোথায় দেখবি। আমার বাড়ি কটা আর ভাজা হবে না। কী সর্বোপায়ে জায়গা বাপু। পাণ্ডিগুলাদের পাপের ভয় নেই গো। এই তীর্থক্ষেত্রের জায়গা, জাগ্রত ঠাকুরের ঠাঁই। তবে আমিও বলি, যে নিয়েছে...' সেই মুহূর্তেই শোনা গেল, 'পেয়েছি দিমা।'

'কোথায় পেলি লো ?'

'এই উল্লনের পেছনে।'

'কই, আমি তো দেখতে পেলুম না।'

তা পারবে কী করে। ব্রজবালা যে জাহ্নু জানে। সে খবর তো রাখে না

দিদিমা। কলের ধারের মহিলারাও ব্যাপারটা লক্ষ্য করছিল। একটি বিশাল-বপু বিধবা তখন থেকেই বিষয়টিতে ছুট কাটছিল। এবার আর একজনকে সাক্ষী মেনে হোট উন্টে বলল, ‘মাগীর গলা আছে বাজুখাই। ওদিকে চোখের মাথা খেয়ে বসে আছে। দেখলে তো, আশ্রমের তাবৎ বেটিদের চোর করে ছাড়লে বুড়ি।’

কিন্তু কেউ-ই সেই কথার জবাব দিল না। জল না হলে চলবে না। তাতেই ব্যস্ত সকলে। বোধহয় বিষয়টি নিয়ে ধোঁট হবে অবসর সময়ে।

কিন্তু বিশাল বপুধারিণী ছাড়বার পাত্র নয়। মুখের একটি বিচিত্র ভঙ্গি করে বলল, ‘আমাকে একবার বললে হত। মুখ একেবারে খুঁড়ে দিতুম না।’

বলে একবার অল্পসন্ধিৎসু চোখে তাকাল ভিড়ের দিকে। উদ্দেশ্য বোধহয়, কথাগুলি তার কেউ শুনছে কি-না। অর্থাৎ গ্রাহ্য হল কি-না।

হ্যাঁ, একজন তাকিয়েছে তার দিকে। একটি প্রোচা সধবা। তাকেই বলল, ‘আচ্ছা তুমিই বলতো ভাই.....’

গণ্ডগোল। একেবারে গণ্ডগোল। সধবা বলল শান্ত কণ্ঠে, ‘কই আপনাকে তো কিছু বলে নি। সত্যি, চোরের যা দৌরাখ্যা। ওইটুকু তো বলবেই।’

আর যায় কোথায়। ক্ষেত্র পাওয়া গিয়েছে। বিশালবপুধারিণী গলা চড়াল, ‘কি রকম! তেলের শিশি রইল ইয়ের গোড়ায়, আর আমাদের করবে শাপমন্ত্রি। এ যে চোরের সাক্ষী গাঁটকাটা গো।’

অবস্থা আয়ত্তের বাইরে যাওয়ার সম্ভাবনা দেখা দিল। এখানে কোন মধুসূদনই সালিসি করতে সাহস পাবে না। গঙ্গাতেই যেতে হবে দেখছি।

এই সময় খুবতী-কণ্ঠ, ‘কই, খনপিসী, তোমার ভাঁজা পড়েছে যে।’

‘পড়েছে? বাক্সা বাক্সা।’ বলেই বিশালবপু, অর্থাৎ খনপিসী সম্ভবত খনা ঠাকরুণ হুড়হুড় করে ঢুকল কলে। ধাক্কা খেল অনেকে। কিন্তু সবাই শুধু মুখ-চাওয়া-চাওয়ি করেই ক্ষান্ত। বুঝলাম, খনপিসী আত্ম-পরিচয়ে ইতিমধ্যেই আশ্রমে একটি বিশিষ্ট স্থান অধিকার করেছে। সকলের চোখে মুখে সেটাই পরিস্ফুট।

দিদিমার হাতের রান্না মিষ্টি শুধু নয়। কুস্তমেলায় এই বালুচরে, বাঁধা-কপির পাতার সঙ্গে বড়ি দিয়ে যে এমন অবিস্মরণীয় নিরামিষ চচ্চড়ি জুটবে কপালে, তা কিন্তু কল্পনাও করতে পারিনি। রাতে বেরিয়ে যাওয়ার জন্ত

দিদিমা দেয় যত গঞ্জনা, তত নিরামিষ ব্যঞ্জনে ভরে ওঠে পাত। একেই বলে বোধহয়, ভগবান যখন দেয়, ছপ্পর ফুঁড়ে দেয়। এমন খাওয়া তীর্থক্ষেত্রে! রাজি আছি বারো মাস পড়ে থাকতে এখানে।

কিন্তু প্রহ্লাদ ফেরে নি এখানে। সে-ই দিদিমার ভাবনা। ব্রজবালারও।

আহারের পর বিশ্রাম। বিশ্রাম আর নয়। গত দু-রাত্রির সমস্ত ক্লান্তি আমাকে এই দিনের বেলা একেবারে গ্রাস করে ফেলল।

কতক্ষণ ঘুমিয়েছিলাম, জানি নে। জেগে দেখি, অন্ধকার। ঠাণ্ডর করে দেখলাম কেউ নেই। মেলার চারিদিকের গাঙগোলের সঙ্গে আশ্রমের গীত কানে এল। পর্দা উঠিয়ে দেখি, আশ্রম প্রাঙ্গণে জনসমুদ্র। নারী, পুরুষ ও শিশুর মেলা। জলে উঠেছে আলোর সারি। রঙে রঙে রঙের বান ডেকেছে চারিদিকে। হাসি, কথা ও গানে মুখরিত দিগন্ত।

মনে হয়, কত কী না-জানি দেখতে পেলাম না। কত কী না-জানি হারলাম। তাড়াতাড়ি উঠে জামা-কাপড় বদলালাম। রাত্রির সেই শীত আবার খুলছে তার মুঠো-করা থাবা। আস্তে আস্তে নেমে আসছে এই বালু চরের উপর তার ভয়ঙ্কর আক্রমণ। এখন থেকেই দিচ্ছে হাড়ে কাঁপুনি।

তাড়াতাড়ি বেরিয়ে এসে থমকে দাঁড়িলাম। আশ্রমের গেটের সামনে দেখলাম এক আলোর বলক। সে আলো শুধু আলো নয়, নারীর রূপের আলো। পৃথিবীতে এত রূপও যে ছিল, তা জানতাম না।

কানের কাছে গুনলাম, কে যেন বলছে ফিসফিস করে, ‘ওই যে, ওই রামজীদাসী আসছেন।’

‘রটি গেল সেই বার্তা’ কান থেকে কানে গেল ছড়িয়ে। এসেছে রামজীদাসী, ব্রহ্মচারিনী। শুধু কানে কানে নয়, বুঝি ‘পশিল’ মরমে মরমে। যারা জানে আর জানে না যারা, সকলেরই চোখে অপার বিষয় ও কোতুহল।

দাঁড়িয়েছিলাম। দাঁড়িয়েই রইলাম। পলক পড়ল না চোখের। মনে রইল না সাড়া।

স্বপন বাধা টুটি
বাহিরে এল ছুটি
অবাক আঁখি দুটি
হেরি তারে।

অবকাশ রইল না ভাববার, রূপ সে কেমন। মনের মাঝে গুনগুন করে উঠল শুধু আপনি আপনি,

যেন মঞ্জুরী দীপশিখা

নীল অন্ধরে রাখে ধরি।

অন্তহীন গুনগুনানি বেজে চলল মনের তলে চাপা বীণার তারে। চোখের দুটো আটকে ছিল নীল আকাশের গায়ে। আদিম রহস্যসন্ধানী মন বারবার দেখতে চেয়েছে, কী আছে ওই নীল আকাশের ওপারে। ভাবলাম, কল্পচরী মনে, ‘মাথার পরে থলে গেছে আকাশের ওই সুনীল ঢাকনা’। চোখভরা শুধু মাহুঘের রূপ। মাহুঘ নয়, মানবী, নারী। এত রূপ! দেখি নি তো কোন-দিন। একি ব্রহ্মচারিণীর রূপ!

শুনেছি আর পড়েছি, নারীরূপের তীব্র চকুটা জালিয়েছে সোনার সিংহাসন। ছারেখারে দিয়েছে রাজ্য। ধসিয়ে দিয়েছে রাজধানী।

প্রাণ নাশ করেছে লক্ষ লক্ষ প্রজার। বিদেশে কেন বাই। নিজের দেশে পদ্মিনীর কথা মনে নেই?

সে রূপ কি এমনি? সে রূপ কি এর চেয়েও বেশী? কে জানে। মরু-জগতের রূপ-পাগল চোখ আমার। রূপ-সুধায় অন্ধান আমার দুচোখের দীপশিখা। কোতোয়াল বলছিল, হিমাচলের মেয়ে। ঠিকই! এ তো স্বর্ষ্যচ্ছটাদীপ্ত বরফশুল কাঞ্চনজঙ্ঘার শৃঙ্গ।

রূপের বর্ণনা আর দেব না খুঁটিয়ে। কোতুলটা প্রকাশ না করে পারব না। এ কেমন ব্রহ্মচারিণী। প্রাচীন মলমলের মত শুভ্র সূক্ষ্ম তার শাড়ী। চাপা রূপালী তার পাড়। আধুনিকার মত কুঁচিয়ে আঁচল এলিয়ে দিয়েছে। সারা গায়ে নেই অলঙ্কার। কিন্তু সুদীর্ঘ বেশী কালো সাপের মত এলিয়ে পড়েছে তার পিঠ বেয়ে। বয়স? সে অল্পমানের ক্ষমতা আছে কোন্ পুরুষের!

পদক্ষেপে নেই তার রূপসীর অহঙ্কার! কিন্তু চোখে আছে সচেতন দৃষ্টি। রক্ত-রেখায়িত ঠোঁটে তার চাপা ও মুগ্ধ হাসি। আকর্ষবিভূত কালো চোখে বিচিত্র আলো।

পেছনে তার অনেক নরনারী। একটি পুরুষ চলেছে পাশে পাশে। পোশাকে তার ভারি চাকচিক্য। মাথায় শাদা পাগড়ি। হাতে একখানি সরোদ।

রামজীদাসী গিয়ে বসল মঞ্চের এক ধারে। বাহু প্রসারিত করে নুটিয়ে প্রণাম করল মোহান্তকে। ভয়ানকাদিত জটাজুটধারী মোহান্তের পরণে কপনি। নেত্র রক্তবর্ণ। ফিরেও তাকাল না। শূণ্যে তাকিয়ে হাত তুলে আশীর্বাদ করল।

চাঁদ উঠেছে আকাশে। স্নগোল নয়, কাণা-ক্ষয়া খালার মত। হালকা

কুয়াশা পড়েছে ছড়িয়ে। যেন হাল্কা ধোঁয়ায় ঢাকা পড়ে গিয়েছে মেলা। তার মাঝে বালুর বুকে অভকুচির চাপা হাসির ঝিকিমিকি।

সমস্ত মেলা জুড়ে মাইক ও জনতার হট্টগোল। আলোয় আলোময় চারিদিক। তাকিয়ে দেখি, যেন কোন আধুনিক নগরে আলোকিত কেন্দ্রে এসে পড়েছি। লাল নীল আলোকমালায় সাজানো হয়েছে কোথাও। আধুনিক বিপণির চমকিত আলোক-বিজ্ঞপ্তি। কোন গাছে রঙীন আলোর ঝাড়। রঙীন হীরাকলেছে সোনার গাছে। অজস্র ফুলের মত রয়েছে ফুটে। গোধূলির আধো-আলোয় মাধবীবিতান। আর এই বালুচরের বুকে হাডসন ও অষ্টনের অভিজাত শহুরে হর্ণ-নির্ধোষ। নগর-কেন্দ্রকে মনে করিয়ে দিল বেশী করে। আমাদের সামনে বালু ঠেলে দাঁড়াল এসে কয়েকটি গাড়ি। বাহারী পোষাক ও রঙের হাট নেমে এল আশ্রমের মধ্যে।

কোন এক মহিলা নেমে আসছিলেন চেন-বাঁধা কুকুর সমেত। হয়তো তাঁর আদরের পপি টমি গোছের একটি স্নেহের জীব। বাঁধা পড়ল। পাহারাদার সন্ন্যাসী আটকেছে তার পথ। আশ্রম-প্রাঙ্গণ অপবিত্র করবেন না মায়জী। কুকুরের প্রবেশ নিষেধ।

তাহলে? রঙ-রঞ্জিত ঠোটে বিরক্তির আভাস। তবে যেতে হবে। গাড়ির ভেতর পুরতে হল আদরের জীবটিকে। তুলে দিতে হল কাঁচের শার্সি। তারপর ঢুকলেন ভেতরে।

স্বটিপরা তরুণের দল করছে ভিড়। পকেটে দুহাত, আর চোখে বিষ্ময় ও কোঁতুহল। চাপা হাসি আর গা টেপাটিপি।

ওদিকে গণ্ডগোল মহিলা-চত্বরে। পাঞ্জাবী মহিলাদের রঙিন ওড়নার পালেই হাওয়া বেশী। বেশী কণ্ঠের তেজ। দুই অবুঝ ভাষায় লেগেছে কলহ। বাঙালী ও পাঞ্জাবী।

কে বলছে, ‘ওমা, সব কোথায় গেল আর? এ বেটি বলে কি?’

প্রতিবাদে গাঁক গাঁক করে উঠল যে নারীকণ্ঠ, তার ভাষা বুঝি নে আমিও। লিখব কেমন করে। সম্ভবত যে স্থানটিতে বসেছে, সেটি কারুর পিতৃপুরুষের কেনা জায়গা নাকি, সেটাই কুট তর্কের বিষয়বস্তু। এর পরের প্রসঙ্গ নিশ্চয়ই, সারা কুস্তমেলাটাই কারুর স্বামী বা পিতা কিনেছেন কিনা, সেই বিতর্ক।

শোন! গেল, ‘কে খাণ্ডার মেয়েমানুষ বাবা! আমাদের বাড়ির পাশে যে পাঞ্জাবী বউটা আছে, সে তো অমন ঝগড়াটে নয়?’

কথার মধ্যে কিঞ্চিৎ পশ্চাদ্দপসরণের আভাস। তাকিয়ে দেখলাম, কল-পাড়ের সেই বিপুলকায়িনী। বোকা গেল, তার বাড়ির পাশের প্রবাসিনী পাঞ্জাবী বউয়ের তুলনায় সে কয়েক ডিগ্রি উচ্চে অবস্থান করে। অবশ্যই কথাহে। কিন্তু পাঞ্জাবী তীর্থযাত্রিনী তার চেয়েও উচ্চে। বোধহয়, জীবনে একটি নতুন অভিজ্ঞতা সঞ্চয় করতে হল। উত্তর প্রদেশের মহিলাকুলও কম যাচ্ছে না দেখা গেল।

মাইকে শোনা গেল, 'জাগ্রত ভগবান এখানে অধিষ্ঠিত। মায়িজী আপনারা দুদিনের জন্য ভগবানের নাম করুন। সদা ভগবানের সেবা করুন। ঝগড়া করবেন না। ভগবান বিমুখ হবেন। রামজীদাসী ব্রহ্মচারিনী আপনাদের ভগবান শ্রীরামের মহিমা শোনাবেন।'

কথাগুলো বলা হল হিন্দীতে। উর্দু-মিশ্রিত নয়, বরং খানিকটা বাঙলা-মিশ্রিত যেন। বুঝতে অসুবিধা হল না অধিকাংশেরই।

একটু স্তিমিত হল কলহের কলকর্ণ। গুঞ্জন উঠল তানপুরার তারে। দুহাত জোড় করে বসেছে রামজীদাসী। নিম্নলিখিত চোখ। জানি নে কি ছিল ওই মুখে। কিন্তু মনে হল, ওই একখানি মুখ আলো করে রেখেছে সমস্ত মঞ্চ। আবার বলি, সে আলো রামজীদাসীর রূপ শিখা। এ রূপ নীতল জলরাশির মত ঢলঢল নয়। শান্ত গভীর জলের বুকে ভাব-পাগলের অবগাহনের ডাক নেই তাতে। একটি অসহ্য দ্যুতি, একটি দূরন্ত দীপশিখা। কাঁপছে আর জ্বলছে বিকিধিকি। আর দর্শক আর শ্রোতা পুণ্যার্থী নরনারী এই দীপশিখারই আলোয় আলোকিত। নিমেষহারা চোখ। মুগ্ধ মনের ছায়া-চাপা মুখ।

মন ভুলেছিল রূপে। কথাহারা মন কথা বলল এবার। হৃদর হিমাচলের, তার দূর গুহাকন্দরের রহস্তের মত মনে হল আমার এই ব্রহ্মচারীগীকে দেখে।

দূরে সরে গেলাম ভিড়ের কাছ থেকে। দূর থেকে দেখব। একলা একলা দেখব, মনে মনে দেখব। ঘুরে গেলাম বেড়ার কাছে। ছিন্ন কণ্ডল আর কাপড়-জড়ানো কতকগুলি কালো কালো নৃতি গায়ে গায়ে জড়িয়ে বসেছে দূরের আধো আলোয়। বেড়ার গা ঘেঁসে বসেছে। এখানে মাথার উপর ঢাকনা নেই। দূরের আধো আলো আর কুয়াশা-চাঁপা চাঁদের আলো মিলে সৃষ্টি করেছে যেন একটি রহস্তখন স্বাক্ষর। লক্ষ্য করে দেখলাম। নৃতিগুলি সব তাকিয়ে আছে মঞ্চের দিকেই। আরো লক্ষ্য করলাম, গুটি দুয়েক জলন্ত গাঁজার কলকে, পাঁচুগোপালের ভাষায় সপ্তমী। ঘুরছে সকলের হাতে হাতে।

গায়ে মুখে তাদের ভয়মাখা। বললাম, সকলেই সাধু।

কে একজন সামনে দিয়ে চলে যাচ্ছিল হন হন করে। গায়ে ধাক্কা লাগল, তাকিয়ে দেখলাম, কোতোয়াল। ডাকলাম, 'কোতোয়ালজী, সাধুজী!'

কোতোয়াল ফিরল। 'কে? ও! আপনি। এখানে কেন, সামনে যান।'

বললাম, 'না, দূর থেকেই দেখি। দূর থেকেই ভাল দেখা যায়।'

কোতোয়াল একবার তাকিয়ে দেখল মঞ্চের দিকে। দেখে মুখ ফেরাল ফিরে রইল এক মুহূর্ত। জানি নে, ভুল দেখলাম কি না। কিংবা চাঁদের এই কুহকী আলোর-ই এমনি কারসাজি। কোতোয়ালের সারা মুখে একটি বিচিত্র ভাবান্তর খেলে গেল। সে ভাবান্তরে গম্ভীর ও খমখমে হয়ে উঠল তার মুখ। বলল, 'তাই দেখুন। হয়তো দূর থেকেই ভাল দেখা যায়।'

আশ্চর্য! কোতোয়াল কথা বলল। কিন্তু আমার মুখের দিকে তাকাল না। বললাম, 'চললেন কোথায়?'

কোতোয়াল এবার হাসল। বলল, 'সেই সর্বনাশী ঘুরছে আশেপাশে। দুবার সে চেষ্টা করেছে আশ্রমে ঢোকবার। ঢুকতে পারে নি। বেড়ার ধার দিয়ে গেছে ওই দিকে, পশ্চিমে। দেখি, কোথায় গেল! বেড়া ভেঙে ঢুকলে আর রক্ষে নেই। কার সর্বনাশ হয়ে যাবে।'

সর্বনাশী! সে আবার কে? কোতোয়ালের সঙ্গে সঙ্গে গেলাম। জিজ্ঞেস করলাম, 'কোন্ সর্বনাশীর কথা বলছেন? কে সর্বনাশী?'

কোতোয়াল বলল, 'জানেন না? খবর রাখেন না দেখছি। নারী চোরবাহিনীর সে সেরা মেয়ে। সে তো সব সময়েই ধরা-ছোঁয়ার বাইরে। সাংঘাতিক মেয়েমানুষ। পুলিশে ধরে নিয়ে গেলেও যে কি করে বারবার ছাড়া পেয়ে যায়, সেটাই আশ্চর্য।'

খবর ঠিক রাধি নে বটে। তবে শুনেছিলাম ব্রজবালার মুখে। তাকিয়ে দেখলাম, বেড়ার বাইরে চলেছে শত শত নরনারী। চলেছে পূব থেকে পশ্চিমে। উত্তর থেকে দক্ষিণে। এর মধ্যে সেই নারী-চোর কী করেই বা বেড়া ভাঙবে, আর ঢুকবেই বা কী করে। সে তো জাহ্নুকরী নয় যে অদৃশ্য হয়ে ঢুকবে।

বললাম, 'এত লোকের মাঝে কী করে চুরি করবে সে?'

কোতোয়াল একটু বিচित्र হেসে বলল, 'লোকের মাঝেই তো চুরি করে সে। যত মানুষ, তত তার স্ববিধে।'

পশ্চিমের বেড়ার ধারের কাছে এসেই থমকে দাঁড়াল কোতোয়াল।
বালুচরের ভিড়টা এদিকে একটু হালকা। তাকিয়ে রইল সেই ভিড়ের দিকে।
তারপর আমাকে বলল, ‘ওই দেখুন, একটি মূর্তি ছুটছে। ছুটে চলেছে গঙ্গার
দিকে। লক্ষ্য করেছেন?’

বলা মাত্রই দেখতে পেলাম না। লক্ষ্য করলাম কয়েক মুহূর্ত। তারপর
দেখলাম, সত্যি, ভিড়ের মাঝে ডুব দিয়ে দিয়ে হঠাৎ ফেগে উঠছে একটি মূর্তি।
মেয়েমানুষ নিঃসন্দেহে। ছোট্টার বেগে আঁচল উড়ছে তার।

কোতোয়াল বললে, ‘ও যাদের চেনে, তাদের দেখলেই পালায়। তবে, ওর
পালানোর কথা বলা যায় না। এই দেখছেন গঙ্গার দিকে ছুটছে। আবার
হয়তো এখনি দেখবেন, কুসির কোলআঁধার থেকে পা টিপে টিপে আসছে ক্যাম্পের
দিকে। আর-জন্মে বোধহয় চিতাবাঘ ছিল।’

হবে হয়তো। চোর, তাও আবার নারী। ব্রজবালার মুখে যা শুনেছি,
তাতে চোরটি যুবতী ও সন্দরীও সম্ভবত। রহস্যের মধ্যে কিঞ্চিত রসিকতার
কথাই স্বভাবত মনে আসে।

এমন সময় মাইকে কণ্ঠস্বর শুনে ফিরে তাকলাম। রামজীদাসী নিম্নলিখিত
চোখ খুলেছে। তানপুরার সঙ্গে কণ্ঠ মিশিয়ে একটানা গেয়ে চলেছে শুধু, রাম
রাম, রাম রাম, রাম রাম, রাম রাম। বারকয়েক রামজীদাসী একক কণ্ঠে
রাম নাম গেয়ে গেল। কণ্ঠে কোথাও সঙ্গীত অধ্যাবসায়ের কারুণ্যমিতি ঠেকল না
কানে। যেন গ্রাম্য বালিকার সরু চাপা কণ্ঠের স্বর। একটু পরেই তার কণ্ঠে
কণ্ঠ দিল কয়েকজন পুরুষ ও আরও দুটি নারী। এরা আবার কারা? জিজ্ঞেস
করবার জ্ঞান ফিরে দেখলাম, কোতোয়াল নেই, আশ্চর্য তো! চোখে পড়ল,
অদূরেই বেড়ার বাঁশে হেলান দিয়ে একাকী দাঁড়িয়ে রয়েছে একজন। কোতোয়াল
ভেবে কাছে গিয়ে উকি দিলাম।

লোকটি অপলক দৃষ্টিতে তাকিয়ে রয়েছে মঞ্চের দিকে। লোক নয়, সাধু
নিশ্চয়ই। ঝাপসা আলোয় মনে হল ফর্সা মুখ। কুঞ্চিত ঘন দাড়ি সেই
মুখে। এত শীতেও গায়ে শুধু মাত্র সূতী কাপড়ের গেরুয়া কাপড় একখানি।
ঘাড় অবধি বেয়ে পড়েছে ঘন চুলের গোছা। জটাजूটের কোন চিহ্ন নেই।
গলায় রুদ্রাক্ষের মালা।

মঞ্চের দিকে শুধু দৃষ্টি নয়, বোধহয় মনটিও পড়েছিল। আমি যে উকি
দিলাম, প্রথমে নজরেই পড়ল না তার। কোতোয়াল নয় দেখে ফিরতে
গেলাম।

হঠাৎ বোধহয় সন্ধ্যা ফিরে পেল সে। পরিস্কার হিন্দিতে জিজ্ঞেস করল,
'বাবুজী, আপনি কী দেখলেন?'

সঙ্কচিত্ত হলাম। উকি দেওয়াটা ঠিক হয় নি বোধহয়। বললাম, 'আমি
একজনকে খুঁজছিলাম। ভেবেছিলাম, আপনিই বুঝি সে।'

ভেবেছিলাম মিটে গেল কথা। কিন্তু সাধুটি হাসল। হাসিতে তার একটি
চাপা উদ্বেজনীর আভাস। একটু যেন অপ্রকৃতিস্থ! একটু যেন রহস্য করেই
বলল, 'ভেবেছিলেন, আমি-ই সেই। হা হা হা—সে কোথায়। তাকে এখানে
কোথায় পাবেন আপন।'

আবার সেই কথা। সেই ভাব। সে আশার বলে উঠল, 'আপনি
খুঁজছেন, বাবুজী, আমি খুঁজছি। দুনিয়াভর তাঁকে খুঁজছি। জীবন কেটে গেল,
তবু পাত্তা মিলল না।'

একথার কোন জবাব নেই। কী জবাব দেওয়া উচিত, তাও জানিনে।
অতএব সরে পড়াই ভাল।

কিন্তু সে আবার হেসে উঠে বলল, 'কাকে খুঁজছিলেন বাবুজী?'

বললাম, 'এ আশ্রমের কোতোয়ালজীকে।'

সাধু বলল, 'রামানন্দজীকে? এই তো এখান দিয়ে চলে গেল সে।'

রামানন্দ! বললাম, 'কে রামানন্দ?'

'কেন, এ আশ্রমের কোতোয়ালজী।'

'আপনি চেনেন?'

সাধু হাসল। চাপা গলায় হা হা করে হেসে বলল, 'চিনিনে? অনেকদিন
থেকে চিনি।'

'আপনি কি আশ্রমের লোক?'

সাধু বলল, 'না।' বলে তাড়াতাড়ি বলল, 'দেখুন দেখুন রুক্মিণী
নাচছে।'

ফিরে তাকালাম। দেখলাম, রামজীদাসী কোমরে বেঁধেছে জাঁচল। নেমে
এসেছে মঞ্চ থেকে। মঞ্চোপরি মোহান্তের পাশে দেখলাম, যাত্রার দলের পোশাক
পরে বসেছে তিনজন। তিনজনই বালক মনে হল। দুজনের ধনুকধারী পুরুষের
বেশ। আর-এক জনের রানীর বেশ বলেই মনে হল।

জিজ্ঞেস করলাম, 'কি ব্যাপার? এরা কারা?'

সাধু হাসল। তার হাসির মধ্যে কোথায় একটা বিদ্রূপ ও কৌতুকের ছোঁয়া
লেগে রয়েছে যেন। বলল, 'ওরা রাম লক্ষ্মণ আর সীতা। সাজিয়ে এনেছে

একটি কীর্তন মণ্ডলেশ্বরের দল। রুক্মিণী এবার নাচবে। সে যে রামজীদাসী। মীরাবাইয়ের কথা শুনেছ বাবুজী? রুক্মদাসী, রুক্মপ্রেমে পাগলিনী মীরাবাই। মহাপ্রেমিকা কিশোরজীর নাম শুনেলে প্রেমে অবশ হয়ে যেত রাজরানীর অঙ্গ। আর এই রামজীদাসী রামপ্রেমে পাগলিনী। সে যেখানে যায়, কীর্তন মণ্ডলেশ্বর সেখানেই রাম-সীতার মূর্তি নিয়ে হাজির থাকে। নইলে রামজীদাসী পাগলের মত ঘুরবে, খুঁজবে, দখবে। কোথায় সেই মোহন মূর্তি। নাম গান করতে কখনো প্রাণ তার অবশ হয়ে যায়। কখনো নাচে গায় হাসে কাঁদে।

জিজ্ঞেস করলাম, ‘রুক্মিণী কাকে বলছেন আপনি?’

সাদু বলল, ‘কি বলব তবে? মনিয়াবাই?’

‘মনিয়াবাই কে?’

‘রামজীদাসীর আর এক নাম ছিল। কিন্তু মনিয়াবাই মরে গেছে অনেকদিন।’

বড় কোতূহল হল। কুহেলিকাময় চাঁদের আলোয় সাধুর মুখে এক বিস্মৃত যুগের রহস্যকাহিনী যেন উঁকি মারছে। কিন্তু কিছু জিজ্ঞেস করবার অবসর পেলাম না। বাজনা বেজে উঠল। সরোদ আর তবলায় বেজে উঠল নাচের বোল।

রামজীদাসী ধরেছে গান :

কৌন্ বন্ পছঁছে সখী দো পেয়ারা, দো পেয়ারা

যা'কে ভোজন মেওয়া মিঠাই তে করসে বনবল।

করত্ আহার। ॥

গানের সঙ্গে সঙ্গে নাচ। আশ্চর্য। এই নৃত্যভঙ্গিমা, পদ সঞ্চালন, হাত ও আঙুলের মুদ্রা তো অশিক্ষিত অপটু নাচিয়ে মেয়ের নয়! এ শুধুমাত্র ভাবের ঘোরে ঘুরে ঘুরে নাচ নয়। প্রতিটি পদক্ষেপে তার নৃত্যকুশলী প্রতিভার অপূর্ণ স্ফূরণ। হৃদয়তল চন্দায়িত হয়ে উঠল তার নাচের ছন্দে ছন্দে। ভুলে গেলাম, রয়েছে এক বালুচরের আশ্রমে। মনে হল, কোন নামকরা নৃত্যকুশলার নাচ দেখতে বসেছি কোথাও।

নাচের নাম জানি নে, তাই বলতে পারব না। নাচের দোলায় দোলায় রামজীদাসীর রূপের ছুটো বিচ্ছুরিত হল দিকে দিকে। যে রূপ দেখেছি, সে রূপ ছিল ছাইচাপা। নাচের হাওয়ায় উড়ছে ছাই। আর-এক বিচিত্র রূপে

রূপবতী হয়ে উঠেছে রামজীদাসী। আধুনিক ভঙ্গিতে পরা তার মথমলের মত শাড়ি। ভাঁজে ভাঁজে তার রূপের শিহরণ। পিঠের বেণী তার চঞ্চল কালো নাগিনীর মত হিস্‌হিস্ করে উঠছে অস্থিরতায়।

যাকে আচোয়ান সরষু গন্ধাজল

তে কয়সে পিওত্ জল জল খাড়া ॥

তারপর করণ কণ্ঠের মিনতি, ‘কহো কহো মেরী রাজা!’ গানের ভাষা দেহাতি মনে হয়। সব কথার অর্থ বুঝিনে। মনে হল, বনবাসী রামকে জিজ্ঞেস করছে, ‘রাজার ছেলে তুমি। নিয়ত খেতে মেওয়া মিঠাই। কিন্তু বনে এসে তুমি কি করে বনফুল খেয়ে রয়েছো? নির্মল গন্ধাজল তোমার পানীয়, কিন্তু হে রাম! জঙ্গলের জল তুমি কেমন করে পান করছ? চরণ তোমার নিত পলদ্ধ ‘পর, কেমন করে তুমি ঘুরছ বনে বনে পাহাড়ে পাহাড়ে। ওগো রাজা রাম! ঐ দুঃখ তুমিইসয়েছ, আমার যে সয় না।’

একটা মাতন লাগিয়ে দিয়েছে রামজীদাসী। তাকিয়ে দেখি, সভাস্থ সকলের চোখে মুখে একটি ভক্তিরসের ছোঁয়া লেগেছে। রস করণ, নিঃসন্দেহে। রামজীদাসীর রূপমুগ্ধ মানুষের হৃদয়ে কোন চোরাপথ দিয়ে এসে পড়েছে একটি ভক্তিরসের শিগধারা। জানি নে প্রাবনের ফটি হবে কি-না।

আমার পার্শ্ববর্তী সাধু বলে উঠল, ‘উলারা।’

জিজ্ঞেস করলাম, ‘সেটা কী?’

‘এই গানের নাম বাবুজী। এদেশের ঝি-বছড়িয়া পালা-পার্বণে এ গান গায়।’ দেখলাম, সাধুর চোখে মুখেও ওই গানের রসের তরঙ্গ লেগেছে।

তারপর শুধু নাচ। সন্ন্যাসীর দিক থেকে চোখ ও কান দুই-ই চলে গেল রামজীদাসীর দিকে। তবু, সন্ন্যাসীকে ছাড়তে মন চাইছে না। একটা তীব্র ও চাপা কোঁতুহল অদৃশ্য চুষকের মত টেনে রেখেছে আমাকে। স্নেনে রেখেছে রুক্মিণী আর মনিয়াবাস্তি। শুনতে পাচ্ছি, সন্ন্যাসী বিড় বিড় করছে আপন মনে। অম্পষ্ট কথা আর চাপা হাসি।

তবু মন ভাসিয়ে নিয়ে গেল রামজীদাসী। রামজীদাসীর নাচ। নাচ আর বাজনা। সরোদ বাজছে যেন স্রোতস্থিনীর টানে, কিনারে কিনারে হুড়িমালার রিনিঠিনি। তার সঙ্গে তবলা-সঙ্গত। রামজীদাসীর পদক্ষেপের তালে তালে একজন হাতে নিয়ে বস্তার দিচ্ছে নূপুরের গোছা।

যন্ত্রসঙ্গীতের এই স্বর যেন একটি ছবি। একটি নিখুঁত প্রাকৃতিক দৃশ্য নিরন্তর তানপুরা-ধ্বনি যেন ছবির পিছনের বিস্তৃত অসীম নীল আকাশ।

কোলে তার একটি রূপের ছাতি। রামজীদাসী।

ভাবের ঘোরে নাচ নয়। নাচে লেগেছে এবার ভাবের ঘোর। কথা ফুটেছে নাচের চন্দে। সেই নিঃশব্দ কথা : হাসি ও আনন্দের, বেদনা ও অভিমানের, কখনো নির্বাক ব্যথা ব্যক্ত হয়ে পড়েছে দেহ-ভঙ্গিতে। নিখর আড়ষ্ট বন্ধি দেহ। তারপরে অকস্মাৎ ব্যথার পাথর সরিয়ে নির্বিকলী ছলছল। সর্বাঙ্গ আনন্দে থরথর কম্পিত কিংবা কপট অভিমানে চটুল নারী চোখে হাত দিয়ে খেলে আঁখিমিচোলি। আবার ভক্তি-উচ্ছ্বাসে মাটিতে লুটানো প্রণাম।

রামকে নিয়ে রামজীদাসীর লীলা। নির্বাক বিশ্বয়ে ছেলে তিনটি গোল গোল চোখে তাকিয়ে রয়েছে তার দিকে। রাম, লক্ষণ আর সীতা। বেচারীরা অন্তরিকে তাকাবার অবসরও পাচ্ছে না একটু।

আরো জানিনে, ভক্তি-উচ্ছ্বাসে কতখানি মেতে উঠেছে মণ্ডপের নরনারী। কিন্তু অভূতপূর্ব স্তব্ধতা বিরাজ করছে সর্বত্র। মোহমগ্ন নির্বাক সকলে। যেন তাদেরই নির্বাক হৃদয়ের তালে তালে নাচছে রামজীদাসী।

ভিড় হয়েছে প্রচণ্ড। গেটের সামনে আর বেড়ার ধারে ধারে গিজগিজ করছে কোঁতুলী দর্শকের ভিড়। সারা কুস্তমেলটাই ভেঙে পড়েছে যেন রামজীদাসীর নৃত্য-আসরে।

পাশ থেকে সন্ন্যাসী হেসে বলল, ‘একদিন যার নাচ দেখার জন্য লাথপতি ধর্না দিত বন্ধ দরজায়, আজ সে মেলার মাঝে নেচে নেচে ভগবানের সেবা করছে।’

লাথপতি ধর্না দিত! সন্ন্যাসীর দিকে ফিরে জিজ্ঞেস করলাম, ‘এই রামজীদাসীর নাচ দেখার জন্য?’

সন্ন্যাসী বক্র হেসে, গম্ভীর গলায় বলল, ‘ছি বাবুজী, রামজীদাসী বলতে আছে! আমি বলছি লক্ষ্মী-বাস্তবের মনিয়াবাস্তবের কথা। রূপে যার জুড়ি ছিল না দিল্লী-লক্ষ্মী-বাস্তবের বাস্তবীকৃত। মনিয়াবাস্তব। কেউ বলত রুক্মিণী। কার ফুলে মধু আছে, ভ্রমর ছাড়া কোন্ রসিক তার সংবাদ রাখে। কলকাতা থেকে বোম্বাইয়ের রসিক ভ্রমরেরা আসত ছুটে, মনিয়াবাস্তবের সন্ধানে। সংবাদ চাপা থাকত না তাদের কাছে। কেউ দেখা পেত, কেউ পেত না। সহজ কথা? একি সেই লেড়কী, সেই আওরত, যে সড়ক-কি-কিনারে পেতেছে আপনা বেসাতি। হাসি যার ঠোঁটে লেগে থাকে, নাগরকে খুশি করা ছল-কথা যার মুখে করে হরবখত? নহি, নহি বাবুজী। সেই রকম বাস্তবী

ছিল না মনিয়াবাই। গানের কলি দিয়ে ভোলানো ? আরে রাম রাম !'

বলতে বলতে কিছু ভাবান্তর ঘটল সন্ন্যাসীর মুখে। বজ্র হাসিটি চাপা বাথায় ককণ হয়ে ওঠে। যদি ঠিক দেখে থাকি, যদি ভুল না হয়ে থাকে, তবে দেখেছি ঠিক। দেখলাম, কোন এক স্বপূরের বৃকে নিবদ্ধ তার দৃষ্টি। যেন কোন-এক দূরে যক্ষে, কী এক খেলা খেলছে সে। দেখছে, আর তার চোখে সে খেলারই আলোছারার ঝিলিমিলি। তার কথাগুলি বুঝলাম। কিন্তু ব্যক্ত করতে পারব না তার ভাষায়। ঠেট্ট হিন্দী নয়। গ্রাম্য ভাষার মধ্যে গ্রাম্য অলঙ্কার দিয়ে কবিতা আবৃত্তির মত বলল সে। বলল, 'বাবুজী মানো, অনেক খেলা ভগবান আমাদের দেখাচ্ছে। মনিয়াবাইকে দিয়ে ভগবান আমাদের একটা খেলা দেখিয়েছে। মনিয়াবাই সোনার পালকে বসে মহারাণীর আদর পেয়েছে, কিন্তু বৃকের ভেতর তার আঁকা কিছু রঘুনন্দনের মূর্তি। রঘুনন্দন !' যেন সে ডাক দিল রঘুনন্দনকে। জানি নে কে সেই রঘুনন্দন। ব্যাকুল গলায়, জোড় হাতে বলল সন্ন্যাসী, 'হে মহাপ্রাণ, সাধকগুরু আমার প্রণাম নাও।' বলে সে চুপ করল।

জিজ্ঞেস করলাম, 'রঘুনন্দন কে ?

বলল, 'সন্ন্যাসী। সন্ন্যাসী শুধু কপিন এঁটে জটা বাঁধবার জন্তে ? চোখ পাকিয়ে খালি বোম্ বোম্ ? উহ, বাবুজী, সন্ন্যাসী রঘুনন্দনের মধ্যে প্রেমা-বতার বাসা নিয়েছিল। যে তার কথা শুনেছে, প্রাণ জুড়িয়েছে তার। মনে হত, যুগযুগান্তরের কোন সিদ্ধাচার্য নতুন রূপে এসে দাঁড়িয়েছে তোমার সামনে। সেই রঘুনন্দনের ছায়া পড়েছিল মনিয়াবাইয়ের বৃকে। পর-ছায়া নয়। রঘুনন্দনের সাদা ছায়া। যত ছাড়ে, যত মারো, যত বৃক চাপড়াও, সে ছায়া সরবে না। আঙুনে ঝাঁপ দেবে ? তোমার ছাইয়ের, তোমার আত্মার মধ্যে বিরাজ করবে সে। হা-হা-হা...লক্ষ্মীয়ার রাজ ইমারত, বিজলী বাতি আর সোনার খাট। হীরে-জহরতে-ভরা মনিয়াবাইয়ের সর্বাঙ্গ। বাবুজী, লালসামন্ত পাগলেরা বাঈজীর খোলা গায়ে মদ ঢেলেছে। তার সুন্দর পা বেয়ে কোঁটা কোঁটা পড়েছে সেই মদ। লোভী কুকুরের মত কামাসক্ত মানুষ তাই চেটেছে। মাছুষ নয়, জানোয়ার। জানোয়ারের উল্লাস। ঘোবন যার ক্ষেত-জমিনের মাটির ঢালা। আজকে পাথরের মত শক্ত, কালকের বর্ষায় সে কাদা হয়ে গলে যাবে। আর এই জানোয়ারের মাঝে পাগলীর মত খিলখিল করে হেসেছে নটী মনিয়াবাই। হেসেছে, নেচেছে, গান করেছে। তারপর জিন্-পাওয়া আওরতের মত চাঁৎকার করেছে, লণ্ডভণ্ড করেছে ঘরদোর,

ভেঙে দিয়েছে সভা। সে ভৈরবী মূর্তি দেখে পালিয়েছে কামার্ত পশুরা। মনিয়াবাস্ত্রের আর এক নাম ছিল পাগলী বাদ্জী। রূপ ছিল তার পাপ। সেই পাপের মধ্যে লুকিয়ে ছিল আলো। সেই আলো যখন জ্বলে উঠত পাপের ভায়ে, মনিয়া তখন পাগলী হত। হবে না! আরে বাপরে! রঘুনন্দন এসে দাঁড়াত যে তার সামনে। তার দিব্যদৃষ্টির সামনে। তাকে বৃকে নিত, আদর করত, সোহাগ করত। তারপর একদিন—' বলতে বলতে সে খামল আচমকা। যেন কী কথা মনে পড়েছে হঠাৎ। চাপা উত্তেজিত গলায় বলে উঠল, 'মগর, আখেরি নতিজা 'কেয়া মিলি? বাবুজী, দেখ, দেখ তো রামজীদাসীকে। হাত রাখো নিজের বৃকে। রেখে বল, কী দেখছ? কী ভাবছ? তোমার মনের মধ্যে এক ছোট্ট রঙদার চিড়িয়া পাখা ঝাপটা দিচ্ছে না? আরে, সরমাচ্ছো কেন বাবুজী? লজ্জা কী? ওই চিড়িয়া তোমার বাসনার স্বন্দর মূর্তি। তোমারও নয়, সকলের। সকলের মনেই ওই বিহঙ্গ ফটফট করছে। করবে না? ওই রূপ! ওই বেশ! উর্বশীর জীবন্ত ছায়া। রামজীদাসী নামে, বৃকের মধ্যে খিকি খিকি, ধুকু ধুকু। নিজের মন চেনে ক'জন? গৃহী বাদ। সন্ন্যাসী? মন চেনে ক'জন? বাসনা মরেছে ক'জনার? রামজীদাসী নয়, আগুনের পিছু ছুটেছে সব। প্রকৃতি একটা শোধ নিচ্ছে ওই রহস্যময়ীকে দিয়ে। ভগবানের মুখে চুনকালি মাখাতে চাইছে। শুনলে লোকে হাসবে, রাগ করবে। লোকে শুধু ওইটুকুই জানে। থাক, থাক ওসব কথা।'

সন্ন্যাসী চুপ করল। দাঁড়িয়েছিল একটা বাঁশ ধরে। সেটা ছেড়ে দিয়ে দাঁড়াল। আমার মুখের দিকে তাকিয়ে হেসে ফেলল এবার। গলায় তার রুদ্রাক্ষের মালা। রুদ্রাক্ষের কুণ্ডল কানে, বলিষ্ঠ হাতে বালা রুদ্রাক্ষের। কপালে অম্পষ্ট পুণ্ডরখা।

সন্ন্যাসী খামল। কিন্তু আমার মন খামে নি। সে তার সবটুকু অল্পভূতি দিয়ে কান খাড়া করে রইল। দেখছি, রামজীদাসী হাত জোড় করে দাঁড়িয়ে রয়েছে। মুখ দেখতে পাচ্ছি নে। পেছন থেকে দেখতে পাচ্ছি, রূপালী পাড়ের বেটনী ঝিরে রয়েছে তীব্র রেখাঙ্কিত দেহ। তাকে দুভাগ করে নেমে এসেছে স্বর্দীর্ঘ কালো বেনী। আর কীর্তন মণ্ডলেখরের গীতকারেরা সকলে মিলে ধরেছে গান।

রামজীদাসী আর মনিয়াবাস্ত্র। মনিয়াবাস্ত্র আর রঘুনন্দন। সব মিলিয়ে একটা অম্পষ্ট অথচ তীব্র রহস্যের দ্বারে দাঁড়িয়ে আছি উৎকর্ণ হয়ে। অতীত ভারতের এক রহস্যদ্বারের সামনে যেন দাঁড়িয়েছি আমি। যেন বিচিত্র

রহস্তে ছেয়ে গিয়েছে সারা কুন্তমেলা। মনিয়াবাঈ আর সন্ন্যাসী রঘুনন্দনের কাহিনী শোনবার জগ্গ আকুল মন।

জিজ্ঞেস করলাম, ‘সন্ন্যাসীজী, তারপর?’

বুকের খুলে-যাওয়া আবরণ ঢাকা দিল সন্ন্যাসী। হঠাৎ যাওয়ার উত্তোপ করল। বলল, ‘পুরনো কথা বাবুজী। এ হল সন্ন্যাসীদের গুপ্ত-কথা। আপনাদের শুনতে নেই। ভালও লাগবে না।’

বলে সে সত্যি পা বাড়াল। বললাম, ‘যদি বাধা না থাকে, তবে শুনতে চাই।’

সন্ন্যাসী তাকাল আমার দিকে। মন-সন্ধানের তীক্ষ্ণতা তার চোখে। বলল, ‘আপনার আশ্রমের কোতোয়ালের কাছ থেকে শুনে নেবেন বাবুজী। সন্ন্যাসী-সম্প্রদায়ের কারুর অজানা নেই এই কথা।’

বলতে বলতে চলে যেতে চায়। মনে হল অনিচ্ছার ছল-হাসি তার মুখে। হয়তো শুনতে পাবো না কিছুই রামানন্দর কাছে। সন্ন্যাসীর কাছ ধৌঁসে এলাম, জানি নে সাধু-সন্ন্যাসীর মেজাজ। কখন কোন্ ভাবে বিভোর। বেশী বললে যদি আবার গুণ্ডগোল ধটে। তবু বললাম, ভয়ে ভয়ে, ‘অস্থবিধে না হলে আপনিই বলুন।’

সন্ন্যাসী বাঁকা হেসে বললে, ‘কেন শুনতে চান? এ এক সন্ন্যাসীর প্রেম-কাহিনী। আপনার গৃহী মন বিকল্প হবে।’

হয়তো হবে। তবে গৃহী বলে নয়। অমাত্রুষিক কাহিনী বলে মানুষ দুঃখ পাবে বৈ কি। তবুও মনে বড় কোঁতুল। সন্ন্যাসীর আবার প্রেম! সে কি কথা?

বললাম, ‘শুনতে বড় সাধ। সন্ন্যাসীর প্রেম-কথা, এযুগে কখনো শুনি নি।’

সন্ন্যাসী আমার দিকে তাকিয়ে আবার হাসল। হেসে চলছে আরম্ভ করল আশ্রমের গেটের দিকে। বললাম, নীরবে আহ্বান করছে সে আমাকে। আর-একবার দেখলাম রামজীদাসীকে। সত্যি, আগুনই বটে! সভাস্থ নরনারী সকলে অপলক বিম্বিত মুগ্ধ চোখে তাকিয়ে আছে সেদিকেই।

গেটের কাছে এখনো ভিড়। ভিড় ঠেলে বাইরে এলাম। চারিদিকে লোকে লোকারণ্য! যেদিকে তাকাই সেদিকেই লোক। তবে গায়ে গায়ে নয়। সীমাহীন বালুপ্রান্তরের আলোকিত মেলায় ছড়ানো মানুষ।

সন্ন্যাসী চলল পূর্ব-দক্ষিণ কোণ বরাবর। সঙ্কমের এক কোণে। যেখানে সরস্বতী আছে আশ্রমগোপন করে। ওদিকটায় আলো নেই। কিন্তু আকাশে

চাপ রয়েছে। প্রবল শীত। তবু উত্তর প্রদেশের আকাশে এখনো যেন শরতের সমারোহ। সমারোহ শুধু মেঘেরই আনাগোনা। কুয়াশার আবরণ ভেদ করে দেখা যায় না শরতের ঘোর নীলিমা। ঝুসির উচু বৃকে অড়হরের ক্ষেত খন মেঘের মত লেপ্টে রয়েছে অস্পষ্ট আলোকিত আকাশে। এদিকটায় বৈজ্ঞানিক আলো নেই। কিন্তু মানুষের আনাগোনা কম নয়। অস্পষ্ট ছায়া-মিছিল চলেছে চারিদিকে।

যত এগুচ্ছি, বালি তত গভীর মনে হচ্ছে, পা ডুবে যাচ্ছে।

সন্ন্যাসী আমার দিকে ফিরে বলল, ‘সন্ন্যাসীর প্রেম-কথা কখনো শোনেন নি?’

তার কণ্ঠস্বরে অবাক হলাম। এক বিচित्रভাবে ও স্বধায় কথা তার গভীর ও তরল। খুশী ও আনন্দে ভরপুর। বলল, ‘সন্ন্যাসীর প্রেম তার ধ্যানে ও ধর্মে। ধর্মে আর কর্মে। তার প্রেম বলে, ওগো দেব, প্রাণেশ্বরী, প্রেয়সী, সন্ন্যাসীনাং সদা সেবাং পঞ্চতন্ত্রং বরাননে! তবে গোপনে। গৃহী-জগতের বাইরে। প্রেম থাকবে না কেন? তবে, এই প্রেমে অনেক আড়ম্বর, অনেক আয়োজন। লোকচক্ষে বড় ভয়ের বিষয়।... বহন বাবুজী, আপনাকে সন্ন্যাসীদের একটি গুপ্ত ক্রিয়ার কথা বলি।’

বলে সে শিশিরসিক্ত বালির উপরেই বসে পড়ল। আমিও সেখানে বসলাম। আধুনিক শহরে মনে সাধুসন্ন্যাসীদের সবই উদ্ভট বলে জানি। তবু কোঁতুহল ছাড়তে পারি নে।

সে বলল, ‘বাবুজী, সন্ন্যাসীর আছে কুলাচার। কুলাচার কী? আপনি বাঙালী। আপনাদের দেশে কুলাচারী বড় বেশী ছিল। আপনাদের ভক্ত চণ্ডীদাস, কবি-সাধক। শ্রীকৃষ্ণের প্রেমলীলা গেয়েছেন। তিনিও কিন্তু কুলাচারী। কুল তাঁর রজকী। রামী ধোপানী। ব্রাহ্মণী, চণ্ডালী, নটী, ডোমী আর রজকী—এ হল বৌদ্ধ তান্ত্রিকদের নির্বাচন। ব্রাহ্মণ্যতন্ত্রমতে নয়টি কুল। ওই পাঁচ, আর চারটি বেষ্ঠা, কাপালী, নাপিতানী, গোপিনী। কোন কোন তন্ত্রমতে চৌষটি কুল আছে। যবনীও বাদ যায় না তাতে। এসব সাধনমার্গের গুহ্য পদ্ধতি। তবে, এ সবই তন্ত্রমতে। কিন্তু সন্ন্যাসীর তো তন্ত্র নেই। অনেক কুলাচার-পদ্ধতিতে সাধন করে থাকে। আপনাকে সন্ন্যাসীদের কথাই বলি।’ বলে সে আমার মুখের দিকে তাকাল। বোধহয়, আমি কী ভাবছি, সেটুকু দেখবার জ্ঞান। কিন্তু এসব বিভ্রান্ত কম-বেশী শুনেছি। এতে আমার বিশ্বাসের কিছু ছিল না। আমি শুনতে চাইছিলাম, রঘুনন্দন ও

রামজীদাসীর কাহিনী।

সে বলল, ‘সন্ন্যাসী আর অবধূতে বড় একটা তফাত নেই। এরা অনেক জ্যোত্মার্গের সাধন করে। অনেক তার ক্রিয়াকাণ্ড। মূলে বালাহ্নদরী দেবীর আবির্ভাব হল তার কামনা। ঘৃত-কর্পুরের একটি প্রদীপকে তারা পূজা করে। প্রদীপের চারপাশে সাফী থাকেন কালী, ব্রহ্মা, বিষ্ণু, হনুমান আর ভৈরব। এ পূজার উপাচার হল প্রথমা, দ্বিতীয়া, তৃতীয়া, মতি ও চক্রী। বুঝতে পারলেন না? মদ, মাংস, মাছ, অন্ন আর পুরি। এ হল গুপ্ত শব্দ। এ ছাড়া সপ্তমী, বধী। গাঁজা আর তামাকু। এ হল জ্যোত্মার্গে প্রবেশের পন্থা। যে প্রবেশ করে, তাকে আর-একটি ব্রত করতে হয়। তাকে বলে চৈত্র মাসে নবরাত্র ব্রত। এই ব্রতের দিন সন্ন্যাসী চক্র করে আর গুপ্তস্থানে মিলিত হয় আওরতের সঙ্গে। এই মিলন হল সন্ন্যাসীর গুপ্ত সাধনের সিঁড়ি। একে ছাড়া চলবে না। এর মধ্যে আছে অনেক যুক্তি, কুট বিষয়। আপনি সব বুঝবেন না বাবুজী।’

সন্ন্যাসীর জ্যোত্মার্গে প্রবেশ জানি নে। কিন্তু তত্ত্বের নানান কথা অনেকবার শুনেছি। শুনেছি, আর বারবারই মনের মধ্যে মাথা চাড়া দিয়ে উঠেছে একটি প্রশ্ন, ‘এসব কেন, কেন?’ যত জিজ্ঞেস করছি, জবাবগুলি ততই অস্পষ্ট হয়ে এসেছে অল্পভূতিতে। বুদ্ধিও অল্পভূতির অগম্য। নানান জনের নানান মত। সাধকের সিদ্ধিলাভের বিচিত্র লীলা! নিতান্ত সামাজিক জীব আমরা। আমাদের বলে, তোমরা বুঝবে না। আর আমরা ভাবি, তবে বুঝব না। শেষ পর্যন্ত যা পাই, সে তো মানুষের আর সাধকের আত্মার তৃপ্তি। এখানেই এত ঘোর-প্যাচ। কিন্তু কই, বিকলাঙ্গ বলরামকে, তার কথাকে তো এত জটিল মনে হয় নি! সে যেন পরিচ্ছন্ন একটি সুন্দর মানুষ। তার সঙ্গিনী লক্ষ্মীদাসীও তেমনি সুন্দর।

প্রতিবাদ করলাম না। জিজ্ঞেস করলাম, ‘রঘুনন্দনের কী হল?’

সন্ন্যাসী বলল, ‘রঘুনন্দন আর রুক্মিণীর কথা বলব বলেই কথা বললাম। এমনি বললাম বুঝি তোমাকে এসব? তবে, এ বিশ্বসংসারের কিছুই গোপন নেই। তাই বললাম। বাবুজী, রামজীদাসীর রূপ দেখে মানুষের চোখ ভুলে যায়। পুরুষের চোখ কিনা! কিন্তু পুরুষের রূপ দেখেও যে মানুষের চোখ ভোলে, তার প্রমাণ ছিল রঘুনন্দন। এই এলাহাবাদেই এক ব্রাহ্মণের ঘরের ছেলে! মানুষ নয়, সাফাৎ শিব-স্বরূপ। শুধু রূপে নয়, গুণেও। সে চোখ ভুলে তাকালে, গায়ে হাত দিলে, সারা দেহ কাঁটা দিয়ে

উঠত মানুষের। মন্ত্র-তন্ত্র নয়, তার হৃদয়টি ছিল অমনি। তার চরিত্রের গুণে তার কাছে আসত মানুষ। তোমার ঐ নিরজনী আখড়ার সাধুরা রঘুকে বিজ্ঞপ করত, ঠাট্টা করত। বলত, সন্ন্যাসী-জীবন তোমার নয়। গৌকর্নাড়ি কামিয়ে শাড়ি পরে নববীণে চলে যাও। তা বললে কি হয়? মহাজ্ঞানী রঘুনন্দন। তর্কে হার মেনে রগচটা সন্ন্যাসীরা খালি ত্রিশূল দিয়ে মাটি গোঁচাত।...এই রঘুনন্দনের সঙ্গে রুক্মিণীর দেখা হয়েছিল হরিদ্বারে। রঘু তখন জ্যোত্স্নার্গ সাধন করে নবরাত্র ব্রত উদযাপনের আয়োজন করছে।

শুনতে শুনতে মনে হচ্ছিল, কোন এক অতীত যুগের কথা শুনছি। যে ভারতবর্ষকে দেখছি, এ যেন সে ভারতের কাহিনী নয়। কোনও এক হিন্দু-যুগের। সন্ন্যাসীকে বাধা না দিয়ে পারলাম না। জিজ্ঞেস করলাম, 'এসব কত বছর আগের কথা?'

সন্ন্যাসী বলল, 'তা আজ প্রায় পনের-ষোল বছর আগের কথা।'

বিস্মিত হয়ে জিজ্ঞেস করলাম, 'তাহলে রামজীদাসীর বয়স কত?'

হেসে বলল সে, 'কত অল্পমান করছেন বাবুজী?'

অল্পমান? অল্পমান করে নারীর বয়স বলার সাধ্য আমার ছিল না। তবু বললাম, 'বছর পঁচিশ-ছাষিশ।'

সন্ন্যাসী তেমনি হেসে বলল, 'আরও কম বললে দোষ হত না। কিন্তু বাবুজী, আরও আট-দশ বছর বাড়িয়ে দিন।'

আরও আট দশ বছর! চকিতে সেই রূপশিখা মূর্তি ধরে দাঁড়াল আলোর সামনে। আশ্চর্য!

শুধু দেহ নয়। মুখখানিতে কোথাও বয়সের দাগ পড়ে নি। কম বললে লজ্জা ক্ষতি ছিল না।

সন্ন্যাসী বলল, 'মনে আছে, সে যেদিন এল, আমাদের আশ্রমের শূন্য বাগানে যেন ফুল ফুটে উঠল। সন্ন্যাসী হলে তো তার চোখ বন্ধ হয়ে যায় না। হৃদয় মরে যায় না। সে এল। সঙ্গে তার স্বামী। বোলা-কাঁধে নিতান্ত গোঁয়ো মানুষ। চৈত্র মাস। হরিদ্বারে তখন এমনিতেই ভিড়। কেদারবদরির যাত্রীরা আসতে আরম্ভ করেছে। বরফ-গলা জলের ঢল নেমেছে এদিকে-ওদিকে। রুক্মিণীর স্বামী মোহান্তর অল্পমতি নিয়ে থানা পাকাবার আয়োজন করল আশ্রমে। তারা এসেছে আরও উত্তর থেকে। যাবে বদরি-নারায়ণ দর্শনে। আশ্রমের পেছনেই আশ্রমের একটি গুপ্তাবাস ছিল। একটি মস্ত গুহামুখ। সেইখানে নবরাত্র ব্রতের ভিড়। আশ্রমের অনেকে সেইখানেই বাসত। তা ছাড়া

ভক্তও এসেছে অনেক। কয়েকজন এসেছে সন্ন্যাসীক। নবরাত্র ব্রত বড় গোপন বিষয়। তার আয়োজনও চলছিল গোপনে।’

বলে এক মুহূর্ত চুপ করে থেকে হঠাৎ হেসে উঠল সন্ন্যাসী। বলল, ‘বড় অদ্ভুত মানুষ ছিল রঘুনন্দন। গুপ্তাবাস থেকে বার বার বেরিয়ে আসে, আর মোহান্তর কাছে এসে খালি বসে। আমার সঙ্গে যতবার চোখাচোখি হয়েছে, ততবারই হেসেছে। অস্বীকার করব না, সে হাসি সন্ন্যাসীর শোভা পায় না। সে হাসি গৃহী জোয়ান ছেলের। গোপন প্রেমের। তবে, রঘুনন্দনের মুখে একটা চিন্তাও ছিল বাবুজী। মাঝে মাঝে কালো দেখাচ্ছিল তার আন্ধেরী মুখ। আমি ছিলাম কোতোয়াল। নবরাত্র ব্রতে নিমন্ত্রণ করতে যাব অগ্ন্যস্ত্র আশ্রমের সহধর্মীদের। হঠাৎ রঘুনন্দন এসে বলল, ‘কোতোয়ালী, আমি চক্রে থাকতে পারব না রাত্রে।’ আমি তাজ্জব। কয়েক মুহূর্ত তাকিয়ে রইলাম তার দিকে। বড় সুন্দর দেখাচ্ছিল তাকে। নিত্য-মন্ত্র পাঠ করে, নতুন বেশে সেজেছে সে। নেংটির চেয়ে হাঁটু অবধি গেরুয়া ধারণ তার পছন্দ ছিল। গলায় ধুতরার মালা। রুদ্রাক্ষের ফাঁকে ফাঁকে প্রবাল-গাঁথা হার। হাতে বদরিকা-কঙ্কণ। আর প্রবালের মালা দিয়ে জড়ানো জটা। আঙুলের মত তার গায়ের রঙ ভগ্ন মাখা। বৃকে, গলায় আর কপালে রক্তচন্দন। যেন শাক্ত শিব-স্বরূপ। মহাজ্ঞানী রঘুনন্দন। তার ঢিলেঢালা হাসি-খুশি চরিত্রের জগ্ন সে মোহান্ত হতে পারেনি। সন্ন্যাসীর আখড়া আছে। আবার মঠও আছে। সেখানে মোহান্ত কেউ কাউকে করে দিয়ে যায় না। সন্ন্যাসীরা সবাই মিলে যাকে মোহান্ত করে, সে ই হতে পারে। কিন্তু মোহান্তর নিজের খুশিতে কাজ চলে না। সন্ন্যাসীদের সকলের মত নিয়ে তাকে কাজ চালাতে হয়। রঘুনন্দনের পক্ষে এসব সম্ভব ছিল না। কিন্তু ধর্মের ইতিহাস ও জ্ঞান পেয়েছিলাম আমরা তার কাছ থেকে। সে জানত আর বুঝত সকলের চেয়ে বেশী। তার মুখে ওই কথা শুনে আমি ভয়ে বিষ্ময়ে বোঁবা হয়ে গেলাম। শুধু বললাম, ‘কেন?’

সে বলল, ‘আমি কোন উৎসাহ পাচ্ছি না!’

আমি বললাম, ‘চক্রে বসলে উৎসাহ পাবে।’

সে বলল, ‘তা হয় না কোতোয়ালজী। হৃদয়ের আগল বন্ধ। ভগবান আমার সেবায় খুশি হবেন না। এমন সময়ে রুক্মিণী এসে দাঁড়াল সামনে। আমাকে নয়, রঘুনন্দনকে নমস্কার করল। রঘুনন্দন বলল, ‘নারায়ণো, বেঁচে থাকো।’ বলেছিলাম বাবুজী, রুক্মিণী এলে যেন আশ্রমে ফুল ফুটে উঠত।

তার রূপ, তার কথা ও নির্মল হাসি, সকলেরই বড় চোখে লেগেছিল। সে একটু চঞ্চল। স্বর্ণার মত চলছিল তালে চলে। অল্পসময়ের মধ্যেই সকলের স্নেহ পেয়েছিল সে। রঘুনন্দনকে দেখে রুক্মিণী নির্বাক নিখর। চোখে তার আলোর শিখা। তার লজ্জা হল না, জোড় হাতে দাঁড়িয়ে রইল সে। শুধু বাতাসে উড়ছে তার খোলা চুল। বাবুজী, রঘুনন্দনের চোখেও দেখলাম তেমনি আলো। সন্ন্যাসীর মুগ্ধতা! সে তো ভাল কথা নয়, কিন্তু দুজনেই কী সুন্দর! আমি জানী নই, সাধনা নেই আমার। তবু আমার মনে হল, আমার সামনে স্বয়ং হরগৌরী রয়েছে দাঁড়িয়ে। আমার সময় চলে যায়। যেতে হবে অনেক দূরের আশ্রমে। আমি চলে গেলাম। আজ নবরাত্রের শেষ রাত্রি। জ্যোত মার্গে যান যেসব সন্ন্যাসীরা, তাঁদের অনেককেই সংবাদ দিতে হবে।

ফিরে যখন এলাম তখন স্নান উতরে গেছে। আশ্রম নিরুন্ম। কিন্তু কাজকর্ম চলছে ঠিক। তখনো সন্ধ্যাপূজা শেষ হয় নি। মন্দিরে ছিল পাথরের শিবমূর্তি। কিন্তু আখড়া চলে বড় নিয়মে। এ সময়ে সন্ন্যাসীর কর্তব্য হল মানসী পূজা। চোখ বুজে ভাবতে হয় গুরুর মূর্তি। কল্পনায় বসাতে হয় মন্দিরের বেদীতে। নিত্য গুরুদর্শনের ওই পন্থা। গুরুর পা ধোয়াবে, আশ্রান করাবে, ধ্যানকল্পে লেপে দেবে তার সর্বাত্মক বিভূতি। পূজো করবে ফুল-চন্দন দিয়ে। কী বললে বাবুজী? সন্ন্যাসীর গুরু থাকবে না? সন্ন্যাসীর কি একজন গুরু? তার যে গুরু অগণন। মূল গুরু, শিক্ষা গুরু, বিভূতি গুরু। সন্ন্যাসীর সাত গুরু। কেউ তাকে দেয় ডোরকোপীন, কেউ দেয় বিভূতি। কেউ তার শিখা-মুক্তিদাতা গুরু। ষট্‌কর্মের দীক্ষাগুরু হল আচার্য।

এসে দেখলাম, মোহান্ত স্বয়ং মানসীধ্যানে লিপ্ত। আমাকে বসতে হবে। দেবী হয়ে গেছে। এদিকে হাত-পা-মুখ ভরে গেছে ধুলোয়। আখড়ার কিছু সন্ন্যাসীর চোখে-মুখে একটি চাপা আনন্দ ও ব্যস্ততা। নবরাত্রের অংশগ্রহণে খুব উৎসুক তারা। কলিকাল কি-না! সন্ন্যাসী হয়েও স্নেহের মুখ দেখতে চায় সবাই। আসল সাধক আছে ক-জনা?

ভাবলাম, একবার রঘুনন্দনকে দেখে আসি। মন্দিরের পেছনে গিয়ে দেখলাম মহা-আয়োজন। জনা-পাঁচেক আওরতকে দেখলাম, তারা সকলেই গেকর্যা ধারণ করেছে। জনা-বারো গৃহী সাধক এসেছে। তারাও পরেছে গেকর্যা কাপড়। সন্ন্যাসীর বেশে সেজেছে সবাই। সকলেই আমাকে নমস্কার করল। আমি জবাব দিতে পারলাম না। এদের এসব আসর-অলুচান আমার

কোনদিনই ভাল লাগে নি। আমাদের গুহ্য ঘটকর্মে কোন দিনও কোন বাইরের লোক ঢুকতে পায় না। কিন্তু জ্যোত্মার্গে বাইরের লোককে ঢোকাবার অধিকার দিয়ে গেছে আগের সিদ্ধপুরুষেরা। কবে থেকে জানি নে কিন্তু আমাদের জীবনে চিরকালই এই নিয়ম চলতে দেখেছি।

যে পাথরের নীচের গুহ্যঘরে ছিল রঘুনন্দন সেখানটি একেবারে জনহীন। দূর থেকে দেখলাম, অন্ধকার। কাছে এসে ঘরে ঢোকাবার মুখে থমকে দাঁড়ালাম। ছুটি মূর্তি কালো পাথরের গায়ে রয়েছে লেপ্টে। ভাল করে তাকিয়ে দেখলাম, রুক্মিণীর গায়ে গেরুয়া বসন। বাবুজী, রুক্মিণী যে এত স্নন্দরী, আঁধার যে জ্যোতিতে ভরে ওঠে রূপে, সন্ন্যাসিনী বেশে তাকে দেখে তা বুঝলাম। আমার চোখের পলক পড়ল না কয়েক মুহূর্ত। রুক্মিণীর হাসিতে সম্মিত কিরে পেয়ে জিজ্ঞেস করলাম, ‘তোমরা কী চাও?’

রুক্মিণী জবাব দিল, ‘আমরা পূজা করব।’ আর বলবার দরকার ছিল না। বুঝে নিলাম। রুক্মিণীর সঙ্গে মুখে হোক, মনে মনে হোক, কোন বোঝাপড়া হয়েছে রঘুনন্দনের।

রঘুনন্দনের সঙ্গে দেখা করবার অবসর মিলল না। দেখলাম, দীপ জলে উঠেছে ধরের ছপারে ছুটি। একটি মহাদেবের। অপরটি মহাদেবী কালীর। অস্ত্রাস্ত্র সন্ন্যাসী-সাধকেরা এসে পড়ল। সেই সঙ্গে ভৈরবীকণ্ঠী আওরতেরা। আরম্ভ হল শিবশক্তি ভৈরবের উপাসনা, তারপরে প্রসাদ খাওয়া। সে-প্রসাদ শুধু জ্যোত্মার্গের কুলাচারীরাই সন্ন্যাসী হয়েও গ্রহণ করতে পারে।

রুক্মিণী গিয়ে দাঁড়াল রঘুনন্দনের কাছে। রঘুনন্দন তাকে প্রসাদ দিল। তারপর চক্রমধ্যে যা থাকে তত্ত্বমতে সে সবই আরম্ভ হল।

পরে দুদিন আর আমার সঙ্গে রঘুনন্দনের দেখা হয় নি। এমন কি রুক্মিণীকেও দেখতে পাই নি। রুক্মিণীর স্বামীকেও নয়। বাইরে থেকে বিশেষ কিছু বোঝা যায় না। কিন্তু এ ব্যাপারের পর আশ্রমে কিছু কিছু অনিয়ম দেখা দেয়। ক্রিয়াকাণ্ডে গুণগোল হয়।

তৃতীয় দিনে দেখলাম, রঘুনন্দন গঙ্গা থেকে চান করে আসছে। কিন্তু এ সেই আগের রঘুনন্দন নয়। সেই মহাজ্ঞানী হাসিমুখ সন্ন্যাসী নয়। তার সারা মুখে এক অভূত পাগলামি। চোখ আধবোজা, সামনাসামনি হলে বললাম, ‘ওঁ নমো নারায়ণ!’ সন্ন্যাসীর মত জবাব না দিয়ে রঘুনন্দন আমার হাত ধরে বলল, ‘মহাবীর ভাই’। কথাটা বড় কানে ঠেকল। সাধারণ মানুষের মত এমন গদগদভাবে কথা বলছে কেন রঘুনন্দন। বললাম, ‘কী বলছ?’

সে বলল, 'ভাই, নতুন জ্ঞান লাভ করেছি।' অমনি আমারও বৃকের মধ্যে আনন্দে ভরে উঠল। জ্যোত্স্নার্গচক্রে নিশ্চয়ই কিছু দর্শন ঘটেছে রঘুর। তাকে হাত ধরে অড়ালে নিয়ে গেলাম। যেমন করে ছোট ছেলে ধাবার লুকিয়ে নিয়ে যায়। জিজ্ঞেস করলাম, 'কী জ্ঞান লাভ করলে?'

রঘুনন্দন বলল, 'তা তো জানি নে।' বলতে বলতে বাবুজী, দেখলাম, তার চোখভরা জল। আর জলভরা মুখে হাসি। চোখের নজর সামনে নেই, পেছনে নেই। উদাসীন স্বপ্নাচ্ছন্ন দৃষ্টি। হঠাৎ চমকে উঠে বলল, 'শুনেছ?'

বললাম, 'কী?'

বলল, 'শুনতে পাচ্ছ না?'

কান পাতলাম। কিছুই তো শুনতে পাচ্ছি না।

রঘুনন্দন বলল, 'শুন-তা নহি চিড়িয়া পুকারতি মিঠে বুলি?'

'হ্যাঁ, চারিদিকে গাছে গাছে অনেক পাখি ডাকছে। সে তো সব সময় শুন।'

সে বলল, 'ওই তো সেই আনন্দ, মহানন্দ। তুমি শোন সব সময়? কই, আমি তো এতদিন শুনতে পাই নি? দেখতে পাই নি ওই আসমান। এমনি পাগল বাতাস তো লাগেনি আমার গায়ে। সহজ করে দেখিনি কোনদিন কিছু। যা সহজ তাই তো হৃদয়। কিছু দেখলাম না, কিছু শুনলাম না, শুধু ছাই মেখে আঁধা নিয়ে পড়ে আছি। জ্ঞান নিয়ে বড়াই করেছি। জ্ঞান কাকে বলে? বুদ্ধিকে? না, ভুল মহাবীর তাই। বৃকের রস না হলে মাথার ফুল ফোটে না। মাথার সেই ফুলের নাম হল জ্ঞান। শিকড় তার হৃদয়ে। সে হৃদয় আমার অন্ধ ছিল। সে অন্ধ চোখ মেলেছে। যখন প্রাণ মানো না, তখন পূজা আপনি করতে হয়। কিন্তু নিয়মের দাস হয়েছি আমরা। এ আর চলে না। মন্ত্র কি? মন্ত্র কি কেউ শেখায়! সে তো প্রাণ থেকে আপনি উঠে আসে। যে স্বরদাস পথে পথে গান গেয়ে বেড়ায়, ওই গানই তো তার মন্ত্র। অমনি সেবা না হলে সব মিথ্যে। আর অমনি সেবা কেমন করে হয়? যখন সহজ চোখে পড়ে বিশ্বরূপ। সেই বিশ্বরূপ তুমি, ভাই মহাবীর।'

আমি চমকে উঠে বললাম, 'এসব কী বলছ রঘুনন্দন?'

সে বলল, 'মিথ্যে বলি নি তো। তুমি, এই মাটি, এই বাতাস, জল, ওই গান-পাগল পাখি, ওই আকাশ। এর মধ্যেই সেই রূপ ছুটে রয়েছে, দেখতে পাইনি এতদিন।'

বললাম, 'শিখাসুত্রত্যাগী সন্ন্যাসী তুমি, বট্‌কর্ম শেষ করে পূর্ণ সন্ন্যাসধর্মে দীক্ষিত, সপ্তগুরু কাছ থেকে প্রতিজ্ঞাবদ্ধ, কলিকালের আখড়াশ্রয়ী অবধূত, এসব কী বলছ ?'

রঘুনন্দন বলল, 'ঠিকই বলেছি ভাই। সপ্তগুরু কেন ? গুরু আমার তুমি, এই প্রকৃতি, গুরু আমার রুক্মিণী, এই সংসার, সংসারের সব আদিম আর আওরত যা অপরূপ, তাই গুরুর রূপ। এর গুরু কোথায় জানি নে। জানি নে বন্ধু, এর শেষ কোথায়।' বলে সে নিজেকে গান গেয়ে উঠল। গানে গানে সে বলল, 'ওই যে গঙ্গা বয়ে চলেছে, কত রূপরাশি তার চোখে, সেই রূপ দেখে তুই নাচতে নাচতে চললি গঙ্গা। কিন্তু যেখানে তোর শেষ, সেখানে তোর শুরু। যার বুকে ঝাঁপ দিলি তুই সে যে অসীম কুলকিনারাতীন। আমিও তেমনি ঘাটে ঘাটে ভেসে যাব, মন ভরাব রূপের হাটে হাটে।' বাবুজী, রঘুনন্দনের এই রূপ যেন বাগুরা সন্তের হাসি-কান্নাভরা বিচিত্র ও অপরূপ। ওই গান সে নিজের মন থেকে বানিয়ে গাইলে। আমার মনে হল, যেন ঠিকই বলছে রঘুনন্দন। মনে হল, ঝুটা আমার এই বিভূতি মাথা, জটা রাখা আর আখড়ায় থাকা। মনে হল, এসব আমার চারপাশের নিগড়। ছুটে ভেঙে বেরিয়ে পড়ি। জানতাম, নির্দ্বন্দ্ব সন্ন্যাসী বলতে যা বোঝায়, রঘুনন্দন ঠিক তা ছিল না কিন্তু এত অল্প সময়ের মধ্যে তার এই বিচিত্র পরিবর্তন কী করে হল।

সে আবার বলল, 'সব দেখবে তার আগে নিজেকে দেখতে হবে না ? মনো ব্রহ্মেতি ব্যক্তানাং। এ কথা তোমাদের বলেছি মহাবীর ভাই, তাকিয়ে দেখি মনের আঁধার যে বড় ভারী। সে তিমিরে কিছুই চোখে পড়ে না। নমোমাহতাং। কিন্তু কোন্ সাহসে নমস্কার করব নিজেকে। খুঁজি, দেখি। এতদিন হরিদ্বারে আছি, তার গাছপাথরটুকুও দেখি নি কোনদিন নিরালায় বসে। মানুষকে মনে করেছি সব ব্যাটা টাকাথোর আর কানুক। ক্ষমা কর, ক্ষমা কর। যে নিজেকে চেনে না, সে পরকে দেখবে কেমন করে।'

সন্ন্যাসীর কথা, অর্থাৎ মহাবীরের কথা শুনে আমি বিস্ময়ে হতবাক সে কি ! সন্ন্যাসী রঘুনন্দনের কথা তো দেখেছি বাউলের গান হয়ে উঠেছে। এ যে সহজিয়া বাউলের কথা। যেন উকি দিচ্ছে বলরাম। রঘুনন্দনের এ সহজ কথা, সহজ ভাব আমার মনকেও নাড়া দিয়ে দিল। হৃদয়ের রস দিয়ে সে জ্ঞানের ফুল কোটাতে চায় মস্তিষ্কে, রূপে পাগল হওয়া ছাড়া তার গতি কি ?

চাঁদ উঠে এসেছে আরো খানিকটা। মাঝে মাঝে মেঘ উড়ে চলেছে চাঁদের

মুখ চাপা দিয়ে। হিমালয় থেকে সমুদ্রে, উত্তর থেকে দক্ষিণে তার গতি।
মেঘের ছায়া পড়েছে বাবুচরে। আলো-ঝিকিমিকি বাবু-হাসি চাপা পাড়ে যাচ্ছে,
যেন আচমকা কপট অভিমানে। কিন্তু কী শীত। আর এখনো কত ভীড়।
কত কোলাহল।

মহাবীর আবার বলল, 'বাবুজী, রঘুনন্দন চোখের আড়াল হল। মনে
এল আমার কুসন্দেহ। ভুলে গেলাম তার প্রাণ ভোলানো কথা। মনে
করলাম, রঘুচরিত্রে দুর্বলতা ঢুকেছে। কেন? না, তার কথাগুলি যত
মনে আসতে লাগল, সবই যেন ওই রূপবতী রুক্মিণীর কথা মনে করিয়ে
দিল। ও তো কথা নয়, বুঝি কথা দিয়ে রুক্মিণীর রূপের আরতি। কপনি-
আঁটা সন্ন্যাসী আঁওরতের সর্বনাশী মায়াজালে ধরা পড়ে মাথার ঠিক রাখতে
পারছে না।

আশ্রমে এসে দেখি, রুক্মিণী। গায়ে তার গেকুয়া নেই। পরেছে নিজের
শাড়ী। তার রূপের চকুটা আখড়ার ঘরে-মন্দিরে। শুধু দেখতে পেলাম না
তার স্বামীকে।

মোহান্ত ডেকে বলল, 'বদরিনাথ দর্শনে যাবে না তুমি?'

রুক্মিণী হাসল। সে কী হাসি। সারা দেহ ভরে তার এক বিচিত্র
আনন্দ যেন ঝরে পড়ছে। রূপ তার দ্বিগুণ আলোয় উঠেছে ভরে। বলল,
'না বাবা! এখানে থেকেই তাকে সেবা করে যাব। তোমরা আমাকে
আশ্রমে থাকতে দাও। আমি ভগবানের সেবা করব।'

এরকম অনেক ছিল বাবুজী। ঘর ছেড়ে আসা অভাগিনী চিরজীবন
আশ্রমের সেবা করে কাটিয়ে দিয়েছে। আশপাশের গাঁয়ের অনেক বউ-ঝি
সারাদিন কাজ করে আশ্রমে। সন্ধ্যা হলে ফিরে যায় ঘরে। কিন্তু এই
আগুন কোথায় রাখা হবে, সন্ন্যাসীর আখড়ায়? মোহান্ত জিজ্ঞেস করল,
'তোমার স্বামী কোথায়?'

বলল, 'তাকে দেখতে পাচ্ছি নে বাবা।'

সন্ন্যাসীদের মধ্যে কেউ বললে, 'থাকুক।' আপত্তি ছিল কারুরও কারুর।
কিন্তু বাপারটার কোন ফয়সালাই হল না। সে থেকে গেল আশ্রমে।

মুখে কেউ কিছু বলল না। কিন্তু ভেতরে ভেতরে সকলেই কৌতূহলিত।
সন্দেহে ঘনীভূত হল। সকলেই চোখে চোখে রাখে রঘুনন্দনকে। আমিও।
সবাই ওত পেতে আছি। কবে একদিন ঘরে ফেরে রঘুনন্দনের অগকীতি।

কিন্তু বাবুজী, রঘুনন্দন সে ধার দিয়েও গেল না। না, সে জটা মুড়ায়নি,

ছাড়ে নি বিভূতি-লেপন। কিন্তু সে মাছুষটি আর নেই। সকাল-সন্ধ্যায় পূজা-অর্চনায় মন নেই। তারপূর্বে পদে পদে গাফিলতি। সেজ্ঞা কোন অল্পশোচনা নেই। বাওরা সন্তের মত দিবানিশি শুধু গান, আত্মতোলা হাসি। বোঝে এখানে সেখানে। সে ঘোরে বাইরে বাইরে। রুক্মিণী কাঁট দেয় আখড়ার উঠোন, লেপা-পৌছা করে, জল তোলে, প্রসাদ পায়। কতদিন গেছি রঘুর পেছনে পেছনে। সে যেত নিরালায়। গান গাইত আপন মনে : ‘আমার পাখায় যেদিন হাওয়া লাগবে, সেদিন ছুটে যাব তোমার খোঁজে। কখনো বসব তোমার গিরিশঙ্ক্রে, ভাসা মেঘে ঠোট ঢুকিয়ে মেটাব আমার পিয়াস। তোমার এই ভুবনে কানে কানে শোনাব তোমারই রূপগাথা।’ গান শোনার জ্ঞা ভিড় করত লোক তার পিছে। তার মত জ্ঞানী পুরুষের এই রূপ দেখে অবাক হল অনেকে !

আমি খালি ভাবতাম, ওই গানের মালা কে পরিয়ে দিল তার গলায়। কে খুলে দিল এই গীত-নির্ব্বারের উৎস-মুখ। সন্ধ্যাবেলা মানসীপূজায় বসে, গুরুমূর্তি কল্পনা করতে গিয়ে, বার বার দেখি রঘুনন্দনকে। কানে শুধু তারই কথা,—

ব্রহ্ম নামে একটি ফুল ফুটেছে।

তার গন্ধ পাগল করেছে আমাদের।

সে ফুলের রূপে আগুন আছে।

তবু আমার চোখে জ্বলে নি !

শুধু আমার অন্ধ হৃদয়ে জ্বলিয়ে দিয়েছে বাতি ॥

বাবুজী রুক্মিণীর সঙ্গে যখন দেখা হত রঘুনন্দনের, তখন তারা নমস্কার করত পরস্পরকে। কিন্তু রুক্মিণী চঞ্চল হয়ে উঠত। বুঝতে পারতাম, রঘুনন্দনের সঙ্গ-কামনায় পাগলিনী হয়েছে সে। লোক-লজ্জার ভয় ভুলে কোন কোন সময় ছুটে যেত রঘুর পেছনে। রঘু হেসে তার মাথায় হাত বুলিয়ে ফিরে আসতে বললেই ফিরে আসত সে।

বাবুজী, রঘুর প্রতি বিদ্রোহ আসত না কারুর। লজ্জার কথা, ঘাদের আসত, তারা সকলেই রুক্মিণীর প্রতি আসক্ত ছিল। গৃহী শিষ্যকুল আসত ঘন ঘন। নজর শুধু ওইদিকে। আখড়ারও অস্বাভাবিক অবস্থা।

হঠাৎ একদিন আখড়ার সকলেই শুনল, রঘু গাইছে, ‘হে ব্রহ্ম ও জ্ঞান, তোমার নাম রুক্মিণী। হে পৃথিবী, তোমার নাম রুক্মিণী। এই হিমাচল ও গঙ্গা, এই বিহঙ্গ ও গাছ, এই আকাশ ও মাঠ সকলেই রুক্মিণী নামে ও

রূপে হৃন্দরী। হে অবধূত-হংস, তুমি আসলে দেহস্থিত একটি নারী। তোমারও নাম রুক্মিণী। এবার আমি যাব তোমার সন্ধানে। সময় হয়ে গেছে আমার। ডাক পড়েছে।’

বাবুজী, আরও তাজ্জব। নির্ভয়ে রুক্মিণী এসে ফুল, জল, চন্দন দিল রঘুর পায়ে। সকলে স্তম্ভিত। অনেকে রেগে উঠল। মোহান্ত বলল, অগ্নাত আখড়ায় খবর দিতে হয়। আমাদের আছে অনেক আশ্রম, নির্বাণী, নিরঞ্জন, অটল, জুনা, আনন্দ। সকলের মতামত প্রয়োজন।

কিন্তু দরকার হল না। সেই রাত্রি থেকে রঘু নিরুদ্ধেশ। রুক্মিণী রয়েছে। চকিতা হরিণীর মত কেবলি খুঁজছে। সে যাকে খুঁজছে, আমরা, বিশেষ আমি, খুঁজছি তন্ন তন্ন করে। সারা হরিদ্বারে পাতা মেলে নি তার। তাকে কে পাগল করল বুঝলাম না, কিন্তু সে আমাদের পাগল করে কাঁদিয়ে চলে গেল।

দুমাস ধরে এই ব্যাপার চলছিল। সকলের মনে যে অশান্তিটুকু ছিল রুক্মিণীর জন্ম, দুমাস পরে তার স্বামী এসে সেটুকু দূর করল। তার স্বামী এল। একলা নয়। সঙ্গে আরও কয়েকজন লোক। ছি ছি ছি, আখড়ার বদনাম। সম্মাসীরা জোর করে রেখে দিয়েছে নাকি তার বউকে। তাই সে কেড়ে নিতে এসেছে। যাদের নিয়ে এসেছে, তাদের মধ্যে দুজন তলোয়ারধারী শিখও ছিল। লোকগুলি যে নির্ধুর প্রকৃতির, সে বিষয়ে সন্দেহ ছিল না।

কে রেখেছে? নিয়ে যাক রুক্মিণীকে। আমরাও তাই চাই। কিন্তু বঁকে বসল রুক্মিণী। সে যাবে না। তা বললে তো হয় না। এ ব্যাপারের পর আখড়া তাকে এমনিতেই সরিয়ে দেবে। বদনাম যা হওয়ার, তা তো হয়েছেই।

শেষে ওরা জোর করে নিয়ে গেল রুক্মিণীকে। বাবুজী, মিথ্যে বলব না, আমার বুক বেজেছিল। কেন বেজেছিল? তাহলে বলি, কে অস্বীকার করবে, সে ছিল আমাদের প্রিয়তম রঘুনন্দনের সাধন-প্রেরণী? রঘু-রুক্মিণী যে একাকার হয়েছিল। বাবুজী, কুলাচারে নারীর সঙ্গ-মধ্যে হৃদয় ও প্রেমের মধ্যে কিছু আছে কি না জানি নে। থাকলেও বিশ্বাস করতে মন চায় না। ও শুধু সাধনমার্গের যান্ত্রিক ক্রিয়া।

কিন্তু রঘু আর রুক্মিণী। কুলাচারের চেয়েও প্রেম বড় হয়ে উঠেছে সেখানে। বাবুজী, হৃদয়ের রসহীন যে চারাগাছ উঠেছিল রঘুর মাথায়, রুক্মিণী তাতে ফুল ফুটিয়েছিল। রঘুর জ্ঞান ও হৃদয়ের মাঝামাঝি বন্ধ দরজার চাবি

‘হয়ে এসেছিল রুক্মিণী। এর পরে রথকে কে কী দিয়ে রাখবে বেঁধে।’

বলে মহাবীর উঠে দাঁড়াল। কথা যে এইখানেই শেষ করবে, একেবারে বুরতে পারি নি। বললাম, ‘তারপর?’

‘তারপর কী বাবুজী?’

‘রুক্মিণীর কী হল?’

মহাবীর জবাব দিল, ‘কী হল, তা ঠিক বলতে পারি নে বাবুজী। তবে বছর না ঘুরতে দেখলাম, রুক্মিণী মনিয়াবাস্তি হয়েছে।’

জিজ্ঞেস করলাম, ‘কী করে?’

সে বলল, ‘তাও ঠিক জানিনে। যতদূর শুনেছি, তাতে মনে হয়েছে, রুক্মিণীর স্বামীর সঙ্গে যে লোকগুলো এসেছিল তাকে উদ্ধার করতে, তাদেরই কীর্তি এটি। রুক্মিণীকে দেশে ফিরিয়ে নিয়ে যেতে পারে নি তার স্বামী। তার সাঙ্গোপাঙ্গর নিয়ে তুলেছিল একটা ডেরায়। শুনেছি, সেখানে ছিড়ে যাওয়া হয়েছিল তাকে। আর তার কাপুরুষ স্বামী পালিয়ে গিয়েছিল সেখান থেকে।’

‘বাবুজী, রুক্মিণীকে উদ্ধার করার কিছুই ছিল না। রঘুনন্দন তো আগেই চলে গিয়েছিল। তবু, বদনাম রটে গিয়েছিল আমাদের আশ্রমের নামেই। এমন কি, আমাদের বিভিন্ন আখড়ার দু-একজন রথকে খুঁজে ধরে নিকেশ করে দেওয়ার প্রস্তাব পর্যন্ত করেছিল। সেটা যত না আখড়ার ছুনীমের জন্ত তার চেয়েও বেশী বিরুদ্ধ ধর্মাচরণের জন্ত। কিন্তু তা সম্ভব হয় নি। তা হলে ঘটনা অনেক দূর গড়িয়ে পড়ত। আর রুক্মিণী! তার তো অপরাধের সীমা ছিল না! আখড়া থেকে তবু-বা তার স্বামী তাকে ফিরিয়ে নিয়ে যেতে এসেছিল। কিন্তু অতগুলো লোকের দ্বারা যে দিনের পর দিন ধর্ষিতা হয়েছে, তাকে কি কখনো ফিরিয়ে নিয়ে যাওয়া যায়! সে পালিয়ে বেঁচেছিল। তবে, এর জন্ত সে আর ডাকে নি লোক-লপ্সর, যায় নি পুলিশের কাছে। জানি নে, কে তাকে প্রতিষ্ঠা করে দিল লক্ষ্মণের বাঈজী মহলে। কিন্তু নামে তার সারা শহর চঞ্চল হয়ে উঠেছিল।’

একটু খামল মহাবীর। দাঁড়িয়ে ছিলাম হুজনেই। সে দূরের দিকে তাকিয়ে বলল, ‘দেখেছিলাম একদিন। খুবই কোতূহল ছিল। সেবার লক্ষ্মণ গিয়েছিলাম। তখন ছুনিয়াজোড়া যুদ্ধ শুরু হয়ে গিয়েছে। শহরের বাতিগুলো সব বোরখা পরেছিল। অন্ধকার। কানের পাশ দিয়ে একটা কথা শুনলাম, ‘মনিয়াবাস্তি দাঁড়িয়ে আছে।’ চমকে উঠল বুকের মধ্যে। কোথায়? ফিরে

দেখলাম, সামনে রাজ-ইয়ারত। দোতলা কুঠি। উপরের বারান্দায় দাঁড়িয়ে রয়েছে রুক্মিণী। রুক্মিণী নয়, মনিয়াবাই। একটু আলো এসে পড়েছে ঘরের থেকে। দেখলাম, আঁধারে বিদ্যুৎশিখা, স্থির। বাড়ির সামনে কয়েকটি মোটরগাড়ি দাঁড়িয়ে রয়েছে। দোতলার বারান্দায় ছায়ার মত ঘুরছে কয়েকজন লোক। ব্যাপারটা কী হচ্ছে, কিছুই বুঝতে পারলাম না। শুধু দেখলাম, ছায়াঙ্গণতে এক মূর্তিমতী রূপসী উর্বনী। সেখানে বা অগ্র কোথাও বাজছিল সরোদের চাপা বাজনা। পুরুষ গলায় চাপা হাসি। কিন্তু মনে হল, বাঈজী যেন অগ্র জগতে রয়েছে। কিসের ঘোরে সে আচ্ছন্ন, কিন্তু সে শুধু তার বাঈজীহুলভ অভিনয়। তার রূপ-পাংগলদের একটু নাচানো। সরে এলাম তাড়াতাড়ি। রঘুনন্দনের কথা মনে পড়ছিল। আমার রঘুনন্দন।

থেমে আবার বলল, 'তারপর রামজীদাসীকে দেখছি আজ কয়েক বছর। জানিনে, এর কী দরকার ছিল। এতে করে ধর্ম কতখানি এগুল, জানি নে। কেন সে ওই জীবন ছেড়ে এল চলে। বাবুজী, মাহুঘের মন। রামজীদাসী আজ উত্তর-পশ্চিম প্রদেশের এক রহস্যময়ী নারী। তার ধর্মপ্রচারে কতখানি কাজ হবে, আমি বুঝিনে। সাধারণ মাহুঘ দূরের কথা, সাধু-সন্ন্যাসী মহলে তাকে নিয়ে রীতিমত আলোচনা হয়। নিজের চোখে দেখে এলাম। সে যে আগুন। আগুনের শিখা। কোন্‌দিন আবার কি প্রলয় উপস্থিত হবে, কে জানে! আমার সেই ভয়।

'তবে যতদূর শুনি, সে এখন নাকি সব সময়েই নামের ঘোরে থাকে। অষ্ট-প্রহর নামকীর্তনই তার কাজ। লোকে বলে, রঘুনন্দনের সঙ্গে নাকি তার দেখা হয়েছিল। সেই থেকে সে এ পথে এসেছে। আমি বিশ্বাস করতে পারি নি। এখনো করি না। রঘুনন্দন আর রামজীদাসী আকাশ-পাতাল তফাত। তাছাড়া আর-একটি কথা শুনেছি...'

মহাবীর থামল। বললাম, 'কী?' মহাবীর বলল, 'গুজব বলেই মনে হয়। ওই যে দেখলেন সরোদ বাজাচ্ছেন একটি লোক। ছিল লোকটি একজন সরকারী কেরানী। ভালো সরোদের হাত। ওটি ওর সাধনার জিনিস। ভারী ওস্তাদ বাজিয়ে। কোন বাঈজী ওকে পেলে বর্তে যেত। লোকটি নাকি নিজের ইচ্ছেয় মনিয়াবাইয়ের ওখানে যন্ত্র বাজাতে যেত। সে-ই নাকি মনিয়াকে এ পথে নিয়ে এসেছে। সকলেই তো কেটে পড়েছে আজ। শুধু ওই লোকটি ছায়ার মত, ওই মিঠে যন্ত্রটি কাঁধে নিয়ে ছায়ার মত ফিরছে রামজীদাসীর সঙ্গে সঙ্কম। শুনতে পাই, লোকটি নাকি খুব ভাল। একরকম

মৌনব্রত বলা যায়। কথা বলে না কারুর সঙ্গে। এমন কি, রামজীদাসীর সঙ্গেও নাকি তাকে কেউ বড় একটা কথা বলতে দেখে না। এই সরোদের স্বরই তার কথা। ওটি না বাজলে, রামজীদাসীর রাম-ভজনের নাচ আসে না, পা ওঠে না।

বলে, মহাবীর একটু হাসল। বলল, 'বাবুজী, অনেকেই জানে ওসব কথা তাই বললাম। এবার আমি চলি।'

বললাম, 'আপনার রঘুনন্দনের...'

আবার হাসল সে। সে হাসির অনেক অর্থ। বলল, 'আমার রঘুনন্দন। বুটা বলেন নি। তবে আমার একলার নয়। আমাদের আখড়ার স্বথের সংসারে সে ভাঙন ধরিয়ে দিয়ে গিয়েছিল। বদনামের নয়, একটা নতুন ভাবের ঘোর এনে দিয়েছিল সে।' বলতে বলতে দেখলাম, মহাবীরের মুখে একটা চাপা বেদনার হালকা অন্ধকার চেপে বসল। চাপা গলায় বলল, 'সে যে আমাকে পাখির গান শুনিয়ে গেল, সে যে আমাকে বিশ্বরূপ দেখিয়ে গেল, সে যে আমাকে এক পাগল প্রেমের পথ দেখিয়ে গেল, সেই হল আমার কাল। বাবুজী, আমি আর সন্ন্যাসী নই। ধরে ফিরে যাওয়া মনস্থ করেছিলাম, পারি নি। সেই সহজ আর অসীমকে খুঁজে বেড়াচ্ছি। ভাবি, সহজ আর অসীম, সে যে কুকের রসে মাখার ছুল ফোটাণোর সাধনা। সে যে বড় যন্ত্রণার, বড় ব্যথার, মহা স্বথের, মহা আনন্দের-কোনটাই যে খুঁজে পাই নে।

'বাবুজী, কুলাচারীর চক্রসাধনে হৃদয়ের স্থান কতটুকু আছে, জানি নে। কিন্তু এ জৈব-সাধনাই ধর্মাস্তরিত করে গেল সন্ন্যাসীকে। ভেঙ্গে দিয়ে গেল তার আচার-বিচার। তত্ত্বসাধনায় অভ্যস্ত হয় নি সে। তার জ্ঞানের স্বধা হৃদয়ের রসে মিশে ভেসে গেল। যেমন হিমালয় থেকে নেমে ওই গঙ্গা চলেছে দুকূল ভাসিয়ে। প্রেম ও সহজের ওই তো পথ। রুক্মিণীর সঙ্গে রঘুনন্দনের প্রেম ছাড়া আর কি ছিল? কিছু না। নইলে আচারের নিগড় ভাঙত কী করে? তবু ভাবি, একদিনের তো দেখা রুক্মিণীর সঙ্গে। এত আলোড়ন আনল কী করে?

'কী জানি। প্রেমের কাজই নাকি অমনি। কখন কোন্দিকে চলে, কে জানে। গতি তার নিমেষে সব ওলট-পালট করে দিয়ে যায়।'

বলে হেসে উঠল আবার। কপালে হাত ঠেকিয়ে বলল, 'নমস্তে বাবুজী।'

বলে আর এক মুহূর্ত অপেক্ষা না করে পুবদিকে চলে গেল। অদূরেই নয়নজুলির মত একটি অল্পগভীর খাদ গিয়েছে উত্তর, দক্ষিণে। আশেপাশে

তখনো চলাচল করছে অনেক লোক। সেই বালি-খাদের আড়ালে, লোকারণ্যে হারিয়ে গেল মহাবীর।

হৃদয় কাহিনী। যেন কোন অতীত যুগের কাহিনী গুনলাম। সব কথার সঠিক অর্থ অনুমান করতে পারি নি। কী করে পারব। আমার নেই কোন আধ্যাত্মবাদের অনুভূতি। নিতান্ত বিজ্ঞানাপ্রিত মানুষ। জীবনে আছে অনেক বিভ্রম। তার মাঝে ফাঁকতালে এসেছি ছুটে জনসমুদ্রের মহাসঙ্গমে।

তার মাঝে এই কাহিনী, যেন কোন অতীত অধ্যায়ের পাতা মেলে দিল আমার সামনে। যে রক্তমাংসের উচ্চ-নীচ মানুষ দিয়ে আমাদের কারবার, এ কাহিনীর নায়ক-নায়িকারা সে আওতার বাইরে। বেদান্তিত সন্ন্যাসীর প্রেম—সেই তো বিচিত্র। অথচ চোখে দেখে এসেছি রামজীদাসীকে! আধ্যাত্মবাদ না বুঝি, রঘুনন্দনের সঙ্গে রুক্মিণীর প্রেম অনুমান করতে পারি। যে প্রেম তাকে ঘর ছাড়া করেছিল। ঘর-ই তো। আখড়া, আচার, নিয়ম, পূজা আর থাওয়া, এই মিলে যে অভ্যাসের ঘর তৈরী হয়েছিল, সেই ঘর ভেঙে গিয়েছিল তার।

রঘু-রুক্মিণীর প্রেম আমাদের প্রেম নয়। তবু পুলক-শিহরণে কত বিচিত্র দর্শন তো আমাদেরও ঘটে থাকে। প্রেমে কত নতুন অনুভূতির বীজ অঙ্কুরিত হয় মনে। কত সময়, বেলাশেষের রক্তিম আকাশ দেখে চোখ ভুলে যায়। হাওয়া-দোলা শস্যের হরিৎ সাগরে নিজের প্রাণে লাগে ঢেউ। দূর গ্রামের কোন এক অনামী স্টেশনে, ভাগর চোখে কিবাণী কলাবউটিকে দেখে মনে আমাদের ছোঁয়া লাগে অপরাধের। ষ্ট্রয়ারিং ছইল চেপে-ধরা যন্ত্রী, আর উদয়ান্ত কলমপেয়া মানুষের দল আমরা আচমকা এক সময়ে গুনগুনিয়ে উঠি,

এমনি করেই যায় যদি দিন থাক না।

মন উড়েছে উড়ুক না রে,

মেলে দিয়ে গানের পাখনা ॥

জানি, দিন যাবে না অমনি করে। জানি, মনের রঙিন পাখা মেলে থাকবে না দিবানিশি। তবু, জীবনযুদ্ধের মাঝে, অমনি করেই আমরা হৃদয়ের একটি দিক আঁকড়ে ধরে রয়েছি। হাজার দুঃখ যন্ত্রণা বেদনার মধ্যেও ওই বস্তুটি ছাড়তে রাজী নই।

রুক্মিণীর প্রতি রঘুর প্রেমে, আমাদের চোখে কিছু রহস্যময় রহস্তে ঘেরা।

মনো ব্রজাতি ব্যাজনাৎ । কথাটি আমাদের মনে সৃষ্টি করে রহস্যবাদের ।

কিন্তু সৌন্দর্য পিপাহুর চোখে এক নতুন দিক উন্মোচিত হয়েছিল । যে দিক তার চোখে বুলিয়ে দিয়েছিল শিল্পীর অঙ্গন । যে চোখ গাছগাছালি দেখে মুগ্ধ হয়েছিল । যে প্রাণ ভুলেছিল বিহঙ্গকুলের গানে । এ তো রক্তমাংসেরই পাঁচ ইন্দ্রিয়ের অল্পভূতি । রঘুর সেই সহজ হৃদয়ের উপাসনা, সে তো আছে সকলের মনে মনে । আছে অন্তরকমে । আছে সকলের বুকে বুকে । রঙের হেরফের করে আছে ।

নইলে ভুলি কেন বাউলের গানে । বাউল তো আমাদের কাছে সাধক নয় । সে শিল্পী । মনের মানুষের খোঁজে সে ফিরছে । ফেরার আনন্দ-ই তার কাছে বড় । সেই আনন্দে গান গেয়ে উঠছে, তার মনেরই মানুষ, ‘আমি কী গান গা’ব যে ভেবে না পাই ।’ সে কণ্ঠে কণ্ঠ দিয়ে আমরাও ‘ওঠি যে ফুকরি ফুকরি ।’

বুললাম, বেদান্তিত সন্ন্যাসী রঘু বাউল হয়েছিল । ব্রহ্মিণী, রামজীদাসীর অপূর্ব রূপের মাঝে রয়েছে কোন্ রহস্যময়ী, তা কে জানে ! বিংশ শতাব্দীর মধ্যাহ্নে এ যেন কোন অতীত যুগের নায়িকা এসেছে এ যুগে মানুষের সামনে । কে জানে তার হৃদয়তলে কোন্ রহস্যের আধার ! তার রক্তিম ঠোঁটের কোণে বঙ্কিম রেখায় কোন্ গৃহতন্ত্রের উকিঝুঁকি ।

কিন্তু সরোদ হাতে সেই মানুষটি হঠাৎ বড় হয়ে উঠল চোখের সামনে । সেই সরকারীকেরানী । যে সব ছেড়ে, শারাদের বুকে হর সাজিয়ে ফিরছে রামজীদাসীর সঙ্গে সঙ্গে । যার সরোদের বন্ধার বিনা রামজীদাসীর স্তম্ভ পদযুগলে আসে না নাচের জোয়ার ।

বহরুপী ভারতের এও এক রূপ । এই কাহিনী । যা শুনলাম তাতে সারা বালুচর যেন এক বিচিত্র ঝাপসা চেহারায় ভেসে উঠল চোখের সামনে ।

যাই, ফিরে গিয়ে দেখি আর-একবার সেই সারোদবাদককে । কিন্তু অনেক দেরি হয়ে গিয়েছে । ভেঙে গিয়েছে হয়তো আসর ।

এখনো চারিদিকে অনেক মানুষ । প্রচণ্ড শীত । হালকা কুয়াশায় ছায়ার মত চলেছে সব আপাদমস্তক মুড়ি দিয়ে । বোঝা যায়, তাঁবু-কোটরের দিকেই সকলের গতি । আর দেরী সইছে না কারুর । সারাদিনের পুণ্য সঞ্চয় এবার শীতের কামড়ে কাত করে দিয়েছে ।

আকাশে চাঁদ এসেছে প্রায় মাঝামাঝি। মেঘ ভেসে চলেছে উত্তর থেকে দক্ষিণে। আকাশের কোন সীমানায় গর্জন করছে অদৃশ্য উড়োজাহাজ।

সপাং করে চাবুকের শব্দ শুনে চমকে উঠলাম। বালুচরে ঢুকেছে টাঙ্গা, চাকা বসে যাচ্ছে। ঘোড়া দৌড়ুতে পারছে না। যাত্রী ও যাত্রীনিরা সকলেই ঘুমে ঢুলুঢুলু। তাকিয়ে দেখি, চাবুক কোমরে গুঁজে টাঙ্গাওয়ালা ঝাঁপিয়ে পড়েছে চাকার উপর। বুঝলাম, একটু বেশী বালির গভীরে ডুবে গিয়েছে চাকা। চাকাটির প্রতি কটুভক্তি করে নিজে হাতে চাকা টেনে টাঙ্গা এগিয়ে নিয়ে চলল সে। শুনলাম, জড়ানো যাত্রীকণ্ঠ, ‘ক্যায়া, বিমারীবালা ঘোড়া লে আয়া? ভাড়া ঠিক নহি মিলেগী।’

টাঙ্গাওয়ালা যা বলল, তার মানে, ‘হ্যাঁ, কুস্তমেলায় ভগবান খালি তোমাদেরই ঘাড়ে চেপে রয়েছে! আর আমি শালা খালি হাতে ঘরে ফিরে যাব।’

কোন জবাব শুনেতে পেলাম না। টাঙ্গাওয়ালার কথা শুনে হাসতে যাচ্ছিলাম। হাসতে পারলাম না। সত্যি, পুণ্যসঞ্চয় তো নয়, যেন সওদাগর এসেছে স্বর্ণরেণুর সন্ধানে।

ফিরতে যাব। কে একজন সামনে এসে দাঁড়াল। আমার কাছেই এসেছে বুঝলাম। কেন-না লোকটি তার বড় বড় দাঁত বের করে গোল গোল চোখে তাকাল আমার দিকে। কিছু জিজ্ঞেস করবার আগেই হিন্দীতে জিজ্ঞেস করল, খানিকটা চাপা উল্লসিত গলায়, ‘কিছু পাওয়া গেল?’

অবাক হলাম। লোকটির আপাদমস্তক দামী শাল দিয়ে ঢাকা। বয়স অনুমান করা মুশকিল। কুহকী চাঁদের আলোয় যেন এক ষড়যন্ত্রীর মুখ ভেসে উঠেছে সামনে! নিশ্চয়ই লোক ভুল করেছে।

বললাম, ‘আমাকে বলছেন?’

লোকটি বিগলিত গলায়, ঘাড় নেড়ে বলল, ‘আরে মহারাজ, তবে আর কাকে বলব?’

আরও বিস্মিত হয়ে বললাম, ‘কী বলছেন?’

লোকটি অদ্ভুত ভঙ্গিতে তেমনি চাপা গলায় জিজ্ঞেস করল, ‘কিছু মিলল?’

কি মিলবে, কিছুই বুঝতে পারলাম না। বরং খানিকটা ঘাবড়েই গেলাম। বললাম, ‘কিসের কি মিলবে, বুঝতে পারছি না তো।’

লোকটি এক মহা-বুদ্ধিমানের মত ঘাড় ছলিয়ে ছলিয়ে বলল, ‘কেন গোপন করছেন মহারাজ। আমি যে সেই অনেকক্ষণ থেকে দেখছি। হুঁ হুঁ, ফাঁকি

দেবেন কী করে ? আমাকে তো আর দেবেন না । ওকি আর কেউ কাউকে দেয় ? কিন্তু কিছু পেলেন কিনা সেইটাই জিজ্ঞেস করছি ।’

একটু বিরক্ত হয়ে বললাম, ‘কী যা-তা বলছেন । কার কাছ থেকে কী পাব ?’

লোকটি বলল, ‘কেন, এই যে দু-ঘণ্টা ধরে সাধুজীর সঙ্গে কথা বলছিলেন । কিসকিস করে কী বলছিলেন সাধুজী । হুঁ হুঁ, বাবুজী, সব দেখেছি । আপনার কপাল ভাল । তাই ওরকম পেয়েছিলেন । কিন্তু, মহারাজ, একটু বলে যান, কী পেলেন । খোড়া বহুত ।’

আশ্চর্য ! হাসব কি কান্দব, বুঝতে পারলাম না । কী বিচিত্র এই লক্ষ্য মাতুলের মেলা !

মনের মাঝে ভিন্ন তরঙ্গ । সেই তরঙ্গে চলে ছিলাম ভেসে । ঠেকে গেলাম । মন পাগল হয়েছিল সরোদবাদককে দেখব বলে । যে সরোদ বাজিয়ে কিরছে রামজীদাসীর পিছে পিছে । বাজিয়ে দেখব, তেমন দুঃসাহস ছিল না । আপনি বেজে উঠেছে আপনি মনের তার । তারের টান বড় চড়া । তার মাঝে এ লোকটি যেন ভিন্ন সুরে ঘ্যাং ঘ্যাং করে উঠল । কে জানন্ত, মহাবীরের সঙ্গে কথার ফাঁকে হয়ে পড়েছি তার নজরবন্দী ।

আবার বিরক্ত হয়ে বললাম, ‘কী পাব বলুন তো ?’

লোকটি ঘাড় কাত করে হেসে বলল, ‘আরে বাপরে, সে যদি আমিই জানব, তবে আর ভাবনা ছিল কী ?’

কিন্তু কী যে পাব, তা কিছুতেই বুঝতে পারলাম না । তাকে যদি বলি, কিছুই পাইনি তত সে চেপে ধরে ।

সে বলল, ‘ওই দেখে দেখে আমার চুল পেকে গেল ভাইয়া । আমাকে তো ফাঁকি দেওয়া যাবে না ।’

অতএব আমার কালোচুলের কথায় সে মানবে কেন ? মনে মনে বললাম শুধু, ‘কী বিপদ !’

সে বলে চলল ঘাড় নেড়ে নেড়ে, ‘মেলায় ঢোকবার মুখে, বাঁধের ওপারে দেখেছেন মস্তবড় পাথরের দোকান ?’

বললাম, ‘না তো ?’

জ্ঞ নাচিয়ে ছুঁবোধ্য হাসি হাসল সে । বলল, ‘তবে আর কী দেখেছেন ? ওই একটি লোক মশাই । লাথপতি । কে চিনত ওকে ? ও তো লঙ্কায়ের রাস্তায় ভিখ মেগে বেড়াত ।’ গলা নামিয়ে বলল, কিসকিস করে, ‘তারপরে

একদিন দেখি, বাটা এক সাধুর পেছনে ঘুরছে। কী ব্যাপার? না ছুদিন
বাদে দেখি, শহরে এক ছোট্ট খুপরি ঘর নিয়ে দোকান করেছে। পাথরের
ছোট ছোট কটা শিবলিঙ্গ, মহাদেব, বিষ্ণু, এইসব। আরে বাপরে, ক'বছরের
মধ্যে দেখি, একেবারে একচেটিয়া কারবার করে কলেছে! বুঝেছেন? সেই
সাধু-সঙ্গ। হুঁ হুঁ, আপনি ভেবেছেন, আমি ব্যাটা কিছু বুঝি নে?'

হাঁ করে রইলাম। গুট বস্ত্র-সন্ধানীই বটে। একেবারে পরমার্থ। সিঁড়ি
খুঁজছে মোক্ষলাভের। কি ভাগ্যি, রঘুনন্দনের উপাখ্যান পেড়ে বসি নি তার
কাছে। সে পরমার্থ যে এখানে অনর্থ ঘটাত।

জানি নে, কী সে অলৌকিক বস্ত্র। মনের অগোচরে দেখি হয়তো লাখ-
পতি হওয়ার স্বপ্ন! কিন্তু কুস্তমেলায়? এই বালুচরে? সাধুর পেছনে
পেছনে? কই, সেরকম কোন পন্থার কথা তো মনে আসে নি। পাথর
কেন? নিজের রক্ত বিক্রি করে লাখপতি হওয়ার কল্পনা করতে পারি নে।

বললাম, 'কই, তেমন কিছু পাই নি তো?'

আকুল স্বরে জিজ্ঞেস করল, 'তবে কী পেলেন?'

মনে মনে বললাম, যা পেয়েছি তা যে বলার নয়। সে তো একটি স্বর।
ধরাছোঁয়ার বাইরে। ট্যাকে গাঁজা যায় না। পোরা যায় না পকেটে। শুধু
কানে শোনা যায়। হেসে ঘাড় নেড়ে বললাম, 'কিছুই পাইনি।'

বুঝলাম, বিশ্বাস করতে পারল না আমাকে। চোখে তার তীক্ষ্ণ দৃষ্টি।
মুখের হাসিরেখা হয়েছে উধাও। ক্রান্ত জীবের মত বেরিয়ে পড়েছে জিভ।
শাল ঢাকা সত্ত্বেও গায়ে তার যুছ কাঁপুনি। এ কি রাগ, না হতাশা ঠিক বুঝতে
পারলাম না।

এমন সময়, ঝনঝন শব্দে ফিরে তাকালাম দুজনেই। অদূরেই এক বিশাল-
মূর্তি চলেছে পূর্বদিকে। একেবারেই উলঙ্গ মূর্তি। মাথার জটা ঠেলে উঠেছে
আকাশে। গলায় একরাশ মালা। হাতে একটি সুদীর্ঘ ত্রিশূল। তার গলায়
কিংবা ত্রিশূলেই বাঁধা আছে হয়তো কিছু। তারই চাপা ঝনঝন শব্দ বাজছে।

আশেপাশের চলমান নরনারী সকলেই একবার ধমকে দাঁড়িয়ে
দেখছে। কেউ কেউ হাত ঠেকাচ্ছে কপালে। চলে-যাওয়া পদ-চিহ্নের ভেজা
বালু নিয়ে দিচ্ছে মাথায়।

আমার সামনের লোকটির গলা দিয়ে একটি বিচিত্র শব্দ উঠল। তা ভয়ের
কি পুলকের, বুঝতে পারলাম না। তাকিয়ে দেখি, সারা মুখে তার হাসির
দীপ্তি। হতাশা উধাও। চোখে রোশনাই হাজার আলোর। চকিতে শাল

খুলে বাঁধল কোমরে। চাপা গলায় ফিসফিস করে বলল, ‘পেয়েছি পেয়েছি।’

তারপর আমার দিকে তার দীপ্ত চোখের একটি খোঁচা দিয়ে সরে গেল। পা টিপে টিপে অল্পসরণ করল ওই দিগম্বর মূর্তিকে। ছায়ার মত চলল তার পিছে পিছে। যেন নিঃশব্দ পদসঞ্চারে, শিকারী চলেছে শিকারের কাছে।

হাসতে গেলাম। হাসতে পারলাম না। বালুচরে তাকিয়ে দেখি লক্ষ লক্ষ পদচিহ্ন। বর্ষার ভেজা মাঠে গোবর পালের মত লক্ষ মানুষের পায়ের ছাপ সারা চরে। লক্ষ মনে লক্ষ কামনা বাসনা ও প্রবৃত্তি। সকলেই পাগলের মত ছুটে চলেছে ইপ্সিত বস্তুর পেছনে।

আর ওই লোকটি। এই সংসারের বেড়াঙ্গাল তাকে লাখ টাকার স্বপ্ন দেখিয়েছে। ওই তার সাধনা ধ্যান-ধারণা। তার ভগবান, তার পুণ্য। মিথ্যা সন্দেহে আমার কাছে হতাশ হয়েছে সে। কিন্তু আশা তার মরে নি। মুখে চোখে তার যে হাসি ও দীপ্তি দেখলাম, সে তো শয়তানের মত নয়। শয়তান তাকে পেয়েছে কি-না জানি নে। কিন্তু চোখে মুখে তার শিশুর সারল্য। লোভ? তা আছে। সংসার তাকে ওই পথ দেখিয়েছে। বয়স হয়েছে তার। এতখানি জীবন সে কাটিয়ে এসেছে ওই স্বপ্ন দেখে। হয়তো অবশিষ্ট আয়ুটুকু নিঃশেষ হবে ওই লাখ টাকার পেছনে। সংসারের এমনি নিয়ম। সারা সংসার দাঁড়িয়ে মজা দেখেছে এতদিন। কেউ কিরিয়ে আনে নি। আজ সময় হয়ে গিয়েছে। স্বপ্ন আজ আর স্বপ্ন নয়, স্বপ্নসাধনা। সাধন পাগল।

জানি নে তার ঘর ও ঘরের মানুষের কথা। জীবনভোর হয়তো সে এমনি ‘পেয়েছি’ ‘পেয়েছি’ বলে উল্লাসে বুক বেঁধে ছুটে চলেছে। ছুটেবেও ওই ভয়ঙ্করী স্বন্দর মরিচিকার পেছনে। তারপর একদিন আসবে। হয়তো শেষ দিন। তার পলকহীন চোখে ফুটে থাকবে অভাবিত বিশ্বয়, তীক্ষ্ণ ক্রকুটি। দু-ফোঁটা জল।

সেদিন সে-সময় তার চোখে ভাসবে কি এ রাতের দৃশ্য? মনে পড়বে কি আমাকে—যে তার কুস্তমেলায় সব পেয়েও একদিন মিথ্যাচার করেছিল?

হাসতে পারলাম না। বিজ্রপে বঁকে উঠল না ঠোঁট। সে হলেই ভাল হত। নিষ্কৃতি পেতাম মনের কাছে। হেসে চলে যেতে পারতাম পাগল দেখে!

কিন্তু এই মানুষ! কিরে দেখি, উধাও হয়ে গিয়েছে। মিশে গিয়েছে পায়ের দাগে দাগে। ঝাপসা জ্যোৎস্নালোকিত বালুচরে পাগলা সংসারের প্রেত হয়ে কিরছে সে। হা হা করে ছুটেছে, পেয়েছি পেয়েছি। ভাবি, কোনও এক

পাওনা কি একদিন জুটবে না তার কপালে? ঘুচবে না ফাঁকির পাওনা? যেদিন বুক ভরে উঠবে দুঃসহ আনন্দ ও বেদনায়। নিঃশব্দে তার মন গেয়ে উঠবে, পেয়েছি, পেয়েছি।

শীত লাগছে। হিম-ঝাপটা লাগছে পুরু জামা ভেদ করে। কোলাহল রিমিয়ে আসছে। দ্রুত পায়ে ফিরে গেলাম আশ্রমের দিকে।

ভাঙা আসর, তবু আসর আছে। রামজীদাসী নেই, সরোদবাদক চলে গিয়েছে। চলে গিয়েছে কীর্তন মণ্ডলেশ্বরের দল। মাইকের সামনে বসে ছুটি লোক আধা স্বর করে ছড়া কাটছে হিন্দীতে। আসরে কিছু নয়নারী, কেউ শুনছে, কেউ ঢুলছে ঘুমঘোরে।

সে ভিড় নেই। গেটের কাছে নেই হাড্‌সন অষ্টিন। বাদককে ভাল করে দেখব বলে এসেছিলাম। দেখা হল না।

সেও ঘুরছে একজনের পেছনে। খুঁজছে কি-না কিছু কে জানে? অমনি কোন লাখ টাকার মরীচিকার মত?

ঘুম থেকে উঠে দেখি, কেউ নেই তাঁবুতে। গুলতানি শুনতে পাচ্ছি পেছনে। জামাকাপড় পরে মুখ ধুতে গেলাম। পেছনটাই দেখছি আসল স্থান। মাংসারিক ব্যস্ততা। হাঁড়ি-কুড়ি উত্থন। জলের কলে লাইন। যে রকম ভিড় দেখছি কলে, মুখ ধুতে পাব কি-না কে জানে।

রোদ উঠেছে। রোদ তো নয়, যেন কাঁচা সোন। শীতে আড়ষ্ট শরীরটি যেন কার দুই উষ্ণ বাহুতে ধরা পড়ল। সরে গিয়ে দাঁড়ালাম বেড়ার সামনে একলা একলা, খানিকটা রোদ ভোগের জন্ত। সরু সরু তলতা বাঁশের বেড়া। বেশ খানিকটা ফাঁক ফাঁক।

রাতে মেলা, দিনে মেলা। মেলা দেখছি অষ্টগ্রহর জেগেই আছে। এর মধ্যেই ভেসে আসতে আরম্ভ করেছে মাইক-নিদাদ। মাঝুষের ভিড় দেখতে পাচ্ছি চারিদিকে। ভিড় যেন একটু বেশী বেশী লাগছে। এর মধ্যেই টান্ডা-গুরালার চীংকার, গাধার ভেঁপু। লরী আর প্রাইভেট কারও দু-চারটে ছুটতে দেখা যাচ্ছে বালুচরের রাস্তায়। বালুচরে রাস্তা তৈরী হয়েছে। বালুর বৃকে শাজিয়ে দিয়েছে বিচুলির মত একরকম ঘাস। তার উপরে মাটি। কিন্তু মাথা খারাপ হয়ে যায় তাবলে, ওই রাস্তার উপরেও ঝাড়ুহাতে কেন ঝাড়ুদারনীদের উৎপাত। ধুলো ওড়া তো আছেই। মাটিটুকুও যে বালিতেই মিশে যাবে।

ঘোমটা খসা একদল মেয়ে চলেছে বেড়ার পাশ দিয়ে। কেউ কেউ গান করছে গলা ছেড়ে, কেউ হাসছে খিলখিল করে। মস্ত মস্ত গাই-গোক নিয়ে চলেছে গোয়ালী। ইকছে, দোধ, দোধ চাহি। আর গরম গরম দোধ ইকছে, বড় বড় হাঁড়িকাঁধে জুধ-ওয়ালারা। মুখে গুঁজেছি টুথব্রাশ। এ সময়ে একটু চায়ের ইক শুনতে পাইনে?

‘বাবু! মেরী বাবু!’

চমকে উঠলাম নারীকণ্ঠে! একেবারে কাছে। বাকুল আর ব্যস্ত কণ্ঠ। চকিত, ব্রত।

‘বাবু, মেহেরবানি বাবু।’

বলতে না বলতেই গায়ে এসে ঠেকাল হাত। বেড়ার ফাঁক দিয়ে। ময়লা হাত, কিন্তু করসা, কিছুটা তামাটে। নখে ময়লা। কিন্তু সরু সরু পুষ্ট আঙ্গুল। মণিবন্ধে কয়েকটা রঙিন কাচের চুড়ি।

তাকিয়ে দেখি, একটি মেয়ে। এলো চুল ঘাড়ের পাশে ছড়ানো। পাশ দিয়ে উঠেছে ছোট্ট ঘোমটা। চোখের অস্থির তারা ছুটিতে তীক্ষ্ণ দৃষ্টি। ঠোঁটের কোণে হাসি। সরু নাকে ময়লা পেতলের নাকছাৰি। সকালের রৌদ্রদীপ্ত মুখে পড়েছে বাঁশের বেড়ার ছায়া। ছায়ার ঝিলিমিলি।

জিজ্ঞেস করলাম, ‘কী চাও?’

আঙ্গুল দিয়ে টিপুনি দিল গায়ে। আর এক হাত স্পর্শ করল কপালে। ঠোঁটে যেন একটু নতুন রোশনাই। একটি বন্ধিম বিলিক চকিতে দিল দেখা। ওই হাসিকে কী নাম দেওয়া যায়, জানি নে।

হাসি মুখে বলল করুণ স্বরে, ‘ছুটে পাইসা, মেরী বাবু!’

পয়সা! অর্থাত্‌ ভিক্ষে। তাই ভাল। ভেবেছিলুম, না জানি কী ঘটতে চলেছে। ভিক্ষে চাওয়ার এ কী রীতি? ঠোঁটে হাসি, চোখে আলো। গায়ে হাত। ভিক্ষের কাকুণা কোথায়? গলায়? সেটুকু আত্মার বললেই বা ক্ষতি কি?

পকেটে হাত দিয়ে দেখতে চেষ্টা করলাম তার আপাদমস্তক। শাড়িখানি মিলের, কিন্তু পাতলা। পালতোলা নৌকা চলেছে কালো পাড়ের ঢেউ তুলে। পরেছে কুঁচিয়ে, ডানদিকে আঁচল এলিয়ে। গায়ে লাল টুকটুকে সস্তা কাপড়ের জামা। একহারা গড়ন। পুষ্ট দেহ। একটু-বা বয়।

ভিখারিনী বটে। পকেটে হাত দিয়ে পয়সা-না-তুলতেই কানে এল আর্ত চীৎকার, ‘ওগো সামলাও। সেই সর্বনাশী এসেছে গো, সেই হারামজাদী।’

পরমুহূর্তেই নারীকণ্ঠে কলকণ্ঠের কোরাস! ঘটনাটা কলের কাছেই।
ফিরে তাকাবার আগে হাতে উঠে এল ছয়ানি একটি। সেটি ভিখারিনীকে
দিয়ে ফিরে তাকাতেই সামনে দেখি নারীবাহিনী। আমি ব্যাহমধ্যে বন্দী।
আর বেড়ার বাহিরে তীক্ষ্ণ নারীকণ্ঠের হাসি, যেন সমস্ত কোলাহলকে থান থান
করে হারিয়ে গেল বালুচরে।

প্রথমেই, সে বিপুলকায়। খনপিসী ঠেলে এল সামনে। বলল, ‘ভিক্ষে
দিয়েছ বেটিকে?’

সমস্ত ঘটনাটি ঘটল এত চকিতে যে, ঠাহর করতে পারলাম না কিছু।
খনপিসীর ভয়ঙ্কর মুখের দিকে তাকিয়ে হকচকিয়ে গেলাম। চারিদিকে ক্ষুণ্ণ
সন্দেহান্বিত কৌতূহলী রকমারী মুখ। কোতোয়ালজীও ছুটে এসেছে।

খনপিসী মুখখানা আরও ভয়ঙ্কর করে জিজ্ঞেস করল, ‘দিয়েছ কি-না?’

ভিক্ষে চেয়েছে। মন চেয়েছে দিতে। দেব না কেন? খানিকটা কিম্বোনা
স্বরেই বললাম, ‘হ্যাঁ দিয়েছি।’

‘কত?’

‘দু-আনা।’

‘দু-আ—না!’ খনপিসী চোখ কপালে তুলে খালি বলল, ‘মুখ দেখে
দিয়েছ বুঝি?’ রীতিমত ভৎসনার স্বর তার গলায়।

‘মুখ দেখে নয়। আপাদমস্তক দেখেই দিয়েছি। কিন্তু অপরাধ?’

একটি নারীকণ্ঠের চাপাধ্বনি, ‘মা গো! কী বলে দিলে?’

সামনে দেখি ব্রজবালা। দিদিমা। সকলের চোখেই অবাক দৃষ্টি।

ভয়ে ভয়ে জিজ্ঞেস করলাম, ‘কী হয়েছে?’

খনপিসী ঝামটা দিয়ে উঠল, ‘কী হয়েছে? ও হারামজাদী যে নষ্ট মেয়ে-
মাছুষ, চোর, সর্বনাশী, তা জানো না?’

সর্বনাশী? ও। সে-ই, শুধু চোর নয়, ছেলে-চোর মেয়ে! সর্বনাশ!
তা জানব কী করে? ভুলেই গিয়েছিলাম। তাই তো, ভিখারিনীর চোখে-
মুখে যে অনেক সর্বনাশের ছাতি ছিল।

তাকিয়ে দেখি, ছি ছি! সকলের চোখে ছিঃ ছিঃ-কারের তীক্ষ্ণ খোঁচ।
তবু, দেখে ভোলবার অবসর পাই নি। কোন রকমে ভিক্ষে দিয়েছি মাত্র।
কিন্তু মৃৎ বিশ্বয়ে অগ্নিদিকে তাকিয়ে থাকা ছাড়া কী বা উপায় আছে আমার।

জীবনে এমন বিরতবোধ আর কখনো করেছি কি-না, মনে পড়ে না।
তাও ভিক্ষে দিয়ে। আগে জানলে পরমা দিয়ে কে ওই মহৎ কাজটুকু করতে

যেত। মহেশ্বের অমৃতে যে এত বিষ ছিল, তা জানতাম না। জানতাম না, আমার মধ্যে গোপন ছিল এত কলঙ্ক। কালিমা তার ফুটে বেরবে এতগুলি মহিলার তীক্ষ্ণ চোখের দিকারে।

মুখ থেকে ত্রাশ নামিয়ে, একটা কিছু বলে ব্যাপারটার ইতি টেনে দিতে গেলাম। হল না। ততক্ষণে গুঞ্জনের গতি পরিবর্তিত হয়েছে। বলব-কাকে, শুনবে কে। আলোচনা চলছে নিজেদের মধ্যে, কার চোখে প্রথম ধরা পড়েছিল এ ছুঁচটনা। যে যা-ই বলুক, খনপিসীর চোখেই যে প্রথম ধরা পড়েছিল, সেটা প্রমাণ করে দিল তার বিপুল দেহ ও সর্বোচ্চ কণ্ঠ!—‘ওমা! জল ভরব কী? তাকিয়ে দেখি ছুঁড়ি ফিকফিক করে হাসছে আর কী বলছে।’

যত বলে, ততই সকলের বিকৃত নজর যেন একরাশ তীরের মত এসে বেঁধে আমার সর্বাঙ্গে। যেন প্রমাণ হয়ে গিয়েছে, সর্বনাশের দাগ আছে আমারও গায়ে। আমার চোখে-মুখে। আমার সর্বাঙ্গে। কারুর খ্যাতি অকলঙ্ক বলে। কেউ কু-খ্যাত হয় কলঙ্কের ডালি মাথায় নিয়ে। এ দুদিনের মধ্যে বড় একটা চোখে পড়ে নি কারুর। আর সকালের এ সামান্য ঘটনা আশ্রমের সকলের সামনে যেন চোখে আঙুল দিয়ে দেখিয়ে দিল আমাকে। বিশেষ করে বাঙালী মহলে। তার চেয়েও বেশী নারীমহলে। এমন জাছুকরী ক্ষমতা শুধু কলঙ্কেরই আছে। তাই তো। দুধ জাল দিয়ে স্কীর করতে সময় লাগে। লেবুর ফোঁটায় ছানা কাটে চকিতে।

কিসকিস হল, খিলখিল হল। সাড়া পড়ে গেল। কে আমি। কোথাকার ছেলে। কার সঙ্গে এসেছি। থাকি কার কাছে। কেন-বা এসেছি এ ভরা বয়সে।

জটিল প্রশ্ন, কূট তর্ক, সন্দেহ নেই। অথচ আশ্চর্য! ভিক্ষেই দিয়েছি। সর্বনাশীর মুখখানা তো মনে পড়ে না। কানে ভাসছে শুধু তার নির্ভীক তীক্ষ্ণ হাসি।

বলরামের হাসিতে ছিল এক বিচিত্র আনন্দ। আমার হাসিতে চাপা বেদনার ছটফটানি। আর এ হাসি! যেন দুস্তর তেপান্তরের সোয়ানা পাখির ডাক। ডাকে তার আচমকা অট্টহাসি কে হো কে হো করে ওঠে। একলা পথিক চমকে তাকায় ফিরে। নিরালা ধূ ধূ মাঠের অদৃশ্যচারিণী ভয়ঙ্করী খেলায় মাতে পথিক নিয়ে।

ভাবি, যদি সে মেয়ে না হয়ে পুরুষ হত। চোর হোক, না হয় যদি হত মেয়ে-চোর-ই। হত যদি তেমনি এক সর্বনেশে! তবে কি এমনি করে সবাই

মিলে খাউ-খাউ করে আসত আমাকে ?

ইস্ ! তাকানো যায় না ব্রজবালার চোখের দিকে । তার কিশোরী চোখের ভাষা পরিষ্কার, ছি ছি, তোমার মনে এই ছিল ! আর ডেকে না আমাকে বোঁঠান বলে ।

যাওয়ার আগে বলে গেল তার দিদিমা, ‘ভিক্ষে দেওয়ার আর লোক পেলে না ?’

কোতোয়ালজী হাসল একটু বাঁকা মিঠে হাসি । একটু সমবেদনার আভাস । বলল, ‘সাংঘাতিক মেয়ে মশাই । চিতা-বাঘিনীর মত । চলে ভালে ভালে, পাতায় পাতায় । দৈনিক এমনি মেয়ে পুরুষ কত ধরা পড়েছে জানেন ? পঞ্চাশ ষাট তো বটেই । একশ’ জনও হয় । সারা মেলায় সব গুত পেতে আছে । একটু অসাবধান হয়েছেন তো, গেল ’

তারপর একেবারে অ-সম্যাসীজ্ঞানোচিত হেসে বলল, ‘ভাল লোককেই পাকড়েছিল ।’ বলে একটু অর্থপূর্ণ হাসি হেসে চলে গেল । কি ভাগ্যি, প্রহ্লাদ কিংবা পাঁচুগোপাল নেই । তাহলে সমালোচনার ভাষা আর একটু সরস হত নিঃসন্দেহে ।

ধন্য সর্বনাশী । বুসির সর্বনাশী । তাড়াতাড়ি ফিরতে গেলাম তাঁবুর দিকে । কলের দিকে যাওয়ার হুঁসাহস আর হল না । ফিরতে গিয়ে থামলাম ।

সামনে শুধু দুটি অতিকায় মুগ্ধ চোখ । পথরোধ করেছে একটি মহিলা । ঘাড় হেলিয়ে রয়েছে মুখের দিকে । চোখে নজর কম । তাই, নজর চড়াতে গিয়ে ঠোঁট দুটি বেশ খানিকটা ফাঁক হয়ে গিয়েছে । চোখে মোটা লেন্সের আড়ালে চোখ দুটি অস্বাভাবিক বড় হয়ে উঠেছে । বলিরেখাবহুল করসা মুখ । মাথায় কাঁচা-পাকা চুল । পাকা অংশই বেশী । পরণে থান । ফিরতে গেলাম । বলল, ‘দাঁড়াও বাবা ।’

ঘরপোড়া গোরুর চোখে সিঁদুরে মেঘ । দাঁড়ালাম । কী বলবে আবার ! বললাম, ‘কী বলছেন ?’ জবাব পেলাম না । দেখল খানিকক্ষণ অমনি করে । তারপর কোমল গলায় বলল, ‘বেশ করেছ । এখানে এসে দেবে না তো, কোথায় দেবে ? আর দিয়ে আনন্দ ভোগ করে কজন ?’

অবাক হলাম । চকিতে মনটিও উঠল ভরে নতুন আবেশে । চারিদিকে এত সন্দেহ ও ভৎসনা, নিজের হুঁখ ও বিদ্রূপ হাসির মধ্যে গুটিয়ে ছিল মনের পাপড়ি । সে যেন নতুন রসে হাওয়া ও রৌদ্রে মেলে দিল দল । কলঙ্কে লাগল গৌরবের স্পর্শ । মুখ ফুটে বলতে পারলাম না কিছু ।

সে আবার বলল, 'যে দিতে পারে না, তার চেয়ে দুঃখী এ সংসারে কে আছে বল তো বাবা?'

বলে সে তাকালে, সেনের আড়ালে তার সেই বিশাল ছুটি চোখ মেলে। একটি লেন্স আবার কাটা। দেখলাম, তার সেই চোখ দুটি যেন জলভারে টলমল করছে। অথচ সপ্রশ্ন দৃষ্টি। সামান্য কথা, কিন্তু কী যে জবাব দেব, ভেবে পেলাম না।

বোধ হয় পানদোস্তা খায়। ঠোঁট দুটিতে লাল ছোপ। গায়ের রঙটি বেশ করসা। আবার হেসে বলল, 'যে দেয়, সে-ই তো নেয়। সংসারে সবাই আসে দিতে। দিতে আর নিতে। আগে দেও পরে নেও, না-কি বল বাবা, অ্যা? না ছেলেকে দেয়। আবার ছেলের কাছ থেকে মা হাত পেতে নেয়। বসুমতীকে তুমি দেও, মা বসুমতী তোমাকে দেবে ঘর ভরে। বিদ্বানে তো বিদ্যা দেয়। দেওয়ার চেয়ে স্ত্রু কী আছে?'

মন ভরে উঠল মনোচে, আত্মবিকারে। ভিত্তিরিনীকে দু-আনা ভিক্ষে দিয়েছি। কিন্তু এত বড় দেওয়া, এত মস্ত দেওয়া তো দিই নি জীবনে কোনদিন। সংসারকে কিছু দেওয়া, সে তো আসল দেওয়া। সে দেওয়ার কানাকড়ি আছে কি-না নিজের কাছে তা-ই জানি নে। দেব কি! যার আছে থলি ভরতি, সে দিয়ে বেড়াচ্ছে। আমি ফিরছি শূন্য থলি নিয়ে। ভরব বলে। পাব বলে। পেলেও দিতে পারে কজন? পাওয়ার গুমোরে মন যে ঠুটো জগন্নাথ সঙ্গে বসে থাকে।

কী কথার থেকে কী! কোন্ দেওয়ার থেকে কোন্ দেওয়ার কথা। একেবারে মাটি থেকে আকাশে। সীমা থেকে অসীমে। আপনি খাটো হয়ে এল। হুইয়ে এলো মাথা।

সে আবার বলল, 'দেওয়ার স্ত্রু আছে, বড় ঘেন্নাও আছে বাবা। দিয়ে যার মাটিতে পা পড়ে না। দিয়েছি তো মাথা কিনেছি। ঘাথো, ক-স্তো দিয়েছি। ওই হল ঘেন্না। আবার যার আছে, সে দিতে জানে না। দেওয়ার রীতি জানে না। সে বড় অভাগা। আমি তো এই বুঝি। তুমি কী বল বাবা, অ্যা?'

কী বলব! চোখে তার সেই মুগ্ধ সপ্রশ্ন দৃষ্টি। একটু যেন আত্মভোলা। কণ্ঠে সেই কোমলতা। সকলের আড়ালে কোথায় দাঁড়িয়েছিল সে আমার দু-আনার দানকে গৌরবান্বিত করবে বলে। তার নাম জানি নে, ধাম জানি নে। থুথুড়ে বড়ি হলে মনে আসে ঠাকুরা দিদিমার কথা। সে তা নয়।

যেন খানিকটা মায়ের মত। কথা তার মায়ের চেয়েও বড়। তার গৌরবে ও সম্মানে যে আমি বাক্যহারা। কী বলব ?

বললাম, ‘যা বলেছেন।’ এর বাড়া আর-কী বলব ?

সে তাড়াতাড়ি অসঙ্কোচে আমার হাত ধরে বলল, ‘না না, অমন কথা বোলো না বাবা। এখানে এয়েছেন কত বামুন-কায়েতের মা-বোনেরা। আমার কথার বাড়া সংসারের বড় কথা। ছোট কথাটিও। আমি গয়লার বেটি, গয়লার বেদবা। ছেলে আমাকে যা-ই বলুক, আমি গয়লার মা। লোকে আমাকে হিদে গয়লার মা বলে জানে।’

মনে মনে বললাম, জালুক। যে হিদে গয়লার-ই মা হোক সে, ‘হিদয়ে’ যার সবকিছু সঁপে দেওয়ার অমন ব্যাকুলতা, তার চেয়ে হৃদয়বতী কে আছে। ভাবি, জানি নে হিদের মা কী দিয়ে কত দিয়েছে। কিন্তু যে অমনি করে বলতে পারে, সে দিতেও পারে। তার কথার বাড়া আর-কি কথা আছে।

হাত-ধরা হয়ে রইলাম হিদের মার। নড়তে পারলাম না। ওদিকে বুঝতে পারছি, খন-পিসীবাহিনী দেখছে এ আদিখ্যেতা। তাদের মদ্যে ঘোরতর আলোচনা চলছে এ নিয়ে।

তারপর হিদের মা বলল, ‘তোমাকে বড় ভাল লাগছে বাবা। দিও বাবা, মন চাইলে, থাকলে অমনি দিও যত খুশি।’

বলে আবার জিজ্ঞেস করল, নামধাম পরিচয়। জিজ্ঞেস করল, ‘বাপ-মা আছে?’

বললাম, ‘বাবা নেই।’

সে বলল, ‘আহা, আসলটি নেই। লোকে বলে, মায়ের চেয়ে বড় কিছু নেই। কিন্তু আমি বলি, না। না বাবা? বাপ থাকলে ছেলের মাথায় ছাদ থাকে। কিন্তু মা যে কেউ নয়, কেউ নয়।’

বলে একটু চুপ করে থেকে বলল, ‘তোমাকে বড় ভাল লাগছে বাবা। ছুটো মনের কথা বলি। বসবে?’

বসব? তাই তো, কেমন যেন লজ্জা করছে। খন-পিসীবাহিনী না জানি কি ভাবছে। কিন্তু হিদের মাকে নিরাশ করতে মন চাইল না। বসলাম বালুর উপরে। বললাম, ‘বলুন?’

সে বসল। বলল, ‘বাবা, ঘরে জ্বালা তাই বাইরে আসি। বাইরে এসে দেখি আরও জ্বালা। অমনি ঘরে ছুটি। কোথা গেলে যে দু-দণ্ড শান্তি পাই। ঘর বার আমার সমান হয়ে গেছে। বাবা, লোকে আমাকে বলে

হিদের মা। কিন্তু হিদে আমাকে মা বলে ডাকে না।’

বলতে বলতে হাসি ও কান্নায় বিচিত্রভাবে থরথর করে কেঁপে উঠল তার ঠোঁট। পুরু লোমের আড়ালে ভেসে উঠল বিশাল চোখদুটি।

প্রস্তুত ছিলাম না এমন কথা শোনবার জ্ঞান। বিস্মিত বাথায় চমকে উঠল মনটা। বললাম, ‘কেন?’

সে বলল, ‘আমি যে মায়ের মত মা নই। আমি যে বউকাটকী, আমি যে ছেলে-ভোলানী, আমি যে ঝগড়ুটে, হিংস্রটে, লাগানী, ভাঙানী।’

জানি, এর মধ্যে আমার কোনো কথা নেই। তবু না বলে পারলাম না, ‘কে বলে এসব কথা?’

সে বলল, ‘যে বলার। যাদের বলার। নিজেও বলি। বলি, নইলে যে-হিদে আমার হাতে ছাড়া খেত না, সে একবার ডেকে কথা বলে না। তবু আমি মুখপুড়ি এখনো এ হাত পুড়িয়ে থাই। হিদে আমার লেখাপড়া শিখেছে। কলকাতার আপিসে চাকরি করে। কিন্তু ঝি বলে ছুটো পরসাদ দেয় না। কেন? আমি যে তার মা নই।’

কিছু বলতে পারলাম না। জানি নে হিদের কথা। জানি নে তাদের ঘরকন্না, কেন বা পুত্রস্নেহ থেকে বঞ্চিত হিদের মা! সব মিলিয়ে সেখানে কোন্ পরিবেশ, কতখানি অবিচার, কে জানে! তবু, হিদের মার জ্ঞান মনটা ভার হয়ে উঠল।

নিজের মনেই অভিমান করে উঠল সে, ‘না-ই বা ডাকল, না-ই বা দিল। নিজে দুধ বেচি, খাই। আমার আছ তোমরা, আমার ভাবনা কি? এই তো চল এসেছি। কে রাখছে তার খবর, কে দেখছে? ওকে হাতে করে না খাওয়ালে কি হয়েছে আমার?’

চোখের থেকে চশমা খুলে জল মুছল সে আঁচল দিয়ে। বলল, ‘দিন রাত-ই বলি, মনে মনে বলি। তোমাকেও বললুম, বড় ভাল লাগল তোমাকে। আমাকে দু-চার আনা পরসাদ দেবে বাবা?’

পরসাদ? নিজের কানকে ঠিক বিশ্বাস করতে পারলাম না। আমার কাছে। পরসাদ চাইছে হিদের মা? বললাম, ‘কী বলছেন?’

তেমনি বিশাল মুগ্ধ চোখ দুটি তুলে বলল, ‘আমাকে দু-চার আনা পরসাদ দেবে?’

আচমকা অজ্ঞান শামুকের শুঁড়ের মত মন গুটিয়ে গেল হঠাৎ। এত বলে শেষে পরসাদ? জিজ্ঞেস করতে গেলাম, ‘কেন?’ কিন্তু পারলাম না। সেই

উন্মুক্ত মুখ, সেই চোখ, তেমনি ঘাড়-কাত-করা সরল অভিব্যক্তি। ভাবান্তরের লক্ষণ নেই কোথাও। তবু সন্দেহে বিরক্তিতে সিঁটনো মন খাটো হয়ে গেল বড়। আমাদের ভ্রতায়, শিক্ষায়, আলাপনে, ভাবনায়, চিন্তায়, আত্মসন্তুষ্টির যে বেড়াখানি দিয়েছি বেড় দিয়ে জীবনের চারপাশে, তার বাইরে গেলেই আমরা পেছিয়ে আসি! দল-মেলা মন আসে গুটিয়ে। গুটিতে আমরা উদার। বাইরে অস্বাভাবিক।

অবকাশ নেই মন ঘাচাইয়ের। চিরান্তস্ত মন-চোখ আমার দেখল, হিদের মার এই সারল্যের পেছনে যেন একটি বাঁকা হাসি রয়েছে উঁকি মেরে। এত যে দানের কথা, মিষ্টি কথা, তার পেছনে কি শুধু ওই ছ-চার আনার অধ্যবসায়! ভাবলে নিজেকেই যেন খাটো লাগে। কলঙ্কে লাগল আমার দ্বিগুণ অপমানের স্পর্শ। হয়তো এখুনি না চেয়ে, ছ-দিন বাদে চাইলে এতখানি মনে লাগত না। ছ-দিন কেন, ওবেলা হলেও এতখানি মনে হত না বোধ হয়।

মনের ভাব গোপন করে বললাম, ‘দোব। তাতে কী হয়েছে। দিচ্ছি, এখুনি দিচ্ছি।’ বলে পকেটে হাত দিতে গেলাম। হিদের মা তাড়াতাড়ি হাত ধরে বলল, ‘দিওঁখনি। তাড়া কিসের? পালিয়ে তো যাচ্ছ না!’

তা যাচ্ছি না। কিন্তু তাড়া আছে বৈ কি। হিদের মার কাছ থেকে চলে যাওয়ার তাড়া। সে আবার বলল, ‘তোমার পকেটে ওটি কী বাবা? কলম? কী যে বলে ওটাকে? যাতে আপনি আপনি লেখা যায়?’

কলমে তার আবার কী প্রয়োজন? বললাম, ‘ই্যা, ফাউন্টেনপেন।’

একটু বা অপ্রতিভ হেসে বলল সে, ‘ই্যা, ফাউন্টেন পেন। হিদে লেখে ওই দিয়ে। তা বাবা, আমাকে একখানা চিঠি লিখে দিতে হবে। দেবে তো?’

মন বিমূখ হয়ে উঠেছিল। তবু বললাম, ‘দেব।’

হিদের মা তাড়াতাড়ি কোমরে-গোঁজা আঁচল খুলে বার করল একটি কাগজ। ভাঁজ-করা, দলা-মোচড়া।

খুলতে দেখলাম, একটি ছ-আনা পোস্টেজের খাম। আঁচলে তার হাল এমনি হয়েছে যেন কুড়িয়ে এনেছে কোথা থেকে।

উঠে দাঁড়িয়েছিলাম চলে যাওয়ার জন্ত। কৌতূহল হল ভেবে কাকে চিঠি দেবে হিদের মা। বললাম, ‘কাকে লিখবেন?’

সে বলল, ‘হিদেকে! একটু জানিয়ে দিই, কেমন করে আমার হাড় জুড়োচ্ছে এখানে এসে। নইলে আমার মনে শান্তি পাব না।’

তা বটে। যাকে যত বেশী ছুঁখ দিতে প্রাণ চায়, তাকেই তো দিতে হয়

স্বপ্নের সংবাদ। তবে হিদের মার চোখ দুটি অমন ভেসে উঠেছে কেন!

তীব্র দিকে এগিয়ে গেলাম। খন-পিসীবাহিনী তাকিয়ে দেখছে কটকট করে। ওই দৃষ্টিতে দাহিকা শক্তি থাকলে পুড়ে মরতাম নিঃসন্দেহে। ভাবছি, যখন তারা জানবে হিদের মাকে পয়সা দিয়েছি, তখন যদি মুখের সামনে এসে তারা হাসে, তবে আর মুখ লুকোবার জায়গা পাব না।

হঠাৎ নজরে পড়ল ব্রজবালাকে। চোখে মুখে তার ক্রোধ ও শঙ্কা। এত লোকের মাঝে তাকাতে পারছে না। কিন্তু ভ্র-জোড়া উঠেছে কপালে।

পেছনে আমার হিদের মা। তাঁবুতে এসে ব্যাগ খুলে কাগজ বার করছি। পেছন থেকে ব্রজবালা এক ঘটি জল নিয়ে এসে দাঁড়াল। মুখ ধোয়ার জল।

জলের ঘটি নেওয়ার জ্ঞাত হাত বাড়তেই শঙ্কিত গলায় ফিসফিস করে বললে ব্রজবালা, ‘সেই কিপটে বুড়ি। খবোদার, একটি পয়সাও দিও না।’

বলে, ঘটি হস্তান্তরিত করে চলে গেল। হাসি, বিস্ময়, ছুঁখে আমার মনের এক বিচিত্র ভাব। সত্যি, ব্রজবালাই দেখছি আমার প্রকৃত সখী। এই কিপটে বুড়ির কথা, ওই সর্বনাশীর কথা, গতকাল তো সে আমাকে বলেছিল। আমারই মনে ছিল না।

মুখ ধুয়ে বসলাম কাগজ নিয়ে। বললাম, ‘বলুন, কী লিখতে হবে?’

হিদের মা খামখানি দিয়ে বলল, ‘আগে ঠিকানা লেখো। লেখো, ছিরি হিদয়রাম ঘোষ।’

অর্থাৎ হুদয়রাম ঘোষ। ঠিকানা লেখা হল। আবার বলল, ‘এই আশ্রমের ঠিকানাটা চিঠিতে দেও।’

তাই দিলুম। তারপর বলল, ‘লেখো, বাবাজীবন, হিছু বাবা—’

বলে চুপ করে রইল অনেকক্ষণ। বুঝলাম, পাতা-ভরতি ইতিহাস লিখতে হবে। এখনো একটু চা জোটেনি এই দারুণ শীতের সকালে। মন ছটকট করছে বেরুবার জ্ঞাত। আটকা পড়ে গেলাম। না, নতুন আশ্রমের সন্ধান করতে হবে দেখছি।

হিদের মা বলল হঠাৎ, ‘লিখছে? এবার লেখো তোর পায়ে পড়ি বাবা হিদে, নেদো, গোপাল পারুল, সকলে মিলে কেমন আছিস, ধর্মত জানাস। ইতি তোর শত্রুর—মা।’

ব্যাস? একেবারে ইতি? সে কি? যার মুখের ‘পরে’ জানিয়ে দিতে হবে স্বপ্নের কথা, শেষে তারই একটু সংবাদের জ্ঞাত এত ব্যাকুলতা? বললাম, ‘আর কিছু না?’

সে বলল, ‘আর কী আছে বাবা ? আমার কথা ? পথে পথে, ঘাটে ঘাটে, ঠাকুরের দোরে বলেছি। না বললেও যে শুনতে পায় সে যখন শোনে নি, তখন চিঠিতে লিখে কি ফল পাব ? লেখা অনেক হয়েছে, আর থাক। ওই লিখে দেও।’

তাই দিলাম। লিখে দিলাম। কেবল কানের মধ্যে বেজে রইল হিদের মার ক্লান্ত ব্যথিত স্বর। সংসারে আছে কত স্বথ দুঃখ। কত রূপে তা কত করুণ ও বিচিত্র। ঘরে বাইরে, মনের গঠনে, সংসারের কাঠামোতে রয়েছে তার জড়। কখনো তার সমূল শেধ দেখি কান্নাতে, কখনো হাসিতে। গতিবিধি তার মাছুষের হৃদয় ও মনোজগতে। এর বিজ্ঞান আছে, কিন্তু সীমা নেই।

হিদের মা ঠাকুরের দোরে দোরে বলেছে। তাঁর কানে না পৌঁছুক, সে বলা যদি হিদের কানেও পৌঁছুক, হিদের মার ঘরে থাকত অমৃতকুণ্ড। হাহাকার করে ছুটে আসত না এখানে। কিন্তু ওইখানে যে সব গুণগোল। সোজা পথ তো সোজা নয়। কখন সে বাক নিয়ে নতুন দিকে মোড় কিরেছে, অচিন পথিক তার কি জানে।

চিঠি লিখে দিয়ে পকেটে হাত দিলাম। বিমুখ মন থানিকটা ভিজে উঠেছিল। পকেটে দু-আনা আছে, চার আনাও আছে। পথের কড়ি, হাত দিলেই হিসেব করতে মন যায়। জানি নে, ভিক্ষে করা হিদের মার অভ্যাস কি-না। তবু, একটি টাকা ভুলে দিলাম তার হাতে। অস্বীকার করব না, মনের মধ্যে কিঞ্চিৎ করুণা ও অনুগ্রহের ছোঁয়া লেগেছে। কিন্তু না দিলে মন তৃপ্ত হত না।

হিদের মা চোখ ভুলে বলল, ‘পুরো একটি টাকা দিলে বাবা ?’

বললাম, ‘হ্যাঁ। তাতে কী হয়েছে।’

হিদের মা আঁচলে বেঁধে বলল, ‘বেশ! সকলের কাছে তো চাই নে। ষার কাছে মন চায়। বড় অল্প পুঁজি আমার। বড় ভয় করে, তাই আগে থেকেই সামলে চলি।’

আশ্চর্য! এত সামলাসামলি হিদের মায়ের। তবু দেওয়ার কথায় পঞ্চমুখ সে।

কিন্তু আর দেরি নয়। তাড়াতাড়ি বেরিয়ে পড়লাম। বাইরে আসতেই, ব্রজবালা মুখভার করে তাকিয়ে রয়েছে আকাশের দিকে। মাখায় অর্ধেক ঘোমটা। ও! হিদের মাকে টাকা দিয়েছি বলে রাগ হয়েছে তার। হতেই পারে। সে যে আমার সত্যি সখী। পেছনে আমার হিদের মা। দৃষ্ট জুড়ু চোখে

তার দিকে তাকাল ব্রজবাবা। আমি হাসি গোপন করে চলতে উত্তত হলাম।

ব্রজবাবা বলল, 'দি'মা তোমাকে খেয়ে বেরতে বলেছে।'

'এখুনি?'

'হ্যাঁ। আমরা আজ বেকব।'

খুবই রাগ করেছে ব্রজ! বললাম, 'কিরে আসি, তারপর খাব।'

সে বলল, 'আমরা এক্ষুনি বেরিয়ে যাব। দেরি হলে, তোমার খাবার ঢাকা দেওয়া থাকবে তাঁবুতে।'

হেসে বললাম, 'তথাস্তু।' মনে মনে বুঝলাম, ব্রজর রাগ বাগ মানল না তাতে।

এমন সময় হিদের মা চৌচিয়ে উঠল, 'বউমা। অ বউমা।'

বলতে বলতে ছুটে গেল গেটের দিকে। অমনি ব্রজ আমার কাছে ছুটে এসে বলল, 'ওই যে সে-ই।'

'সে-ই? সেই কে?'

কোথায় ব্রজর রাগ। বয়স যাবে কোথায়। সে চোখ ঘুরিয়ে বলল, 'সেই যে গো, সেই বউটা। সোয়ামী ঘর সাধু হয়ে বেরিয়ে গেছে। সেই বউ! সঙ্গে ওই লোকটা ওর দেওর।'

ও! মনে পড়েছে। স্বামী-সন্ধানী বউ। তাকিয়ে দেখলাম। দীর্ঘাঙ্গী এক মহিলা। ফরসা রং। বেশভূষায় আধুনিক। নীল শাড়ির উপরে হালকা গোলাপী রঙের লেডিজ কোট। ঘোমটা ভেঙে পড়েছে ঘাড়ের কাছে। তাকিয়েছে এইদিকে। সকালের সূর্যালোকে ঝকঝক করছে কপালের ও সিঁথির সিঁদুর। পাশে একটি ভদ্রলোক, যুবক। স্বাস্থ্যবান। গায়ে অলস্টার, চোখে অঁটা ফ্রেমের চশমা। মুখে হাসি। হেসে ঘেন কী বলছে মহিলাটিকে। দাঁড়িয়েছিল হিদের মার জন্ত। তারপর তিনজনে মিশে গেল জনারণো।

ব্রজ বলল, 'ওদের দুটিকে বেশ দেখায়, না?'

সত্যি দেখায়। ঠিক কথাটি দেখছি বয়স মানে না! কেন বলল ব্রজ, কে জানে। মনে মনে ভাবলাম, দেখায় হয়তো, মানায় কি না কে জানে। মানানো যে আলাদা। কিন্তু, হিদের মা দেখছি ভারি ভাব জমিয়ে নিয়েছে।

বেরিয়ে এলাম। মেলা তো মেলা। আজ ঘেন বড় বেশী জাঁকজমক। লোকের আনাগোনাও বেশী। খানিকটা উত্তরে এসে একটি সাইনবোর্ডে

চোখ পড়তে খামলাম। বড় তাঁবুর গায়ে সাইনবোর্ড। নর্থ ওয়েস্টার্ন রেস্টুরেন্ট। ব্র্যাক্‌টে, ভেজিটেরিয়ান। চারপাশে তার কাগজের ফুল আর মালা দিয়ে সাজানো হয়েছে। বকবকে পোশাকে রয়েছে দাঁড়িয়ে বয়।

উকি মেরে দেখলাম, লোক নেই। ভেতরটা যেন অন্ধকার, ফাঁকা। ঢুকে তো পড়ি। চা নিশ্চয়ই পাওয়া যাবে। ঢুকে দেখি, টেবিল-চেয়ার পাতা আছে ঠিক। সবই বালির উপরে। কোথাও কোথাও পাতা রয়েছে কাঠের পাটাতন।

বয় এসে দাঁড়াল ছাপানো মেছ নিয়ে। আবার কি! বালুচরে শহুরে স্বর্গ রচনা হয়েছে।

মেছুর প্রয়োজন ছিল না। বললাম, ‘চা আর টোস্ট।’

পরমুহূর্তেই নজরে পড়ল, কোণের চেয়ারে একটি লোক বসে রয়েছে। সামনে টেবিল। টেবিলের উপর ফুলদানি, কাগজ কলম দোয়াতদান। ভদ্রলোক তাকিয়েছিলেন আমার দিকেই। চোখ পড়তেই উপযাচক হয়ে হাত তুলে নমস্কার করলেন। আন্দাজে অহুমান করলাম, তিনি উত্তর-পশ্চিম রেস্টোঁরার প্রোগ্রাইটার হবেন হয়তো! কপালে হাত ঠেকিয়ে প্রতি-উত্তর দিলাম। দিতেই উঠে এলেন ভদ্রলোক। ইংরেজীতে বললেন, ‘অর্ডার দিয়েছেন?’

বললাম, ‘দিয়েছি।’

অপরিচিতের সঙ্গে আলাপে যারা ছুরস্ত, গৌরচন্দ্রিকার প্রয়োজন হয় না তাদের। তাছাড়া, অপরিচিতের সঙ্গে আলাপে যারা আগ্রহান্বিত, আচমকা কোন প্রশ্ন করতেও তাদের বাধে না। একটু হেসে বললেন ভদ্রলোক, ‘বাংলা দেশ থেকে আসছেন নিশ্চয়ই?’ কথাটা ইংরেজীতেই বললেন। জবাব দিলাম, ‘কী করে বুঝলেন?’

পরিস্কার বাংলায় বললেন, ‘বয়কে যে ভাষায় ছকুম করেছিলেন, তাতেই বুঝলুম আপনি বাঙালী। আমাদের বাঙালী ভাষায়া গুরুকম হিন্দী-ই বলেন কিনা!’ বলে একটু হাসলেন।—‘আপনাকে সেজন্তে দোষ দিচ্ছি নে। শতকরা সব বাঙালীই তাই বলেন। শুনেই বুঝলুম আপনি বাঙালী।’

বুঝেও না বোঝার মত করেই অবাধ হয়ে আমাকে জিজ্ঞেস করতে হল, ‘আপনিও নিশ্চয়ই বাঙালী?’

ভদ্রলোক একটু হেসে, বসে পড়লেন আমার পাশের চেয়ারে। ঠ্যাং দুটো ছড়িয়ে দিয়ে ইংরেজীতে বললেন, ‘কী মনে হয়?’

পাল্টা প্রশ্ন শুনে বিব্রতভাবে তাকালাম ভদ্রলোকের দিকে। রীতিমত চালোজের হাসি তাঁর স্থল ঠোট ছুটিতে। বোধ হয় সে অধিকারও ছিল তাঁর। কারুর মুখ থেকে পরিষ্কার বাংলা শুনে যদি তাকে বাঙালী বলা যায়, তাহলে ইনিও বাঙালী নিঃসন্দেহে। কিন্তু চেহারার কোথাও সে ছাপ নেই।

লম্বায় প্রায় ছ-ফুট লোকটি। কপালটি রীতিমত চওড়া। কপালের ঠিক মাঝখান থেকে, তীরের মত ওলটানো ও কৌকড়ানো চুলের অগ্রভাগ ঘাড়ের কাছে বাবরি পাকিয়ে উঠেছে। রংটি ফর্সা, কিন্তু পোড়া তামাটে খানিকটা। সবচেয়ে দৃষ্টব্য হল তাঁর কপালে ও গালে গভীর রেখা। হাসিতে অমায়িক, রাগলে ওই মুখ ভরস্বর নিষ্ঠুর হয়ে উঠতে পারে। পোশাকে, যাকে বলে কোতো সাহেব। ময়লা জামা, তেলচিটে টাই আর লক্ষ্য করলে দেখা যায়, পোকা-খাওয়া ছিদ্র-জর্জরিত কোট। সব মিলিয়ে বাঙালী বলা মুশকিল।

বলতে গেলাম, অবাঙালী। কিন্তু চোখের দিকে তাকিয়ে থমকে গেলাম। ঠোঁটের হাসিটুকু ছিল না চোখে। ছোট গভীর সেই চোখ জোড়াতে উঁকি দিয়ে রয়েছে যেন আর একটি মানুষ। এক ঘরছাড়া, দিকহারা, বোড়ো দিনের এক বাউণ্ডলে পথিক। বলে ফেললাম, ‘আপনি বাঙালী?’

ভদ্রলোক এক মুহূর্ত চুপ করে থেকে হঠাৎ উচ্ছ্বসিত হয়ে উঠলেন হাসিতে, ‘রাইট ইউ আর মাই ব্রাদার। হাত দিন, হাত দিন। অবাঙালীরা আমাকে বাঙালী বলে চিনতে ভুল করে না। কিন্তু দেশী লোককে জিজ্ঞেস করলেই আমাকে অবাঙালী বলে বসে।’ বলে হাত বাড়াবার অপেক্ষা না করেই ওঁর মস্ত থাবাটি দিয়ে টেনে নিলেন আমার একটি হাত। তারপর চীৎকার করে উঠলেন, ‘হেই রামাইয়া?’

নামের শেষে একটু বিসর্গজড়িত দ্রুত আকস্মিক ছেদ। অর্থাৎ রামাইয়াঃ। ইও নয়, হুঁও নয়, অদ্ভুত শব্দের জবাব এল তাঁবুর ভেতর থেকে। ভদ্রলোক দ্রুত দুর্বোধ্য ভাষায় কী যেন বলে উঠলেন। তেমনি ভাষায় জবাব এল ভেতর থেকে।

অবাক হয়ে তাকিয়ে ছিলাম ভদ্রলোকের দিকে।

সন্দেহ হল। সত্যিই বাঙালী তো লোকটি! না কি স্রেফ ভেল্কি? এ আবার কী ভাষা বলছেন ভদ্রলোক?

বাহাদুরির ভঙ্গি নেই। চাপা উল্লসিত গলায় জিজ্ঞেস করলেন, ‘কী ভাষা বললুম, বলতে পারেন?’

বললাম, ‘না।’

‘তেলেণ্ড ভাষা। আপনার চা দিতে দেরি হচ্ছে কেন, তাই জিজ্ঞেস করছিলুম। ও বললে, আপনার রুটি সেকছে।’

কথা শেষ হওয়ার আগেই চা এসে পড়ল। টের উপরে মাজানো সবই আল্লাদা আলাদা। এমন কি মাখনটুকুও। ভুলেই গিয়েছিলাম, ঢুকেছি এক সভ্যতাহরস্ত রেষ্টোঁরায়। টি-পটের ঢাকনা খুলে দেখি, কাপ-তিনেক চা আছে। বয়কে বললাম, ‘আর একটি কাপ দাও।’

প্রোগ্রাইটার বললেন, ‘কেন?’

বললাম, ‘চা খান।’

‘না না না।’

অভদ্রতা প্রকাশ পেল কি না জানি নে। তবু বললাম, ‘না কেন? এত চা কে খাবে? দুজনের মতই রয়েছে।’

ঠোট উল্টে বললেন উনি, ‘ও মশাই বাঙালীদের পক্ষে। নইলে ওটুকু চা আবার একজন কি খাবে। বেশ, আপনাকে আমি সিঙ্গল কাপ দিতে বলছি।’

আমি ওঁর মত বলে উঠলাম, ‘না না না। আমি আপনাকে আমার টেবিল-সঙ্গী হতে বলছি। আসুন না, চা খেতে খেতে গল্প করা যাক।’

‘ও! আমাকে থাইয়ে-ই পয়সা উত্তল করবেন।’

বলে হা হা করে হাসি। দরাজ গলায় হাসি। চকিতে ইশারা করলেন বয়কে। বয় কাপ এনে দিল। বললেন, ‘তাহলে আমি চা-টা পরিবেশন করি আর আপনি ততক্ষণ রুটি খেতে থাকুন।’

তাই হল। চা তৈরী করতে করতেই বকবক করে চললেন উনি, ‘মশাই খাবার বিষয়ে কখনো খুঁতখুঁত করবেন না। ভারি খারাপ জিনিস। আগে আমার ওরকম ছিল। একবার কি হল জানেন? তখন ছিলুম করাচীতে। পাকিস্তান হওয়ার আগে। শহর খুব ফিটকাট। রাজপথে একটি ভিথরী দেখতে পাবেন না, এমনি কড়া আইন। ভিতরে যান, বারাকপুরের বস্তি অঞ্চলকে হার মানিয়ে দেবে, এত নোংরা। বিশেষ হাবসী পাড়ায়। যেমন নোংরা, তেমনি দুর্দান্ত। মারামারি তাদের কথায় কথায়। বন্দরের এক হাবসী কুলি-সর্দার ইয়াকুব ছিল আমার বন্ধু। সে একবার নেমস্তন্ন করে বসল তার ঘরে। খেতে গেলুম। আরে রাম, রাম, রাম। মশাই দিনের বাসি হাতরুটি, সাদা সাদা পোকা দেখা যাচ্ছে। তেমনি দুর্গন্ধ। তার উপরে, মাংস বলে যা এল, সে আর চেয়ে দেখা যায় না। কালো রং, বোধহয় কোন শাক-সবজী ছিল, আর কতগুলো নাড়ি-ভুঁড়ি। তার ওই নোংরা পাজামা দিয়ে

কুটি ঘষে তুলে দিল আমার হাতে। কী করি। দ্বিধা করছি দেখে সে বিদ্রূপ করে বলল, ‘বাঙালী শুনেছি, কলাগাছের ছাল খেতে ভালবাসে। মাংস কুটি পেয়ার করে না তারা।’ কথাটা বড় লাগল। বাঙালীকে খোঁচা? তাও এই অমৃত-সুমানি মাংস কুটি দিয়ে? ভাবলুম, মরার বাড়ি ভয় কি? খেয়ে ফেললুম। পেট ভরেই খেলুম। রাস্তায় এসে তুলে ফেললুম সব গলায় আঙুল দিয়ে। তারপর একদিন নেমন্তন্ন করলুম তাকে। ব্যবস্থাও করেছিলুম তেমনি। দু-দিনের পচা পাস্তাভাত আর ঝোলা গুড়। খা, কত খাবি।’

বলে ভদ্রলোক ঘাড় কাত করে তাকালেন আমার দিকে। গভীর বিস্ময়ে স্থানচ্যুত হল তাঁর মুখের রেখা। বললেন, ‘মশাই, বেমালুম খেয়ে ফেললে? তারপর দিয়ে আর কুলিয়ে উঠতে পারি নে। মাইরি, কী বলব আপনাকে, লজ্জায় এতটুকু হয়ে গেলুম। আবার যাওয়ার সময় কী বলে গেল জানেন? বললে, ‘বহুত বড়িয়া চীজ খিলায়া দোস্ত।’ বুঝুন ব্যাপারটা। তাই বলছি, বাইরে যখন বেরুবেন বাইরের মতন হয়ে বেরুবেন। অবিশি চা আপনি কম খান তাতে কিছু নয়। কিন্তু বাঙালী বলে সব জায়গায় নিজের রীতিনীতির খুঁটি অঁকড়ে থাকবে, তা করতে গেলে ক্যাসাদে পড়ে যাবেন। তা হলেই গলায় আঙুল দিতে হবে। আরে মশাই, শরীরের নাম মহাশয়, যা সওয়াও তাই ময়। এ তো বাঙালীই বলে।’

পেটরোগা খুঁতখুঁতে বলে দুর্নাম আছে বাঙালীর। আমি তার বাইরে নই। তিন কাপ চা একলা খেলে আমাকেও যে গলায় আঙুল দিতে হত। বিষয়টি তর্কসাপেক্ষ। তবু, আপাত মূল্য আছে এঁর কথার। প্রতিবাদ করতে পারলাম না। বিশেষ, এঁর বাঙালী-জৈদ, আর হাবসীর পাস্তা-প্রীতির কথা শুনে। যে বাঙালীকে তিনি বিদ্রূপ করতে চান, সেই বাঙালী নামের জন্ত সামান্য এক হাবসী কুলির পচা কুটি মাংস খেতেও পেছপা হননি।

কিন্তু আমি কিছু বলার আগেই তিনি বলে উঠলেন আবার, ‘বিদেশে কোন বিষয়ে পেছিয়েছেন তো, আপনি গেলেন। অমনি সবাই ঘো পেয়ে যাবে। ডেঁটে থাকতে হবে। যখন যেমন, তখন তেমনি! লে আও তোমার কি খানা আছে। অত পটপট কিসের? সত্যি, অনেক অখাণ্ড খেয়েছি। কিন্তু আমি কোনদিন করিনি আর। থাকগে যাক, ভায়ার নামটি কি, শুনি?’

গায়েপড়া অন্তরঙ্গতার হাসি ছড়িয়ে পড়ল তাঁর চোখে-মুখে। স্বর ছড়াল চায়ের টেবিলে। টাইপ আসর-জমানো লোকের মত ‘ভায়ার’ শব্দটি তাঁর মুখে একটুও বিচিহ্ন ঠেকল না। নাম বললাম।

‘বেশ বেশ। তা এলাহাবাদে কি কোন আত্মীয়স্বজন আছে?’

‘না।’

‘কোথায় উঠেছেন?’

আশ্রমের নাম বললাম।

আশ্রমের কথা শুনে আবার তাঁর মুখে একটু চাপা হাসির লক্ষণ দেখা গেল।
যেন কতদিনের পরিচয় এমনি অন্তরঙ্গ স্বরে, একটু রহস্য করে বললেন, ‘তা
ভায়া, এ বয়সে এত বৈরাগ্য কেন?’

বললাম, ‘বৈরাগ্য নয়। মন টানল, তাই চলে এলাম। দেখব আর ঘুরব
বলে বেরিয়ে পড়লাম।’

চা খেতে খেতে বললেন, ‘কোথায় ঘুরবেন, আর কী দেখবেন? মুখে তাঁর
কৌতুহল ও বিস্ময়। যেন ঘোরবার দেখবার কিছুই নেই।

বললাম, ‘যা দেখি নি, যেখানে বেড়াই নি, সেই সবই দেখব, সেখানেই
বেড়াব।’

ভদ্রলোক তাঁবুর আধা অন্ধকার কোল থেকে কয়েক মুহূর্ত বাইরের দিকে
তাকিয়ে রইলেন। যেন বহুদূরে কী দেখছেন। চোখে তাঁর সেই আলোছায়া
খেলা। তারপর হঠাৎ বললেন, ‘দেখুন, আমি সত্যি মুখ্য মানুষ। কী বলতে
কী বলে ফেলব। অনেকদিন আগে একটা জাপানী কবিতার বাংলা অল্পবাদ
পড়েছিলুম।

‘কি করি কোথা বাই,
কোথা গেলে শান্তি পাই?
ভাবিলাম বনে গিয়া,
জুড়াব তাপিত হিয়া।
শুনি সেথা অর্ধরাত্রি,
কাঁদে মৃগী কস্প গায়ে ॥’

বলে তিনি চুপ করে গেলেন। মনে হচ্ছিল, একটা চাপা গভীর অথচ তীব্র
আর্তনাদ শুনিছি কাছে। তার মধ্যে অল্পরপিত এক ঘোর অস্থিরতা। কিন্তু
শান্ত। তারপর আচমকা চুপ করে গেলেন। যেন নিঃশব্দ রাত্রি এক পোড়ো
বাড়ির দেউড়ি একবার ককিয়ে উঠে থেমে গেল। তারপর অসহ্য নিঃশব্দতা,
অন্ধ নিঃশব্দ রাত্রির আড়ষ্টতা।

বাইরে কোলাহল। তাঁবুর আশেপাশে গুণ্ডগোল চীৎকার। সে কোলাহল
ধ্বনি যেন ঝাঁঝের ঝিল্লিরব। বাইরে রৌদ্রালোকিত রূপালী বালুচর। আর

কালো রঙের তাঁবুটার মধ্যে এখনো অন্ধকার লেপটে রয়েছে কোণে কোণে ।

তাকিয়ে দেখি সামনে আমার নতুন মানুষ ! তার বিশাল তামাটে মুখটা উচুনিচু । যেন কোন্ দূর পাহাড়ের গড়িয়ে-পড়া এক লাল পাথর । গভীর ফাটলের মত মুখের রেখাগুলি তার গভীরতর । চোখ দুটো পাথরের মূর্তির চোখের মত নিষ্পলক, উদ্দীপ্ত অথচ অন্ধকার । যেন এই শিলাখণ্ডের উপর দিয়ে বহু যুগ-যুগান্তরের রোদ বৃষ্টি বাড় বয়ে গিয়েছে । পোড়া, ধোয়া, জলা ।

কী বলব ভেবে পেলাম না । উনি এমনভাবে চুপ করলেন, সেটি যেন আর-একজনকে চুপ করিয়ে দেওয়ার মত । আমার ঘরছাড়া অব্যবহৃত মন, আকুল আগ্রহে মেলে রয়েছে ছুঁ-চোখ । ডানা মেলে রয়েছে মুক্ত বিহঙ্গের মত । উৎকর্ষ কান, মনের মাঝে উত্ত্বঙ্গ-মর্ম । মনোবীণার তারে অজানা সুরের ডাক । তাকে যেন দু-হাত মুঠি করে চেপে ধরলেন ভদ্রলোক । আড়াল করে দাঁড়ালেন আমার দিগ্‌বিদিক-ছোটা পথের সামনে । কী বলব !

এত লোক, এত নারী আর পুরুষ, শিশু আর বৃদ্ধ এসেছে সারা দেশ থেকে । আমিও এসেছি । কে ডাক দিল জানি নে । কী বলে ডাকল, কী সুরে বাজল সেই ডাকের সুর, তাও বুঝি নি । এ যেন সেই রাধার উক্তির মতই—থেতে সাধ নেই, শুতে আনন্দ নেই । কোন্ অতৃপ্তি রেখেছিল চারপাশ থেকে ঘিরে, তাও খুঁজে দেখি নি । মন বলল, রইতে নারি, আর রইতে নারি ঘরে । মন ব্যাকুল হয়েছিল । তার বন্ধার দিল আগ্রহের অঙ্গুলি । তাই বেরিয়ে পড়েছি । দেখব, ঘুরব, আশা মেটাব । কিন্তু বিচিত্র বেশে এ কোন্ হরিণী সজাগ চোখে দাঁড়াল আমার সামনে । নিজের মাঝে ছিল অতৃপ্তির কত গভীর উৎস, ভেবে দেখিনি । কিন্তু এ যে অতৃপ্তির সমুদ্র । বুকে বার তীব্র গোঙানি, স্বাদ বার কটু ও লবণাক্ত ।

কবিতা চীনে কি জাপানী জানি নে । হৃদয়ে যে ভাষা জোগায়, সে কাব্যের কোন জাত নেই । সে কাব্য সকল মানুষের । মনে পড়ল, কবে একদিন পাড়ার মুদীখানায় বসে শুনেছিলাম এক পথচারী গায়কের গান,

“কত ঘাটে ঘাটে বাঁধলাম নৌকা,

তোমার দেখা পেলাম না,

বারে শুধাই, এক জবাব পাই

‘কার কথা কও, কোন্ জনা ?’

শুধায় সব, শুধাই আমি

শুধাই বনে বনে,

(হায়রে) বনও কাঁদে, কয় আমারে

‘তার দেখা পেলাম না’ ॥”

সেই একই হাংকার। তবু কে বসে থাকবে নিশ্চেষ্ট হয়ে? ঠাই নেই, তবু বুকে হাত রেখে বসে থাকব কোন সন্ধ্যাতারার দিকে চেয়ে? এক তারার পাশে আর-এক তারা, তারপরে লক্ষ লক্ষ, কোটি কোটি, অসংখ্য! চোখ মানে না। মন বাধা মানে না। বলরামের কথা মনে পড়ে গেল। আর আমার এই ঘরছাড়া চোখ দেখেছে শ্রামাকে। হাসিতে তার সেই মধ্যরাত্রির বিরহিনী হরিণীর কান্নাও বুঝি ছিল। শুনব বলে আসি নি। না এলে যে শুনতেও পেতাম না। কথা বলতে গেলাম। উনি বলে উঠলেন, ‘যেখানে যাবেন, এটি তো সঙ্গে যাবেই।’ বলে, তাঁর বুকে অঙ্গুলি নির্দেশ করলেন। তারপর বললেন, ‘এ কি কখনও ভরে?’

বললাম, ‘ভরে না বলেই তো!’

অতবড় মানুষটা। হাসিতে কী করুণ ও নিরীহ। বললেন, ‘তবুও ভরতে হবে। কিন্তু ভায়া, ও তো কখনো ভরে না! এ সংসারে কার আছে ভরা ভাত, জানি নে। নিজেরটা তো দেখি, ফুটো পাত্র। যত ভরি, সে তত ঝরে। হিন্দীতে একটা গান আছে জানেন? যমুনা থেকে গাংগরি ভরে ভরে বারবার জল নিয়ে এলি তুই ছোকরি, কিন্তু তাজ্জব! ছলকে ছলকে বারবার তোর সব জল পড়ে যায়। তুই আবার ছুটিস যমুনার পানে। বলি, এ কী তোর ভরানো ঝরানো খেলা? যমুনার কালো জল কি দূরন্ত ছেলের মত এতই দুষ্কৃৎ, সে কিছুতেই তোর কলসীতে থির হতে চায় না?’ বলে হেসে উঠলেন। একটা তীব্র কনকনে হাওয়া ঢুকল তাঁরু ছলিয়ে। চকিত কণার মত ছলে উঠল তাঁর তেলচিটে টাইয়ের অগ্রভাগ। বললেন, ‘জন্মে যা ভরে নি, মরণে কি সে ভরবে? তবু—’

বলে এক মুহূর্ত খেমে নিজেই বললেন আবার, ‘তবু মন মানে না, কি বলেন? আগে বোঝাপড়া ওর সঙ্গে, তার পরে তো সব? আপনাদের সেই খ্রীষ্টান কবির কথা মনে আছে তো?’

“আশার ছলনে ভুলি কি ফল লভিলু হায়

তাই ভাবি মনে

জীবনপ্রবাহ বহি কালসিন্ধু পানে ধায়

ফিরাব কেমনে?”

আমাদের খ্রীষ্টান কবি বটে। কিন্তু মুখস্থ দেখছি ওঁরই আছে বেশী।

আচমকা একটি ছোট্ট নিশ্বাস ফেলে বললেন, 'বড় খারাপ নেশা ভাই। এই পথের নেশার চেয়ে খারাপ নেশা আর কিছু নেই। এ ডেকে নিয়ে এসে ছেড়ে দেয়, আর ডাকে না, পেছনে ফিরতেও দেয় না।'

বলে এক চুমুকে ঠাণ্ডা চায়ের কাপটি শূন্য করে দিলেন। আমার চায়ের পাট ফুরিয়েছে অনেকক্ষণ। কিন্তু আটকা পড়েছি আপনা আপনি। যেচে আলাপ করতে এলেন উনি। কিন্তু ওঁর রূপ কী গুন্ করল আমাকে, যেচে বিদায়ের কথা পারলাম না বলতে। শুধু তাই নয়। ওঁর চোখের ওই দূরভিমারী দৃষ্টি, মুখময় ঝড়ের দাগ আর অসহায় হাসি মনের মধ্যে যুগপৎ অকারণ একটু ব্যথা ও কৌতূহল জাগিয়ে দিয়েছে। জিজ্ঞেস করলাম, 'আপনার দেশ কোথায়?'

জিজ্ঞেস করতে আবার হেসে উঠলেন। এবার অট্টহাসি বলা চলে। বললেন, 'চায়ের আসরটা তা হলে জমেছে ভালো, কী বলেন? দেশ তো ভাই আমার নেই। ঘরকে শর করেছি, পরকে ঘর। এখন সবই দেশ বলে মনে হয়। তবে জমেছিলুম বাঙলার এক গাঁয়ে। আঠারো বছর বয়সে সে গ্রাম ছেড়ে এসেছি। তারপর দেশ থেকে দেশান্তর, যাকে বলে দেশান্তরী।'

জিজ্ঞেস করলাম, 'আপনার বাবা মা আত্মীয়স্বজন, তাঁরা কোথায়?'

'বাবাকে ভাই কোনদিন দেখেছি বলে মনে পড়ে না। মাকেও হারিয়েছি অল্প বয়সেই। আঠারো বছর পর্যন্ত পেলেছিল এক মাসী। মাসী মারা গেল। তার ছিল কিছু জমি-জমা। দেখলুম, আমার মত অনেক বোনপো-ভাইপো রয়েছে মাসীর। তারা এসে দাবি করল ঘর-বাড়ি, জমি, গোরু-বাজুর। বিশ্বাস করবেন কি না জানি নে। বেঁচে গেলুম। ভেবেছিলাম, কাকে দেব? ভাগীদারের সংখ্যা দেখে চিন্তা ঘুচল। আর আঠারো বছর বয়স। সে যে অর্থে সমুদ্র। তার কুলকিনারা নেই।'

বলতে বলতে তাঁর সমস্ত মুখখানিতে স্বপ্ন নেমে এল। জানি নে, এ শুধু তাঁর আসর-জমানো কথা কি-না। কিন্তু তাঁকে যে কোন নিশি পেয়েছে, সে চিহ্ন ফুটে উঠেছে তাঁর মুখের গভীর রেখায় রেখায়। বললেন, 'ছোটকালে বাঁশঝাড় দেখিয়ে মা বলত, খবরদার, ওদিকে ঘাস নি। কিন্তু বড় বড় চোখে সারাদিন তাকিয়ে থাকতুম বাঁশবনের কুপসি ঝাড়ে। আপনি বাংলাদেশের ছেলে। জানেন নিশ্চয়ই বাঁশঝাড়ের হাওয়ায় কি এক 'আয় আয়' ডাক শোনা যায় অষ্টগ্রহর। লোকে শুনে হাসবে, আমার মুখে কাব্যি? কাব্যি নয়, এখনো কানে লেগে রয়েছে সেই ডাক। বাঁশবনের ফাঁক দিয়ে দেখতুম ধু ধু

মাঠ। কে যেন আমাকে ডাকত ওই মাঠ থেকে। বিশ্বাস করুন। আমাকে ডাকত। লেখাপড়া করতে পারি নি। যেমনি পাখা গজাল, মানে একটু বয়স হল, অগ্নি পালিয়ে গেলুম মাঠের উপর দিয়ে। আস্তে আস্তে ভয় ভেঙে গেল। মাসী কাঁদত, মাসী আমাকে বেঁধে রেখেছিল। তারপর যেদিন মাসী ছেড়ে দিয়ে গেল সেইদিন, সেইদিন কে-ই বা তৈমুরলঙ্গ আর কে-ই-বা চেঙ্গিস খাঁ! বেরিয়ে পড়লুম দিগ্বিজয়ে। শুধু একজনের কাছে দাঁড়িয়েছিলুম গিয়ে। সে ছিল আমার সোনার বাঁধন। মাসী ছিল রক্তের। জানেন তো, মাগুয়ের ব্যাপার! রক্তের চেয়ে দামী সোনা। তাকে ছাড়তে পারলে যেন সব ছাড়া পেল। সে কোন কথাই বলে নি। শুনল, তাকাল, তারপর ঘাড় কাত করে জানাল, যাও। চলে গেলুম। কেন যাচ্ছি, কিসের দিগ্বিজয়, কিছুই জানতুম না। তবু বেরিয়ে পড়লুম। সেইদিনটি ছিল আমার বড় আনন্দের দিন, আর আজ ভাবি, কী ভয়ঙ্কর, কী সর্বনাশের দিন ছিল সেটি।’

আমি নিতান্ত বোকার মত জিজ্ঞেস করলাম, ‘কেন?’

জিজ্ঞেস করতে করতেই তাকিয়ে অবাক হলাম। একি, এত অজস্র রেখা তাঁর মুখ-ভরতি!

যেন একরাশ শুকনো দল্ল বর্ণের তৃণকুটার মুখ একটি। চোখে ব্যক্ত অব্যক্ত যন্ত্রণা। বললেন, ‘কেন? কেন নয়? কোন্‌ নিশি ডেকে নিয়ে এল আমাকে, এখন মাথা খুঁড়ে মরছি। ফেরবার জায়গা নেই, এগুবার জায়গা নেই, কোথায় ঘুরে মরছি! কেন এসেছিলুম, কোথায় এসেছিলুম, সব ভুলে গেছি। ঘুরছি শুধু গোলকধাঁধায়। শুনেছি অনেকে বেড়ায়, বেড়িয়ে লেখে ভ্রমণকাহিনী। আমি দু-চক্ষে দেখতে পারি নে ওই বইগুলোকে। দু-চক্ষে নয়। ভ্রমণকাহিনী, সে আবার কি? দু-দিন বেড়ানো। তাহলে আমি কি? আমার এ কোন্‌ সর্বনেশে ভ্রমণ! শুকনো ঝরা পাতা উড়ছে পথে পথে। উঠছি পড়ছি, তারপর একদিন গুঁড়ো গুঁড়ো হয়ে যাব কার পায়ের চাপে। কী যে চাইলুম, আর কী যে পেলুম! বড় ভয়ঙ্কর নেশা ভাই, ভয়াবহ নেশা। ওই নিয়ে আবার লোকে বই লেখে?’

চুপ করলেন। মনে হল একটা তীব্র যন্ত্রণার স্রব ঢেউ দিয়ে ফিরছে কানের কাছে। ভুলে গেলাম কুস্তমেলার কথা। ভুলে গেলাম, কোথায় এসেছি। এ যে মাতালের দিকারের কান্না। একদিন যা আকর্ষণ পানে মাতাল করেছে, আজ তার-ই বিষক্রিয়া শুরু হয়েছে।

কিন্তু পথ কি মন্দ? ঘরছাড়া মাগুয়ের সে যে তৃষ্ণার জল। যতক্ষণ সে

জীবনস্বরূপ, ততক্ষণ সে আনন্দ অশ্রুভরা। সে ব্যথার ব্যথী। অগতির গতি। নিঃশ্বের সক্ষয়। পথ না হলে চলব কোথায় ?

কিন্তু জানি নে, বুঝি নে, পথ কখন এমনি প্রতিশোধ নেয় ! আর কী ভয়ঙ্কর তার প্রতিশোধ। সেই প্রতিশোধেরই এক প্রতিমূর্তি যেন আমার সামনে।

হঠাৎ জিজ্ঞেস করলাম, ‘আপনার নামটি কিন্তু জানা হয়নি।’

বলেতেই আবার হাসি। উচ্চহাসি হেসে বললেন, ‘নামটা ভাই বড় খারাপ আমার। এই বাউণ্ডলে জীবনে সেটাও একটা ঠাট্টা। তাহলে আর একটু চা খেতে হয়।’

আমি বললাম, ‘নিশ্চয়ই।’ বলে বয়সকে ডাকবার আগেই উনি নিজেই সেই দক্ষিণী ভাষায় ছুঁম করলেন।

জিজ্ঞেস করলাম, ‘আর কখনো দেশে যান নি ?’

বললেন, ‘বাংলাদেশে ? অনেকবার। তবে গাঁয়ে গেছি একবার।’

‘মাত্র ?’

‘হ্যাঁ। যুদ্ধের পর গেছলুম, সারাটি দিন ঘুরলুম, কেউ চিনতেও পারল না। গাঁয়ের হরে মুদী তেমনি বসেছিল দোকানে। শুধু গায়ের চামড়া তার ঝুলে পড়েছিল থলের মত। কী বলব ভাই, আমাকে দেখে বললে, ‘কি মাংতা সাহেব ?’ মনে মনে হাসলুম। বললুম, ‘পোয়া ভর চিঁড়ে দাও, দো পয়সা কী গুড়।’ সাহেবকে চিঁড়ে গুড় খাইয়ে তার ভারি আনন্দ। বললে, ‘কার বাড়ি আসা হয় ?’ বললুম, ‘সোনার বাঁধান কি বাড়ি।’ সে বললে, ‘ও সোনারবেনে ? পশ্চিমপাড়ায় আছে বটে ছ-ঘর। নাক কি বরাবর চলে যায়ইয়ে।’ হাসিও পেল। দুঃখও হল। সত্যিই, সোনার বাঁধনের বাড়ি নাক বরাবরই বটে। গেলুম। গিয়ে দেখলুম, ভাঙা বাড়ি আর ঘন জঙ্গল। সন্ধ্যার অন্ধকারে একটা ভুতুড়ে বাড়ি। বুকলুম, কেউ নেই। হয়তো আমার সোনার বাঁধান অল্প কোন দেশে আর কাউকে বেঁধেছে। তার চোখের দিকে তাকালে না বাঁধা পড়ে উপায় ছিল না। ফিরে গেলুম।’

আবার চুপচাপ। চা এল। এবার দুটি সিঙ্গল কাপ। বুললাম সেই যে গেলেন, সেই যাওয়া আজও শেষ হয় নি।

বললেন, ‘যাঙ্গিন আছেন, আসবেন একটু-আধটু। একটু বকব প্রাণভরে, সে মাছুষও পাই নে।’

বললাম, ‘নামটা ?’

হেসে বললেন, 'ভোলেন নি দেখছি। হাসবেন না যেন। নাম আমার রমণীমোহন মুখোপাধ্যায়।' বলে কী হাসি। হাসি আর থামতে চায় না। বললেন, 'কী আশ্চর্য বলুন তো, টো টো মোহন কিংবা বাউঙেলে মোহন নাম রাখলেই ঠিক হত।'

স্বপ্নেও ভাবতে পারিনি, চা খেতে ঢুকে এমনি এক রমণীমোহন মুখোপাধ্যায়ের সঙ্গে দেখা হবে। তাঁবুটার অন্ধকার তখনো কাটে নি ভাল করে। বাইরে বালুচরের আকাশ রূপোর পাতের মত ঝকঝক করছে। আর বসে থাকতে পারি নে। পকেট থেকে পয়সা বার করতে গেলুম।

রমণীমোহন গল্পের নায়কের মত বাধা দিলেন। বললেন, 'পয়সাটা ভাই পাওনা থাক, কাল দিয়ে যাবেন।'

বুঝলাম, আসবার জন্তই এই কথা। বললাম, 'যদি না আসি?'

'তা হলে একলা বসে বসে হাসব।'

অদ্ভুত কথা। দুজনেই হেসে উঠলাম। বললাম, 'কিন্তু ব্যবসা করতে বসেছেন। পয়সা না নিলে আসব কি করে?'

'ওটাই তো কন্দী।' হেসে আবার বললেন, 'দোকানটি আমার এক মাদ্রাজী বন্ধুর। আড়াই হাজার টাকা দিয়ে দোকান নিয়েছি। বুঝতেই পারছেন অবস্থা। সকাল থেকে আপনি একমাত্র খদ্দের। তবে সে সম্মান আপনাকে দেব না। আমার আত্মীয়তাটুকুই মেনে নিতে হবে আপনাকে। কী ভাগ্য আপনি এসেছিলেন। প্রাণে একটু হাওয়া লাগল। আসবেন, আসবেন। রোজ পয়সা নেব, আজকের দিনটি পারব না ভাই।'

বলতে বলতে উনি গম্ভীর হয়ে উঠলেন আবার। আমার মুখের হাসিটি আড়ষ্ট হয়ে রইল। এই বিরাট স্বপুরুষ চেহারার মানুষটির ভেতরের সেই ক্লান্ত অসহায় প্রাণটি কখন যে মন দিয়ে মন কেড়েছে টের পাইনি। যাবার সময় ওঁর এই গাম্ভীর্য খচ করে উঠল বুকের মধ্যে।

একসঙ্গে বাইরে এলাম। রমণীমোহন বলে উঠলেন, 'আঃ!'

দেখলাম, বুকটা ওঁর ঠেলে উঠেছে সামনের দিকে। মাথাটি উঁচু করে তুলে ধরেছেন দূরের আকাশের দিকে। দু-চোখে মুগ্ধতা। বুঝলাম, নেশা লাগছে। বিষ এখনো মাঝে মাঝে অমৃত হয়ে ওঠে। খোলা আকাশ দেখলেই মন ছুটে যেতে চায়। বোধহয় ওইটুকুই এখনো প্রাণবায়ু হয়ে আছে।

বললাম, 'চলি।'

সে কথার জবাব না দিয়ে বললেন, 'মানুষের ভিড় একটু বেড়েছে দেখছি।'

কাল পূর্ণিমা কি-না। স্নান রয়েছে।

পথের মাছ। বাইরের কথা ভুলতে পারেন না কিছুতেই। বললাম
আবার, 'চলি।'

হাত ধরে বললেন, 'আমুন।'

খানিকটা গিয়ে ফিরে দাঁড়ালাম। হাসি পেল, লজ্জাও হল। তবু বললাম,
'একটা কথা বলব?'

'একটা কেন, একশোটা বলুন।'

বললাম, 'কেন এসেছি বলছিলেন, না এলে আপনাকে দেখা হত না তো?'

বলতেই ওঁর চোঁট ছুটো বেকে উঠেই চকিতে ফেটে পড়লেন হাসিতে।
হাসিটা তাকিয়ে দেখতে পারলাম না। ফিরে চললাম। শুনতে পেলাম,
চীৎকার করে বলছেন, 'তাহলে এ যাত্রা আপনার নিষ্ফল তীর্থযাত্রা। কুন্ত
আপনার শূণ্যই থেকে যাবে। হা হা হা...'

উত্তরে হাওয়ায় ভেসে এল ওঁর হাসি। শূণ্য কুন্ত আমার ভরবে কিনা
জানিনে। কিন্তু হৃদিকুন্ত যে ভরে গিয়েছে মাছবরসের স্বাদে। যে মাছবর দেখে
দেখে স্বাদ মেটে না, সেই অতৃপ্তি উনি বাড়িয়ে দিলেন হাজার গুণ। এ
বৈচিত্র্যের শেষ নেই, রূপের সীমা নেই। এ নামেরও মৃত্যু নেই।

হঠাৎ বুকে আমার আনন্দের সীমা রইল না। চারিদিকে মাছ। বিচিত্র
রংবাহার। কোলাহল, ব্যস্ততা, ব্যাকুলতা, উর্ধ্বশ্বাস মাছ। সকলে চলেছে
সামনে পেছনে ভাইনে বায়ে। মনের মধ্যে বেজে উঠল সহস্র রাগিণী এক-ই
তারের বঙ্করে।

জলত পা চালিয়ে দিলাম পূর্বদিকে। বালি শুকিয়ে বুঝবুঝ করছে। তেতে
উঠেছে এরমধ্যেই। শীঘ্র বড় আরাম লাগছে তাতে। পূর্বদিকের সমুদ্র-
গুপ্তের টিলার দিকে চললাম।

একলা চলছি নে। শত শত লক্ষ লক্ষ চলেছে। যেন আমারই সঙ্গে
চলেছে সবাই। যেন চলেছে আমারই পায়ে পায়ে, আমারই হৃদস্পন্দনের
তালে তালে, ছায়া কেলে আমারই হৃদয়-সরসী-নীরে। যেন সবাই ডাক
পড়েছে আজ পূর্বদিগন্তে।

মতি, জনবত্তার ডেউ বেড়ে উঠেছে অনেকখানি। একটি রাত্রের মধ্যেই
সেই বত্তার গতি যেন চারিদিক থেকে পাক খেয়ে খেয়ে আবর্তিত হতে আরম্ভ
করেছে। দূর থেকে হঠাৎ দেখলে তাই মনে হয়। কোন দিক থেকে আসছে
মাছ, যাচ্ছে কোন দিকে, কিছুই ঠাহর করা যায় না।

সামনে উঁচু-নীচু বালুচর। এদিকে তাঁবুর সংখ্যা ক্রমে কমে এসেছে।
কমে আসতে আসতে শেষ হয়ে গিয়েছে একেবারে। শুধু সাঁদা বালু। তার
উপর দিয়ে মালুঘের বগা এ সকালের বেলায় যেন ঘন অরণ্যের সারি হয়ে
উঠেছে। টাঙ্গা ছুটে চলেছে। ছুটে নয়, ঠেলে ঠেলে নিয়ে চলেছে। এরই
উপর দিয়ে, মালুঘের ভিড়ের ভিতর দিয়ে ছুটে চলেছে গ্রাইভেট মোটরকার।
হাওয়ায় উড়ে ছড়িয়ে পড়ছে বালি।

দেহ শীতার্ভ। অথচ আকাশে আশ্চর্য মেঘ ও রোদের সমারোহ। সাঁদা
মেঘের দল চলেছে নীল আকাশের আঙিনা জুড়ে। ছোট ছোট মেঘের টুকরো
রোদের ছোঁয়া লেগে, তার ধারে ধারে খেলছে রূপালী ঝিলিমিলি।

ঝুসির গ্রাম থেকে নেমে আসছে উটবাহিনী। পিঠে তাদের কাঠের
বোঝা। দূর থেকে দেখা সমুদ্রের ঢেউয়ের মত তুলতে তুলতে আসছে। সঙ্গে
সঙ্গে আসছে গাধাবাহিনী। তাদের পিঠে শুধু কাঠ নয়। কাঠ, তরিতরকারি,
ফল।

মালুঘ পশু ও প্রকৃতির বিচিত্র সমারোহ। হাসি ও কলকোলাহল। অন্ধ
স্বরদাস চলেছে গান গাইতে গাইতে। তার ভাষা বুঝি নে। দরাজ গলায়
তার ভৈরবী স্বরের মধ্যে শুধু ঘর ছাড়ার আহ্বান। শুধু ডাক। এই ভিড়,
কোলাহলের মধ্যেও সে স্বরে কী বিচিত্র প্রসন্নতা। মুক্তি ও আনন্দের স্বাদে
ভরপুর।

তাকিয়ে দেখি, শীত নেই অন্ধ স্বরদাসের। খালি গা। ছিন্ন ময়লা
উত্তরীয় বেঁধেছে কোমরে। রুক্ষ চুলের জটা উড়ছে বাতাসে। হাতের লাঠি-
খানি ঘুরে ফিরে চারিদিক দেখে নিচ্ছে। মাঝে মাঝে থামছে গান। অবাক
হয়ে তাকিয়ে দেখি, স্বরদাস হাসছে থেকে থেকে। ডাইনে বাঁয়ে দেখছে,
দেখছে আকাশের দিকে! যেন সে সত্যি দেখতে পাচ্ছে। হাসছে, আর তার
মাতৃভাষায়, গৈর্যো টানে থেকে থেকে জিজ্ঞেস করছে, ‘ওগো, শুনছো, ঠিক
যাচ্ছি? পথ আমার ঠিক আছে তো?’

কেউ জবাব দেয়, কেউ দেয় না। কেউ বলে, অন্ধ কেন এ পথে? সে
হাসে। হেসে হেসে আবার গলা ছেড়ে গেয়ে উঠছে গান।

আমি ভাবি আমারই পায়ে পায়ে চলেছে মালুঘ। অন্ধ স্বরদাসের উল্লাস
দেখে মনে হল, সারা মেলা চলেছে ওরই পায়ে পায়ে। চলেছি যেন ওরই
গানের স্বরে স্বরে।

চলেছি মনের বেগে, দেহের বেগে। তবু, আশ্চর্য! এ মনপবনের নায়ে

কোন এক নেয়ে যেন ক্লান্ত স্বরে গান গেয়ে চলেছে আমারই পাশে পাশে।
সে যেন গুন গুন করছে,

যে ছিল আমার স্বপনচারিণী

তারে বুঝিতে পারি নি।

দিন চলে গেছে খুঁজিতে...

ও! মনের দিকে তাকিয়ে দেখি, রমণীমোহন মুখোপাধ্যায় চলেছেন
আমার সঙ্গে সঙ্গে। রেখে এসেছি, ছেড়ে আসতে পারি নি দেখছি। পারা
কি যায়? সেই শৈশবের কেঁচুযাত্রার নিমাইয়ের সন্ন্যাসযাত্রার কান্না মনে
পড়ছে। স্বামীসোহাগিনী বিষুপ্রিয়া নিদ্রা যাচ্ছে। নিমাইয়ের অঞ্চল তার
সুমন্ত শিখিল মুঠিতে চাপা রয়েছে। নিমাই সাশ্রনয়নে ধরেছে গান,

মায়াব বান্ধন ছাড়া কি গো যায়?

যাই যাই মনে করি, যাইতে না পারি

মহামায়া আমার পিছনে ধায় ॥

কে জানে, কাল যেতে পারব কি-না রমণীমোহনের কাছে। কে জানে,
কোনদিন যেতে পারব কি-না! ঋণ? নিয়েছি, ভোগ করেছি মনোকষ্ট।
কিন্তু সে ঋণে তো বান্ধনি আমাকে সে! সে যে আমাকে ছেড়ে দিয়ে বাঁধলে,
সে যে ধরে রাখলে আমাকে মুক্তি দিয়ে।

তার সংক্ষিপ্ত জীবনকাহিনী, সংক্ষিপ্ততর তার সোনার বান্ধনের কথা। যে
কাহিনীর তরী ভাসছে রক্ত আর অশ্রুর নদীতে! জানি, এ চলার পথে হারিয়ে
যাবেন উনি। হারিয়ে যাবেন হয়তো সূর্যাস্তের আগে। তবু বুঝলাম,
মন-সৈকতে আঁকা রইল যে রেখা, সে অদৃশ্যে ফিরবে আবার চলার পথে ক্লান্ত
মেয়ের মত। তাকে তো আটকাতে পারব না।

ঝড় এল বালুচরে। একরাশ ভিখারী। যেন চৈত্র-ঘুর্ণির ঝরাপাতা,
ফুটোফাটা। কোথা দিয়ে এল, কেউ জানে না, কেউ জানে না, এ ঘুর্ণি যাবে
ঘুরতে ঘুরতে কোন পথের উপর দিয়ে, কাদের দলে মাড়িয়ে।

হঠাৎ আমরা একরাশ নরনারী পাগলা ঘুর্ণির আবর্তে যেন পথরুদ্ধ, বিব্রত
অসহায় হয়ে পড়লাম। হে পুণ্যবান, দাও দাও। হে তীর্থযাত্রী, দাও দাও।
হে দয়ালু, হে রাজা রানী, দাও দাও, দাও দাও, দাও দাও।

কিন্তু প্রতিবাদ নেই, ক্রুদ্ধ গর্জন নেই, হা হা করে বিতাড়ন নেই। সকলেই

বিত্রত তবু হাসিমুখর। দিই দিই, দেব দেব যা-আছে, তাই দেব। গতিক
থারাপ। পকেটে হাত দিলাম। কোনরকমে একজনের হাতে তুলে দিলাম
পয়সা।

দেবার পরমুহুর্তেই সেই হাসি। নিঃশব্দ, নিরাল্লা, ছুত্তর তেপান্তরের সেই
একাকী পথিকের বৃকে আতঙ্ক-ধরানো পাখির বিচিত্র তীব্র হো হো ডাক।
সেই লাল জামা, আর পালতোলা ময়ূরপঙ্খী পাড়। তেপান্তরের সেই
বহু বিহঙ্গিনী।

সচকিত চোখে তাকিয়ে দেখি, একলা নয়। অনেক, একরাশ। ভিখারী
নয়। ভিখারিনীবাহিনী। বেশভূষায় প্রায় সকলেই একরকম। তার
মধ্যেই, ময়লা ছিন্ন শাড়ি ও জামার ভাগ-ই বেশী। রক্ষ চুল, ধূলিধূসরিত
মুখ আর লজ্জাহীন ছিন্ন পোশাক! সবচেয়ে আশ্চর্য! তার মধ্যেও সিঁদুরের
প্রসাধন, জটায় শুকনো ফুলের সজ্জা। কারুর বুকজোড়া সন্তান।

তারই মাঝে ওই লাল জামা। দলের মধ্যে রয়েছে মিশে। তবু যেন
কেমন করে আলাদা হয়ে উঠলো চোখের সামনে। বোধহয় চোখেরই দোষ।
বুঝি দোষ মনেরই। কে জানত, আবার পকেট থেকে পয়সা তুলে দিয়েছি
তাকে। ছি ছি, কী কলঙ্ক। কী ভাগ্যা, নেই খনপিসী, পিসীর বাহিনী।

চোখ পড়তে দেখি, তাকিয়ে আছে আমার দিকে। আবার ঠেকেছি, বুঝি
তাই। আবার ঠকিয়েছে, বুঝি তাই। দেখি, ঠোঁটের কোণে তার জয়ের
হাসি। জয়ের মধ্যেই তো থাকে স্পর্ধা ও বিক্রপের ছোঁয়া। ঠোঁটের তীব্র
বন্ধিম রেখায় তার সেই দুর্জয় ছলনার হাসি। চাউনি দেখে চমকে উঠলাম।
হেলানো ঘাড়, বাঁকা চোখে সে খুঁটিয়ে খুঁটিয়ে দেখছে আমাকে।

স্থলিত আঁচল পড়েছে লুটিয়ে বালুচরে। বাতাস ধরতর কাঁপছে তার লাল
জামায়, তার রক্ষ চুলে, তার মেটে সিঁদুরের অস্পষ্ট এলোমেলো সিঁথিরেখায়,
তার সর্বান্ধে। সব মিলিয়ে এই উন্মাদিনী বালুচরের আর-এক বেশ যেন দেখা
দিয়েছে এই সর্বনাশী যাযাবরীর মধ্যে।

একে রূপ বলব কি-না জানি নে। কী রূপ বলব, বুঝি নে। একে রূপ
বলতে বাধে। অরূপ বলতে সাধ্য পাই নে মনে। এ রূপের খাদ নয়। অখচ
মন ভরে উঠছে না অপরূপ বলে। একি ইস্পাতের তলোয়ার, নাকি রূপালী
রঙের বাঁকা কাষ্ঠখণ্ড মাত্র?

* মনের তলে আমার বিশ্বয়ের ঘোর। যাযাবরী ভিখারিনীর চোখে মুখে
এত আয়োজনই বা কেন? এত শাণিত দীপ্তি কিসের। করুণাপ্রার্থিনীর এ

নির্লজ্জ বহি ছড়ানো কেন? একি শুধু ঘাঘাবরী রক্তপ্রবাহেরই স্বভাব? নাকি, ঘরছাড়া মেয়ের সেই চিরাচরিত অভিশপ্ত জীবন পরোনালীর ক্রন্দ। অথবা, জীবন-প্রসূরে যা খেয়ে খেয়ে প্রতি মুহূর্তে সে শাগিত ও দীপ্ত।

চোখ সরিয়ে নিলাম। লজ্জা হল, সঙ্কোচ হল মনে মনে। নিজেকে আমরা ভুলতে পারি না বোধহয় ক্ষণেকের তরে। সবাই বলেছে সে সর্বনাশী। শুধু সর্বনাশী। সর্বনাশেরই আয়োজন তার চোখে মুখে বেশে।

যে সব হারিয়ে, পথে এসে দাঁড়িয়েছে হাত পেতে, সর্বনাশের আগুন তো জালাবেই সে। যার কিছু নেই, সর্বনাশের খেলা তো মাজে তারই।

তাকে ভিঞ্জে দিচ্ছে কেউ কেউ যেচে। কত লুপ্ত চোখের পেছনে, ভিখারিনী হয়েও রানীর মত মাথা তুলে রয়েছে দাঁড়িয়ে। মাথা হুইয়ে অগ্রসর হলাম পথে। পথিকের স্বভাবমূলভ চাউনি দিয়ে অভিনন্দিত করতে পারলাম না তার দীপ্ত হাসিকে। সে মন নেই, সে সাহসও নেই।

ঘুণি ঝড় এল, আবার চলে গেল। যেন সেই রূপকথার কাহিনীর আঁউ মাউ কাঁউ শব্দের মত ভিখারিনী-বাহিনী ছুটে চলল আবার। ওই শব্দের মধ্যে ব্যাকুলতা, ব্যস্ততা। এ ওকে ধাক্কা দিচ্ছে, ও একে ঠেলে ফেলে দিচ্ছে। পরস্পরের মধ্যে হিসেব হচ্ছে, কে কত পেয়েছে। বাগড়া হচ্ছে, হাসছে।

সমস্তটা মিলিয়ে শোনাচ্ছে একটা ব্যস্ত ত্রাস আতঁনাদের মত।

কারা নিজেদের মধ্যে কথায় কথায় বলছে, হিন্দীতে বলছে, ভিখারিনীগুলো মারাঠার আওরত। জানি নে, কোন্ দেশের আওরত। কিন্তু এদের দেখেছি চিরকাল। দেশের মেলায়, বাজারে, শহরে। কলকাতার শহরতলীতে, শনি রবিবারে দেখেছি দল বেঁধে ঘুরতে।

বিদেশে বেড়ানো নাকি কপালে লেখা থাকা চাই। লিখে দেন নাকি কোন এক বিধাতা। জানি নে, কে সেই বিধাতা, যে ঘর-ছাড়ার বৈরাগ্যের তিলক এঁকে দেন কপালে। কিন্তু আমার পোড়াকপালে তো সে তিলক কোন দিন পড়েনি জানি। তবু কয়েকবার গিয়েছি নিকট ভারতের এদিকে ওদিকে। কিন্তু ওই জাতের মেয়েদের দেখছি সর্বত্র।

সেই চিরাচরিত চেহারা। চুল বাঁধার এদের কোন ছিরি-ছাঁদ নেই। তবু কেমন একটা রকম আছে। যা শুধু মানায় ওদের রুক্ষ জটায়। কাপড় পরার বিচিত্র ধরন। আমাদের ঘরের মেয়েদের আয়াসমাধ্য দেহসজ্জার চেয়ে ওদের ময়লা কাপড়ের অনায়াস বেষ্টনী তৈরী করে একটি বিচিত্র ছন্দ। আর কেন জানি নে, ওদের ধূলিমলিন কীটসমাচ্ছন্ন দেহে দেখেছি অটুট যৌবন।

ভাবি, আমরা কত সফল করে বেরুই তীর্থযাত্রার পথে। মন্দিরে মন্দিরে ফিরি মাথা কুটে কুটে! ওরা ফেরে শুধু আমাদের পেছনে পেছনে, ছুটো পয়সার জন্ত। 'এত যে তীর্থক্ষেত্রের আনাচে কানাচে ঘুরে ফেরে ওরা, ভগবানের এক ছিটে পুণ্যও কি বর্ষিত হয় না ওদের মাথায় ?

কোলাহলমুখর জনবহুল সঙ্গ ধাক্কা খেতে খেতে চলছিলাম, আর ভাবছিলাম এমনি এক দার্শনিক তত্ত্ব! আচমকা কানের কাছে হাসি শুনে থমকে গেলাম। আবার সর্বনাশী! পাশ দিয়ে, আঁচল উড়িয়ে তীরবেগে ছুটে গেল সামনের দিকে। কিছু ঠাঁহর করবার আগেই, চকিতে তার পালতোলা নৌকা আঁচলের পাশ দিয়ে ঊকি দিয়ে উঠল দুই খর চোখের দীপ্ত তার। তারপর নিরান্না বনের পাখির ডাকের মত আকাশে উধাও হয়ে গেল হাসি। পেছনে তাকিয়ে দেখি, তিন-চারটি প্যাণ্ট-কোট-পরা আধাবয়সী মানুষ লুঙ্গ উৎসুক চোখে লক্ষ করছে তার গতিবিধি।

পাশ থেকে কে বলে উঠল, 'হাসতি হায়।'

ফিরে দেখি অন্ধ সুরদাস। আপন মনেই বলছে। তার লাঠি এসে ঠেকছে আমার পায়ের কাছে। চোখের দুটি সাদা পর্দা ঠেলে এসেছে সামনের দিকে। পর্দা দুটি কাঁপছে থরথর করে। আর হাসছে। হাসতে হাসতে আপন মনেই আবার বলে উঠল, 'হাসতি হায় কোন ?'

বলে আবার হেসে উঠল নিজের মনে। যেন কথোপকথন করছে কারুর সঙ্গে। হাসতে হাসতেই আবার জিজ্ঞেস করে উঠল, 'রাস্তা তো ঠিক হায় ?'

জানি নে, এ শুধু তার কথার কথা কি-না। জানি নে, এ শুধু তার স্বগতোক্তি কি-না। তবু, বলে ফেললাম, 'হ্যাঁ, রাস্তা ঠিক আছে।'

'ঠিক হায় ?' বলে সে আবার হেসে উঠল। সরল ও বোকাটে মনের অভিব্যক্তির মত সে হাসি। তবু যেন, সামান্য একটু বিস্ময়ের ঘোর তার গভীর কর্তে। একটু বা রহস্য ছোঁয়ানো। তেমনি হেসে আবার জিজ্ঞেস করল, 'বাবুজী, আপ-কা-রাস্তা ঠিক হায় ?' বলে সে হাঁ-করা হাসিমুখে তাকিয়ে রইল আকাশের দিকে। রোদ লেগে সাদা পর্দা দুটি রূপোর মত উঠল চকচকিয়ে। যেন আকাশের বৃকে পেতেছে কান। জবাব আসবে ওখান থেকে। জবাব দিতে গিয়ে থমকে গেলাম। এ আবার কেমন প্রশ্ন ? আমি রীতিমত চক্ষুস্থান মানুষ। অন্ধকে বাতলে দিচ্ছি ঠিক পথের ঠিকানা। সে উল্টে আমাকে জিজ্ঞেস করে, আমার ঠিক ঠিকানা ? তবু কথা বলতে গিয়ে আটকাল। পথের ঠিক আছে কি-না কে জানে ! কিন্তু এক কথায় তার জবাব দিতে পারলাম না।

বিশেষ করে ওই মুখের দিকে তাকিয়ে। আমার জবাব দেওয়ার আগেই সে হেসে উঠল। এই ভিড় ও কোলাহলের মধ্যে অপূর্ব শান্ত উদাস তার কণ্ঠস্বর। বলল, ‘কোই নহি বতী সক্তা কিম্বর গয়ী সড়ক, কহী গয়া রাস্তা। হায় না বাবুজী?’

মনে মনে ভাবলাম, তবে কি সে নিজেকে নিজে জিজ্ঞেস করছিল শুধু? রাস্তা তার ঠিক আছে কি-না, এ শুধু জিজ্ঞাস্তা নিজেকে। এত লোক চমকে ফিরে তাকে বারবার জবাব দিয়েছে, আর সে শুধু এমনি হেসেছে মনে মনে। তারপর আবার নিজেকেই বলল হিন্দীতে, ‘বাবুজী, আমি তো অন্ধ। জন্মান্ন! মায়ের পেট থেকে পড়ে এক-ই বুলি শিখেছি আমি, রাস্তা ঠিক আছে তো? সারা সংসার যখন চেষ্টায়ে বলে, সব ঠিক হায়, তখন আমি দাঁড়িয়ে পড়ি। সব ঠিক হায়? দুনিয়ার সব ঠিক আছে? তবে আমি কেন সব কিছুর ঠিক পাইনে? বাবুজী, ওহিসে পুছা কি, আপ-কা-রাস্তা ঠিক হায়?’

বলে আবার সে লাঠিটি চারপাশে একবার ঘুরিয়ে বলে উঠল, ‘রাস্তা ঠিক হায়?’

তারপর তার কম্পিত সাদা পর্দা দুটি ঠেকে রইল আকাশে। ওই ভাবেই সে এগিয়ে চলল আমার পাশে। আর ঘুমন্ত শিশুর দেয়ালা করার মত তার হাঁ করা মুখে কখনো হাসি, কখনো গান্ভীর্য!

কে বলে উঠল, ‘কা হো জ্বরদাস, গানা কাহে বন্দ কর দিয়া?’

জ্বরদাস বোধ হয় গানই ভাঁজছিল। আবার গান ধরল।

সামনে তাকিয়ে দেখি, পথ রোধ করেছে ঝুসির উচ্চ ভূমি। সেই উঁচু জমির উপরে, নীচে থেকে উঠে গিয়েছে সিঁড়ি, হঠাৎ বাক নিয়েছে বাঁদিকে। হারিয়ে গিয়েছে একটি বিশাল বটের আড়ালে। তার উপরে, মনে হল প্রাচীর-বেষ্টিত কেল্লা মাথা তুলেছে আকাশে। উত্তরাংশের কামিনসিঁড়ি সরল প্রাচীর নীচের দিকে নেমে এসেছে। সেই প্রাচীরের গায়ে মস্ত একটি অন্ধ গুহামুখের গহ্বর। গহ্বরমুখ থেকে আর একটি সিঁড়ি নেমে এসেছে বালুচরে। সেই গুহামুখ থেকে পিঁপড়ের মত পিলপিল করে নেমে আসছে নরনারী! সিঁড়ির ধাপ, এমন একেবেরে নেমে এসেছে, চলন্ত নরনারীর বাহিনীকে দেখাচ্ছে যেন দূর-থেকে-দেখা ধীরগতি ঝরণার মত।

শুনছিলাম, এটি সমুদ্রগুপ্তের কূপ। কিন্তু কূপ কোথায়? এ যে দেখছি, চারিদিক থেকে একটি স্তরজ্বিত সু-উচ্চ গড়ের মত। হঠাৎ মনে হয় যেন এক সার্মরিক গান্ধীর্থে ও কৌশলে এর চারপাশে গোপন রয়েছে

সমরায়োজন।

দুদিকের দুই সিঁড়ি দেখে বললাম, দক্ষিণেরটি আরোহণী। উত্তরে অবতরণিকা। আরোহণীর মধ্যপথে ঝুরি-নামা প্রাচীন বটগাছ। ছায়া ভরে রেখেছে সিঁড়িতে। যেদিকে তাকাই, সেদিকেই শত শত বছরের এই অশ্বখের রূপদী ঝাড়। মাটি থেকে আকাশ পর্যন্ত, উচ্চভূমির কোলে কোলে, ফাটলে, গর্তে সর্বত্র ছাপ প্রাচীনতার। কেবল সরল ও খাড়া প্রাচীরের রোদচমকিত সাদা রঙ যেন নতুনের ছোঁয়ায় ঝকঝক করছে।

আমার পেছন থেকে অন্ধ স্বরদাস জিজ্ঞেস করল, ‘বাবুজী, সামনে টিলাকে সিঁড়ি ছায়া না?’

টিলা? সমুদ্রগুপ্তের কূপ নয়? লোকের মুখে মুখেও একই কথা। সমুদ্র-গুপ্তের টিলা। কিন্তু এ অন্ধ কেন জিজ্ঞেস করছে? সে কি উঠতে পারবে?

বললাম, ‘হ্যাঁ সিঁড়ি। কিন্তু, তুমি তো উঠতে পারবে না স্বরদাস।’

সে একটু হেসে বলল, ‘নহি সকেঙ্গে?’ বলে ঘাড় তুলে তাকাল উপর দিকে। মুখগহ্বর থেকে বেরিয়ে-পড়া জিভ নাড়তে লাগল। যেন সে দেখতে পাচ্ছে, দেখে নিচ্ছে, কত উঁচু। তারপর বলল, ‘বাবুজী, এ তো আমার পহলী দফা নয়। আরো তো কত দফা উঠেছি।’

বলে হাসল। হেসে ঘাড় ফেরাল ডাইনে বাঁয়ে। দেখল পেছনে। আবার বলল, ‘বাবুজী, আপ চলা গয়ে?’

বললাম, ‘না।’

যেতে পারছিলাম না। সে অন্ধ। কত অন্ধ দেখি পথে পথে। পথ চলতে তাদের সঙ্গে কথা বলিনে। তাকাই নে ফিরে। জিজ্ঞেস করলে জবাব দিই। দয়া হলে অন্ধ ভিখারীকে পয়সা দিই দুটো। ওই পর্যন্তই।

কিন্তু ফিরে তাকাতে হল আজ। তাকাতে হল এই কুস্তমেলার এসে। স্বরদাস অন্ধ। কিন্তু তার প্রতিটি অঙ্গভঙ্গি যেন চক্ষুস্থানের মত। তার ওই আত্মভোলা হাসির মধ্যে কোথায় যেন আত্মগোপন করে রয়েছে এক গভীর সচেতন, অভিজ্ঞ, সহৃদয় মানুষ। এক উদাস কৌতুক ও রহস্যের ছোঁয়া লেগে রয়েছে যেন তার ভাবে-ভোলা মুখে। আমি তাকে দেখছি। কথা শুনে মনে হয়, আমাকে সে তার চেয়ে বেশী দেখছে।

সে তেমনি হেসে বলল, ‘বাবুজী, বোলি ছায়া সব-কি, চটনা মুশকিল, উতারনা সরল। মগর, হমু তো অন্ধা বাবুজী। জনম সে অন্ধা। হমকো চটনা সরল, উতারনা মুশকিল।’

বলে সে হাসল আবার ঘাড় কাত করে। এমন হাঁ-করা হাসি যে তার মুখগহ্বরের মধ্যে আলজিভটি পর্যন্ত নড়তে দেখা যায়।

কিন্তু অবাক হলাম তার উলটো কথা শুনে। চিরকাল তো শুনে আসছি উঠতে পারলে নামা যায়। উঠতে পারে ক'জনা, 'ওঠাই তো কঠিন হুদাদাস। নামতে পারে সবাই।'

সে বলল, 'হবে হয়তো বাবুজী, আপনার আঁখ বন্ধ করে দিই। ধরিয়ে দিই রাস্তা। আপনি চড়ে যেতে পারবেন। কিন্তু নামতে গিয়ে পা পিছলে পড়বেন। তাই নয়? একবার শোচিয়ে বাবু আঁখ বন্ধ করকে।'

বলে সে দুটি ঘণ্টা পাথরের মত চোখ নিয়ে তাকাল আমার দিকে। হাসি চিকচিক করছে তার ওই ঘণ্টা পাথরে।

কিন্তু চোখ বুজে তো নামিনি কখনো। ভাবব কেমন করে। আমি এক শহুরে বুদ্ধি-অভিমানী মানুষ নীরবে তাকিয়ে রইলাম তার দিকে। এ অন্ধ আমাকে বলছে ওঠা-নামার কথা।

সে আড়-মাতলার মত হাসল মাথা নেড়ে। ডাকল যেন কোন হুদর থেকে, 'বাবুজী।'

বললাম, 'বল।'

'ওইশা শোচনা বড়ি মুশকিল, ছায় না?' বলে ঘাড় নেড়ে গুন গুন করে উঠল, আঙুল দিয়ে ভাল ঠুকল নিজের লাঠিতে। কী বলল, গানের কথায় বুঝতে পারলাম না। তবে তার ঘাড় দোলানি দেখে বুঝলাম, নিজের বক্তব্যের অর্থ বোঝাচ্ছে সে কোন এক সজ্ঞানীকে হুঁশিয়ার করে দিয়ে। তারপর বলল, 'বাবুজী চটকে উঠা যো মিলি হাতমে, উতরানে কি বখত রাখো সামালকে। নাহি তো, ও গরু ঘায়েগী, টুরনা বেকার হোগী। কেঁও কি, তুম তো অন্ধা ছায় না?'

'অন্ধা, তুমকো রো'নে পড়েগা!'

মনে করলাম, এ বুদ্ধি শুধু অন্ধেরই বেদনা। দৃষ্টিসম্পন্ন মানুষ কেমন করে তা অনুভব করবে।

বললাম, 'তাই হবে হয়তো, হুদাদাস।'

সে বলল, 'সায়েদ নহে বাবুজী, সচ্চা। মহাপুরুষ লোক উজান চলে আপনা সাধনপথে। কাঁহে? পাপের দরিয়া বয়ে চলেন তিনি পুণ্যের উজানে। মগর বাবুজী, দরিয়া বয়ে কে নামে আপনা সাধনপথে? নীচের পথকে হরু আদমি ভরতা। পাপ গুর মরণের মায়া তো ছায় ওহি রাস্তার কিনারে কিনারে।

তবে ? হ'শিয়ার সে চড়ো, মগর উতারো জায়দা হ'শিয়ারসে । সহজ ভেবে
যদি সহজে নামো সজ্জনী, তবে তোমার পা পিছলে কোথায় চলে যাবে, হারিয়ে
যাবে কোথায় । গদী পড়বে তোমার সারা গায়ে, আর অন্ধ সংসার তখন হাসবে
ধিকার দেবে তোমাকে ।'

সহজ সমজ্জকে মৎ চলিহো সজ্জনী,

রাস্তা বহুৎ টেঁচা ছায় ॥

‘বাবুজী ক্যায়া হম গলত্ বতায়্য ।’

অন্ধকারের ঘূর্ণি জলরাশি যেন, আচমকা আলোর মাঝে নির্মলরূপে টলমল
করে উঠল । সত্যি, পদস্থলিত মাহুয ষখন নামে, মৃত্যু ওত পেতে থাকে তার
জন্তে । প্রাণের জিনিস মুঠোয় নিয়ে ষখন শিশু নাচে, তখন-ই তো কোন কঁাকে
সব হারিয়ে তার কান্না আসে । মাহুয উঠতে গিয়ে পড়ে না । নামতে গিয়ে
পড়ে । পড়বেই তো । নামবার পথে টান যে বেশী । আনন্দে অধীর পদযুগল
যে তখন শিথিল ছন্দে চলে নেচে নেচে ।

চোখ থাকতে বুঝলাম না । বুঝতে হল অন্ধের কাছ থেকে । তাকিয়ে
দেখি, তার সারা মুখ আলোময় । আলো তার অন্ধ চোখে, মুখে, তার পাথরের
মস্ত শব্দ চণ্ডা বুকটিতে উজ্জ্বল বর্মের মত ঝলকিত রোদ ! রূপ-অন্ধ চোখে
আমি তাকিয়ে রইলাম অন্ধ জীবনসন্ধানীর দিকে ।

সে বলল, ‘বাবুজী, গৌসা তো করলেন না আপনি ?’

গৌসা ? রাগ করব তার উপরে ? কেন ? বললাম, ‘রাগের কথা তো
তুমি কিছু বলোনি স্বরদাস ?’

সে হেসে বলল, ‘সচ বাবুজী ? আমি মূর্খ । আমার কথায় সবাই হাসে,
গৌসা করে । বাবুজী, ছুনিয়া অন্ধ, সবসে বড়া অন্ধা হাম্ । সেই জন্তেই তো
বারবার বলি, রাস্তা তো ঠিক ছায় । সোচ্ বুঝকর চলো সজ্জনী । রাস্তা তো
ঠিক ছায় ?’

বুঝলাম, অন্ধ ষা-ই বলুক, যে রাস্তার জন্ত তার অত জিজ্ঞাসাবাদ, তা
নিশ্চয়ই ভগবানের দোরগোড়ায় গিয়ে পৌঁছেছে । জিজ্ঞেস করলাম, ‘রাস্তাটা
কিসের স্বরদাস ? ভগবানের ?’

স্বরদাস বিনয়ে হাতজোড় করে যেন ক্ষমা-চাওয়ার ভঙ্গিতে দাঁড়াল ছুয়ে ।
বলল, ‘বাবুজী, ভগবান কে, তা তো আমি জানি নে । ছুনিয়া অন্ধকার ।
আমি আলো খুঁজে ফিরছি । বাবুজী, আপনি কী খুঁজছেন, সে তো আপনি
জানেন । আর রাস্তা ? হাজারো রাস্তা পড়ে আছে । কোন্ রাস্তা ধরবেন,

সে তো জানে আপনার মন। যব্ মন ঠিক হায় ঠিক হায় রাস্তা।’

বলে হেসে উঠল। তারপর হঠাৎ বলল, ‘বাবুজী, লকরী কা দুকান হায় না এই?’

দেখলাম, সত্যি, একটি জালানী কাঠের স্তূপ রয়েছে অদূরে উত্তরে। স্তূপের উপর দুটি কিশোর-কিশোরী দিব্যি গা এলিয়ে দিয়ে রয়েছে পড়ে। বোধহয় রোদ-পোহানো হচ্ছে। বললাম, ‘আছে। কি করে বুঝলে?’

‘হাওয়াসে লকরীকে বাস আতি হায়। হম্‌কো খোড়া নিশানা দিজীয়ে বাবুজী, হম হয়া হি বৈঠেঙ্গে।’

বললাম, ‘কেন? তুমি ওপরে উঠবে না?’

সে বলল, ‘নহি।’

হাত ধরে তাকে কাঠের স্তূপের দিকে মুখ ঘুরিয়ে দিলাম। দিয়ে বললাম, ‘তুমি কেন এসেছ স্বরদাস এই ভিড়ের মেলায়? তোমার তো কষ্ট হবে।’

চলতে গিয়ে দাঁড়াল সে। বলল, ‘বাবুজী, ঘর ভি অন্ধার, বহার ভি অন্ধার। তখলিফ হব্‌ জায়গা’পর। তব্‌ আনন্দ কাঁহা হায়।’

বলে সে লাঠি ঠুঁকে এগিয়ে গেল। এতক্ষণ ভাবি নি। এখন তার প্রতিটি পদক্ষেপ লক্ষ্য করলাম মতর্ক দৃষ্টিতে। যদি হৌচট খায়। কিন্তু সে ঠুক ঠুক করে গিয়ে বসল ঠিক কাঠের গাদার নীচে উষ্ণ বালুতে। বসে ফিরল আবার এদিকে। মুখে সেই হাসি। যেন আমার দিকে ফিরে তাকাল বিদায়ের হাসি নিয়ে।

ঘরে ও বাইরে ঘর অন্ধকার, সর্বত্র ঘর নিরানন্দ, তার আনন্দ কোথায়? সে কি শুধু এই পথের পরে পথে, পথচলার মধ্যে? টিলাতে ওঠবার সিঁড়িতে পা দিয়ে থামলাম। তাই তো, একটি পয়সাও দিলাম না স্বরদাসকে। কিন্তু সেও তো চায় নি। ফিরে দেখি, সে ওই কিশোর-কিশোরীর সঙ্গে হাসি ও গল্পে মেতে উঠেছে। আর আশ্চর্য! কিশোর-কিশোরী দুটি দিব্যি তার দুপাশে এসে বসেছে। হাত তুলে দিয়েছে স্বরদাসের ঘাড়ের উপর। আর স্বরদাস যেন সদা হাস্যময় একটি আনন্দের প্রতিমূর্তি। শিশুদের সঙ্গে খেলায় মাতা, ওই কি তার আলো খোঁজা?

সিঁড়ি বেয়ে উঠে গেলাম উপরে। উপরে উঠে সামনে পেলাম একটি পরিষ্কার চত্বর। বাঁয়ে কয়েকটি ছোটখাটো খুপরি। মন্দিরের গম্বুজের মত সাজানো রয়েছে সেই খুপরির মাথা। ভিতরে সিঁদুরলেপা ছোট ছোট পাথরের হুড়ি। শুধু হুড়ি নয়। ছোটখাটো পাথরের মূর্তিও আছে। কাকুর হাত ভাঙা,

পা ভাঙা। মুখ ভেঙে গেছে অনেকের। বুঝলাম, বছরের পর বছর এসব খুপরির পাথরের দেবতার খাকেন নিরানায় ঘুমন্ত, উপবাসী। মরসুম এসেছে, তাই ধোয়া পৌঁছা হয়েছে। প্রতি খুপরির পাশে বসেছে পাণ্ডুরূপী শিখাধারী ব্রাহ্মণ। পরিচয় পাড়ছে দেবতার। দান-ধর্মের উপরোধ চলেছে রীতিমত গলা ছেড়ে। আর তীর্থযাত্রীর পয়সা খুন খুন বেজে উঠছে খুপরি-ঘরে।

বালুচর থেকে উঠে এলাম এক ছায়াচ্ছন্ন গ্রামে। গ্রাম-ই তো। বুসি গ্রাম। প্রতিষ্ঠানপুর। প্রাচীন বংস দেশ। কিন্তু এখানে কোথায় সমুদ্র-গুপ্তের কূপ?

বাঁদিকে পাঁচিল-ঘেরা বাড়ি। হঠাৎ দেখলে মনে হয়, গৃহস্থের বাসভূমি। ডাইনে গভীর খাদ। খাদের ভিতরে ঘন জঙ্গলে বাসা বেঁধেছে অন্ধকার। নীচে থেকে সোজা উঠে এসেছে একটি নাম-না-জানা গাছের সবুজ শির। হাত দিয়ে তার পাতা ধরা যায়। এ শীত রুক্ষ ঋতুতে এত দাক্ষিণ্যে কে ভরে দিল সারাটি গাছ! এই কি কূপ?

উকি দিলাম। খাদের মধ্যে মানুষের ছায়া। গুপ্তন ও কলকাকলী। কী ব্যাপার? লক্ষ্য করে দেখলাম, খাদের গায়ে একটি সরু রাস্তা। সেই রাস্তা ধরে পিল পিল করে চলেছে মানুষের শ্রোত। শ্রোত গিয়ে ঢুকেছে একটি অন্ধ সড়ঙ্গে। তাহলে ওই কি কূপ? কিন্তু যাওয়ার পথ কোথায়?

মুখ তুলে তাকালাম খাদের ওপরে, দক্ষিণ দিকে। ওপারেও একটি বাড়ি। পুরনো বাড়ি, গায়ে তার মেরামতের তালি। সেদিকেও চলেছে জনশ্রোত। সামনে তাকিয়ে দেখি, উঁচু টিলার মাটি গিয়ে ঠেকেছে পুর্বের আকাশে। ওই দিক দিয়েই ঘুরে চলেছে সবাই দক্ষিণ দিকে। পাঁচিলের পাশ ঘেঁষে ভেসে গেলাম পথের শ্রোতে। এমনি করেই পথ। একজন চলে গিয়েছে কবে। তারই পায়ের দাগে দাগে আর-এক জন, তারপর শত শত লক্ষ লক্ষ। পথের পরে পথে, নতুন থেকে নতুনের সন্ধানে। জানি, যাক্জি নে কোন্ নতুনের সন্ধানে। পথও নতুন নয়। কিন্তু পুরনো পথে আমি তো নতুন। আমার যে সবই নতুন।

পথের ধারে ধারে, দলে দলে সাধু। অপলক চক্ষু আর গম্ভীর মুখ। নজরটি তীর্থযাত্রীদের মুখের দিকে। কোথাও কাঠের আশুন আর গঞ্জিকা-সেবন চলেছে। তীর্থযাত্রী ও যাত্রিনীরা কেউ কাছে বসছে আবার বসছেও না।

হঠাৎ দাঁড়াতে হল। ভয়ঙ্কর ভিড়। সামনে সেই পুরনো ভাঙা বাড়ি। একটা নয়। কয়েকটি ঘর। ইতস্তত বিক্ষিপ্তভাবে রয়েছে ছড়িয়ে। সবই

ভাঙা, পুরনো, নোনা-ধরা। চোখে ভেসে উঠল, ঘোষপাড়ার দোলমেলার ছবি। কাঁচরাপাড়ার ঘোষপাড়া। তবে তকাত আছে অনেকখানি। সেখানে চলে খোল-করতালের সঙ্গে কীর্তন ও নামগান। মেয়ের দল গায়। পুরুষের দল গায়। আবার ওরই মধ্যে, কোথাও ভাঙা হারমোনিয়ামের ভাঙা স্বর। তার চেয়েও ভাঙা হাঁফ-ধরা রুগ্ন মেয়ের সরু গলায়, ‘পীরিতের রীতি না বুঝিলেন গো সখী’ গান। চোখের কাজলের চেয়ে কালো তার চোখের কোল। হারমোনিয়ামের সাদা রীডের চেয়েও সাদা তার শীর্ণ আঙুলের নখ। বাংলার দূর জেলার গ্রাম্য বাবুয়া দাঁড়িয়ে বসে বাহবা দেন! পকেট থেকে গুনে গুনে পয়সা তুলে দেন তাঁরা। হাল আমলের কথাই বলছি।

সেখানেও এমনি পুরানো বাড়ি রয়েছে কয়েকটি। ভাঙা বাড়ি। কোনটিতে সতীমায়ের স্মৃতি। কোনটিতে বাবার।

কিন্তু এখানে গান নেই। হারমোনিয়ামের শব্দ নেই। নেই ভাঙা বন্দরের বারবনিতার আসর। পুর্ণিমার রাত্রে ঘটা করে ফাগু মাখানো, খাওয়ানো আর ভয়াবহ উৎসবের মাতামাতি। এখানে ব্যস্ততা, ব্যগ্রতা, ব্যাকুলতা। যানে দো বাবুয়া। যেতে দাও, দেখতে দাও, দর্শন করতে দাও। আর সমতল থেকে অনেক উচুতে, বারাপাতা আর পুরনো ইঁট ছড়ানো, ছায়া-ভরা ও তীর্থস্থান বিষয় ও উদাসীন। একই সঙ্গে উদার বোম্ বোম্ শব্দ ও বহু কণ্ঠের আরাধনা আহ্বান ও হাসি। এ ঘেন অনেক বিশাল। আলোর ছড়াছড়ি চারিদিকে। আকাশ ঘেন হাতের কাছাকাছি। আর বিচিত্র থেকে বিচিত্রতর বেশ নয়নারী, তার ভাষা, তার রূপ।

বুঝলাম, কোন দেবতা অধিষ্ঠিত আছেন এখানে। তাই ঠেলাঠেলি ও ভিড়। ভাবছিলাম, ভিড় ঠেলে ঢুকব কি-না। কে ঘেন জাপটে ধরল পেছন থেকে। মুখ ফিরিয়ে দেখলাম শুধু একখানি বহুরঙে রঙিন ছাপা উড়নি। অবাক হয়ে মানুষকে দেখবার জন্ম কষ্ট করে ফিরতে হল। ক্লান্ত কম্পিত একজন মাড়োয়ারী বুঝা। পোশাক দেখে আমার মনে হল তাই। বেচারীর ঘাড়ের উপর মাথাটি পর্বস্ত ঠকঠক করে কাঁপছে। স্তিমিত দৃষ্টি উদ্ভ্রান্ত। শনলুড়ি সাদা চুলে সোনার টিকুলি। গলায় ভরি দশেকের একটি সোনার হার নয়, শিকল বিশেষ। চোপসানো গাল, দাঁতহীন মাড়ির ফাঁক দিয়ে বেরিয়ে পড়েছে জিভ। সর্বান্তে আবিরের মত ধুলো ছড়ানো।

আমি যে মানুষ, সেটা বোধহয় খেয়াল-ই নেই। ঘেন পাথরের মাঝে একখানি খুঁটি ধরে বুড়ি টাল সামলাচ্ছে, বিশ্রাম করছে। সরতে গেলে পড়ে

যাবে। কিন্তু আর-কিছু না হোক, বুঝা যা ভারী, তাতে আমাকেই টাল সামলাতে ব্যস্ত হতে হচ্ছে। কিন্তু বলব কাকে? যাকে বলব, সে তো ফিরেও দেখছে না। ছ-হাতে জাপটে রয়েছে ধরে। আর আশ্চর্য! এমন একটা ব্যাপারের প্রতি এ ভিড়ের জ্ঞাপও নেই।

কয়েক মিনিট পর বুঝা হঠাৎ মুখ তুলল। তার মাথাটি দ্বিগুণ জোরে নড়ল ঠকঠক করে। চোখ দুটি গেল বৃজে, মুখটি হাঁ হয়ে বেরিয়ে পড়ল দাঁত হীন মাড়ি। এর নাম হাসি। সত্যি, যেন এক অনির্বচনীয় সুখা ঝরে পড়ল সারাটি মুখে। তারপর ছ-হাত দিয়ে আমার মুখে মাথায় বুলিয়ে দিল হাত। দিয়ে আবার হাঁপাতে হাঁপাতে হারিয়ে গেল ভিড়ের মধ্যে।

বুঝলাম আমার কাজ ফুরিয়েছে। ভিড়ের মধ্যে না গিয়ে, পূর্বদিকে এগিয়ে গেলাম। দক্ষিণদিকে ভাঙা পাঁচিলের বেটনৈ, পূর্ব ও উত্তরে পাতা-ঝরা গাছের ফাঁকে ফাঁকে আকাশ দিচ্ছে উঁকি। কিন্তু ওসব দিকে মাল্লুষের বড় আনাগোনা দেখছিলাম। সকলের ঠেলাঠেলি, মাথা কোটাকুটি মন্দিরের দরজায়।

দক্ষিণের ভাঙা পাঁচিলের উপরে উঁকি মেরে নীচে দেখলাম মাল্লুষের স্রোত। কিন্তু এমনভাবে নেমে গিয়েছে টিলায় ঢালু জমি, এত তার চার পাশে ছোটখাটো হুড়ঙ্গ, যেন ভেরী বেজে উঠল এখুনি তীরধনুক হাতে বেরিয়ে পড়বে শত শত সৈনিক। পূর্বদিকে গেলাম। গাছের ফাঁকে ফাঁকে দূর সমতলে অড়হরের ক্ষেত দেখা যাচ্ছে। উত্তর দিকের সমতলে এদেশীয় গ্রাম। আমাদের বাংলা চোখে কেমন যেন শ্রীহীন ঠেকে এই গ্রামগুলি। গ্রাম নয়, যেন বস্তি। খোলা-ছাওয়া চালাঘর। কোথাও বেড়া ও পাতার ছাউনি নেই। একটি হিন্দী প্রবাদ আছে,

ছাজা বাজা কেশ।

তিনো মিলকে বাংলা দেশ।

চিনি.....দহি।

বাংলামে নহি ॥

কতখানি সত্য জানি নে। তবে, ঘরছাওয়া ও বাংলাদেশের ঢাকের বাজনা, এর সঙ্গে পাল্লা চলে না। আর এদেশের তুলনায়, বাঙালীনারী কেশ রচনা সেকথা বলতে হয় না রূপদর্শকে। সেই কবরী-বন্ধন-বাঁধা বাঙালীর মন ও হৃদয়-গাছের ফাঁকে ফাঁকে, ওই সমতলের গ্রামেও দেখছি ভিড়।

গ্রাম দেখতে দেখতে চমকে উঠলাম। সামনেই একটি থোকা থোকা ফুলে-

ভরা সজনে গাছ। নিজের দেশের গায়ের পথে এর ছড়াছড়ি। কিন্তু এখানে সজনে-সুন্দরীর এ বিচিত্র অঙ্গসজ্জা দেখে ভরে উঠল চোখ। ভেতরে আমার খুশি-বিশাদের ছায়া। মনে হল কত যুগযুগান্ত না জানি আছি দেশ ছেড়ে। সেই বিরহ আমার ঘোচাল এবং বাড়াল এই ফুল সজনে।

সাদা সাদা ফুল। বোঁটায় তার কাঞ্চনবর্ণের ছোঁয়া। সোনালী-রূপোর অজস্র ঐশ্বৰ্যে যুবতী সজনে হাসিতে খুশিতে তুলেছে মাথা। তারি মধ্যে নবীনার লাজে ভয়ে সর্বাঙ্গ তার কিছুটা বা নম্র। হালকা গন্ধে ভরে উঠেছে তার চারপাশ।

চমক ছিল আরও। সজনের নরম ডাল কেঁপে উঠছে থরো থরো করে। ফুল পড়ছে তলায়। উপুড় হয়ে ফুল কুড়োচ্ছে এক রক্তাশ্রী। কুড়োচ্ছে আর ভরছে কোঁচড়ে। ব্যাকুল হাতে কুড়োচ্ছে যেন পড়ে যাওয়া অমূল্য ধন।

দেখতে দেখতে দেখলাম। চোখ ফেরাই-ফেরাই করেও দেখতে হল। রক্তাশ্রীর ঘে বাঁয়ে আঁচল। আঁচল বেঁধেছে কোমরে। যাকে বলে গাছ-কোমর। বাড়ালিনী? এ যে বাংলা-গায়ের পাড়ায় এসে পড়েছি।

মুখ তুলল রক্তাশ্রী। সর্বনাশ। এ যে সত্যি করালরূপিণী রক্তাশ্রী। কালো মেয়ে। মেয়ে নয়, কালো বউ। না বউ নয়, আর-কিছু। মাথায় তার ঘোমটা নেই। এলানো রুম্ম চুলের রাশি ছড়িয়ে পড়েছে কোমরের নীচে। কাঁধ-হাতা দৃষ্টিকটু লালজামা। নিরলঙ্কার দেহ। গলায় মালা রুদ্রাক্ষের। অস্পষ্ট সিঁথি লেপা সিঁদুরে। বাংলা সিঁদুরে। খাটো আঁটো শক্ত দেহ। বয়স অনুমান করা কঠিন। কিন্তু চোখ দুটি প্রকৃত রক্তাশ্রীই বটে। জন্মের সময় কেউ বুঝি ফালা ফালা করে কেটে দিয়েছিল ওই চোখের ফাঁদ। নইলে অত বড় চোখ হয় কখনো? এ যে পটে-আঁকা কালীর আকর্ষনীয় চোখ।

ঘাড় ফিরিয়ে ওই বিশাল নিম্পলক চোখে তাকাল সে আমার দিকে। অসঙ্কোচ দৃষ্টিতে তার কোতুল ও বিস্ময়। নাকি ক্রোধ ও সন্দেহ, বুঝতে পারলাম না।

ওদিকে কোলাহলের গুঞ্জন। আর এখানে, এই বরাপাতা-ছাওয়া, টিলার বনভূমি হঠাৎ যেন আড়ষ্ট স্তম্ভিত হয়ে রইল গোথের চাউনিতে! চকিতে মুহূর্তে চারদিক নিঃশব্দ, স্তব্ধ হয়ে গেল।

এ কোন বনবিহারিণী কপালকুণ্ডলা পড়ল আমার চোখের সামনে! ঠোঁটে নেই তার বিচিত্র হাসি, জ্র-লতায় নেই ত্রস্ত আহ্বান। কিন্তু এখুনি কি টিলাভূমির এ নিঃশব্দ বনাঞ্চলটুকু আচমকা বিস্ময়ে শিউরে উঠবে এ যুগের

কপালকুণ্ডলার কথায়, ‘পথিক, তুমি কি পথ হারাইয়াছ?’

কিন্তু ঘুমন্ত বনানীর স্বপ্নভঙ্গের মত শোনা গেল না সেই বিচিত্র কণ্ঠস্বর। উত্তরপ্রদেশের টিলাভূমি উঠল না শিউরে কুজুমেলার এই কপালকুণ্ডলার নতুন উপাখ্যানে, তার আগেই কাপালিকের প্রবেশ।

‘নমস্তে বাবুজী, নমকস্ত হই। কাহাসে আসতা হায়?’

আসতা হায়? ঘোর বাঙালী। পেছন ফিরে দেখি, রক্তাধরী। কালো মুখে আপ্যায়নের বিকট হাসি! লাল ধূতি, লাল চাদর। খোঁচা খোঁচা গৌফ-দাড়ি ও লাল চক্ষু। তাও আধবোজা, কিন্তু উজ্জল। মাথায় পাংগলের মত জট-পাকানো চুল। ওজন বোধহয় মণখানেক। গলায় রুদ্রাক্ষের বোঝা।

বলতে গেলাম, ‘তুমি?’ মুখ দিয়ে বেরিয়ে পড়ল, ‘আপনি?’

আধবোজা লাল চোখ বিস্ফারিত করে বলল সে, ‘আজ্ঞে, আপনি বাঙালী? মানে, দেশের মানুষ?’

তা বটে। আমি যে এ যুগের প্যাণ্ট-অলেস্টার-শোভিত আধুনিক নবকুমার। কাপালিকদের নিশ্চয় ওতে বিলক্ষণ ভয় আছে। আমার জবাব শোনবার আগেই সে জবাব দিল। জোড় হাতে, নত হয়ে বিনয়ে গলে পড়ল, ‘আজ্ঞে আমার নাম অভুতানন্দ ভৈরব। লোকে বলে ভুতানন্দ, নয়তো আজ্ঞে, ভূত-বাধা। আমি কালী সাধক ভৈরব। নিবাস ছিল যশোরে। পাকিস্তান হয়ে গেল, ধর্ম রক্ষে হয় কি না-হয়, সেই ভয়ে আজ্ঞে এখন চব্বিশ পরগণায় বারাসতে আশ্রম করেছি। উনি, আজ্ঞে ওই মেয়েমানুষটি, আমার ভৈরবী। বড় আশা ছিল মনে প্রয়াগে তীর্থদর্শন সাধন-ভজন করব। দিলাম আজ্ঞে পাড়ি জয় মা কালী বলে। সে যাক। আজ্ঞে আপনার নিবাস?’

যাক কথা তাহলে থামল ভুতানন্দ ভৈরবের। কথা তো নয়, যেন ‘আজ্ঞে’ সোধোনের মালা গাঁথা। কালীসাধক, কিন্তু কথায় দেখছি হার মানে বৈষ্ণব। বোধহয় যশোহরের হরিবংশের রক্ত আছে দেহে।

ওদিকে ভৈরবী নির্বিকার। সে ব্যস্ত ফুল কুড়োতে। বোধহয় নবকুমার থেকে আশ্রম হয়েছে ভৈরবের দর্শনে! জবাব দিতে গেলাম। তার আগেই ভুতানন্দ বলে উঠল, ‘নিশ্চয়ই, আজ্ঞে, কলকাতায় আপনার বাড়ি?’

বললাম, ‘কাছাকাছি!’

হাত জোড় করেই বলল, ‘তবে আসেন আজ্ঞে, আমার আশ্রমে একটু থুলা দে যান।’ তবে মানে কলকাতার কাছাকাছি বলে? তাছাড়া এখানে আবার আশ্রম কোথায়? তার উপরে ভুতানন্দের আশ্রম। ভয় অবশ্য নেই।

শত হলেও আধুনিক কাপালিক তো বটে। বলি দিতে পারবে না।

গেলাম তাদের সঙ্গে। অদূরে গাছের মাঝখানে হোগলা দিয়ে ঘেরা ঘর। সামনেটি খাঁটপাটি দেওয়া পরিষ্কার-পরিচ্ছন্ন। চারপাশে শুকনো পাতার ডাঁই। ভূতানন্দ ভৈরবের আশ্রম। হোগলার মাথায় আবার একটি লাল কাপড়ের ফালি নিশান। চালার ভিতরে একটি টিনের রঙ-ওঠা স্ট্রাকেশ, অ্যালুমিনিয়ামের খালা দু-একটি। কঞ্চল-বিছানো বিচালি শয্যা।

ভূতানন্দ তাড়াতাড়ি কঞ্চলের ছেঁড়া টুকরো দিল পেতে। বলল, ‘বসেন আজ্ঞে, মন খুলে একটু ধর্মের কথা কই। রাতে আজ্ঞে ভল্লুকের ভয় করে, দিনের বেলা কেউ মাড়ায় না এদিকে। আর বাঙালী আসে কি না তাও জানি নে। যত পাঞ্জাবী আর মাড়োয়ারী, কি বলব আজ্ঞে আপনাকে, যথার্থ জোয়ান জোয়ান মেয়েমাছুষ, মহা মহা সব স্তন্দরীও বটে, আমার আশ্রমের চারপাশে সব, কী বলব, একেবারে দিনমানে, কী বলে, একেবারে ইয়ে করতে বসে। আমি সেরকম মাছুষ নই আজ্ঞে, তাই। নইলে পরে আজ্ঞে, খাঁকাড়ি দিলেও শোনে না; অথচ, আমার এখানে না হলে সাধনা চলে না। যাক, আপনি যখন এসেছেন—’

কথা তার থামল। বুঝলাম, তখন আজ্ঞে, ‘আহুন একটু ধর্মালোচনা করা যাক। কিন্তু আমার মুখে যে ধর্মের বুলি ফুটেবে না।

এদিকে ভৈরবী একটি অ্যালুমিনিয়ামের বাটি নিয়ে পা ছড়িয়ে বসল অদূরে। কোঁচড় থেকে ঢালল সজনেফুলের গোছা। তারপর বিশাল চোখ দিয়ে আগে দেখল আমাকে, তারপর তার ভৈরবকে। মনে হল একটু যেন ফুলে উঠল নাকের পাটা, ওই চোখেও বা একটু অগ্নিবলক।

ভৈরবীর চোখে মুখে, গায়ে পায়ে, বসায় নড়ায় একটা আসন্ন দুর্ঘোণের ইঙ্গিত ফুটে উঠেছে যেন। ভৈরবী যখন, তখন চোখে কিঞ্চিৎ অগ্নিবলক থাকাই হয়তো স্বাভাবিক। পাকানো পাকানো ভাবটিও অস্বাভাবিক নয় হয়তো। কিন্তু ভাব-ভঙ্গিটা মোটেই স্ববিধের মনে হচ্ছে না।

কিন্তু ভূতানন্দের সেদিকে খেয়াল নেই। সে দিব্যি জমিয়ে বসে বলল, ‘আচ্ছা দাদাবাবু—’

দাদাবাবু? ভূতাবাবু দেখছি আত্মীয়তাতেও দূরন্ত। বুঝলাম, ধর্মালোচনার কুমিকা বিস্তার করা হচ্ছে। কিন্তু ভূতানন্দের গোল রক্ত চোখের ভাবটি যেন, আটঘাট বেঁধে পাতা হচ্ছে কোন বিশেষ ফাঁদ। একবার ধরতে পারলে আর রেহাই নেই। হঠাৎ চোখ বুজে জু ছুটি কপালে তুলে বলল, ‘বলেন তো,

জগৎটি কার ?’

সর্বনাশ। এমন বিরাট প্রশ্ন! বুসি-টিলার এ নির্জন স্থানে এতবড় দার্শনিক প্রশ্নও অপেক্ষা করে ছিল আমার জন্ম তা জানতাম না। আর প্রশ্নের পরেই ভূতানন্দের চাপা চাপা হাসি, মুহু মুহু ঘাড়দোলানি। অর্থাৎ, সহজ কথা নয়। জবাব দিয়ে তবে উঠুন।

জবাব শুনে ভূতবাবা খুশী হবে কি-না জানি নে। তবু বললাম, ‘দেখে শুনে তো মনে হয়, জগৎটা মাল্লষেরই।’

ভূতানন্দ খুশী হয়েছে বোঝা গেল। চকিতের জন্ম চোখ দুটি খুলে, আবার বুজিয়ে বলল, ‘বেশ বেশ, অর্ধেকখানি বলেছেন। কিন্তু কোন্ মাল্লষের ?’

কোন্ মাল্লষের ? কোন্ মাল্লষের আবার। আমাদের মত মাল্লষেরই। বললাম, ‘বুঝলাম না তো’।

সে চোখ বুজেই বলল, ‘বুঝলেন না ?’ চোখ খুলে বলল, ‘পুরুষ মাল্লষের না মেয়েমাল্লষের আঞ্জে ?’

মাল্লষের এ ভাগাভাগি রীতিতে তো কখনো বিচার করে দেখি নি। কিন্তু ভূতানন্দ যে রকম চোখ পাকিয়ে তাকিয়ে আছে, বোঝা গেল ওইটাই তার আসল প্রশ্ন। যদি বলি, উভয়েরই, তা হলে সঠিক জবাব হয়। কিন্তু তার মনঃপুত হবে কি ? ‘তার চেয়ে ভূতানন্দের জবাবটাই শোনা যাক। বললাম, ‘তা তো ঠিক জানিনে।’

ভূতানন্দের হাসি ও দ্রুত ঘাড় দোলানিতে বোঝা গেল, আমার এ অজ্ঞতাই সে আশা করেছিল। তারপর এক খাবলা মাটি তুলে বলল, ‘এর নাম কি আঞ্জে ?’

শঙ্কিত হলাম। ভূতানন্দ কোন ভৌতিক ভেলকি দেখাবে না তো ? বললাম, ‘মাটি।’

‘আঞ্জে ঠিক। মা-টি। অর্থাৎ ?’

বলেই চকিতে ভৈরবীর দিকে ফিরে বলল, ‘কানটা এদিকে খাড়া রাখিস গো চণ্ডিকে।’

চণ্ডিকে অর্থাৎ ভৈরবী, বোঝা গেল। কান খাড়া করতে হবে কেন, বুঝলাম না। কিন্তু ফিরে দেখি, অত্ন রকম। ভৈরবীর বিশাল চোখজোড়া দপদপিয়ে উঠল বারকয়েক। টোঁটের কোণে বাঁকা ঝিলিকে তার কপট হাসি না হ্রস্ব রাগ, বোঝা মুশকিল। তারপর কান খাড়া করল কি-না বুঝলাম না। পা থেকে মাথা পর্যন্ত, সারা দেহে তার একটা বিদ্রুৎ তরঙ্গ খেলে গেল। দেখা

গেল, সেই তরঙ্গের ধাক্কায় সে অন্ধ দিকে ফিরে বসেছে। কে জানে, ওইটাই কান খাড়া করার ভঙ্গি হয়তো!

ভূতানন্দ ফিরে দেখল না সেদিকে। সে জ্ঞানটিয়ে বলে চলল, ‘এই মাটি আঁজে, আমার মা তা হইলে? আমার মা-টি! অর্থাৎ কি-না, মা ধরিত্রী। তা হইলে, জগৎমণি হইলেন মেঘমাছুষ। কেমন কি-না দাঁদাবাবু?’

ধরিত্রীকে যখন মা বলেছি, তখন ভূতানন্দের ভাষায় মেঘমাছুষ বলতে আপত্তি কি। বললাম, ‘তাই হবে।’

একমণী মাথাটিকে বঁা করে আর-এক পাক ঘুরিয়ে একেবারে নিশ্চল হল ভূতানন্দ। বলল, ‘তা হইলে মায়েরও মা আছেন, কেমন কি-না আঁজে?’

বাড় নেড়ে সাই দিতে হল। মা থাকলে, তাঁর মা থাকবেন, এতে আর সম্ভেদ কি।

ভূতানন্দ বিস্ফারিত চোখে, ভয়ঙ্কর হেসে বলল, ‘তবে সেই মা কে?’

তা তো জানি নে। আমার এ অজ্ঞতা দেখে ভূতানন্দ খুশী বই চুঃখিত নয়! গলা নামিয়ে গম্ভীর স্বরে বলল সে, ‘হঁ হঁ’, তোমার নাম জগৎমাতা জগন্তারিণী, শক্তিরূপিণী মা কালী। উনিই আঁজে জন্মো দিলেন, দিয়ে আবার খেলতে লাগলেন। এর নাম মায়ের লীলে।’

বলতে বলতে আরও খানিকটা অগ্রসর হয়ে, গলা আরও নামিয়ে ফিস-ফিসিয়ে বলল, ‘কিন্তু একটা কথা হলপ করে কইতে পারি, প্রয়োজে আঁজে মা কালী নাই।’

চমৎকৃত হলাম। এতবড় গুহ্য সংবাদ তো আমার জানা ছিল না। বললাম ‘তাই নাকি?’

‘তবে আর আপনারে কী বলতেছি আঁজে? সারা মেলাটা টহল দিয়া আসেন, একটা মুখে যদি, হুস্ হুস্...’

কথার মাঝেই ভূতানন্দ হাততালি দিয়ে উঠল। দেখলাম সামনের গাছটিতে দুটি কাক এসে ডাকছে কা কা করে। তাড়া খেয়ে কাক দুটো পালাল। ভূতানন্দ বিরক্ত হয়ে বলল, ‘মা নাই, মায়ের চালারা সব ঠিক আছে। ওই যে দেখলেন, গায়ের রঙ কালো। ওই কালো কাউয়া আর কুকিল, সব মায়ের চালা। কিন্তু ডাকের ভেদ দেখছেন তো? আচ্ছা, একটু বয়েন, চালা যখন আসছে, শান্তিতে বসতে দিবে না। এটু জমিয়ে বসা যাক।’

বলে সে তড়াক করে উঠে, দিবা তরতর করে সামনের গাছটার উঠতে লাগল। অবাক হয়ে তাকিয়ে দেখি, গাছটি প্রাচীন ও মস্ত বড় নিমগাছ।

আশ্চর্য! কাক তাড়াতে ভূতানন্দ একেবারে গাছে উঠে বসল। এ যে পাঁচুগোপাল থেকে আর-এক কাঠি উপরে।

ভৈরবীও দেখলাম, ওইদিকেই তাকিয়ে আছে। থাকতে থাকতেই তার মরু ও তীর চাপা গলায় ঝঙ্কার শোনা গেল, ‘মরণ। মুখে আগুন।’

এই তার প্রথম কথা। জানি নে, উত্তরপ্রদেশের এ টিলাভূমি তার হাজার হাজার বছরের জীবনে এমন কড়া পাকের বিচিত্র বাংলা কথা কটি আর কোনদিন শুনেছে কি-না। কিন্তু ওই শব্দেই যেন চমকে উঠল নির্জন টিলাভূমি। মড়মড়িয়ে উঠল শুকনো পাতা। আর আমার কানের মধ্যে দিয়ে এক নতুন স্বর গিয়ে পশল মরমে। একথার স্বাদ মিষ্টি নয়, ঝাল। কিন্তু বড় মিষ্টি ঝাল।

একটু ভয়ে ভয়েই জিজ্ঞেস করলাম, ‘কী ব্যাপার?’

প্রশ্ন শুনে, ভৈরবীর রাগান্বিত কালো মুখে যেন হঠাৎ হাসির ঝিকমিকি দেখা দিল। যাকে বলে রাগের হাসি। বলল, ‘বিষ।’

বিষ! আমার অবাক মুখ দেখে ভৈরবীর হাসি একটু দুর্জয় হল। বলল, ‘আপনেনগো ভৈরব কয় মা কালীর চন্ডামিরতো। মুণ্ডু! ওইতে ওনার নিশার মরণ হয়।’

নিশা অর্থ নেশা। কিন্তু নিমগাছের রসে। জানা ছিল না। আর জানতাম না সেজ্ঞা কেউ আবার এমন আয়োজনও করতে পারে। ফিরে দেখি, এক হাতে ডাল ধরে, আর-এক হাতে একটি সের-পরিমাণ টিনের কোটা নামিয়ে আনছে ভূতানন্দ। যেখান থেকে টিনটি খুলেছে, সেখানে তেলের গাদের মত রসের ধারা নেমে এসেছে কালো নিমডালের গা বেয়ে।

ভৈরবী আবার আমার দিকে ফিরে বলল, ‘বোঝলেন গো দাদাবাবু? ওই যে কইল না, এখানে ছাড়া ওনার সাধনা হয় না, তা এই মরণ-রসের জন্তে। এ ছেড়ে যাবে কমনে?’

কথা কটি নীচু গলায় বলল ভৈরবী। বলে হাসতে গিয়ে একটা বিবাদের ব্যঙ্গনা ছড়িয়ে পড়ল তার সারা মুখে। হাসল। কিন্তু হাসিটি করুণ হয়ে উঠল হঠাৎ।

ভূতানন্দ খুশী মোরগের মত তড়িবিড়ি এসে বসল টিন নিয়ে। বলল, ‘কই গো চণ্ডিকে, এটু ত্নাকড়াখানি দেও। ছেকে নিই।’

আমার দিকে ফিরে বলল, ‘সবই আমার মায়ের লীলে আজ্ঞে। মা নেই কিন্তু মায়ের প্রেত্যক্ষ কিরপা আছেন সবখানে। নইলে বলেন আজ্ঞে দাদাবাবু, মায়ের এমন পাদোদকের ভাঙটি কে আমার জন্তে এখানে রেখে দিল।

কী বলল আঁজে, যথার্থ ভালো বস্তু, অমর্ততুল্য। আপনারা আঁজে লেখাপড়া জানা ভদ্রলোকের ছেলে, নইলে, বাটাঘাটি ছোঁয়াছুঁয়ি বাঁচিয়ে এমন পবিত্র বস্তু, কী বলব।

তার ‘কী’ বলবার মানে বোধহয়, আঁজে দাদাবাবু আপনিও একবার চোখে দেখতে পারেন। বুঝলাম, কিন্তু নিমের রস নিশ্চয়ই ভয়ঙ্কর কটু স্বাদ হবে। খাবে কী করে? জিজ্ঞেস করলাম, ‘খাবে কী করে? তেতো হবে না?’

ভূতানন্দের মুখে বোধহয় রসের ধারা বইতে আরম্ভ করেছে। তাড়াতাড়ি কোল টেনে বলল, ‘তিতা? আঁজে, কথাই তো আছে, আগে তিতা পাছে মিঠা। ভোজনে বসে আগে নিমপাতা ভাজা খান না? আগে তো তিতাই লাগবে? স্বপ্নের আগে আঁজে দুঃখ! নইলে স্বপ্ন হজম হইবে না। বসেন, আজকে সাক্ষাৎ কথা বলব আপনাকে।’

বলে আবার তাড়া দিল, ‘কই লো চণ্ডিকে, ত্রাকড়াখানি দিবি না এমনি ঢেলে দেব?’

কিন্তু চণ্ডিকের গরজ বড় বালাই। হঠাৎ সজনে ফুল মাটিতে রেখে, এলো চুলে ঝাঁকানি দিয়ে রক্তাধরী ফণা তুলল। মুখ ঝামটা দিয়ে বলে উঠল, ‘বড় যে কালী কালী হচ্ছে, বলি নজ্জা করে না?’

দ্বিষাপক। বুঝলাম, আমার ঠঠার সময় হয়েছে। ভূতানন্দ নিতান্ত বিস্মিত হতভম্ব হয়ে বলল, ‘এই ছাথো, কী হইল তোর?’

চণ্ডিকে উত্তেজनावশত দু-হাত তুলে আঁট করে বাঁধল চুল। ঠোঁট বেকিয়ে তেমনি তীব্র গলায় বলল, ‘কী হইল, তার মরণ-ই তো দেখছি। ভদ্রনোকের সামনে কইব সে-কথা, আঁ? বড় যে কালী কালী হচ্ছে, বলি নজ্জা করে না?’

কে বলবে, এটা এলাহাবাদ। কে বলবে, প্রয়াগের কুম্ভমেলা! কে বলবে, এ সেই প্রাচীন প্রতিষ্ঠানপুর। এখানে বসে যে বাংলাদেশের গৈয়ো কৌদল ভুলি। কোথা থেকে কোথায় এলাম, অমৃতের সন্ধানে। এ যে চিরকালের অমৃত বর্ণন আরম্ভ করল চণ্ডিকে আর ভৈরব। ফেলে পালানো ছাড়া উপায় নেই।

কিন্তু ততক্ষণে ভৈরব ভৈরবমূর্তিতে উঠেছে দাঁড়িয়ে। গায়ের রক্তবর্ণ উত্তরীয় টান মেয়ে কোমরে বেঁধে চীৎকার করে উঠল, ‘কী!’ কালীনামের নিন্দে করছিস তুই? এত বড় সাহস?’

ভৈরবী চীৎকার করে না। চিবিয়ে চিবিয়ে বিঁধিয়ে বলে, ‘কালী নিন্দে করব ক্যান? তোমার গুণ গাইছি যে গো। বলি, আর কতদিন চালাইবে

এমনি করে। এত যে হাঁকাহাঁকি, ও চণ্ডিকে, সজনে ফুল তুলে নিয়ে আয়, চচ্চড়ি হইবে। তা কোন কালী দিয়া চচ্চড়ি হইবে?’

ভূতানন্দ আমাকে সাফী মেনে বলল, ‘দেখেন, দেখেন আজ্ঞে দাদাবাবু, সাবধান করে দেন, নইলে বলি হইয়ে যাবে, এই বলে দিলাম।’

কি বিপদ। নিজের সাবধান হওয়ার সময় এসেছে। তার উপর আবার ভৈরবীকে। সে ক্ষমতা আমার নেই।

ভূতানন্দই আবার বলে উঠল, ‘খুন হইবি চণ্ডিকে। আর তোর বাপের কেণ্ডোরই একদিন কি, আমারই একদিন। খবোরদার।’

বুবলাম না, কে বাপের কেণ্ড। ভৈরবের মূর্তি দেখলে আতঙ্ক হয়। কিন্তু চণ্ডিকে অবলীলাক্রমে এই মূর্তির আরও সামনে গিয়ে বলল, ‘আমার বাপের কেণ্ডোর গুণ আছে। তোমারই কালীনামের মুরোদ নাই। ওই যে বলে না, মুরোদ বড় মান, তানার ছেঁড়া দুইখান কান। জানলেন গো দাদাবাবু...’

কী জানব, জানি নে। কিন্তু প্রমাদ বড় ভারি। তবু কিরে তাকাতে হল ভৈরবীর দিকে। সে তার লাল আঁচলখানি আরও কষে বেঁধে বলল, ‘তখন বোলে কত কথা। রেলের টিকিট কাঁকি দিয়া আসলো, কইলাম, ওইখানে গিয়া গিলবো কি? বললে, চল না, নাথ নাথ নোক আসবে, আর দেদার চাল ডাল পয়সা দিবে। খাওয়ার আবার ভাবনা? নোকে ষেচে দিবে। তা নোক এখানে কী করতে আসে, সে তো গুনলেন ওনার নিজের মুখে। দিনরাত ওই মরণ-রস পাড়তিছে আর গিলতিছে। দু-দিন ধইরা দাঁতে কুটা কাটি নাই গো দাদাবাবু, কুটা কাটি নাই। শীতে মইলাম, এক কণা আগুন নাই। এত এত সাধু হাত পেইতে বেড়াইতেছে, উনি নীচে লামতে পারেন না। অমন গোটা গোটা ফুলগুলান কি কাঁচা চিব্বো?’ বলতে বলতে গলাটা ধরে এল যেন ভৈরবীর।

কিন্তু ভূতানন্দ এতবড় অপমান আর সহিতে পারল না কিছুতেই। বিশেষ আমার মত একজন অপর ভদ্রলোকের সামনে। কোথায় মৌজ করে একটু ধর্মালোচনা চলবে, তা নয়, শেষে, মুরোদ নিয়ে টানাটানি। বড় দুর্বল স্থানে যা দিয়েছে ভৈরবী। তাই আমার দিকে আর ফিরে তাকাতে পারছে না ভূতানন্দ। মানুষের সম্মানে আঘাত লাগলে সে সহ্য করতে পারে না। কিন্তু সে সম্মান যদি মিথ্যে হয়, তবে তা সহ্য করা আরও মুশকিল। তখন সে আত্ম-রক্ষার জন্ত শেষ উপায় অবলম্বন করে। ভূতানন্দের অবস্থা যেন খানিকটা তাই। সে রক্তচক্ষু বিস্ফারিত করে বলল, ‘তোমার মত মেয়েমানুষের মুখে এতবড় কথা।

বজ্জাত, নষ্ট মেয়েমাছুষ কমনেকার। তুই কি আমার ঘরের মাগ মে, তোরে দু-বেলা খাওয়াব বলে কিরা কাটিছি মা কালীর দোরে—আঁা ?’

চণ্ডিকা মূহূর্তে মাথা তুলে দৃষ্ট ভঙ্গিতে দাঁড়াল। কী চোখ! বিশাল চোখ দুটিতে তার সত্যি আগুন ঠিকরে পড়ছে। লাল কাপড়ে ঢাকা তার বলিষ্ঠ দেহে কী অপূর্ব তেজ! দুদিনের উপোসী কালো মুখে তার কেউটের ফনার মত চমকানি। ভৈরবীর রূপ আছে কি-না, সম্ভান করে দেখি নি। কিন্তু কালো মেয়ের এমন বিচিত্র, ভয়ঙ্কর হৃদয় রূপ আর কখনো দেখি নি। জানি নে, এমন রূপের সামনে কোন পুরুষ কোনদিন মাথা তুলে দাঁড়াতে পেরেছে কি-না। কিন্তু ভূতানন্দ পারল না।

বোঝা গেল, ভূতানন্দ দুর্বল হয়ে পড়েছে, তাই সম্মুখ সমর ছেড়ে সে আচমকা পেছন থেকে আক্রমণ করেছে চণ্ডিকাকে। কিন্তু, মাছুষ একবার যখন দুর্বলতাবশত পেছনে আশ্রয় নেয়, তখন তার পরাজয় অনিবার্য। সেই পরাজয়েরই শেষ ধাপে নামল ভূতানন্দ। লাথি মেরে ফেলে দিল সে তার অতি সাধের মাতৃপাদোদক। তারপর টেচিয়ে বলল, রইল তোর লজ্জা আর মুরোদ! চললাম আমি। মর তুই এখানে। আর খোলকরতাল এনে তোর বাপের কেণ্টোর ভজনা কর, লোক জুটবে’খুনি।’

বলে ছপদাপ করে সোজা উত্তরদিকে গাছের আড়ালে আড়ালে অদৃশ্য হয়ে গেল।

হাসতে হাসতে মাথা ব্যথা! কোথা থেকে কী হয়ে গেল। মাঝখানে আমি দাঁড়িয়ে রইলাম যেন আপদবিশেষ। কোন্ এক অদৃশ্য অপরাধের খোঁচা এসে খেন লাগল আমার মনে। মনে হল অপরাধের মূল আমি। আমি না থাকলে, এমনি করে হয়তো বলত না ভৈরবী। সম্মানহানিতে অভখানি ক্ষিপ্ত হত না ভূতানন্দ।

কোথায় সমুদ্রগুপ্তের কূপ। আর কোথায় কী!

ফিরে যেতে উত্তত হলাম। তবু যাওয়ার আগে ভৈরবীর দিকে না তাকিয়ে পারলাম না। কিন্তু তাকিয়ে আর পা উঠল না। ধমকে দাঁড়লাম।

ভৈরবীর গাল বেয়ে নেমেছে জলের ধারা। কী সাঙ্ঘনা দেব। যাদের কোনদিন দেখি নি, জানি নে পরিচয়, তাদের হঠাৎ কলহের মাঝে কী কথা বলব। যেটুকু জানি, সেটুকু তাদের উপোসের বেদনার কথা। আর যেটুকু ইঙ্গিত দিয়ে গেছে ভূতবাবা, তাকে ভিত্তি করে সাঙ্ঘনা দেওয়া আমার সাজে না।

তবু এই টিলাভূমির নিরাল। গাছের ছায়ায় ওই চোখের জল দেখে বিদায়

নিতে বাধল। নিতে হবে জানি। তবু এই মুহূর্তে পারলাম না।

হঠাৎ ভৈরবী আঙুরে বউটির মত বলে উঠল, ‘দেখলেন তো দাদাবাবু, কেমন করে কইয়া গেল। আজ দশ বছর তোমার সঙ্গে রইছি, আমি কী তোমার কেউ নয়? ওই কথা কইয়া আমারে অষ্টপোহর ষাতনা দেয়। তোমার বউ না হতে পারি, বউ-এর চাইতে বড়, আমি তোমার ভৈরবী। তোমার ধম্মে আমি, কম্মে আমি। তোমার স্থখে আমি, দুঃখে আমি। কি বলেন গো দাদাবাবু, অ্যা? কী আর কইছি। দুইদিন খাই নাই, শরীরে তো এটু কষ্টও হয়। কিন্তু, দেখলেন তো’—বলতে বলতে তার ঠোঁট দুটি কঁপে উঠে, বিশাল চোখে অশ্রুর বান ডাকল। আর দূরদেশের এ টিলাতে দাঁড়িয়ে আমার বুকের মধ্যে ভরে উঠল চাপা বেদনা। ভৈরবীর ক্ষুধাও আত্মপ্রকাশ করেছিল, তেমনি এবার আত্মপ্রকাশ করল এক প্রেমবতী নারী।

চোখের জল নিয়ে আমার দিকে তাকিয়ে ভৈরবী আবার বলল, ‘বল, আমি কি তোমার কেউ নয়? সাত পাক ঘুরি নাই ঠিক। বোল বছরের মেয়া আইজ তিরিশ হইল। দাদাবাবু, এই চইন্দ বছরে কত লক্ষ পাক দিছি তা জানেন ভগবান। উনি তো সাক্ষী আছেন! তবে? তবে ক্যান দেও ওই খোঁটা? আমি ছুঃখু পাইলে তোমার পাপ হইবে না? আমার পুণ্য তোমার লাগবে না? মা কালীর নামে ইস্তিরি হইছি, ছান্নাতলায় বিয়ার চাইতে কি তা কম? ক্ষুদায়ও তুমি, ভরা পেটেও তুমি। আর কারে কইব গো, অ্যা? আর কারে কইব?’

জলভরা মুখখানি কাছে এনে সে আমাকেই বলল। আমাকে জিজ্ঞেস করল। বলে সে নতমুখে, এলোচূলে দাঁড়িয়ে রইল আমার সামনে। কোথায় রোষবহি, কোথায় বা চণ্ডিকার চণ্ডালিনী মূর্তি। ক্ষুধা ও প্রেমের অপমানে দুর্ভাগ্যবতী অশ্রু-অন্ধ সেই চিরদিনের পাড়াঘরের মেয়েটি। এই বিরাট তীর্থক্ষেত্রে যখন সবাই দানে ধ্যানে ধর্মে ব্যস্ত-ব্রহ্ম উন্মত্ত, যখন আপন মনে মানুস অরণ্যের বুকে খুশী বিহঙ্গটির মত ফিরছে মনের আশ মিটিয়ে, তখন সে আমার সামনে খুলে ধরল মানুসের হৃদয় ও দেহের, বাস্তু ও বিচিত্রের এক রূপমহলের দরজা। ভাবি, এই তো বিশ্বের সবটুকু রূপ! হৃদয় ও জঠরের কামনা-বাসনা সৌন্দর্য-ই তো অপরূপ। এর শেষ নেই। এর বাড়া বৈচিত্র্য কই? এরপর বদলে দিল আবার আমার স্বর। তাই তো নিয়ম। স্বর তরঙ্গে তরঙ্গে শুধু রূপান্তর—ভায়রো থেকে গজল, গজল থেকে পূরবী, পূরবী ইমন, ইমন থেকে বেহাগের অশ্রুভরা অন্ধকার রাতে নির্বাক হয়ে তাকিয়ে থাকব

মৌন নশ্বরের চোখে।

তাই তো! থামবার কী আছে। কী আছে নিরানন্দের। সে তো আমার চলার পথে দিয়েছে নতুন চলার রস। সংযোজন করল নতুন হর।

ফিরে তাকালাম। ভূতানন্দের আশ্রমে নয়, কুঁড়েঘর। সূর্য খানিক বেঁকেছে মাঝ-আকাশের কোল থেকে। নিম, তেঁতুল, সজনে, পিপুলের ছায়া বিলিমিলি। নতমুখী রক্তাঙ্গরী কালো মেয়ে। পায়ের কাছে তার অভুক্ত হাতের ছোঁয়া সজনেফুল। মধুলোভী মৌমাছি এসেছে ছুটে, গন্ধে গন্ধে।

ভাবি, নিজের চোখজোড়ার মন ফিরিয়ে দেখি, দারা দেশে এমনি কত কুঁড়ের কত ঝি-বউয়ের পায়ের কাছে পড়ে আছে সজনেফুলের গোছা। এক ছিটে হুন, দু-কোঁটা তেল আর এক কাঁসি ভাতের অভাবে এমনি কত সজনেফুলের গোছা গিয়েছে শুকিয়ে। জানি, যে শুধু করুণার জল দিয়ে ভেজাতে চায় এ বিশ্বের চিঁড়ে, সেও করুণার পাত্র। করুণা করতেও চাই নে। জানি আমারও ‘মুরোদ বড় মান’। আমার মত মানুষকে দান-ধ্যান করে শুধু ছেঁড়া কান-ই দেখতে হবে। জানি, তবু সমুদ্রগুপ্তের টিলার উপর এ অভাবিত সজনেফুলের গোছাও যদি যায় শুকিয়ে, তবে নিয়ত মরুবাসের যে রসটুকু সাহুনা, তাও যে হারিয়ে যাবে বিষবাপ্পে।

অনেক দ্বিধা করে হাত দিলাম পকেটে। ডাকলাম, ‘ভৈরবী!’

ভৈরবী আচমকা ধোমটা তুলে বলল, ‘আমার নাম তো ভৈরবী নয় দাদাবাবু!’

বললাম, ‘তবে বুঝি চণ্ডিকা?’

তার উপোসী শুকনো মুখে এখনো জলের দাগ। সেই মুখে তার অপূর্ব লজ্জিত হাসি। বলল, ‘না।’

‘তবে?’

‘আমার নাম ময়লা।’ বলতে বলতে তার কালো মুখে চিরুনির মত সাদা দাঁতের সারি ঝকঝক করে উঠল। বলেও তার এত আনন্দ উপোসী মুখখানি ভরে উঠল আলোয়। চমকে ভাবলাম, রহস্য নয় তো!

বললাম, ‘ময়লা? সে আবার কী?’

সে বলল, ‘আমার নাম গো! বড় যে কালো। তাই ছোটকালে নাম রেখেছিল ময়লা।’

বলার স্বযোগ পেলাম। যদি কাটিয়ে ওঠা যায় গানিটুকু। বললাম, ‘ময়লা কোথায়? দিব্যি ঝকঝকে দেখছি।’

কাজ করল শুধুটি। ময়লা হেসে উঠল সশব্দে। তবু কী বিচিত্র! চোখের জলের দাগটুকু আছে গালে।

বললাম, ‘আমি কিন্তু আলোই বলব।’ বলে পকেট থেকে পয়সা নিয়ে বললাম, ‘তা আলো-ভৈরবী, কিছু মনে কোরো না। দেখা হয়ে গেল পথে, এইটুকুনি লাভ। আবার কে কোথায় যাব! পয়সা কটি রাখো, সজনেফুলের চচ্চড়ি রেঁধো আজ, কেমন?’

কিন্তু গোলযোগ ঘটল। ভেবেছিলাম মেঘ কেটেছে। তবে যে হঠাৎ আবার তার চোখে জল। তাড়াতাড়ি আমার আসনখানি তার লাল আঁচল দিয়ে বুখাই ঝেড়ে দিল। বুখা, কেন-না ধুলো যাবার নয়। দিয়ে ধরা গলায় বলল, ‘একটু বসেন।’

অগ্রস্তুত ও বিব্রত বোধ করলাম। ময়লা যদি কৃতজ্ঞতা প্রকাশ করতে চায় তবে ভুল করেছে। পথের নিয়ম ঘরে চলে না, ঘরের নিয়ম নয় পথে। আমরা পরস্পর কৃতজ্ঞ এই পথের দেখাদেখিতে। পর-মুহুর্তেই ছুঁচিন্তা হল। বললাম, ‘ভূতানন্দ ফিরে আসবে তো!’

সে বলল, ‘আসবে না? যাইবে কমনে? ছান, পয়সা ছান।’

বলে, নিঃসঙ্কোচে হাত পাতল। দিলাম। পয়সা কটি আঁচলে বেঁধে, জল চোখে টিপে হেসে বলল, ‘ওইরকম কয়। শোনা আমার কপাল দাদাবাবু। কিন্তু সামনে যদি খালায় কইরা কিছু দিতে পারি, তখন কালী নামে কি হাসনের ফোয়ারা, একবার দেইখ্যা যাইয়েন। স্ব্থ বড় বেইমান। ত্যাখন সে দুঃখুর কথা মনে থাকে না। মানুষটারে চিনি তো!’ বলতে বলতে তার কালো মুখে সলজ্জ হাসি ফুটল। লজ্জিত ত্রস্ত চোখে একবার আমার দিকে চেয়ে নত করল মুখ। বড় বিচিত্র তার এ লজ্জা হাসিখানা। আমাকে মাঝে রেখে মনের কোন্ গোপন লীলাখেলায় লীলাবতী হয়ে উঠল সে। বললাম, ‘কিছু বলবে?’

ভৈরবীর এত লজ্জাও ছিল! ঘাড় নেড়ে জানাল, ‘ই্যা।’ তারপর তার ডাগর চোখ মেলে দিল পূবে, গাছের ফাঁকে ফাঁকে দূর আকাশের দিকে। বলল, ‘দাদাবাবু, মানুষটার উপর রাগ করবেন না। ও-ই রকম। ছোটকাল থেইকে জানি, ও সাপুড়ে, ডাকাবুকে। আমি ঘোর বোষ্টমের মেয়া। দেখলে চোখ বুজতাম। ওই যে কইল না, তোর বাবার কেষ্টর-ই একদিন, কি আমার-ই একদিন। আমার বাপ যে কেষ্টভুক্ত বোষ্টম, তাই খোঁটা দিল। তা দাদাবাবু বোষ্টমের মেয়া, ওনার কাছ থেকে তফাতে-ই থাকতাম। ত্যাখন আমার ডাগর বয়স। তা ওই মানুষটি য্যাখন-হ্যাখন আমার আগুপিছু ফিরত, চোরের মত

আড়ে আড়ে দেখত, চখে চখে পড়লে হেইসে বলত, ময়লা, কী বাহার তোর কালো রঙখানি। শুইনে ভয় হইত, আর কী হইত আইজও জানি না। নোকে কইত, কালী ময়লার যে রূপ আর ধরে না। ক্যান, কী জানি। তারপরে, একদিন তিনে সইস্কোবেলা আড়ালে আমার হাত দুইখানি ধরে কইল, ‘ময়লা, তোর মধ্যে যে মা কালীর অংশ রইছে লো। তোরে আমার চাই।’ চাই কইলেই চাওয়া? কী সাহস! ডরে মরি। কয় কী? তবু, মেয়েমাছুয়ের মন তো! কইলাম, কী ঘেন মনে লইল, হেইসে হেইসে কইলাম, ‘ওমা! ছি, আমি কালো পেঁচি, কালামুখী, মা কালীর নামটাম কইও না বাপু।’ কে শোনে। কইল, ‘আমি ঘে দেখি। মা কালীর সঙ্গে আমার কথা, খাওয়া, বসা।’ তিনি কইলেন, ময়লা আমার পরান। আমিও যে চখ বুজলে তাই দেখি ময়লা। তোর হাসি কথা, চখের তরাসে তুই সাক্ষাত কালী। তোরে লইলে, নিজের চিতা নিজের জ্বলাইতে হইবে।’ শোনেন কথা।...

বলে হেসে উঠল ময়লা। চোখের জলে, কৈশোরের স্মৃতিতে, হাসি-কান্নায় কী বিচিত্র রঙের ছোঁয়া লাগিয়ে দিলে সে আমার পথ-চলা-ব্যস্ত মনে। আমি জানি, উত্তরপ্রদেশের এ টিলার বৃকেও সে লাগিয়ে দিল ওই রঙের ছোপ।

হেসে বলল, ‘মনে মনে বুজলাম, ময়লা, এইবার মলি। কইলাম, ‘হঁ, তুমি সবই দেখতে পাও। ভূত-পেরেতও নাকি দেখতে পাও। আমারে এটু দেখাইতে পার?’ কইল, ‘খুব পারি। আমি থাকবলাটাই চণ্ডীতলায় কাল সন্দেশ, আসিস, ডরাইস না, দেখাইব।’ গেছলাম দাদাবাবু, সত্য কইরা আমার ভূত দেখাইল।’

অবাক হয়ে বললাম, ‘ভূত দেখতে পেলেন?’

বলল, ‘হ্যাঁ দাদাবাবু।’

হাসি পেল। চেপে গেলাম। এমন সহজ স্বীকৃতি ময়লা ভৈরবীর দ্বারাই বোধহয় সম্ভব। তবু বললাম, ‘কেমন দেখলে? কী দেখলে?’

নিরাভরণ হাতখানি শূণ্য মেলে দিয়ে বলল, ‘কী জানি কী দেখলাম। চখ অন্ধকার, কী দেখাইল, উনি-ই জানেন। খালি বুজলাম, সোম্‌সার ওনার বশ। দেব-দেবী যক্ষ-রক্ষ, সব-ই ওনার গুণবশ। আমিও বশ হইলাম! এমন বশ হইলাম, বোষ্টমের মেয়ে হইয়া কালীভক্তের সঙ্গে সেই রাড্রেই লাটাই-চণ্ডীতলা থেইকেই সকলের মায়া কাটাইয়া ওনার সঙ্গে বার হইয়া গেলাম। সেই থেইকে ওনার-ই সঙ্গে সঙ্গে। দাদাবাবু, উনি ঘাইবে কমনে? এমন নি কতবার গেল, কতবার আসল। যাওয়া আসা নিয়া সোম্‌সার। আর যদি

ময়লা হই তোমার জীবনে, তবে ধুইয়া সাফ কইরে যাও, নইলে ময়লা কি সঙ্গ ছাড়ে !’

হাসিতে গিয়ে কাদিল। বলল, ‘তবু দাদাবাবু, আইজ আমার কী গুণি গো। এখানে চাইলের বড় দাম, আলো চাইল; পঁচিশ তিরিশ টাকা মোন। তবু, ওনার সামনে মইজনে ফোলের চচ্চড়ি দিয়া হাতপোড়া গরম ভাত-ছইটে দিতে পারব, নিজেও পাইব। যা নীত! সাপের ছোবল। গতরে এটু যুত পাইব, কালীনামের ফোয়ারা ছোটাব। দাদাবাবু আপনারে পেনাম করি।’

ছি ছি ছি, একে রক্তাশ্রী, তায় ভৈরবী। উঠে দাঁড়ালাম তাড়াতাড়ি। সেই করুণা ও কৃতজ্ঞতা। কেন? বললাম, ‘এবারে যাই।’ তবে তারপরে আবার আবেগবশত না বলে পারলাম না, ‘আলো ভৈরবী, ময়লা ধুয়ে সাফ করার কথা বললে। ময়লা মাথায় নিয়ে তুমি কিন্তু হীরে হয়ে গেছ, ও আর ধুয়ে সাফ হবে না।’

মনে মনে বললাম, তুমি গেলেই ভূতানন্দের জগৎ অন্ধকার। ময়লা হেঙ্গে উঠল। বলল, ‘আসবেন তো আবার দাদাবাবু?’

ফিরে দেখে বুঝলাম, ভৈরবীর চোখ অন্ধ হয়ে গিয়েছে। বললাম, ‘যদি পারি, আসব।’ মনে মনে বললাম, যদি না পারি, তবে এ টিলার ছবি তোমারই মূর্তি ধরে অক্ষয় হয়ে থাকবে আমার চোখে। এ অস্বচ্ছন্দ জীবনের ক্ষেত্রে, বিশেষ উন্মাদিক স্বদেশ-পরিচয়-অজ্ঞ কুপমণ্ডক শহরে সভ্যতার কাছে সত্য অনেক সময় অসত্য ও অস্বাভাবিক। এখানে যে এমনি এক ময়লা ও ভূতানন্দের দেখা পেলাম, কিছুই নয়, তবু দেখলাম এমনি এক বিচিত্র নাটক, তা হয়তো নিজেই ভুলে যাব এই টিলা থেকে নেমে। তবু জানি মানুষের ধর্ম, প্রেম ও ক্ষুধার এ ঘটনা অক্ষয় হয়ে থাকবে।

জানি নে, কী শুনলাম। দুদিনে কত মানুষের সঙ্গে দেখা হল, কত কী শুনলাম। মনের অজস্র তারে বাজল কত সুর। আধ্যাত্মের উপলব্ধি নেই। সবই মানুষের মধ্যের হেরফের বলে দেখলাম। এও কি ভৈরবীর কোন গুট সঙ্কল্পত্রের বন্ধন, নাকি যা শুনলাম তা শুধু মানব-মানবীর বিচিত্র প্রেমোপাখ্যান, জানি নে। তবু আমি সাধারণ। সেই সাধারণের হৃদয় তো টাবুটুবু ভরে উঠল এই হাসি-কান্নার কাহিনীতেই।

হঠাৎ কেশো গলার হাসি শুনে চমকে দাঁড়ালাম। একটি দেবদারু আড়ালে, কপালে হাত ঠেকিয়ে দাঁড়িয়ে স্বয়ং ভূতবাবা! বলল, ‘চললেন,

আজ্ঞে ?’

হাসি চেপে বললাম, ‘সে কি, একেবারে এত কাছাকাছি, এখানে যে ?’

কিমাশ্চর্যম্ ! লজ্জায় ও বিনয়ে ভূতানন্দ মাটিতে মিশল যে। চোখ পিটপিট করে, গলার রুদ্ধাশ্ব খুঁটে, সে এক কাণ্ড। বলল, ‘আজ্ঞে দেখলেন তো, মাফাৎ চণ্ডীঠাকরুন, হেঁ হেঁ !’

মানে বোধহয়, কী করে আর তবে যাব। বলল, ‘ভৈরব একেবারে চণ্ডাল। মাগের চরণামিতোটুকু গেল। আবার আসবেন, মা কালীর কথা বলব।’

কি ভাগিয়া, ভূত দেখাতে চায় নি। জিজ্ঞেস করলাম, ‘এখানে কৃপ কোথায় ?’

সে বলল, ‘ওই যে পাঁচিল-ঘেরা বাড়ি, ওর উঠোনেই দরজা পাবেন।’

‘চলি তা হলে ?’

ভূতানন্দ জোড়হাতে বলল, ‘আজ্ঞে।’ তারপর ফিসফিস করে বলল, ‘রাগ দেখলেন তো ? আসল ভৈরবীর ও-ই লক্ষণ আজ্ঞে, আর আমি—’

মুখখানি অন্ধকার ও করুণ হয়ে উঠল তার। ওকে আর সাহসনা দিলাম না। এগিয়ে গেলাম। বুঝলাম, ওই রকম করুণ মুখে জোড় হাতে এবার তার-একজনের কাছে যাবার সময় হয়েছে।

বলতে কি ডিগবাজি-খাওয়া বিটলে পাখিটার মত, খুলীতে আমার, ডানা ঝটপট করে উঠল। একটা মস্ত নিশ্বাস ফেললাম। গুনগুনিয়ে উঠল মনটি আপনি আপনি, চল, চল, চল হে আকাশতলে আজ সব-ই খেলা। চল চল।

পাঁচিল-ঘেরা বাড়িটির উঠোনে এসে দেখি, লোকের ভিড়। বেশী নয়। অনেক নারী পুরুষ বসে বসে গল্প জুড়েছে। বোধহয় বিশ্রাম নিচ্ছে। সামনে দেখি মন্দিরে যার পট রয়েছে, দেখে মনে হল গুরু নানক। পাশের সেবাইত ও স্তম্ভবেশধারী শিখ সম্ভবত। দেখলাম, চরণামৃত বিতরণ হচ্ছে।

উঠোনের মাঝখানে, ছাদ থেকে নামার মত একটি সিঁড়ি-মুখের দরজার ভেতর দিয়ে পিলপিল করে অদৃশ্য হচ্ছে মেয়েপুরুষের দল। সামনে গিয়ে উকি দিলাম। কিছু দেখবার উপায় নেই! মাহুঘের ঠেলায় ঘেন ওই অন্ধ স্তম্ভে গলে গলে পড়ছে। সিঁড়ি-মুখের কাছটিতে ভিড়ও হয়েছে বেশ।

একটা ব্যাপারে অবাক হলাম। একটি অবাঙালী, রীতিমত দশাশই চেহারার ভদ্রলোক সিঁড়ি-মুখের কাছে একবার এগুচ্ছেন আর পেছুচ্ছেন।

ঠায় হাত ধরে, একেবারে বিপরীত রূপ কাঠিসার মহিলাও একটি আগে-পাছে করছেন। এই সিঁড়ির মুখে ভিড়ের মধ্যে তাই নিয়ে সাড়া পড়ে গিয়েছে হাসির।

জিঙ্গেস করলাম একজনকে, ‘কী হয়েছে ভাই?’

শুনলাম, ওই বাবুজী এই স্বড়ঙ্গে অবতরণে ভয় পাচ্ছেন। যদি দম আটকে মরে যান, কিংবা মাটি ধসে চাপা-ই পড়েন।

ভাল। কি দরকার নামবার। কিন্তু ওই তো মুশকিল। শুনলাম ভদ্রলোক বলছেন, ‘ভগবান আমার উপর বিরূপ, আমার কী উপায় হবে?’ আর অতবড় মানুষটাকে ‘ডরপুক’ অর্থাৎ ভীতু বলে একচিলতে মহিলাটি মুখঝামটা দিচ্ছেন।

মাঘ আছে, সাহস নেই। কিন্তু ভগবানের যা চরিত্র, তিনি যে নীচের অবতরণিকাকে আরোহণী করে নেবেন, তেমন সম্ভাবনা কম। স্বড়ঙ্গের মুখটি ধেরকম সন্ন ও অন্ধকার, সে যে হঠাৎ আলোয় মুখব্যাদান করে বিরক্ত হয়ে উঠবে তাও বোধ হয় না। অতএব, ওই চলতে থাকুক।

নেমে গেলাম ভিড়ের মধ্যে মিশে। সিঁড়ির মধ্যপথে গিয়ে মনে হল, ভাল করি নি নেমে। মাঘ মাসের এই দারুণ শীতে ঘাম ছুটল শরীরে। নিজে চলছি নে। আমি একজনের পিঠে লেপটে আছি। আমার পিঠে আর একজন। যেন দলা-পাকানো মানুষের একটা পিণ্ড। নারী-পুরুষের বাছবিচার নেই। পেছনের চাপ আর-একটু বাড়লেই শেষ। স্থাসরুদ্ধ হয়ে যদি মরিও, তবু মাটিতে পড়ব না। এমনি দাঁড়িয়ে মরে থাকব।

চাপে পড়ে জ্ঞাত নিঃশ্বাসে কার গলায় বড়বড় শব্দ উঠেছে। কে যেন ফোপাচ্ছে অঁতকে-ওঠা চাপা গলায়। মনে হল, ভাল করি নি। এ যে সত্যিই কৃপ! পাতালপুরী! ফিরব, সে আশা দুরাশা। জৌহ-দরজা ভাঙা যায়, এই মানুষ-পিণ্ডের বাইরে যাওয়া সম্ভব নয়। দেখছি উপরের লোকটির আতঙ্ক অলীক নয়।

হঠাৎ একটু ঠাণ্ডা হাওয়া লাগল গায়ে। কোথেকে এল? বৈদিক থেকে একটি আলোর রেখা এসে পড়েছে ভিতরে। যেন চূর্তেগ অন্ধকারে এসে পড়েছে সার্চ লাইটের আলো। কিন্তু দাঁড়িয়ে থাকতে পারছি নে স্থির হয়ে। ডান দিকে তাকিয়ে মনে হল, কোন এক অন্ধ পাতালপুরী থেকে মানুষ-জলের হোস্ পাইপ খুলে দিয়েছে কেউ। কিছু দেখতে পাচ্ছি নে। দূরে শুধু একটু বৃষ্টি, একটা আবর্তিত বন্যা ওদিক থেকে ছুটে এসে এগিয়ে চলেছে ওই সার্চ

লাইটের দিকে। এই এক বন্ধা। আমার পেছন থেকেও আসছে সিঁড়ি দিয়ে-নামা জল-প্রপাতের ধারা-বন্ধা। কোন দিকে যাই বন্ধার মধ্যে। ছিন্ন বস্ত্র, ধুলি-মলিন কব্জল, ত্রিশূল, চিমটা, মতিবাদি থেকে জর্জেট শাড়ির খসখস, স্বর্ণালঙ্কারের ঝিকমিকি রিনিঠিনি, রঙিন উত্তরীয়, ধুতি ও কোট-প্যাণ্টের পরিপাটি, সবই ছিল। ছিল না শুধু স্বাভাবিক রূপ। তিক্ত ওষুধ গেলার মত এক ছুরুহ কাজে নেমে এসেছে সবাই। পেটে গেলেই নিরাময়। এখানকার কাজ শেষ করে একবার বেঁকতে পারলেই স্বর্গের চাবিকাঠি আপনি এসে জুটবে পকেটে।

দাঁড়িয়ে থাকা যায় না। যেদিকে হোক চলা ভাল। দাঁড়িয়ে থাকলেই পেয়াই। এখানে কী আছে, তাই তো জানি নে। শুধু শুনিছি, হুম্মানজী আছেন। ডান দিকের মোড় নিয়ে, জিজ্ঞেস করলাম ‘একজনকে, ‘এখানে হুম্মানজী আছেন?’

সে বলল, ‘জী বাবু!’ কিন্তু কী আশ্চর্য, লোকটি ওর মধ্যেই আরম্ভ করল, হুম্মানজীকে একবার এখানে লুকিয়ে থাকতে আর বলার দরকার ছিল না। কেন-না, রামায়ণের অনেক পরে নিশ্চয়ই সমুদ্রগুপ্তের কূপ তৈরী হয়েছিল। হুম্মানের লুকিয়ে থাকার কোন ইতিহাস তাতে থাকতে পারে না, কিন্তু ভয়াবহ ভিড়ের মধ্যেও লোকটার খৈনিটেপা মুখে রামায়ণের বিচিত্র বুলি ঝাড়বার বাসনা দেখে অবাক হতে হয়।

জিজ্ঞেস করলাম, ‘তুমি এগুচ্ছ না কেন?’

হেসে বলল, ‘মরতে?’ তারপর পকেট থেকে পয়সা বার করে ডান দিকে একটি জায়গা লক্ষ্য করে ছুঁড়ে দিল। দেখে বুঝলাম, ওইখানেই আছেন তিনি। ওইখানেই ঘৃণিজলের আবর্তের মত নর-নারীর রঙ-বেগু-এর মাথা পাক খেয়ে উঠছে।

এগিয়ে গেলাম। অস্বীকার করব না, পুণ্যাখী নরনারী আমার তুলনায় ঐশ্বর্যশীল, কষ্টসহিষ্ণু। এগিয়ে গিয়ে অন্ধকার দেখলাম। মনে হল, আমার ওভারকোটের বোতামগুলি পড়পড় করে ছিঁড়ে বেরিয়ে গেল। অসহ্য চাপে, মনে হল কোটটা খুলে পড়েছে, টেনে নিচ্ছে কেউ গা থেকে। ঠোঁটের কোণে চোখের জলের মত নোনতা ঘামের নিব্বার এসে পড়ছে।

তারপর, টিমটিমে প্রদীপ, মনে হল, তৈলসিক্ত চব্বর, সিঁদুর, ক্ষয়িষ্ণু পাথরের মূর্তি, পাণ্ডা ও পয়সা, সমস্তটা মিলিয়ে একটা বিচিত্র ছায়ার খেলা।

বেরিয়ে এলাম তন্মূহূর্তেই। কার একটা হাত এসে পড়ল গলায়। পড়ুক।

লক্ষ্য এখন সার্চ লাইট। যেন, মুমূর্ষুর জীবনে এখনো আছে জীবনের সাড়,
ওই আলোকরেখা।

কার একটা হাত এসে পড়েছে কোমরের কাছে। ওভারকোটের বোতাম
তবে খুলেই গিয়েছে? কিন্তু, কিন্তু একি? হাতটা যেন কাশ-ফুলের মোলায়েম
সুড়সুড়ির মত পেটে বৃকে হাতড়ে ফিরছে। তারপরেই আটকাপড়া বিহের
মত স্পর্শটি পিছলে নেমে এল কোমরের নিচে। পরমুহূর্তে আবার বৃকে। অন্ধ
নাকি ভিড়ের চাপাচাপি ও ঠানসাঠানি। একরাস রক্ষ চুলের গোছা ঢেকে
দিল আমার চোখের দৃষ্টি।

কিন্তু, বৃকে হাত? আমার যে সব ওই বৃকে। আমার ছুটে আসা, আমার
হৃদি-কুস্ত-সায়রে ডুব দেওয়া, আমার অমৃতকুস্ত যে ছোট্ট একটি চামড়ার ছোট্ট
ব্যাগে ভরা। এখানে মনের চেয়ে কাজ ক্রান্ত।

কোন বস্তু নয়, বৃকের স্পর্শটি চেপে ধরলাম হাত দিয়ে। একটি হাত।
নরম নয়, শক্ত কিন্তু ছোট। ইঁচকা দিচ্ছে সরিয়ে নেওয়ার জ্ঞা। চকিতে
চুলের গোছা সরে গেল চোখের কাছ থেকে। অশ্রুট আর্তস্বর। কালো
ওভারকোটের তলায় একটি মুখ। একজোড়া চোখে চকিত আলোর
মায়াদীপ্তি। সেই চোখে একই মুহূর্তে শঙ্কা ও জোষ, হাসি ও ভিক্ষা।

মনে হল, ছিন্ন ময়লা কাপড় ও ধুলো-মাখা একদল মেয়ে-বাহিনীর ব্যহ
আমাকে ঘিরে ঠেলে নিয়ে চলেছে। হাত ছাড়েনি। চেষ্টাব কি না ভাবছি।

দাবি ও অহুরোধের যুগপৎ চাপা আর্তস্বরে শুনলাম, ‘ছোড় দো, ছোড় না?’
স্বর আমার কানের কাছে। সেই ভয়ঙ্কর টানাটানা চোখ আমার মুখের
কাছে। চোখ নামিয়ে তাকালাম। পালতোলা পালের শাড়ি। লাল জামা।
আর এই অসহ্য ভিড়ের মধ্যে সেই মুহূর্তেই অল্পভব করলাম, ঠিক সেই মুহূর্তেই,
এক অব্যক্ত ভাষাহীন নরম ও বিচিত্র স্পর্শ আমার বৃকে।

সর্বনাশী! খনপিঙ্গীর সর্বনাশী, বুসির ভয়ঙ্করী, ব্রজবালার আতঙ্ক
ছেলেচোর। নিরালো মাঠের সেয়ানা পাখি।

ছেলেচোর কোথায়। ও যে আসল প্রাণচোর। সর্বস্ব-চোর। আমার
হৃদপিণ্ডের খোঁজ করছিল মৃত্যুর মত সর্বনাশী স্পর্শে।

চকিতে কটাক্ষ বিলোল হল। বন হল স্পর্শ। এই ভয়ঙ্কর পরিবেশে এক
বিচিত্র জড়ানো ও সান্নানাসিক কণ্ঠ আমার সর্বাঙ্গ আচ্ছন্ন করে দিল, ‘ছোড় দো
মেরী বাবু, জোড় জী।’

যে মুহূর্তে টের পেয়েছি, সে মেয়ে, সেই মুহূর্তেই শিথিল হয়েছে হাতের

মুঠো। আমি ভদ্রলোক, আমার আত্মাভিমান আছে। ভদ্রলোক এবং পুরুষ মনের কানায় কানায় আমার আছে সভ্যতার সংস্কার। আমার অর্থের প্রতি যার লোভ, তার প্রতি আছে ঘৃণা ও ক্রোধ। তবু মাঝারি ঘরে বাংলার ছেলে, স্পর্শকাতরতা আমাদের পায়ের তলা থেকে মাথার চুল পর্যন্ত। বয়সের তারুণ্য ও উদারতা বাস্তব মানে না নিয়ত। সেখানে বিচিত্র রঙের-রঙ-মহল। তা ছাড়া নারী। নারী নামে দিক্কার দিচ্ছি নে। নিজের মনকে কঁাকি দেব কোথায়।

হাত আপনি শিথিল হল। আমার স্বর্য়াক্ত হাতের মুঠো। আশ্রমে আলোর ছড়াছড়ি খুব। মঞ্চটিও রীতিমত সুসজ্জিত। আঙিনার ছোট ছোট গাছের সারি দিয়ে আঁকা হয়েছে ভারতবর্ষ।

দুকতে গিয়ে বাধা। জুতো রেখে যেতে হবে। কার কাছে? সে ভাবনা নেই। তার জন্ত লোক আছে। জুতো দিন, নম্বরমারা কার্ড নিয়ে যান। কার্ডটি ফিরিয়ে দিলেই জুতো। সেই ভাল।

মঞ্চে গান হচ্ছে। সুরটি ভজনের অহরূপ। যারা গান করছেন তাঁরাও রীতিমত স্ববেশ যুগল তরুণ। কিন্তু ভাষা দুর্বোধ্য। শ্রোতার চেয়ে বেশী শ্রোত্রী। যদি পাপ না হয় তবে বলি, এখানে রূপের বড় ছড়াছড়ি। রূপে ও পোশাকে দশ দিক উজ্জ্বল হয়ে উঠেছে আশ্রম-প্রাঙ্গণের। তার উপরে তীব্র আলোয় রূপের বাড়াবাড়িও হয়েছে। আশ্রমের সুদীর্ঘ ঘেরাওয়ার মধ্যে বহু ঘর। কল্লবাসিদের নিঃসন্দেহে। কিন্তু কল্লবাসিনীরা যেন বড় বেশী চুমকি বাহার ও হীরে-জহরতের আলোয় পথ দেখে চলেছেন।

মুখে ছিল সিগারেট। একটা বিরক্ত ও গম্ভীর কণ্ঠ স্বাক্ষর দিয়ে উঠল কানের কাছে, ‘বাঙালীবাবু?’

কণ্ঠস্বরে কিছু টান ও বিসর্গযুক্ত ইতি। পাঞ্জাবীদের মত খানিকটা। ফিরে দেখি, মস্ত বড় পুরুষ, গৌরমুতি, গৈরিক বেশ। মাথায় চুলের রাশি, নাকে কাপড়। সারা মুখে অত্যন্ত বিরক্তি।

ফিরতে বলল, ‘ফিক্ দিজীয়ে সিগারেট। মহারাজলোগ্ হরবখত যানা আনা করছেন, তাঁদের নাকে বাস লাগলে আপনার নরকবাস হবে।’

চমকে প্রথমে সিগারেট নেভালাম। জিজ্ঞেস করলাম, ‘কেন, শিখদের আশ্রম?’

সিগারেট নেভাতে দেখে সে একটু বোধহয় খুশী হল! বলল, ‘না। তবু এ আশ্রমের মহারাজ ওটা পছন্দ করেন না। তাছাড়া শিখভক্ত এখানে সব

সময় আসে। আপনারা হরটাইম সিগারেট পিনেসে কৈসে চলগা। আপলোগ কিসীকো ধরম নহি মান্তা।

আপলোগ যানে কোন লোগ ? বাঙালী কি ? তেমনই যেন খোঁচাটি। কার ধর্মে সে বাধা দিয়েছে ? জিজ্ঞেস করলাম, ‘সো’ কয়সে মহারাজ ?’

প্রশ্ন শুনে একটু বিব্রত হল সে। হঠাৎ সে বলল, ‘ওইস। শুনতা হায় বাবুজী। কোলকতা কভি নহি দেখা। মগর, উনলোগ বড়ি জায়দা সিগ্রেট পির্তে হায়।’

প্রতিবাদ নিরর্থক। পালটা অভিযোগ অনেক তোলা যায়। তুলব কার কাছে ? যাক। দেখে যাই। সাধু নিজে ধূমবিরোধী। তাই বিরক্ত। কথার দরকার ছিল না। বললেই নিভিয়ে তার মনতুষ্ট্র করতে পারতাম।

জিজ্ঞেস করলাম, ‘এটা কোন্ আশ্রম, মহারাজ ?’

বলল, ‘সাধুবেলা আশ্রম।’ বলে নিজেই চমৎকৃত হয়ে ফিরে আবার বলল, ‘হিন্দুকো সবসে বড়িয়া আশ্রম বাবুজী। পাকিস্তানের এলাকায় পড়ে এখন বেনারসে আশ্রয় নিয়েছে। লাখ লাখ টাকা আশ্রমের সম্পত্তি। শ’ শ’ আদমি আগে খেত সাধুবেলা আশ্রমে।’

লাখ টাকার ঔজ্জ্বল্য আছে সন্দেহ নেই। নেই মিষ্টি ও উদার হাসির স্নিগ্ধতা। জুতো নিয়ে বেকতে গিয়ে গেটের কাছে চোখ পড়ল রিডিক্রম। মনটা প্রফুল্ল হল। টেবিলের উপর অনেক পত্র-পত্রিকা। দৈনিক, সাপ্তাহিক, মাসিক। রাজনীতি, সিনেমা ও সাহিত্য সবই আছে। ইংরেজী, হিন্দী, উর্দু, তামিল, মারাঠী উড়িয়া সবই আছে। অনেক ঘাঁটাঘাঁটি করেও পেলাম না বাংলা কাগজের একটি টুকরো। কেন, বুঝলাম না। যাকে নইলে চলবে না শুধু সে-ই নেই ?

বেরুবার মুখে একজন বাড়িয়ে দিল খাতা ও কলম। দর্শকের স্বাক্ষর। আপত্তি কি ? অনেক প্রদেশের বিচিত্র অক্ষরমালার মধ্যে বাংলায় লিখে দিলাম নিজের নামটি। নিচে লিখলাম, বাংলা দেশ।

এ আমার প্রতিবাদ নয়। নয় মনের বিরূপতা। অনেকের মাঝে এ শোভার আধার বাংলা ভাষা, এ লেখনে শুধু সেই তুষ্ট্র। রূপের মাঝে অপরূপকে দিলাম বসিয়ে।

বেরিয়ে এসে সোজা পাড়ি পশ্চিমোত্তর কোণে যেখানে আলোর সারি ও লোকের ভিড়। কিছুটা আসতেই এক বিরাট বাহিনী। নেতৃত্ব করছে পাঁচুগেপোল। পাঁচবজি। চোখ বটে তার। দেখেই হুঙ্কার দিল, ‘অ্যাই য্যা!

চাঁদ, কোথায় ছিলে সারাদিন, আঁ ?

শোন এবার বাঙলা কথা। হকচকিয়ে বললাম, ‘কোথায় চললেন ?’ সে কথার কোন জবাব না দিয়ে সে বলল, ‘খুড়ি, এই যে তোমার ছিরিমান। হাঁকপাক করছিলে, কোথায় গেল। এবার জিজ্ঞেস কর।’

তাই তো। তাকিয়ে দেখি, আশ্রমের সমস্ত বাঙালী সবলা ও অবলা যে আজ বেরিয়ে পড়েছে আশ্রম খালি করে ! কম করে জনা পনেরো তো বটেই। তার মধ্যে কি অপরাধ। পাঁচবছির গা ধোঁষেই খনপিসি ! শুনেছিলাম, দুই শক্তি একত্রিত হলে বিফোরণ অনিবার্য। কিন্তু চাপা জ্যোৎস্নালোকে দেখলাম, শাল-জড়ানো শীতে কাঁপা খনপিসির মুখখানি বেশ প্রশান্ত। খালি বলল, ‘সেই ছেলেটা না ?’

আর-একজন বলল, ‘হ্যাঁ !’

দিদিমা বলল, ‘থেকেছ কিছু সারাদিনে ?’

মিথ্যে বলতে হল। বললাম, ‘হ্যাঁ, থেকেছি।’

পাঁচুগোপাল বলল, ‘তবে খাওয়া মুখখানি অমন শুকু-শুকু দেখাচ্ছে কেন ?’

বললাম, ‘অনেক ঘুরেছি কি-না।’

প্রায় ভেঙে উঠল পাঁচুগোপাল, ‘খাক, আর পাক দিতে হবে না। পড়েছ বোধহয় কোন মায়াবীর পান্নায় ? খবোদার, মরবে। চাঁদপানা মুখ দেখবে আর জানটি নেবে, এর নাম কুন্তমেলা, বোয়েচ ? হ্যাঁ।’

না বুঝে উপায় ? তার কথার প্রতিবাদ করছি নে আর।

খনপিসি বলল, ‘নেও, চল বাপু। গায়ের মধ্যে কাঁপুনি দিচ্ছে। কাল আবার পুন্নিমে ! আজ-ই এত শীত, কাল না-জানি কী হবে।’

পাঁচুগোপাল বলল, ‘চল চল।’

হুটুমাটা আমাকেই করা হচ্ছে। জিজ্ঞেস করলাম, ‘কোথায় ঘুরলেন ?’

চাপা গলায় বলল, ‘নরকে। ঘোরার কি শালা মাথামুণ্ড আছে ?’ গলা ছেড়ে বলল, ‘রামকৃষ্ণ আশ্রম গেলুম, আনন্দময়ী দর্শন করলুম।’

চলতে চলতেই কানে এল দিদিমা বলছে, ‘খায় নি তার আমি কী করব ঘরে-বাইরে কি আমি এই করতেই আসি যে একজনকেই না একজনকে চিরকাল ডেকে ডেকে খাওয়াতে হবে ? তুই ধরে বেঁধে খাওয়ালেই পারতিস ?’

পাশ ফিরতেই চোখে পড়ল ব্রজবালার মুখ। জ্যোৎস্নালোকে দেখলাম। অভিমানক্ষুণ্ণ চোখ। চোখে চোখ পড়তেই ঘোমটা টেনে আড়াল করল চোখ !

কিশোরী হলেও হৃদয় যে তার রঙা। মনে মনে বলি, সেই বোঠান আমার বোন! দিন যাচ্ছে, শেষ হয়ে আসছে দেখাদেখির পালা। ঘর থেকে এসেছে দূরে। তবু ঘরের হৃদয়, মন আর চোখ ফিরছে সঙ্গে সঙ্গে, পথে পথে। কে এক পথের মাহুঘ আজীবন পাতায়। তাকে ঘিরে রাগ হাসি। তার না খাওয়ার জন্ত অভিমান। নিষ্ঠুর ও তিত্ত জীবনে বুঝি এই লোকগুলিই জীবিয়ে রেখেছে আমাদের মানবিকতা।

সারা রাত ঘুম হল না। শীত তো ছিলই। তার উপরে সারা রাত ধরে লোকের চলাফেরা কথাবার্তার বিরাম নেই। কাল পূর্ণিমার স্নান আছে সন্ধ্যায়। স্নানার্থীদের আগমন হচ্ছে। কিন্তু সে কি সারারাত ধরে? শুধু তাই নয়। জানি নে কিসের এত গান। তাঁবু-কোটরের শীতেই আমরা আধখানা। আর বাইরে স্নানার্থীদের শীত-কাপা মিলিত গলায় গানের শেষ নেই। বুঝতে পারছি সব দলে দলে আসছে। শুনেছি, সন্ধ্যায় ভিড় হবে সাংঘাতিক। তাই রাত থাকতেই সবাই ভিড় করেছে এসে আশেপাশে। স্নানের সময় বাধা আছে পাঁজি-পুঁথিতে। ঠিক সময়টিতে ডুব দিতে না পারলেই ফসকা গেরো। বুঝতে পারছি দিদিমারও ঘুম নেই চোখে। মাঝে মাঝে তন্দ্রা আসছে, আবার ভেঙে যাচ্ছে। ঠাকুরের নাম নিয়ে জেগে থাকার প্রয়াস শোনা যাচ্ছে ভাঙা গলায়।

শেষ রাত্রের দিকে বুকে আসছিল চোখ। পাঁচুগোপালের চোঁচামেচিতে তা-ও হল না। তার ‘ওঠ গো’ ‘ওঠ গো’ ভাকে চারিদিকে দৌড়াদৌড়ি ছড়োছড়ি পড়ে গেল। তাঁবুতে তাঁবুতে ডাকাডাকি হাঁকাহাঁকির হিড়িক। তার মধ্যে শীতের কামড়ের হি-হি-হ-হ। আর দিকে দিকে ব্যস্ত উৎকণ্ঠিত গলা।

‘ও নন্দ, নন্দ। আমাকে ফেলে যাস নি ঘেন।।...’

‘ও মাসি, তোমার গামছা কোথা গেল?.....’

‘ও মা, কাল যে অত করে বেলপাতা কটা পুঁটলিতে রেখেছিলুম সেগুলো তো দেখছি নে।.....’

‘ননীবাবা, আতপচালগুলান নিতে ভুলিস নে লো।।...’

‘বড় বউমা, ও বড় বউমা, তুমি যে আর শীতে বাঁচচো না বাছা। সধবা মাহুঘ, পইপই করে রাত থাকতে বলে রেখেছি, সিঁদুরটুকু আচলে বেঁধে নিয়ে

শোও, সন্ধ্যা নাইবার সময় দিতে হবে। তা আর.....’

এমনি সব নানান কণ্ঠে সাড়া পড়ে গিয়েছে। এটা নাও, ওটা নাও। বুড়িরা কাঁদছে শঙ্কায় ও উৎকণ্ঠায়। আমাদের নাও, হাত ধর! বুড়োরা গোঁড়াচ্ছে, হে ভগবান, শক্তি দাও, শক্তি দাও!

অসহ্য শীত। দূরন্ত উত্তরে হাওয়া। শীত নয়, যেন লক্ষ লক্ষ বিষধরেরা অদৃশ্যে ছোঁবলাচ্ছে চেরা জিত বার করে।

কিন্তু সময় নেই, চল চল! সন্ধ্যা সঞ্চারিত হচ্ছে অমৃত। জীবন-যৌবন, ধ্যান-ধারণা, কামনা-বাসনার অমৃত ঢেউ লেগেছে, ডুব দিতে হবে, চল চল।’

‘বেরজো, ওঠ। চল চল। পেল্লাদ, দাড়াভাই আমার, আমার সোনামানিক, চল চল।’

‘খনপিসি, চল চল।

‘ওগো তোরা আমায় ধর, আমার পা টলছে। আমায় নিয়ে চল।’ শীত। সরে যাও! মৃত্যু! দূরে যাও। দুর্বল! শক্তি ধর। অন্ধকার! আলো হও। চল চল! কি পড়ল? ঘটি? থাক। কী রইল? জামা-কাপড়? থাক। সময় নেই! ক্ষণ বয়ে যায়, চল চল!

বাইরে পাঁচুগোপালের তীব্র মোটা গলার ডাক ভেসে আসছে, ‘বেরিয়ে পড়, বেরিয়ে পড়।’

শুনছি। শুধু ডাক, শুধু চল চল আহ্বান। তবু পড়ে রইলাম। বিশ্বয়ে হতবাক, দেহ আড়ষ্ট। মন ছটফট করছে, তবু পড়ে রইলাম।

কে ডাকছে। কে ডাক দিল সবাইকে এমনি করে। কার বাঁশি বাজল। কোন্ মন্ত্র শুনল সবাই কানে কানে। কে এত ব্যাকুল হল। কেন এমন দিগ্‌বিদিক জ্ঞানশূন্য হয়ে ছুটে চলল সবাই। আশ্চর্য! এই ভয়ঙ্কর শীতে সন্ধ্যা ডুব দিতে পাগল হল সকলে?

দিদিমা বলছে, ‘পেল্লাদ ছেলেটাকে ডাক।’

প্রহ্লাদ ডাকল, ‘কই দাদা, উঠুন, সব কিন্তু ফাঁক গেল নইলে। উঃ! ও হো হো হো, দি’মা, কি শীত রে!’

বেরিয়ে পড়েছে সবাই। খুলে দিল তাঁবুর ঢাকনা। তারপর কে হ্যাঁচকা দিয়ে খুলে দিল আমার কথল।

চেয়ে দেখি ব্রজবালা। উল্লাসে, উৎকণ্ঠায় শীতে কাঁপুনিতে অদ্ভুত তার মুখে ভাব। বলল, চাপা গলায় ফিসফিস করে, ‘চল, চল তাড়াতাড়ি।’

ব্যাকুল ও করুণ আকৃতি। তারপর বেরিয়ে গেল দিদিমা আর স্বামী—
দুয়ের মাঝে দেহলগ্ন হয়ে। ডাক পড়েছে। ত্রিপুরিতে ডুব দেবে আজ
ব্রজবালা। তার জীবনে ডুব দেবে, তার যৌবনে ডুব দেবে, তার শাঁখাসিঁতুরে,
মাছ-ভাতে, স্বামীর পরমায়ুতে আর ভবিষ্যতের জাহ্নমানিকের অমৃতমস্থিত গুণ-
গহ্বরে।

কে গান ধরে দিয়েছে—

চল গো তোরা তরা করে।

সে যে আর রইবে না রে।

সোনার বরণ কালি হলে।

দেখবি অন্ধকার ॥

তখন কাঁদবি বসে ধূলায় পড়ে,

দেবতা কাঁদবে দেখে তোরে,

দেখবি, চারদিকে তোর ভরাডুবি,

পাবিনেকো পারাপার ॥

তোরা চল গো চল ॥

পাঁচুগোপালের গলা শোনা গেল, ‘সবাই এসেছে ? চল, এবার পা চালাও,
চালাও।’ পাঁচুগোপাল চালাক। পূণ্যসঙ্কয়ের হাত-ধরা-খুঁটি। জানি নে,
এতে পাঁচুগোপালের কতখানি আনন্দ ও লাভ। কিন্তু তার কণ্ঠে একটা চাপা
উল্লাসের ধ্বনি বাজছে।

খনপিসি বলছে, ‘পাঁচুদা, নাপতে ব্যাটা কোথায় গেল ?’

জবাব শোনা গেল, ‘আছে, আছে, চল চল। সন্ধ্যার ধারে বসে মাথা
মুড়োবে, ভাবনা কী ?’

মনে হল কাঁকা হয়ে গেল আশ্রমটা। সবাই চলে গেল, পড়ে থাকি কেমন
করে ? ডুব না দিই, একলা থাকব কেমন করে ? আমি যাই তাদের সঙ্গে সঙ্গে।
ডুব না দিই, ডুবেই তো আছি।

বেরিয়ে এলাম ওভারকোট চাপিয়ে। সামনে দেখা কোতোয়ালজীর
সঙ্গে। জিজ্ঞেস করলাম, ‘কী হল, যান নি ?’

কোতোয়াল বলল, ‘আমাদের আজ নয়। অমাবস্তার দিন। ওই দিন পূর্ণকৃত্ত
যোগ আছে। আজকেও কম নয়। গ্রহণযোগ আছে। কিন্তু সাধু-সম্প্রদায়
আজকে এ যোগে যোগ দেবেন না।’

তাড়াতাড়ি মুখ ধোয়ার জন্তু গেলাম পেছনের কল-পাড়ে। গিয়ে অগ্রস্তুত

হলাম। ভেবেছিলাম, কেউ নেই আশ্রমে। কিন্তু রয়েছে।

দেখলাম, তাঁবুর একপাশে নিকদেশ-স্বামী-সঙ্কানী বৌদি। খনা ঘোমটা। আঁচল এলিয়ে পড়েছে ধুলোয়। সিঁথি ও কপালে সিঁদুর। চোখে জলের ধারা। তাকিয়ে আছেন শূন্য দৃষ্টিতে। তাঁর পেছনে দাঁড়িয়ে দেবর। গম্ভীর, স্নান ও ব্যথিত।

কোন কথা নেই। দুজনেই দাঁড়িয়ে ছিলেন চুপচাপ। আশ্রম পেছনের এই নিরালা প্রাঙ্গণটিও যেন একান্ত হয়ে ছিল তাঁদের সঙ্গে। গতকাল, দূর থেকে পোশাকের ঔজ্জ্বল্যে তাঁদের এই রূপটি আমার চোখে পড়েনি, মনেও আসেনি। শুধু ব্রজবালার কাছে শুনেছিলাম, বউটি কথা বলে না কারুর সঙ্গে। সে নির্বাক।

ইতিমধ্যে রোদ উঠতে আরম্ভ করেছে। আজ এই সোনার মত সকালে সবাই মৃত্যুর বিনিময়ে যখন ছুটে চলেছে প্রাণের সঙ্গমে, তখন এই নিরালায় দাঁড়িয়ে তাঁরা দুজন।

তাঁদের পরিচয় জানি নে। জানি নে মন। মনে হল, এই নিঃশব্দ আসরে বেদনার ও চোখের জলের একটি আবেগময় সুর বাজছিল। এই নিরালা অবসরেই মানুষ তার ব্যথার মুখোমুখি দাঁড়াতে পারে, ব্যথার গৌরবে পারে হাসতে কাঁদতে।

আমি অজান্তে এসে কেটে দিলাম সুর। ভেঙে দিলাম আসর। বৌদি চকিতে একবার আমাকে দেখে ঢুকে গেলেন তাঁবুতে। দেবর রইলেন দাঁড়িয়ে কয়েক মুহূর্ত নতমস্তকে। তারপর ঢুকে গেলেন তিনিও।

আমার মুখ ধোয়া হল না। কলে গিয়ে জলে হাত দিয়ে চলে এলাম তাড়াতাড়ি।

বাইরে বেরিয়ে আসতে ভিন্ন রূপ। কোন কিছু ভাববার অবসর ছিল না। চোখ ও মন টেনে নিয়ে গেল আদিগন্ত বালুচরে। দিশাহারা করে দিল আমাকে লক্ষ লক্ষ মানুষের সমুদ্র।

কোথায় যাব, কোন দিকে যাব। যে দিকে তাকাই, মানুষ। নারী, পুরুষ, শিশু, বৃদ্ধ, অন্ধ, খঞ্জ। এক বিরাট পাগলা বজার ঢল নেমেছে দক্ষিণে। দিগন্তবিস্তৃত মৌমাছিরা চাক ভেঙে যেন কোন এক সংক্ষিপ্ত সরু পথে উড়ে চলেছে। সেই সরু পথ দক্ষিণে। গঙ্গার এপার ওপারের ছুটে-চলা মানুষ যেন কোন এক নিয়মের বশবর্তী হয়ে চারদিক থেকে এসে এক জায়গায় অগ্রসর হচ্ছে।

দক্ষিণে অগ্রসর হওয়া সম্ভব বোধ হল না। পুল পেরিয়ে চলে এলাম
প্যারেড গ্রাউণ্ডে, বাঁধের নিচে।

সবাই ছুটে চলেছে সন্ধ্যের দিকে। দল বেঁধে যাওয়া-আসার পথের নির্দেশ
দিয়েছে পুলিশ। দাঁড়িয়ে থেকে পরিচালনা করছে উদ্যত ডাটাটির বাহিনী।
দিকে দিকে কর্ণবিদারী তাদের ছইসেলের তীক্ষ্ণ ধ্বনি। ঘন ঘন বিপদ সংকেত
বাজছে বাঁশি।

ধাক্কা খেয়ে সরে গেলাম অনেকখানি। দাঁড়াবার উপায় নেই। সন্ধ্যের
ঢালুতে বন্যা উদ্দাম হয়ে উঠেছে। মাইক বাজছে, বিউগল সংকেত করেছে,
বয়স্কাউটবাহিনী করছে কুচকাওয়াজ। প্রধানমন্ত্রী শ্রীজগদ্রল ল নেহরু
আসবেন। বাঙলা দেশের কল্যাণী কংগ্রেসের পথে দেখে যাবেন একবার।

বাঁধের উপর উঠেছে সারবন্দী হাতির দল। গায়ে তাদের রাজকীয় জরি-
মখমলের ঢাকনা। সওয়ার ছাই-মাখা সাধু। সেদিকে ছুটে চলেছে একদল
মেয়ে। অবাক হয়ে ভাবলাম, কেন? এগিয়ে গেলাম।

দেখলাম, মেয়েরা দৌড়ছে, আর টেঁচাচ্ছে, ‘হে ভগবান, হে বাবা, খোড়া
ঠয়রো, ঠয়রো।’

কিন্তু ঘণ্টা জুলিয়ে বাজিয়ে হস্তিবাহিনী উঠে চলেছে। তার মধ্যে একটি
মেয়ে ছুটে গিয়ে হাতির গায়ে হাত দিল। হাসিতে আনন্দে অধৈর্য হয়ে সে
হাত কপালে ছোঁয়াবার আগেই, হাতির পেছনের পায়ের লাথিতে সে ছিটকে
পড়ল অনেক দূরে।

তবুও, তবুও আবার ছুটল। একজনকে জিজ্ঞেস করলাম, ‘কী হয়েছে, ওরা
হাতির পেছনে কেন?’

শুনলাম, হাতি স্পর্শ করে প্রণাম করবে। সে-ই হবে তার পুণ্য। ধন্ত
পুণ্য। প্রাণে ভয়ও কি নেই?

অকস্মাৎ, ‘হট যাও, হট যাও’ শব্দে চমকিত হয়ে সরে দাঁড়াতেই দেখলাম,
একদল মানুষ ছুটে আসছে। দলের সামনে ছিন্নভিন্ন ধুলো-মাখা আলখাল্লা
জড়ানো একদল মানুষ। কিন্তু মানুষ বলে আর তাদের চেনা যায় না। ধূলি-
মাখা চুল-দাড়িতে ঢাকা পড়ে গিয়েছে তাদের সারা মুখ। পা-গুলি ফুলে ফেটে
রক্ত ঝরছে। কাঁধে বড় বড় বুলি। তারা দ্রুত পায়ে চলেছে।

তাদের পেছনে পেছনে ছুটেছে মেয়ে-পুরুষের দল। আছড়ে পড়ছে তাদের
পায়ের তলায়। চীৎকার করে উঠছে, ‘দেয়া কর বাবা, দেয়া কর!’ লুটিয়ে
পড়ছে স্ববেশ পুরুষ, মহামূল্য অলঙ্কার ও শাড়ি-শোভিতা নারী।

কিন্তু আলখাল্লাবাহিনী নির্দিষ্ট। তারা থামতে জানে না।

মানুষ ছুটে ছুটে বাবার ও পয়সা পুরে দিচ্ছে তাদের ঝুলিতে।

একটি অল্পবয়স্ক নবীনা বোমটাউলী হু-হাত আড়াল করে দাঁড়াল একজন আলখাল্লাধারীর সামনে। থামতে হল আলখাল্লাধারীকে। কিন্তু সৈনিকের লেফট-রাইটের মত ওঠাপড়া করতে লাগল তার পা। চুলে-ঢাকা চোখে তার ক্রোধ নেই। ব্যস্ততা ও ব্যাকুলতা, মিনতি ও প্রার্থনা।

বোমটাউলী স্তব্ধ ক্রমাল বার করে কয়েকটা টাকার নোট পুরে দিল তার ঝুলিতে। দিয়ে হাত পাতল।

আলখাল্লাধারী তার আলখাল্লায় থামচা দিয়ে এক চিলতে ঝাকড়া ছিঁড়ে নিয়ে গুঁজে দিল তার হাতে। দিয়ে, ধাক্কা দিয়ে তাকে সরিয়ে আবার বেরিয়ে গেল।

‘মিল গয়া, মিল গয়া!’ বলে চৈচিয়ে উঠল অনেকে। কিছুই বুঝলাম না। কারা এরা, কী ব্যাপার! জিজ্ঞেস করলাম একজনকে।

সে বলল, ‘ওরা মহাপুরুষ। ওরা এ জীবনে কোন দিন থামবে না। ওরা ওদের সাধনার প্রথম দিন থেকে ছুটে চলেছে। জীবনভর ছুটবে। এই ওদের সাধনা।’ আশ্চর্য! মানুষের জীবনধারণেই বা তা কী করে সম্ভব, কিন্তু বিতর্ক অনাবশ্যক। জিজ্ঞেস করলাম, ‘কী নাম ওদের?’

সে বলল, ‘জানি নে।’

সালঙ্কারা বোমটাউলী আনন্দে খুশিতে হাসতে হাসতে চলেছে তার পরিজনদের সঙ্গে। ওই চিলতে ঝাকড়ার আনন্দ।

আবার ধাক্কা। সরে যাও, চল নেমেছে। হা হা করে ছুটে আসছে নরনারী। গতি সঙ্গমের দিকে। সে কি শুধু গঙ্গা, যমুনা ও সরস্বতীর সঙ্গম? নাকি, বিচিত্র মানুষ সেখানে সঙ্গম তৈরী করেছে সহস্র শ্রোতের মিলিত মোহনায়।

শ্রোতের টানে ভেসে গেলাম। একদল মেয়ে হাসছে, গান করছে, ঠেলে ধাক্কা দিয়ে এগিয়ে চলেছে। দেখলাম, সকলেই গৈরিকবসনা। যুবতীর সংখ্যা বেশী, প্রৌঢ়া কয়েকজন। যেন ছুটি দল। একদল মেয়ে, ফরসা লাল টুকটুকে, বোঁচা নাক, টেপা চোঁট, খুঁদে চোখ। খাটো গড়ন। বাকিরা সকলেই আর দশজনের মত। কটা কটা চুল এলিয়ে, হাসি-খুশি খেলায় তারা বনবালার মত উদ্দাম হয়ে চলেছে। কাকর কাকর মস্তক মুণ্ডিত। চোখাচোখি হলেই, চোখে-মুখে ঝলকে ওঠে হাসি। মুখ ফুটে জিজ্ঞেস করে ফেললাম একজনকে,

‘আপনারা কোথেকে আসছেন?’

সর্বনাশ। এ যে সেই গ্রামাদের দলের মত কথার পৃষ্ঠে কেবলি হাসি।
হেসে একজন বলল, ‘আমরা হরিদ্বার থেকে আসছি। তুমি?’

বললাম, ‘বাঙলা দেশ।’

‘কোলকাতা?’

আবার হাসি। জনতাও কৌতূহলিত হয়ে তাকাল এদিকে। এক গৈরিক-
বসনা বললেন, ‘আমরা অবধূতানী। আমাদের আশ্রম আছে হরিদ্বারে।’

অবধূতানী! মনে পড়ল সেই গৃহাবধূতর কথা। মনে পড়ল তার
অবধূতানীর হাসি-খুশি মূর্তিখানি। কিন্তু এরা কার অবধূতানী?

এগিয়ে চল, এগিয়ে চল। পথের দুপাশে ঝিক্কের ভিড়। হুহু, অহুহু,
খঞ্জ, বিকলাঙ্গ, অন্ধ। তাদের সামনে বিছানো ময়লা কাপড়ে ডাল চাল ফুল
পয়নার ছড়াছড়ি। এরই মধ্যে সাপুড়ে বসে গিয়েছে সাপ নিয়ে। ময়লা
ছেড়ে দিয়ে বসেছে গুণ্ডি লতাপাতা ছড়িয়ে। তাদের চীৎকারে কান পাতা
দায়।

হটযোগীরা আরম্ভ করেছে যোগ দেখাতে। মাটির তলায় মাথা দিয়ে উর্ধ্ব
তুলে দিয়েছে পা। কেউ চিত হয়ে, খালি গায়ে শুয়ে আছে কন্টকশয্যায়।

এক জায়গায় দাঁড়াতে হল। বছর দশকের একটি ছেলে, ছাই মেখে শুয়ে
আছে কাঁটার বিছানায়। মুখ হাঁ করে রয়েছে। জিভে কোড়ানো লম্বা একটি
তীক্ষ্ণ সরু ত্রিশূল। তার লাল চোখ বেয়ে জল পড়ছে। কাঁপছে থর থর
করে।

বিস্ময়ে ব্যথায় চমকে উঠলাম, এইটুকু ছেলেকে দিয়ে কেন এ ভয়াবহ ধর্ম-
লীলা। এ মহামেলায় এমন করুণ দৃশ্যের অবতারণা কেন?

পরমুহূর্তেই মনে হল, শুধু কি ধর্ম? প্রাণের ও যন্ত্রণার মধ্যে কি ওর কোন
সাধনা নেই? বাঙলা দেশে কত ছেলে পথে পথে, বাজারে ট্রেনে এমনি ভয়ঙ্কর
সাধনার ব্যস্ত। সেই সাধনা তাদের পেটের। তাদের বাঁচবার সাধনা।

আমার ব্যথার দৃষ্টিদানে ওর খলি ভরবে না। এই নিদারুণ যন্ত্রণাতেও
দেখছি, ওর ব্যাকুল নজর রয়েছে সামনে বিছানো কাপড়ের দিকে। ওর
সাধনার ডালি ভরে উঠেছে কিনা, তাই। মেয়েরা ঘিরে রয়েছে ওর চারদিক
থেকে। করুণার বিচিত্র শব্দ শোনা যাচ্ছে তাদের মুখে।

থাক করুণা। যা দিয়ে ও মানুষের দৃষ্টিকে খোঁচা দিয়েছে, ওর সেই প্রাপ্য
মিটিয়ে এগিয়ে গেলাম।

জলের ধারে এসে সে এক ভয়ঙ্কর ব্যাপার! ধারের কাছে পাক হয়ে উঠেছে জল। আর সেই পাকের মধ্যে ক্ষিপ্ত মোঘের মত ঠেলাঠেলি করছে মানুষ। মেয়ে আর পুরুষ। বৃদ্ধ ও শিশু। ওদিকে সঙ্গমের বুক জুড়ে নৌকার ভিড়। দড়ির সীমারেখা দিয়েছে বেঁধে যমুনার কোলে। প্রতিমুহূর্তে সেখানে বাজছে ভলাটিয়ারের ছইসল, উড়ছে পতাকা। ওইটি হল ডেঙ্গর জোন। নীল জলের প্রাণ-ভোলানো হাসির ঢেউয়ের তলায় চিরমৃত্যু রয়েছে তার পাকে পাকে, চোরা বালুতে। ওই যমুনার জলে যে মরেছে, সে আর কবে উঠেছে!

ঠেলাঠেলি করছে, তবু উল্লাসের অন্ত নেই! এ গুকে চান করাচ্ছে, ও একে বুক করে নিয়ে চলেছে জলে।

‘মহারাজ, মহারাজ’, বলে দু-হাত জড়িয়ে ধরল এক বৃদ্ধ। বললাম, ‘কী করব?’

সে আমার হাত ধরে টেনে নিয়ে গেল জলের কিনারে। তারপর আমার হাতখানি ধরেই জলে কাদায় মাখামাখি করে উঠে এল। কী হাসি! ফোকলা দাঁতে এক গাল হেসে কাদা হাতখানি ঠেকিয়ে দিল মাথায়, ‘জীভা রহো বাবা। পানিমে বহত ডর, মাতার নহি জানতা।’

তাঁই ভাল। আমাকে ধরে সে চান করে নিল। দুঃখের মধ্যে কাদা লাগল জামা-কাপড়ে।

এখানে লজ্জার অবকাশ নেই। কাকুর কাপড় খুলে গিয়েছে, কেউ নিজেই রেখেছে খুলে। কেউ অন্তর্বাসটুকু পরিত্যাগ করেছে। জামাটি অদৃশ্য হয়েছে গায়ের থেকে। সবই ঠিক। তবু, পাঞ্জাবী মহিলারা এদিকে যেন বড় উদাসীন। একে তো অধিকাংশই মাতার জানেন না। কিন্তু নির্বিকারভাবে তাঁরা কেমন করে শালোয়ার পাঞ্জাবী খুলছেন। কেমন করে এত লোকের সামনে সম্পূর্ণ নগ্ন দেহে হাসতে হাসতে জলে নেমে আসছেন, জানি নে। হয়তো গুঁদের দ্বারাই সম্ভব এমনি মরালীর মত জলখেলা।

দেখলাম, একজন মাঝি হাঁকছে, দো দো আনা আসুন। বেশ বড় নৌকা। অনেকে উঠছে। সঙ্গমের মাঝখানের দিকে তাকিয়ে আর থাকতে পারলাম না। উঠে পড়লাম মাঝির হাত ধরে। পাশে রয়েছে ছোট ছোট ডিঙি নৌকা। ঐ নৌকার গলুই সেই বাংলা দেশের মত। অল্পতেই ডিঙা টলমল নাচে। অথচ ছোট ছোট ডিঙাতে পাতা রয়েছে গদীমোড়া বেঞ্চি। মাথায় ঢাকনা। কিন্তু এ বড় নৌকাতে ছই বেঞ্চি কিছুই নেই।

আমাদের নৌকা ভরে উঠল। তবু মাঝি ছাড়ে না। সবাই ভাড়া দিল। মাঝির দায় কাঁদছে। সে তখনো হাঁকছে, 'সঙ্গমে নাইবে এসো, দু-আনা, দু-আনা।'

তারপর যখন নৌকা ডুবু-ডুবু হল, তখন ছাড়ল। মাঝি খেলা জুড়ল ভাল। একি ভয়াবহ নৌকাবিলাস, আমাদের মত নিতান্ত বেরসিক নরনারী নিয়ে। শুধু হাসির অন্ত নেই কয়েকটি আধুনিক গরম স্মার্ট-পরা পাগ্লাবী যুবক ও যুবতীর। অথচ ভয় তাদেরই বেশী। সঁতার জানে না। আমলে হাসিটাই ভয়ের। নৌকা যত টলমল করে, ততই তারা ভয়ের হাসি দিয়ে জাপটা জাপটি করছে নিজেদের মধ্যে। পূণ্যান্নানের সাত সকালে, চোখে মুখে মেয়েদের প্রসাধনের পলেন্তারা পড়েছে। জামাকাপড়গুলিও জলে নামার মত নয়। বাদবাকি সবাই জড়োসড়ো, উদ্ব্যস্ত। একটি বাঙালী পরিবারও উঠেছে দেখছি। তিনটি প্রোচা আর দুই যুবক। অলেস্টারের কলারে আর মাথায় জড়ানো তোয়ালে। এদিকে আবার ঘাড়ে ক্যামেরা।

কুলোয় প্রায় জনা ত্রিশের উপর নরনারী ভিড় করেছে উন্মুক্ত পাটাতনের উপর। ঘাড়ে মাথায়, বুক মুখে, কাঁধে কোলে পিঠে। তার মধ্যে মনে হল দুটি কিশোরী, একটি কয়েকমাসের শিশুকে নিয়ে ভারি ব্যস্ত হয়ে পড়েছে। পোশাকে চাকচিক্য নেই, কিন্তু অলঙ্কারের বাহুল্য দেখছি খুব। হাতে গলায় কানে সোনা প্রায় অপরিাপ্ত। তা ছাড়াও একজনের হাতে দেখছি রাশখানেক বেলোয়ারী চুড়ি। কিন্তু শিশুটিকে এনেছে কেন, বুঝতে পারলাম না।

ডাঙায় জনারণ্য, জলে নৌকারণ্য। দাঁড়ে দাঁড়ে, বৈঠায় বৈঠায়, হালে ঠোকাঠুকি। গলুয়ে গলুয়ে ধাক্কাধাকি। মাঝিতে মাঝিতে বিবাদ। হটাণ্ড, পাশ দাণ্ড। শুধু নৌকার ভিড় নয়, জলের মধ্যে ভিড় মাছবের। কোমরজলে, বুকজলে ডুব আর দারুণ শীতের হিহিকার। তার উপরে নৌকার ধাক্কা। ডুব অবস্থায় একবার চাপলে আর রক্ষে নেই।

মাঝি বলল, 'এখানেই নেমে পড় সব।'

প্রতিবাদের প্রচণ্ড কলরব উঠল। নৌকাই যখন ভাড়া হল, এত শীঘ্র কেন? মাঝি বললে কী হবে। কেউ-ই নামে না। আরো চল, আরো চল।

চারপাশের নৌকাগুলিতে ঝড় লেগেছে। স্নানের ঝড়। কেউ নৌকা ধরে, কেউ হাত ধরে স্নান করছে। হাসিতে, কান্নায়, কলহে চীৎকারে মুখরিত সঙ্গম।

জলের উপর ভাসছে ফুল বেলপাতা। ঘোলা নীলজলে কোথাও সিঁড়রের

শুঁড়ো। কিন্তু আশ্চর্য! এই ঘোলাজলের বুকেও দেখছি দুটি রঙের ধারা চলেছে পাশাপাশি। বর্ষা নয়, গঙ্গা তার স্বভাব-গৈরিক বেশ ধারণ করে নি। তার নিরন্তর দক্ষিণাভিমুখী জলের ধারা এখন টলটলে। যত এগিয়ে চলেছি, ততই ঘোলা জল ছাড়িয়ে পরিচ্ছন্ন জলের ধারা দেখা দিচ্ছে।

পাশাপাশি চলেছে যমুনা-গঙ্গা। সাদা নীল দুই ধারা। একজন উত্তর থেকে দক্ষিণে, দৃকপাতহীন। আর-এক জন পশ্চিম থেকে বাক নিয়ে দক্ষিণে। সে শুধু বাক নয়। বাকা তার স্বভাব। একজন রাগে অমুরাগে, যুগান্তের বিরহের বেদনার রঙে নীল। আর-একজন সব পাওয়ার আনন্দের বৈরাগ্য উদাসীন গৈরিক-বসনা। একজন হাসে খিলখিল করে, আর-এক জন খলখল হাসিতে উন্মাদিনী। তবুও দুজনে পাশাপাশি, একই প্রেমের টানে তারা দিগন্তে চলেছে ছুটে। সরস্বতী কোথায়? শুনেছি তিনি গুপ্ত আছেন।

আর নয়। নৌকা থামল। হাওয়া আরো বেশী, ঢেউয়ে ছলছে নৌকা। কিন্তু এল সেই বুক সমান। তার বাইরে চারিদিক দড়ির বেড়ার পাহারা।

নৌকার পাশে নৌকা। তারই মাঝে প্রাণ হাতে করে আন। দুই নৌকার মাঝখানে পেশাই হয়ে মরে গেলেও কেউ রক্ষে করার নেই।

জামাকাপড় ছাড়ার পালা শুরু হল। ছি ছি, মনে মনে বলি, হে মন! চোখ বন্ধ কর। পাঞ্জাবী মহিলাদের জামাখোলার কাহিনী আর বলব না কাঁপিয়ে ফুলিয়ে। কিন্তু তাঁরা নামবেন কি করে? মাঝি বোচারীর অবস্থা কাহিল। সবাই তাকে ধরেই ডুবে ডুবে পুণিটুকু সঞ্চয় করতে চায়। যৌবন-উচ্ছল হাসি-ছলছল, অর্ধনগ্ন পাঞ্জাবী মহিলাদের পালায় পড়ে, ফোগলা-দৈতো মাঝি হাসিতে বিরক্তিতে ‘হায় রাম রাম’ করে অস্থির। কিন্তু জলে যদি নামা হল উঠবার নাম নেই। দম্ভ! শীতও কি নেই?

সকলেই জামা কাপড় ছাড়ে, আর চায় আমার দিকে। ভাবটা, কে গো মিনসে? জামাকাপড় খোলে না কেন?

হঠাৎ চমকে উঠলাম চাপা কান্নার ফোঁপানিতে। কে কাঁদে এখানে? সেই দুইজন! যাদের মনে করেছিলাম কিশোরী। সেই তাদের একজন, কোলে যার কয়েকমাসের শিশু।

আর একজন তাকে সাহুনা দিচ্ছে, হাতে যার বেলোয়ারী চুড়ি, ‘রহো, যত রো।’ বলছে, কিন্তু চোখে তার ব্যথার ছায়া। মেঘভারাক্রান্ত সেই চোখে জল নামবে যেন এখুনি, কিছুটা বা লজ্জা! লজ্জাটুকু লোকের জন্ম। কিন্তু লোকের নজর তার দিকে ছিল না। সকলে ডুবে ডুবে পুণ্যসঞ্চয়ে মত্ত।

তার। কিশোরী নয়, তরুণী। কিশোরীর ছাপ রয়েছে তাদের মুখে। কিন্তু যখন সবাই হাসিতে, কাঁপুনিতে, স্নানে, কোলাহলে মাতিয়ে তুলেছে সঙ্গম, তখন তারা দুটিতে কেন পাশাপাশি বসে চোখের জল ফেলছে !

তার। দুজনে পুঁটলি খুলল। পুঁটলির মধ্যে জামা কাপড়। উপরের জামাকাপড়টি দেখে মনে হল, সাদা মৃগার। সকালের রোদের ঝিকিমিকি লেগেছে তাতে। আরও দুটি বস্ত্র রয়েছে সেই কাপড়ের উপরেই। দুটি সোনার বালা।

গরম-জামা-পরানো শিশুটিকে ভেজা পাটাতনের উপরে শুইয়ে দিল। শুইয়ে দিতেই, শিশুটি শুরু করল পরিত্রাহী চীৎকার। কেন জানি নে, মন ব্যস্ত হয়ে উঠল, কঁকড়ে রয়েছে। শিশুর এই অসহ্য পীড়ন যেন লাগল শরীরের প্রতিটি রোমকূপে।

কিন্তু সে কান্নায় কান দিল না তারা। যে কাঁদছিল, তাকে ধরে দাঁড় করাল আর-একজন। সে দাঁড়াল, কিন্তু সঙ্গিনীর বুক মুখ রেখে ভেঙে পড়ল উচ্ছ্বসিত কান্নায়। বাতাসে খসে গিয়েছে তার ঘোমটা, উড়ছে রুম্ম চুলের গোছা। এবার তার সঙ্গিনীও ফুঁপিয়ে উঠে বলল, ‘কাঁদিস নে শিবপিয়ানী, বোন আমার কাঁদিস না।’

কিন্তু আশ্চর্য! তাদের সঙ্গে নেই কোন পুরুষ সঙ্গী। এ নৌকার কোন মানুষের নজর নেই সেদিকে। সবাই নিজেকে নিয়ে ব্যস্ত। বুঝলাম, সবাই ভাসছে নিজ নিজ স্বদয়্যাবেগে। সেই তিন বাঙালী প্রৌঢ়াদের একজন কাঁদছে জলে দাঁড়িয়ে। ডুব দিয়ে উঠেছে, কাঁপছে শীতে ঠকঠক করে, তবু জলের দিকে তাকিয়ে কাঁদছে আর ফিসফিস করে বলছে অনেক কথা।

এদিকে শিশুটি, কান্নার আবেগে, নিজের দুটি পা ধরেছে মুঠি করে ঢুকিয়ে দিচ্ছে প্রায় নিজেরই মুখে। তারপরেই হঠাৎ কাত হয়ে, উপুড় হয়ে পড়ার মুহূর্তে হাত দিয়ে ধরে ফেললাম। ধরে তুলে নিলাম কোলের উপর।

মেয়ে দুটি অবাক হয়ে তাকাল চোখের জল নিয়ে। তারপর কৃতজ্ঞতা দেখা দিল। এমন কি পরস্পরের দিকে তাকিয়ে একটু যেন হাসল।

জিজ্ঞেস করলাম, ‘এমন করে ফেলে রেখেছ কেন গুকে?’

শিবপিয়ানীর সঙ্গিনী বলল, ‘আমরা স্নান করব।’

কী স্নান! ভেজা পাটাতনের উপর শিশুকে রেখে পুণ্য করতে নামছে দুটিতে। নৌকার ভিড়ের চাপেই শেষ হয়ে যাচ্ছে। বিরক্ত হয়ে বললাম, ‘বাচ্চাটাকে কেন?’

সঙ্গিনী বলল, 'ও চান করবে।'

চান ? পৃথিবীতে আসতে না আসতে পুণ্যস্নান ? জিজ্ঞেস করলাম, 'ওকে কেন ? তোমরা করলে হত না ?'

দুঃখ থাক, বেদনা থাক, এমন করে কথা আরম্ভে তারা দুজনেই কিছুটা বিব্রত, সম্বুচিত। একটু চুপ করে থেকে সঙ্গিনী বলল, 'ওর বাবা নেই, ওকে তো বাঁচিয়ে রাখতে হবে, না চান করলে চলবে কেন ?'

বলতে বলতেই দেখলাম, সঙ্গিনীর শিবপিয়ানী আবার ব্যাকুল হল কেঁদে। তারপর ছুটিতে নৌকার ধারে গেল। সঙ্গিনী বলল, 'ওর মাকে একটু চান করিয়ে দিই। তুমি—'

বাদবাকি চাউনিতেই প্রকাশিত। 'তুমি বাচ্চাটাকে দেখো।'

ওরা নেমে গেল জলে। ডুব দিল। আর উত্তরপ্রদেশের এই দুরন্ত পিতৃহীন শিশু এক অপরিচিত বাঙালীর বোলটি কচি কচি পা ছুটো আছড়ে ঠেলে, শূন্য হাত তুলে লালার উদ্দীর্ণ করে মাতিয়ে তুলল। বুঝলাম, যুবতী শিবপিয়ানী বিধবা। এই শিশুর মা।

শিশু মাহুষ চেনে না বুঝি এখনো। মাহুষের উষ্ণ কোলটি বুঝেছে। কোলটি পেয়েছে, অমনি চারিদিকে আলো ও শব্দের মাঝে তার বিচিত্র জগতে গিয়েছে হারিয়ে।

সকলের সঙ্গে সঙ্গে ছুটে এলাম, পুণ্যস্নান দেখব বলে। কোথা থেকে এসে বুক জুড়ে বসল এক শিশু। তার পরিচয় জানি নে। কেমন ছিল তার বাপ, কে জানে! ওর মায়ের দেহে অলঙ্কার দেখে অহুমান করতে পারি নি, সে বিধবা। জানি নে, ওই অলঙ্কারের পেছনে কতখানি নিরাপত্তার খুঁটি দাঁড়িয়ে আছে এই শিশুর জন্ম। পিতৃহীনতা বোঝে না, পুণ্য বোঝে না। এই সঙ্গমের বুকে এক বিচিত্র মাহুষ, ও এসেছে, ওর পরমায়ুর সন্ধানে, এই অমৃতকুণ্ডের সঙ্গমে। ওর এই পরমায়ুর সন্ধান পীড়ন মাত্র। এই পীড়নের পেছনে আছে কুসংস্কার। কিন্তু ওর মায়ের সারা বুক জুড়ে রয়েছে ও। প্রাণের আকাঙ্ক্ষার মর্ষাদাই এখানে বড়। কুসংস্কার তো সমাজের অভিশাপ।

ওর বাবা নেই, সেজন্ত যতটুকু ব্যথা, ওর বুকজোড়া দাপাদাপি সেই পরিমাণেই উল্লাসের ধ্বনি হয়ে বাজল বুক। এক সঙ্গীকে হারিয়েছিলাম পথে আসতে। সে আসছিল তার ব্যাধিমুক্তি ও আয়ু সন্ধানের জন্ত। আমরা একজন মরি, আর একজন জন্মাই। দিবানিশি এই যাওয়া-আসার মধ্যে আমরা নতুন থেকে নতুনতর। একজনের আকাঙ্ক্ষা পুরাই আর-একজন।

একজন পথের শেষে, শুরু করি আর-একজন। সেইজন্য আমরা মানুষ, আমরা বন্ধু!

একজন বিডম্বিত জীবনের প্রাসাদ করালরোগ নিয়ে চলে গিয়েছে আর-একজনকে আলিঙ্গন করছি। ওকে পথে পেলাম, পথেই ছেড়ে দিয়ে যাব। ও বেঁচে থাক, পথের এই কামনা নিয়ে ঘরে ফিরে যাব।

শিবপিয়ানী উঠেছে, কাপড় ছেড়েছে। কথায় বুঝলাম, তারা দুই জা। বাড়ি এলাহাবাদ শহরেই।

নতুন কাপড় পরে শিবপিয়ানী পুঁটলি থেকে ফুল-বেলপাতা গোছাতে গোছাতে বার বার গুপ্ত কটাক্ষে দেখল তার শিশুকে। তার ঘোমটা তুলে হাত বাড়িয়ে বলল, 'দাও।'

তুলে দিলাম। দুজনে মিলে শিশুর জামা খুলে, আবার শুইয়ে দিল পাটাতনে। দিয়ে, অঞ্জলি ভরে জল নিয়ে ছিটিয়ে নাইয়ে দিল তাকে। আর-এক দফা চিলকঠের চোচানি ছাপিয়ে উঠল। লক্ষ লক্ষ গলার চীৎকার। জামা পরিয়ে তার হাতে পরিয়ে দিল মোনার বালা। তারপর ওকে আবার শোয়াতে গিয়ে অসঙ্কোচে তুলে দিল আমার কোলে।

দিয়ে নিজেরা ফুল বেলপাতা সিঁচুর দিল জলে। হঠাৎ কি হল জানি নে।

শিবপিয়ানীর হাত চেপে ধরল তার জা। কিন্তু শিবপিয়ানী হাত ছাড়িয়ে নিয়ে নিজের হাত থেকে দুটি মোনার চুড়ি খুলে ফেলে দিল জলে।

শুধু তার জা ম্লান হেসে বলল, 'পাগলী।'

কিন্তু বাধা দিলেও আক্ষেপ নেই তার আর। এবার আমার দিকে ফিরে একটু হাসল শিবপিয়ানী। হেসে, দেখল নিজের ছেলেকে। এবার আর নিজেরা বলে, সঙ্গিনী জাকে বলল, 'ওকে আমার কোলে দাও।'

বুঝে, আমি নিজেই শিশুটিকে তাড়াতাড়ি এগিয়ে দিলাম।

মাঝি হাঁক দিল, 'ওঠো ওঠো! আমাদের আবার খেপ দিতে হবে।'

এখনো অনেকেই জলে। শিখ গৃহিণীদের দেখছি এখনো গুঠবার সময় নেই। স্বয়ং শিখ পুরুষেরাও নেমেছে।

হঠাৎ ওভারকোট টান পড়তে পেছনে ফিরলাম। দেখি, আল্লায়িত সিন্ত কেশ ও শ্রাশ্র উৎফুল্ল শিখ একজন। চোখে তার রীতিমত ছুটামির হাসি। বল, 'আরে ভাই, তুমি জলে নামছ না কেন?'

সর্বনাশ। জলে নামব কি এইসব জামাকাপড় পরে। বললাম, 'বিয়ার ছায়।'

যতক্ষণ তার দিকে অবাক হয়ে তাকিয়ে ছিলাম, ততক্ষণে জলের ছিটায় ভিজে উঠেছে আমার ওভারকোট। একলা নয়, সঙ্গিনীসহ হাসিতে চীৎকারের ভয়াবহ জলকেলিতে তাড়াতাড়ি উঠে পড়লাম। হেসে বলল, ‘আরে ভাই, থোড়া তো লাগাও।’

লাগাব কি! ঠাণ্ডা জলের কয়েকটি ধারা তখন শরীরটাকে কেটে কেটে নীচে নামছে। সকলেই হেসে উঠল।

মাঝটাও হাসতে গিয়ে যেন কেঁদে উঠল। বলল, ‘নৌকা ছেড়ে দেব কিম্বা।’

আবার নৌকার ভিড় ও মানুষের মাথা ঠেলে ফিরে আসা।

পাড়ে এসে, ভিড়ের মধ্যে দেখলাম খনপিসী। প্রায় বিপুলকায় পুরুষের মূর্তি ধরেছে। মাথাটি একেবারে নিরঙ্কুশ মুণ্ডিত। কী কাণ্ড! প্রহ্লাদ, দি’মাও দেখছি স্ফাড়া মাথা।

তখনো নৌকা থেকে নামা হয় নি। প্রহ্লাদ দেখে ফেলল। বলল, ‘এই যে দাদা, বেশ হাওয়া খেয়ে বেড়াচ্ছেন। মাথা মুড়োবেন না?’

হেসে বললাম, ‘না।’

প্রহ্লাদ বলল, ‘কেন? পাপ করেন নি কোনদিন?’

জবাব দিতে গিয়ে হেসে ফেললাম। প্রহ্লাদ বলল, ‘করেছেন নিশ্চয়ই। মুখ দেখেই মনে হচ্ছে। জানেন না।’

প্রয়াগে মুড়িয়ে মাথা।

মরগে’ পাপী যথা তথা ॥

‘মুড়িয়ে নিন, তারপর আবার পাপ করবেন, কিছু হবে না, আগের পাপটা তো কাটান।’

খনপিসী থাক করে উঠল, ‘ছি ছি ছি, কি অনাচ্ছিটির কথা। সঙ্গমে দাঁড়িয়েও মুখের রাখ-টাক নেই?’

প্রহ্লাদ অগ্নিদিকে ফিরে বলল, ‘আর রাখ-টাক। শালা এখনো সকাল থেকে দু-হাত এক হল না, সঙ্গম দেখাচ্ছে।’

দু-হাত এক হওয়া মানে, দু-হাতে কলকে ধরা। ভাগ্যি কথাটা খনপিসির কানে যায় নি। ব্রজবালা জলে নেমে কাঁপছে ঠকঠক করে। চকিতে একবার আমাকে দেখল, তারপর আবার সোমটার আড়াল।

আমাদের নৌকা পাড়ে ঠেকল প্রায় খনপিসিবাহিনীকে ভেদ করে।

নৌকা থেকে সবাইকে হাত ধরে ধরে নামাল মাঝি। শিবপিয়ানী আর

তার জা নেমে দাঁড়িয়ে ছিল। দাঁড়িয়ে ছিল বলতে পারি নে। ভয়াবহ ভিড়ের
ঝড়ে খাড়া হয়ে ছিল কোনরকমে।

আমি নেমে আসতে শিবপিয়ানীর জা বলল, ‘যাচ্ছি!’

বললাম, ‘আচ্ছা।’

শিবপিয়ানী তার কোলের ছেলেকে কাঁকানি দিয়ে বলল, ‘বল্ যাচ্ছি!’

আচমকা কাঁকানি খেয়ে শিশু একটু অবাক হয়ে থমকে রইল। পরমুহুর্তে
হাত-পা আফালন করে কয়েকটি দুর্বোধ্য শব্দ করে উঠল তার মাড়ি দেখিয়ে।
শিবপিয়ানী ঘোমটার আড়াল দিয়ে একটি হাসিচকিত কটাক্ষে যেন বলে দিল,
‘দেখলে তো, কেমন বলতে পারে?’ তারপর শিশুকে নিয়ে হাসতে হাসতে চলে
গেল তারা।

একটি নিঃশ্বাস ফেলে আবার ফিরে দেখতে গেলাম খনপিসিবাহিনীর দিকে।
কিন্তু ও কে? খনপিসির পাশে? সর্বনাশ! সর্বনাশী স্বয়ং? আমারই
বুকের মধ্যে কেঁপে উঠল। না জানি কী দুর্ঘটনা ঘটে যাবে চক্ষুর পলকে!
কিন্তু কী আশ্চর্য! এত কাছে, প্রায় গায়ে গায়ে, তবু খনপিসির চোখে একবারও
পড়ছে না সর্বনাশী।

আর এ কি বিচিত্র রূপ সর্বনাশীর! এ বিচিত্র বেশ তার কাপড়ে নয়, জামায়
নয়, সিঁহুরে। তার সিঁথি-ভরানো সিঁহুরে, তার কপাল-লেপা সিঁহুরে।
কপাল ও সিঁথির মেটে সিঁহুরে মাথামাথি হয়েছে সারা মুখ। জলে-ভেজা
জামা কাপড়। তার বক্ষলগ্ন এক পুরুষ। কালো রোগা ক্ষীণজীবী পুরুষটির
গলায় একরাশ মাছুলি। বহুদিনের না-কাটানো এক মাথা ধূলিরক্ষ ভটের মত
চুল। শীতে কাঁপছে থরথর করে। দু-হাতে আঁকড়ে ধরে আছে সর্বনাশীর বুক
ও পিঠ। অসহায় জীবের মত তাকিয়ে আছে ওর মুখের দিকে।

সর্বনাশীর চঞ্চল চোখে কোথায় সেই দুঃস্বপ্ন কটাক্ষ, কঠে সেই সেয়ানা
পাখির ডাক! গম্ভীর মুখে তার বিষন্ন স্নেহজড়িত হাসি। স্নিগ্ধ চোখে
তাকিয়ে দেখছে বক্ষলগ্ন পুরুষটিকে। কী যেন বলছে তাকে আর অঞ্জলি ভরে
জল নিয়ে ঢেলে দিচ্ছে তার মাথায়। পুরুষটি মাথা পেতে জল নিচ্ছে আর
শিশুর মত হেসে উঠছে।

হঠাৎ একটু ধাক্কা লাগল খনপিসির গায়ে। মুণ্ডিতমস্তক খনপিসি তখন
কোমরজলে দাঁড়িয়ে, আঙ্গিক সেরে নিচ্ছে। বিরক্ত চোখে ফিরে তাকাল।
বুঝলাম, এখুনি লাগবে, পিটান দিই তার আগেই। কিন্তু অবাক কাণ্ড!
খনপিসির বিরক্ত মুখে দেখি হাসির আলো। মুণ্ডিতমস্তক, প্রকাণ্ড মুখে সে

হাসি যে কতখানি বিচ্যন্ন না দেখলে বুঝি বোঝা যায় না। কিন্তু কেন ?
খনপিসি কি সর্বনাশী মেয়েটিকে চিনতে পারল না ? পরিবেশে ও কাজের গুণে
মাহুয়ের চেহারাও কি বদলে যায় ?

তাই। তাই যায়। জানি নে, কেমন করে চিনতে পারলাম সর্বনাশীকে।
কিন্তু খনপিসি স্থল ঠোট দুটি বিস্তারিত করে জিজ্ঞেস করল, ‘কে বাছা এটি ?
তোমার স্বামী ?’

সর্বনাশী জবাব দিল ঘাড় নেড়ে, ‘হ্যাঁ।’

বেদনার ছায়া ঘনিয়ে এল পিসির চোখে। বলল, ‘আহা, ব্যামোয় ভুগছে
বুঝি অনেকদিন থেকে ?’

সর্বনাশীর চোখেও ঘনিয়ে এল তেমনি ছায়া। বলল, ‘হ্যাঁ, অনেকদিন।’

খনপিসি ব্যথা-কাতর চোখে কয়েকমুহূর্ত তাকিয়ে দেখল পুরুষটিকে।
ছলছলিয়ে উঠল চোখ। একটি উদগত নিঃশ্বাসের মধ্যে পরম আশ্বাসের স্বরে
বলে উঠল, ‘ভাল হয়ে যাবে মা, আমি বলছি। এত কষ্ট করে সঙ্গমে নিয়ে
এসেছ, কে নেবে ওর পেরমাছু। তোমার শাখা সিঁহুর অক্ষয় হোক, চির-
আয়ুস্বতী হও।’

বলে, আকাশের দিকে মুখ তুলে নমস্কার করল খনপিসি। জানি নে, কী
বুঝল ওই বিদেশিনী এই বাংলা কথার আশীর্বাদের। সে তার বরকে বার বার
সঙ্গমের জল দিয়ে সিক্ত করতে লাগল। কিন্তু আমার মনে শুধু বিস্ময় ছিল
না। আরো কিছু ছিল।

যা ছিল, তা আমার আনন্দমুখরিত বিস্ময়, শ্রদ্ধা ও বেদনার নমস্কার।
নমস্কার মাহুয়ের জীবনের ও হৃদয়ের কোটি কোটি বৈচিত্র্যকে, অপরূপ
বিচিত্রকে।

মনে করেছিলাম, ওই মেয়ে শুধু সর্বনাশের হাতধরা সঙ্গিনী। মনে
করেছিলাম, সেই সর্বনাশে শুধু পাপলীলা। ধ্বংসের উন্মাদনায় মাহুয়ের প্রতি
অশ্রদ্ধা ও প্রেমহীনতায়, সে শুধু তার ঘোবনের অগ্নিকণা ছিটিয়ে যায় মাহুয়ের
চোখে। অস্বীকার করব না, তার ভ্রষ্ট জীবনের পঙ্কিল হাত থেকে নিজের
পরসার ব্যাগটি বাঁচিয়ে ধিক্কার এসেছিল মনে। ভেবেছিলাম, পক্ষে ডুবে যাওয়ার
জন্ত ঘাতে হাত পড়েছিল, তাকে বৃকে মুঠি করে ধরে এ কোন্ পরসারবর্ষ অসহায়
মাহুষ আমি ?

আজ সেই পঙ্ক-সঙ্গমের অঙ্কে পঙ্ক ? একেই মনের সেটিমেন্ট বলে কিনা
জানি না। কিন্তু ওই পুরুষটি যদি ওর বর না হত, হত অন্ত কোন পথেরই

মাহুয, তাহলেও কি নত হৃদয়ের এ নমস্কারকে ফিরিয়ে নিতে পারতাম ? কে পারত ? হৃদয়ের কোনও এক অংশ জুড়ে ছিল যার এই লীলাক্ষেত্র, প্রেমে ও স্নেহে যে সর্বনাশী এমন মূর্তি ধরতে পারে, যে এমনি করে অস্তিতে হয় একাকার, তাকে পক্ষ বলে ফিরে যাব, সে দুঃসাহসও আমার নেই। যেন কারুর কোনদিন না থাকে।

শুধু খনপিসি নয়, দলের কেউ-ই তাকে চিনল না। সেও চিনল কি-না কে জানে ! এখন যদি একবার চোখাচোখি দেখা হয়, তবে হয়তো আমাকেও চিনতে পারবে না। পারবে না, কেন-না, আমি যে তার এ জীবনের কেউ নই। এখন সে ডুবে আছে। সেখানে তার নিজের মেলা। সেখান থেকে যখন উঠবে ভেসে, তখন এই বাইরের মেলা, তখন আমরা, তখন আমি।

ভিড় ঠেলে এলাম উপরে। আজ আর না-ই হোক দেখাদেখি। সে যে বিচিত্রের দ্বার খুলে দিয়েছে আমার চোখের সামনে, সেই দোরগোড়ায় জমা হয়ে থাক আমার বিশ্বয় ও নমস্কার।

উঠে দেখি ঘোড়সওয়ার ছুটছে ! নেহরু আসছেন। মাহুযের দুরন্ত গতি আচমকা, দুদিকে ফিরছে। একদিকে প্রধান মন্ত্রী, অন্যদিকে সঙ্গম।

ঠাণ্ড ঘাড়ের কাছে ঠাণ্ডা স্পর্শে ফিরে তাকলাম। সর্বনাশ ! তাকিয়েই লাফিয়ে সরে গেলুম দু-পা। একটি প্রকাণ্ড ময়াল সাপের ল্যাজ এসে ঠেকেছে গায়ে। ল্যাজটি টেনে গলায় জড়িয়ে নিয়ে, একরাশ হলদে দাঁত বের করে হাসল সাপের মালিক। ভাঙা মোটা গলায় বলল, ‘কুছ ডর নহি বেটা। এ মস্তপুত শিব-হার।’

একে তো ভয় পেয়েছিলাম। তার উপরে হেসে হেসে এ ভয়ংকর শিব-হারের কথা শুনে বড় রাগ হয়ে গেল। বললাম, ‘খুব হয়েছে। সাপের ল্যাজ ঠেকিয়ে ছাড়া কি ডাকা যায় না ?’

কিন্তু রেয়াত করল না সে আমার রাগকে। পরণে তার ময়লা গেকুরা আলখাল্লা বিশেষ। হিসাব করলে মিলবে শতখানেক তালি। চেহারা খানিকটা ভূতানন্দ ভৈরবের ছাপ। চুল দাড়িও সেই রকমেরই। কিন্তু গলায় এতবড় একটা ময়াল, এই দারুণ ভিড়ের জনতাকেও দূরে সরিয়ে রেখেছিল অনেকখানি। যে দেখে, সেই ভীত চকিত চোখে তাকিয়ে কয়েক হাত তফাত দিয়ে যায়। কাঁধে তার বড়সড় বুলি একটি। হাতে বিচিত্র লাঠি। লাঠি নয়,

যেন একটি আকাবাকা সাপ।

আমার ক্রুদ্ধ মুখের দিকে সে শিবনেত্রে চেয়ে হাসল। হেসে বলল, ‘দেখ বেটা বাবুজী, এ যাকে স্পর্শ করে, তার কপাল ভাল। তোরও কপাল আমি খুব ভাল দেখছি বাবুজী।’

বলে সে সত্যি সত্যি কয়েক মুহূর্ত নিরীক্ষণ করল আমার কপাল। বুঝলাম, গতিক ভাল নয়। বাপ মা আত্মীয় বন্ধুস্বজন যে কপাল কোনদিন ভাল দেখে নি, সে কপাল আজ অকস্মাৎ এই আলখাল্লাধারীর কাছে ভাল হয়ে ওঠা ভাল নয়। পেছন ফেরার উদ্যোগ করে বললাম, ‘হবেও বা।’

সে তাড়াতাড়ি আমার কাছে এসে বলল, ‘শুন বেটা, কোথায় যাচ্চিস। তোর ভাগ্য ভাল। কপালে তোর শিব লীলা করছে। আজ তোকে আমি মহাদেবের প্রসাদ দান করব।’

বলে সে চট করে হাত চুকিয়ে দিল তার ঝুলিতে। বন্ধ মুঠি বের করে বলল, ‘হাত পাত্।’

বুঝলাম, বিপদ বড় দড়ো। কী দেবে সে হাতে? একবার এক সাপুড়ে এমনি হাত পাততে বলে বেমালুম হাতের উপর ছেড়ে দিয়েছিল একটা জীবন্ত কাকড়া বিছে। অবশ্য সে বিছের হল ছিল না। কিন্তু শিউরুনি তো কাটে না তাতে। এও যদি তেমনি হয়?

বললাম, ‘কী আছে, দেখাও।’

সে বলল, ‘নারাজ ন হো বেটা। হাত পাত্ আমি দিচ্ছি।’

কী মুশকিল! এদিকে ভিড় হচ্ছে আমারই চারপাশে। যত আমি চলতে চাই, সে তত আমার পিছনে ধাওয়া করে। হাত পাততে হল। সে আমার হাতের উপর কী একটা দিল। চেয়ে হঠাৎ মনে হল, কোন ছোট জাতের পোকা, কিন্তু মৃত। বস্তুটি শক্ত, সরু ও লোমশ।

জিজ্ঞেস করলাম, ‘কী এটা?’

সে বলল, চাপা গলায়, ‘শেয়ালের শিং।’

শেয়ালের শিং? অনেক চতুষ্পদীয়ের শিং দেখেছি চোখে ও ছবিতে। কিন্তু এমন অভূতপূর্ব বস্তু তো কখনো দেখিনি, শুনিনি শেয়ালের আবার শিং গজায়! বিশ্বাস অবিশ্বাসের কথা না হয় রইল কিন্তু শেয়ালের শিং দিয়ে কী রূপ খুলবে আমার কপালের? জিজ্ঞেস করলাম, ‘কিন্তু কী করব এ দিয়ে?’

সে বলল হেসে হেসে, ‘তোর কিছু করতে হবে না বেটা। তুই খালি রেখে দিবি। যা করবায়, স্বয়ং শিব করবেন। সব শেয়ালের শিং হয় না। যে

মহাদেবের সাক্ষাৎ পায়, তারই হয়। কখন? না, যখন মহাদেব কালিকা-দেবীর সঙ্গে মিলতে আসেন, তখন যে ‘শিয়াল’ তাঁর সাক্ষাৎ পায় তারই শিং গজায়। তোর কপাল ভাল, পেয়ে গেলি।’

তা হবে হয়তো। কিন্তু যে সাধনা আমি করিনি, তার ফলে কেন ভাগ বসাই। জানিনে মহাদেবের দর্শনগ্রাপ্ত কোন্‌ সে ভাগ্যবান শেয়াল, আর তার শিং কেটে ভাগ্যবান আজ এই সাধক। কিন্তু আমার ভাগ্যের বড় দুর্ভাগ্য পথে যাত্রা। এ দিয়ে আমার কী হবে?

আমার দ্বিধাযুক্ত ভাব দেখে আলখাল্লাধারী তাড়াতাড়ি আমার কানের কাছে মুখ এনে ফিস্‌ফিস্‌ করে বলল, ‘ইস্‌ মে বশীকরণ হোতা হ্যায় বেটা। ছনিয়া তোর বশ হয়ে যাবে। মনের মাহুষ তোর কাছে আসবে। তোর দিল্‌ ভরে দেবে।’

হেসে উঠলাম। যে মন নিয়ে বেরিয়েছিলাম পথে, সেই মনের হাসিটা যেন এই কদিন পরে গঙ্গা-যমুনার তীরে বেরিয়ে এল স্বরূপে। বশীকরণ, তাও মনের মাহুষকে? মনের মাহুষ খুঁজতে গিয়ে কেউ বিবাগী। কেউ পেয়ে, না পেয়েও বিবাগী। মনের মাহুষ! সে কেমন জানি নে। কোথায় তার বাস, কেমন তার রূপ তাও জানি নে। নিশিদিন তো খালি এই গুনগুন করছি,—
ঘুরেছি পথে বিপথে

গহন বনে বনে।

মন-পাখি গেয়েছে শুধু

রয়েছি, তোমারি মনে মনে ॥

অকারণে কেন মনের মাহুষকে শেয়ালের শিং দিয়ে ব্যতিব্যস্ত করা। সে যে আড়াল থেকে এই লক্ষ মুখের হাসি দিয়ে আমাকে বিদ্রূপ করবে। বললাম, ‘সাদুজী এ আমার দরকার নেই।’

কিন্তু সে নিরাশ হবার পাত্র নয়। গম্ভীর মুখে, চোখ ঘুরিয়ে বলল, ‘বেটা, সব দরকার তো তোর বোঝার মধ্যে নয়। এটা তোকে নিতেই হবে। হাওয়া লাগাস নি, পবিত্রজ্ঞানে পাকিটে ফেলে রাখ। আর আমায় খুশী করে দে।’

তাকে খুশী করাটাই বোধহয় আসল। বললাম, শেয়ালের শিং না গজিয়ে সে ছাড়বে না। জিজ্ঞেস করলাম, ‘কী ভাবে, বল?’

সে চোখ বুজল, আবার খুলল। বলল, ‘বেশী নয়, আমাকে পাঁচটা টাকা দিয়ে দে।’ অচিরে তার বশীকরণ যন্ত্র বাড়িয়ে ধরলাম। আমার শহুরে মূর্তি

ধরে বলতে হল, 'এই নাও বাবা, তোমার জিনিস। পাচ টাকা দিয়ে এ জিনিস কিনতে পারব না।'

কিন্তু সে আমার চেয়েও অগ্রসর। বলল, 'কেনাকাটা নয় বাবা, দান। তোমারো দান, আমারো দান। 'আচ্ছা ছুটো টাকা দে।'

আমি হাতটা আরো এগিয়ে দিয়ে বললাম, 'আমাকে রেহাই দাও সাধুজী, দু-টাকা আমার কাছে নেই।'

'কত আছে বেটা?'

মিথের আশ্রয় না নিয়ে আর পারলাম না। বললাম, 'চার আনা আছে।' চোখে তার অবিধ্বাস দেখা দিল। অবিধ্বাসী চোখে একবার দেখল আপাদমস্তক। হতাশভাবে বাড় নেড়ে বলল, 'তাহলে ফিরিয়েই নিতে হয়।'

বাচলাম। ফিরিয়েই দিতে গেলাম। সে চিন্তিতভাবে বলল, 'কিন্তু দান তো ফিরিয়ে নিতে পারি না। আচ্ছা দে, চার আনা-ই দে। তোর কপালে ছিল।'

এতখানি যখন হল, আর একটু হোক। বললাম, 'তোমাকে চার আনা দিলে আমি কী খরচ করব? দু-আনা নাও।'

এবার আর তার মুখে কথা নেই। তীর্থক্ষেত্রে আমার মত এমন বেয়াদব পুণ্যার্থী থাকতে পারে, এটা বোধহয় সে ভাবতে পারে নি। সে বড় বিমর্ষ হয়ে পড়ল। কোথায় তার সেই সাধনদীপ্ত চোখ? দেখি ছুর্ভাগার করুণ ছুটি চোখে তার নিরাশার গ্লানি। দু-আনা দিলাম। সে তবু হাত পেতে রইল।

চলে যাই দেখে ডেকে বলল, 'বাবুজী, গরীবটাকে একটু চা খাওয়াও। আর কী বলব?'

তার মাঝে এবার আসল মাহুঘটি দেখা দিয়েছে। জীবনের রসদ খোজার এই তার পন্থা। মাহুঘের আসল মূর্তি দেখা দিলে কে আর তাকে অবহেলা করতে পারে। বললাম, 'চল খাওয়াচ্ছি।'

সন্ধ্যের এই তাঁবু-নগরে চায়ের দোকানের অভাব নেই। দোকানে গিয়ে বললাম, 'তোমার বস্তু তুমি নাও, পরসী তোমাকে দিতে হবে না।'

সে গরম চায়ে 'ফু' দিতে দিতে জিভ কাটল। 'আরে বাপু, ও আমি আর ফিরিয়ে নিতে পারব না।'

ভাঙি তো মচকাই না। চায়ের গেলাসে ঘন ঘন চুমুক দিয়ে বাহুজ্ঞান লুপ্ত হল তার। শেয়ালের শিং দিয়ে বশীকরণ করতে পারল না। ওই চোখ দিয়ে বশীভূত করল আমাকে। চায়ের পরে আরো দু-আনা দিয়ে বললাম,

‘চলি সাধুজী।’

বিস্মিত হাসিটি তার চোখে দেখা দেওয়ার আগেই ভিড়ে মিশলাম।

ভিড়ের মধ্যে হিদের মা। হাত ধরে বলল, ‘বাবা যে!’

ঘুরে ঘুরে ছুপুর গড়িয়ে গিয়েছে। আশ্রমমুখী হয়েছিলাম। দেখলাম, হিদের মার সামনে একজন সাধু।

বললাম, ‘কী করছেন?’

হিদের মা সাধুকে দেখিয়ে বলল, ‘এই বাবাজীর কাছে বসে একটু কথা শুনছিলুম। বড় সুন্দর কথা বলে। বলে, মা, যে জন্ম-দেনদার, সে যদি মুখ ঘুরিয়ে চলে, পাণ্ডনাদার হাসে। তুই খুব হাস, হেসে হেসে বেড়া। মায়ের দেনা শোধ হয় না। তুই মরলে, তোর ছেলে মুখে আগুন দিয়ে কাঁদবে। ভাববে তখন, কেন দেনা শোধ করিনি মায়ের?’

বলে হাসল হিদের মা। মোটা আর কাটা লেন্সের আড়ালে সেই মুগ্ধ চোখজোড়া। কিন্তু হাসিটি যেন অসম্পূর্ণ। বলল, ‘তা হলে যাই বাবাজী। বাবাজী, আবার কাল আসব, আপনি আমাকে একজন সদ্‌ব্রাহ্মণ সাধু মিলিয়ে দেবেন। আমি তাঁরে ভোজন করাব।’

সাধু ক্ষীণদেহ। জটা প্রকাণ্ড। তবে, এই শীতেও নগ্নদেহ। শুধু কপ্‌নি জাঁটা। বলল, ‘বটে। বেশ তো মা, আমিও ব্রাহ্মণ। আমাকে ভোজন করিয়ে দাও।’ হিদের মা এক মুহূর্ত দেখল সাধুটির দিকে, তারপর বলল, ‘বেশ তো বাবা, চল, তুমিই আমাকে আশীর্বাদ করবে।’

আমি বললাম, ‘তাহলে চলি আমি।’

কিন্তু হাত ছাড়ল না হিদের মা। বলল, ‘যাবে কেন? চল, বাবাজীকে খাওয়াই। দেখে যেও।’

বলে, আমার আপত্তি না মেনে হাত ধরে নিয়ে চলল সে আমাকে। এতে আমার কিছুই করবার ছিল না। কৌতুহলও অল্পভব করলাম না। বরং খানিক ভয়ই ছিল। হিদের মা খাওয়াবে, কিন্তু কী দিয়ে খাওয়াবে সে!

সারনেই একটি ছোট খাবারের দোকান দেখে দাঁড়াল হিদের মা। আহ্বান করল বিদেশী দোকানদার। খেলার তেমন ভিড় নেই দোকানটিতে। পিতলের বড় বড় বাটায় করে সাজানো রয়েছে প্যাড়া, পাকানো খোয়া আর সন্দেশ। পুরিও ভাজা হচ্ছে।

হিদের মা দোকান থেকে জল চেয়ে নিল। নিজের হাতে জল ছিটিয়ে, আঁচল দিয়ে মাটি লেপে সাধুকে বলল, ‘বোসো বাবা।’

মাধু বসে বলল, ‘কত খাওয়াতে পারবি মা?’

হিদের মা বলল, ‘যত তুমি খেতে পার বাবা।’ বলে দোকানদারকে বলল, ‘বাবাজীবনকে খেতে দাও বাবা। পুরী সন্দেশ প্যাড়া, সবরকম দাও।’

কিছুক্ষণের মধ্যেই আমার মুখ চূর্ণ হয়ে উঠল। ওকি খাওয়া! এ যে খামতে চায় না! কিন্তু হিদের মা মুক্কচোখে, যেন প্রাণভরে সেই খাওয়া দেখছে। আমার মুখ চূর্ণ হল, কারণ আমার যে এক ভয়। সে ভয় ধরিয়ে দিয়েছে হিদের মা নিজে। এত পয়সা সে কোথা থেকে দেবে? তবে কি, ভাবতে যতই সংকোচ হোক, তবে কি সেইজন্তেই হিদের মা হাত ধরে স্নেহভরে ডেকে নিয়ে এল আমাকে?

এবার দোকানীরও চোখে সংশয় দেখা দিল। তার ছোট দোকান, খুবই ছোট। মাল খুবই কম। তবু একজনের পক্ষে সে যে অমাহুষিক। কিন্তু তার পেতলের বাটার ভাণ্ডার ফুরিয়ে এল। যত ফুরিয়ে আসতে লাগল, তত সে সংশয়াবিত। একবার দেখছে হিদের মার দিকে, আর একবার আমার দিকে। আমার জামা-কাপড়ের দিকে। সে চাউনি দেখে আমার বুক ধুক্‌ধুক্‌। এ কী বিপদে এনে ফেলল আমাকে হিদের মা।

কিন্তু আশ্চর্য! সহজ ও নির্দিকার খাওয়া মাধুর। তার কি একটু কষ্টও হচ্ছে না? দেখতে মাহুষটি সে ওইটুকু, কিন্তু পাতা তার কেবলি খালি হয়ে চলেছে। এ কি সে-ই খাচ্ছে, না আর কেউ?

দোকানী না জিজ্ঞেস করে পারল না, ‘আর দেব মায়ীজী?’

হিদের মা বলল, ‘দেবে না বাবা? উনি যত খাবেন, তত দাও। খাওয়াও। খাইয়ে তোমার আমার, সকলের সুখ। কী বল বাবা, অ’্যা?’

বলে সে আমার দিকে তাকাল। কিন্তু এত অসহায় বোধ আর কখনো করি নি। ষা-ই বলি, ষা-ই বল, সংশয় পেরিয়ে সন্দেহ আমার বদ্বমূল হতে চলল। পকেটের মধ্যে আমার পয়সার পুঁটলিটা যেন বন্দী ইহরের মত লাফালাফি করছে বেরিয়ে পড়বার জন্ত। ওটাকে যদি কোথাও লুকিয়েও রাখতে পারতাম! কিন্তু কে জানত, এমন বিপদে পড়ব। আমার তো কোন সন্দেহ নেই, ‘দেওয়ার চেয়ে সুখ কি?’ এই কথা শুনতে হবে আমাকে। কিন্তু এতবড় দুঃখ থেকে কে আমাকে উদ্ধার করবে, হিদের মার হাত থেকে?

যে খাচ্ছে আর খাওয়াচ্ছে, শুধু তারাই নির্দিকার, তৃপ্ত, মুগ্ধ। কেবল স্বস্তি নেই দোকানদারের। ছরস্তু শঙ্কা আমার। আমার শক্তিত মুখ দেখেই, সন্দেহ ধনীভূত হয়েছে দোকানদারের। কে জানে, চোখের ইশারায় পাহারা

বসিয়েছে কি-না সে।

দোকানদারকে ঘোষণা করতে হল, ‘আমার এ-বেলার তৈরী খাবার সব শেষ হয়েছে। টাকা মিটিয়ে তোমরা দুসরা দোকান দেখ।’

অবাক হয়ে তাকিয়ে দেখি, সত্যি তার সবই শেষ।

হিদের মা বলল, ‘বাবা, আর থাকে?’

মন খুবই ক্ষুব্ধ হয়ে উঠেছিল। এখমো তার বেশ যায় নি। কিন্তু মানুষের অতি-মানবিকতায় কিংবা পশুত্বে আমার বিশ্বাস নেই, শ্রদ্ধাও নেই। গল্পের মত শুনেছি, কোন এক কালে অমুকে অত খেতে পারত। পারত কি-না জানি নে। কিন্তু আজ চোখের সামনে বিরক্তি ও ভয়ে সে দৃশ্য দেখতে হচ্ছে।

জল খেয়ে মুখ মুছল সাধু। একটি উদ্গার তুলে, ক্ষুধাতৃপ্ত মুখখানি তুলে বলল, ‘না, আর থাক না। আমার পেট ভরেছে।’

তবু ভাল। কিন্তু যা খেয়েছে, তাই যে অনেক। সে অনেকের কী উপায় হবে। মানসচক্ষে দেখতে পেলাম, হিদের মা ওই চোখ ছুটি তুলে আমাকে বলছে, কী যে বলছে তা মাথায় আনছে না।

হিদের মা বলল সাধুকে, ‘বাবা, আমাকে নিয়ে, আমার কাছে খেয়ে কেউ স্বামী নয়। তুমি খুশী হয়ে থাকলে আমাকে আশীর্বাদ কর!’ বলে সে গলবস্ত্র হয়ে প্রণাম করল লুটিয়ে।

সাধু বলল, ‘তোমার প্রাণে আনন্দ হোক।’

বলে সে চলে গেল। হিদের মা উঠে দাঁড়াল। জিজ্ঞেস করল দোকানদারকে, ‘কত হয়েছে দাদা তোমার?’

দোকানদার বলল, ‘খুচরা হিসাব ধরি নি মায়ীজী। সের হিসাবে তোমার উনিশ টাকা তিন আনা হয়েছে।’

হিদের মা একবার তাকাল আমার মুখের দিকে। তারপর কোমর থেকে বার করল একটা ময়লা পুঁটলি। খুলতে দেখা গেল, দোমড়ানো নোট আর খুচরো পয়সা। সবগুলি একটি একটি করে হিসাব করল। আবার আঁচল খুলল। তাতেও কিছু পয়সা ছিল। সে পয়সাগুলি যোগ করে, কয়েক আনা পয়সা ফের বাঁধল আঁচলে। বাদ বাকি সব তুলে দিল দোকানীর হাতে। বলল, ‘গুনে দেখে নাও দাদা।’

অবাক হয়ে দাঁড়িয়ে ছিলাম। হিদের মা’র গোনার সঙ্গেই দোকানীর গোনা হয়েছিল। সে টাকাগুলি হাতে নিয়ে, মুগ্ধ চোখে যেন দেবীদর্শন করছিল। তাড়াতাড়ি গদির উপর টাকা রেখে সন্ন্যস্ত গলায় বলল, ‘হিসাব

আমার হয়েছে মায়ীজী, ও আমার ভগবানের দান।’

হিদের মা ফিরে তাকাল আমার দিকে। চোখে তার জল, মুখে হাসি। তারপর আমার দিক থেকে দৃষ্টি ফিরিয়ে তাকাল বাইরের জনারণ্যের দিকে। কিস্কিস্ক করে বলল, ‘পাষণ্ডার নামল আমার বুক থেকে। আনন্দ হোক, আনন্দ হোক প্রাণে। আমার প্রাণের সব নিরানন্দ ধুয়ে মুছে যাক।’

বলতে বলতে কী এক আবেগের তোড়ে ভেসে গেল হিদের মা। আমাকে ডাকলে না, ফিরলে না। কোন একা মহা আনন্দের সব-ভোলানো হাওয়া এসে টেনে নিয়ে গেল তাকে। ভেকে নিয়ে গেল।

আমি মাথা নিচু করে দাঁড়িয়েছিলাম। আমার সব শঙ্কা ভয়, আমার সব অহঙ্কার চূর্ণ করে দিয়ে চলে গেল সে। হিদের মা’র জীবনে যা ভক্তি, যা বিশ্বাস, আমার তা নয়। হয়তো একেই বলে আত্মসম্মোহন। কিন্তু তার এই ভক্তি, বিশ্বাস দিয়েই সে আমার মনের সঙ্কীর্ণতার স্পর্ধাকে ভেঙে দিয়ে গেল। এর আবাস্তবতা, অলৌকিকতা, সব জেনেও তার সব দেওয়ার এ আনন্দের মর্যাদাকে তো অবহেলা করতে পারি নে। যে এমনি করে দিয়ে যায়, তাকে এক টাকা দিয়ে আমি করুণার আত্মপ্রসাদ লাভ করেছিলাম। বিদ্রূপ নয়, কথা নয়, নিজের আনন্দ ও বেদনা দিয়ে সে আমার আত্মপ্রসাদকে ধিকার দিয়ে গেল। সে আমাকে সাধু খাওয়ানো শেখাল না। আমার নিজের বিশ্বাসের প্রতি হৃদয়ের সব ঘার অসঙ্কোচে উন্মোচনের শিক্ষা দিয়ে গেল। তাই সে এমনি করে দেওয়ার কথা বলেছিল। তাই কিপটে বুড়ি মিষ্টি গলায় বলেছিল, ‘আমাকে দু-চার আনা পয়সা দেবে বাবা?’

ব্যাকুল-হলাম, ফিরে তাকালাম। নেই, হারিয়ে গিয়েছে হিদের মা। চোখের সামনে শুধু জনারণ্য। হাসিমুখর, কোলাহল।

সকাল থেকে যেন ঝড়ের গতিতে কেটে গেল এতক্ষণ। সবাই প্রাণভরে ডুব দিল সঙ্গমে। টেরও পাই নি, জানিও নে, কী অমৃতের সঞ্চার হয়েছিল আজ সেখানে। সবাই কি নিয়ে এল বুক ভরে, কিসের নেশায় মাতাল হল মানুষ। প্রথম দিন থেকে, পরিচিত সকলের মুখগুলি ভেসে উঠল চোখের সামনে। সকলের সব কথা।

সত্য, আমি ভগবান পেতে ছুটে আসি নি! ডুব দিতে এসেছিলাম লক্ষ ছদ্ম-মায়ারে। এখন, এই মুহূর্তে মনে হচ্ছে, আমার সারা বুক বড় ভারী। সে

যে কিসের ভারে এমন গ্লাষণ হয়েছে জানি নে। এত লক্ষ লক্ষ লোক।
আমি ডুব দিলাম, কি ডুব দেওয়ার সময় হয়েছে জানি নে। কিন্তু প্রাণভরে
একটা নিঃশ্বাসও নিতে পারছি নে। কিসে ভরে উঠল মন এমনি করে। আমি
কি পেলাম!

দিন শেষ হয়ে আসছে। সারাটি দিন ঘুরেছি পাগলের মত। দেখা
হল অনেকের সঙ্গে। এবার সময় আসছে নিজের সঙ্গে দেখা হওয়ার। আজও
এই উত্তরপ্রদেশের মাথের আকাশে মেঘ ছিল। খুব সামান্য। তাতে শেষ
রোদের ঝলক লেগেছে। শেষ হওয়ার আগে রঙ ছড়ায় বেশী।

উচিত মনে হল, আশ্রমে ফিরে যাওয়া। কিন্তু পেটের জালাটি কেমন
খিতিয়ে গিয়েছে। ওদিকে বড় টান বোধ করছি না। ব্রজবালার অভিমান-
ক্ষুব্ধ চোখ দুটি দেখতে পাচ্ছি, উকি দিয়ে আছে তাঁবুর আড়াল থেকে। তবুও
বিরল নৌকা ও স্নানার্থীহীন যমুনার দিকে পা চলল আপনি আপনি।

চলতে চলতে কিসে আটকে গেল পা। অবাক হলাম। পা কে চেপে
ধরেছে। ভিক্ষুক। রাগতভাবে তাকাত্তে গিয়ে দেখি, একমুখ হাসি। বিকলাঙ্গ
বলরাম।

বততে যাচ্ছিলাম, 'বলরাম যে!' তার আগেই সে পাগলের মত গলা
ছেড়ে গান গেয়ে উঠল :

‘তুমি কে-এ, পাগলপারা হে !

বহুদিনের চেনা বলে মনে হতেছে,

পাগলপারা হে !’

খোলা গলার এ উদাস্ত স্বর আকাশ ছুঁল গিয়ে। চকিতে মনে হল,
বুকে ছিল আমার শুদ্ধ জলরাশি। সে অশ্রু কি-না জানি নে। তাতে হাওয়া
লাগল, ঢেউ বইল, আর পাগলা মাঝির মত বলরাম সেই জলে চালিয়ে দিল
তার পান্‌সি। পাগল তো আমি নই। পাগল যে সে। কৌতূহলী কিছু
নরনারীও এ বিচিত্র দৃশ্য দেখছিল। কিন্তু থামাই কী করে! বললাম,
‘বলরাম শোন।’

বলরাম তবু গেয়ে উঠল,—

‘বইমেছিলাম বুক পেতে,

আজ ধরা দিলে হে !

পাগলপারা হে !

যাতাই মাথো ধুলাবালি,

নেপ ষ্যাতই কালো কালি,
চইলবে না আর কাকিবাঙ্গি
ছাইডব না আর হে,
পাগলপারা হে।’

বলরামের আনন্দ দেখে, কষ্ট হতে পারি নে। তবু, কোতুহলী নরনারীর লজ্জা যে পারি নে কাটাতে। তার হৃদয়াবেগের ধারে লজ্জার অন্ধকার হয় তো কেটে যায়। আমার যে সে উত্তরণ হয় নি। ডাকলাম, ‘বলরাম!’

বলরাম হেসে গেয়ে মাতাল। বোধহয় গানের স্বর এখনো নতুন করে ছুটে আলিছে তার গলায়। বলল, ‘বলেন।’

বললাম, ‘লোক জমেছে।’

‘বেশ, তবে চলেন, কোথায় চইলছিলেন। কিন্তু ঠাকুর! ছেইড়ে দেব না।’

ছি ছি ছি, বলরাম আমাকে বায় বার ঠাকুর বলে আমার মাহুশিক অস্তিত্বটাকে যেন বেশী করে জানিয়ে দিতে লাগল। বললাম, ‘যমুনার ধারে—’

কথা শেষের আগেই সে বলে উঠল, ‘সেই ভাল, সেই ভাল।’

বলে সে আমার আগে, হেঁচড়ে হেঁচড়ে, ছ-হাতে ভর দিয়ে চলল। আমাকে সে-ই পথ দেখিয়ে চলল নিরে। তার স্বাভাবিক চলার কষ্ট দেখে নিজেরই কষ্ট হয়। কিন্তু তাকে থামানো যাবে না। কেবলর কোলের যমুনার তীরে এসে সে বসল। হেসে বাড়ি কাত করে বলল, ‘বইসতে হবে কিন্তু।’

ওক্ষ বালুসৈকত। মাথার গামছাখানি খুলে তাড়াতাড়ি পেতে দিল বলরাম। জানি, আমার অনেক আত্মাভিমান আছে, ধুলোবালির বাছবিচার আছে। তা বলে এখনেও গামছা পাতা কেন? বলরাম এত খুশী, আমি একটু বসতে পারি নে? বললাম, ‘গামছা থাক।’

বলরাম জিভ কেটে মাটি দেখিয়ে গুনগুন করে উঠল,

‘ভূঁয়ে নি সে বইসবেরে ধন?

বইসবে হিয়ের মাঝখানে।’

বলে আঙুল দিয়ে দেখাল গোলা বুক! বলল, ‘ওই গামছা আমার মনে হৃদয় কইরে দিলাম, বইসতে হইবে।’

বললাম। বলরামের কথার বাগানে আমি দীন।

বলরাম বলল, ‘এমন কইরে আর একদিনও যমুনার পাড়ে আসি নাই। যদি আইসলাম তবে একটু গান গাই, অল্পমতি দেন।’

বললাম, ‘গাও।’

অমনি মিষ্টি গলায় যমুনার দিকে ফিরে গান ধরল সে :

‘যমুনে, এই কি তুমি সেই যমুনা

পোরবাহিনী।

ও স্যার বিশাল তটে রূপের হাটে

বিকাত নীল কাস্তমণি ॥

কোথা চারু চন্দ্রাবলী, কোথা সেই জলকেলি

কোথা শ্যাম রাসবিহারী বংশীধারী

বামেতে রাই বিনোদিনী ॥’

যমুনার রূপ ফিরিয়ে দিল বলরাম। রঙ বদলে দিল। সন্ধ্যাকাশের রক্তরাগে কালিন্দীর এক অংশ আচমকায় লাল হয়ে উঠেছে। আর সারা ঘননীলে ব্যাকুল কালো চোখের ছলছল ঢেউ। শীত, তবু বাতাস বহে ঝিরিঝিরি।

বলরাম বলল, ‘কত চোখের জলে নীল হইছ তুমি, সে আমি জানি।’

তাকিয়ে দেখলাম, বলরাম হাসছে আমার মুখের দিকে চেয়ে। বলল, ‘এই তো সেই জল।’

‘ভাবি, এখনো কি বাঁশি বাজে ঠাকুরের। ছুটে ছুটে আসে রাইঠাকরুণ। স্বরে তাল নাই। বাঁশি বাজবে, পায়ের মলের তাল বাজবে না?’

বলে তার কী হাসি। হেসে বলল, ‘তা হইলে, এই যমুনার পাড়ে বইসেই কই, একবার কি মনে করতেও নেই? লক্ষ লক্ষ গলা পাইছেন, তাই বুঝি আমারে ভুলছেন।’

বললাম, ‘না, তোমার আশ্রমটি তো চিনি না।’

বলল, ‘ওইতো, কেল্লার কাছেই। নন্দগোপাল মাধবাচার্য বাবাজীর আশ্রম। আজ কিন্তু যাইতে হইবে। আমি কি একলা? আরো নোক রইছে বইসে আপনার জন্ত। রোজ আমারে জিজ্ঞেস করে, “তোর সে কোথায়।”

বিস্মিত হয়ে জিজ্ঞেস করলাম, ‘কে বলরাম? লক্ষ্মীদাসী?’

সে বলল হেসে, ‘শুধু নন্দীদাসী কেন? সে আছে, আরো আছে। নিজের চোখে গিয়া দেখতে হইবে। যাবেন তো?’

বলরামের মুখের দিকে তাকিয়ে আর ‘না’ বলতে পারলাম না।

প্রাক-চন্দ্রোদয়-মুহূর্তে প্রদোষকালের মত হালকা অন্ধকার ছড়িয়ে পড়েছে। দেখতে দেখতে যমুনা কালিন্দী হল। দুর্গে গাঢ় ছায়া ছলতে লাগল ঢেউয়ে

চেউয়ে। সঙ্গমের কোণ-ভূমিতে অস্থায়ী টাওয়ারটি যেন শহরের ওয়াটারট্যাঙ্কের মত দেখাচ্ছে। রাজকীয় অতিথিদের জন্য এটি তৈরী হয়েছে। সাধারণের আরোহণ চার আনা দশনী।

টাওয়ারের পাশ দিয়ে, লোকের ভিড় ঠেলে চললাম বলরামের সঙ্গে সঙ্গে। বলরাম আমার পাশে পাশে। আমার হাঁটুতে ঠেকছে তার মাথা। কী আমার ভাগ্য! জন্মবিকলাঙ্গ এক সঙ্গী আমার। না পাই তার মুখ দেখতে। পাশ ফিরিয়ে না দেখি তাকে। সে চলেছে আমার সঙ্গে, মাটি হেঁচড়ে।

আলো জলে উঠেছে এখানে সেখানে। আজ বড় ভিড়। দোকান সম্ভারে পরিপূর্ণ গুপাকার বেলোয়ারি চূড় নিয়ে দিকে দিকে বসেছে চূড়িওয়ালী ও ওয়ালার দল। আলো পড়ে রঙের বাহার লেগেছে রামধনুর। ঘিরে বসেছে ঝি-বহড়িরা। তাদের কলহাসি রঙ ছড়াচ্ছে আরো। এদেশের রেওয়াজ। পালা-পার্বণে, উৎসব-আনন্দে লক্ষপতির বউ থেকে দরিন্দ-গৃহিণী সকলেই পরেছে রাশি রাশি কাচের চূড়ি। শখ যাদের আরো বেশী তারা কণ্ঠে পরেছে পুঁতির হার। রঙবেরঙের পুঁতির পাহাড় বসেছে। আজমগড়ের কুমোরেরা ছড়িয়ে বসেছে বিবিধ কারুকার্যপূর্ণ মাটির জিনিস। সিগারেট-কোঁকা বাবুদের মনভোলান ছাইদানি থেকে, আহা মরি মরি, ভাবের গাঁজার কলকেটি পর্যন্ত। ফুলদানি, টি-পটেরও অভাব নেই।

পা আর মন ওই দিকে ছুটে যায়। বলরামকে ছেড়ে যেতে পারি নে। এই রাতের ভিড়। বলরামকে কেউ মাড়িয়ে দিলেও তার কিছু করার নেই। সঙ্গে যখন রয়েছি, তাকে তো ছেড়ে যেতে পারি নে। কিন্তু আশ্চর্য। হাতে ভর দিয়ে চলেছে, কিন্তু গুনগুনানির কামাই নেই।

বলরাম ডাকল, ‘ঠাকুর!’

বললাম, ‘বলরাম, ওই নামটি কি বাদ দেওয়া যায় না?’

বলরাম বলল, ‘মন ডাকে। আমি কি ডাকি? ওইটে আপনার নাম নয়, পরাণ ওই বলে ডাইকল আপনরে। তাতে তো এই সোমসারে কেউ হুঃখু পাইবে না। তবে?’

তবে ওই নামেই ডাকুক বলরাম। হুঃখু পাই নে, ভয় পাই। বললাম, ‘কী বলছিলে?’

বলরাম বলল, ‘বলতেছিলাম, আমার ঠাকুরের মুখখানি অমন শুকু-শুকু ক্যান? এই কয়দিনে মুক্তিখানিও বড় রোগা হইছে। কষ্টে আছেন?’

যার এত কষ্টের জীবনযাত্রা, সে আমাকে জিজ্ঞেস করে, কষ্টে আছি কি-না ! কিন্তু বলরামের মন ও প্রাণ সম্পর্কে আর সংশয়ের অবকাশ ছিল না। এ সংসারে কতকগুলি চোখ আছে, যাদের কাছে কিছুই ফাঁকি দেওয়া যায় না। তাদের চোখের এক অদৃশ্য মাইক্রোস্কোপ প্রতিটি বিন্দু দেখে খুঁটিয়ে খুঁটিয়ে। বলরাম দেখেছে ঠিক। আখড়াবানী মূল গায়েন, সংসারের আসল কথাগুলি দেখছি জানে ঠিক।

বলরাম, ‘মেলার ব্যাপার। ঘুরে ঘুরে দিন কেটে যায়, তাই হয়তো।’

বলরাম হঠাৎ থেমে বলল, ‘একা-একা কি-না, তাই ! সঙ্গে কেউ থাইকলে চখে চখে, রাইখতে পারত। ব্যামো হইলে যে বড় বিপদ হইবে ঠাকুর। সাবধানে রইয়েন।’

বলে সে বাক ফিরে, ছ-পাশে তাঁবু-মাঝের সড়-পথে পড়ল। দুর্গপ্রাকার সামনেই। কানে এল খোল-করতালের শব্দ। বাংলা নাম-গান চলেছে ভারি উল্লসিত কণ্ঠে।

বলরাম থামল। আশ্মিও থামল। একটি তাঁবুর কাছে কে দাঁড়িয়ে ছিল।

অদূরে একটি হাজাক লাইটের আলো এসে পড়েছে তার মুখে। তাঁবুর পর্দার বাইরে সে মূর্তি মেয়েমাল্লুষের।

বলরাম তাকে কী বলতে গেল। কিন্তু চকিত কটাক্ষের ঝিলিকে সে একবার বলরামকে দেখে ভেতরে ঢুকে গেল।

বলরাম গলা বাড়িয়ে বলল, ‘যাইও না, কারে ধইরে নিয়ে আসছি, একবার জাখ।’

গলা নামিয়ে বলল আমাকে, ‘গোঁসা করেছে আমার উপর। চিনতে পারে নাই আপনারে।’ বলেই বলরামের হাসি। হাসতে হাসতেই গাইল—

‘মানের বশে যাইও না গো, রাখে মিনতি,

ভাবো আমার কি হইবে গতি।’

বলরাম, মূল গায়েনের লক্ষ্মীদাসী। আমবাটার আখড়ার অধ্যক্ষ। রাগ করেছে খুবই। কিন্তু, মধ্যবয়সী লক্ষ্মীদাসীর চোখেও অমন অগ্নিবর্ষণ হয় ? বুঝি প্রাণে আগুন আছে আরো অনেক। মধ্যমা ঋতু আশ্বিনের ঢলঢল মদালসা গাঙের বিস্তারে চকিত বাতাসের শিহরণ।

জিজ্ঞেস করতে যাচ্ছিলাম, এত রাগ কেন। তার আগেই আবার দেখা দিল লক্ষ্মীদাসী। চল্লিশ বছরের বালিকা। লজ্জায় বিষ্ময়ে আনন্দে ভরে উঠল তার বালিকার মত চোখ দুটি। কিন্তু হাসতে গিয়ে শীতে কাটাফাটা ঠোঁট

বিস্ফারিত হতে পারে না। তাড়াতাড়ি কাছে এসে বলল, 'ঠাকুর! আসেন, আসেন! মনে পড়েছে?'

বলরাম অমনি বলে উঠল, 'মনে কি পড়ে গেল। মনে পড়াইতে হয়। ম্যান কইরে নিয়ে আসলাম।'

কিন্তু লক্ষ্মীদাসী চেয়ে দেখল না বলরামের দিকে। হাত জোড় করে বলল, 'ভিতরে আসেন, এটুস বসতে হইবে, এখনি ছাইড়ব না।'

বলরাম বলল, 'আসেন ঠাকুর।'

ছুটি তাঁবুর মাঝখান দিয়ে এসে উঠলাম একটি উঠানে। উঠানের উপরে সতরঞ্চি পাতা। পূর্বদিকে একটি ছোট পিতলের শিবিকা। মধ্যে রয়েছে ছুটখানেক দীর্ঘ রাধাকৃষ্ণের যুগলমূর্তি। সামনে নামাবলীধারী কিছু লোক বসে খোল-করতালসহযোগে তুলে তুলে তুলে তুলে নাম-গানে মত্ত। একজন দাঁড়িয়ে দাঁড়িয়ে ভাবাবেশে হাত তুলে তুলছে। বৈদ্যুতিক আলো নেই। একটিমাত্র হাজারাক জ্বলছে। তাঁবু ও হোগলার ঘরগুলিতে কোন কোনটাতে জ্বলছে কেরোসিনের বাতি।

বুঝলাম, চার পাশের তাঁবু আর হোগলার ঘরের ঘেরাওয়ার মধ্যে এই উঠানটি হল শ্রীনন্দগোপাল মাধবাচার্যের আশ্রম। সম্ভবত, এই তাঁবু ও ঘরগুলি এ আশ্রমের শিষ্যদের।

আমাকে দেখে একটু বে-তাল হল আসর। বেশভূষার মিল নেই। বোধহয় আমার চেহারাতেও বিলক্ষণ গরমিল ছিল আশ্রমের সঙ্গে। নিতান্ত নিরীহ মুখগুলি তুলে বাবাজীরা বড় বড় চোখে কোতুলী হয়ে দেখল। এলাহাবাদ স্টেশনে কাউকে কাউকে দেখেছি এদের লক্ষ্মীদাসীর সঙ্গে। তাদের গায়ে মুখে সর্বদাই গ্রাম্য দরিদ্র বোষ্টমের ছাপ। বুঝলাম, আমার মত মাছুষ এমন আড়ম্বর-হীন আশ্রমে আসে না, আসে নি এ ক'দিনে। চোখেই পড়ে না সম্ভবত। আমারও পড়বার কথা নয়। টেনে নিয়ে এল বলরাম।

আসরের কাছ থেকে খানিকটা দূরে একটি হোগলার ঘরের মধ্যে ঢুকতে হল। লক্ষ্মী আসন পেতে দিয়ে বলল, 'বসেন।'

বলরাম, 'দেবী হয়ে যাবে যে?'

বলরাম হাসি মুখখানি তুলে বলল, 'দেবীতে যে আগছেন। সাধ মিটেবে না ঠাকুর, কিন্তু যতটুকুন মিটে ততটুকুন না মিটাইয়ে ছাড়ি কেমনে?'

বলে লক্ষ্মীর দিকে ফিরে বলল, 'নকীঠাকুর, ঠাকুরের মুখখানি বড় শুকু শুকু মনে হইতেছে। রাধামাধবের পেসাদ একটুস—'

তাড়াতাড়ি বাধা দিয়ে বললাম, ‘থাক না।’

বললাম বলল, ‘থাকতে নাই। কোন কিছু থেইমে থাকে না। বুকে হাত দিয়া দেখেন, সেও থেইমে নাই। থাক কইয়ে তারে থামাইয়ে রাইখতে পারেন? যেদিন থামবে সেদিন সবই থামবে। যতক্ষণ চলে, চইলতে দেন ঠাকুর।’

জানতাম, বলরামের সঙ্গে কথায় পারব না। তার তো শুধু কথা নয়। কথার সঙ্গে ছিল তার কালো মুখের নিরন্তর হাসি। ওই হাসি যেন প্রসন্ন বাতাস, উদার আকাশ। সেদিকে তাকালে মুক-মুগ্ধতায় শুরু হতে হয়। বলরাম ততক্ষণ চোখ বুজে গুনগুন করে গান ধরেছে।

‘চল চল চল রে মন,
কোথায় খোঁজো মনের জন।
তুমি যত চল, সেও চলে,
চলে, দিবানিশি সন্মোক্ষণ।’

ফিরে দেখি লক্ষ্মীদাসী। হাতে দুটি পিতলের ঘটি। কিন্তু সে নিখর বিষ্মল। তার সেই কালো চোখ দুটি মেলে, সব ভুলে তাকিয়ে আছে বলরামের দিকে। যেন, গুনগুনানির স্বরের মধ্যে ডুবে গিয়েছে, একাত্ম হয়েছে গানে। গানে শুধু নয়, রূপে অন্ধ হয়েছে। আমি একটা মাহুশ, তাকে নজরে পড়ল না লক্ষ্মীদাসী। কী দেখছে অমন করে তার মূল গায়নের দিকে। গুনগুনানি খামিয়ে চোখ তাকাল বলরাম। তার দিকে চোখ পড়তেই দৃষ্টি সরিয়ে নিল লক্ষ্মীদাসী। একটি উদ্ভগত নিশ্বাস চেপে ঘটি দুটি বসিয়ে দিল আমাদের দুজনের সামনে। দিয়ে পেছনে এসে ধরে দিল দুটি শালপাতা। দেখলাম, রয়েছে খানিকটা খিচুড়ি, বেগুন ভাজা, বাধাকপির তরকারি, খানিকটা খোয়া। বলরামকেও তাই।

বলরাম বলল, ‘আমাকেও দিলে? ঠাকুরের সঙ্গেই?’

বড় লাগে নিজেরই কানে। জানি নে কী দিয়ে বলরামের মন পেয়েছি। একটি সিগারেট ছাড়া তো কিছুই দিইনি। কিন্তু ‘ঠাকুর ঠাকুর’ করে সে এবার আমাকে ঠাকুর বলিয়ে ছাড়বে।

লক্ষ্মীদাসী বলল, ‘আপনেরা খান ঠাকুর।’

বলে আমাকে লুকিয়ে লক্ষ্মী আড়চোখে দেখল বলরামকে। খেতে খেতে ভাবলাম, না, বলরামকে আমি হিংসে করব সেকথা এ বিশ্বে কেউ বিশ্বাস করবে না। কিন্তু সত্যি বলি, ভাবতে পারি নি, বলরামের জীবনের চারপাশে

নিরাপত্তার একটি সুরক্ষিত পাঁচিল আছে। তার খাওয়ায় পরায় আহারে বিহারে কোন সম্ভব হাতের স্পর্শ থাকতে পারে, একথা মনে আসেনি, তাকে যখন প্রথম দেখেছিলাম। প্রথমে ভেবেছিলাম পথেরই ভিখারী, তারপরে আখড়ার মূল গায়ের। আজ আমারই এক পংক্তিতে সে আহারে বসেছে। আমার ঢাকা চোখের সামনে বিস্মিত মুক্ত প্রাঙ্গণ কে খুলে দিলে বুঝতে পারলাম না। লক্ষ্মীদাসী, না বলরাম? হৃদয়বেগ, ভক্তি ও জ্ঞানের পরিচয় মিলেছিল বলরামের গানে ও কথায়। সে একদিক। আর-এক দিক দেখিয়ে দিল তার লক্ষ্মীদাসী।

হঠাৎ লক্ষ্মীদাসী ডাকল, 'ঠাকুর!'

তাকিয়ে দেখি, চোখে তার জল। অবাক হয়ে বললাম, 'কী বলছ?' লক্ষ্মী বলল, 'নাশি আছে, বিচার করতে হইবে আপনারে।'

বিচার? এত বড় ভয়ানক দায়িত্ব তো আমাকে কেউ কখনো দেয় নি। তাকিয়ে দেখি, বলরামের হাসি এ-কথায় বাগ মানছে না। সে তাড়াতাড়ি বলল, 'আমারো মন করতেছিল গো নক্সীদাসী, আসো, দুইজনে বিচার চাই এনার কাছে। বেশ, তবে বাদী আগে বলুক, আমি হইলেম পিতিবাদী অর্থাৎ কি-না আসামী।'

বলে বলরাম হেসে উঠল। সারাদিনের পর পেটে আহার পড়ে ঝিমেনো মনটাও গা নাড়া দিয়ে উঠল খানিকটা।

লক্ষ্মীদাসী বলল, 'ওই তো দেখেন মানুষটা। আর এই মেলা। মেলা নয়, যেন শহরের সড়ক। মানুষ হাতি ঘোড়া গাড়ির কামাই নাই। কথা নাই। বাত্বা নাই, যখন তখন বাহির হইয়ে যায়। কোথায় গিয়ে বইসে থাকে। এটো বিপদ আপদ হইলে আমি কোথায় বাইব, বলেন তো?'

বলে, চোখের জল নিয়ে তাকাল লক্ষ্মীদাসী। এতক্ষণে বুঝলাম, কেন লক্ষ্মীদাসী অভিমান করেছে। সত্যি, বিকলাঙ্গ বলরাম। বাইরের ভিড়ে তো সর্বক্ষণই তার প্রাণ-সংশয়।

বলরাম অমনি হাসি মুখখানি তুলে বলল, 'অল্পমতি করেন, এইবার এই নিধম জবাব দেউক।' বলে লক্ষ্মীর দিকে একবার দেখে সে বলল, 'ঠাকুর জন্মো-লুলা আমি। এখানে নক্সীদাসী আমারে আনতে চায় নাই। জোর কইরে আসছি। কিন্তু এখানে আইসে যে আমি আর থির থাকতে পারি না! আমার শরীলখানি ভাঙা, মন যে রয় না। সে যে মানে না। কে আমারে ডাকল, জানি না। যদি আসলাম, তবে এই আখড়ায় পইড়ে থাকি কেমনে।

ঠাকুর, আমি যে লুলা, এমন কইরে আর কোনদিন বুঝি নাই। আজই বায়
বার দৌড়বার নেগে ঘ্যাখন ছটফট করতেছি, পাখা ঘ্যাখন মেলতে চাইতেছি,
ত্যাখন দেখি, এ পাখা উড়তে পারে না। যদি আসলাম, তবে যেটুকু ঠেকতে
ঠেকতে পারি—’

লক্ষীদাসী আমার দিকে ফিরেই বলল, ‘যদি এটা বিপদ আপদ হয়?’

বলরাম বলল, ‘অমঙ্গলের চিন্তা নাই। সোমসারে সবই আছে সেই ভেবে
কি বইসে থাকে কেউ?’

লক্ষীদাসী বলল, ‘কিন্তু যদি কিছু হয়, তবে আমার আংড়া যে অন্ধকার
হইবে। রাধামাধব তো আর কারুর গানে তুষ্ট নয়!’

রাধামাধবের অনুভূতি সম্পর্কে আমার নিতান্ত মানুষস্বলভ মন চৈতন্তহীন।
মনে হল, যদি বলরামের বিপদ হয়, তবে এক জায়গায় অন্ধকার নেমে আসবে।
তার গান না শুনলে কোন এক হৃদয়ের রাধামাধব চিরদিনের জন্ম দরজা
বন্ধ করবে।

বলরাম বলল, ‘লক্ষীদাসী, বাইরে কত নোঁক। সামনে যমুনে কেমন কলকল
কইরে বইতেছে। সেখানে তিনি কান খাড়া কইরে রয়েছেন। আমি যে
আসলজনারে গান শুনাতেই চাই।’

বলে সে হঠাৎ গলা ছেড়ে গান গেয়ে উঠল,

‘তুমি যেথায় আছ, সেথায় আছি।

আমার মিছা ভাবনা নাই মনে।

তুমি ডাকলে আপনি কপাট খোলে

তোমার বাতাসে তাল দিয়া নাচি।’

আর কথা নেই লক্ষীদাসীর মুখে। দু-চোখ মেলে তাকিয়ে রইল সে
বলরামের দিকে। কোথায় গেল নালিশ, বিচার। এইটুকুনির জন্মই বোধহয়
নালিশ, এইটুকুনি পেলে আর কিছু চাওয়ার নেই।

কিন্তু অবাক মানল মন। এই বিকলাঙ্গ মূল গায়ের যে এমনি করে একটি
নারীর হৃদয় জুড়ে রয়েছে, তা না দেখলে বিশ্বাস করতে মন চায় না। বুঝলাম,
এ সংসারে হৃদয়ের রীতি বড় বিপরীত পথে ধায়।

লক্ষীদাসীর ধ্যান ভাঙল বলরাম। বলল, ‘কই, তুমি যে ঠাকুরকে কী
বলবা বলতেছিলে আমারে। ধইরে নিয়া আসলাম, বল। একবার পরখ
কইরে লেও, কারে ঠাকুর কইছি।’

বলে আমাকে বলল, ‘এই গানখানি সেই আতাউল বাউলের, ঠাকুর।’

লক্ষীদাসী বলল, ‘ঠাকুর, আপনারে সেই কইলকেতার রবি বাউলের গান একখানি শুনাইতে হইবে।’

মনটা চমকে উঠল। আবার সেই কথা! বলরামের গান শুনে এক নিঃশ্বাস স্তব্ধতায় আপনি দোল খাচ্ছিল আমার গলায়, আমার বুকে, আমার রক্তধারায়। জানি নে কে আতাউল, কিন্তু সে কথা ও সুরের রাজা, সন্দেহ নেই। তা বলে রবীন্দ্রনাথকে সেই দলে নিয়ে আসতে আমার সঙ্কীর্ণ মন বার বার বাধা পেল, তবু শিল্পাচার্য নন্দলাল বসু-অঙ্কিত সেই রবি বাউলের একতারা বাজানো মূর্তিখানা বার বার ভেসে উঠছে চোখের সামনে।

বলরাম, ‘তঁার অনেক গান। কোন্ গান যে বাউল তা তো ঠিক জানি নে। তাছাড়া আমি তো গান গাইতে পারি নে।’

বলরাম বলল, ‘তা বললে শুনব না ঠাকুর। “ছলছল চোখে, ছলো হাসি হাসো, তোমায় চিনি গো, চিনি।” ওনার একখান গান শুনান, যিনি কন “কবে তুমি আইসবে বইলে রইব না বইসে”, তানার গান না শুনলে আমার আমঘাটায় ফিরা যাওয়া বেরখা ঠাকুর।’

ধন্য কথা বলরামের, ধন্য তার স্মৃতিশক্তি। একবার বলেছিলাম, ঠিক মনে রেখেছে। তবু, এই বলরাম যেন সুরের নদী। আজ আমি তার সেই সুর-দরিয়ায় ডুব দিয়েছি। মুখে যা-ই বলি, আমার সমস্ত লজ্জা ও অক্ষমতার সঙ্কোচ ধুয়ে দিয়েছে। সুর ও কথা আপনি ভেসে এল মনে। বাউল গান জানি নে। তবু ধরে দিলাম। আমার জীবন, সমাজ ও পরিবেশ ভুলে এক নতুন সংসারে মেতে উঠলাম—

‘আমার মন বলে চাই চাই গো—

যারে নাহি পাই গো।

সকল পাওয়ার মাঝে

আমার মনে বেদন বাজে—

নাই নাই নাই গো ॥

* * *

ভোরের আলোয় জাগবে বলে

বলে সে—যাই যাই যাই গো।’

বলরাম কাঁপ দিল প্রায় পায়ের কাছে, ‘তবে, তবে ঠাকুর! কাকি দিয়ে পলাইতে চাইছিলেন?’

লক্ষীদাসীর চোখে জল। বলল, ‘আহা, সন্ধ্যাতারা যায় যে চাইলে, ভোরের

তারায় জাইগবে বইলে। কী কথা !’

আমার বিশ্বয়ের অধি ছিল না। উচ্চারণে গ্রাম্য দোষ। তবু রবীন্দ্র-নাথের গান যে এই গ্রাম্য অশিক্ষিত মানুষগুলির মনকে এমনি করে ভাসিয়ে দেবে, তা কোনদিন ভাবি নি। মনে করেছিলাম, সে শুধু আমাদের, আমাদেরই। আমাদের এই বঙ্গ-রঙ্গমঞ্চের চাপা-গলা দুর্বল স্বরের প্যান-প্যানিনি-ওয়ালাদের। ফিরে দেখি, হোগলা ঘরের দরজার কাছে জোড় হাতে দাঁড়িয়ে আরও কয়েকজন। একজন বললে, ‘আর-একখানা কিরপা করেন।’

ছি ছি ছি। হিঃ, শেষটায় আমাকে গানের আসরে অহরোধ !

কিন্তু আর তো বসতে পারি নে। বললাম, ‘আর না বলরাম, এবার উঠব। অল্প দিন হবে।’

বলরাম বলল, ‘আচ্ছা ঠাকুর, এখনে আর ধইরে রাখব না।’ বলে লক্ষ্মীর দিকে ফিরে বলল, ‘ভাব, মূল গায়ের করবা কি-না ?’ বলে হাসতে হাসতে আমার সঙ্গে এল।

বললাম, ‘তুমি আর এসো না, আমি নিজেই যাচ্ছি।’

বলরাম বলল, ‘নিজে তো যাইতে পারবেন না। আমারে নিয়া যাইতে হইবে।’

বললাম, ‘কোথায় হে ?’

সেকথার জবাব না দিয়ে লক্ষ্মীদাসীর দিকে চেয়ে হাসল। লক্ষ্মীদাসীও। তারপর বলল, ‘চলেন, নিয়ে যাই। আমারে রোজ জিজ্ঞেস করে, সে কোথায় ? জবাব দিতে পারি না। আজ জবাব দিয়ে আসি।’

লক্ষ্মী পেছন থেকে সামনে এসে দাঁড়াল। বলল, ‘ঠাকুর, রোজ একবার দেখা দিতে হবে যদি আছেন।’

বললাম, ‘চেষ্টা করব।’

তীবুর বাইরে এসে দেখি, জ্যোৎস্নালোকে ভরে গিয়েছে সারাটি মেলা। আকাশ জুড়ে উঠেছে পুণিমার চাঁদ।

বললাম, ‘বলরাম, এখন আর কোন আখড়ায় যাব না।’

বলরাম বলল, ‘আখড়ায় নয় ঠাকুর। কিন্তু একবার না গেলে যে চইলবে না।’

জিজ্ঞেস করলাম, ‘সেখানে কে আছে ?’

‘বাইয়া দেখবেন।’

পেছন থেকে ছুটে এল লক্ষ্মীদাসী। তাড়াতাড়ি একখানি কষল মুড়ে দিল

বলরামের সর্বাঙ্গে। দিলে আবার একবার আমাকে মিনতি করে চলে গেল।

যেতে হল। বুঝলাম, না গেলে বলরামের পরাজয়! জানি নে, আবার সে কী বাধিয়ে রেখেছে কোথায়। সে কেল্লার পথের প্রাচীরের কোলের দিকে এগিয়ে চলল। সারি সারি তাঁবু, জ্যোৎস্নায় দেখলাম নানান রকম নিশান উড়ছে তাঁবুগুলির মাথায়। এদিকটায় দোকানপাট কম, সেইজন্য ভিড়ও কম।

একটি গাছতলার তাঁবুর কাছে এসে থামল বলরাম। তাঁবুর সামনে, খানিকটা জায়গা জুড়ে, মাথায় সামিগানার মত ঢাকনা দেওয়া। একটি হারিকেন জ্বলছে। সেই আলোয় দেখলাম, একটি জলন্ত উছনে রয়েছে তাওয়া। একজন রুটি ভাজছে, বেলে বেলে দিচ্ছে আর-একজন।

আমাকে আর বলরামকে দেখে তারা দুজনেই ফিরে তাকাল। তাকাতেই চমকে উঠলাম। চমকে ওঠবার মুহূর্তেই একটি চাপা খিলখিল হাসি হঠাৎ বেজে উঠে কুহক বিস্তার করল। তাওয়াটা ঠক করে নেমে এল উছন থেকে। আগুনের আঁচে দেখলাম, হাসিতপ্ত লাল মুখ শ্রামার। ছি-ছি-ছি, এ কোথায় নিয়ে এল বলরাম। বলতে যাচ্ছিলাম তাকে সেই কথা। তার আগেই বলরাম হাত কপালে ঠেকিয়ে শ্রামার দিকে বলল, 'রোজ রোজ বলেন, লুলাধু তোমার সেই বাবু কোথায়? একদিন ডেইকে নিয়া আস। আজ ধইরে নিয়া আসলাম।'

মনে করলাম, তাড়াতাড়ি পেছন ফিরি। জীবনে এত বড় লজ্জার সামনে আর কোনদিন পড়ি নি। কে জানত, বলরাম আমাকে এইখানে ধরে নিয়ে আসবে। লজ্জার সঙ্গে রাগ হল। বলরামদের হৃদয়বেগ লোকলজ্জার ধার ধরে না। সংশয়, সন্দেহ ও কষ্ট চোখের বাধা মানে না। কিন্তু আমাকেও কি সে তাই ভাবল?

নোকরানী পাতিয়া বেলে দিচ্ছে রুটি, ভাজছে শ্রামা, ছোট্ট একটি চারপায়ার উপর বসে। তার চটুল চোখে বিস্ময় ও হঠাৎ-হাসির ঝলকানি। সে উঠে দাঁড়িয়ে আবার হেসে উঠল। সে হাসি শুনেছিলাম পথে পথে, এক বন্দী বিহঙ্গের পাখা ঝাপটা খাওয়া শব্দ শুনেছিলাম তখন লৌহপিঞ্জরে। আর এখন, দুর্গকোলে, এই ষমুনাতীরের জ্যোৎস্নাভরা হালকা কুয়াশাচ্ছন্ন রাত্রি। এ-রাত্রি যেন বন্ধুজ্বলার নিস্তরঙ্গ জ্বল। তাতে যেন হাসিতে আঁচমকা বায়ু

শিহরণের কম্পন লাগল। এ যেন আরো রুদ্ধশ্বাস। ব্যথা ও যন্ত্রণা এক নতুন হাসির কুহকজাল ঘিরে আনন্দময়ের রূপে ফুটে উঠতে চাইছে।

আরো শুনলাম। শুনলাম, বুঝি এক তীব্র বিজ্ঞানের স্বনি অনুরণিত হচ্ছে ওই হাসিতে। যেন আমাকে বি'ধিয়ে বি'ধিয়ে বলছে, এসেছ তো? এসেছ? মনে পড়ল, নিজের অভিশপ্ত জীবন ও হৃদয়ের তিক্ততায় সেদিন শ্রামা হঠাৎ বিচিত্র রূপ ধরে আমার মাথা হেঁট করে দিতে চেয়েছিল, আমি তখনো হেসে-ছিলাম! আজ এই হাসির সামনে যদি না হাসতে পারি, তবে এই ভীরা দুর্বল চিত্ত নিয়ে লজ্জায় মরে যাব।

ফিরে তাকলাম শ্রামার দিকে। সাজা-গোজার অন্ত নেই। সিল্ক শাড়ি পরে বসেছে কটি সৈঁকতে। উলেন স্কার্ফ এলিয়ে পড়েছে কাঁধের থেকে মাটিতে। তাকিয়ে দেখলাম, বাঁকা চোখে তীব্র অন্তসন্ধিসা। চৌঁটের কোণের হাসিটুকু কেন যেন নির্ভর হয়ে উঠতে পারে নি, বরং হঠাৎ লজ্জায় তার খরহাসির তীব্রতাকে একটু করুণ করে তুলেছে। কাঁচা সোনার অলঙ্কার বিকৃতিকর করেছে তার হাতে গলায়। তার অপলক চোখের দৃষ্টিটা এমন করে বি'ধে রইল আমার সারা মুখ জুড়ে যে, মুখ ফেরাতেও পারি নে।

শ্রামা তাড়াতাড়ি নিজের ছোট্ট চারপায়াটি এগিয়ে দিয়ে বলল, 'বস।'

পাতিয়া যেভাবে রামনাম নিল, তাকে বাংলা করলে বোধহয় হবে 'মরণ'। বললামও হাসল, 'বসেন ঠাকুর।'

বলরামের গলায় ব্যাকুলতা। ফিরে তাকিয়ে দেখি, তার মুখে পাগলা হাসির বান ডেকেছে। কিন্তু বসব? সঙ্কোচ কাটিয়ে উঠতে পারছি নে। জিজ্ঞেস করলাম, 'আর সব কোথায়?'

শ্রামার হৃদয় বাঁকা! কথার আগেই ষাড় বেঁকে যায়। যেন তাগ কষছে! বলল, 'আর কারা?'

বললাম, 'তোমার সতীন, স্বামী, তারা সব কোথায়?'

দ্র তুলে বলল শ্রামা, 'না থাকলে বুঝি বসা যায় না?'

এবার কথার স্বরও বাঁকা হয়ে উঠল শ্রামার। চট করে কোন জবাব যোগাল না মুখে। তার মুখের দিকে চেয়ে চমকে আড়ষ্ট হয়ে উঠল মন। হাসিটি কেন যাই-যাই করে তার মুখ থেকে? ভীক্স দৃষ্টি যেন বৃকের ভেতরটি পর্যন্ত দেখে নিতে চাইছে।

বললাম, 'না, বসা যাবে না কেন? এমনি জিজ্ঞেস করছিলাম।'

শ্রামা বলল, 'তবে নারাজ কেন?'

নারাজ নই। নারাজ আমার মনের সামাজিকতা, ভাব্যতা, লোকলজ্জা। কিন্তু, বুঝলাম ওই বোধগুলি আপাতত বিবেকের আড়াল করে বসতে হবে। মনে করেছিলাম, পথে বেরিয়েছি। লজ্জা ঘেন্না ভয়, তিন থাকতে নয়। ওসব বাল্যই রাখব না মনে। কিন্তু যে আছে আমার রক্তধারায়, তাকে ছাড়ব বললে ছাড়ানো যায় না। তবু ভাবলাম, শ্রামার কথায় বসতে গিয়ে যদি কোন বেদনাদায়ক অপমান নিয়ে ফিরতে হয়, আমার চলার পথের ধূলায় তা ফেলে রেখে যাব। যদি না পারি, তবু জানি জীবন-মনের পলিতে একদিন তা ঢাকা পড়ে যাবে।

বসলাম। তবু বিশ্বয়ের সঙ্গে একটা অজানা বিচিত্র অল্পভূতি ঘিরে রইল মনে। অজানা, কেন-না, শ্রামার হৃদয়ের গতি অজানা। সে খিলখিল করে হাসলে, ঠাট্টা করলে, তাকে বুঝতে পারি। কিন্তু ডেকে বসতে বলে যদি এমনি করে মুখের দিকে অপলক চেয়ে থাকে, যদি তার মনের গোপন লীলা খেলা করতে থাকে মুখের ছায়ায়, তবে বসে থাকি কেমন করে।

পাতিয়া দেহাতি ভাষায়, চাপা স্বরে বিদ্রূপ করে বলে উঠল, ‘তাহলে রাতে আর কুটি বানানো হবে না তো? আজ এই পর্যন্তই?’

শ্রামা অমনি তার চুলের ঝুঁটি ধরে টেনে দিল। টানাটা একটু বেশীই হয়েছে। টাল সামলে পাতিয়া বলল, ‘উঃ বাবাগো! নিজের চুল ধরে টানো। আমার কেন?’

বলে, চকিতে একবার আমাকে দেখে, বলরামের দিকে চেয়ে হাসল। বুঝলাম, শুধু নোকরানী নয়, পাতিয়া নোকরানীর অন্তরালে খুনসুটি করার সহিও বটে। কিন্তু পাতিয়ার খোঁচানিতে কাজ হল। আবার উহুনের ধারে বসল শ্রামা।

আর বাধা মানল না বলরামের গলা। সে আপনমনে চাপা স্বরে গুনগুন করে উঠল—

‘কত কথা ছিল মনে

আজ মনে বাহির হইল না,

সখি, একি দায়, সময় যায়,

বুক ফাটিয়ে মুখ খুঁজি না ॥’

ওরা না বুঝুক বলরামের গানের কথা। নিজে তো বুঝি। বুঝে লজ্জায় ও ত্রাসে চমকে উঠলাম। অবস্থাটা কাটাবার জ্ঞান তাড়াতাড়ি কথা বলবার জ্ঞান মুখ তুললাম। শ্রামাও মুখ তুলল। বোধহয় কিছু জিজ্ঞেস করতে

চাইছিল, থেমে রইল।

এক মুহূর্ত চুপ করে থেকে শ্রামা বলল, ‘কী বলছিলে?’

বলতে যাচ্ছিলাম। কিন্তু কী কথা বলতে যাচ্ছিলাম, তা নিজেই জানি না। বললাম, ‘কিছু নয়। তুমি কী বলছিলে?’

শ্রামা বলল, ‘বলছিলাম, কোথায় আছ? কোন্ আশ্রমে?’

জবাব দিলাম।

পাতিয়া বিদ্রূপভরে বলল শ্রামাকে, ‘মেহেরবানি করে একটু সরে বস, এবার আমি বানাচ্ছি রুটি।’

শ্রামা সে বিদ্রূপ গায়ে মাখল না। সরে বসল সত্যি সত্যি। তারপর কেমন আছি, কোথায় ঘুরলাম, কোথায় খাই, সব জিজ্ঞেস করল। জিজ্ঞেস করল, জবাব নিল, আর টেরে টেরে চেয়ে হাসল নিঃশব্দে। বলল, ‘তোমার লুলা সাধুকে জিজ্ঞেস করেছিলাম, তোমার সঙ্গে দেখা হয় কি-না। এমন আজীব আদমি তুমি?’

এটা বোধ হয় তার ডাকাডাকির কৈফিয়ত। কিন্তু আজীব কেন? বললাম, ‘কেন?’

সে বলল, ‘কী জানি। রেলগাড়িতে সেদিন তোমাকে খুব তখলিফ দিয়েছিলাম, না?’

জিজ্ঞেস করলাম, ‘সেইজন্মই ডেকেছ বুঝি?’

সে বলল, ‘হট।’

এমন করে তাকিয়ে ছিল পাতিয়া আর বলরাম, এমন নীরবে গুনছিল, যে আর বসে থাকতে পারলাম না। একেবারে উঠে দাঁড়িয়ে বললাম, ‘উঠি।’

শ্রামা বলল, ‘কাল আসবে তো?’

কেন, জিজ্ঞেস করা উচিত ছিল। পারলাম না। কিন্তু আসা-আসির কথা আদায়ের বাঁধাবাঁধি কেন।

বললাম, ‘যদি পারি।’

বলে, মাথার ছাউনির বাইরে এলাম। বলরাম এল। গলায় তার গুন-গুনানি থামে নি। হারিকেনের আলো কোথায় হারিয়ে গেল। মাঘ মাসে পৌষ-পূর্ণিমার জ্যোৎস্না ছড়িয়ে পড়ল গায়ে।

শ্রামার চাপা আহ্বান শোনা গেল, ‘শোন।’

ফিরে তাকালাম। চাপা বর্ণের খয়েরি সিল্ক শাড়িতে নীল জ্যোৎস্নার ররণ গড়িয়ে পড়ল। আর ঝিকমিকিয়ে উঠল রূপালী উলেন স্কার্ফ। কাছে

এসে বলল, 'সেদিন রাগ করেছিলে?'

সেদিন মানে একদিনই। বিদায়ের মুহূর্তে চকিতে বদলে যাওয়া মুখে তার সেই তিক্ত কথা। না জেনে সেদিন তার বড় তিক্ত বেদনার বন্ধ দরজায় কড়া নেড়ে দিয়েছিলাম। রাগ করব কেন? দোষ তো আমারই।

বললাম, 'না, রাগ করি নি তো?'

'সত্যি? সচ বলছ?'' সংশয়াকুল হাসি তার মুখে।

সংশয় কেন? কেন রাগ করিনি, অত সব কথা বলতে পারব না বুঝিয়ে। রাগ যে করিনি, করতে পারিনি, সে কথা তো জানি নিজের মনে।

বললাম, 'মিছে বলব কেন? সত্যি বলছি।'

এবার হাসির সঙ্গে চোখে তার কৃতজ্ঞতা দেখা দিল। বলল, 'কাল এস কিস্তি। এই সময়ে!'

চোখাচোখি হল আবার। হাসির সঙ্গে এই বিষণ্ণ জ্যোৎস্নার মত একটা আবেশের লক্ষণ ফুটে উঠেছে তার চোখে। কপালের টিপটি কাঁপছে তার তৃতীয় নয়নের মত। অল্পরোধে মিনতির স্বর।

জবাব না দিয়ে চলে এলাম। ভুলি নি, সঙ্গে রয়েছে বলরাম। তবু কথা এল না। মন চমকাল বারে বারে। মাহুঘের মন। সে যেন পথের ধারে দোলানো আয়না। লক্ষ চমক তার বুকে।

শ্রামা শৈরিণী নয়। এক কুলীন ভূঁইহার ঘরের অশীতিপর বৃদ্ধের যুবতী বউ! হৃদয়ে তার বহু বজ্রের অগ্নিস্ফুলিঙ্গ রয়েছে চাপা। উৎসবের রাত্রে তা খোলা আকাশের বুকে বহু রঙের আলোর ঝাড়ে হাউয়ের মত জ্বলে উঠতে চায়। চোখ ও মন ভরে দিতে চায়। উৎসবের বাসর রচনা করতে চায় সর্বত্র, জীবনের বিড়খনার অন্ধকারে। তাই এ সমাজের সব পরিবেশেই সে ভিন্ন ও বিচিত্র।

কিন্তু আমার পথে নেমে আসে যদি অন্ধকার! ভেজা পথে যদি বারে বারে আটকায় পা?

বলরাম বলল, 'ঠাকুর, আমার উপর রাগ করেছেন?'

বললাম, 'না।'

'তবে বলি এটা কথা?'

'বল।'

'বলব, তার আগে এটুস গরম চা পেইলে হইত।'

নাঃ, বলরামই দেখছি ঠিক আছে। মুখ ফেরাতেই দেখলাম চাঁদের আলোয়,

একমুখ হাসি তার মুখে। ভিড় এখনো খুব। গাড়ি বোড়া ও মাল্লবের
অবিরাম ষাওয়া-আসা। জ্যোৎস্না পেয়ে সবাই যেন নতুন করে মেতে উঠেছে।

দোকানের কোন অভাব নেই। চা নিয়ে বলরাম বলল, ‘ঠাকুর, গুরু
ধরেছেন?’

এ আবার কী কথা! বললাম, ‘গুরু? কেন হে?’

বলরাম বলল, ‘গুরু না হইলে কি চলে? জন্ম থেকে মরণ পর্যন্ত, গুরু
আসে যায়, সকলে তো চিনা দেয় না।’ বলে গুনগুন করে উঠল—

‘গুরু বইলে ক্যারে পরনাম করিব মন।

তোর ভিতরে গুরু, বাইরে গুরু,

গুরু অগণন।’

পেয়ে বলল, তার মধ্যে এক গুরু,

সখি গো! এবার গুরু বলে রাখি মাথা

তোমার চরণে,

পেমরীতি বুঝিলে তুমি অবোধ

জীবনে।’

বলল, ‘বুঝেছেন? এই গুরু ঠিক না থাকলে, সব বেঠিক।’ বলে হেসে
উঠল।

একটু বৃষ্টি অগমনস্ক রইলাম। পরে বললাম, ‘তুমি গুরু করেছ তো
বলরাম?’

বলল, ‘করছি। কিন্তু ঠাকুর, গুরুর সেবা কইরে আমার মনটা ভরে না।’

জিজ্ঞেস করলাম, ‘কে তোমার সেই গুরু?’

বলরাম বলল, ‘যে নিজে কেন্দ্রে আমাকে কান্দায়।’ বলে সে হঠাৎ চোখ
মুছল। চোখে তার জল! বলল, ‘ঠাকুর, কাইলকে আসবেন কিন্তু।
নকীদাসী আপনার জন্মে বইসে থাকবে।’

চলে এলাম। শেব, বলরামের চোখের জলে আজ আমার ডুব দেওয়া লাগ
হল। জলের কাছে এসে থমকে দাঁড়লাম। অনেক, অনেক মুখ মনে পড়ছে।
এই লক্ষ মাল্লবের মুখের মিছিল, আজ তারা মিলেমিশে একাকার হয়ে গেল।
কত গুরু। পথে প্রান্তরে, কুটিরে বস্তুতে, ইমারতে, ঘরে—অগণিত গুরুকে
আমার নমস্কার জানাই। বার বার নমস্কার জানাই।

একেবারে যাবার ইচ্ছা ছিল না বলতে পারি নে। কিন্তু পরদিন সন্ধ্যাবেলায় যেতে পারলাম না। অনেক ঘোরা বাকি ছিল। এখন ঘুরে না নিলে আর হবে না। তবু ভেবেছিলাম, সন্ধ্যাবেলা ঘুরে-ফিরে তারপর যাব। সন্ধ্যাবেলায় নৌকায় করে ফিরে আসছিলাম যমুনার ওপর থেকে। হঠাৎ এই মাঘের সন্ধ্যায় কালবৈশাখীর মত চকিতে মেঘে ছেয়ে ফেলল আকাশ। ঘন ঘন বিদ্যুৎ-ঝলকে বলকিত যমুনা। ঢেউ উঠল তার বুকে। নৌকা ছলে উঠল। বাতাস এল, ঘোর হয়ে এল অন্ধকার। ঝুসির পাড়ে নৌকা ঠেকাবার আগেই বুটি নেমে এল, ঝোড়ো ঝাপটায়। ইচ্ছে করল গুনগুনিয়ে উঠি—

‘উন্মাদ পবনে যমুনা তর্জিত

ঘন ঘন গর্জিত মেহ,

দমকত বিদ্যুৎ পথতরু লুপ্তিত

থরথর কম্পিত দেহ।’

পাড়ে যখন উঠলাম, তখন সর্বাঙ্গ সিক্ত। একে উত্তরপ্রদেশের মাঘের শীত। তার উপরে জল। অসহ্য শীতে দাঁতে দাঁত, হাঁটুতে হাঁটু ঠেকে গেল। চারিদিকে সবাই ছুটছে। মানুষ ও জানোয়ার সমান তালে ছুটছে আশ্রয়ের সন্ধানে। দোকানপাট বাঁপ ফেলছে তাড়াতাড়ি। কোন রকমে আশ্রমে এসে উঠলাম।

সারারাত্রি প্রায় জল ঝরল। সকালবেলা শোনা গেল, কে একজন বুদ্ধ সাধু শীতে বৃষ্টিতে বাইরে থেকে মারা গিয়েছে। হিমপ্রবাহের প্রথম শিকার। তারপরেই দারুণ অভিশাপের মত বালুচরে নেমে এল ভয়ঙ্কর হিমপ্রবাহ। মারা উত্তরপ্রদেশ জুড়েই এক অদৃশ্য ভল্লুক তার খাবা বসাল। ভেঙে যেতে লাগল মেলা।

খোলা আকাশের বুকে যে সব সাধুরা আস্তানা নিয়েছিল, তারা লোটা কষল নিয়ে ছুটল শহরের দিকে। ঝুসির উঁচু জমির কোলে গুহা কেটে আশ্রয় নিয়েছিল যারা, তারা পালাতে লাগল। যাদের ঘর, তাঁবু ধ্বংসে ভেঙে পড়েছে, তারা বৌচকাবুঁচকি নিয়ে ঘরে অভিশান করল।

চারিদিকে শুধু পালাই পালাই রব। কোটরে কেবল গোড়ানি ও যন্ত্রণার ফোঁপানি। ভগবানের কাছে নিবেদন, আবেদন। শীতের তাগুব চারদিকে ছত্রাকার করে দিল। এখন শুধু—

‘আগুন আমার ভাই,

আমি তাহারি গান গাই।’

আগুন, আগুন চাই। মানুষ বেরোয় না। শুধু উটগুলি কাঁপতে কাঁপতে আসে কাঠের বোঝা নিয়ে। এলাহাবাদের বাউতুলে মেয়েপুরুষেরা কেউ বেকার রইল না। সকলেই বনে বাদাড়ে ঘুরে কাঠ এনে বিক্রি শুরু করল। আর নিশ্চয় আসতে-না-আসতে বিক্রি হয়ে যায়। একবেলা খাওয়া না জুটুক, আগুন না হলে চলবে না।

আগুন নিয়ে কাড়াকাড়ি, মারামারি। অর্থহীন আশ্রয়গুলি ভালো আছে। তাদের কাঠ, আগুন ও ভাল তাঁবুর অভাব নেই। সেখানে নাগারা উলঙ্গ হয়েই বেড়াচ্ছে নির্ধিকারভাবে। কিন্তু অবিকাংশ গ্রাম থেকে নিয়ে আসছে কাঠ। এক টুকরো কাঠের জন্য তীর্থক্ষেত্রে কোলাহল ঝগড়ার অন্ত নেই।

আমাদের আশ্রমের কাছেই গোলমাল। বেরতে পারি নে তিন দিন ধরে। ইচ্ছে করলে বেরনো যেত। কিন্তু এই শীতে কোথায় যাব। তার মধ্যে ভেজা ওভারকোটটি কয়েক মাসের মধ্যে শুকোবে কিনা সন্দেহ। তার ওজন হয়েছে কয়েক মণ। গোলমাল শুনে বেরিয়ে এসে দেখি, একজন সাধুকে ধরে নিয়ে যাচ্ছে দুজন লোক। সাধুটির হাতে কয়েক টুকরো কাঠ। কী ব্যাপার? না, সাধুটি নাকি কাঠ চুরি করেছে ওই লোক দুটির দোকান থেকে। কিন্তু সাধু কিছুতেই যাবে না। ভয়ঙ্কর ভয়ঙ্কর সব অভিভাষাবাক্য বর্ষিত হচ্ছে তার গলা থেকে। কিছুতেই যখন যাবে না, তখন লোক দুটি আক্রমণ করল তাকে। সে পিঠ পেতে নিল সেই পীড়ন। তারপর বলল, 'বেশ করেছে, মগর লকড়ী দেব না।'

দিল না। লকড়ি না, প্রাণের টুকরো কটি নিয়ে সে ফিরে গেল হাসতে হাসতে।

একদিন শহরে গেলাম। ভরদ্বাজ মুনির আশ্রম দেখলাম। কৌতূহল মিটল আনন্দভবন দেখে। একটু পোষ্ট-অফিসে যাওয়ার দরকার ছিল। সেখানে গিয়ে দেখা এক বন্ধুর সঙ্গে। এলাহাবাদ বিশ্ববিদ্যালয়ের প্রক্টর অধ্যাপক বন্ধু। তাঁকে আর এ কাহিনীতে টানব না। কিন্তু কদিন ধরে শুধু শহরেই যাওয়া আসা করলাম। একদিন নিমন্ত্রণ পেলাম, কেল্লার অভ্যন্তরভাগে সবকিছু দেখে নেওয়ার। সেখানে সাধারণের প্রবেশ নিষেধ।

গোলাপীবর্ণের আকবরের দুর্গাভাস্তরের মৌখটি, পাঁচিলের বেড়ার মধ্যে নির্জনে দাঁড়িয়ে আছে একলা। পাঁচিলের দরজা সারাদিন বন্ধই থাকে। কারণ ওখানে বাকদের স্তূপ নাকি ঠাসা আছে। সেখানে সাধারণ কর্মচারীদেরও প্রবেশ নিষিদ্ধ। মাহুঘের সঙ্গে যেন এক অতীত মৌখের অদৃশ্য মাহুঘেরা অবাক

চোখ মেলে রইল অলিন্দে অলিন্দে, গবাক্ষে গবাক্ষে। গবাক্ষে প্রবেশ-মুখে কোন দরজা নেই। ছিলও না কোনদিন। মথমলের ভারী পর্দা ঝুলত। সেই পর্দার ফাঁক দিয়ে ঢুকত খোলা সঙ্গমের হাওয়া। বেলোয়াড়ী কাচের বাড বাজত ঠিনিঠিনি করে। এখন খোলা গবাক্ষ দরজা দিয়ে হাওয়া ঢুকে পাক খেয়ে ভিতরেই হারিয়ে যায়। আকবরের দুর্গ, দরবার বসত একদিন এখানে। এখন পুরনো ইমারতের গন্ধে বাতাস ভারী।

বেরিয়ে এলাম। এই সৌধের পূর্বে দ্বিতীয় অট্টালিকার পেছনে জঙ্গল ও পুরনো প্রাচীর। প্রাচীরের নীচেই গঙ্গা। দেখলাম, এক জায়গায় একটি বিশাল বট। আসলের চেয়ে হৃদ বেষী। বটের ঝুরি নেমে তৈরী হয়েছে আরও কতকগুলি গুঁড়ি। বটের গভীর ঝাড়ে চারিদিক হালকা অন্ধকার। তলায় গোবর দিয়ে সমস্ত লেপা-মোছা রয়েছে। লেখা আছে, অক্ষয়বট।

এই-ই প্রাচীন ও প্রকৃত অক্ষয়বট। কেল্লার অল্প অংশে পাতালপুরীতে অনেক দেবদেবীর সঙ্গেও রয়েছে একটি শাখাপত্রহীন বটের মোটা ডাল। পাণ্ডা বলল, ওটিই আসলে অক্ষয়বট। ইতিহাস তা বলে না। এই কৃত্রিম শাখাটি নিয়ে এক সময়ে কাগজে লেখালেখিও হয়েছিল। ওটি আসল অক্ষয়বট নয়, পাণ্ডাদের পয়সা রোজগারের সিদ্ধিবট হবে হয়তো। শ্রীশিবনাথ কাটজু এম. এল. এ. গবেষণা করে জানিয়েছেন, নিরালার এই ঝুরি-নামা বটটি আসল অক্ষয়বট। এর উপরে দাঁড়ালে দেখা যায় গঙ্গা-সমুদ্রের সঙ্গম। আদিগন্ত মেলা ও তাঁবুর সমুদ্র।

একদিন, এই গাছ থেকেই সহস্র সহস্র হিন্দু ঝাঁপিয়ে পড়ে সঙ্গমে প্রাণ দিয়েছেন। তুলসীদাসের শ্রীরামচরিত মানসে আছে—

‘সঙ্গম সিংহাসনু হৃদি সোহা।

ছত্র অক্ষয়বট মুনিমন মোহা ॥

পূজহি মাধব পদ জলজাতা।

পরসি অক্ষয়বট হরক্ষহি গাতা ॥’

হিউ-এন্-সাঙ, অলবেকনী, আকবরের আমলের ইতিহাস-লেখক আবতুল কাদের বাদায়ুনী সকলেই লিখে ও বলে গিয়েছেন।

আর ওই দূরের চর, সঙ্গমের তীরভূমি। কোথায় কোন্ স্থানটিতে মাথায় রাজমুকুট নিয়ে এসে বসতেন সম্রাট হর্ষবর্ধন। কোথায় বসত তাঁর পঞ্চবার্ষিকী মহাসভা, যেখানে যুদ্ধের উপকরণ ছাড়া সবই বিলিয়ে দেওয়া হত দানছত্র খুলে। কিন্তু আশ্চর্য! কুস্তমেলার ইতিহাস কোথাও নেই। কেবল লক্ষ লক্ষ নরনারী

যুগযুগান্ত থেকে পাগলের মত ছুটে এসেছে, এখানে কাঁপিয়ে পড়েছে সন্ধ্যা। কেউ বলেন, শঙ্করাচার্য এ মেলার প্রতিষ্ঠাতা। কতখানি সত্য, তা জানি নে। ইতিহাস সাক্ষী দেয়, শঙ্করাচার্য তার প্রচারমঠ করেছিলেন চার জায়গায়। শৃঙ্গগিরিতে শৃঙ্গগিরি মঠ, দ্বারকায় সারদা মঠ, ত্রীক্ষেত্রে গোবর্ধন ও বদরিকাশ্রম অবধলে ষোল্লমঠ। প্রয়াগের উল্লেখ তো দেখি নে।

ইতিহাসই যখন এল, তখন শঙ্করাচার্যের কথা আর-একটু বলি। সে ইতিহাস একটু রাজনীতি-বেঁবা। এগারো শো বছর আগে আরবসাগরের ঢেউয়ে ঢেউয়ে তখন ইসলাম ধর্মপ্রচারকেরা কাঁপিয়ে পড়েছে ভারতের দক্ষিণ সৈকতে। ধর্মপ্রচারের নামে, ওটা রাজ্য দখলের ফিকির বলা যায়। আর হিন্দু নিম্নবর্ণের মানুষেরা তখন বর্ণহিন্দুদের দ্বারা এমন ভয়াবহভাবে নির্ধাতিত যে, তারা দলে দলে মুসলমান হতে আরম্ভ করল। মন্দিরে প্রবেশাধিকার তো দূরের কথা, ভগবানকে ডাকবারই অধিকার নেই। ইসলামধর্ম উদার মূর্তি ধরে দিল দেখা। রাজ্যায় প্রজায় একসঙ্গে বসে প্রার্থনা করলেও ভগবান অসন্তুষ্ট নন। তখন শঙ্করাচার্য ব্যাপার দেখে ধর্মকে ভেঙে গড়লেন। ইসলাম এক? হিন্দুর ভগবানও এক। উৎপত্তি হল শঙ্করাচার্যের কেবলান্দৈতবাদ। নিগুণ উপাসনা। এ ধর্মান্দোলনে তখন প্রগতিশীলতার গন্ধ ছিল। আজকে অনেকখানি মূল্যহীন। তবু আজকের ভারতকে অস্পৃগুতাবিরোধী অভিযান করতে হয়।

এই আমলেও হয়তো সহস্র সহস্র মানুষ এসেছে কুস্তমেলায়। কাঁপিয়ে পড়ে প্রাণ দিয়েছে।

আজো আসে, এখনো আসে। আমার মত কত মানুষ এসেছে, কত মানুষ দেখেছে। তবু ভাবি, সেদিনও কি এমনি বিচিত্রের মেলা বসত। এমনি সব বিচিত্র নরনারী আসত তাদের হাসি ও চোখের জল নিয়ে। হয়তো আসত, এর চেয়েও বিচিত্রতর ছিল তাদের জুড়য়লীলা।

শুনলাম, আগুন লেগেছে প্যারেড গ্রাউণ্ডে। যে আগুন এখন মানুষের প্রাণ, সেই আগুন রক্তমূর্তিতে দিয়েছে দেখা। ভয় হল। প্যারেড গ্রাউণ্ডে বলরাম থাকে। এর পরে একদিনও যাই নি। আগুন লাগার কথা শুনে তাড়াতাড়ি ছুটে গেলাম। গিয়ে দেখলাম, না, বলরামদের তাঁবু অক্ষত আছে।

বলরাম বলল, 'জানতাম, ঠাকুর আমার না এইসে পারবেন না। ঠাকুর কি

আর এমনি কইছি। ওইখানে থেকে উনি পিতিদিন এইসে এইসে জিজ্ঞাসা করেছেন, কই লুলাসাধুজী, তোমার বাবুজী তো আইসলেন না? মনে মনে কইছি, রয়েন গো ঠাকুরন, সময় হইলে আপনি আইসবেন।’

বলরাম, শ্রামার কথা বলছে। অভঙ্গতার চেয়েও বড় কথা, শ্রামার নিষ্পাপ হৃদয়লীলা হৃদনের জগু সুর তুলতে চেয়েছিল। তার সেই বন্ধুত্বের মর্যাদা দিতে পারি নি আমার সমাজবোধের জগু।

বলরাম বলল, ‘আপনি রোজই শহরে চলে যান শুনলাম, কাইল গেছিলাম আমরা আপনার আশ্রমে। গিয়া শুনলাম, আপনি নাই। কেউ কিছু কয় নাই আপনারে?’

অবাক হলাম। তাই তো, কাল ব্রজবালা কী যেন বলছিল। গুহ্লাদ এ ভয়ঙ্কর ঠাণ্ডায় শয্যা নিয়েছে। ব্রজবালার মন খারাপ। তবু একবার যেন বলেছিল, তোমাকে ডাকতে এসেছিল কারা। ভেবেছিলাম, শহরের কেউ হবে। যেভাবে শহরে পরিচয়ের বাড়াবাড়ি ঘটে, কারুর আসা বিচিত্র নয়।

জিজ্ঞেস করলাম, ‘তুমি গেছলে?’

বলরাম বলল, ‘একলা নয়, গুনারা চারজন আছিলেন। গুনার সতীন, সতীনের বৃহন আর ঝি। আমারে কইলেন, লুলাসাধুজী, আমার সতীন না গেলে তোমার বাবুজী আইসবেন না। চল ঘুরে আসি। আপনারে পালাম না। গুনারা অনেক জিনিসপত্র কিনলেন, তারপর আইসে পড়লেন।’

স্তব্ধ হয়ে রইলাম। বলরাম বলল, ‘ঘাইবেন একবার?’ বলরামেরও হাসিমুখে ব্যাকুল জিজ্ঞাসা।

বললাম, ‘বলরাম, যাওয়া যায় না।’

ফিরে আসবার পথে লক্ষ্মীদাসী ছুটে এল। বলল, ‘ঠাকুর আপনে এটু বারণ কইরে যান তারে, যেন এমনি করে বাইরে না বইসে থাকে। আবার মেলায় মানুষ বাড়তেছে। কাইলকে কার পায়ের তলায় পইড়ে মাথায় চোট খাইছে। আপনে এটু কন, আপনার কথা শুইনবে। কিছু কইলে খালি এক কথা, নকীদাসী! মন ঘেঁ মানে না গো! তবে আখড়া, ভোগ পূজা রেইথে তুমি আমার সঙ্গে চল। যদি কই, কোথায়? কয়, যেইখানে মন টানে, মন যায়।’

কেঁদে ভাঙ্গাল লক্ষ্মীদাসী। বলরাম বলল, ‘নকীদাসী, তোমার কাছেই তো পাঠ নিচ্ছি—’

‘আর বইসে থাকার সময় নাই গো,

বেন্দাবনে বাজছে বাঁশি আমার নাম ধইরে।’

তবু বললাম, ‘কিন্তু সাবধান থেক বলরাম। এভাবে জীবন সংশয় কোরো না।’

সত্যি, আবার লোক বাড়তে আরম্ভ করেছে। মাঝে ভাঙন ধরেছিল, ফিরে যাওয়ার তাড়া পড়েছিল একটা। কিন্তু দ্বিগুণ করে ফিরে আসার তাড়া পড়েছে। ঠাণ্ডা কমেছে, হিমপ্রবাহ সরে যাচ্ছে আন্তে আন্তে। আবার রোদ হাসতে আরম্ভ করেছে। প্রত্যহ নতুন নতুন সাধুবাহিনী হাতি, ঘোড়া ও নিশানের মিছিল নিয়ে ছুটে আসছে দূর-দূরান্তর থেকে।

এই প্রথম দেখলাম, উলঙ্গ সন্ন্যাসী উন্মুক্ত রূপাণ হস্তে ছুটে আসছে অশ্ব-সওয়ার হয়ে। বিশেষ নাগাদেরই এ রুদ্রমূর্তিতে দেখা যাচ্ছে বেশী। তাদের চেহারায়, অস্ত্রে, সর্বদাই তারা ভয়ঙ্কর। কখন থেকে এদের উৎপত্তি, জানি নে। তবে শুনেছি, নগ্নতা বহুদিনের। রূপাণ কয়েক-শো বছর আগের। অসহায় সাধুদের রক্ষার জন্য চৌদ্দশ শকে বালানন্দজী সাধু-সংরক্ষণী সশস্ত্র সাধুসেনা-বাহিনী তৈরী করেছিলেন। এমন কি এরা অনেক সময় রাষ্ট্রের যুদ্ধেও অংশ গ্রহণ করেছে।

সাধু ও মাহুষের ভিড়ে মেলা আবার জমে উঠলো। সামনে অমাবস্তা। মৌনী অমাবস্তা, সেইদিন পূর্ণরক্ত স্নান।

একদিন রাত্রিবেলা পাঁচুগোপাল বলল, ‘তুমি সব লিখবে, এখানকার সব কথা?’

বললাম, ‘যদি লিখি?’

‘আমার কথাও লিখবে?’ চেয়ে দেখি, পাঁচুগোপালের সেই চোখে সেই পাগলামির ছায়া। বললাম, ‘লিখতে পারি।’

কেউ ছিল না। তবুও চারিদিক দেখে সে বলল, চাপা গলায়, ‘তবে লিখে দিও, আমি বলেছি সেইভাবে নয় কিন্তু! লিখে দিও, যদি সে একবার এসে বলে, বাবামণি, তুমি আমার মাপ কর, তবে, তবেই আমি তাকে……’

কণ্ঠরুদ্ধ হল তার। ছপ্-দাপ্ শব্দে চলে গেল সামনে থেকে। ‘সে’ মানে তার মেয়ে শিউলি। যে তার বাবাকে ছেড়ে গিয়েছে। জানি নে সে কোথায় আছে। কিন্তু আমি লিখে দিলে যদি সে পাঁচুগোপালকে এসে বাবামণি বলে ডাকে, তবে লিখে দেব। নিশ্চয় লিখে দেব। লিখে দেব, ‘শিউলি! কোথায় ফুটেছ, কোথা থেকে ছড়াচ্ছ এত গন্ধ! ডক্টর পাঁচুগোপাল পাগল

হয়ে ফিরছে পথে পথে। একবার বাবামণি বলে ডেকে তার কোল ভরে দিয়ে যাও।’

মেলা পাগল হয়ে উঠল। যে মানুষের বস্তা দেখে এতদিন অবাক হয়েছি, এবার তার অনেক গুণ বেশী। মনে হল, মানুষ আর ধরবে না সারা মেলায়।

অমাবস্তা নিকটবর্তী। সকালবেলা এসে হাজির বলরাম। এসে বলল, ‘চলেন ঠাকুর।’

বলরাম, ‘কোথায় হে?’

বলল, ‘যেখানে যাওয়ার।’

আশ্রমের সবাই অবাক বলরামকে দেখে। শুনলাম, সকলেই বলাবলি করছে, ছোঁড়াটা কোন গুণ-তুকের ওষুধের সন্ধানে আছে। নইলে, ওমব মানুষের সঙ্গে কেন? ব্রজবালাও আমাকে পর পর ভাবতে আরম্ভ করছে।

জিজ্ঞেস করলাম, ‘কোথায়? তোমাদের তাঁবুতে?’

সে বলল, ‘না, বেড়াইতে।’

বের হলাম। বলরাম সোজা দক্ষিণে নিয়ে চলল। নিয়ে চলল, যেখানে গৃহবধূদের সঙ্গে দেখা হয়েছিল। বুঝতে দেবী হল না, কেন বলরাম টেনে নিয়ে এসেছে।

দূর থেকেই দেখলাম, জনবিরল গদ্বার ধারে শ্যামা দাঁড়িয়ে আছে। পায়ের কাছে তার জলভরা কলসী। কলসীর মুখে ভেজা জামা-কাপড়। বলরাম, চান করে দাঁড়িয়ে আছে। পরেছে লাল টকটকে শাড়ি। জানি, সে দেখেছে। তবু মুখ ফিরিয়ে আছে অচ্যুতিকে।

পা আপনি থেমে এল। বলরাম, ‘বলরাম, তুমি তো আনন্দ ছাড়া কিছু জান না। তবে পথের মাঝে শুধু অনাস্থ্য করে এ নিরানন্দকে ডেকে আনিছ কেন?’

বলরাম বলল, ‘ঠাকুর সত্যিই তুমি অনাচ্ছি? তবে চোখের জল কি শুধু অনাচ্ছি? তবে আনন্দে চোখের জল ফেলেন কেন?’

‘এখানে সে আনন্দ কই?’

‘ওই যে। হেসে, কথা কয়ে একজন আনন্দ ছিটি করতে চাইছে, তারে আমি খামাই কেমনে? যে কেন্দ্রে কেন্দ্রে আনন্দ করতে চায়, তারে ফিরাই কেমনে? এই ধূনাপারে আপনারা দেখা করেন, কেন্দ্রে ফিরে যান। আমি

তাই দেখি। দেইখে ফিরে যাইব। সেই আমার আনন্দ। পথ চলার ওই তো মজা। ওই আনন্দটুকুই তার লাভ।

‘এই বুঝি তোমার গুরু শিখা?’

‘হ্যাঁ। কিন্তু সে বলে ওইটুকু নাকি তার দুঃখ। যে দুঃখ মাইনসের সঙ্গে ছাড়ে না। আমরা আনন্দ-দুঃখ একসঙ্গে থাকি।’

বলে সে হাসল। এগিয়ে গেলাম। শ্রামা ফিরে তাকাল। কিন্তু এ কী! এতদিন সে অল্প শাড়ি পরে রাঙা হাসি হেসেছে। আজ রাঙা শাড়ি পরে এসেছে, কিন্তু সারা মুখে ব্যথা-নীল যমুনার স্থির ও গম্ভীর ছায়া। ভেজা চুল এলানো। বাঁকা চোখে তার অভিমানস্কর তিরস্কার। তাকিয়ে প্রথমে শুধু বলল, ‘মিথ্যাক!’

ওইটুকু বলতেই তার গলায় ঘেন অনেক জোর দিতে হল। বললাম বলল, ‘ঠিক। কপট বাক্যিতে ঠাকুর বড় দড়ো দেখতেছি।’

না হেসে পারলাম না। মেনে নিতে হল শ্রামার অভিযোগ। বললাম, ‘সুনলাম তোমরা একদিন আশ্রমে এসেছিলে।’

চকিতে চোঁট বেকিয়ে শ্রামা বলল, ‘মগর, তুমি পালিয়েছিলে। ভীৰু! কেন পালিয়েছিলে?’

বললাম, ‘পালিই নি। জানতাম না তোমরা আসবে।’

সে বলল, ‘জানতে। ভয়ে পালিয়েছিলে।’

‘কার ভয়ে?’

‘আমার ভয়ে।’

‘তোমার ভয়ে? কেন?’

শ্রামা চকিতে মুখ ফিরিয়ে নিল। মুখ না দেখিয়ে বলল, ‘আমি খারাপ আওরত, তাই। তোমাকে তথলিক দেব, সেই ভয়ে তুমি কথা দিয়েও যাওনি। তুমি এসেছ, চলে যাবে। আমিও চলে যাব। মাল্লবের সঙ্গে কি মাল্লবের মিতালি হয় না?’

বলে সে ফিরল। হাস্তময়ী শ্রামার চোখে বহুতা যমুনা। বলল, ‘যেয়ে দেখতে তোমাকে তথলিক দিতাম না। যত খারাপ ভাব, আমি তত খারাপ নই।’

পরাজয় ধিকার দিল আমাকে। শ্রামার লাল শাড়ি নীল হয়ে উঠল। ও যে ব্যথার রঙ। যমুনার কাঃসাজি। যমুনাতিরের বাঁশি কবে লোকলজ্জা মেনেছে। সে যে চিরদিন কলঙ্কের কোঁটা কপালে দিয়ে হাসিয়েছে কাঁদিয়েছে।

শুধু মিতালী। শ্রামা আমার মিতালী। মনে মনে কোন অস্বীকৃতি ছিল না। প্রকাশে লজ্জা ছিল, সে-বঁধও ভাঙাল। তাকিয়ে দেখি, সেই দূরন্ত মেয়ে, কী অসহায়! ডাকলাম, ‘শ্রামা!’

এই প্রথম তার নাম ধরে ডাকা। শ্রামা ফিরে তাকাল। বলল, ‘ভীৰু নই। তোমাকে দুঃখ দিতে চাইনি।’

শ্রামা বলল, ‘তুমি আমার তখলিফ ভাবছিলে? মিথ্যুক। তবে আসো নি কেন?’ বলতে বলতে তার ভেজা চোখে ও বঁকা ঠোঁটে হাসি দেখা দিল। বলল, ‘এখানে রোজ চান করতে আসব, যে কদিন আছি। আসবে তো? আসতে হবে।’

মনের কথা বলতে পারলাম না। নীরবে স্বীকৃতি দিতে হল। বললাম বলল, ‘একখানা হিন্দী গান শিখছি এইখানে এইসে—

‘শুন শুন রাধে, মৎ যাইহো যমুনাকে তীর

বেন্দাবনকে কঞ্জ গলিমে কর পকড়ত মরি চীর।’

এবার গানের সঠিক অর্থ বোঝায় কোন গুণগোল হয় নি শ্রামার। একবার বললাম, আর-একবার আমার দিকে ষাড় বঁকিয়ে তাকাল অপাঙ্গে। হাসল নিঃশব্দে ঠোট বঁকিয়ে। তারপর শ্রামা বলল, ‘চল।’

‘কোথায়?’

‘আমাদের ওখানে।’

গেলাম। দেখলাম, মিথ্যের আশ্রয় নিতেই হল। বলতে হল, আমার সঙ্গে পথে দেখা হয়েছে তাই ধরে নিয়ে এসেছে। প্রোটা প্রেমবতীরা আমাকে দেখে হেসে উঠল। প্রোটা বলল, ‘লুনা সাধুজীর সঙ্গে তোমার আশ্রমে গিয়েছিলাম। কদিন আছ আর?’

কোন বিকার না দেখে অবাক হলাম। বললাম, ‘অমাবস্যাটা দেখে যাওয়ার ইচ্ছে আছে।’

তারপরেই বুড়োর সঙ্গে দেখা। সর্বনাশ! বৃদ্ধ ব্যাঘ্র এক নজরে তাকিয়ে রয়েছে। কিন্তু আশ্চর্য! বুড়ো হঠাৎ ফোকলা দাঁতে হেসে বলল, ‘খবর ভাল?’ বললাম, ‘হ্যাঁ।’

বুড়ো বলল, ‘আমার ছোট বউ তোমার কথা খুব বলে।’ তারপর হঠাৎ গুরুগম্ভীর গলায় বলল, ‘ভগবান তোমার ভাল করুন।’

বলে বৃদ্ধ একটি দীর্ঘনিশ্বাস ফেলে শূন্যদৃষ্টিতে তাকিয়ে রইল দূর আকাশের দিকে।

চোখ তুলে দেখি শ্রামা তাকিয়ে আছে এদিকে ।

তারপর দেখা হয়েছে প্রায় প্রতিদিন । শুধু ঘাটে নয়, নাগাবাস্কির মন্দিরে, দারাগঞ্জের বেগীমাধবের স্থানে, ওপারে অড়হরের ক্ষেতের ধারে । বলরাম ছিল সব সময় । প্রোচা প্রেমবতীয়াও সঙ্গে ছিল দু-একবার । কেবল পাগলের মত ঘুরেছে লক্ষ্মীদাসী বলরামের পেছনে পেছনে ।

অমাবস্তার আগের দিন ঘমুনার ঘাটে বলরাম, ‘পরন্তু চলে যাব ।’

শ্রামা বলল, ‘আমরাও ।’ বলে সে ফিরে তাকাল দূর ঘমুনার দিকে । রুদ্ধ গলায় বলল, ‘মনে থাকবে ?’

‘কী ?’

‘এই মেলা ?’

‘থাকবে ।’

শ্রামা দুর্জয় কটাক্ষ হেনে বলল, ‘মিথ্যাক ।’

না, মিথ্যাক নই । জানিনি কিসে ভরে রইল বুক ও মন । এই ভরা মন নিয়ে আমার চলা । ভুলব কেমন করে । বলরাম বলল, ‘আমার কী পাওনা হইল ?’

বলরাম, ‘কিসের পাওনা ?’

‘আপনাদের বিদায়ের ?’

শ্রামা বলল, ‘আমি দেব তোমাকে, কাল ভোরে, এখানে । তোমার বাবুজী এলে ।’

ভোরে যেতে পারলাম না । অনেক বেলা হল । আশ্রম কাঁকা । ভিড় দেখে আতঙ্ক হল । কিন্তু এ তো শুধু ভিড় নয়, পাগলের মত সবাই দিকবিদিক ছুটছে । বুক চাপড়াতে চাপড়াতে, চুল ছিঁড়তে ছিঁড়তে, কাপড়-জামা ছিঁড়ে চীৎকার করে কাঁদতে কাঁদতে মানুষ চারিদিকে ছুটছে । খুন ! মৃত্যু ! মরে গেছে, হাজার হাজার মরে গেছে !

কী হল ? যাকে জিজ্ঞেস করি, সে-ই ঠেলে ফেলে ছুটে যায় । দুবার মুখ খুবড়ে পড়লাম । মানুষ কি পাগল হয়েছে ?

শুনলাম, মানুষে সাধুতে দলে পিষে প্যারেড গ্রাউণ্ডে হুম্মানজীর মন্দিরের কাছে মৃতদেহের স্তূপ জমেছে । সাকো পার হতে পারলাম না । ভিড় আর পুলিশের কর্ডন চারিদিকে ।

বেলা দশটায় এসে একটার সময় পার হলাম । সারা মেলা জুড়ে শুধু মৃত্যু-চীৎকার । সে কাহিনী আর বাড়াব না ।

কিন্তু বলরামদের তাঁবু কোথায়? বলরাম কোথায়? সব ছিন্ন-ভিন্ন ভাঙা তহনছ চারিদিকে। কাউকে পেলাম না। লক্ষ্মীদাসী, বলরাম, শ্যামা—কাউকে না।

চারিদিকে শুধু স্বতদেহের স্তূপ। তাকে ঘিরে রয়েছে পুলিশ-বাহিনী। অপরিচিত নারী ও পুরুষ কণ্ঠস্বয় হয়ে পিষে মরেছে। শিশু চেপটে লেপটে রয়েছে মায়ের বুকে। যে দেহ ও রূপ নিয়ে অনেক লজ্জা, তা আজ ঠাণ্ডা, স্পন্দনহীন স্তূপীকৃত। রঙিন ওড়না আর সিল্ক শাড়ি, নাগরা জুতো আর কলিদার পাঞ্জাবী, মাথার টিকুলি আর গলার চন্দ্রহার, তারই সঙ্গে ছন্নছাড়া ছিন্ন বেশ, সব একাকার। কিন্তু সে স্তূপে সাধু একটিও নেই।

পুলিসের কর্ডন ভেঙে মানুষ ছুটে আসতে চাইছে। খুঁজছে। বউ-মা, বাপ-ছেলে, আত্মীয়-বন্ধু, সবাইকে খুঁজছে, ডাকছে, পায়ে পড়ছে পুলিশের।

কে একজন চীৎকার করে কেঁদে কেঁদে বলছে, ‘সব মাতাল সাধুরা এদের খুন করেছে, খুন।’

রাজপুরুষ থেকে শুরু করে সকলের প্রতি সাধারণ মানুষের ক্ষোভ ও ক্রোধ ফেটে পড়েছে।

চলে এলাম। দেখলাম, আশ্রমের অনেকে এসেছে হাত-পা ভেঙে। হাত-পা-ভাঙা অবস্থাতেই গোছাতে ব্যস্ত। পালাও পালাও। একদিন যেমন কারুর মুখে পা দিয়ে, কারুর গলা টিপে সবাই এসেছিল, তেমনি করে আজ সব পালাচ্ছে। একদিন পাগলের মত হত্তে হয়ে সবাই এসেছিল, আজ পাগলের চেয়েও ভয়ঙ্কর হয়ে সবাই পালাচ্ছে।

সন্ধ্যা হল। শত শত চিতার আগুন লকলকিয়ে উঠল প্রয়াগের আকাশে। আগুন লাগার ভুল করে বার বার ফায়ারব্রিগেড অ্যালার্ম বাজল। কিন্তু সে আগুন নেভাবার জ্ঞান কোন জলধারা ছুটে এল না। কার প্রতিশোধ এমন রূপ নিল, কার প্রতিদানের এমন ভয়ঙ্কর মূর্তি দেখা দিল!

ব্রজবালা ডাকল। চমকে উঠলাম। দেখলাম, তারা লটবহর নিয়ে রওয়ানা হয়েছে। কেউ বলল না, শুধু সে বলল, ‘যাবে না?’

ঝোলা কাঁধে নিয়ে বললাম, ‘চল।’ কিন্তু প্যারেড গ্রাউণ্ডে এসে স্থির থাকতে পারলাম না। ব্রজবালারা চলে গেল। আবার ছুটে গেলাম সেখানে। না, কেউ নেই। শুধু অপরিচিত জনতা ও পুলিশের ভিড়। ফিরে বাঁধে উঠতে গিয়ে, একটি গাছতলায় দেখলাম লক্ষ্মীদাসী, সঙ্গে কয়েকজন ছন্নছাড়া ভীত সন্ত্রস্ত বৈষ্ণব। জিজ্ঞেস করতে যাচ্ছিলাম বলরামের কথা।

লক্ষ্মীদাসী আমাকে দেখে শাস্ত গলায় বলল, 'কতবার, কতবার বারণ করেছি ঠাকুর। কিন্তু সে যে যাওয়ার জন্তে আসছিল, তারে আমি ফিরাইয়া নিয়া যাইব কেমনে ?'

জিজ্ঞেস করলাম, 'কী হয়েছে বলরামের ?'

একজন বৈষ্ণব ফুঁপিয়ে বলল, 'বলরাম ওইখানেই আছে।' বলে চিত্তার দিকে দেখিয়ে দিল।

বলরাম নেই ? নেই। বলরাম তার কথার ফুলবাগান নিয়ে এখানে এসেছিল। তার মালিনী ছিল লক্ষ্মীদাসী। এখন বাগান দগ্ধ হচ্ছে। লক্ষ্মীদাসী এইখানে বসে আছে।

শক্ত হয়ে রইলাম, নিজেকে ছুঁতে চেপে ধরে রইলাম। অনেকক্ষণ কথা বলতে পারলাম না। পরে বললাম, 'চল, যাওয়া যাক !'

লক্ষ্মীদাসী : 'চিতা নিভুক ঠাকুর, পরে যাইবা।'

তারপরে ফিসফিস করে বলে চলল, 'তুমি যেথায় আছো সেথায় আছি, আমার মিছা ভাবনা নাই মনে। তুমি ডাকলে আপনি কপাট খোলে, তোমার বাতাসে বাতাসে তাল দিয়া নাচি।'

বলরামের-ই গান। মূলগায়নের গান। যার গান না শুনে লক্ষ্মীদাসীর মন্দিরের ঠাকুর হাসে না, মুখ তোলে না। সে আবার বলল, 'নিভুক ঠাকুর, তা পরে যাইব।'

সেই ভাল। গভীর রাত্রে জিজ্ঞেস করলাম, 'ওদের, মানে শ্রামাদের কোন খবর জান ?'

লক্ষ্মীদাসী বলল, 'আপনার ওনার ?'

আমার ওনার ! সে বলল, 'ওনারে দেখি নাই। ওনার সতীনেরে দেখছি ঠাকুর, বুক খাপড়াইয়ে কানতেছিল। কিন্তু কিছু জিজ্ঞেস করতে পারি নাই।'

বুক চাপড়ে কান্না ? হাঁটু মুড়ে বসে রইলাম। নতুন করে আর কোন ভয়ঙ্করতাই নাড়া দিতে পারল না মনকে। কেবল ভেতরটা অস্থির হয়ে রইল।

সকালেও চিতা নিভল না। তবু যাত্রা করতে হল। পলায়মানদের শ্রোতে ভেসে গেলাম। আসার জন্ত মৃত্যু, এবার যাওয়ার তাড়ায় মানুষ মানুষকে পিষে মারছে।

ভিড়ের মধ্যে ট্রেনের কামরা খুঁজছিলাম। পিঠের ঝোলায় টান পড়ল।

ফিরে দেখি প্রোচা। বলল, 'উঠে এস!' উঠলাম লক্ষ্মীদাসীকে নিয়ে। লক্ষ্মীদাসী বলল এক কোণে। দেখলাম, তার পাশে প্রেমবতীয়া, তারপরে পাতিয়া, তারপরে শ্যামা। প্রোচা আর শ্যামা দুটি সাদা ওড়নার ঘোমটা দিয়ে সর্বাঙ্গ ঢেকেছে।

প্রোচা ফুঁপিয়ে উঠে বলল, 'আমার বুড়টা মারা গেল ভাই।'

ফুঁপিয়ে উঠল প্রেমবতীয়া ও পাতিয়া। কেবল শ্যামার মুখ দেখতে পেলাম না। সারা কামরাই ব্যথা ও শোকের কান্নায় ভরা।

জায়গা ছিল না। মাঝখানে মালের উপর বসতে হল। শ্যামা ফিরে তাকাল। ওড়না খসে গিয়েছে। সিঁথিতে মেটে সিঁদুর নেই, কপালে নেই টিপ। রাত্রিজাগরণ ও ক্লান্তির ছাপ সারা চোখেমুখে। অনেকক্ষণ চেয়ে থেকে চোখ নামিয়ে নিল। ও-ই শ্যামার বিধবার বেশ। চোখে মুখে তার ক্লান্তি ও বেদনা ছিল। আর ছিল চাপা হৃথের একটি নিগূঢ় ছাপ। কিন্তু বৈধব্যের যন্ত্রণার ছাপ কোথায় যেন আড়াল পড়েছে।

অনেকক্ষণ পর চোখ বুজে আসছিল। ঘাড়ে স্পর্শ পেয়ে ফিরে দেখি শ্যামার হাত। ঠোঁট দুটি একবার কাঁপল। বলল, 'আমরা পাটিনায় নেমে অল্প গাড়ি ধরব।'

অকারণেই জিজ্ঞেস করে ফেললাম, 'কেন?'

ব্যথিত হেসে শ্যামা বলল, 'যরে যেতে হবে না?'

কোন সন্দেহ না করে তার দিকে ফিরে বললাম। বললাম, 'বলরাম—'

সে বলল, 'জানি। তুমি ঘাটে এলে না। তোমার হয়ে তাকে আমি একটা জিনিস দিয়েছিলাম।'

'কী?'

'আমার একটা আংটি।'

নির্বাক হয়ে তাকিয়ে রইলাম তার দিকে। সে বিষণ্ণ হেসে বলল, 'একটা কথা বলব? আমাকে কী মনে হল?'

'এখনো, বুঝতে পারি নি।'

'আমার কিন্তু মনে হয়েছে।'

'কী?'

'তুমি নিষ্ঠুর।'

বলতে বলতে তার চোখের কোণ দুটি চকচক করে উঠল।

কে জবাব দেবে? বলরাম নেই আজ। কথা নয়, সে যে গান গেয়ে

কবাব দিতে পারত ! সে আবার বলল, ‘ষমূনাপারের ওই ঘাটে অনেকবার একলা গিয়ে অনেকবার ভেবেছি। তুমি যেখানে আসতে। ভেবেছি, আচ্ছা কী হল ?’

বললাম, ‘কিছুই না।’

সে বলল, ‘অনেক কিছু। ষমূনার ঘাটে আর আমার মনে রয়েছে তা। এই প্রথম আর...’ চূপ করে আবার বলল, ‘এই শ্রামাকে, নতুন বিধবাকে তোমার মনে থাকবে ?’

‘থাকবে !’

সে আবার আমাকে বলল, ‘মিথ্যুক ! তুমি বড় মিথ্যুক !’

বলতে বলতে তার গলা রুদ্ধ হল।

আমার মনের মধ্যে শুধু হ-হ করে উঠল একটি কথা, আজ বলরাম নেই ! নেই ! সে ছাড়া যে আমাকে সত্যবাদী বলার আর-কেউ ছিল না।

পাটনা এল। প্রৌঢ়া বলল, ‘হাই।’

প্রেমবতীয়া, পাতিয়া প্রথম কথা বলল, ‘যাচ্ছি।’ শ্রামা তাকাল, ঠোঁট ছুটি নড়ল। কি বলল অক্ষুটে, বুঝলাম না। তারপর সাদা ওড়নার ঘোমটা ঢেকে নেমে গেল। অনেক কথা ছটফট করে উঠল মনের মধ্যে। কিছুই বলতে পারলাম না। কেবল তাকিয়ে রইলাম ! যতক্ষণ গাড়ি দাঁড়িয়ে রইল, প্র্যাটফরমের ওপর থেকে নতুন বিধবা শুধু অন্ধ চোখে তাকিয়ে রইল।

প্যাসেঞ্জার গাড়ি। ঠেকতে ঠেকতে পরদিন সকালে বর্ধমান পৌঁছল। প্রায় পুরো চল্লিশ ঘণ্টা। নতুন গাড়ি ধরতে হবে। লক্ষ্মীদাসীও নেমে গেল। পায়ে হাত দিয়ে বলল, ‘ঠাকুর !’

তাড়াতাড়ি পা ছাড়িয়ে বললাম ‘বল।’

আশ্চর্য ! সে গান গেয়ে উঠল। এমন মিষ্টি গলাটি লক্ষ্মীদাসীর। তাই তো। সে যে বলরামের গুরু। গুনগুন করে গাইল—

‘মনের আগুন কেউ দেখল না।

তোমার বাঁশির সুরে বাতাস আগুন।

ঘ্যাথন ত্যাথন আইসে ফাগুন ॥

বাজাইয়ে ফিরলে বন্ধু,

আমার মন দেখল না।’

সে চোখ বুজে গাইতে লাগল। ছ-চোখ দিয়ে নেমে এল জলের ধারা।
মন্দিরে রাধারানী আজ যুল গায়নের অভাবে নিজে গেয়ে কাঁদছে। তার
সঙ্গীরা ঘিরে দাঁড়িয়ে রইল।

আমার গাড়ি এল। চলে গেলাম। অমৃতের সন্ধানে গিয়েছিলাম। কি
নিয়ে ফিরে এলাম জানি নে। কেবল যেকিকেই ফিরি, সেদিকেই বড় ভারী।
সকলের কথা, সকলের মুখগুলি একে একে মনে পড়ছে।

সেই চেনা মিছিলের মধ্য দিয়েই দ্বিপ্রহরের নিরालা গ্রামের পথে চলেছি
ঘরে। বাগদিপাড়ায় ঢুকে মোড় নিতে গেলাম। কে বলল, ‘ফিরে এলেন গো
বাবা। একটু দাঁড়ান।’

কে? বুড়ি অবলা বাগদিনী। সে কেন দাঁড়াতে বলল? আর পথে
দাঁড়াতে পারি নে।

সে কথা বলে। কিন্তু ঘোমটা থেকে মুখ দেখায় না। মস্ত একটি ঘোমটা
টেনে কলসী কাঁখে ফিরে এল। বলল, ‘জুতা খোলেন।’

‘কেন?’

‘খোলেন না।’

খুললাম। এক কলসী জল পায়ে ঢেলে দিয়ে বলল, ‘তীখিক্ষেত্র থেকে
এলেন। পা ধুইয়ে দিতে হয় যে। নিয়ম কি না।’

ঠাণ্ডা স্পর্শে সমস্ত শরীরটা ঘেন জুড়িয়ে গেল। আর এতক্ষণে সব ঝাপসা
হয়ে এল চোখের সামনে।

যাত্রার শেষ কোথায়? ঘরের কাছে এসে অবলা বাগদিনী আমাকে নতুন
অমৃত-সন্ধানের জলধারা দিল পায়ে। সন্ধানের শেষ নেই।

*

স্বর্গশিখর প্রাঙ্গণে

শচীন্দ্রনাথ মুখোপাধ্যায়
শ্রদ্ধাস্পদেষু ॥



আজ মনে পড়ছে সেই ছেলেবেলার দিনগুলোর কথা। আজ যখন উত্তরের ভরাইয়ে এসে, আকাশে উচ্চশির নীল ঢেউয়ের পর ঢেউয়ের সামনে এসে দাঁড়িয়েছি, হিমালয়ের আত্মান যেখানে শালবীথির বাতাসে বাতাসে, লতাগুল্ম-বেষ্টিত নিবিড় অরণ্যের পাখির কাকলিতে, স্টেশনের নাম পড়ছি 'স্বপ্না', আমরা বাঙালীরা যার উচ্চারণ করি 'স্বক্না', তখন ছেলেবেলার সেই দিনগুলোর কথা বড় বেশী করে মনে পড়ছে।

অথচ দেশটা তো বাংলাদেশই। 'দক্ষিণে স্তম্ভরবন, উত্তরে টেরাই।' আধুনিক কবিতায় পড়েছি। কবিকে ডাক দিয়েই বলি, আর একটু ওপরে চলুন বাই। নিতান্ত এই তরাইয়ের জঙ্গলেই শেষ সীমানা টানবেন না।

জানি, ভৌগোলিক সীমানার দুই বিন্দুতে, দ্বীপে ও পাহাড়ে আধুনিক রাজনীতির বিকার-দুষ্ট অনাস্থীয়তা যা মেরেছে। বিবাদ লাগানো হয়েছে, সমতলের সঙ্গে অসমতলের, দ্বীপের সঙ্গে মূল ভূ-খণ্ডের। এর নাম হয়তো শাসন। কিন্তু সন্দেহ আর বিদ্বেষের বিষাক্ত সাপকে মাঝখানে রেখে, মন গিয়েছে কঁকড়ে, প্রাণ হয়েছে ছোট। শুধু বাংলাদেশ কেন, সারা ভারতবর্ষের নানান রূপকে ঢেলে যে আমরা এক প্রাণের শপথ করেছিলাম, শাসন আমাদের সেই প্রাণকে করেছে চূর্ণ চূর্ণ। বিচিত্র বর্ণাঢ্য মহিমাময় সেই ছবির স্বপ্ন দিয়েছে ভেঙে। সেই চূর্ণ প্রাণ-ভাঙা স্বপ্নের উক্তি, বিক্ষুব্ধ ব্যথায়, একটু বা শ্লেষ বক্তৃতায় উঠেছে বেজে, 'দক্ষিণে স্তম্ভরবন, উত্তরে টেরাই।'

এটুকু মানতে গেলে, সারা জীবনের একটা স্বপ্ন যে ব্যর্থ হয়ে যায়। ছেলেবেলা থেকে মুগ্ধ করা ভূগোলার সেই লাইন ক'টিতে যে অনেক স্বপ্ন দেখেছি। দক্ষিণে বঙ্গোপসাগর, উত্তরে হিমালয়। ছেলেবেলায় পড়েছি, আর

অনেক স্বপ্ন দেখেছি, একদিন হিমালয়ে যাব। বাংলাদেশের কোন্ ছেলেই বা সে-স্বপ্ন আছে নি। একদিন হিমালয়ে যাব। সেখানে দেবতা আছেন কিনা, সেদিনও জানতাম না। এখানে জানি নে। সেখানে আত্মাকে আবিষ্কার করা যায় কিনা, আগেও জানতাম না, আজও জানি নে। সমতলের ছেলে, হিমালয় আমাদের কাছে চিরবিশ্বয়ের।

আজ এসে দাঁড়িয়েছি সেই চিরবিশ্বয়ের দরজায়। সেই দরজার প্রহরায় তরাইয়ের শাল দেবদারু আসন অর্জুন, বিশাল মহীকহরা আকাশ-চুম্বী ছায়া নিবিড়তায় ঢুলছে। সমতলের শেষ সীমানায়, পাখিরা গাইছে অসমতলের শুকর প্রস্তাবনা। ছুঁচোখ মেলে, রুদ্ধবাক তৃষ্ণায় চেয়ে আছি সামনের উদ্ধর্গামী পথের দূর বাকৈ। ওখানে হিমালয়, হিমালয়! আর ছেলেবেলার কথা বারে বারে মনে পড়ছে এই মুহূর্তে। ছেলেবেলায়, সেই পাহাড় দেখার একটু সাধ। পাহাড়ে ওঠবার কী ব্যাকুল পিপাসা।

মনে পড়ছে, সেই সাধ এবং পিপাসাতেই, মাস্টারমশাইকে মিছে কথা বলে পাঠশালা থেকে একেবারে বাড়ি। খবর ছিল আগেই, বাবা মা যাবেন চল্লিশ পাহাড়ে, তীর্থদর্শনে। যদি পাহাড় কথাটা কানে না যেত, তবে হয়তো অমন পাগলামি মাথায় চাপতো না। পাহাড় যে! শোনা পর্যন্ত প্রাণের কী অস্থিরতা। গিরিশ-মাস্টারের সেই খোঁচা গৌফ, চোকো মুখ, সাপ লিকলিকে বেত, কিছুই সেদিন পড়ায় মনোযোগ আকর্ষণ করতে পারে নি। বুকের মধ্যে কেবলই ব্যথা ও বিক্ষোভ বাজছিল, চল্লিশ পাহাড়! পাহাড়!...বঞ্চিত প্রাণের কী শোক! কারণ, যাবার কথা শুনেই লাফিয়ে উঠেছিলাম, ‘আমি যাব।’

জবাব পাওয়া গিয়েছিল, ‘না। ছোটরা তীর্থক্ষেত্রে যায় না।’

ভগবান, ছোটদের কোনো মর্ষাদাই তুমি দাও নি। তখন মনে হয়েছিল, অত বড় শোক সামলে ওঠা দায়। সত্যি প্রতিবাদের কিছু ছিল না। আশে-পাশের যারা তীর্থক্ষেত্রে যায়, তাদের সঙ্গে ছোটরা যায় না। কিন্তু কান্না বাধা মানে নি। বৌদির হাতে থেয়ে, দিদির হাতে জামা পরে, বই শেল্ট বগলে পাঠশালায় গিয়েছিলাম। বাবার সঙ্গে কথা বলি নি। মায়ের চোখের দিকে তাকাই নি। দিদি বলেছিল, ইস্কুল থেকে ফেরবার পর ও বুড়িগঙ্গার ঘাটে বেড়াতে নিয়ে যাবে। বৌদি বলেছিল, চীনেবাদাম কিনে খাওয়াবে। আর

সব শেষের সাত্বনাটুকু ছিল মায়ের মুখ থেকে, ‘দিদি আর বোদির কাছে লক্ষ্মীটি হয়ে থাকিস্। চন্দ্রনাথের লাঠি আর ঢোলক কিনে আনব।’

একটি চকিত মুহূর্তের জন্তে হয়তো ন’বছরের আত্মায় চন্দ্রনাথের লাঠি ও ঢোলকের খুশির ঝিলিক হেনে উঠেছিল। পরমুহূর্তেই পাহাড়ের কল্পনা, হতাশা ও বকনার দুঃখ কাঁদিয়ে ফেলেছিল। মাথা নাড়তে নাড়তে পা দাপিয়ে ছুটতে ছুটতে বলেছিলাম, ‘চাই না, চাই না, লাঠি চাই না, ঢোলক চাই না।’

কিন্তু পাঠশালার মেঝেয়, মাদুরে বসে শ্রুতিলিপি লেখা দুঃসহ হয়ে উঠেছিল। চোখের সামনে ফুটে উঠেছিল, বাড়ির দরজার হাতে বিছানাপত্রের বাস্তু বাঁধন-ছাঁদন। খাওয়া-দাওয়ার পাট হয়তো চুকলো। ঘোড়ার গাড়ি বুঝি এসে দাঁড়ালো বাড়ির দরজায়। লাল চকচকে গাড়ি, লাল রঙের জোড়া ঘোড়া। মালপত্র তোলা হল, গাড়ি হয়তো দৌড়লো বাদামতলার ঘাটে। সেখান থেকে স্ত্রীমার, স্ত্রীমার থেকে নেমে রেলগাড়িতে করে চন্দ্রনাথ। ছবির সেই পাহাড়। ভূগোলের বর্ণনা, প্রাকৃতিক আকাশস্পর্শী উচ্চ শিলাভূমি কোথাও অরণ্য-আবৃত কোথাও প্রস্তরগাত্র মাত্র, এবং উহার নানান স্থানে প্রস্তবণ বহিয়া যায়।—আর বসে থাকতে পারি নি, একবার শেষ চেষ্টা দেখতে হবে, বাবা-মায়ের পাষাণ প্রাণ গলানো যায় কি না। মনে হতেই, বই শেলেট বগলে উঠে দাঁড়িয়েছিলাম। গলা শুকিয়ে কাঠ। জিভ ভারী তবু অকাঁপত গলায় মিথ্যে বলেছিলাম, ‘স্মার, বাবা বাড়ি যেতে বলেছেন।’

‘কেন?’

‘বাবা-মা আজ চলে যাবেন তো তাই আগে আগে বাড়ি যেতে বলেছেন।’

‘কোথায় যাবেন?’

‘চন্দ্রনাথ।’ কথাটা উচ্চারণ করতে গিয়ে বুকটা টনটনিয়ে উঠেছিল। গলা কন্ড হয়ে এসেছিল। চোখ উঠেছিল ছলছলিয়ে। আর শহরে, লক্ষ্মীবাজারের গিরিশমাস্টারের মুখ ঘে ছাখে নি, সে জানে না, তাঁর মুখের সামনে দাঁড়িয়ে, মিছে কথা বলা যায় কত দুঃসাহস থাকলে।

মাস্টারমশাই মুখের দিকে তাকিয়ে, নাকের মধ্যে আঙুল ঢুকিয়ে, লোম ধরে হ্যাঁচকা টান মেরেছিলেন, শব্দ করেছিলেন, ‘হুম।’

বুকটা ধড়াস করে উঠেছিল। জিজ্ঞেস করেছিলেন, ‘তা চিঠিপত্র কিছু আনিস নি তো?’

জয় মা ঢাকেখরী! হে বাঙলাবাজারের মা কালী! মুহিত স্বরে কোনোরকমে বলতে পেরেছিলাম, ‘দেন নি।’

কেন? কারণ কি? তারপরে এ সব জিজ্ঞাসার সম্ভাবনাই পুরোপুরি ছিল।

কিন্তু আমার ঢাকেশ্বরী এবং বাঙলাবাজারের কালী মাস্টারমশাইকে নিশ্চয় পরিপূর্ণরূপে ভর করেছিল। কারণ একমুহূর্ত নিশ্চুপ থেকে বলেছিলেন, ‘খা।’ রাস্তা দিয়ে কী বেগে যে ছুটেছিলাম! কিন্তু বাড়ি ঢুকে মনে হয়েছিল, বাড়িটা যেন খাঁখাঁ করছে। উঠোনে গুটিকয় পায়রা কী খাচ্ছিল খুঁটে খুঁটে। একপাশে নীল লাল জবার গাছ, গুটিকয় কলাগাছ। ছুটে গিয়েছিলাম বাবার ঘরের দিকে।

দিদি আর বৌদি পাশাপাশি শুয়ে অঝোরে ঘুমোচ্ছিল। আর একটা ঘরে ছুটে গিয়েছিলাম। ছোট কাকিমা সে ঘরে নিদ্রায় অটুতত্ত্ব। বুঝতে আর দেরি হয় নি, ষাঁদের আশায় ছুটে আসা, তাঁরা আমার আগে ছুটেছেন।

বই শেলেট উঠোনের ওপর ফেলে মড়াকান্নার স্বরে এমন চীৎকার করে উঠেছিলাম, গোটা বাড়িটার ঘুম ভাঙতে একমুহূর্ত দেরি হয় নি। তবু হাস, পাহাড়ে যাওয়া হয় নি।

কিন্তু সাধ মেটাবার চেষ্টা কখনো থেমে থাকে নি। পাহাড় একটি আবিষ্কার হয়েছিল। আশ্চর্য আবিষ্কার আজ যখন হিমালয়ের পাদদেশে, তরাইয়ের অরণ্যে এসে দাঁড়িয়েছি, দূরে আকাশের গায়ে কৃষ্ণনীল উচ্চশির ডেউয়ের মালা দেখতে পাচ্ছি, তখনো কিন্তু সেই ছেলেবেলার পাহাড়ের মর্যাদা আমার কাছে একটুও ছোট হচ্ছে না।

পাহাড়ের ভূমি পাহাড় আবিষ্কার করেছিল। সেই আবিষ্কারের কাহিনী বলি।

পাশের বাড়িতে থাকতো বলু, ভাল নাম বলাই। সমবয়সী, দু’জনেই গিরিশমাস্টারের পাঠশালার ছাত্র। এ কথা মানতে হবে, আমার থেকে বলুর কল্লনা-রাজ্য ছিল আরো অনেক বড়। বড় হয়ে অনেক মাস্টার স্টোরি টেলারদের মুখে গল্প শুনেছি। কিন্তু বলুর কাছে তারা কেউ নয়।

কালো কুচকুচে বলুর খোঁচা খোঁচা চুল। পিলেটি ছিল বেশ ডাগর-ডোগর। সেই পিলের ওপরে, কালো ছাতার কাপড়ের ইলাস্টিক দেওয়া হাফপ্যাট ও চিরকাল হাত দিয়ে ধরে রাখতো। নইলে খুলে পড়ে যেত। আসলে ইলাস্টিক কোনোটিনিই ও রাখতে পারতো না। কোনো না কোনোভাবে

ছিঁড়তোই। তারপরে তাতে দড়ি বাঁধাটা ওর কাছে ছিল প্রায় টাবুর মতো নিষিদ্ধ। বাড়ি থেকে দড়ি যদি বা আবার বেঁধে দেওয়া হত, এমন ভাগ্য, মেটা ঠিক আপনি ঢিলে হয়ে যেত। যে-কে-সেই, বলু কোমরের কাছে প্যাণ্ট ধরে চলেছে। কিন্তু বলুর চোখ দুটি ছিল বড় বড়, টানা। নাকটি ছিল টিকলো। ও যখন সেই চোখ পার্কিয়ে ভূতের গল্প বলতো, তখন গায়ের লোম খাড়া হয়ে উঠতো। ওর গলার স্বরটি ছিল আশ্চর্য। তাতে ভূতের চন্দ্রবিন্দু এবং অল্পস্বার-যুক্ত শব্দে, যেমন সত্যি সত্যি এক অলৌকিক ভয়াল গা হুম্‌হুমে পরিবেশ ফুটে উঠতো, আবার তেমনি রাজপুত্রের বীরত্বে রীতিমতো গমগমিয়ে উঠতো। ঘুড়ি যখন আকাশে ওঠে, তখন যে সেই ঘুড়ির ঘাড়ে পাড়ার প্রকাণ্ড শিমূল গাছের স্থায়ী ভূতটা চাপে, এ তত্ত্ব বলু না বললে কোনদিন জানতে পারতাম না। পাড়ার হৌতকা কালো হলো বেড়াল নয়, খালপারের গাব গাছের ভূতটাই ওরকম বেশ ধরে ঘুড়ে বেড়ায়, এটা বলুরই একমাত্র প্রত্যক্ষ জানা ছিল। কারণ, ও একদিন দেখেছিল, বেড়ালটা হঠাৎ গরুর রূপ ধরে ওর আগে আগে চলতে আরম্ভ করেছে। সেই থেকে বেড়ালটাকে দেখলেই রাম রাম জপ করেছে। লাল চোখে তাকালে তো কথাই নেই। বুকে থুঃ থুঃ করে থুতু ছিটিয়ে নিয়েছি। ভূতের নজর তো শত হলেও!

বলু রাতকে দিন করতে পারতো, দিনকে রাত। ব্যস্ত করতে হলে, হিমালয়ের যাত্রা এখানেই ইতি করতে হয়। সে কাহিনী এখন তোলা রইলো। চন্দ্রনাথ পাহাড়ের শোকটা যখন বলু জানতে পারলো, ওরও খুব দুঃখ হয়েছিল। এ বিষয়ে আমাদের মতভেদ ছিল না, বড়রা অধিকাংশই নিষ্ঠুর, মায়া মমতাহীন। সব বিষয়েই ছোটরা বঞ্চিত, বড়রা নিভেদের খুশি অল্পযায়ী সব কিছু করে।

তারপর হঠাৎ বলু বলে উঠেছিল, ‘পাহাড় একটা দেখেছি এক জায়গায়, ধাবি একদিন?’

ধাবড়ে গিয়েছিলাম। কোথায় নিয়ে যেতে চায় বলু? জিজ্ঞেস করে-ছিলাম, কোথায় পাহাড়?’

বলু বলেছিল, ‘ধানমণ্ডাইয়ের মাঠে।’

ধানমণ্ডাইয়ের মাঠে পাহাড়? সেই প্রাকৃতিক আকাশস্পর্শী উচ্চ শিলা-ভূমি, কোথাও প্রস্তরগাত্র মাত্র, এবং উহার নানাস্থানে প্রস্রবণ বহিয়া যায়?’ এমন পাহাড় ধানমণ্ডাইয়ের মাঠে? অনেকবার না হোক, অন্তত দু-একবার তো বাবা-মায়ের সঙ্গে ঘোড়ার গাড়িতে চেপে ঢাকেশ্বরী মন্দিরে গিয়েছি।

আর যেতে হলে শহর পেরিয়ে ধানমণ্ডাইয়ের মাঠের পাশ দিয়েই যেতে হয়।
কখনো সেই আদিগন্ত মাঠের বৃকে পাহাড় তো চোখে পড়ে নি।

অবাক হয়ে বলেছিলাম, ‘ধানমণ্ডাইয়ের মাঠে?’

‘ই্যা রে, ধানমণ্ডাইয়ের মাঠে, বেশ বড় পাহাড়। রমনায় মেসোমশাইয়ের বাড়ি যেতে, আমি একদিন দেখেছিলাম। খুব উঁচু, তাতে জঙ্গল আর গাছ আছে।’

আমার সারাটা শরীর রোমাঞ্চে শিউরে শিউরে উঠেছিল সেই বর্ণনা শুনে।
সে যে সত্যি পাহাড়েরই বর্ণনা দিচ্ছিল বলু! নির্ধাত পাহাড়। ‘খুব উঁচু, তাতে জঙ্গল আর গাছ আছে।’ ঠিক মিলে যাচ্ছিল।

আমি প্রায় চুপিচুপি জিজ্ঞেস করেছিলাম, ‘প্রসুরগাত্র আর প্রশবণও তাতে আছে?’

একটু খতিয়ে গিয়েছিল বলু। প্রসুরগাত্র আর প্রশবণ? পরমুহূর্তেই বুঝতে পেরেছিল। বলেছিল, ‘তা কী করে জানব, আমি অনেক দূর থেকে দেখেছি। গায়ে পাথর আছে, না কি জল আছে, তা কি দেখা যায়? কাছে গেলে তো দেখা যাবে। যাবি? চল, পাহাড় দেখে আসি।’

বৃকের মধ্যে কী ভীষণ ধক্ধক্ করছিল। পাহাড়, তাও ধানমণ্ডাইয়ের মাঠে! চন্দ্রনাথে যেতে হবে না, বাংলাদেশের উত্তর সীমান্ত হিমালয় যেতে হবে না। এক্রামপুর থেকে মাত্র ধানমণ্ডাইয়ের মাঠ। অবিশিষ্ট সেটাও অনেকখানি বৃকের পাটা দরকার। প্রায় ছ মাইল আড়াই মাইল দূরে, ফুলবাড়িয়া ইন্টিশনের রেললাইন পেরিয়ে। জানতে পারলে, হাড় একজায়গায়, মাস একজায়গায় হবে, সন্দেহ নেই। নয় তো দিদির ভাষায় ‘মুণ্ডটা ছিঁড়ে ফেলব।’ ভয়াবহ!

কিন্তু একবার যখন জানা গেছে, আর তো উপায় ছিল না। খেলাধুলা খাওয়া পড়াশুনা সব মাথায় উঠে গিয়েছিল। পাহাড়! ধানমণ্ডাইয়ের মাঠে পাহাড়। বলু যখন বলেছে। এবং যা বলেছিল, তাতে সন্দেহ হয় এমন অবকাশ একটুও ছিল না, ধানমণ্ডাইয়ের মাঠে পাহাড় আছে। কিন্তু ধানমণ্ডাইয়ের মাঠে, শুধু আমি আর বলু যাব, শুনলেই তো সর্বনাশ! ইঙ্কলে যাওয়া পর্যন্ত বন্ধ করে দেবে। তারপর দিদির হাতে মুণ্ডটা হয়তো সত্যি ছিঁড়ে যাবে। বৌদির যা হোক একটু মায়া-মমতা আছে। কিন্তু ধানমণ্ডাইয়ের মাঠে, কুচো দেবরের অভিযানের ইচ্ছের সংবাদ শুনলে নিশ্চয় মায়ার প্রাণ নীরস কঠিন হয়ে উঠবে। পাশে শুতে দেওয়া তো বহুত দূর। ছোট

কাকিমার তো কথাই নেই। তাঁর সব থেকে বড় শাস্তি ছিল, ঘরে শিকল আটকে রেখে দেওয়া এবং খাওয়া বন্ধ। মায়ের শাস্তি ছিল অন্তরকম। মা খালি নির্দেশ দিতেন, ‘খুকি, ওকে আজ মেরে পাট পাট কর।’ ‘বউমা, ওকে হাত দিয়ে ছুঁয়ো না।’ মায়ের সব থেকে মোক্ষম কথাটি ছিল, ‘তার পর উনি আজ আহ্নান, তখন কী করা যায়, দেখা যাবে।’ কী মারাত্মক! ‘উনি’ হলেন বাবা। আর বাবাকে তো গায়ে হাত তুলতে হয় না। চোখের দিকে তাকিয়ে একবার হাঁক দিলেই দেহের ভিতরে বাইরের অবস্থা খারাপ।

কিন্তু বাবা-মা ছিলেন না। বাকী তিনজন তো ছিলেন। বাড়ির কর্তা তখন ছোটকাকা। যদিচ অতি ভাল মানুষ। সারাদিন ছবি আঁকাই তাঁর কাজ ছিল। মানুষটিও ছবির মতোই প্রায় অনড়, নিশ্চল। খুব হাঁক-ডাক করলে, একবার মুখ তুলে তাকাতে পারেন। যদিও বুঝতে পারেন না কিছুই। শুধু এক মুখ বিষয়, একটি জিজ্ঞাসা, ‘কী আশ্চর্য। হল কী।...’

অতএব, একটা দিন পুরো বিচার-বিবেচনার পর, এমন কি রাজ্যে পাশাপাশি ছাদে দাঁড়িয়ে গৃহ সলা-পরামর্শের পর, একমাত্র সিদ্ধান্ত নেওয়া হয়েছিল, না বলেই যাওয়া! অর্থাৎ পলায়ন। আর সেটা খেয়ে-দেয়ে বই-শেলেট হাতে নিয়ে বেরনো ছাড়া উপায় ছিল না। ধানমণ্ডাইয়ের মাঠে পাহাড়! এ কথা শোনার পর, ইস্কুল পালানো ছাড়া নতুন কোনো পথ জানা ছিল না।

মাথায় শুধু পাহাড় আর পাহাড়। খেতে বসে ভাল করে খেতে পর্যন্ত পারি না। বৌদি একবার বলেছিল, ‘আম্বে, হাত পুড়বে।’

দিদির কথায় তো বৃকের ভিতরটা চমকে, হাত-পা প্রায় অবশ হয়ে এসেছিল। ‘কী হয়েছে তোর, ভাত ছিটুচ্ছিস, তাড়াহড়ো করছিস, খাচ্ছিস না? কোথায় যেতে হবে?’

হে ভগবান! দিদির চোখের দিকে তাকাতে ভয় হচ্ছিল। কোনো রকমে বলেছিলাম, কোথায় আবার, ইস্কুলে তো যাচ্ছি।’

‘সে তো জানি। সময় ঢের আছে, আম্বে আম্বে খা।’

দিদিকে বড় ভয় ছিল। ওর চোখ মুখ চাহনি সে কী ভয়ংকর, মনে হত, ভিতরটা সব দেখতে পাচ্ছে। আমাদের, ছোটদের রাজ্যে দিদি ছিল গোয়েন্দার মতো ধূর্ত, রাগী দারোগার মতো শাসক। আঃ! ভগবান যদি ওর চোখ দুটি আর একটু ছোট, আর একটু কম ঝকঝকে করে গড়তো, তা হলে বাঁচা যেত। আমাদের, ছোটদের সব মতলব ধেন, ও চোখ তুললেই ধরা পড়ে যেত। ছেলেবেলায় অনেকদিন মা কালীকে বলেছি, ‘দিদিটার বিয়ে দিয়ে দাও মা,

ও খন্তরবাড়ি চলে যাক ।’

যাই হোক, খেয়ে-দেয়ে বই-শেলেট নিয়ে বেরিয়ে গলির মোড়েই দেখেছিলাম বলু দাঁড়িয়ে আছে । ডান বগলে বই, বাঁহাতে প্যাণ্ট চেপে ধরা । কিন্তু খোঁচা খোঁচা চুল প্রায় খাড়া খাড়া । ও গভীর চিন্তামগ্ন । মনটা কেঁপে উঠেছিল । কেঁসে গেল নাকি ?

বলু বলেছিল, ‘কোন রাস্তা দিয়ে যাব ? ইস্কুলের সামনে দিয়ে গেলে তো ধরে ফেলবে ।’

সর্বনাশ ! সে কথাটা তো ভাবাই হয় নি । লক্ষ্মীবাজারের রাস্তা দিয়েই তো যাবার কথা । মনে হয়েছিল, ব্যর্থতার কষ্টে, রাস্তার ওপরেই বসে পড়ব । বলু বলে উঠেছিল ; ‘কদমতলার পাশ দিয়ে ঘুরে যাওয়া যায় । আর নয় তো নারিন্দার পুল পেরিয়ে ।’

রাস্তাবাড়ির ব্যাপারে বলু আমার থেকে অনেক অভিজ্ঞ । ওর চরিত্রের মধ্যেই ওটা ছিল, প্রায়ই বই বগলে নিয়ে শহরের পথে পথে ঘোরা । সে দুঃসাহসের জন্মে ওর পিঠে যে কী পরিমাণ লাঠি ভাঙতো, ভাবলে এ পরিণত বয়সেও পিঠটা স্ফুটুড়িয়ে ওঠে । কিন্তু দুঃসাহস তো নয় । বলু যেন খানিকটা অজ্ঞান অচৈতন্য অবস্থায় পথে পথে ঘুরে বেড়াতো । যেন নিশির ডাক ওকে ছুটিয়ে নিয়ে যেত ।

এখন হয়তো, বলুদের সাংসারিক জীবন বিচার করে, ওর সম্মোহিত ঘাষাবর বৃত্তির একটা ব্যাখ্যা করতে পারি । ছেলেবেলায় কিছুই বুঝতাম না । একমাত্র এই কারণেই বলুর সঙ্গে মেলামেশা একেবারে নিষিদ্ধ ছিল । আমাদের বাড়িতেও ওর প্রবেশ নিষেধ ছিল ।

শেষ পর্যন্ত নারিন্দার পুল দিয়েই গিয়েছিলাম । যতটা সম্ভব চেনাশোনা অঞ্চল এড়িয়ে যাওয়াই আমাদের উদ্দেশ্য । ভিক্টোরিয়া গোলপার্কের সাত মাথার মোড়কে একদম বিশ্বাস ছিল না । নবাবপুরের রাস্তাকেও নয় । কারণ, মেডিকেল কলেজ এবং জজকোর্ট নিকটেই । কার সঙ্গে যে দেখা হয়ে যাবে, এবং সেখান থেকেই চ্যাংদোলা করে বাড়িতে ফিরিয়ে নিয়ে আসবে ! তার পরের কথা কল্পনা করলেও শিউরে উঠতে হয় ।

। কিন্তু বলুর নানান অত্যাশ্চর্য কাহিনী শুনতে শুনতে, নিরাপদেই টিকাটুলির রেললাইন পেরিয়ে গিয়েছিলাম । তখন মাত্র একটি ফাঁড়া টিকাটুলির গ্রাস ফ্যাক্টরী । আমাদের ওখান থেকে অনেকে সেখানে কাজ করতে যেত । কিন্তু ধানমণ্ডাইয়ের পাহাড়ের কল্যাণে সে ফাঁড়াও কেটে গিয়েছিল । তারপরেই

কয়েকটা রাস্তা ঘুরে ফিরে, ধানমণ্ডাইয়ের মাঠ দেখতে পেয়েছিলাম।

ধানমণ্ডাইয়ের মাঠ, আদিগন্ত বিস্তৃত। মাঝে মাঝে বড় বড় গাছের জটলায়, এক এক জায়গায় প্রায় ছোটখাটো অরণ্যের সৃষ্টি হয়েছে। গোটা মাঠ চোর-কাঁটার ছাওয়া। একটা বিশেষ ভয়ও ছিল। ধানমণ্ডাইয়ের মাঠে গোরাদের ব্যারাক আছে যেন কোথায়। সেখানে আচমকা গিয়ে পড়লে, মৃত্যু যে নিশ্চিত, এ বিষয়ে কোনো সন্দেহ ছিল না। কারণ, দিদি বৌদিদের মুখে অনেকবার শুনেছি, ‘মাগো, গোরাগুলো যেন গিলে খাবার মতন হাঁ করে থাকে।’

কিন্তু পাহাড়? পাহাড় কোথায় ধানমণ্ডাইয়ের মাঠে? উৎকণ্ঠিত অসহায় চোখে বলুর দিকে বার বার তাকিয়েছিলাম। বলু চারিদিকে ঘাড় ঘুরিয়ে ফিরিয়ে দেখছিল।

আমি জিজ্ঞেস করেছিলাম, ‘পাহাড়টা কোথায়, মনে নেই?’

বলু কোনো জবাব দেয় নি। ক্রমাগত এগিয়েই চলেছিল।

আমি আবার বলেছিলাম, ‘পাহাড়টা হারিয়ে ফেলেছিস?’

বলু তারও কোনো জবাব দেয় নি, এগিয়েই চলেছিল। আমার তখন প্রায় কান্না পাবার মতো অবস্থা। সময়টা শীতকাল ছিল বটে। কিন্তু সোয়েটারের তলায় তখন গোটা গা ফুটফুট করতে আরম্ভ করেছিল। কতটা পথ হেঁটেছিলাম, তার হিসেব জানা ছিল না। কিন্তু ফিতে বাঁধা জুতোর ভিতরে, ক্রমেই যেন পা দুটো বড় হয়ে উঠছিল। জুতো জোড়া ছোট হয়ে আসছিল। লোক নেই, জন নেই, কেবল মাঠ। চোরকাঁটা ঘাস ভরতি মাঠ আর মাঠ। আর মাঝে মাঝে হঠাৎ সেই গাছের জটলা। এখন বুঝতে পারি, গাছগুলো ছিল শাল আর দেবদারু। এবং মাঠের বৃক হঠাৎ হঠাৎ সেই গাছের জটলার ছায়া-ঘন অন্ধকারকে ভয় লাগছিল। দুপুরের মাঠে, কিংকি ডাকছিল চীৎকার করে। বলু সেই একইভাবে বই বগলে, প্যাণ্ট ধরে চলছিল। কিন্তু ধানমণ্ডাইয়ের মাঠে পাহাড় কোথায়?

‘ওই যে পাহাড়, দেখেছিস? ওই ছাথ পাহাড়!’

থমকে দাঁড়িয়ে পড়েছিলাম। সত্যি পাহাড়! সামনেই কতগুলো আসশাওড়ার ছোট গাছ। তারপরেই মাঠের বৃক থেকে মাটি মাটি রং পাহাড় উঁচুতে উঠে গেছে। আশেপাশে দু-একটা শাল দেবদারু গাছ যা ছিল, পাহাড়ের উচ্চতা প্রায় তাদের মাথা ছাড়িয়ে উঠেছে। এবং পাহাড়ের গাছের গায়ে অনেকগুলো ছোট গাছ। একেই কি অরণ্য আবৃত বলে? রোমাঞ্চিত উদ্বেজনায়, কয়েক মুহূর্ত আমার মুখ থেকে কথা সরে নি। তারপর দুপুরের

নির্জন মাঠের বুকে, আমি ফিস্‌ফিস্‌ করে বলেছিলাম, ‘পাহাড়ে উঠবি না বলু?’

বলু তখন বই মাটিতে রেখে, কোমরের প্যাণ্টটা কষছিল। বলেছিল, ‘হ্যাঁ উঠব তো! রমনার রাস্তাটা কোথায়, তাই ভাবছি। আমি ঘোড়ার গাড়ি থেকে পাহাড়টা দেখেছিলাম যে?’

আমার তখন সে কথা ভাববার অবসর ছিল না। তখন কোথায় আমার গা কুটকুটোনি, কোথায় বা পায়ের ব্যথা। অশান্ত ছুরন্ত ঘোড়ার মতো আমার অবস্থা। ছুটে লাফিয়ে পাহাড়ে ওঠবার জ্ঞান ছটফট করছিলাম। পাহাড়। এই রকম একটা পাহাড়েই কি বাবা মা তীর্থ করতে গেছেন?

আশুগাওড়ার বন পেরিয়ে দুজনে ছুটে গিয়েছিলাম। উঁচুতে উঠতে উঠতে পাহাড়ের চারদিকে তাকিয়ে তাকিয়ে দেখছিলাম। কিন্তু পাথর কোথাও চোখে পড়েনি। প্রস্রবণ, অর্থাৎ বরনাও দেখতে পাই নি। গোটা পাহাড়টা কেবল সাঁই বাবলার জঙ্গলে ভরতি। তাতে প্রচুর কাঁটা। সারা গায়ে ফুটছিল। হু-এক জায়গায় জামাও ছিঁড়েছিল। উৎসাহের প্রাবল্যে তখন সে সব খেয়াল ছিল না। ভয় ভয় বিষয়ে দেখছিলাম, পাহাড়ের গায়ে মাঝে মাঝে ফাটল, অন্ধকার গর্ত হাঁ করে রয়েছে। একেবারে উঁচুতে উঠে, আমাদের শহরটাকে অনেকখানি দেখতে পেয়েছিলাম। রেললাইনের ওপর দিয়ে গাড়ি যেতে দেখেছিলাম। এমন কি নবাবপুরের রাস্তার লোক চলাচলও দেখতে পাচ্ছিলাম।

আঃ! সত্যি পাহাড়! ধানমণ্ডাইয়ের মাঠের উপর। না-ই-বা থাকলো পাথর বা প্রস্রবণ। হয়তো এ পাহাড়টা ছোট। কিন্তু পাহাড় তো! স্পষ্টই তা দেখেছিলাম, লম্বা দেবদারু গাছের মাথাটা প্রায় আমাদের সমান সমান। পাহাড়ের পিছন দিকের জঙ্গল একটু বেশী। দূরে কয়েকটা বাড়ি দেখা যাচ্ছিল। এবং গুটিকয় গরু জঙ্গলে ঘুরছিল।

জিজ্ঞেস করেছিলাম, ‘আচ্ছা বলু, চন্দ্রনাথের পাহাড় কি এর থেকে বড়?’

বলু খুব গম্ভীর হয়ে বলেছিল, ‘না, এরকমই হবে। তোর কাছে লোহা আছে?’

‘লোহা? না, কেন?’

‘তবে আমাকে ছুঁয়ে থাক। আমার কোমরের সূতোয় একটা চাবি বাঁধা আছে।’

ব্যাপারটা তখনো বুঝতে পারছিলাম না। বলুর তীক্ষ্ণ সন্দিক্ধ চোখের দিকে তাকিয়ে আবার জিজ্ঞেস করেছিলাম, ‘কেন? কী হয়েছে?’

বলু চুপি চুপি গলায় বলেছিল, 'লোহা থাকলে ওরা কিছু করতে পারে না!'

ওরা? ভাবতেই বৃকের মধ্যে ধক্ করে উঠেছিল। আর বেশী কিছু বলবার দরকার ছিল না। লোহা থাকলে যে কারা কিছু করতে পারে না, জানা ছিল। সঙ্গে সঙ্গে মনে পড়ে গিয়েছিল 'পাহাড়ী ভূত' বইটার কথা। বলুকে প্রায় দু'হাতে জাপটে ধরেছিলাম।

বলু বলেছিল, 'ভয় পাস নে, লোহা আছে বললাম তো। আমাদের কিছু করতে পারবে না।'

লোহা যখন ছিল, তারা কিছু করতে পারবে না জানতাম। তবু ভয় যখন ঢুকেছে, আর রেহাই ছিল না। পাহাড় দেখার হরিষে বিষাদ নেমে এসেছিল।

আঃ, পৃথিবীর কোথাও কি অথও আনন্দ নির্ভয় শান্তি নেই? আর বেশীক্ষণ থাকতে পারি নি। দুজনেই নেমে এসেছিলাম। নেমে, অনেকখানি চলে আসার পর, ভয়টা কেটেছিল। বলেছিলাম, 'বলু, আবার একদিন আসব।'

বলু বলেছিল, 'আরো কয়েকজনকে নিয়ে আসব। নিতাই, অজিত, নরেশ, ওদেরো বলব আঁ?'

আবার কবে আসা হবে, কে কে আসবে, এবং পাহাড়ী ভূত ও জলার পেত্নী, কাদের কী ভাবে ষাড় মটকে রক্ত শুষে খায়, ইত্যাদি গল্প করতে করতে ফিরেছিলাম। মনটা খুশিতে ভোর হয়েছিল।

কিন্তু সেই খুশির মধ্যে কখন যে ছায়া ঘনিষে আসছিল, টের পাই নি। বাড়ির কাছে এসে আটাকলের বড়িতে যখন দেখেছিলাম, সাড়ে তিনটে বেজে গেছে, বুকটা হুরুহুরু করে উঠেছিল। তিনটের ইঙ্কল ছুটি। বাড়ি ফিরতে বড় জোর দশ মিনিট। গলির মোড়ে এসে মনে হয়েছিল, পা দুটো অবশ হয়ে আসছে। একটা অশুভ চিন্তা ও ভয় ক্রমেই গ্রাস করছিল। তখন নজরে পড়েছিল, জামার হাতা ছেঁড়া।

দিদির মুখটাই বার বার মনে পড়েছিল। ঠোঁটে ঠোঁট টিপে বড় বড় ঝকঝকে চোখে তীক্ষ্ণ দৃষ্টিতে দেখা এবং কানের ছুলের লাল পাথর ছুটোর সেই দোলানি। ভাবতেই, বুকটা শুকিয়ে উঠেছিল। কিন্তু অসম্ভব খিদে পাচ্ছিল। জামার ছেঁড়া জায়গাটায় বই চাপা দিয়ে আশ্বে আশ্বে বাড়ি ঢুকেছিলাম। আর প্রথমেই দিদি।

উঠোনের ওপর চাতালে বসে দিদি চুল বাঁধছিল। ফিতের একটা দিক কামড়ে ধরা ছিল ওর দাঁতে। বৌদি পাশে বসে পায়ে আলতা পরছিল। দুজনেই

একসঙ্গে তাকিয়েছিল আমার দিকে। দিদির হাত থেমে গিয়েছিল। অবাক হয়েছিল। তীক্ষ্ণ চোখে আমার দিকে তাকিয়ে, ফিতেটা মুখ থেকে ছেড়ে দিয়ে বলে উঠেছিল, ‘একি, তোর গালে কাটা কিসের? মারামারি করে এলি?’

‘কই?’ আমি তাড়াতাড়ি গালে হাত দিয়েছিলাম। বই সরে গিয়েছিল।

সঙ্গে সঙ্গে বৌদি বলে উঠেছিল, ‘ঠাকুরবি, দেখুন জামা ছিঁড়ে এসেছে।’

আমি আবার ‘কই’ বলে তাড়াতাড়ি ঢাকতে যাচ্ছিলাম। দিদি ততক্ষণে আধ-বাঁধা বেণী ঝাপটা দিয়ে পিঠের দিকে সরিয়ে উঠে দাঁড়িয়েছিল।

বৌদি আবার বলে উঠেছিল, ‘ঠাকুরবি চোহারাটা দেখেছেন, পোড়া মূর্তি করে এসেছে? আর প্যান্টটা দেখুন, চোরকাটায় ছেয়ে আছে।’

কাকিমাও ঘর থেকে বেরিয়ে এসেছিলেন আশ্বে আশ্বে। আমি তাড়াতাড়ি ঘরের দিকে পা বাড়িয়েছিলাম। দিদি পপ্ করে আমার হাত টেনে ধরেছিল, ‘যাচ্ছিস কোথায়? দাঁড়া তোকে দেখি।’

আমি হাত টেনে নেবার চেষ্টা করেছিলাম, ‘দেখতে বাকী আছে কী। আমি বই রাখব না?’

দিদি ধমকে উঠেছিল, ‘খবরদার, মুণ্ডু ফেলে দেব যদি নড়বি। দেখুন তো কাকিমা, ও কি ইস্কুলে গেছল বলে মনে হয়?’

কাকিমা তৎক্ষণাৎ বলে উঠেছিলেন, ‘কখনো না।’

মিথ্যের সমস্ত শক্তি তখন প্রায় নিভে এসেছিল। তিনটি মহিলা নয়, তিনটি বাঘিনী। প্রায় সমবয়সী, দিদি কয়েক বছরের ছোট।

বৌদি বলেছিল, ‘দেখেই তো বোঝা যাচ্ছে ইস্কুল থেকে আসছে না। সাহস কতখানি বেড়েছে তা হলে, ভাবো।’

দিদি কাঁকুনি দিয়ে বলেছিল, ‘কোথায় গেছলি?’

একবার শেষ চেষ্টায় প্রায় ফুঁসে ওঠবার মতো করেই বলেছিলাম, ‘ইস্কুলেই গেছিলাম তো।’

‘ফের মিছে কথা?’

দিদি আর একটা কাঁকুনি দিয়েছিল। কাকিমা বলেছিলেন, ‘ইস্কুল তো কাছেই। জিজ্ঞেস করে এলেই হয় মাস্টারের কাছে।’

মনে হয়েছিল, নিখাস বন্ধ হয়ে আসছে। জিত শুকিয়ে কাঠ। বৌদি বলেছিল, ‘ছি! ছিছি, ইস্কুল পালাতেও শিখেছে?’

কাকিমা বলেছিলেন, ‘আহা! কী ছিরিই হয়েছে। যেন গরু চোর।’

দিদি চীৎকার করে উঠেছিল, ‘শীগগির বল কোথায় গেছলি। নইলে

চালা কাঠ তোর পিঠে ভাঙব।’

দেহে আর একবিদ্যুৎ ছিল বলে মনে হয় নি। চোখে জল এসে পড়েছিল। প্রায়, পিটিপিটিও করছিল। বলেছিলাম, ‘ধানমগুাই!’

তিনটি গলায় যুগপৎ অশ্রুট আর্তনাদ উঠেছিল, ‘ধানমগুাই!’

তিনজনের অশ্রুট আর্তনাদ ও রুদ্ধবাক্ বিশ্বয়ে, অপরাধের গুরুত্বটা যেন আরো ভয়ঙ্কর হয়ে উঠেছিল। যেন এমন ভয়াবহ কথা আর কেউ কখনো শোনে নি। কোথাও চুরি-ডাকাতি খুনটুন হলে সবাই ঘেরকম চোখ কপালে তুলে ডুকরে ওঠে, তিনজনেই সে রকম করে উঠেছিল।

দিদির চোখ দুটো মনে হয়েছিল বঁটির চেয়ে ধারালো। বলেছিল, ‘কেন গেছলি?’

‘পাহাড় দেখতে।’

‘আঁ।’

বৌদি হঠাৎ হেসে উঠে বলেছিল, ‘ধানমগুাইয়ের মাঠে পাহাড়?’

বৌদির হাসি শুনে, একটু যেন স্বস্তি:ফিরে আসবে মনে হচ্ছিল। তার আগেই দিদি ঝেঁজে উঠেছিল, ‘হেসো না বৌদি। সাহসটা একবার ভাবো!’

ইতিমধ্যে কাকাও কখন রং-তুলি ছেড়ে বেরিয়ে এসেছিলেন। নিরীহ স্বরে বলেছিলেন, ‘ধানমগুাইয়ে পাহাড়? ভুই একটা গাধা একেবারে গর্দভ যাকে বলে। ওখানে পাহাড় কোথায়?’

আমি বলেছিলাম, ‘দেখেছি।’

‘দূর গাধা। কী একটা দেখে এসে বলছিস পাহাড়।’

আমার দৃঢ় বিশ্বাস ছিল, ধানমগুাইয়ের পাহাড়ের খবর এঁরা জানেন না। কাকা আবার বলেছিলেন, ‘যা, হাত-মুখ ধুয়ে খেয়ে নি গে যা।’

দিদি বলে উঠেছিল, ‘খাওয়াচ্ছি। ওকি করেছে জানেন? ইস্কুল পালিয়ে মাঠ-বাদাড় করে ফিরেছে।’

তারপরই আমার দিকে ফিরে বলেছিল, ‘কার সঙ্গে গেছলি? কে ছিল সঙ্গে, বল?’

‘বলু।’

পুরো নামটা উচ্চারণ করবার আগেই, ঠাস ঠাস করে দিদির চড় পড়েছিল গালে পিঠে।—‘বলু বলু, আমি জানি বলুর সঙ্গে ছাড়া এসব হয় না। পাজী, ফিচেল ধুতুঁ, মিথ্যুক, ইস্কুলপালানে! বলু ছাড়া তোমার বন্ধু নেই, না? ওই শয়তানটার সঙ্গে মিশে মিশে এত সাহস বেড়েছে।’

আমি জানতুম ইস্কুল পালিয়ে ধানমণ্ডাইয়ের পাহাড় দেখতে যাওয়ার অপরাধ যতখানি, বলুর সঙ্গে যাবার জন্তে অপরাধের মাত্রা আরো ততখানি। সত্যি, ভগবান ছোটদের প্রতি অত্যন্ত নির্ভর। এটা যদি বুড়োদের বিষয় হত, তাহলে কিছুই বলবার ছিল না। যাই হোক, বৌদি আর কাকিমা দিদির কাছে থেকে সরিয়ে নিয়ে গিয়েছিলেন। কাকা বলেছিলেন, ‘যাক্, ছেড়ে দে, আর কখনো করবে না।’

বৌদি নিজেই হাত-মুখ ধুইয়ে খেতে দিয়েছিল। দিদি বলেছিল, ‘এখন তোলা রইল। বাবা-মা আসুক, তোর কত বড় বুকের পাটা হয়েছে, তখন দেখব।’

কিন্তু আশ্চর্য! খেয়ে ওঠার একটু পরেই দিদি বৌদি কাকিমা, তিনজনেই আমার কাছে পাহাড়ের গল্প শুনতে চেয়েছিল। আমি প্রায় বৌদির কোলের কাছে বসেছিলাম। দিদি আমার শাটটা সেলাই করছিল। আমি বলতে বলতে রীতিমতো উৎসাহিত হয়ে উঠেছিলাম। তিনজনেই অবাক হয়ে আমার কথা শুনছিল।

ঠিক সে সময়েই, সম্পর্কে আমার দাদা হন, মনতোষদা এসেছিলেন। ধানমণ্ডাইয়ের মাঠে পাহাড়ের অবস্থিতির কথা শুনে, ভ্রু-কুঁচকে জিজ্ঞেস করেছিলেন, ‘ধানমণ্ডাইয়ের মাঠে পাহাড়! স্টুপিড! কোথায় সে পাহাড়?’

আশ্চর্য! কেউ কি জানতেন না? অথচ আমি তো সত্য পাহাড় দেখে ফিরেছিলাম। তার একটা বর্ণনা দিতেই, মনতোষদা যেন হেসেই বাঁচেন নি। বলে উঠেছিলেন, ‘রাসকেল। ওটা পাহাড় তোকে কে বলেছে। রমনায় যাবার পথ থেকে দেখা যায় পুরনো চাঁদমারির টিপি। পণ্টনের বন্দুক নিশানা শেখবার জায়গা। এখন আর একটা চাঁদমারি হয়েছে, ওটা ছেড়ে দিয়েছে, তাই জঙ্গল গজিয়ে গেছে। ননসেন্স একটা।’

সবাই হাহা করে হেসে উঠেছিল। এবং মনতোষদার সঙ্গে অন্য গল্পে মেতে গিয়েছিল।

কিন্তু আমার বিশ্বাস একটুও টলে নি? চাঁদমারি? সেটা আবার কী? বন্দুক নিশানার চাঁদমারি ওটা? বিশ্বাস টলে নি, তবু মনের মধ্যে একটি সংশয়ের ছায়া বোধহয় পড়েছিল। বিমর্ষ হয়ে উঠেছিলাম।

ধানমণ্ডাইয়ের সেই পাহাড়ের ছবি, একলা বসে বসে কল্পনা করেছিলাম। আর মনে মনে বলেছিলাম, ‘মনতোষদা জানেন না, এটা পাহাড়, নিশ্চয় পাহাড়। শুধু আমাকে নাকাল করার জন্তেই...’

কিন্তু বুকটা কেন টনটন করছিল ?

তার কয়েকদিন পরেই, বলু নিউমোনিয়া হয়ে মারা গিয়েছিল। আর কখনো ধানমণ্ডাইয়ের মাঠের পাহাড়ে যাওয়া হয় নি। বড় হয়েও নয়। অনেকদিন, অন্ধকার ছাদের দি'ড়িতে দাঁড়িয়ে বড় শিমূল গাছটার দিকে তাকিয়ে যেন বলুকে দেখতে পেতাম। তখনও সে রকম বিশ্বাসই ছিল, মানুষ মরলে, ভায়াহীন অদৃশ্য শরীর নিয়ে ঘুরে বেড়ায়। বলুও তাই বিশ্বাস করতো। তাই অন্ধকার হলেই বিশেষ বিশেষ জায়গায়, বলুকে যেন দেখতে পেতাম। আর সঙ্গে সঙ্গে ধানমণ্ডাইয়ের মাঠের পাহাড়ের কথাই আগে মনে পড়তো। ভাবতাম, বলু হয়তো ইচ্ছেমতো এখন সেখানে উঁচুতে গিয়ে বসে থাকে। ওকেও তখন বাড়িতে খুব মেরেছিল।

বড় হয়ে বুঝতে পেরেছিলাম, মনতোষদার কথাই ঠিক। ধানমণ্ডাইয়ের মাঠে, ওটা নিভাস্তই একটি পরিত্যক্ত চাঁদমারির ঢিবি। কিন্তু এ কথাও ঠিক, ছেলেবেলার অনেকদিন পর্যন্ত তবু একটা সাজ্জনা ছিল মনে, আমি পাহাড় দেখেছি।

আজ যখন সত্যি হিমালয়ে আরোহন করছি, গভীর অরণ্য ভেদ করে, আশ্চর্য স্বপ্নের দেশের মতো অবিদ্যাস্র ছোট গাড়ি, পাহাড়ে বুকবুক শব্দে প্রতিধ্বনি তুলে ভূগোল বইয়ের সেই বর্ণনার সঙ্গে ছবছ মিলে যাওয়া পাহাড়ে উঠছিল, তখন ছেলেবেলার সেই ধানমণ্ডাইয়ের মাঠে পাহাড়ের কথা বেশী মনে পড়ছে। সমতলের ছেলে আমরা। পাহাড়ের কী অদম্য তৃষ্ণা! বলু যদি বেঁচে থাকতো !

কত দিনের সাধ, পাহাড়ে উঠবো। একবার হিমালয়ে যাব। তাই বোধহয় ভারতবর্ষের নানান প্রান্তে ঘুরিয়ে, হিমালয়ের তৃষ্ণাকে আকর্ষণ করে, আমার পথ চলার নিয়তি আজ এখানে টেনে নিয়ে এল। এর আগে বিজ্ঞ্যাচল পাহাড় দেখেছি। আরাবল্লীর রেঞ্জ দেখেছি। কিন্তু পূর্বতের পরিপূর্ণতার এই অল্পভূতি ছিল না। আর আমার মনের সঙ্গে তাল দিয়ে যেন, পাহাড়ের গা বেয়ে এই বিচিত্র রেলগাড়ির চলমান শ্রোতের মধ্যে, বিস্মিত আনন্দের কলকল ধ্বনি বাজছে। অপরূপ! দূরে নীল আকাশের গায়ে কৃষ্ণনীল পাহাড়ের সীমা ক্রমে স্পষ্ট হয়ে উঠছে। মাঝে মাঝে, মেঘ সরে গিয়ে, নতুন নতুন নীল পাহাড়ের চূড়া ভেসে উঠছে! কী বিশাল! যাত্রীদের কলগুঞ্জন ক্রমে আমার

কাছ থেকে যেন দূরে সরে যাচ্ছিল। অরণ্যের নিবিড়তা, অথচ মুক্ত আকাশ ও স্তর পাহাড় এবং চলমান সাদা মেঘের খেলায় আমি আন্তে আন্তে যেন একেবারে আচ্ছন্ন হয়ে পড়ছিলাম।

হিমালয়ের কত ছবি দেখেছি, কত বই পড়েছি, কিন্তু প্রত্যক্ষ উপস্থিতি এ অল্পভূতি কখনো বোধ করি নি। এই গাভীর্ষ, অথচ প্রসন্নতা অসীম বিশালতাকে যেন আমি ছুঁতে পারি নি। আমার স্তব্ধবাক্য নিবিড় বিশ্বয়, গভীর এই আনন্দের অল্পভূতির জগৎ, এই মুহূর্তে, কার কাছে কৃতজ্ঞতা প্রকাশ করব? কার কাছে?

আর, এমন আশ্চর্য আরণ্যক, এমন শিলাস্তুত পার্বত্য, সীমাহীন সমতল, এবং সমুদ্রবেষ্টিত, এই ভারতের যেখানেই গিয়েছি, সেখানেই মুগ্ধ বিস্মিত আনন্দের আবেগের মধ্যে, কেন জানি নে, আমার বুকে ঢুলে উঠে একটি জলধারার জোয়ার ছুঁচোখ ভাসিয়ে এসেছে। মনে হয়েছে, সীমাহীন আকাশের জল, এই সীমাহীন ঐশ্বর্যের ছ্যারে দাঁড়িয়েও, প্রাত্যহিকতার কোন্‌ ছোট একখানি হাটের কাঙাল হয়ে জীবন কাটাচ্ছি! কেন আমি জানি নে সেই মন্ত্র। কেন আমার হয় না সে-সাধন, আমি ডুবে যাব নীরবে নিঃশব্দে, আমার সকল বিশ্বয় আনন্দ অশ্রু নিয়ে। এই মহাপ্রকৃতির মধ্যে।

এ কি বৈরাগ্যের বিলাস? জানি নে। কিন্তু বিষন্নতা কোথাও নেই। মনে হয়, এ মহাবৈভবের মধ্যে কোথাও যেন একটি ঘর ছাড়া প্রসন্ন বৈরাগ্যের স্বর বাজে। এ বৈরাগ্য কি ভারতেরই স্বত্তিকার দান? কে জানে! সংসারের নিবিড়তায়, সদাই কর্তব্যের আত্মহীনতাও তো এ স্বত্তিকায় সদাজাগ্রত।

এই রূপ অরূপের মাঝখানটায় সদাই দোলা খাই। তাই ছুটে ছুটে বেরিয়ে পড়ি। পথের ধুলার ডাক শুনি। দূর দূরান্তের নয়, সে ডাক নিত্যন্ত দৃশ্যান্তরের, নতুন বৈচিত্র্যের। শহর থেকে রেলের চাপে একটা স্টেশন পেরিয়ে গেলেই সাধ মিটেতে পারে। একটু বা শরতের সন্ধ্যায় গঙ্গার ধারে কিংবা শত শত মাইল দূরেও ক্ষতি নেই। এ পথের আত্মহীন শুধু বিচিত্রের বৈভব লুটে নেবার হাতছানি।

তাই লিখতে বসে সঙ্কোচ হল, পাছে একে কেউ ভ্রমণকাহিনীর অহঙ্কার বলে বোঝে। একে কি বলব, তার সংজ্ঞা আমার জানা নেই। প্রাণের মাঝখানে আছে যেন এক রূপ-রসিকের বাস। বলতে হয়, এ শুধু রূপের ক্ষুধা মেটাবার এক অভূত অল্পভূতির প্রকাশ। বিচিত্রের স্বাদ পাবার সাধ! ঘর ছাড়া, পথ চলা, করতালির শব্দ। আনন্দের একটু কাঁদন। ব্যথার একটু

হাসি। এইটুকুই যাত্রা।

অরণ্য গভীর। ছেলেবেলা বইয়ে পড়া সেই কথাগুলো অক্ষরে অক্ষরে ফুটে উঠছে চোখের সামনে। অরণ্য আবৃত, প্রস্রবগাত্র। কিন্তু সেই প্রস্রব যে এমন থিরাটি বিচিত্র আকৃতির, আগে তা জানি নি। আগে জানি নি, সেই অরণ্য এমন নিবিড়, এমন ছায়াঘন আঁধার আঁধার, শতাব্দীর প্রবীণ বনস্পতিদের লতাগুল্মের জটিল বাঁধনে, সবুজের কী 'বিচিত্র বর্ণের সমারোহ!' প্রস্রবণের দেখা এখনো পাই নি। পাবো, সে খবর আমি পাচ্ছি, ওই দূরে, বায়ে মহানদীর দিকে তাকিয়ে। আমি যে চলেছি, সকল মহানদীর জন্মভূমিতে। সকল মহানদীর স্রষ্টা হিমালয়ের, সোনার শিখরে বেষ্টিত এক বর্ণাঢ্য অঙ্গনে? নদীর সেখানে প্রস্রবণ হয়ে নেমে চলেছে, হিমালয়ের আপন ঘরোয়ানার নাচের ছন্দে, গানের সুরে।

এ গাড়ির শব্দ বড় বিচিত্র। মনে হয়, অরণ্য-পর্বতের দিগন্ত থেকে দিগন্তের ঘুম ভাঙানোর একটা জেদ আছে তার শব্দে। আবার কখনো কখনো, সে শব্দ সহসা শুষ্ক হয়ে যাচ্ছে। কেন বুঝতে পারিনে। তখন ঝাঁঝির ডাক তীব্র স্পষ্ট হয়ে উঠেছে। ঝিল্লীমুখরিত বনপরিপূরিত পর্বত বাজর এই বিচিত্র ঘানে বসে মনে হয়, আমার সমতলের চিরচেনা রাজ্য থেকে কোন্ এক অবাস্তব লোকে এসে পড়েছি। ছ'পাশের গভীর বনের দিকে একটু নিবিষ্ট হয়ে তাকালেই, বোকা যায়, এ অরণ্য ঝাপদসঙ্কুল। আমরা এখনো পাদদেশ তরাইয়ের অরণ্যের গভীরে। কিন্তু চলেছি কত নিঃশব্দ চিন্তে।

জানিনে, বিদেশীরা শুধু বাণিজ্যের লোভের লুটের আশায় এই সরীসৃপতুল্য হাওয়া গাড়ি আর রাস্তা তৈরি করেছিল কি না। কিন্তু শতসহস্রের সহজ শৈলবিহারের আনন্দের পুণ্য কি তাদের একটুও স্পর্শ করবে না? শুনেছি, একদা সাহেবগঞ্জ পর্যন্ত রেললাইন ছিল। সেখান থেকে গঙ্গা পার হয়ে গরুর গাড়ি নয় তো পালকিতে করে অদীর্ঘ দুশো মাইল রাস্তা পার হতে হত। রাস্তার নাম ছিল, গ্যাঙ্গেস্ হিমালয়ান রোড। পূর্ণিমা, কিষাণগঞ্জ, তিতালিয়া আর শিলিগুড়ি পার হয়ে দার্জিলিং-এর শিখরে। যারা বোড়ায় চাপতে পারতো, তারা বোড়ায় যেত। তারপর শিলিগুড়ি পর্যন্ত রেল হয়েছিল। শিলিগুড়ি থেকে টাঙ্গায় দার্জিলিং। তারও অনেক পরে, ইস্টার্নবেঙ্গল রেলওয়ের জেনারেল ম্যানেজার মিস্টার ফ্রাঙ্কলিন প্রিস্টল-এর পরিকল্পনায় এই দার্জিলিং হিমালয়ান রেললাইন তৈরি হয়েছিল। সেটা আঠারো শো উনাশি। আঠারো শো আশিতে তিনধরিয়া, একাশিতে দার্জিলিং পর্যন্ত লাইন পাতা হয়েছিল।

কিন্তু তখন বাঙলাদেশ, শুধু বঙ্গদেশ ছিল। হয়তো তার পূর্ব পশ্চিমের জীবনধারণের রীতিনীতির ফারাক ছিল কিছু। কথার স্বর, উচ্চারণ, আর সংস্কৃত-প্রাকৃত মিশ্রণের বিভিন্নতায় কিছু গরমিল ছিল। কিন্তু দুই রাষ্ট্র ছিল না। রাজনীতি কি বিচিত্র, বহুমুখী সাপের মতো তার প্রতিটি কুণ্ডলিত বাক্যে বাক্যে বিবাক্ত দাঁত উগত। বিশ্বাসের মর্যাদা দিতে সে চিরকাল নারাজ। তার নিজের বিশ্বাসই বিশ্বাস। তাই বাঙলাকে পাকিস্তান আর হিন্দুস্থান দুই রাষ্ট্রে ভাগ হতে হয়।

তাই আমরা সে পথ দেখতে পেলাম না, যে-পথ গোড় বরেন্দ্রের ভিতর দিয়ে এসেছে হিমালয়ে। যে-পথ সান্তাহার পার্বত্যীপুর জংশন দিয়ে, এককালের দার্জিলিং মেলকে বেগে ছুটিয়ে নিয়ে এসেছে। এখন বিহার প্রদেশের এক অংশ ঘুরে আসতে হয়। গায়ে এখনো সক্রিয়গলিঘাট আর মনিহারিঘাটের বালি খসে নি। চা খাবারের সঙ্গে কিছু-কিঞ্চিৎ বালি যে পেটেও না আছে, এমন নয়। দার্জিলিং আসার দুর্দৈব যদি দেখতে হয়, তবে দুই ঘাটের এপারে ওপারে দেখতে হবে। গ্রীষ্মকালের বালির ঝড় নাকি একটা নিত্য-নৈমিত্তিক ব্যাপার। কী ভয়াবহ! মনে হয়েছিল, বালির তপ্ত খোলায়, চাল পড়ার মতো মাছুর পড়ছিল গঙ্গার দিগন্তবিস্তৃত চরের ঝড়ে। তপ্ত বালি, স্ফুলিঙ্গের মতো গায়ে এসে পড়ছিল। মুহূর্তে সর্বাঙ্গ সাদা হয়ে গিয়েছিল বালিতে। ঘন কুয়াশার মতো বালি সব অন্ধকার করে দিয়েছিল। প্রবল চাঁৎকার, কলরব, আর্তনাদ, আতঙ্ক। কোথায় কার মাল নিয়ে কোন্ কুলি চলে গেছে। কার হাত ধরে কে এগিয়ে চলে গেছে, দিশা ছিল না। কার মনিব্যাগ হারিয়ে গেছে, কার কানের তুল খসে গেছে, কিছু ঠিক করা যায় নি। মনে হয়েছিল, বীভৎস, দুর্বিসহ।

আমাকে আঁকড়ে ধরেছিলেন এক বৃদ্ধ। কলকাতা থেকেই যিনি বৈশাখের দাবদাহের আঁক করেছেন অনেকবার। রেল-কোম্পানির পিণ্ডি চটকেছেন সহস্রবার, কারণ ঠুর মতে দ্বিতীয় শ্রেণীতে পাখা নাকি অত্যন্ত কম ছিল। কেন আরো বেশী দেওয়া হয় নি, এ নিয়ে আশেপাশের যাত্রীকে, এবং আমাকে বারে বারে বোঝাতে চেয়েছেন, ‘নষ্টামো, বুঝলে হে, এ সব খালি নষ্টামো! আরে বাবা, পয়সার বিচারই কী সব হল, আ? কী বল হে?’

বলে এমনভাবে ভ্রুকুটি চোখে, গুটিকয় নড়বড়ে দাঁতে হাঁ করে তাকাচ্ছিলেন, যে চূপ করে থাকাই দায়। অন্তত ঘাড় নেড়ে বলতে হয়েছে, ‘আজ্ঞে ই্যা তা তো বটেই।’

কিন্তু তাতেই রেহাই ছিল না। তর্জনী তুলে হাঁক দিচ্ছিলেন, ‘তা তো বটেই কী হে? জবাব তো একটা চাই, না কী? পয়সার বিচারই কি সব হল? ফাস্ট ক্লাসের বিঘতথানেক জায়গায় অতগুলো পাখা দিতে পার, সেকেণ্ড ক্লাসে আর দুটো বেশী দিলে কি তোমার কোম্পানী ডকে উঠে যেত, আঁ, কী বল হে?’

আমাকে সেই একই জবাব দিতে হয়েছিল, ‘তা তো বটেই।’

‘তা তো বটেই!’ একবার প্রায় ভেংচেই উঠেছিলেন আমাকে, ‘তা তো বটেই! ও কথাটার মানে কী? ওসব বলে কিছু হবে না, বুঝলে? দাবি করতে হবে, দাবি। পাখা তোমাকে আরো দিতে হবেই।’

এমন আর জায়গা ছিল না যে বুকের কাছ থেকে দূরে সরে বসি। উনি আমাকে একাধারে রেল-কোম্পানি আর নিরীহ যাত্রীর প্রতিনিধি করে নিয়েছিলেন। সায় দিলে বিপদ। ষাঁটানো আরো বিপদ। অতএব, সারাটা পথ প্রায় গুঁর ছোটখাটো ফাই-ফরমাসেস এবং সংসার, সরকার, নরনারী, যুবক-যুবতী ইত্যাদি বিষয়ের ব্যাখ্যা শুনতে শুনতে আসতে হয়েছে। ফাই-ফরমাসেসের মধ্যে, হাত পাখাটা উনি বারে বারেই হারিয়ে ফেলছিলেন। খুবই স্বাভাবিক। এত অকারণ ব্যস্তবাগীশ বক্তা যে, পাখা এই রাখছিলেন ডাইনে, আবার এই বাঁয়ে। এই সামনে, এই পিছনে। আর মাঝে মাঝে, কুঁজো থেকে একটু জলটা ঢেলে দাওতো বাবা। রাগ করো না যেন, আজকালকার ছেলে তো।’ ভদ্রলোক-আমার মতোই, একলা যাত্রী। সব থেকে মারাত্মক, গম্ভ্য দাঁজলিং! তার মানে সারাটা পথই সঙ্গী যাত্রী হিসেবে থাকবেন।

একমাত্র আশা ছিল, মনিহারিঘাটে নিশ্চয় বিচ্ছিন্ন হতে পারব। কিন্তু ষ্টিমার থেকে নেমেই, মনে হয়েছিল, দুটো সাঁড়াশি এসে দু দিক চেপে ধরেছে। অক্টোপাসের আলিঙ্গন কি এমনি? কে জানে। কিন্তু বিরক্ত হয়ে উঠেছিলাম। একে বালির ঝড়ের দুর্ধোণ। মালপত্র নিয়ে কুলি যে কোথায় চলেছে, কিছুই বুঝতে পারছিলাম না। তার ওপরে এই খিটখিটে বৃড়ো, বিশ্বসংসারের সব কিছুর ওপর বীভৎশ, প্রত্যেকটি লোকের সমালোচক।

শরীরটা শক্ত করে, জ্রুটি করে তাকিয়েছিলাম ভদ্রলোকের দিকে। রুক্ষধরে বলতে যাচ্ছিলাম, ‘আঃ কী করছেন, ছাড়ুন।’ কিন্তু বলতে পারি নি। দেখেছিলাম, খিটখিটে সেই বৃদ্ধ লোকটির মাথা প্রায় শিশুর মতো আমার বৃকে লুটিয়ে পড়েছে। বালি ঢোকা চোখ দুটি জলে বাপসা। বলেছিলেন, ‘দোহাই বাবা, ছেড়ে যেও না, বে-ঘোরে মারা যাব। কী করব বল।’

মহুর্তে একটি মুখ মনে পড়ে গিয়েছিল। সে মুখটিও এমনি এক বৃদ্ধেরই, যাকে মাত্র কয়েক বছর আগে কাঁধে করে শাশানে মুখাণি করে এসেছিলাম। এক মুখাণিতেই কী জীবনের একটা দিকের সব শেষ হয়? বলেছিলাম, 'না, ছেড়ে যাব কেন বলুন, কিন্তু আপনার মালপত্র?'

'জানি না। কুলিকে তো বলেছি, সেকেণ্ড ক্লাসে তুলে দিতে।'

বুদ্ধকে নিয়ে চলতে চলতে তখনো গাড়ির দরজায় পৌঁছুই নি। সহস্রা কান্নের কাছেই বেজে উঠেছিল মেয়ে গলা, 'এই যে আপনারা যাচ্ছেন দেখছি। ধরুন তো একে একটু, কুলিকে দিয়ে মালপত্র একটু তুলিয়ে নিই।'

প্রথমটা একেবারে হকচকিয়ে গিয়েছিলাম। তৎক্ষণে সৰু সোনার বালা পরা ছুটি ছোট ছোট হাত আমার দিকে এগিয়ে এসেছে। আপনা থেকেই আমার দু হাত এগিয়ে গিয়েছিল। বছর তিনেকের একটি শিশু। বেচারী! বালিতে দু চোখ বোজা। কোলে নিতে না নিতেই, গলা জড়িয়ে ধরে, মুখটা গুঁজে দিয়েছিল বাড়ের মধ্যে। অথচ সারাটা পথ, ট্রেনের কামরায়, আমার উন্টে। দিকের বেঞ্চে মাহুঘের ভিড়ের মধ্যে একটু ভিন্ন জগতের স্পর্শ ছিল ওরই কচি দাঁতের হাসিতে। ওর আশ্চর্য কথার কাকলিতে।

বালির বাড়ের অস্পষ্টতায়, আমার কোলে দিয়েই, ওর মায়ের লাল শাড়ির আঁচল কোথায় অদৃশ্য হয়েছিল, বুঝতে পারি নি।

বছর চারিশ-ছাব্বিশ-বয়সের মহিলা, প্রায় দোহারা, ফর্সা, মহিলাকে সারাপথ প্রায় নীরবই দেখেছি। স্বামী সঙ্গে আসেন নি, অলুমান করা গিয়েছিল। বাচ্চা মেয়েটিকে নিয়ে মহিলা, অস্তুত শালীনতার নিয়ম রক্ষায় তাই, নইলে 'মেয়েটি' একলা যাত্রী এই রকম বলাই উচিত। বুদ্ধ ভদ্রলোক যখন থেকে সে কথা জানতে পেরেছিলেন, মেয়েটি দাঁজলিং-এ যাচ্ছে শুধু শিশুটিকে নিয়ে তখনই ঠারে ঠোরে কয়েক কথা শুনিয়েছিলেন। মনে মনে বিরক্ত হয়ে-ছিলাম। পার্শ্ববর্তী যাত্রী হিসেবে, লজ্জাটা যেন আমাকেই বিধছিল কিন্তু মহিলাটির সঙ্গে একটি কথাও হয় নি। শিশুটির সঙ্গে হয়েছিল। হয়েছিল, শিশুর খেয়ালেই এক সময় মায়ের কাছ থেকে নেমে, আমার ছবিওয়াল। ম্যাগাজিনের পাতা ওলটাতে আরম্ভ করেছিল। কিছু বলার প্রয়োজন বোধ করি নি, একটু হেসেছিলাম মাত্র। ও কিন্তু ছবি দেখতে দেখতে, বড় বড় চোখে আমার দিকে তাকাচ্ছিল। সে-চাউনি দেখে অবাক হয়েছিলাম, হাসিও পেয়েছিল। মনে করেছিলাম, নিজেকে একদিকে ব্যস্ত রেখে, আর একদিকে আড়চোখে তাকানোটা, একটা বয়সে সব মেয়েরই সহজাত। সেটা এক

অর্থে নয়, বহু অর্থে। ওদের সামনে পিছনে চোখ না থাকলে চলে না। প্রকৃতি যখন হুটো বাড়তি চোখ পিছন দিকে দেন নি, তখন কাজ মেটাবার দায়গুলো অল্পভাবে আয়ত্ত করে নিতে হয়েছে। সংসারের সকল দিকে চোখ না রাখলে যে ওদের চলে না।

কিন্তু বয়েসটা দেখছিলাম গৌণ। বিভিন্ন বয়সে বিভিন্ন দায়। মেয়ে যে! ওদের সব দিকে নজর রাখার, বয়সের কোনো সীমা-সহরদ নেই। দেখেছিলাম, ম্যাগাজিনের পাতা উল্টিয়ে ছবি দেখতে দেখতে মেয়েটি আমার দিকে আড়চোখে তাকাচ্ছিল। কখনো ঠোঁট ওল্টাচ্ছিল, মুখের ভিতর জ্বিভ ঠেলে ঠেলে, গাল ফোলাচ্ছিল, এবং খুব মন্থরে, আরো কাছে ঘনিয়ে আসছিল।

ওর সঙ্গে আমাকেও সেই খেলায় তাল দিতে হচ্ছিল। যেন কিছুই দেখছি, কিছুই বুঝি নে, এমনি একটা ভাব করে, উদাসীন চোখে তাকিয়েছিলাম অন্ধদিকে। কামরার কেউ-ই বোধহয় সে খেলাটা লক্ষ্য করে নি, ওর মা ছাড়া। ওর মা একবার মেয়ের দিকে তাকিয়ে ভুরু কুঁচকেছিল। হয়তো কিছু বলতে চেয়েছিল। প্রায় মেয়ের মতো করেই, মা-ও চকিতে একবার আমার দিকে দেখে, বাইরের দিকে চোখ ফিরিয়ে নিয়েছিল। কিছু বলে নি।

এক সময় ছোট্ট একটি হাত হাঁটুর কাছে, আমার কোলের ওপর এসে পড়েছিল। আমার মনটা হঠাৎ খুশিতে ভরপুর হয়ে উঠেছিল। খুশির হানিটুকু ঠোঁটে ঠোঁটে চেপে লুকিয়েছিলাম। কে জানে, আমার সঙ্গে ভাব করার ইচ্ছে কখন ওর মনে জেগেছিল। ওর সেই ইচ্ছাটাতে একটু যেন কৃতজ্ঞও হয়ে উঠেছিলাম। এবং আস্তে আস্তে হাত বাড়িয়ে, ওর সরু সোনার বালা-পরা, আঙুলে নেলপালিশ লাগানো ছোট্ট নরম হাতটি চেপে ধরেছিলাম।

সঙ্গে সঙ্গে যেন ইলেকট্রিকের শক্ লেগেছিল ওর। যেন সেটা ওর খুবই অনিচ্ছা, তাই টেনে হাত সরিয়ে নিয়েছিল। একবার চোখের কোণ দিয়ে দেখে, আবার ছবি দেখতে আরম্ভ করেছিল।...

প্রবল একটা হাসির বেগ ঘুলিয়ে উঠেছিল আমার মধ্যে।

হাসলে সব মাটি হয়ে যাবার সম্ভাবনা। অতএব ধৈর্য ধরে অপেক্ষা করা ছাড়া আর উপায় ছিল না।

কিন্তু চোখ না ফিরিয়ে ওর দিকেই তাকিয়েছিলাম। আর ওর কাজল-পরা চোখ দুটির সে কি পিটপিটোনি। একেবারে ম্যাগাজিনের পাতায় মুখ গুঁজে দিয়েছিল। তারপর হঠাৎ মুখ তুলে বলেছিল, 'এতা তোমাল?'

সরু মিষ্টি গলায়, দুজনে দীর্ঘ সময়ের নিঃশব্দ খেলার পর, দুটি শব্দ যেন প্রায় অরণ্যের স্তব্ধতায় বেজে উঠেছিল, পথিক, তুমি কি পথ হারিয়েছ? আমি বলেছিলাম, 'হ্যাঁ।'

একটু নীরব এবং ছ'বার আড়চোখে তাকানো। তার পরের প্রশ্নই ছিল বুদ্ধ ভদ্রলোককে চোখ দিয়ে দেখিয়ে, 'ও তোমালু বাবা?'

আমাকে একমুহূর্ত ঠোঁটে ঠোঁট টিপে উদ্গত হাসি চাপতে হয়েছিল। ভাগ্যিস ভদ্রলোকের তখন এদিকে নজর দেবার সময় ছিল না। উনি তখন জুঁক চোখে কামরার গুটিকয় ফচকের (ওঁর ভাষায়) বাঁদরামি (এটাও ওঁরই ভাষা) দেখছিলেন, আর আপন মনেই, খালি গায়ে পাখা টানতে টানতে বিড়বিড় করছিলেন।

আমি খুব নিরীহভাবেই বলছিলাম, 'না তো!'

একটু বোধহয় সংশয় ও অবিশ্বাস দেখা দিয়েছিল শিশুর চোখে। তারপরের প্রশ্ন ছিল, 'তবে ও তোমাকে বকখিলো কেন?'

তাও তো বটে! আমার বোকা উচিত ছিল, বুদ্ধের কথাগুলোর ভাব-ভঙ্গি প্রায় ধমকানোর মতোই যে। আমি গলার স্বর নামিয়ে চোখ বড় বড় করে বলেছিলাম, 'ভীষণ রাগী!'

শুধু, কাজল-টানা বড় বড় চোখে গভীর অসুস্থসন্ধিসা নিয়ে সে বুদ্ধের দিকে খানিকক্ষণ তাকিয়েছিল। তারপর আমারই গলার অসুস্থকরণ করে ষাড় বাঁকিয়ে বলেছিল. 'মারবে না?'

বলেছিলাম, 'না, মারবে না।'

সে আশ্বাসে ও যেন ভারী আশ্বস্ত হয়েছিল। কিক করে একটু হেসে, আবার আমার কোলের ওপর একটি হাত তুলে দিয়েছিল। আবার সেই ধরা অ-ধরার খেলা কিনা বুঝতে পারছিলাম না। তাই সরু সোনার বালা-পরা নেলপালিশ লাগানো ছোট হাত দুটি স্পর্শের দুরন্ত ক্ষুধা মত্তেও, নিবিকার ও নিশ্চল ছিলাম। 'জিস্টেস করেছিলাম, 'তোমার নাম কি?'

তাতে মুখের ভিতর জিভটি রীতিমতো আন্দোলিত হচ্ছে বুঝতে পারছিলাম। কারণ ছ'পাশের গালই স্বপূরির মতো ফুলে উঠছিল। ছ একবার জিভ ঠোঁটের ফাঁক দিয়ে বেরিয়েও পড়েছিল। লজ্জা নাকি?

আবার বলেছিলাম, 'নামটা বলবে না?'

জবাবের পরিবর্তে স্তব্ধ করে একটি গোটা আঙুলই মুখের মধ্যে ঢুকিয়ে দিয়েছিল। এবং ষাড় কাত করে মায়ের দিকে একবার আড়চোখে লক্ষ্য

করেছিল। মায়ের চোখে অবিশ্বাস কিছুই বাদ যাচ্ছিল না। মায়ের যে একটু অস্বস্তি হচ্ছিল, নিশ্চয় হচ্ছিল, তাও বুঝতে পারছিলাম। হয়তো মেয়ের সেই গায়ে পড়ে মালাপ করাটা মা'কে সন্তুষ্ট করেছিল। অন্তত আমার কথা ভেবে একটু দ্বিধা তো নিশ্চয় হচ্ছিল। সে হিসেবে মায়ের অবস্থাও মেয়ের মতোই। চোখ একদিকে কিন্তু কান ও দৃষ্টি আর একদিকে।

ও কিন্তু মায়ের দিকে আড়চোখে তাকিয়ে, মুখে আঙুল রেখেই উচ্চারণ করেছিল 'কাকুলী।'

কাকুলী, অর্থাৎ কাকলী। বলেছিলাম, 'বাঃ, তোমার নামটি তো বেশ।' কাকলীর মা সেই মুহূর্তেই বলে উঠেছিল, 'আঃ! খুব, মুখে আঙুল দিচ্ছ কেন?'

কাকলী চট করে লالا ভেজানো আঙুলটা বের করে নীল ফ্রকের গায়ে ঘষে দিয়েছিল।

মা আবার বলেছিল, 'নেবে গেছ কেন? জায়গায় এসে বসো না।'

কাকলী তখন দুটি হাতই আমার কোলের ওপর তুলে দিয়েছিল, আমারও একটু আশা হয়েছিল। একটু নির্ভয় হয়েছিলাম। এবং মায়ের তাড়া দেখে, পাছে কাকলী সত্যি সরে যায়, তাই তাড়াতাড়ি ওর একটি হাত ধরেছিলাম। কাকলী তখন এক পা পেছিয়েছে। কিন্তু ওর মায়ের চোখ আবার সেই বইয়ের দিকে। কাকলী তা লক্ষ্য করে হঠাৎ অনেকখানি আমার বুকের কাছে বুকে পড়ে জিজ্ঞেস করেছিল, 'তোমার নাম কী?'

মুশকিল! কিন্তু উপায় কী? নাম জিজ্ঞেস করতে পারি, বলতে পারি নে? নামটা বলেছিলাম। কাকলীর পক্ষে অসুবিধে হলেও আমার নামটা ও আবার উচ্চারণ করেছিল। ওর মা একবার চোখ ফিরিয়ে তাকিয়েছিল। বোধহয় আমার নামটা ছোট মেয়ের মুখে উচ্চারণে আপত্তি ছিল মায়ের। কিন্তু কাকলীর, কাকলী তখন বাধা মানতে রাজী ছিল না। মায়ের দিকে লক্ষ্য ছিল না ওর। জিজ্ঞেস করেছিল, 'তুমি কি কলো?'

উপায় ছিল না জবাব না দিয়ে। আমি যদি নাম জিজ্ঞেস করতে পারি, ভাব করবার ইচ্ছে রাখি, তা হলে, ভুল্ললোকের নিয়ম রক্ষার দায় মানতেই হয়। বলেছিলাম, 'বেড়াই।'

ঈশং সন্দেহ ও বিশ্বাসে কাকলীর ভুরু কঁটকেছিল, 'পলা কলো না?' সর্বনাশ! তারপরে তো সে প্রশ্নটাই স্বাভাবিক! তাড়াতাড়ি বলেছিলাম, 'তাও করি।'

কাকলীর মায়ের চোখের কোণ থেকে ঘন ঘন মেয়ের দিকেই দৃষ্টি বিচ্ছুরিত হচ্ছিল। কিন্তু তারপরেই কাকলীর প্রশ্ন ছিল, ‘তোমার গৌফ নেই কেন?’

একেবারে অপ্রস্তুতের একশেষ থাকে বলে। পড়ার কথার পরেই যে গৌফ প্রশ্ন উঠতে পারে, এতখানি গভীর বোধশক্তি আমার ছিল না। রীতিমতো লজ্জিত হয়ে পড়েছিলাম। এবং মেয়ের এবং বিধ গ্রন্থে মায়ের মুখখানি ঈষৎ রক্তিম হয়ে উঠেছিল।

আমি জবাব দেবার আগেই কাকলীর পরের কথা ছিল, ‘আমাল বাবাল গৌফ আতে, দানো?’

তা অবশিষ্ট জানা ছিল না। কিন্তু বাবার গুম্ফ গরবিনী কাকলী আর কিছু বলবার আগেই মায়ের ডাক শোনা গিয়েছিল, ‘খুকু, এদিকে এসে বসো।’

মায়ের মুখ রক্তাভ, কিন্তু গলায় গাভীর্ষ ছিল না। খুকুর পক্ষে এবার মায়ের আদেশ অমান্য করার সাহস ছিল না। আস্তে আস্তে আমার হাত থেকে হাত খুলে নিয়ে, বুক চেপে মায়ের পাশে বেঞ্চে গিয়ে উঠেছিল। যদিও মায়ের দিকে ফেরে নি, বাইরের দিকেও তাকায় নি। চোখ বড় বড় করে আমার দিকেই তাকিয়েছিল। আমি নিঃশব্দে হাসছিলাম ওর দিকে তাকিয়ে।

আস্তে আস্তে কাকলীর মুখেও হাসি ফুটেছিল। এবং সে হাসিটা যে ছুজনের মধ্যে রীতিমতো একটা নীরব নিভৃত ভাবের বিনিময়, আমরা ছুজনেই তা বুঝতে পারছিলাম। সংসারে এমন সহজ নিবিড় প্রেম কজনেই বা চেয়ে আছে। আমি চোখ ইশারায়, ষাড় নেড়ে, কাছে ডেকেছিলাম। কাকলী একবার মায়ের দিকে আড়চোখে দেখেছিল। কিন্তু অনড় হয়ে বসেছিল।

আমি চোখ ইশারা করে ডেকেছিলাম। কাকলী আবার মায়ের দিকে তাকিয়েছিল। এবং হঠাৎ মায়ের কোলের ওপর হাত রেখে, আঙুল ঘষতে আরম্ভ করেছিল। মা জিজ্ঞেস করেছিল, ‘কী হয়েছে?’

কাকলী বেশ গভীর মুখে, আঙুল দিয়ে আমাকে দেখিয়ে বলেছিল, ‘আবাল আমাকে দাক্তে।’

আমি থ! হে ভগবান্, একেই কি বলে জীয়াশচরিত্রম্? লজ্জায় প্রায় কঁকড়েই গিয়েছিলাম। এ যে একেবারে পাকা রমণী মনের ছলনা!

ছলনাই, কিন্তু ছলনার গতি-প্রকৃতি আমি ঠিক বুঝতে পারি নি। সেটাও আর এক রমণী বুঝিয়ে দিয়েছিল। কাকলীর মা বলেছিল, ‘ডাকছেন, তো যাও। কিন্তু বাজে কথা একদম বলো না।’

মায়ের কথা শেষ হবার আগেই কাকলী প্রায় লাফ দিয়ে নেমে কোলের

ওপর হুঁহাত তুলে দিয়েছিল। হাসিতে উদ্ভাসিত হয়ে গিয়েছিল গোল বোঁচা বোঁচা মিষ্টি মুখখানি। দেখেছিলাম, কাকলীর মায়ের মুখ বাইরের দিকে, কিন্তু চৌঁচোর কোণে একটুখানি হাসিরই আভাস ছিল বোধহয়।

অতএব কাকলীর মায়ের কোনো অধিকার না থাক, মনিহারী বাটের দুইদেবের মধ্যে, কাকলীর অধিকার ছিল আমার কাঁধে এসে ওঠবার। বরং সঙ্কুচিত হয়েছিলাম বুদ্ধের কথা ভেবে। বুদ্ধ নিশ্চয় রুষ্ট হবেন। কিন্তু মানব চরিত্রের কতটুকুই বা আমার জানা ছিল! দেখেছিলাম সব চেয়ে দুঃসময়েই বুদ্ধের মেজাজের আর একটি রূপ ফুটে উঠেছিল। নিজের হুবহু মতোও একটি হাত বাড়িয়ে, কাকলীর গায়ে হাত বুলিয়ে দিয়েছিলেন। বলেছিলেন, ‘আহা বেচারী!’

বোঝা মনে করতে কোনো বাধা ছিল না। কিন্তু এক বুদ্ধ আর একটি শিশু। দুজনের কাউকেই আমার বোঝা মনে হয়নি। প্ল্যাটফর্মবিহীন মনিহারীবাট স্টেশন। গাড়ির নাগাল পেয়ে সেকেণ্ড ক্লাসে আগে তুলে দিয়েছিলাম কাকলীকে। তারপর বুদ্ধকে। বুদ্ধ উঠেই গোলমাল লাগিয়ে দিয়েছিলেন। মালপত্র সব উঠেছে, বসবার জায়গা পান নি। কিন্তু কাকলীর মা কোথায়? কয়েকটি সেকেণ্ড ক্লাসের কোথাও সে ছিল না! এ দিকে, আমার দু চোখও তখন বালিতে ঢাকা পড়ে গেছে। অন্ধ হয়ে উঠেছিলাম। সর্বদা বালিতে ও গঙ্গা মাটিতে সাদা হয়ে গিয়েছিল। সাধুনা একটাই ছিল, মালপত্রগুলো উঠেছে।

বুদ্ধ ইতিমধ্যে বসবার চেয়েও একটু বেশী জায়গাই করে নিয়েছিলেন। আমি দরজার কাছ থেকেই উঁকি মেরে বলেছিলাম, ‘আপনি একটু কাকলীর দিকে লক্ষ্য রাখবেন? ওর মাকে আর একটু খুঁজে দেখি।’

বুদ্ধ প্রায় আঁতকে উঠে বলেছিলেন, ‘সে কি, এখনো খুঁজে পাও নি?’

‘না।’

‘সর্বনাশ!’

বলতে বলতে বুদ্ধ মুখের ভাঁজে ভাঁজে, ছাইমাখা সাধুর মতো বালি আর মড়কোড় দাঁত কটি দেখিয়ে এগিয়ে এসেছিলেন। বলেছিলেন, ‘সেকেণ্ড ক্লাসের সব দেখেছ?’

‘দেখেছি।’

কিন্তু সর্বনাশ বলছিলেন কেন? একটু বাবড়েই গিয়েছিলাম। একলা মহিলার কোনো বিপদ-আপদ ইংগিত করেছিলেন নাকি!

কিন্তু বুদ্ধ অল্প রাত্তায় ভাবছিলেন। বলেছিলেন, ‘তবেই হয়েছে।’ এখন বোঝ।’

অবাক হয়ে বলেছিলাম, ‘কী হয়েছে?’

বুদ্ধ প্রায় ভেঙে উঠেছিলেন, ‘কী হয়েছে আবার কী হে! দেখ এখন, না নিইয়ে কানাইয়ের মা হয়ে বসলে কি না!’

সেটা আবার কী? না বুঝে বুদ্ধের মুখের দিকেই হাঁ করে তাকিয়েছিলাম। বুদ্ধ বোধহয় আমার মতো একটি আহাম্মক আগে আর দেখেন নি। বলেছিলেন, ‘দেখ আর আসে কি না। দিনকাল কিছুই তো বোঝ না। হয়তো অমনি করেই গছিয়ে গেল।’

বলেন কী বুদ্ধ! ছি ছি! আমি তাড়াতাড়ি কাকলীর মুখের দিকে তাকিয়েছিলাম। কিন্তু কাকলী সে সব কথাই কিছুই বুঝতে পারে নি। ও বাইরের দিকে তাকিয়ে, বালির ঝড়ের অস্পষ্ট আলো আর ছায়া ছায়া ভিড়ের ছবি দেখছিল। ওর বালির ঝাপটায় ভেজা চোখের অত্মমনস্কতায় একটি অসংযত্নতা হয়তো ছিল। হাত দুটি জড়ো করা ছিল বুদ্ধের কাছে। তাতে শুকে করুণ লাগছিল।

মনটা যে হঠাৎ কেন ব্যথায় ও উদ্বেগে চকিত হয়ে উঠেছিল, জানি নে। বুদ্ধকেই বলেছিলাম, ‘একটু দেখুন, আসছি এখুনি দেখে।’

সেকেও ক্লাসের কামরাগুলোতে আবার উঠে উঠে উঁকি ঘেরে দেখছিলাম। কোথায় কাকলীর মা? মহিলাদের সেকেও ক্লাসেও ছিল না। ভিড়ের চাপ দেখে কি থার্ড ক্লাসেই উঠে পড়লো? সে অবস্থায় তা অসম্ভব ছিল না। যেখানেই হোক, রাত্রে মতো একটু জায়গা পাওয়া নিয়ে কথা। সমস্ত গাড়িটাই প্রায় ঘুরে দেখেছিলাম। না পেয়ে একটা ভয়ঙ্কর উৎকর্ষা নিয়ে আমার কামরার কাছে ফিরে এসেছিলাম। এবং আসবার আগেই একটু দূর থেকে, বালি-ঝড়ের আবছায় লাল শাড়ি পরা মূর্তি দেখতে পেয়েছিলাম। কাকলী চীৎকার করে উঠেছিল, ‘ওই যে কাকু, কাকু।’

ঘাম দিয়ে ঘেন জর ছেড়েছিল। দেখেছিলাম, কাকলী ওর মায়ের কোলে। ওর মা আঁচল দিয়ে ঘোমটার মতো করে, নিজের আর মেয়ের মাথা ঢাকা দিয়েছিল। দাঁড়িয়েছিল দরজার কাছেই নিচে। বুদ্ধ গাড়ির ওপর দরজায়।

মনে মনে বিরক্ত হয়ে উঠলেও প্রকাশ করা অসম্ভব। কাকলীর মা তাড়াতাড়ি বলে উঠেছিল, ‘খুবই জুখিত, কিছু মনে করবেন না। আপনাকে নাহক হয়রান হতে হয়েছে। অবস্থা দেখে, আমি ফাস্ট ক্লাসে একটা ব্যবস্থা

করে নিতে পেরেছি। সে জন্মেই দেরি হল।’

আশ্চর্য, খেন ঠিক খুশি হতে পারি নি। নিতান্ত শুকনো গলাতেই বলেছিলাম, ‘ও! না না, হয়রান আর কিসের।’

‘তা বটে, একে কি হয়রান হওয়া বলে? মনিহারীঘাটের রমণীয় ভ্রমণ বলে একে! এখন উঠে এস।’

বুদ্ধ খেঁকিয়ে উঠেছিলেন প্রায়। তাতে কাকলীর মা বিব্রত হয়ে উঠেছিল। আমিও লজ্জিত হয়ে পড়েছিলাম। কিন্তু বুদ্ধের কথায় আমার কোনো দায় ছিল না। বরং ষেটুকু বা বিরক্ত হয়েছিলাম সেটুকু আর থাকে নি।

জানি নে, কাকলীর মা সে কথা বুঝতে পেরেছিল কি না। সে বিব্রত ভাব চেপে কাকলীকে বলেছিল, ‘খুকু কাকুকে বলে দাও, আমরা যাচ্ছি, আবার কাল সকালে শিলিগুড়িতে দেখা হবে।’

কাকলী বলেছিল, ‘কেন? কাকুর কাতে থাকবে না?’

ওর মা বলেছিল, ‘এখানে জায়গা নেই যে।’

কাকলী ওর বালি লাগা, জলে ভেজা, কাজল-ঘষা করণ চোখ তুলে আমার দিকে তাকিয়েছিল। আমি বলেছিলাম, ‘কাকলী, তোমার সঙ্গে আবার কাল সকালে দেখা হবে। এখন গিয়ে ঘুমিয়ে পড়।’

কাকলী ঠোঁট ফুলিয়ে চূপ করেছিল। কাকলীর মা হেসে ফেলেছিল। বলেছিল, ‘আশ্চর্য! মেয়ের দেখছি আপনার ওপর সত্যি টান পড়ে গেছে। আচ্ছা যাচ্ছি, আর দেরি করা যায় না।’

আমি তাড়াতাড়ি বলেছিলাম, ‘হ্যাঁ, নিশ্চয়ই। আমি এগিয়ে দিয়ে আসব আপনাকে?’

কাকলীর মা খেন প্রায় ভয়ে চীংকার করে উঠেছিল, ‘না না, আপনাকে আর আসতে হবে না।’

বলে চকিতে একবার দরজায় দাঁড়ানো বুদ্ধকে দেখে নিয়েছিল। আমার হাসি পেয়েছিল। কিন্তু কাকলী আমার দিকে তাকিয়েছিল। আমি হাত নেড়েছিলাম। কাকলীর মুখে তাতে হাসি ফোটে নি।

বুদ্ধ ডেকে বলেছিলেন, ‘নাও হে, উঠে এস। গাড়ি তো আর তোমাদের জন্ত দাঁড়িয়ে থাকবে না। একটু খাবার-দাবারের ব্যবস্থাও দেখতে হবে।’ কেন নিতে যাও ওসব বাক্সি-ঝামেলা। ষতসব পথের হয়ে।’

বুদ্ধের কথা আপত্তিকর বোধ হয়েছিল। কিন্তু প্রতিবাদ নিরর্থক জানতাম। বলেছিলাম, ‘একলা মহিলা—।’

কথা শেষ করতে পারি নি। বুদ্ধ যেন হকচকিয়ে উঠে বলেছিলেন,
'একলা? মহিলা? হুঃ!'

যেন রাগের চোটে আর কথাই বলতে পারেন নি। সরে গিয়েছিলেন।
পরে, অনেক রাত্রে, গাড়ি চলা-কালীন প্রচণ্ড গরমে, অসম্ভব ভিড়ে আধশোয়া
অবস্থায় বুদ্ধ খানিকটা ঘুম জড়ানো গলায় বলেছিলেন, 'তোমার ওই কাকলী না
মাকলী বেচারীরা এখানে থাকলে আর ঘুমোতে পেত না একটু, কী বল।'

'হ্যাঁ।'

'তবে এখানে থাকলে একটা ব্যবস্থা করে দিতামই, না কী বল হে?'

বুদ্ধের দিকে তাকিয়ে দেখেছিলাম। মনে মনে না হেসে পারি নি।
শেষের কথাটাই বোধহয় আসল কথা ছিল। ওদের চলে যাওয়ার দুঃখটাই
বুদ্ধকে ফুট করেছিল।

এখন এই দার্জিলিং হিমালয়ান রেলের, পাহাড়ের গা বেয়ে ওঠা বৃহৎ
কেন্দ্রের মতো গাড়িতেও আমরা আগের মতোই প্রায় পাশাপাশি বসে চলেছি
সবাই।

রং টং। আশ্চর্য নাম স্টেশনের, রং টং? এই পাহাড়ের মাহুঘের ভাষায়
হয়তো এই শব্দের কোনো মানে আছে। আমরা সমতলের লোকেরা তা
জানি নে। না জানলেও, নামের মধ্যে একটা ধ্বনি আছে, ঝংকার আছে।
যে ঝংকারের মধ্যে বাজছে এক অচেতনা স্বর। অচিন দেশের দূরত্ব আনন্দ
যেন বেজে উঠলো সেই স্বরে। নিজের ভাষায় বলতে হয়, রং তো বটেই।
যদি রেগে টং হয়ে আছে না বলে, রং-এ টং হয়ে আছে বলা যেত, তবে বোধহয়
ঠিক হত। এই রৌদ্রোজ্জ্বল হিমালয় যেন সমতল ও আকাশের সব রস পান
করে, প্রমত্ত হয়ে উঠেছে।

ভেবেছিলাম এক, দেখছি আর এক। যেদিকে তাকাই, বর্ণবহুল সবুজের
বন্য বইছে চারিদিকে। সমগ্র হিমালয় কি এমনি অরণ্যে ঢাকা! আর এত
ফুল! লাল নীল হলুদ শাদা, চারিদিকে ফুলের ছড়াছড়ি। 'না জানি' গাছের
নাম, না জানি ফুলের। তবু বাংলাদেশের সমতলের ছেলে। বনগাঁদা চিনতে
ভুল হয় না। বন জুঁই, কুরচি আর দেবকাঞ্চন চিনতে ভুল হয় না। আর
বড় বড় শাদা অজস্র ওই ফুলগুলো, কী ফুল? ধুতুরা? যদি তাই, তবে
সবুজ রঙের সেই গোল কাঁটা ফল দেখতে পাই নে কেন?

যতই উঠছি, ততই, পাহাড়ের গা বেয়ে চা বাগান উঠছে সঙ্গে সঙ্গে।

দূর পাহাড়ের ঢালু গা দেখলে, হঠাৎ মনে হয়, মোয়িং মেশিনে ছেঁটে দেওয়া সবুজ লন দেখছি। মোয়িং মেশিনে না হোক, চা বাগিচার কাড়েও ছাঁটাই যন্ত্র পড়ে। তাই দূর থেকে সমান আর মসৃণ মনে হয়। আসলে সবই চা বাগান। প্রতি পদে পদে ফার্নের ছড়াছড়ি। আর অরণ্যের ঘাস এবং ফুল ছাড়াও পাথরের এক আশ্চর্য গন্ধ। হিমালয়ের গন্ধ ফুসফুসে ঢুকছে, রোম কূপে কূপে, রক্তের শিরায় শিরায়। হিমালয়ের নেশা লাগছে। মাতাল হচ্ছি। কথা ভুলে যাচ্ছি। অমৃত্যুতির মধ্যে এক আনন্দদায়ক স্তব্ধতা নেমে আসছে। অথচ উঃধল হয়ে উঠছি। সে উঃধলতা বৃকের মধ্যে যেন এক পূর্ণ জলাধারে টলটল করছে। ছলছলিয়ে উঠছে।

সিঙ্গলীলার এক বাহু বেয়ে চলেছি। এক একটা লুপ বেয়ে, চক্রাকারে ঘুরছি আর উঠছি। কেন, এ গাড়ির কি বাফার বলে কিছু নেই? এ কি দ্বিতীয় সরীসৃপ, লুপ-এর চক্রে যেন গাড়ির ল্যাজা মাথা এক হয়ে যাচ্ছে। চক্রাকারে উঠছি, রিভার্স-এ উজান বেয়ে উঠছি। সিঙ্গলীলা পর্বতের বাহু ক্রমে ওপরে উঠছে। এই সিঙ্গলীলা নাকি কাঞ্চনজঙ্ঘার শিখরে গিয়ে মিশেছে। সীমানা ভাগ করে দিয়েছে নেপাল আর সিকিমের। সিকিম এবং দার্জিলিং-এর। আর সামনে, এই কি সেলিম পাহাড়? যার চূড়ায় এখন সকল দিগন্ত ঢাকা পড়ে গেছে।

বায়ের সেই দিগন্ত বিস্তৃত পাহাড়ের ফাঁকের জানালা কখন ঢাকা পড়ে গেছে। মহানদীকে আর দেখতে পাচ্ছি নে। ডাইনে, মাঝে মাঝে, বহুদূর নিচে একটি ঝাপসা আয়না যেন চিকচিকিয়ে উঠছে। তিস্তা চলেছে সমতলে।

কিন্তু তরাই কি শেষ হল না? অরণ্য যে এখনো নিবিড়, নিবিড়তর। শুক্ক মহীকুহ, ঋজু গম্ভীর। পার্বত্য পাইনের অরণ্য। প্রান্তর-গাত্র আছে, প্রান্তরণও দেখলাম, তবু, গম্ভীর অরণ্যই যেন স্তম্ভান গম্ভীর এনে দিয়েছে।

গাড়ির কামরার মধ্যে যাত্রীদের গুঞ্জন শুনতে পাচ্ছিলাম ঠিকই। সহসা সেই গুঞ্জন ভেদ করে, অরণ্য পর্বতের স্তব্ধতা ভেঙে, ট্রেনের ঝুকঝুক শব্দ ছাপিয়ে, সমবেত গলায় গান বেজে উঠলো,—

চলরে চলরে চল
উর্ধ্ব গগনে বাজে মাদল
নিম্নে উতলা ধরণীতল
অরণ্য প্রান্তের তরুণদল
চলরে চলরে চল।

আর তার সঙ্গেই ভ্যাম্প দিয়ে, একটা মাউথ অর্গান প্রায় গর্জে উঠলো যেন।

এই আরণ্যক পার্বত্য মৌনতায় হঠাৎ কাদের আকাশে মাদল বেজে উঠলো, ধরণী উত্তলা হল। টুকরো-টাকরা গানের কলি মাঝে মধ্যে একটু শুনতে পাচ্ছিলাম। সেটাও সমবেত ছেলে গলায়, কিন্তু চাপা সুরে। এখন যেন হঠাৎ প্রবল উচ্ছ্বাসে ফেটে পড়লো। এবং তার সঙ্গে জুতোর গোড়ালির তাল।

ফিরে তাকিয়ে দেখলাম, আর যা সন্দেহ করেছিলাম তাই। সেই তিন শ্রীমান। কলকাতা থেকেই যারা আমাদের সঙ্গী। বৃদ্ধের ভাষায় সেই ফচকে বা বাদর, যাই বলা যাক। যাদের সঙ্গে বৃদ্ধের অর্থাৎ পরমেশবাবুর (ওঁর পরমেশ ঘোষাল নামটা রাজ্বেই গাড়িতে জানতে পেরেছিলাম) দক্ষিণেশ্বর না পেরোতেই কথা কাটাকাটি লেগে গিয়েছিল। মালপত্র তোলা বা জায়গা দখলের চেয়েও, ওদের ছুটোছুটি ব্যস্ততা যেন বেশী ছিল। আসলে সেটা ছিল ওদের ঘর ছাড়ার আনন্দেরই অভিব্যক্তি। ওরা যে শুধু নিজেদের মালপত্র তুলেছিল আর জায়গা বেছে নিয়েছিল, সেটা সত্যের অপলাপ। পরের জন্তে ব্যস্ততাই যেন বেশী ছিল ওদের। এমনকি পরমেশবাবুকেও ওরা সাহায্য করেছিল। সব চেয়ে বেশী সাহায্য যাদের করেছিল, তারাও দার্জিলিংবাড়ী, এবং এ কামরাতেই রয়েছে। সে দলে প্রোট দম্পতি, তিনটি মেয়ে আর একটি বছর বারোর ছেলে। অল্পমান করেছি, একটি সম্পূর্ণ পরিবার। মেয়ে তিনটি বোধহয় পিঠোপিঠি তিন বোন, ছেলেটি তাদের ভাই, প্রোট দম্পতি বাবা মা। লক্ষ্য করেছিলাম, তিন শ্রীমানের সাহায্যের ঠেলায় হুগুগলটা লেগেছিল ভালো। তিন বোন প্রথমে সঙ্কুচিত, তারপরে আরক্ত, তারও পরে সমবেত গলায় খিলখিল হাসিটা চাপা থাকে নি।

কেন জানি নে, দেখে শুনে আমার ভিতরেও একটা খুশির হাসি উচ্ছ্বসিত হয়ে উঠেছিল। তিন শ্রীমানেরই বয়স বোধহয় বাইশ-চব্বিশের মধ্যে। স্ত্রীমান স্বাস্থ্য আর পোশাকে মধ্যবিত্ত বরের ছাপও পরিস্ফুটই ছিল। যদিও গায়ে জামা রাখা ওদের সম্ভব হয় নি। এমনকি তিনটি মেয়ে, যাদের জায়গার জন্তে ওরা ব্যস্ত হয়েছিল বেশী, তাদের সামনে সঙ্কোচেও, জামা রাখতে পারে নি গায়ে। বৈশাখের দাবদাহ ওদের লজ্জা কেড়ে নিয়েছিল। প্যান্ট-এর তলায় ঢোকানো স্কাণ্ডো গিজিটা কোনোরকমে রেখেছিল। আর ভগবান জানে, আর একটু বেশী বেপরোয়া হলে বোধহয় ওরা শুধু আগারওয়ার পরেই থাকতো। ততটা অবশ্য ওরা এগোয় নি।

তিন বোনের ছয় বেণীর মায়াবিনী কান্দে যে ওরা দর্শনমাত্রই ধরা পড়েছিল, তাদের আবির্ভাব যে ওদের তিনটি প্রাণে প্রায় অলৌকিক মুগ্ধ বিশ্বাসের সঞ্চার করেছিল, সন্দেহ নেই। কাজল কালো ছটি চোখও যে ওদের প্রায় সরাসরি বিদ্ধ করেছিল, তার সাক্ষী দিতে পারি আমি এক গলা গঙ্গাজলে দাঁড়িয়ে। একটা হৈ-চৈ চলুসল না করে ওদের উপায় ছিল না। কেউ জায়গা ছেড়ে উঠে পড়েছিল। কেউ মালপত্র সাজাতে সাহায্য করেছিল। প্রৌঢ় দম্পতি যে তাতে খুবই আপ্যায়িত এবং স্বস্তি বোধ করেছিলেন, তাতে সন্দেহ নেই। বরং শ্রীমানদের আতিশয্য দেখে, কামরার অনেকে মুখ টিপে হেসেছে। বিরক্ত হায়ছে বেশী সংখ্যক। বিজ্ঞপ হেনেছে কেউ কেউ।

• কিন্তু কাদের? হায়! ওরা কি নিজেরা তখনো জানতো, ওদের কী অবস্থা? সারা পৃথিবীতে তখন মাত্র কয়েকটি বস্তু ও জীবেরই অস্তিত্ব ছিল। সেকেণ্ড ক্লাসের একটি কামরা, তিনটি মেয়ে আর ওরা তিনজন। আর সব শূন্য। অপ্রয়োজনীয়। হাসবে তুমি? হাসো, ওরা চেয়েও দেখবে না। বিজ্ঞপ? তোমারই নাক ঠোঁট কুঁচকে কুঁচকে ব্যথা ধরে যাবে। ওরা ফিরেও চাইবে না। আর ব্যবহারে ভারসাম্য এবং শালীনতা? বস্তার উচ্ছ্বাস আবার কবে ভারসাম্য মেনেছে? ঝোড়ো হাওয়ার বেগে শালীনতা? তুমি খুঁটি ধরে কান্দো, তীরে বসে জ্রুটি কর। ঝড়-প্লাবন মানে না। ওদের প্রাণে তখন সেই প্লাবনের ঢল। ঝড়ের বেগ। প্রাণের মধ্যে ফুটেছে টগবগিয়ে, ছুটেছে রক্তের পক্ষীরাজ। তার চেয়েও বলি, সে যেন অপ্রতিরোধ্য বস্তু ফুল ফোটান মতো। তাকে তুমি নির্লজ্জ বলতে পার, সে তবু ফুটেবেই। তার শিরায় শিরায় আগুনের রস, রঙে আর বর্ণে, গন্ধে আর রূপে সে চমকে দেবেই। প্রকৃতির সেই যে ধর্ম!

সত্যি কথা বলতে কি, আমার মন ছিল ওদের সঙ্গে। দেহ ছিল ভিন্ন। সংসারের আর দশটা সং-এর সঙ্গে সং সেজে, ঠোঁটে ঠোঁট টিপে গম্ভীর মুখে বসে দেখছিলাম খেলাটা। তারপরে, সারাটা পথই দেখেছি। আর প্রাণের অন্তঃসলিলে খুশির ঝোরা বেজেছে কলকলিয়ে।

জানি, নীতিবাদীর জ্রুটি কুটিল জিজ্ঞাসা উত্তত হয়ে উঠেছে আমার ওপর, আমি নাচাচর। যাদের কাছে ওদের ব্যবহারটা বেলেলাপনা বলে মনে হয়েছিল, তাদের সঙ্গে আমার তফাত মূলে। ওদের আতিশয্য ছিল, ওরা অভব্য আচরণ করে নি। কামরার বয়োজ্যেষ্ঠদের প্রতি কোনো অশ্রদ্ধেয় আচরণ দেখি নি। এবং এমন কোনো কথা শুনি নি, যা থেকে ধরে নেওয়া

যেতে পারতো, সমাজের অন্ধকার থেকে ওরা উঠে আসছে। আমার মনে হয় নি, বিধবাসী পোকাগ ওদের যেতে আরম্ভ করেছে।

আমার মনে হয়েছিল কলেজ বা ইউনিভার্সিটির গন্ধ ওদের গা থেকে এখনো যায় নি। উদ্দামতাকে ওরা এখনও সংহত করতে শেখে নি। যে কারণে ওদের হৃদয় অমন বে-আবরু হয়ে পড়েছিল। পৃথিবীর অনেক মহারথী নীতি-বাগীশের হৃদয়ের কোণেই গুরুত্বপূর্ণ ইতিহাসের এক-আধটি ছেঁড়া পাতা লুকিয়ে আছে। হয়তো সেই ছেঁড়া পাতাগুলোতেই জীবনের কিছু সোনা-রূপোর কারুকার্য রয়েছে। যৌবনের কাছে বন্ধক রেখে, বার্ষিক্যে এখন শুধু বিক্রিয়ে আসার দীর্ঘশ্বাস। যে-দীর্ঘশ্বাস এখন মাত্র ক্ষোভের জন্ম দেয়। বয়স্করা চিরকালই নিজেকে সেই দিনগুলো ভুলে যান। আর হতাশ ছোকরারা চিরকালই মাংসখণ্ডে ঠোঁট বাকিয়ে থাকে। এর জন্তে কিছু করার নেই।

জানি, ওরা সবকিছু লুকিয়ে চেপে, গম্ভীর মুখে চালাকির সঙ্গে, নিজেকে মধ্যে চোখে চোখে ইশারায় কথা বলে, মেয়েদের সঙ্গে ঘনিষ্ঠ হবার চেষ্টা করতো, (সেটাই ভদ্রলোকের রীতি !) তা হলে কারুর চোখেও পড়তো না। নৈতিক বাতাসটাও বেশ পবিত্র থাকতো। মানতেই হবে, ওরা একটু কম সোয়ানা। আটঘাট বেঁধে বেশ জুতসই করে, দাবা বোড়ের নিঃশব্দ চাল ওরা চালাতে শেখে নি।

আসলে ঠাঁরা বিরক্ত বা ফুক হচ্ছিলেন, তাঁরা দেখছিলেন, তাঁদের ঘরের ছেলেদেরই চেহারা। মনের গভীরে যেখানটা আবির্ভূত হয়ে উঠছিল, সেখানকার তত্ত্বটা বোধহয় তাই। তিন শ্রীমানকে দেখলে, সব মধ্যবিত্তেরই বাড়ির ছেলেদের কথা মনে পড়ে যাবার কথা।

সর্বোপরি, তিন শ্রীমতীর চোখ মুখের অবস্থাটাও বিচার্য। ওদের সলজ্জ হাসির উজ্জ্বল, চোখের তারায় অলুচ্ছারিত যে-ভাষা, সেটাও লক্ষ্য করবার ছিল। এক্ষেত্রেও, তিন শ্রীমতীই বোধহয় সিংদরজা। সে সিংদরজার পাশাও যে, কখনো চোঁকচোঁক গাভীর বা ভ্রূট চোখের কোণের অপ্রতিরোধ্য চোরা হাসিতে একটু মুক্ত হয়েছিল, তাতে সন্দেহ কি।

কিন্তু পরমেশবাবু দক্ষিণেশ্বর না পেরোতেই খাঁক খাঁক করে উঠেছিলেন, ‘ওহে ছোকরারা, বলি এত হাউচাউ দাপাদাপি করার কী আছে, আঁ ? এত হাউচাউ দাপাদাপি কিসের ?’

তিন শ্রীমানই একটু খতিয়ে গিয়েছিল। তিনজনেই মুখ চাওয়া-চাওয়ি করেছিল। শ্রীমতীদের অবস্থাও প্রায় সেরকমই। ওরা সঙ্গে সঙ্গে গম্ভীর

হয়ে, অন্ধ দিকে মুখ ফিরিয়ে চুপ করে বসেছিল। যেন ওরা কিছুই জানে না।
এহ বাহ, এ তো জীবজগতের নিয়ম, সেখানে হয়তো পুরুষ প্রতিদ্বন্দীরা লড়ে,
আর মেয়েরা মুহূর্তে নির্দলীয় নৈর্ব্যক্তিক হয়ে ওঠে। লক্ষ্য থাকে জয় পরাজয়ের
দিকে। এখানেও ব্যাপারটা পুরুষদের মধ্যেই ঘটছিল। লক্ষ্যীয় ছিল,
প্রোচ দম্পতি সে সব কিছুই তাকিয়ে দেখছিলেন না। তাঁরা মালপত্র কিছু
ফেলে আসা হয়েছে কি না, খুচরো পয়সার হিসেব, ইত্যাদি নানান বিষয়ে
তখনো ব্যস্ত। তাঁদের লক্ষ্য রাখবার মতো ঘটনাও কিছু ঘটে নি।

এক শ্রীমান যেন অবাক হয়ে বলেছিল, ‘আমাদের বলছেন?’

‘হ্যাঁ হ্যাঁ, তোমাদেরই বলছি।’

‘কী বলছেন? আপনার কোনো অসুবিধে করেছি নাকি?’

পরমেশবাবু আরো এক ডিগ্রি উঠেছিলেন, ‘আলবাত করেছ। এই গরমে
আর এত দাপাদাপি সহ্য হচ্ছে না।’

আর এক শ্রীমান বলেছিল, ‘দাপাদাপি করব কেন? আমরা তো কাজ
করছি স্মার।’

পরমেশবাবুর মেজাজ মোড় নিয়েছিল আরো অন্ধ দিকে। বলেছিলেন,
‘যথেষ্ট কাজ হয়েছে। আবার স্মার বলা হচ্ছে। স্মার!’

শ্রীমান তিনজনেই চুপ হয়ে গিয়ে নিজেদের মধ্যে আবার মুখ চাওয়া-চাওয়ি
করেছিল। এবং কয়েক মুহূর্ত পরেই তিনজনের অট্টহাসি ফেটে পড়েছিল
কামরার মধ্যে। পরমেশবাবু ঘাড় তুলে ভ্রু কুঁচকে তাকিয়েছিলেন। হয়তো
ওদের হাসির পরেই ঘটনার শেষ রেশ টানা হয়ে যেত। কিন্তু বৃদ্ধ এত
সহজে ছাড়বার পাত্র নন। হাসি শুনে পরমেশবাবুর মেজাজটি প্রায় ফালি
বেগুনের মতো গরম তেলে পড়েছিল। খেঁকিয়ে উঠেছিলেন, ‘মানে? এ
হাসির মানে কী?’

ওদের যে হাসতেও মানা, অতোটা আমি ভাবি নি। এক শ্রীমান জবাব
দিয়েছিল, ‘আপনাকে “স্মার” বলায় চটে গেলেন, তাই।’

‘তাই হাসি হচ্ছে?’

‘না, তা হলে কী বলব, তাই ভাবছি।’

পরমেশবাবু নড়বড়ে দাঁত দেখিয়ে, চোখ পাকিয়ে, তর্জনী তুলে বলেছিলেন,
‘মশায়, মশায় বলতে হবে।’

এক শ্রীমান ঘাড় নেড়ে বলেছিল, ‘ও!’

আর-এক শ্রীমান অন্ধদিকে মুখ ফিরিয়ে বলে উঠেছিল, ‘জ্যাঠামশায়।’

সর্বনাশ ! কথাটা বুকের কানে গিয়েছিল । তৎক্ষণাৎ বলে উঠেছিলেন, ‘কী বললে ? কী ?’

ওরা তখন নিজেদের জায়গা ঠিক করে নিয়ে বসতে ব্যস্ত হয়ে পড়েছিল । পরমেশবাবুকে বাধ্য হয়ে আর একজনকে উদ্দেশ্য করে বলতে হয়েছিল, ‘দেখেছেন ! শুনেছেন কথা ?’

বলেই আমার দিকে ফিরেছিলেন, ‘অ্যা, শুনেছে হে ?’

আমাকে উনি প্রায় প্রথম থেকেই তুমি দিয়ে শুরু করেছিলেন ।

শুনেও যে কী বলতে হবে, বুঝতে পারছিলাম না । কোর্টে সাক্ষী দিতে যেতে হত না নিশ্চয় । কোনো রকমে একবার উচ্চারণ করেছিলাম, ‘ছেড়ে দিন ও সব ।’

‘ছেড়ে দেব ?’ যেন তেড়ে ধরবার জন্তেই নড়বড়ে দাঁতে একটা জিভের ঝটকা মেরেছিলেন । বলেছিলেন, ‘বাঙালী জাতটার অবস্থা একবার ভাব কোথায় এসে আমরা দাঁড়িয়েছি ।’ ..

তার পরেই বাঙালী জাতির ভূতগ্রাস্ত অবস্থা পিণ্ডিদান, বলতে গেলে, সেই ভাবেই পরমেশবাবু বলে চলে ছিলেন । ওঁর কথায় কান না থাকলেও শোনবার ভাবটা বজায় রাখতেই হচ্ছিল ।

ওদিকে তখন প্রৌঢ় দম্পতির যেন একটু সংবিং ফিরেছিল । সংবিং ফিরেছিল কামরার মধ্যে একটা ঝগড়া-বিবাদ কিছু ঘটেছে । প্রৌঢ় পিতা ফুলো ফুলো গাল আর গোল গোল চোখ নিয়ে তাকিয়েছিলেন পরমেশবাবুর দিকে । আর দেখছিলেন মেয়েরা ঠিক আছে কিনা কিন্তু সেখানে বলার কিছু ছিল না । শাস্ত তিনটি মেয়ে, মায়ের দিকেই মুখ ফিরিয়ে চূপ করে বসেছিল । কামরায় যে কী ঘটছিল, ওরা যেন জানেই না । ওদের মুখোমুখি উন্টোদিকে তিনটি ছেলে যে ওদেরই মুখ চেয়ে বসেছিল, সে বিষয়ে ওরা সম্পূর্ণ উদাসীন । অতএব বাবা-মা নিশ্চিন্ত ।

ছেলে কটি যে বোকা নয়, প্রমাণ হয়েছিল । এক ‘জ্যাঠামশায়’ উচ্চারণেই হাওয়া অনেকক্ষণ গরম ছিল । তারপরে পরমেশবাবু আকারে ইঙ্গিতে ওদের তিনজনের উদ্দেশ্য অনেক চোখা চোখা বাণ নিক্ষেপ করেছিলেন । ওরা নিবিকার । শুধু নিবিকার হলেও একটা কথা ছিল । একবার রবীন্দ্র সংগীতের হু কলি গুনগুন করেছিল । তারপরেই আর-একজন কোনো বিদেশী সংগীতের স্বর ধরেছিল । সেটা ফ্রাঙ্ক সিনাত্রা কি প্যাটবুন, আমার জানা ছিল না ।

পরমেশবাবু এক সময়ে, অভিযোগের অগ্নিদিকে, অর্থাৎ সেকেণ্ড ক্লাসের

ফ্যান-এর প্রসঙ্গে পৌছেছিলেন। তারপর সন্ধ্যার গলি ঘাটে শ্রীমানেরা কিংবা তিন শ্রীমতীদের পরিবার কে কোথায় বিচ্ছিন্ন হয়ে গিয়েছিল, জানিনে। ওদের বালির বড় কেমন লেগেছিল, কিভাবে কেটেছিল দেখি নি। তবে এ বিষয়ে নিশ্চিত, যেখানেই হোক সবাই এক সঙ্গেই ছিল। নিশ্চিত হয়েছিলাম, কারণ শিল্পিগুড়িতে তাদের সবাইকে প্রায় এক সঙ্গেই দার্জিলিং-এর এই ছোট গাড়িতে উঠতে দেখেছিলাম।

পরমেশবাবুর ও ঠিক লক্ষ্য পড়েছিল। বলেছিলেন, 'সেই বিছু কটি, না?' না হেসে পারি নি।

তার পরেই তো হিমালয়ের বৃক, দ্বৈত-কণ্ঠের সংগীত আর মাউথ অর্গান-নাদ।

পরমেশবাবুর মতে নিশ্চয় বিছুর চীৎকার! বিছুরাও বোধহয় এমন চীৎকার করতে পারে না।

এই একটু আগেই পরমেশবাবু বলছিলেন, 'কই হে, পাহাড়ের অনেক ওপরে তো উঠলাম, এখনো গরম লাগছে কেন? শুনেছিলাম যে, উঠলেই শীত করতে আরম্ভ করে।'।

এ বিষয়ে তাঁর মতো আমিও অনভিজ্ঞ। আবার বলেছিলেন, 'সব ভাল, কিন্তু বড় কয়লা আসছে। ছু দণ্ডে বাইরের দিকে তাকিয়ে দেখব, তার উপায় নেই।'।

মোটের ওপর, পরমেশবাবুর কিছুতেই শান্তি ছিল না। তার ওপরে এই বজ্র কণ্ঠ ও মাউথ অর্গানে, চল্লের চল্লের চল্ল।—

গোটা কামরাটার সবাই ওদের দিকে ফিরে তাকালো। ওদের অবিচ্ছিন্ন কামরার ভিতর দিকে নজর নেই। প্রায় জানালার বাইরেই ওদের মুখ। কিন্তু সকলেই যে বিরক্ত, এমন কথা বলতে পারব না। কেউ কেউ বেশ উপভোগই করছে। দেখলাম, সেই তিন শ্রীমতীর মুখও জানালার বাইরে। এবং বাইরে ওদের চোখের তারায়, ঠোঁটের কোণে কী কাকমিতির খেলা, তার নাকী একমাত্র হিমালয় পর্বত।

কিন্তু আশ্চর্য, হিমালয়ের ক্রমশ আবরণমুক্ত যে রূপ দেখে আমি এক মৌন আবেশে ডুবে যাচ্ছিলাম, সহসা শব্দের চকিত চমকে তবু বিরক্ত হতে পারলাম না। নিজের ভিতরটাকেই বা কতটুকু তিনি! কে জানতো, আমার মৌন স্তব্ধতার অন্তর্ভুক্তিতে, প্রকৃতির এই বিচিত্র রূপ দর্শনের খুশি চঞ্চলতায়, এমনি এক উদ্দাম তাল মান লয়, সুর ও ছন্দের ঝংকার আবেশিত হচ্ছিল। এর কোনো

ব্যাখ্যা আমি জানিনে। শুধু অহু ভব করলাম, ওদের স্বরের দোলা, বেগের ছন্দ, আমার প্রাণে ঢুকেছে চুইয়ে। আমার মৌন আনন্দ মুখর হয়ে উঠলো। আমার মনে হল, চারপাশের ছোট ছোট উপত্যকায়, গিরি সঙ্কটের অরণ্যানীতে ওদের গানের স্বর আর তাল ছন্দিত হয়ে উঠলো। এই খেলাধুরে ছোট গাড়িটাও যেন দুলতে লাগলো তালে তালে। ছুটে লাগলো, উঠতে লাগলো ওদের স্বরের বেগে। স্বয়ং হিমালয় যেন প্রসন্ন হয়ে উঠলেন। রৌদ্র আর মেঘের আলো ছায়ার বিচিত্র খেলা তার দিগ্‌দিগন্তে।

লক্ষ্য করি নি, কখন থেকে পাহাড়ের মানুষের আবির্ভাব ঘটেছে পথে পথে। মাঝে মাঝে পথের ধারে ওরা দাঁড়িয়ে পড়ছে। তাদের নাক দেখতে পাই নে, চোখ দেখতে পাই নে। কিন্তু একটি বিশ্মিত হাসি তাদের হলুদ রক্তাভ মুখের ভাঁজে ভাঁজে ছড়ানো। কালো বেণী দোলানো, রবারের পুতুলের মতো টুকটুকে লাল গাল, নাক বোঁচা, কালো চোখ, রক্তিম ঠোঁট মেয়েদের মুখে হাসি, চোখে কোতুল। ওরা সবাই নিশ্চয় কাজে চলেছে। অনেকেই হয়তো চারপাশের উপত্যকায় ছড়ানো চা বাগানে শ্রমিকের কাজ করে। পুরুষদের অনেকের কাঁধে কোদাল কুড়ুল। কেউ হয়তো রেলের, কেউ পি. ডব্লিউ. ডি-এর কর্মী।

দেখলাম তারা কেউ কেউ হাত তুলে, গানের তালে-তালে ছলিয়ে দিচ্ছে। মেয়েরা দল বেঁধে মুখ চাওয়াচাওয়ি করে হাসছে। ছোটদের তো কথাই নেই। কেবল লাইনের ধারেই, পাহাড়ের খাজে বসে অবাক হয়ে তারা সম-তলের মানুষদের দেখছে। জীবন্ত মানুষের বাচ্চা বলে তাদের ভুল হয়। যেন শহরের শো-কেসে সাজানো দেড় ফুট ছ-ফুটের রং করা পুতুল। ফুলো ফুলো লাল গাল। কালো কালো গোল দুটি চোখ। পোকা খাওয়া দাঁতে, বলকে বলকে হাসি। হাতছানি দিয়ে ডাক দিচ্ছে কেউ। কেউ নিঃশব্দ নিশ্চল গম্ভীর, ভাবলেশহীন মুখ। যেন এখনো চলমান যানের এই সংগীতের ও বাজনার খেই ধরতে পারে নি।

এদিকে শুধু রেল নয়। রেল লাইনের সঙ্গে সঙ্গে, কখনো নিচে, কখনো ওপরে যুগপৎ চলেছে রাস্তা। সেখানে মোটর গাড়ির যাত্রীরা হাতছানি দিচ্ছে রেলের যাত্রীদের। আমার মনে হল, হিমালয়ের অভ্যন্তরে এক চলমান উৎসব অহুষ্ঠান চলেছে। আমার ভিতরেও নিঃশব্দ স্বর ঝংকৃত হয়ে উঠেছে :

উধার দুয়ারে হানি আঘাত

আমরা আনিব রাত্তি প্রভাত ..

কিন্তু হঠাৎ মনে হল, আমার দেহের কোনো একটা অংশে যেন তীক্ষ্ণ তীর বিঁধে রয়েছে। অসুস্থতিটা আমাকে এমন আড়ষ্ট করে দিল যে, আমি আশ্তে আশ্তে মুখ ফিরিয়ে তাকালাম। এবং যা ভেবেছিলাম, তাই! পরমেশবাবুর বিরক্ত ক্রুদ্ধ সপ্রশ্ন চোখ আমার দিকেই। হাসতে সাহস তো পেলামই না বরং মুখের প্রশ্ন ভাবটুকুও গাভীরে ঢেকে ফেললাম।

পরমেশবাবু বললেন, ‘এ সবার মানে কি বলতে পারো?’

পারি, তাতে পরমেশবাবু ক্ষুণ্ণ হবেন। এবং একজন বুদ্ধ লোককে শুধু মাত্র একটি কথা বলে ক্ষুণ্ণ করতে আমার মন চায় না। জানি, খুব লজ্জা এবং সহুত্তরই দেওয়া যায় ওঁকে। কথাটাও সত্যি বলা হবে। কিন্তু এই বুদ্ধ পরমেশবাবুকে আজ নতুন করে কিছু বোঝানো যায় না। ওঁর বিশ্বাসে এবং বৈশিষ্ট্যের মধ্যে কোনো পরিবর্তন ঘটানো সম্ভব নয়। অতএব কী লাভ ওঁকে দুঃখিত করে যদি ওঁর কথায় সায় দিলে, কথা একটু শুনলে খুশি হন, কেন করব না।

মুখে প্রায় বিরক্তি ফুটিয়েই, আমি শ্রীমানদের দিকে একবার ফিরে তাকালাম।

পরমেশবাবু জানালার ওপরে টাটি মেরে বললেন, ‘কি অবিকার আছে তোমার অন্তঃস্থ যাত্রীদের শাস্তিভঙ্গ করবার? আমাকে বুঝিয়ে দাও।’

এই ‘তোমার’ মানে আমি নয়। প্রতিপক্ষের উদ্দেশ্যে আমাকে খাড়া করে, বলা মাত্র। ওদিকে মাউথ অর্গানের কর্ড, থোলা গলার উদাত্ত গান পাহাড়ে পাহাড়ে প্রতিধ্বনিত হচ্ছে। আমি ক্ষীণ গলায় বললাম, ‘সে তো বটেই।’

পরমেশবাবু ঘাড় নেড়ে বললেন, ‘না না, সে তো বটের কথা নয়। এটা তো তোমার বাড়ির উঠান নয়, ছাদ নয়, এমন কি খেলার পার্কও নয়। তবে? তবে এসবের অর্থ কী? তার মানে তুমি আইন শৃঙ্খলা কিছুই মানতে চাও না, অ্যা! গায়ের জোরে তুমি সব চালিয়ে যাবে, না! কী করে তুমি জানছ, এখানে কারুর মাথা ধরে নি? কী করে জানছ, কারুর শরীর খারাপ হয় নি? হয়তো ওরা মুখ ফুটে কিছু বলতে পারছে না। কিন্তু তুমি যে অতবড় ষণ্ডার মতো চেহারাটা নিয়ে এই ভ্যাকোর ভ্যাকোর বাজনা বাজিয়ে গাধার মতো চটচিয়ে চলেছ, তোমার তো একটু খেয়াল করা দরকার, না কী হে?’

আমি প্রায় অসহায়ের মতো ভ্রূকুঁচকে গাড়ির চারদিকে একবার তাকিয়ে নিলাম। যেন সত্যি অনেক অসুস্থ লোক আছে। যদিচ, আমার সম্মেহ হল, জু-চারজনকে বাদ দিলে, কামরার সকলের হাতে পায়ের প্রায় একটা তালের

দোলা লেগে গেছে। তবু বললাম, ‘সত্যিই তো।’

পরমেশবারু সঙ্গে সঙ্গে বলে উঠলেন, ‘অথচ তুমি বলতে যাও, অমনি তোমাকে জ্যাঠামশাই বলবে। হয়তো শেয়াল ডেকেই উঠবে!’

সত্যি, কতখানি ভেবেছেন। হয়তো মোটামুটি ঠুর দিক থেকে ঠিকই ভেবেছেন। যদিও বাধা দিলে শ্রীমানেরা সত্যি শেয়াল ডেকে উঠবে কি না, আমিও জানি নে। তবু পরমেশবারুর এ অসহায় ক্রোধে দুঃখিত হলেও, একটা হাসির বেগ আমার ভিতরে টলটল করে উঠলো। এমন সাহস হল না যে বলি, ‘ধাক গে, ছেড়ে দিন। রাস্তা-ঘাটের ব্যাপার।’ পরিবর্তে মুখখানি আরো গম্ভীর করে তুললাম।

পরমেশবারু হঠাৎ শ্রীমানদের দিকে ঘুরে বসলেন। আবার বেশ বৃহতে পারলাম, অঘটন একটা ঘটলো বলে! ওদিকে না তাকিয়ে আমি প্রায় শব্দ হয়ে বসে রইলাম। বোমা ফাটবার অপেক্ষায়।

ওদিকে আমার পাশে কাকলী। ওর একটি হাত আমার কোলে। শিশুটিরও তাল লেগেছিল, এবং আমার কোলের ওপরে একেবারে নিভুল তালে হাত দিয়ে বাজাচ্ছিল।

কাকলীর পরেই ওর মা বসেছিল। ওর মায়ের পাশে, পুরোপুরি সাহেবী পোশাকে একটি ভদ্রলোকও বসেছিলেন। ধূন্দর রঙের মেলানো স্যুট, লাল টাই, সাদা শার্ট, স্মার্ট ভদ্রলোকের বয়স নিম্ন চল্লিশ বোধহয়। শিলিগুড়িতে দেখেছিলাম, কাকলীর হাত ধরেছিলেন ভদ্রলোক। কাকলীর মায়ের হাত ধরে গাড়িতে তুলে দিয়েছিলেন। মালপত্র আর কুলির খবরদারিও করেছিলেন। বেশ-বাস দেখে বোঝা যাচ্ছিল, সত্ত্ব সেজে-গুজে বেরিয়েছেন। একবার বলতেও শুনেছিলাম, ‘আমি প্রায় আধঘণ্টা আগে স্টেশনে এসেছি। তোমাদের গাড়ি আজ মোর ছান রাইট টাইম, কারণ, মাত্র কুড়ি মিনিট লেট করেছে।’

বলে ঠোঁট উল্টে হেসেছিলেন। ওর কথা থেকে বোঝা গিয়েছিল, সচরাচর এই একসুপ্রেস ট্রেন আরও বেশী লেট করে।

এখনো জানি নে, ভদ্রলোকটি কে। কাকলীকে ডাকতে শুনি নি। এবং গৌফ নেই। ইতিপূর্বেই জানা ছিল, কাকলীর ‘বাবাল’ গৌফ আছে। এ ভদ্রলোকের মুখ নিরঙ্কুশ কামানো, এবং সত্ত্ব কামানো। অতএব, ধরেই নিয়েছি, ইনি কাকলীর বাবা নন। কাকা মামা হতে পারেন। কিন্তু জিজ্ঞেস করার কোনো প্রশ্ন বা প্রসঙ্গই থাকতে পারে না। অথচ কৌতূহল যে চাপা ছিল মনে মনে তা নিশ্চিত। কাকলীর মায়ের সঙ্গে ভদ্রলোকের বসার মধ্যে

একটি বনিষ্ঠতা ফুটে উঠেছিল। এখনো পরস্পরের স্পর্শের মধ্যেই, বনিষ্ঠ হয়ে বসে আছে দু'জনে। প্রায় গায়ে গায়ে। এ নৈকট্যকে নিবিড় বলা যাবে কি না জানিনে, অনিবিড় বলা যাবে না।

কিন্তু কেন বা কোতুল। ওই দূরান্তের পাহাড়ের গায়ে দেশান্তরগামী মেঘের মতো, আমাদের এই গাড়ির যাত্রা শেষেই, পরস্পরের কাছ থেকে আবার দূরে চলে যাব। কেউ কাউকে মনে রাখব না। হয়তো কয়েকটি মুহূর্ত, এই কোল বেঁধে শিশুটিকে মনে পড়বে। আবার নতুনেরা এসে আবার মন দখল করবে।

নদীর তীরের মতো মন। সেখানে নিরন্তর স্মৃতি বিস্মৃতির তরঙ্গের খেলা। আসে ও যায়। পলিমাটির স্তরে স্তরে কিছু চাপা পড়ে থাকে। জোয়ারের স্রোতে ধুয়ে যায় কিছু।

কিন্তু অবাক হয়েছিলাম, পরমেশবাবুর নজর দেখে। তিনি ঠিক লক্ষ্য করেছিলেন ভদ্রলোককে। কাকলীর মাকে হাত ধরে তুলে দেবার সময় ভ্রূঁচকে তাকিয়ে, গলার স্বর নামিয়ে বলেছিলেন, 'ইটি আবার কোথা থেকে উদয় হল হে?'

বলেছিলাম, 'জানি নে।'

পরমেশবাবু চোখ ঘুরিয়ে হেসে, প্রায় রহস্যোদ্ভারের রহস্য করে বলেছিলেন, 'হঁ, বুঝছি। তার মানে, গিন্নিটি কলকাতায় থাকেন, কর্তাটি এদিকেই কোথাও, বুঝলে না? তাই তো বলি, নইলে একলা সোমন্ত মেয়েমানুষ একটা বাচ্চার হাত ধরে, পথে বেরিয়েছে কোন্ সাহসে।'

বলেই কিন্তু মুখ গম্ভীর করে বলেছিলে, 'তাহলেও বলব, এ পর্যন্ত কাকুর সঙ্গে আসা উচিত ছিল, কী বল হে? মনিহারী ঘাটে কী অবস্থাটা হয়েছিল, দেখেছ তো?'

তা দেখেছিলাম। এবং এখন দেখছি, কামরায় এই গানের দিকেও কাকলীর মা এবং ভদ্রলোকটির তেমন নজর নেই। দু'জনেই নিম্নস্বরে কথা বলে চলেছে, মাঝে মাঝে নীরব হয়ে বাইরের দিকে তাকিয়ে থাকছে। কাকলীর সম্পর্কে দু'জনেই বোধহয় নিশ্চিন্ত। সেটা আমার জিম্মার ভারসাতেই।

যাই হোক। এদিকে গা শক্ত করে, দাঁতে দাঁত চেপে বসে আছি মুখ ফিরিয়ে। শ্রীমানদের গান, পরমেশবাবুর প্রতিক্রিয়া, এই দু'য়ের সংঘর্ষ-জনিত অগ্নুৎপাতের অপেক্ষা। কিন্তু পরমেশবাবুর কোনো সাড়া শব্দ নেই কেন?

রাগের চোটে একেবারে কথা বন্ধ হয়ে গেল নাকি ? আশ্বে আশ্বে, সভয়ে মুখ ফিরিয়ে তাকালাম। আশ্চর্য ! পরমেশবাবু সেই একভাবেই প্রায়, কুঁচকে তাকিয়ে আছেন। কিন্তু নির্বাক। ঠোঁট দুটি যদিও আবদ্ধ, ভিতরে জিহ্বা যে দাঁতের ওপর আঘাত করে চলেছে তাতে নিঃসন্দেহ। কারণ গোটা মুখটাই প্রায় নড়ছিল। কিন্তু লক্ষ্যীয় এই যে, পরমেশবাবুর চোখে আমি একটা অহুসঙ্কিত্ত্ব দেখতে পেলাম।

জিজ্ঞাস্ত হচ্ছি, কিসের অহুসঙ্কিত্ত্ব ? ছুঁবিনীতদের প্রতি আক্রমণের গতিবিধি লক্ষ্য করছিলেন কী ? অর্থাৎ কীভাবে সহসা হংকার দিয়ে উঠবেন ? হঠাৎ আমার দিকে ফিরে তাকালেন পরমেশবাবু। বললেন, ‘গানটা তো ভালোই মনে হচ্ছে, না কী বল হে ?’

প্রায় ভাবাচাকা খেয়ে গেলাম। ঠিক শুনেছি তো ? কথাগুলো ঠিক পরমেশবাবুর কণ্ঠ-নিঃসৃত তো ? আমি তাড়াতাড়ি বলে উঠলাম, ‘আজ্ঞে হ্যাঁ, গানটা খুব ভালো।’

পরমেশবাবু আমার কথা শুনলেন বলে মনে হল না। আপন মনেই বলে চললেন, ‘কী বলছে ?... চলরে চলরে চল, উর্ধ্বগগনে বাজে মাদল, নিম্নে উত্তলা ধরণীতল... হুঁ, মাটিং সং-এর মতো, না ? আমি ভাবলাম, ওই কটিকে দেখে, মানে ওই যে হে মেয়ে কটি, হাঁসের মতো জানালা দিয়ে মুখ বার করে রয়েছে, তাদের দেখে বুঝি কিছু গাইছে। আজকালকার হালচাল বোঝা দায়। ওরা তো গাইছে অল্প গান, তোরা অমন জানালা দিয়ে মুখ বার করে, চুল উড়িয়ে, আঁচল উড়িয়ে কী করছিস, অ্যা ? আমি তো দেখছি এখন ছেলেগুলোর কোনো দোষ নেই, না কী বল হে ? গানটা বেশ জমাটি তালের। আমি ভাবলাম কী, আজকাল সব ওই হয়েছে না, যা তা কথার সব গান, সে রকম কিছু গাইছে বুঝি।’

আমি আবার তাড়াতাড়ি বললাম, ‘আজ্ঞে না, গানটা সত্যি মাটিং সং। মানে নতুন দেশ দেখছে, আনন্দে—’

পরমেশবাবু বললেন, ‘সে তো খুব ভালো কথা। কী বলছে, “আমরা টুটাবো তিমির রাত, বাধার বিদ্যাচল।” গানটি কার ? ওই কী বলে, এখন ধীর গান খুব গাওয়া হয়, ওই তোমার গিয়ে, আমাদের রবি ঠাকুরের ?’

বললাম, ‘আজ্ঞে না। এটা কাজী নজরুল ইসলামের।’

পরমেশবাবু ঘাড় হুলিয়ে হুলিয়ে বললেন, ‘অ ! শুনিচি বটে, ওই সেই এখন ধীর মাথাটি খারাপ হয়ে গেছে, না ? শুনিচি, উনি হি’হর মেয়ে বিয়ে করেছেন ?’

‘হ্যাঁ।’

মনে মনে একটু যে সন্তুষ্ট না হলো, এমন নয়। কী জানি, এক্ষেত্রেও পরমেশবাবু আবার বাংলাদেশের হিন্দু সমাজের দুর্ভাবস্থা ও অধঃপতনের কথা টেনে আনবেন কি না! ঠোঁট ছুঁচলো করে, ঘাড় নেড়ে একটু ভালেন। বললেন, ‘তা কবিদের কথা অবিশ্বাস্য আলাদা। ছেলেমেয়েরা যদি মেমসাহেবই বিয়ে করতে পারে, তবে আর দেশের মুসলমানরা কী ক্ষতি করেছে, না কী বলছে। তবে বাপু যাই বলো, আমাদের হাড়ে এখনো নাড়া খায়। তা সে মাক গে, পাগল হল কেন? কবিতা লিখে লিখে?’

বললাম, ‘না, শুনেছি এক ধরনের মানসিক অস্থিতি ওরকম হয়ে গেছেন।’

‘অ। তা গানটি বেশ ভালোই বলতে হবে। বেশ একটা...।’

কথা শেষ না করে, পরমেশবাবু মুখ ফিরিয়ে বাইরের দিকে তাকালেন। দিগন্তজোড়া পাহাড়, দূরান্তের নীল আকাশের সঙ্গে মেশামিশি করছে। কখন ছাড়িয়ে গেছি চূনাভাটা, তিনধরিয়া, গয়াবাড়ি। প্রকৃতির চেহারা বদলাতে শুরু করেছে কখন থেকে। মাঝে মাঝে নাম না জানা গাছের গায়ে অর্কিডের জড়িয়ে ধরা লতা ও ফুল। কোথাও পাইন নিবিড়। কোথাও বিচিত্রবর্ণ পাথর শুধু।

সেই পাথরের গায়ে কী বিচিত্র ঘাসের স্তর, ছোট ছোট অজস্র ফুলের চিকচিকে হাসি। বর্ণাঢ্য এই সব ফুলের কী নাম কে জানে! না-ই বা জানলাম। ‘হু’ চোখ ভরে দেখছি, আর পুরনো বিশ্বাস ভেঙে চুরমার হয়ে যাচ্ছে। কারণ, দেখছি পাথরে ফুল গজায়। দেখছি, লাল গোলাপের ঝাড় হলছে, কাঁপছে বাতাসে পাথরের বুকে। পাথরের ফুল।

পরমেশবাবু বললেন, ‘বেশ, না? মানুষ কোথায় না যাচ্ছে। পাহাড়ের ওপর রেল উঠিয়ে ছেড়েছে, ভাবো একবার, আঁ?’

বলছেন, আর মনে হচ্ছে, (হায়, কী অবিশ্বাস্য!) পরমেশবাবুর তর্জনীটি তাঁর নিজের হাঁটুর ওপরেই গানের তালে পড়ছে। সূর্যচ্ছাটায় দীপ্ত দূরের কৃষ্ণনীল চূড়ার দিকে তাকিয়ে ভাবি, একি হিমালয়েরই কারসাজি! নিকুংসবের বিরক্ত প্রাণে উংসবের চঞ্চলতা কে জাগালে! আমি যে দেখছি, পরমেশবাবুর প্রাণেও উংসবের দোলা লেগে গেছে। এবং শেষটায় আমার নিঃশ্বাসই বন্ধ হয়ে এল প্রায়। উৎকর্ষ হয়ে শুনলাম, পরমেশবাবুর গলায় কী একটা স্বর যেন গুন্‌গুন্‌ করছে। কী স্বর? চেনা, অথচ মনে করতে পারছি নে।

এক মুহূর্তের ক্রুদ্ধাশংসংকট! তারপরেই মনে পড়ে গেল; হও ধরমেতে ধীর, হও করমেতে বীর, হও উন্নত শির, নাহি ভয়।...

প্রাণ খুলে একবার হাসবার জন্তে ভিতরটা ভীষণ ছটফট করতে লাগলো। পারলাম না হাসতে। সারা কামরার মধ্যে, যে ছোটখাটো উৎসবের ফোয়ারা আমার পাশে বইছে, তা বন্ধ হয়ে যাবে। শুকিয়ে যাবে। আমি কাকলীর হাত নিয়ে জোরে জোরে তাল দিতে লাগলাম। হাসির উদ্গত উচ্ছ্বাসকে চাপতে লাগলাম।

কিন্তু পরমুহূর্তেই পরমেশবাবু আমার দিকে ঝুঁকে পড়লেন। চুপি চুপি গলায় বললেন, ‘তবে তোমাকে একটা কথা বলতে পারি বাপু, ওই যে মেয়ে ক’টি বুঝলে কি না, খুব স্ত্রবিধের নয় কিন্তু, যাই বলো। একটু মানে, বেহায়া টাইপের, তাই না?’

আমার আর তখন কোনো বিষয়ে ঘাড় ছুলিয়ে ‘হ্যাঁ’ বলতে আপত্তি ছিল না। কারণ, আর উনি যাই বলুন, হিমালয়ের এই অঙ্গনে এসে, আর উনি নিজেকে স্কুিয়ে রাখতে পারেন নি। ওঁর ভিতরের প্রাণের প্রাণটির রূপ আমার কাছে ধরা পড়ে গেছে। আমি রাগী শিশুটিকে চিনতে পেরেছিলাম। বললাম, ‘আজ্ঞে হ্যাঁ।’

পরমেশবাবু বললেন, ‘তা বাপু মেয়ে ক’টিরই বা দোষ দেব কি? বাপ-মা কি চোখে ঠুলি এঁটে আছে, অ্যা? দেখতে পাচ্ছ না, মেয়েরা কী করছে? ছেলেমানুষ, বয়সকাল, ওদের তো ছেলে-ছোকরাদের দেখলে ওরকম একটু-আধটু হবেই, না কী বল হে?’

এবার একটু সন্তর্পণেই ঘাড় নাড়লাম। বললাম, ‘হ্যাঁ।’

‘কিন্তু তোমরা ছুটিতে কী করছ, অ্যা? ছুটিতে পাশাপাশি, গায়ে গা দিয়ে দিবি নিজেদের তালেই আছে। কেন, এখনো কি ছেলেমানুষ আছে? বিয়ের আগে সেই আইবুড়ো ভাত খাবার গুরু যায় নি এখনো, নাকি, বিয়ে বাসরের আমেজ লেগে গেছে? ছেলেমেয়েদের সামনে ওরকম পাশাপাশি বসে গল্প করার দিন আছে আর? তোমাকে আমি বলছি, লোকটা নির্খাত জৈণ।’

শেষ দিকে গলার স্বরটা এত বেশী চড়ে উঠলো, শক্তিত হয়ে আশেপাশে তাকলাম। অল্প কেউ শুনতে পাবার ভয় যত বেশী নয়, তার থেকে বেশী, কাকলীর মায়ের শুনতে পাওয়া। বলা যায় না, হয়তো ধরে নেবে, তাদের নিয়েই কথা হচ্ছে, আসলে যাদের নিয়ে কথা হচ্ছে তারা বেশ বহাল তব্বিতেই নিজেদের নিয়ে ব্যস্ত। এবং জৈণের চরিত্র লক্ষণ সঠিক কী, তা স্পষ্ট না জানলেও, পরমেশবাবুর কথা শুনে, একবার শ্রোতৃ দম্পতির দিকে না তাকিয়ে পারলাম না। দেখলাম, পুরোপুরি মিথ্যে বলেন নি। কর্তা-গিন্নী পাশাপাশি বেশ

নিবিড়ভাবে বসে, হিমালয়ের সৌন্দর্য অবলোকন করছেন। কথা বলছেন গিন্নি, কর্তা শুধু ঘাড় নেড়ে চলেছেন।

অভিজ্ঞদের মুখে শুনেছি, ওইটিই নাকি স্নেহের লক্ষণ। গিন্নি যা বললেন, তাইতেই ঘাড় নাড়া, আর সায় দেওয়া। প্রতি পদে পদে গিন্নিকে অহুসরণ কর। তাই কি অনেক বাড়ির দেওয়ালেই এখনো বিচিত্র এমব্রয়ডারির, বিচিত্রতর অক্ষরে সাজানো সেই নোটিশটা ঝুলতে দেখা যায়, ‘সংসার স্নেহের হয় রমণীর স্তনে।’ তারপর কী? অতএব, সাধু সাবধান?

সেটা যাই হোক, এ ক্ষেত্রে কিন্তু প্রৌঢ় কর্তা-গিন্নিকে আমার ভালোই লাগলো। অহুমান করি, কর্তা হয়তো একটু আত্মভোলা প্রকৃতির। গিন্নিকে তাই সব দিকে মানিয়ে চলতে হয়। আপাতত সংসারের প্রত্যাহের প্রতিটি কর্তব্যের রুদ্ধশ্বাস আবহাওয়ার বাইরে, দুঃস্বপ্নের এই মুক্তির নিবিড়তাটুকু ভালো লাগছে। মধ্যবিত্তের সংসারে, হয়তো এ মুক্তিটুকু অনেক মূল্য দিয়ে কিনতে হয়েছে। এখনো কি তরুণী মেয়েদের পাহারা দিয়ে রাখতে হবে? চোখে চোখে রাখতে হবে? এক জায়গায়, সেটা তো প্রতিদিনই রাখতে হয়। আর পাহারা দেওয়া, চোখে চোখে রাখাই কি সব? নিজেদের ভালো মন্দ বোঝার বয়স কি ওদের একটুও হয় নি?

বসে থাকুন, নিবিড় হয়ে বসে থাকুন কর্তা-গিন্নি, মুগ্ধ হয়ে দেখুন! আজ সকল দায়িত্ব থাক এই মহালয় হিমালয়ের হাতে।

ওদিকে গান চলেছে, কিন্তু তার ভাষা এবং স্বর বদলে গিয়েছে কখন। মাউথ অর্গানের স্বরে আর একক গলায় তখন গান চলেছে,

সুনীলসাগরের শামল কিনারে

দেখেছি পথে যেতে তুলনাহীনারে।

এদিকে পাগলাঝোরা পেরিয়ে মহানদী ছাড়িয়ে, ওপরে উঠেছি। পাগলা-ঝোরার পাগলামি নেই, গর্জনও নেই। আর মহানদী, নিশ্চয় মহানন্দা। দূরে যে কুঁজের মতো মহলদীরাগ পাহাড়ের চূড়া দেখা যায়, মহানদী কি তারই কোল ভাসিয়ে আসছে? মহানদীকে লেপচারা বলে, মহানদী। লেপচা ভাষায় যার অর্থ বঁকা নদী। এবং ওপর থেকে তাই দেখছি। মহানন্দা নিচে নেমে, সহসা দক্ষিণে বঁক নিয়ে খোলস ছাড়ানো চকচকে বিশাল অজগরের মতো ছুটে চলেছে। গাড়ি যখনই পশ্চিমে বঁক নিয়ে ওপরে উঠছে, তখনই

স্বপ্ন সমতলের ছবি ভেসে উঠছে। মাঝে মাঝে বালাসন নদীকেও হেথেষ্টে পাচ্ছি। বিস্তৃত স্বর্ণাভ বালু আগুন থেকে বালাসন। আর একদিকে, বিসর্পিত বিস্তৃত রোদ চলকানো আয়নার মতো তিস্তা ঝলকে উঠছে।

কিন্তু পরমেশবাবু চুপ করেন নি। প্রৌঢ় কর্তাকে জৈগ্ন সিদ্ধান্তের পরেই, পরবর্তী বল্কা হল, ‘আরে বাপু, এখন না হয় স্ত্রী বিয়োগ ঘটছে। পরিবারকে নিয়ে আমরাও তো এককালে বেড়িয়েছি, না কী বল হে।’

কিমার্শ্চম্। আসলে এসব কিছু নয়, বুদ্ধ বিপত্নীক পরমেশবাবুর নিজের দাম্পত্য জীবনের ছবি গুঁর স্মৃতির দীঘি বুঝি তোলপাড় করে তুলেছে? তাড়া-তাড়ি বললাম, ‘তা তো বটেই।’

পরমেশবাবু বলে চললেন, ‘দার্জিলিং-এ আসি নি বটে। নিছক বেড়ানো আবার আমাদের ভালো লাগত না। হরিদ্বারে গেছি, পুরীতে গেছি, কাশী বৃন্দাবন মথুরা, সব দেখে এসেছি। বেড়ানোকে বেড়ানোও হয়েছে, ওদিকে আবার তীর্থদর্শনও হয়েছে। আমরাও অনেক বেড়িয়েছি।’

বাইরের নীল কুয়াশায় ঢাকা পাহাড়ের দিকে তাকিয়ে কথাগুলো বলছিলেন পরমেশবাবু। হঠাৎ যেন একটি নিঃশ্বাস পড়লো গুঁর। চুপ করে গেলেন। এও হিমালয়েরই কারুকমিতি কি না জানি নে। আমি দেখলাম, পরমেশবাবুর শূন্য দৃষ্টি দূর পাহাড়ে নিবদ্ধ। কিন্তু সেই শূন্য, রাজি জাগা কোটরাগত চোখে, যেন অনেক ছবির খেলা। পুরনো দিনের, অনেক ভ্রমণের ছবি, অনেক খুঁটিনাটি ঘটনা।

মহা এই বিপত্নীক একলা যাত্রীর সম্পর্কে আমার কোতুহল জেগে উঠলো। কেন, এই বয়সে একলা কেন পাহাড়ে চলেছেন? এখন তো তাঁর এমনি করে একলা পথ চলবার কথা নয়। যিনি একদা পরিবারকে সঙ্গে নিয়ে, কাশী বৃন্দাবন মথুরা হরিদ্বার বেড়িয়েছেন, আজ তো তাঁর সঙ্গে ছেলে, বোমা, নাতি-নাতনীদেব থাকবার কথা। বুদ্ধ বয়সে একলা ভ্রমণে কেন?

কিছু জিজ্ঞেস করবার আগেই, পরমেশবাবু হঠাৎ বলে উঠলেন ‘হঁ, টের পাচ্ছ? একটু আগের থেকেই যেন একটু একটু মালুম দিচ্ছিল। এইবার বেশ স্পষ্ট বোঝা যাচ্ছে।’

অবাক হয়ে বললাম, ‘কী বলুন তো?’

স্বভাবতই আমার নজর তিন শ্রীমান ও তিন শ্রীমতীদের দিকে যাবার উপক্রম করলো। কারণ, এক মুহূর্ত আগেই একটি চকিত পলকের জন্ম যেন, কামরার ওপাশের, জানালার বাইরে, চুড়ি-পরী একটি হাতের সঙ্গে আর একটি

চণ্ডা ব্যাণ্ড-এর রিস্টওয়াচ, পরা যুবক হাতের, হোঁরাছুঁয়ির খেলা খেলতে দেখছিলাম।

কিন্তু পরমেশবাবু সামনে রাখা হাত-বাগটি খুলতে খুলতে বললেন, 'শীত! শীত লাগছে হে, ঠাণ্ডা শুরু হয়ে গেছে, টের পাচ্ছ না? তাই তো ভাবছি অনেকক্ষণ থেকে, ঠাণ্ডা লাগছে না কেন। আঃ, এইবার বোঝা যাচ্ছে। ভাবো এখন কলকাতার কথা।'

বলতে বলতেই ব্যাগ থেকে টেনে বার করলেন একটি চাদর। সত্যি, ঠাণ্ডা লাগতে আরম্ভ করেছে। গাড়ির হুইসেল শোনা গেল। পশ্চিমে ঝাঁক নিল। রাস্তার ধারে ধারে, বাড়ির জানালা দরজার পাহাড়ী গৃহস্থদের রক্তাভ হলুদ রং মুখ দেখা দিল। তারপরেই সামনে চোখে পড়লো, কাসিয়ং, উচ্চতা ৪৮৬৪ ফুট সমুদ্র পৃষ্ঠ থেকে, লেখা রয়েছে স্টেশনের উঁচু গায়ে। গাড়ি স্টেশনের শেডের তলায় ঢুকলো।

একটু নেমে দেখবার জন্যে উঠতেই, কাকলী বলে উঠলো, 'তুমি তোলে দাঙো?'

ফিরে হেসে বললাম, 'না, যাব না, আমি আসছি।'

কাকলী চোখ বড় করে বললো, 'তালাতালি এতো, গালি ছেলে দেবে!'

'তাই বুঝি?'

'হ্যাঁ।'

'আচ্ছা, তাড়াতাড়িই আসব।'

স্বভাবতই কাকলীর মা-ও হেসে তাকালো। বললো, 'আপনাকে দেখছি একেবারে পেয়ে বসেছে। খুব বিরক্ত করছে তো?'

বললাম, 'বিরক্ত করবে কেন? ওতো বেশ শাস্ত আর লক্ষ্মী মেয়ে।'

প্রশংসা শুনে এক ফোঁটা কাকলী যেভাবে আড়চোখে ওর মায়ের দিকে তাকিয়ে মুখ গম্ভীর করলো, তাতে হাসি চেপে রাখা দায় হল। দরজার দিকে এগোতে এগোতে শুনতে পেলাম, কাকলীর মা তার পুরুষ সঙ্গীকে (আপাতত পুরুষ সঙ্গী ছাড়া অন্য কোনো কথা মনে এল না) বলছে, 'সেই কলকাতা থেকেই খুব দেখছি ভদ্রলোকের দিকে ভীষণ ঝাঁক পড়েছে।'

পুরুষ সঙ্গীটির হাসির শব্দ শোনা গেল। কিছু বললেন কিনা শুনতে পেলাম না। কিন্তু একটা জিনিস লক্ষ্য করেছি, কাকলীর মায়ের সঙ্গে ভদ্রলোকের যত ভাব, ততো নয় কাকলীর সঙ্গে। শিলিগুড়ি থেকে সারা পক্ষে মনে করতে পারিনে, কাকলীর সঙ্গে ভদ্রলোকটির একটিও কথা হয়েছে কি না।

হুঁজনে প্রায় সর্বক্ষণই কথা বলেছে। কিন্তু সেই কথার মধ্যে উচ্ছ্বাস দেখি নি। স্পর্শের নিবিড়তা দেখেছি, মাঝে মাঝে হঠাৎ যেন লজ্জিত হয়ে, আবার একটু সরে বসতেও দেখেছি। হয়তো গম্ভীর গুরুতর বিষয়ের কোনো আলোচনা চলছিল। সহসা নিঃশ্বাস এবং বিষম চিন্তিত মুখে হুঁজনকেই চুপ করে বাইরের দিকে তাকিয়ে থাকতে দেখেছি। বিশ্বসংসারের প্রতি কোণে, বস্তু, প্রতি মুহুর্তে কত জটিলতা জট পাকাচ্ছে। সব খবর কি আমরা পাই? সব কি আমরা জানতে পারি?

এদিকে গাড়ি থেকে নামবার জন্তে সকলের একটা ছড়োছড়ি লেগে গেছে। আমি গাড়ি থেকে নেমে পড়বার পর, পরমেশবাবু চীৎকার করে জিজ্ঞেস করলেন, ‘ওহে তুমি কি চায়ের সন্ধানে চললে নাকি?’

একবারে মিথ্যে অনুমান করেন নি। অবচেতনে বোধহয় পিপাসাটা অনুভব করছিলাম। ওঁর কথায় সেটা স্পষ্ট হয়ে উঠলো। বললাম, ‘আপনার চাই নাকি?’

‘তা, ঠাণ্ডার আমেজটি যেমন লেগেছে, পেলে মন্দ হত না।’

অতএব টেশনের বাইরে আর যাওয়া হল না। চায়ের সন্ধানেই সময় কেটে গেল। চা জুটলো, কিন্তু সহজে নয়। কার্শিয়ং-এর ক্যাটারিং-এর পক্ষে ভিড় সামলানোই দায় হল। ঠাণ্ডার আমেজ পেয়ে, সকলেই চা-তৃষ্ণার্ত। ক্যাটারিং-এর ডাইনিং হলে ঢুকে দেখি, বাঃ! তিন শ্রীমান এক টেবিলে। পাশের টেবিলেই তিন শ্রীমতী। সামনা-সামনি, মুখোমুখি। ভিড়ের মধ্যে বয়সকে চায়ের অর্ডার দিয়ে, এক কোণে দাঁড়িয়ে থাকতে হল। বসবার জায়গা তো ছিল না। চা পাওয়ার আশা আছে কি না, তাও জানি নে।

এক শ্রীমানকে বলতে শুনলাম, ‘অনুমতি করেন তো, আমরাই দিয়ে আসি।’

শ্রীমতীরা মুখ চাওয়া-চাওয়ি করে হেসে উঠলো। একজন বললে, ‘থাক, আর অতটা উপকার করতে হবে না।’

ওঃ! কথাবার্তা শুরু হয়ে গেছে! পেছিয়ে নেই কেউ। আর চোখে চোখে হেসে হেসে নয় কেবল? জিভের আড়ষ্ট নীরবতা ভেঙে, বাণী বিনিময়ে পৌঁছেছে। সেই শুভলগ্ন কখন এসেছিল, জানি নে। সম্ভবত গতকাল রাত্রেই। অবিশ্বি, গতকাল দুপুরেই, এক শ্রীমান ভুল করে, আর এক শ্রীমতীর আঙুল পায়ে গলিয়ে বাথরুমের দিকে ছুটেছিল যখন, তখনই বাণী বিনিময়ের সূচনা ঘটেছিল। ভুল হওয়াটা কিছু বিচিত্র ছিল না। সামনা-সামনি, মুখোমুখি, নিচে পায়ের কাছে ছয় জোড়া স্নিপার। ইচ্ছাকৃত ভুল না করেই

শ্রীমান যখন শ্রীমতীরটা পায়ের গলি়ে পা বাড়িয়েছিল, শ্রীমতী প্রায় অমূল্য সম্পদ হারাবার মতো আত্ননাদ করে উঠেছিল, ‘ওটা আমার, আমার স্নিপার।’

শ্রীমান তো লজ্জিত, বিস্মিত এবং দুঃখিত। তাড়াতাড়ি নিজেরটা খুঁজে নিয়ে, শ্রীমতীরটা ছেড়ে, বন্ধুদের অশ্রুট ঠাট্টা ও কন্ঠাদের মিটিমিটি হাসি, এবং কামরার সন্দিগ্ধ দৃষ্টির সামনে দিয়ে বাথরুমে চলে গিয়েছিল। কেবল বলেছিল, ‘সরি। মানে, বুঝতে পারি নি।’

পরমেশবাবু আমাকে বলেছিলেন, ‘পারবেও না। পারবার অবস্থা তো তোমাদের আর নেই বাবা। এখন স্ট্রাঙল বদল করছ, এর পরে মন বদল, প্রাণ বদল, হাত বদল বাকী।’

আমি আর কথা বলতে সাহস করি নি। মনে মনে প্রাণ ভরে হেসেছিলাম।

এক শ্রীমান বললো, ‘আমরা দিয়ে এলে ক্ষতি কি?’

এক শ্রীমতী উচ্চারণ করলো, ‘ক্ষতি?’

বলেই তিনজনে আবার হেসে উঠলো। আর এক শ্রীমতী সম্ভবত সর্ব-কনিষ্ঠা, বললো, ‘আপনি একটি গবেট।’

যাকে বলা হল, সে প্রায় গবেটের মতোই তাকালো মেয়েটির দিকে। বললো, ‘কেন?’

মেয়েটি অবলীলাক্রমে ভেংচে দিয়ে বললো, ‘কেন? তা হলে আর আমরা নেমে এসেছি কেন?’

উভয় পক্ষেই একটা হাসির রোল পড়ে গেল। কিন্তু কোথায় কী দিয়ে আসতে হবে, সেটা ঠিক ধরতে পারছিলাম না। ধরতে পারলাম তখন, যখন দেখলাম, বয় ছ’ কাপ চা এনে মেয়েদের সামনে নামিয়ে দিল। তিন মেয়ে তিন কাপ হাতে নিয়ে উঠে দাঁড়ালো। একজন (বোধহয় সকলের বড়) বললো ছেলেদের দিকে ফিরে, ‘আমাদের চা-টা একটু পাহারা দিন, এগুলো আমরা পৌছে দিয়ে আসছি।’

তিন শ্রীমানই এক সঙ্গে বলে উঠলো, ‘নিশ্চয়ই।’

একটি মেয়ে মুখ ফিরিয়ে বললো, ‘দেখবেন, চুমুক দেবেন না যেন।’

শ্রীমানেরা সমস্তের বলে উঠলো, ‘না না।’

ওদের বলার ধরনে, মেয়েরা আবার হেসে উঠলো। হাসিটা আমার ভিতরেও ঘুলিয়ে উঠলো। তিনটি বেচারী। বেশ দেখতে পাচ্ছি, তিনটি তাজা বুদ্ধিদীপ্ত মগজ একেবারে আচ্ছন্ন হয়ে গেছে। মেয়েরা অথচ সেই পরিমাণেই সহজ এবং স্বাভাবিক রয়েছে। বরং একটু বেশী বুদ্ধিরই পরিচয় দিচ্ছে।

হায় পুরুষের অহংকার! হায় শোষণ বীর্য বুদ্ধির গর্ব! একটা সময়ে তার মতো বোকা এবং অসহায় আর কেউ নয়। যখন সে প্রেমে পড়ে, প্রেমে পড়ে মগ্ন হয়। প্রতি মুহূর্তে, প্রতিটি ব্যবহারে তার ভারসাম্য যায় হারিয়ে। চারপাশের পরিবেশ সম্পর্কে তখন সে একেবারে অন্ধ।

আর উল্টোটা কি সত্যি? প্রেম কি মেয়েদের চতুরা করে? এ ক্ষেত্রে তো তাই মনে হচ্ছে। তবে একটু বেশী সতর্কতাই বোধহয় ওদের 'অতি চালাকির গলায় দড়ি' পরিয়ে দেয়।

এদিকে নাটক জমেছে ভালো। চশমা চোখে ছেলেটি রীতিমতো গভীর হয়ে গেছে। সে বলে উঠলো, 'আচ্ছা, আমাকে ও গবেট বললো কেন?'

বাকি দুই বন্ধু হেসে উঠলো। একজন বললো, 'কারণ, এটা আপল্যায়েড ফিজিকস নয়।'

আর একজন বললো, 'আর তুই যে রকম করছিলি, তাতে কিছু অন্ডায়' বলে নি। দেখছি, বাবা-মাকে চা দেবার নাম করে ওরা নেমে আসার চান্স নিল, আর তুই সেটাই মাটি করতে চাইছিলি।'

শ্রীমান আপল্যায়েড ফিজিকস-এর অধ্যয়নরত বোকা গেল। কিন্তু চশমার ভিতরে ছুটি ছুঁথিত ফুর্ক চোখ দেখে বোকা গেল, মেয়েটি ভেঙে 'গবেট' বলার খিওরী কিছুতেই আবিষ্কার করতে পারছে না। ছুঁথিত গভীর গলায় বললো, 'আমি আর ওর সঙ্গে কথা বলব না।'

এক বন্ধু বলে উঠলো, 'সে যা বলার, কাল রাতেই তো বলে নিয়েছিল। তুই মনে করেছিলি, আমরাও ঘুমিয়ে পড়েছি, আর দিবা আলোপ চালিয়ে যাচ্ছিলি। সেকেণ্ড ইয়ারের সায়েন্সের ছাত্রী, তুই তো কলকাতায় ফিরে গিয়ে, ওকে ওদের বাড়িতে কোচ করতে যাবি বলেছিলি।'

আপল্যায়েড ফিজিকস কাঁচকলা দেখিয়ে বললো, 'কোচ করবে না হাতি করবে।'

কথা শেষ হবার আগেই শ্রীমতীদের পুনঃপ্রবেশ। সঙ্গে সঙ্গে আবহাওয়ার পরিবর্তন। শ্রীমতীরা চা নিয়ে নিজেদের জায়গায় বসে গেল। কিন্তু চশমা চোখে শ্রীমান একেবারে অন্ধদিকে মুখ ঘুরিয়ে বসলো। দুই বন্ধু হাসি সামলাতে পারলো না। আপল্যায়েড ফিজিকস তাড়াতাড়ি ঠোঁটে আঙুল চেপে বন্ধুদের ইশারা করলো। বেচারী বেকায়দায় পড়ে গেছে। বন্ধুদের কাছে চোটপাট করছিল। মেয়েরা আসতেই, মুখের চেহারা বদলে গেছে।

শ্রীমতীদের একজন আর এক শ্রীমতীর দিকে তাকিয়ে জিজ্ঞেস করলো,

এত হাসি কিসের তাই ?

এক শ্রীমান ফাঁস করে দিল, ‘আমাদের বরুণবাবু খুব দুঃখ পেয়েছেন।’

‘কেন ?’

‘ওই যে উনি, আপনার ছোট বোন, ওকে গবেট বলেছে, তাই।’

বলা মাত্র বরুণ প্রায় চৌচিয়ে উঠলো, ‘না না, মোটেই নয়।’

কিন্তু ততক্ষণে হাসির প্রাবন ভেঙে পড়েছে। চা চলকে পড়ে, টেবিল কুথ থেকে শাড়ি, কিছুই বাদ গেল না। ইতিমধ্যে শ্রীমানদের চা-ও এসে গেল। কিন্তু বরুণের বোধহয় সে হাসির পীড়ন আর সহ্য হচ্ছিল না। বিশেষ করে, যখন চশমার ফাঁক দিয়ে একবার দেখলো, যে তাকে গবেট বলেছে, তার হাসিটাই সব থেকে উচ্চকিত, দেহলতা প্রায় লুটানো টেবিলের ওপর। বরুণ গম্ভীর মুখে উঠে দাঁড়ালো।

বন্ধুরা বলে উঠলো, ‘কোথায় যাচ্ছিস ?’

বরুণ বললো, ‘গাড়িতে।’

আবার একটা হাসির রোল ফেটে পড়বার আগেই, বরুণের অভিব্যক্ত মেয়েটিই তাড়াতাড়ি বলে উঠলো, ‘আরে শুভন শুভন, সত্যি রাগ করেছেন নাকি ?’

বরুণের নত মুখ। গম্ভীর গলায় বললো, ‘মা।’

‘তবে চলে যাচ্ছেন যে ?’

‘আমার ভালো লাগছে না।’

বলে বরুণ পা বাড়াতেই, মেয়েটি বলে উঠলো, ‘আপনি সত্যি গবেট।’

বরুণ চকিতে একবার ফিরে তাকিয়ে, ভিড় ঠেলে বেরিয়ে গেল। আবার একটা হাসির রোল পড়লো। কিন্তু কিমাশ্চর্যম্! গবেট বলেও শ্রীমতী এবার হাসতে পারলো না। তার মুখ গম্ভীর।

সর্বনাশ! ব্যাপার তা হলে গুরুতরই। পথের দেখায়, মান অভিমানের পালাও যখন চলেছে, এ কোথায় গিয়ে শেষ হবে, কে জানে। ইতিমধ্যে নেপালী বয় ট্রেন্ড-সুজ চায়ের পট নিয়ে এসে জিজ্ঞেস করলো, ‘আপকো চা কাই দেগা ?’

বললাম, ‘গাড়িতে চল।’

ডাইনিং হলের নাটক আর দেখা হল না। ঠেলাঠেলি ধাক্কাধাক্কি ভিড়ের মধ্যে এই নাটকের যে আর কোনো সাক্ষী নেই, তাও জানি। হয়তো এ নাটকের মবনিকা মাঝপথেই কোথাও থেমে যাবে। কিংবা হিমালয় থেকে

নেমে কলকাতায় গিয়েও, এর অনেক অঙ্ক অভিনীত হবে। এর সমাপ্তিতে ট্রাজেডি কিংবা কমেডি আছে, সে-কথা জানে ওদের নিয়তি নাট্যকার। আমার মনটা কিন্তু, অসীম আকাশে ডিগবাজী খাওয়া পাখির মতো খুশিতে ভরে উঠলো।

জানি, নীতিধারকেরা এতে কলুষের গন্ধ পাবেন। আমার কাছে এটা কিন্তু দ্বন্দ্বহীন স্বাভাবিক ছন্দ বেগে বেজে উঠলো। মনে মনে বরং প্রার্থনা করি, অনেক অঙ্ককারের কলুষতা থেকে, এমনি আলোয় আলোয়, সকল স্ব-ভাব যুক্ত হোক, মুক্ত হোক, পবিত্র হোক।

পরমেশবাবু হাত বাড়িয়ে ট্রে ধরলেন। নিজের হাতেই চা ঢেলে দুধ মিশিয়ে নিলেন।

বললাম, ‘চিনি নিলেন না?’

‘নাঃ, ওটা অনেকদিন ছাড়তে হয়েছে।’

বলে বুদ্ধ আমার চা-ও ঢেলে চিনি মিশিয়ে দিলেন। বললেন, ‘এখন চিনি থাকবে তোমরা। হুন থাকবে তোমরা। ওসব পাট চুকিয়ে দিয়েছি।’

কিন্তু বরুণকে ট্রেনের কামরায় দেখতে পেলাম না। এবং কাকলীর মায়ের শব্দও দেখছি নেই। হঠাৎ কাকলীর দিকে নজর পড়তেই থমকে গেলাম। দেখলাম, কাকলী আমার দিকে হাঁ করে তাকিয়ে আছে। চুমুক দেবার আগেই কাপ নামিয়ে বললাম, ‘তুমি চা থাকবে?’

কাকলী তাড়াতাড়ি ঘাড় নেড়ে বললো, ‘আমি খাই না।’

কাকলীর মা বললো, ‘একটু গরম জলের চেষ্টা দেখছি। শুকে একটু শ্ল্যাকসো দেব।’

তবু আমার মনটা খুঁত খুঁত করতে লাগলো। সকলেই প্রায় কিছু না কিছু পান-ভোজন করছে। কাকলী চুপচাপ। চায়ের কাপে চুমুক দিতেই কাকলী ঝোল টেনে উৎকর্ষার শব্দ করলো। বললো, ‘তালাতালি থেও না, মুখ পুলে দাবে।’

‘তাই বুঝি?’

কাকলী ঠোট টিপে, চোখ বুজে, ঘাড় নেড়ে বললো, ‘হঁ।’

কোনো রকমে চা শেষ করে, ক্যাটারিং-এর কাউন্টারে গেলাম। চকোলেট পাওয়া যায় না। স্তন্যলাম, স্টেশনের বাইরের দোকানে পাওয়া যাবে। তাই

গেলাম। শহরই বটে। রেল লাইন আর মোটর বাস্তার ছ'পাশে দোকান। কিন্তু চকোলেট খুঁজতে খুঁজতে যখন সন্ধান পেলাম, তখন স্টেশন চোখের আড়ালে পড়ে গেছে। ওদিকে ঘণ্টা বেজে উঠলো, টিং টিং টিং। এবং পরমুহূর্তেই খুঁজে এজিনে পাহাড় কাঁপানো ছইসল। কী বিপদ! কাকলীকে চকোলেট খাওয়াতে গিয়ে শেষটায় কান্নামিৎএ পড়ে থাকবো? আর ধন্তি দোকানদার। বৈয়াম থেকে চকোলেটের প্যাকেট বের করতে মাড়োয়াড়ির যুগ কেটে যায়।

কোনোরকমে পয়সা মিটিয়ে চকোলেট নিয়ে যখন ছুট দিয়েছি, এজিনের শব্দ তখন পাহাড়ের গায়ে প্রতিধ্বনি তুলেছে, স্টেশনে ঢোকবার আগেই গাড়ি চলমান। আর, কী মুশকিল! গাড়ির দরজা পড়েছে বাঁ দিকে। প্ল্যাটফর্মের ওপরে উঠতেই পরমেশবাবুর চীৎকার শুনলাম, 'এই যে ওহে এই যে।'

রক্ষে এই, এজিনের শব্দের সঙ্গে গতির মিল নেই। গর্জন যত, বর্ষণ তত নয়। গাড়ী বেশ আশুই চলেছে। উঠতে না উঠতেই পরমেশবাবু খ্যাক-খ্যাক করে উঠলেন, 'তুমি তো আচ্ছা বেআক্কেলে। এখন গেছ শহর বেড়াতে? গাড়ি কি তোমার জন্তে সারাদিন এখানেই থাকবে নাকি?'

বলার কিছু ছিল না। একটু বিব্রত হেসে, বসে পড়লাম। দেখলাম, কাকলীর গায়ে উঠেছে সোয়েটার। গলায় বাঁধা তোয়ালে, হাতে ব্যাক্সমোর গেলাস। বললো, 'তুমি হারিয়ে গেলেন?'

কাকলীর কাছে তো এটা হারিয়ে যাওয়াই। বললাম, 'হ্যাঁ।'

অমনি চোখ দুটি বড় হয়ে উঠলো। ভাড়াভাড়া গেলোসে চুম্ব দিয়ে বললো, 'কী কলে এলে?'

হারিয়ে যাওয়াই তো একটা সাংঘাতিক ব্যাপার। আর সেই হারিয়ে যাওয়ার জগৎটা যে কী ভীষণ। মা নেই, বাবা নেই, যত বাজার রাস্কসে খোকসে গিজগিজ করছে। সেখান থেকে কী করে ফিরে আসে লোক। কিন্তু আমার মাথায় কোনো নাটকীয় কাহিনীই এল না। বললাম, 'দৌড়ে পালিয়ে এলাম।'

কাকলী ওর ছোট ছোট ঝকঝকে শাদা দাঁত দেখিয়ে হাসলো। বুঝলাম, দৌড়ে পালিয়ে আসতেই সে খুশি হয়েছে, কৌতুহল নিবৃত্ত হয়েছে। তবু কাকলী সাবধান না করে পারলো না, 'আর দেও না, আমি কাঁদবো।'

বিশ্বাস্যে আনন্দে, একটু বা ব্যাধায় যেন চমকেই উঠলাম। হয়তো এমনি করে বাপ-মাকে বলাই ওর অভ্যাস। কিন্তু আমার মনটাকে ও একেবারে

ভিজিয়ে দিল। ওর মাথায় একটা হাত তুলে দিলাম। ওর মা আমার দিকে তাকিয়ে হাসলো। পাশে তার সঙ্গী ভদ্রলোকটি বলে উঠলেন, ‘থুঝু দেখছি হৃদয় সমর্পণ করে বসে আছে।’

থুকুর মায়ের নিচু গলা শোনা গেল, ‘এখনো জগৎটা চিনতে শেখে নি তো।’ বলে চকিতে একবার আমার দিকে তাকালো। হাসলো, কিন্তু ঈষৎ লজ্জা গোপন করতে পারলো না। ভদ্রলোকও হাসলেন, কিন্তু গম্ভীর হয়ে উঠলেন পরমুহুর্তেই। কাকলীর মা ভদ্রলোকের দিকেও একবার দেখে নিল। মনে হল যেন, এই দু’টিই ছোটোখাটো হাসির কথায়, অন্য কোনোখানে কিছু ঘটে গেল। কাকলীর মা তাড়াতাড়ি খালি গেলাসটা নিয়ে, গলা থেকে তোয়ালে খুলে কাকলীর মুখ-হাত মুছিয়ে দিল। আমি আন্তে আন্তে পকেট থেকে চকোলেট বের করলাম। করতেই কাকলীর চোখ পড়লো, এবং ওর চোখ দুটি উজ্জ্বল হয়ে উঠলো। হেসে উঠতেই বোধহয় যাচ্ছিল। কিন্তু হঠাৎ ঠোটে ঠোঁট টিপে, মুখ গম্ভীর করে তাকালো।

ব্যাপরটা অনুধাবনযোগ্য। তাই আমিও ঠোঁটে ঠোঁট টিপে নিশ্চল অনড় হয়ে বসে রইলাম। হাতে বেগুনি রঙের প্যাকেটে, সোনালী অক্ষর চক্চক্ করতে লাগলো।

কাকলীর চোখের তারাটি চকিতে একবার প্যাকেটের ওপর পড়লো। আবার ফিরে গেল। তারপরেই একবার আমার দিকে আড়চোখে দেখে, আবার প্যাকেটের দিকে নজর পড়লো, এবং দৃষ্টি অত্মদিকে ফিরে গেল। আর মুখের ভিতর জিভের ঠেলায় গাল হুপুুরির মতো ফুলে উঠলো।

এ খেলাটা একটু নির্ভর ঠেকলো আমার কাছে। হাতটা ওর কাছে বাড়িয়ে, মাথা নেড়ে তুলে নিতে ইশারা করলাম। কিন্তু কাকলীর মুখ আরো গম্ভীর হল। চকোলেটের দিকে নয়, ঠায় আমার চোখের দিকে তাকিয়ে গম্ভীর গলায় ডাকলো, ‘মা।’

আশ্চর্য। একটু হাসি বা বিকার নেই কাকলীর মুখে। ওর মা ফিরে বললো, ‘কী রে?’

চকোলেটের দিকে ছোট্ট তর্জনীটি তুলে দেখিয়ে, প্রায় যেন কাঠগড়ায় আসামীকে দেখিয়ে বললো, ‘আমাকে দিততে।’

ওর মা একবার আমার দিকে তাকালো। হেসে বললো, ‘কাকু হারিয়ে’ গেলে তুমি কাঁদবে বলছ, দিচ্ছেন যখন, নাও। কিন্তু অত বড় চকোলেটটা একেবারে মুখে পুরো না যেন।’

আমাকে বললো, ‘ওটা আনতে গিয়েই বোধহয় গাড়ি ফেল করেছিলেন ? দেখুন তো !’

কিন্তু কাকলীর মুখ তখন হাসিতে ভরে উঠেছে। মায়ের অহুমতি পাওয়া মাত্র, দু হাত দিয়ে ছৌ মেরে তুলে নিল চকোলেটের প্যাকেট। আর আমার কোলে একেবারে নিবিড় হয়ে এল।

পার্বত্যনগর কার্শিয়ং কখন পার হয়ে এসেছি। নতুন স্টেশন এল, নাম ‘টুং’। কী তার মানে, কে জানে। যেন একটি শব্দের প্রতিধ্বনির মতো, একটি বাজনার ঝংকারের মতো নাম। রুম্বু চুল, রক্তাভ কিংবা তা মাটে মুখ নরনারী আর শিশুরা রয়েছে আশেপাশে। কাছে কয়েকটি বাড়ি, দোকানঘর। হয়তো এই সব মানুষেরা সকলেই কাজের সন্ধানে স্টেশনের আশেপাশে এসেছে। তাদের ছোট ছোট চোখে অপরিচয়ের নির্বাক বিশ্বয়। কেউ কেউ বা হাসছে। এখানে এই হিমালয়ের বুকে যেন কালো মানুষ, বিভিন্ন মুখের ছাঁদ মানায় না। গরম জ্বর-জং পোশাক তা যতো ময়লা আর ছেঁড়াই হোক তা ছাড়া যেন এখানকার মানুষদের চেনা যায় না। ওদের চোখে মুখেও যেন পাহাড়ের স্তম্ভ গাভীর্ষ। হাসলে রোদের মতো হাসির ঝিলিক হেনে ওঠে।

এখন ক্রমাগত প্রকৃতির পরিবর্তন হয়ে চলেছে। অরণ্য যেন বিরল হয়ে এসেছে কিছু। কিন্তু পর্বত তার স্বগভীর উচ্চতায় ক্রমেই যেন বাড়ছে, ব্যস্ত হচ্ছে। মাঝে মাঝে, ফালি জমিতে বাঁধাকপি আর টমাটোর চাষ দেখতে পাচ্ছি। সমতলবাসীর কাছে বৈশাখ মাসের অমূল্য সবজি পালং-এর শিষ উঠেছে ডগডগিয়ে।

‘টুং’ ছাড়িয়ে যাবার একটু পরেই কার্শিয়ং আবার ভেসে উঠলো চোখের সামনে। কিছুই দেখি নি, দেখবো আশা আছে। দার্জিলিং-এ থাকাকালীন কার্শিয়ং দেখতে আসব। পশ্চিমে, দূরে বালাসনের উপত্যকার ওপরে নাগরি আর মিরিক পাহাড় রুম্বুনীল। ওদিকেই কোথায় যেন নেপালের সীমান্ত, বন্য হস্তী যুথের রাজ্য মোরুং-এর গভীর অরণ্য। চা বাগান সর্বত্র। দেখতে পাচ্ছি, উপত্যকার বিস্তীর্ণ-বাগানে, পিঠে লম্বা ঝাঁপি, রংবেরঙের শাড়ি পরা, মাথায় রুমাল বাঁধা মেয়েরা চা-পাতি তুলছে। মাঝে মাঝে মনে হচ্ছে, আকাশের বুক ঘেঁষে চলেছি। হাত বাড়ালেই আকাশ স্পর্শ করতে পারব। কে যেন বলে উঠলো, ‘ওই যে এলাচি বাগান।’ জানি নে কোনগুলো এলাচি

গাছ। ভাবতে ভালো লাগছে।

কিন্তু শীত যেন গুরুগুরিয়ে উঠলো বুকের মধ্যে। এবং গাড়ি যেন মহা-মেঘের রাজ্যে প্রবেশ করলো। গাড়ির গতিও কিছু মন্থর হল। গাছপালা পাহাড় পর্বত, সমস্ত কিছু ঢেকে গেল চোখের সামনে। জীবনে এমন অভিজ্ঞতা এই প্রথম। মুহূর্তে কামরার ভিতরে লোকেরাও অস্পষ্ট হয়ে গেল। আলো জলে উঠলো। কিন্তু ঘন কুয়াশার মতো মেঘ কামরার মধ্যে এসে ঢুকলো। এক হাত দূরেও কিছু দেখা যায় না। মুখ এবং হাত ভিজে ভিজে উঠলো।

কাকলী আমার একটি হাত চেপে ধরলো। বললো, 'কী হয়েছে কাকু?'

বললাম, 'কিছু নয়, ওগুলো মেঘ।'

আমার মতোই গুরু ও বিষয়। বললো, 'মেঘ? বিত্তি হবে?'

নিজের অনভিজ্ঞতাহুয়ায়ী জবাব দিতে হল, 'এ মেঘে বুষ্টি হয় না।'

'এতা কি তবে আকাশ?'

বললাম, 'হ্যাঁ, আমরা তো আকাশ দিয়ে চলেছি।'

মজা ও বিষয়ে কাকলী খাঁক করে একটু হাসলো।

মেঘের মধ্যে দিয়েই গাড়ি এগিয়ে চললো। তারপর যেন এক স্বপ্নের দেশের বাড়িঘরের মতো অস্পষ্ট অবয়ব সোনাদা স্টেশনে গাড়ি ঢুকলো। সঙ্গে সঙ্গে অনেকে সারা গায়ে মেঘ মাখবার জন্তেই যেন নেমে গেল। চা পানের ধুম পড়ে গেল। সাদা পের্জা-পের্জা তুলোর মতো ঘন মেঘ এখানে যেন আরো গাঢ় হয়ে, চাপাচাপি ঠেলাঠেলি করে এল। যেন পৃথিবী পার হয়ে এলাম। মর-জগতের ওপারে কোনো এক অবাস্তব স্বপ্নের দেশে যেন এসে পড়েছি। সবই অবাস্তব বলে বোধ হতে লাগলো।

মনে পড়লো, বইয়ে পড়েছিলাম, লেপচা ভাষায় সোনাদা মানে ভালুকের গুহা। একদা নাকি এই সোনাদায় ভালুকের খুব উৎপাত ছিল। কল্পনা করতে ইচ্ছে হয়, এই কুয়াশার ভিতর দিয়ে লোমশ সেই জানোয়ার হাত ছলিয়ে ছলিয়ে চলেছে।

আবার গাড়ি ছাড়লো। আস্তে আস্তে কুয়াশা পাতলা হয়ে এল। এবং যতই অগ্রসর হলাম, উঁচুতে উঠতে লাগলাম ততই, যেন নতুন করে অরণ্য গভীরতর হয়ে উঠলো। একটু আগের মেঘ আর নেই। পাইন, শাল, দেবদারু এবং আরো না-না-জানা আকাশ হোঁয়া বনস্পতির এখন রোত্রে স্নান করছে, আর এ রোদ এখন কলকাতায় হয়তো আগুন ছিটোচ্ছে কিন্তু এখানে অগ্রহাণের হৈমন্তী সোনালী চিকচিক করছে।

পরমেশবাবু বললেন, ‘কাণ্ডটা একবার ভাবো। কোথায় একশো দশ ডিগ্রি গরম, আর কোথায় চাঁদের জড়িয়েও সামলানো যাচ্ছে না। পৃথিবীটা এখন একটা মাজিক দেখছি, না কী বল হে?’

আমি বললাম, ‘হ্যাঁ, এখানে আর গাড়িতে পাথর দরকার নেই।’

বলেই কিন্তু অস্বস্তিতে পড়ে গেলাম। মুখটা তাড়াতাড়ি অন্য দিকে ফিরিয়ে ভাবলাম, পরমেশবাবু নিশ্চয় জুড়ুটি তীক্ষ্ণ চোখে তাকিয়ে আছেন।

খানিকক্ষণ কোনো সাড়া-শব্দ না পেয়ে খুব আস্তে আস্তে চোখ ফেরালাম। পরমেশবাবু কিন্তু বাইরের দিকেই চুপ করে তাকিয়ে ছিলেন। একটু অবাক হইলাম। এবং হঠাৎ তাঁর সম্পর্কে নতুন করে কৌতূহলিত না হয়ে পারলাম না। বললাম, ‘তা আপনি একলা এই বয়সে পাহাড়ে বেড়াতে এলেন, সঙ্গে কেউ—’

কথা শেষ করতে দিলেন না। বলে উঠলেন, ‘বেড়াতে? তোমাকে বললে কে, যে আমি এই এত রাস্তা ঠেঙিয়ে দার্জিলিং-এর শোভা দেখবার শেখ বেড়াতে এসেছি? আমার কি খেয়ে-দেয়ে আর কাজ নেই ভেবেছ?’

তাও তো বটে। শুধু বেড়াবার জেগেই সবাই দার্জিলিং-এ আসে না, একথাটা আমার ভাবা উচিত ছিল। তাও এই বয়সে, এই সকরিগলি এবং মনিহারী, দুই ঘাট পেরিয়ে, জুঃস্বপ্নের পথে বিশেষ করে পরমেশবাবুর পক্ষে খেয়ে-দেয়ে, আরো অনেক কাজ করবার থাকতে পারে। কিন্তু দার্জিলিং-এ আসা নয় নিশ্চয়ই।

নিজেই আবার বললেন, ‘আমি যাচ্ছি রস দেখতে হে।’

‘রস?’

‘হ্যাঁ, প্রেমের রস, বুঝলে?’

প্রেমের রস দেখতে যাচ্ছেন, তাও আবার দার্জিলিং-এ? সে আবার কী! একটু খতিয়ে গেলাম। কোনো রকমে মাত্র উচ্চারণ করলাম ‘অ’।

আবার একবার শিথিল মূল কয়েকটি দাঁতে ঝড় বইলো। বললেন, ‘হ্যাঁ, একবার দেখে আসি প্রেমের রস কেমন টগবগিয়ে ফুটছে? প্রেম টগবগায় না পেট করকরায়, একবার দেখতে হবে না? না কী বল হে?’

বুঝতে কিছুই পারছিলাম। এ প্রায় সোনাদার ঘন কুয়াশার মতো। তবু বলতে হল, ‘আজ্ঞে হ্যাঁ, তা তো বটেই।’

কিন্তু আমার কথায় এখন প্রায় কর্ণপাতই করলেন না পরমেশবাবু। চোখের ইশারায় কামরার অন্যদিকে শ্রীমান শ্রীমতীদের দিকে দেখিয়ে বললেন,

‘প্রেম মানে তো তোমার ওই ব্যাপার, অ্যা? জানি সবই, হাসা হল, একটু হাত ধরা হল, ব্যাস্ নাও এখন কী করবে, ঠানাদের তো প্রেম হয়ে গেছে? তা আবার যেমন তেমন হওয়া নয়, এমন হয়েছে যে, ভগবান এলেও ছাড়বার উপায় নেই। কিন্তু তারপরে? বাছা, কত ধানে কত চাল, তার হিসেব তো প্রেম দিয়ে হবে না, তারপরে? বল না হে।’

আমি বলব? সর্বনাশ! তাও এই পরমেশবাবুর ভুরু খোঁচা চোখের দিকে তাকিয়ে। আমি ঠোট কুঁচকে শুকনো হাসি হাসলাম। আর পরমেশবাবুর তুঁতিনটি দাঁত ঠোটের ওপর চেপে বসেছে। মুহু মুহু ষাড় দোলাচ্ছেন। কিন্তু জিজ্ঞেস করতে সাহস পাচ্ছিনে, কার প্রেমের রস দেখতে চলেছেন দার্জিলিং-এ।

জিজ্ঞেস করলাম, ‘আপনার আত্মীয়স্বজন কেউ আছেন বুঝি ওখানে?’

পরমেশবাবু এক কথায় উড়িয়ে দিলেন, ‘আত্মীয় না আমার চৌদ্দপুরুষ! যাব দেখব, আবার কালকের গাড়িতেই কলকাতা রওনা দেব। কেবল যে চিঠিতে লেখে, ‘আমি বেশ ভাল আছি,’ সেই ভালটা একবার দেখব খালি। আরে একটা গো মুখ্য; মাইনে তো পাস একশো সাত টাকা। বাড়ি ভাড়া দিয়ে এই বিদেশে, পাহাড়ের ওপরে কেমন ভালটা আছিস, একবার দেখতে হবে না? আমার সঙ্গে চালাকি। বুঝি না কিছু, অ্যা? আর—আজকাল আবার এক ফ্যাশান হয়েছে, দুজনে সই করলেই বিয়ে। আবার সই করলেই বিয়ে নট, বোঝ একবার কী বিয়ে! বিয়ের মাথায় মারো ঝাড়ু।’

পরমেশবাবু রীতিমতো উত্তেজিত। বেড়ার কথা জিজ্ঞেস করে, এমন জায়গায় হাত দিয়ে ফেলেছি, এখন চাপা দিতে পারলে বাঁচি। যদিও কোতুল একটা কাঁটার মতো উঁচিয়ে আছে মনের মধ্যে।

তা থাক, পরমেশবাবু শান্ত হোন।

মুখে একটু বিব্রত হাসি টেনে চুপ করে বইলাম। পরমেশবাবু ছাড়লেন না। বললেন, ‘তুমি মানো, ওই রেজিস্ট্রী বিয়ে না কী মণ্ডু বিয়ে বলে?’

বললাম, ‘গভর্নমেন্ট তো তাই মানে।’

‘আরে রাখ তোমার গভর্নমেন্ট। তাঁরা তো আইন জারী করে খালাস, ছেলেমেয়েগুলোর অবস্থা তো আর দেখতে আসছে না। তুমি কেন মানো, সেটা বল।’

কী বিপদ! আমারটা জেনেই বা গুঁর কী লাভ হবে? শেষ পর্যন্ত বলে ফেললাম, ‘খরচ-খরচা অনেক বাঁচে, এই আর কী।’

পরমেশবাবু বোধহয় এটা আশা করেন নি। একটু খতিয়ে গিয়ে জু-কুঁচকে এক মুহূর্ত তাকিয়ে রইলেন। তারপরে বলে উঠলেন, 'বাঃ, বা বা! একেই বলে সেয়ানা। তোমারও বোধহয় ওই রকমই কিছু ঘটেছে?'

তাড়াতাড়ি বলে উঠলাম, 'আজ্ঞে না না, তা নয়।'

পরমেশবাবু মাথা নেড়ে বললেন, 'বুঝছি।'

নিজেকে কেমন যেন অপরাধী মনে হতে লাগলো। বললাম, 'আপনার কেউ কি—?'

কথার মাঝপথেই, সহজভাবে বলে উঠলেন, 'হুম্! আমার মেয়ে।'

পরমেশবাবুর মেয়ে? সে মেয়ের সাহস আছে বলতে হবে। বললাম, 'ও, তাকে দেখবার জন্মেই—!'

'নাঃ।'

পরমেশবাবু বাধা দিয়ে আগেই বলে উঠলেন, 'তাকে দেখবার মাথা-বাখা আমার নেই, তার 'ভাল থাকার' চেহারাটা দেখেই নেমে যাব। ওসব বাপ ভাই, কেউ কিছু নয়, বুঝেছি। প্রেমিকের হাত ধরে, চুটি সই দিয়ে ডাং ডাং করে বেরিয়ে পড়তে পারলেই হল! তবে আমারও বাপের প্রাণ বলতে চুড়। ওখানে আর কিস্ত্য নেই। খবর আমি সব পেয়েছি, বাছাধনদের এখন ছন্ন আনতে পান্তা ফুরায়। যাব, দেখব আর মুখের ওপর হেসে চলে আসব, বুঝেছ? প্রতিশোধ যাকে বলে।'

পরমেশবাবুর বিক্ষুব্ধ চোখের দিকে আর তাকাতে পারলাম না। হয়তো মেয়ের ব্যবহারে খুবই দুঃখিত ও বিরক্ত হয়েছেন। তা বলে, এই বয়সে, এই ছুস্তর পথ পেরিয়ে, শুধু মাত্র মুখের ওপর হাসবার প্রতিশোধ নিতে চলেছেন। এটা বড় বেশী নিষ্ঠুর মনে হল।

গাড়ি ইতিমধ্যে সিঙ্কলের পাদদেশ দিয়ে, ঘুমবাজার পেরিয়ে ঘুম স্টেশনে এসে দাঁড়ালো। অল্প কুয়াশা ছড়ানো চারিদিকে। সোনাদার মতো ভারী গাঢ় নয়। সবই দেখা যায়, অথচ সবই যেন ঝাপসা আব্‌ছায়ার মাখানো। এ কুয়াশার রূপ আলাদা। গাড়ির শব্দ থেমে গেছে। ঘুম স্টেশনকে আমার নির্জনতম স্টেশন বলে মনে হল। নীরবতম বটে। দার্জিলিং-এর পথে সর্বোচ্চ স্টেশন। দার্জিলিং এখান থেকে নীচে নেমে গেছে। সব মিলিয়ে, ঘুম যেন কী এক ধ্যানমগ্ন গাঙীর্ষে মৌন। আর হালকা অনড় কুয়াশার আব্‌ছায়া

যেন এই গাভীর্থের মধ্যে কী এক অলৌকিকতায় ঘিরে রেখেছে। কী একটা পাখি ডাকছে, আমি তার নাম জানিনে।

মনটা যেন বিস্ময়ে ও নিঃশব্দ আনন্দে ভরে উঠলো। সবাই তো সমতল থেকে আসছি। তবে একলা কেন এত বিস্ময় মানি। এই বিশাল গভীর অপকূপ রূপ দেখে কী? মনের মধ্যে, কোথায় একটা অচেনা রহস্যময় দরজায় আমার ঘাপড়ে কেন? কেবলি মনে হয়, দেখতে পেলাম না। কী যেন দেখতে পাচ্ছি নে। এই সকল কিছুর মধ্যে, কোথায় যেন সেই কিছু মিশে আছে। আমি তাকে চিনতে পারছি নে। তাই আনন্দের নিবিড়তার মধ্যে, একটি ব্যাকুলতাও অনুভব করি। একটি মধুর বেদনা অনুভব করি।

এই প্রায় আট হাজার ফুট উচুতে, আবছায়ায় দেখতে পাচ্ছি বিশাল পপলার শ্রেণী, শান্ত মৌন কিন্তু জীবন্ত। বিরাট বার্চের মাথা ওপরের কুরাশায় হারিয়ে গেছে। পাইনের নিবিড়তা ঘিরে রেখেছে। পৃথিবীতে কোনো কিছুই একক মহানুভবতায় মহীয়ান হয়ে উঠতে পারে না। মানুষ এবং প্রকৃতি, কিছুই নয়। ন' জনের মহানুভবতার যোগফল। দশমকে মহীয়ান করে তোলে। একজনের ভিতর দিয়ে প্রকাশিত হয়। হিমালয়ের এই বিচিত্র বাহু প্রকৃতির অপকূপ রূপ মিলে-মিশে তাকে মহীয়ান করেছে।

গাড়ি আবার এগিয়ে চললো। কামরার মধ্যে গম্ভীর পৌছানোর, যাত্রা শেষের গুঞ্জন উঠেছে। দেখতে দেখতে গাড়ি বাতাসিয়ার শেষ চক্র (লুপ) প্রায় বৃত্তাকার হয়ে গেল। দেখলাম গাড়ির সামনে পিছনে দুটি এঞ্জিন কাজ করছে। আবার রোদ হেসে উঠেছে।

সহসা কে যেন চীৎকার করে উঠলো, 'কাঞ্চনজংঘা! কাঞ্চনজংঘা!'

চকিত হয়ে দৃষ্টি ওপরে তুললাম। চোখের ওপর ভেসে উঠলো শ্বেতমর্মরের মতো দুটি তিনটি চূড়া। দূর উত্তরের আকাশে, রোদ্র চকিত নীলাধরের বুকে, প্রায় যেন সাদা মেঘের মতো। কিন্তু একমুহূর্ত চোখ রাখলেই টের পাওয়া যায়, মেঘ নয়, আর কিছু! শুধু মৌন শ্বেতশির তুষারের বুকে হালকা নীল ও সবুজ ও হলুদের ছোঁয়া লেগেছে ভাঁজে ভাঁজে। কিংবা ঠিক যেন সে রং ব্যক্ত করতে পারিনে। ভাষার থেকে, শিল্পীর তুলিতেই হয়তো তার রঙের ব্যাখ্যা হয়।

কাঞ্চনজংঘা! বাংলার সমতলের ছেলের চিরবিস্ময়ের, চির আনন্দের, চির বাসনার। কিন্তু কী দেখলাম, তা প্রত্যক্ষ করার আগেই পথ গেল বেকে। যেন চোখের পলকে সে হারিয়ে গেল, অথচ মনের মধ্যে একটা

অশ্লীল ছবি ভেসে রইলো। এখন সম্মুখে নীলাদ্রী মহাকুহের ভিড়।

হঠাৎ চোখে পড়লো, কাকলীর মায়ের চোখে যেন জল। আঁচল দিয়ে তাড়াতাড়ি মুছে। তার সঙ্গী একটু বিব্রত, নতমুখে নথ খুঁটছেন। কাকলী কিন্তু অবাক আনন্মে বাইরের দিকে তাকিয়ে হাসছে।

পরমেশবাবু বলে উঠলেন, ‘ওহে, আমার যেন মনে হল, কাকলীজন্মঘর মাথাটা নড়ছিল।’

বলে নিজেই হাসলেন। দেখলাম, কপালে নয়, কোলের ওপর হাত ছুটি জড়ো করা।

সব মিলিয়ে আমার মনের মধ্যে বিশ্বয় বেদনা আনন্দবিধুর একটি অল্পভূতি ভরে উঠলো।

দাঙ্গিলিং শহর ভেসে উঠলো চোখের সামনে। ভ্রমণবিলাসীদের ভাষায় ‘পর্বতপুরের রানী।’ কুইন অব দি হিল স্টেশন্স।

ছোট গাড়ি, ছোট স্টেশন, সামনে রাস্তা। সবখানে জনতায় পরিপূর্ণ হয়ে উঠলো। প্লাটফর্মেরে নেমে কুলিকে মাল নামাতে বললাম। ঠিকানা, ম্যাল রোডের নিচে বার্ট ছিল রোড। বাড়ির নাম পপুলার ভিউ। চোখে দেখি নি, নামটাই শুনেছি। মনের মধ্যে একটা কল্পনার ছবি আঁকা হয়ে গেছে, সূচিবদ্ধ শির পপুলারের বেঠনীতে একটি কাঠের কুটির। কিন্তু বাস্তবে গিয়ে কি দেখব জানিনে।

কৌচার কাপড়ে টান পড়তে, নিচু হয়ে দেখলাম, কাকলী। ওর মা আর সেই ভদ্রলোক দাঁড়িয়ে হাসছে। ওর মা বললো, ‘চললাম। কাকলীকে বিদায় দিন, নইলে যে ও যেতে পারছে না।’

তাড়াতাড়ি কাকলীকে কোলে তুলে, ওর টসটসে ফর্সা গালে একটু ঠোঁট ছুঁয়ে দিলাম। কাকলী কিন্তু হাসলো না। খুব কাছ থেকে আমার চোখের দিকে তাকালো। মুখ গম্ভীর। ওর নেলপলিশ লাগানো ছোট্ট তর্জনী দিয়ে একবার আমার গাল স্পর্শ করলো। তারপর প্রায় আমারই অহকরণে, আমার রাতজাগা ধুলোমাথা গালে আলগোছে একটি চুমো দিয়ে দিল। সে চুষন চুঁইয়ে আমার মরমে প্রবেশ করলো। কিন্তু কাকলীর লজ্জা দেখে আমার প্রায় থ মেরে যাবার দাখিল। বললো, ‘আমাদেল বালি আত্বে?’

কিছু না ভেবেই জবাব দিলাম, ‘নিশ্চয়ই আসব।’

ওর মা সঙ্গে সঙ্গে বলে উঠলো, ‘সত্যি আসবেন কিন্তু, ওর হয়ে আমিও বলে রাখছি। কী যেন রাস্তার নামটা?’

বলে ভদ্রলোকের দিকে তাকালো। ভদ্রলোক বললেন, ‘রাস্তা তো নয় সত্যি, একটি স্বর্ণের সিঁড়ি বিশেষ। কিন্তু পাহাড়ের দেশে ওটাই রাস্তা। নাম আমারও মনে নেই। ম্যাল থেকে সোজা পোর্ট আপিসের কাছে এলেই ডান দিকে পড়বে। ‘রূপকুমার হাউস’ বলবেন, তা হলেই হবে। আমার নাম বিবেকরঞ্জন বন্দ্যোপাধ্যায়।’

সম্মতি জানিয়ে আমার নামটাও শুঁকে বলতে হল, নিয়ম সূচক পরিচয়ের নমস্কার বিনিময়ে। কাকলী বলে উঠলো, ‘আল্ মাল্ নাম স্মৃতি।’

কাকলীর মা হেসে উঠে, ঈর্ষ্য লজ্জিত হয়ে বললো, ‘স্বামতা ভট্টাচার্য। কিন্তু থুঁকু এবার নেমে এস। আমরা যাই, শুঁকেও যেতে দাও।’

কাকলীকে ওর মায়ের কোলে দিয়ে, মালপত্রের সন্ধানে ফিরে তাকলাম। দেখলাম, বিছানা বাকসো আমার পায়ের কাছে। নাক চক্ষুহীন একটি মানুষ আমার সামনে। পাহাড়ী কুলি, পথের নির্দেশের প্রতিক্ষায়, একটু নিশ্চিত ওদিকে ব্যস্ত হয়ে হাত তুলে কাকলীকে বিদায় দিতে গেলাম। দেখলাম নেই, চলে গেছে। পরিবর্তে কানের কাছে শুনতে পেলাম পরমেশবাবুর গলা, ‘চললাম হে। আমাকে যেতে হবে বাজার পেরিয়ে কাঁট রোড ধরে। গাড়ির ব্যবস্থা নাকি নেই। অগত্যা পায়ের হেঁটে।’

বললাম, ‘আপনার সঙ্গে আবার দেখা—?’

কথা শেষ হবার আগেই বললেন, ‘না, এখানে আর দেখা হবে না। কালকের গাড়িতেই আবার ফেরত। তোমরা শৈলবিহার কর।’

এগিয়ে চলে গেলেন। কুলিকে ঠিকানা বললাম। তার মুখের ভাঁজ দেখে মনে হল, তৎক্ষণাৎ চিনতে পারলো। তারপর চওড়া ফিতের মতো দড়ির সঙ্গে বিছানা স্ট্রাকেশ পিঠে ঝোলালো। তারপর স্টেশনের সামনেই, রাস্তার ধারে ঘাস ছাওয়া পাহাড়ের ওপর দিয়ে এগিয়ে চললো।

মনে হল, চোখ দুটি যেন চির সবুজে ডুবে গেল। চোখের সব থেকে বড় স্ফুধা বোধহয় সবুজ বর্ণ।

চলার পথ থেকে বুঝতে পারলাম, কুলি পথ সংক্ষেপ করছে। হিন্দীতে যখন জিজ্ঞেস করলাম, সে ঠিক পথে যাচ্ছে কিনা, তখন আমি তার হলদে দাঁত দেখতে পেলাম। আর পিঠের বোঝা যে দড়িতে ঝোলানো, সেটা কপালের ওপরই মাথার কাছে আটকানো। কপালের চামড়ায় টান পড়তেই সম্ভবত

ভিল পরিমাণ কালো দুটি ছিদ্র দেখতে পেলাম। সন্দেহ নেই, ও দুটি চোখ।
এবং মুখ ভরতি ওর হাসি। বললো, 'ঠিক। চোর বাটো সে যাত।'

চোর বাটো আবার কি? জিজ্ঞেস করতে, সে আমার অবাচীনতায় আর
একবার পর্বতমোহন হাসি হাসলো। তারপর অদ্ভুত দ্রুত উচ্চারণ করলো,
'শট্কাট্কা!'

'শট্কাট্কা?'

'এঃ। হেঃ হেঃ।'

বোঝাতে পেরে খুশি হল। এ বাটো যে আমাদের বাঙলা শব্দের 'ঘাটে
বাটেরই', বাটো তাতে সন্দেহ নেই।

এক সময় ফাঁকা রাস্তা ছেড়ে সে পিচের রাস্তা ধরলো। এবং সহসা যেন
কোনো এক শহরের সীমানায় নিয়ে এল। আবার দেখলাম, বালি ছড়ানো
পিচের প্রশস্ত প্রাঙ্গণ। বাঁ দিকে হাল ফ্যাশানের শো-কেসে-সাজানো বড় বড়
দোকান। কোডাক আর গেভার্টের পণ্য বিজ্ঞপ্তির গোরা মেয়ের ফোটো-
পোশাক আর বিদেশী খাত সম্ভারের ছবি। কানে এল, হে ভগবান! পর্বতপুরের
রানীর বৃকে, প্রথমই কানে এল। বিদেশী অর্কেস্ট্রার সঙ্গতে, মেয়ে গলার হিন্দী
গান, জাস্তি না দে, তো খোড়া খোড়া। আর শুধু তাই নয়। দেখলাম,
উলেন টুপি কালো প্যাণ্টের নিচে শেক্সপীয়ারিয়ান জুতোর সোলে তাল
বাজছে। এই দ্বিপ্রহরেই, রং মাথা মুখের ভিড়, রং-বেরঙের তন্তুজনগ্নবাহার
শাড়ির ওপরে, বিচিত্রতর ক্রোক শুভার কোট কারচীপ বাঁধা গলায় মাথায়।
পুরুষদের প্রায় সকলেরই প্যাণ্ট কোট টাই।

কুলিটা আমার অবস্থা দেখে বলে উঠলো, 'মাল মাল।'

মাল! এঁ তা হলে সেই! ইংরেজদের 'ছায়া নিবিড় বেড়াবার পথ।'।
দার্জিলিং-এর মাল। আমার পক্ষে ইংরেজী শব্দটার অল্প অর্থটিই বেশী অর্থপূর্ণ
হয়ে উঠলো যেন। এই mall মুন্সেরের মতোই প্রায় আঘাতে উত্তত। কানের
চারপাশে ইংরেজী বুকনি, মাঝে-মাঝে কিছু হিন্দী বুলি। তারপরেই শুনলাম
একটা চড়া শিস, পিছনে ঘোড়ার পায়ের শব্দ। দেখলাম, ভারত ললনার,
রং-করা সোনালী কেশ, জিন স্ন্যাক এঁটে ঘোড়দোড় চলছে। কিন্তু যেভাবে
ভয়ে কাঁঠ হয়ে ঝুঁকে পড়ে বসেছে, ভয় হল, হিরোইনটি আছাড় খেয়ে তাত-পা
না ভাঙেন। কারণ এ ক্ষেত্রে হিরোইন বীরাজনা তো নন, নায়িকা।
চারপাশে পোশাকে-আশাকে একেবারে টপ রাস্তা পরিবেশ সন্দেহ নেই।
আভিজাত্য কতখানি আছে, টের পাওয়া গেল না। যদি চকচকে গরম কোটের

কাঁধ একটু ঝুঁকিয়ে, হাতে ছড়ি ঘুরিয়ে, দাঁতে পাইপ কামড়ে ধরে এড়ো এড়ো উচ্চারণে ইংরেজী বলাকে আভিজাত্য বলতে হয়, তাহলে তা ছড়িয়ে আছে এই পথের কেন্দ্রবিন্দুতে। আর মহিলাদের বেশি জুড়ে বসে থাকো, চোখে দূরবীন, কিংবা যেন কাউকেই দেখাচ্ছেন, প্রায় শূন্য চোখে তাকিয়ে অতি মন্থর পথ চলাকে (বকেরা ওভাবেই মাছ ধরে) অ্যারিস্টোক্রেসীর অন্ততম অঙ্গ বলে, তারও বেজায় ছড়াছড়ি।

কিন্তু আশ্চর্য লাগছে মাঝে মাঝে কোনো কোনো বেশিতে, এদেশের গম্ভীর প্রায় ভাবলেশহীন মুখ মায়াবিন্দুলোকে দেখে। তাদের কাকুর ছেঁড়া কোট, ছেঁড়া প্যান্ট। বিচিত্র দর্শন তালি-মায়া আলখাল্লা কাকুর কাকুর লুটিয়ে পড়েছে মাটিতে। শীতের শাগিত নখে আঁচড়ানো, তামাটে রেখাবহুল মুখ। ভাঁজে ভাঁজে পাহাড়ের ধূলিকণায় মলিন। কাকুর খালি মাথা, কাকুর মাথায় জীর্ণ টুপি। পায়ের জুতোয় পাহাড়ী বর্ষা আর অনেক পাথর ঘষার দাগ।

ওরা কী করছে? ওদের মুখে না আছে হাসি, না দেখি বিষয়। যেন মহাকালের মতো চির উন্মুক্ত চোখ, গম্ভীর মুখ নিয়ে বসে আছে। এই পাহাড়ের মতোই নির্বাক গম্ভীর। ওরা কি চিরকাল ধরেই এমনভাবে ম্যাল-এর এই বিচিত্র লীলা দেখে আসছে?

কিন্তু কোথায় আমার পপুলার ভিউ বাড়ি, কোথায় বা বার্চ হিল রোড, কিছুই তো জানি নে। শুনে তো এসেছি, সেখানে নিবিড় নির্জনতা। কুলী দেখলাম, ডানদিকের পথ দিয়ে পশ্চিমগামী। ম্যাল-এর প্রাঙ্গণ ছাড়তেই পথ আবার নিরিবিলি হয়ে এল। পথের ধারে, উত্তর পাহাড়ের গা বেয়ে নেমে গেছে কুটিরের পর কুটির। যেন এলোমেলো ছড়ানো খেলা ঘর। যেন ছেলেবেলার ঝুলোনের সজ্জায় দেখা পাহাড় আর বাড়ি। মাঝে মাঝে সর্পিল সরু পথ। সেখান থেকে ছেলেমেয়েদের খেলার চীৎকার ভেসে আসছে।

কুলি হঠাৎ বাঁধা সড়ক ছেড়ে, কাঁচা সড়কে নামলো। একটু নেমে একটা বাড়ি। বাড়িটার পাশ ঘেঁষে পথ, আরো প্রায় পঞ্চাশ ফুট নেমে পপুলার ভিউ। গেট নেই, পথ চলে গেছে বাড়ির উঠানে, কাঠের বারান্দার ধার দিয়ে।

দেখলাম বারান্দায় দাঁড়িয়ে একটি মধ্যবয়স্ক, নিরাভরণ এ দেশীয় মেয়ে-মায়াবিন্দু। তামাটে মুখের উপর সবুজ শ্রাওলার মতো ছাপকা ছাপকা দাগ। তার পাশে একটি বছর বারো মাসের মেয়ে, ফ্রকের ওপরেই খয়েরী ডোরাকাটা শাড়ি পরেছে। টুকটুকে লাল, বোঁচা নাক, এবং আশ্চর্য, চোখ দুটি নরুন-

চেয়া নয়। আয়ত নয় বটে কিন্তু কালো, ভাগর চোখ দুটিতে একটি পার্বত্য কোতুহল।

পপ্লার ভিউ-এর যিনি মালিক, তিনি কলকাতাবাসী বাঙালী, সে হিসেবে আমি তাঁরই অতিথি। মধ্যবয়স্ক মেয়েলোকটি যে পপ্লার ভিউ-এর কেয়ারটেকার, তাঁর কথা অতুযায়ী সেটাও বুঝতে পারছি। বলে দিয়েছিলেন, আমি গিয়ে নামটা বললেই নাকি কেয়ারটেকার বুঝতে পারবে, এবং আমাকে গ্রহণ করবে। হয়তো আমি এসে পৌঁছবার আগেই তাঁর নির্দেশ এসে পৌঁছেছে কলকাতা থেকে।

মধ্যবয়স্ক একহাত তুলে বুঁকে পড়ে সেলাম জানালো। আমি আমার নামটা বললাম। সে আর একবার সেলাম জানিয়ে হিন্দীতে জানালো, কলকাতা থেকে সাহেব তাকে চিঠি দিয়ে জানিয়েছেন, তাঁর বন্ধু এই তারিখে আসছেন। ‘আপ আইয়ে সাব।’

বলে সে কুলিকে কী বললে। কুলি মালপত্র সহ বারান্দায় উঠে তাদের অভ্যুসরণ করে, ভিতরে ঢুকে গেল। তাদের পায়ের শব্দে বুঝতে পারলাম, কাঠের পাটাতনের ওপর দিয়ে তারা হেঁটে চলেছে। সামনের কাঁচের বড় পালা দরজাটা আপনা আপনি বন্ধ হয়ে গেল। তার আগেই চোখে পড়লো, দরজা দিয়ে ঢুকেই ঘরের একপাশে একটি আয়না, ছাতা আর টুপি রাখার একটা দাঁড় করানো রাক। ব্যবস্থা পুরোপুরি সাহেবী। কিন্তু এদিকে আমরা তো কৌচার পত্তন ঝল্‌ঝল্‌ করছে। আপাতত মোটা পাঞ্জাবির ওপরে হাত কাটা কোট (জ্বর কোট যাকে বলে) চাপাতে হয়েছে। কেয়ারটেকার মেয়েলোকটিও দেখছি সাব্‌ সাব্‌ করছে। বেগতিক! কলকাতার পপ্লার ভিউ-এর মালিক বন্ধুর কথাতুযায়ী জানি, এরাই আমাকে রান্নাবান্না করে খাওয়াবে। খরচটা দিয়ে দিলেই হল। ব্যবস্থা নাকি সব আছে। কিন্তু খাওয়াটাও সাহেবী হবে না তো? শুনেছি, পাহাড়ের ওপরে এখানে খাঙ্গ সবই পাওয়া যায়। মায় মৌরলা মাছ পর্যন্ত! বাঙালীর ছেলে, কে কী মনে করবে জানিনে, একটু মাপটে খাওয়া অভ্যাস। সম্ভবত কড়াইয়ের ডাল, পোস্ত চচ্‌ড়ি আর ইলিশ মাছের অম্বল আশা করা যায় না। নিছক ডাল মাছভাজা আর একটু তরকারী পাব তো?

কিন্তু সামনে অর্ধবৃত্তাকার লন আর বাগানটা আমাকে হাতছানি দিল। বারান্দায় না উঠে পায় পায় সামনের দিকে এগিয়ে গেলাম। দেখলাম, ঘাস ছাঁটা হয় না। সে যদৃচ্ছা বেড়েছে। বিলিতি ফুলগাছগুলোর তেমন যত্ন নেই।

তবু তারা ফুটেছে অজস্র। আমি এদের নাম জানিনে, বর্ণবাহারেই মুগ্ধ। এত রং। একটি ছোট্ট ফুলের বুকে এত বিচিত্র রকমারি রং কেমন করে ফোটে! কী আছে মাটির রসে, কী আছে সূর্য কিরণে, গাছের প্রাণে প্রাণে ডুব দিয়ে দেখতে ইচ্ছে করে।

অর্ধবৃত্তাকার লনের পরেই, পাহাড়ের ঢালু খাদ নেমে গেছে। খাদের ওপারে আর একটি পাহাড়, ভোটিয়া বস্তি। ঘিজি এলোমেলো কুটির। মেয়ে-পুরুষেরা ওঠা নামা করছে। তারপরই চোখ চলে গেল আরো নিচে, উত্তরে পুবে একটি সমতল ভূমি। তাতে একটি রক্তিম বৃত্ত। মনে পড়ে গেল বইয়ে দেখা ছবির কথা, ওটা লেবং। রক্তিম যে বৃত্তটি দেখতে পাচ্ছি, সেটা নিশ্চয় ঘোড়দোড়ের সীমানা। লেবং। লেপ চা ভাষায় ‘আলি’ শব্দের অর্থ জিহ্বা, ‘আবং’ মানে মুখ থেকে। আলিবং, মুখ থেকে জিহ্বা, ইংরেজীতে লেবং দাঁড়িয়েছে। আমি বুঝতে পারিনে, কিন্তু পাহাড়ী মানুষের চোখে, লেবং-এর সমতল মাঠ সম্ভবত মুখের বাইরে জিহ্বার মতোই দেখায়।

আর যতদূর চাই, পাহাড়। কৃষ্ণনীল পাহাড়ের পর পাহাড় অস্তুহীন। কিন্তু উত্তরে পাহাড়ের ওপরে ধূসর আকাশ। তার গায়ে এখন কোথাও কাকনজংঘার চহু নেই। উত্তরের ওই ধূসর আকাশের কোথাও সে আছে। সেই কাকন ধবল স্তব্ধ মৌন গম্ভীর যে, সে ওখানে কোথায়, কী তাকে আড়াল করেছে কিছুই তো দেখতে পাইনে।

তারপর যেন হঠাৎ মনে পড়লো, তাই চকিত হয়ে চোখ ফিরিয়ে নিয়ে এলাম। পপ্লার ভিউ-এর পপ্লার গাছ কোথায়। অবাক হয়ে আবিষ্কার করলাম, পপ্লারের কাছেই দাঁড়িয়ে আছি। লনের শেষ প্রান্তে, বৃত্তের চূপাশে ছুটি নাতিদীর্ঘ পপ্লার গাছ। পূর্বের অশেষ পাহাড়, অসীম আকাশ আর প্রথম সূর্যকে অভিবাধনের জন্ম দাঁড়িয়ে রয়েছে যেন দুই ঘরী।

পপ্লার কি ঝাউয়ের বংশধর? কে জানে। ছেলেবেলায় এ গাছগুলোকে কে যেন চিনিয়ে দিয়েছিল বিত্তা গাছ বলে। সরস্বতী পূজায় কোথা থেকে পপ্লারের পাতার আমদানী হত। বইয়ের ভিতর সারা বছর তার পাতা রেখে দিতাম। শুকিয়ে শুকিয়ে তার চেহারা হত অদ্ভুত, ফসিলের মতো দাগ পড়তো বইয়ের পাতায়। ছেলেবেলা থেকেই এ গাছের ওপর তাই বড় ভক্তি। যদিও, আমার সামনে এ পপ্লারের পাতা এবং ঝাউ একটু ভিন্ন রকমের।

কিন্তু সাতা, নিঃশব্দ নির্জন আর নিঃশীম। মনটা খুশিতে ভরে উঠলো। আশেপাশে বড় বড় বার্চ গাছে অরণ্য হয়ে উঠেছে। মনে হচ্ছে, একটা দোয়েল

যেন ভাকছে কোথাও থেকে। কিংবা দোয়েল ভাবছি, অথ কোনো পাখি হয়তো। প্রজাপতিরা তাদের বর্ণাঢ্য পাখা বোদে চকচকিয়ে উড়ছে।

পিছন ফিরে দেখলাম, বাড়ির সমুখ দিকও অর্ধচক্রাকার। দোতলা কুটির, লাল রং-করা টিনের চাল। ওপরে নিচে, সামনের ছুটি ঘরকেই কাঁচঘর বলা যায়। নিজের ঘরটিতে মানুষের নড়াচড়া যেন দেখতে পাচ্ছি। কে আছে ওখানে?

নিচের ঘরে নম্বর করতে গিয়ে, আবার ওপরে চোখ পড়লো, এবং থমকে গিয়ে প্রায় মিটিয়ে গেলাম। ওপরের ঘরের কাঁচের খোলা জানালায়, ঘরের একটু ভিতরে ওটা কি মানুষ? কালো বিশাল মুখ, সামনে থানিকটা টাক, বাকীটা প্রায় ঘাড় অবধি উল্লুখুল চুল। বয়স কত হবে কে জানে, মুখটা কেবল মনে হচ্ছে পাঁচ সের ওজনের ভাতের হাঁড়ির মতো বিরাট। ছুটি চোখও নিশ্চয়ই আছে, কারণ অনুভব করছি দৃষ্টিশলাকা আমার ওপরেই নিবদ্ধ। বাড়ির মালিক অবশ্য বলে দিয়েছিলেন, 'গিয়ে আপনি হয়তো আর একজন অতিথির দেখা পেতে পারেন, যদি তিনি খেলার চোটে অল্প কোথাও না চলে গিয়ে থাকেন। আশা করি, তাতে আপনার অসুবিধা হবে না।'

এই কি সেই অতিথি? দৃষ্টিটা তাড়াতাড়ি ফেরালাম। কিন্তু সে আমার দৃষ্টি; আর এক জোড়া চোখের দৃষ্টি যে বিধেই রইলো মনে হচ্ছে। কোন দিকে যাই? একেবারে পূর্ব দিকে ফিরে দাঁড়ালাম। হঠাৎ যেন মনে হল, প্রায় একটা ভূতুড়ে পরিবেশে এসে পড়েছি। ওই লোকটার সঙ্গে থাকতে হবে নাকি? কী বিস্তী!

পিছনে সামান্য শব্দেই, চমকে ফিরে তাকালাম। ফ্রকের ওপরে শাড়ি পরা (সেই রকমই মনে হচ্ছে যেন) নাক বোঁচা টুকটুকে গাল মেয়েটা এসে দাঁড়িয়েছে। তার সঙ্গে কুলিটা। ওর প্রাপ্য মেটানো হয় নি।

কত দিতে হবে জিজ্ঞেস করলাম। পরিবর্তে ছ-পাটি হলুদ রঙের দাঁত, মুখের কিছু ভাঁজ এবং ছুটি আঙুল। দাঁত আর ভাঁজ হল হাসি। আঙুল ছুটি পারিশ্রমিকের অঙ্কের ইশারা। আমি কিছু বলবার আগেই, মেয়েটি শুরু গলায় তবৃত্ত্ব করে কী বলে উঠলো। কুলি তৎক্ষণাৎ আট আনা কমিয়ে বললো, 'দেড় টাকা।'

আমি মেয়েটির দিকে তাকালাম। (আমার মন কিন্তু দোতলার কাঁচ-ঘরের জানালায়।) মেয়েটি যেন তাতে লজ্জা পেল, একটু রক্তিম হল। আর লোকটার দিকে ফ্র কুঁচকে উচ্চারণ করলো, 'এক।'

কিন্তু দাঁত আর ভাঁজ এক রকমই রইলো, ঘাড়টা না-এর ভঙ্গীতে দুলে

হুলে উঠলো। বিরক্তি না করে লোকটাকে দেড় টাকা দিয়েই বিদায় করলাম। এবং খুব সন্তুর্পণে না দেখার ভান করে, দোতালার জানালার দিকে তাকালাম। নেই। আঃ! ভাল করে তাকিয়ে দেখলাম, সত্যি নেই।

মেয়েটি বলে উঠলো, ‘চিয়া? চিয়া?’

চিয়া? কি বস্তু সেটা বুঝতে পারলাম না। জ্ঞ কুঁচকে সপ্রশ্ন চোখে তাকিয়ে রইলাম।

পাহাড়ী বালিকার রক্তিম ঠোঁট দুটি চকিতে একবার হাসিতে বিক্ষারিত হল। পরমুহূর্তেই সম্মুখে ও গাভীরে কুঁচকে উঠলো। আর একটু জোর দিয়ে একবার উচ্চারণ করলো, ‘চ্যা: চ্যা:।’

চ্যা: ? চিয়া ও চ্যা:, কি বস্তু হতে পারে? চা কী? জিজ্ঞেস করলাম, ‘চা?’

প্রায় দম দেওয়া পুতুলের মতোই ওর মাথা সম্মুখিত হলে উঠলো। আমারও প্রাণটা হুলে উঠলো। বেলা দেড়টা বাজে। আমাকে এখন নিশ্চয় কেউ গরম ভাত পরিবেশন করবে না। অতএব, চায়ের তুল্য বস্তু আর কি আছে এখন? হিন্দিতেই জিজ্ঞেস করতে হল, ‘মিলবে?’

ঘাড় কাত করে জানালো, হ্যাঁ। তারপর বাড়ির দিকে আঙুল দেখিয়ে বললো, ‘অন্দর আইয়ে।’

ওর পিছু পিছু গেলাম। মাথা তুলে দেখলাম, দক্ষিণে পঞ্চাশ ফুট ওপরের বাড়িটা সেখানে এখন লোকজনের সাড়া-শব্দ পাওয়া যাচ্ছে। বারান্দার কাছে এসে চোখে পড়লো, পপুলার ভিউ-এর পশ্চিম দিকের ঢোকবার মুখে, রাস্তাটা প্রায় সমতলের মতো চলে গেছে খানিকটা। গিয়ে শেষ হয়েছে, বড় বড় গাছের বেটনীর আড়ালে একটি বাড়িতে। সেটিও সাদা রঙের দোতলা কাঠের বাড়ি। মনে হয়, গভীর ছায়ায় বাড়িটা ডুব দিয়ে রয়েছে।

বারান্দা দিয়ে উঠে, ছোট ঘরটির পরেই, ভাইনে একটি বড় ঘর। খোলা দরজা দিয়ে, নিচের কাঁচঘরটা দেখতে পেলাম। মেয়েটি আমাকে বড় ঘরের ওপর দিয়ে সেখানেই নিয়ে গেল। খুশিতে আমার দু-চোখ উজ্জল হয়ে উঠলো। দেখলাম, সেই ঘরেই একপাশের খাটে আমার বেডিং খুলে বিছানা পাতা হয়ে গেছে। বেডিং-এর ভেতর থেকে দাড়ি কামাবার সরঞ্জাম রেখেছে একপাশের একটি ছোট টেবিলে। তোয়ালে রেখেছে আলনায়।

মস্ত বড় একটা ড্রেসিং টেবিল রয়েছে একপাশে। আয়নাটি বেশ ঝকঝকে পরিষ্কার। কাঠের মেঝের কার্পেট পাতা। পূর্ব দিকে কাঁচের ভিতর দিয়ে

দেখলাম, দুই দ্বারী পপ্পলার। বহু দূরান্তে, ওই নীল রেখাটি কি কালিম্পাং ?
মেয়েটি আমার মুখের দিকেই তাকিয়েছিল। চোখ পড়তেই বয়স্কা তরুণীর
মতো ও রক্তিম হয়ে উঠলো। আমি বললাম, ‘বহুত আচ্ছা।’

মেয়েটি তাড়াতাড়ি আর একপাশে সরে গিয়ে একটি দরজা খুলে দিল।
এগিয়ে গিয়ে দেখলাম অ্যাটাচড্ বাথরুম। চমৎকার। আর কী চাই !
উত্তরে দক্ষিণে আর পূবে সবটুকুই কাঁচে ঘেরা। পর্দা টাঙানো আছে।
সরিয়ে দিলেই সমগ্র হিমালয় ভেসে উঠবে চোখের সামনে। আবার বলে
উঠলাম, ‘বহুত আচ্ছা।’

বাথরুমের দরজাটা বন্ধ করে, কালো চোখ তুলে জিজ্ঞেস করলো, ‘আপকো
গরম জল চাহি ?’

মনটা এত তরতরিয়ে উঠলো খুশিতে যে, জবাব দেবার আগে না জিজ্ঞেস
করে পারলাম না, ‘নাম কী ?’

ও সলজ্জ মুখ নিচু করে বললো, ‘পার্বতী।’

হুম্মর ! সব মিলিয়ে প্রায় অপরূপ। কিন্তু ওর লজ্জা ও হাসির মধ্যে
এমন একটি গান্ধীর্যের ভাব কেন ? ওটাকে তো যুবতী ধরম বলেই মনে হয়।
ওর বয়স কি তবে, আমার আন্দাজ অনুযায়ী বারো তেরই নয় ? না কি
পর্বতের পার্বতীদের এমন ধারা। এখন থাক সে বিচার। বললাম, ‘পার্বতী,
গরম জল তা হলে একটু দাও।’

ঘাড় কাত করেই এমন ছুড়দাড় করে ছুটলো, মনে হল, আমার আন্দাজই
ঠিক। পার্বতী বালিকা। ব্যবহারটা অপরিচয় এবং সম্বন্ধের ভাবে একটু
ভারী হয়ে গেছে।

পার্বতী যেতে না যেতেই সেই মধ্যবয়স্কা ঢুকলো। হিন্দীতেই বললো,
‘আপনার গরম জল আসছে। কিন্তু আপনাকে কী খেতে দেব, মা। আমার
কাছে পাউরুটি আছে। তা দিয়ে দেব ?’

‘দাও।’

‘আর রাত্রে কী খাবেন ?’

‘তা তো জানি নে। যা হয় হবে।’

ও হেসে ফেললো। দেখলাম, কয়েকটি দাঁত নেই। জানালো, এখনই
সব সগুদা করে আনিয়ে না রাখলে, রাতে রান্না করে খেতে দিতে অস্ববিধা হবে।

তাড়াতাড়ি কিছু টাকা বের করে দিয়ে বললাম, ‘মাংস ঝুটি-টুটি করো,
আর দিনের বেলা মাছ-ভাত। সাহেবী খানা একদম নট।’

ও শাস্তভাবে বাড় নেড়ে হাসলো। রমাৎ বুঝছে। টাকাগুলো নিয়ে গুলে গুলে দেখলো। বললো, 'সব হয়তো বুঝতে পারব না, যা দরকার হয় বলে দেবেন। এখানে কেউ এলে, তাদের দয়াতেই আমি বেঁচে থাকি সাব।'

বললাম, 'আমি সাব নই।'

ও ফোগলা দাঁতে, বুড়ী মায়ের মতো হাসলো। বললো, 'বাবু। আপনি বাবু।'

'তোমার নাম কী?'

'মায়লী।'

'মায়লী?'

'জীউ বাবু, মায়লী। আমি আমার বাবার মেজ মেয়ে। আমাকে তারা মায়লী বলেই ডাকতো।'

দেখলাম, মায়লীর একটি ছোট্ট নিঃশ্বাস পড়লো। আর আমার মনে প্রশ্ন জাগলো, বাবা মায়লী বলে ডাকতো।

তারপর, আর একজন, আর একজন তো নিশ্চয় আছে যে, যোবনে মায়লীকে মরালীর মতো দেখেছে। সে কী নামে ডাকে? যেটা আসল নাম?

মায়লী নিজেই বলে উঠলো, 'আমার তো কিছু করার কথা নয় বাবু। পার্বতীর বাবা মারা গেল তিন বছর আগে। ফৌজের কাজ খতম করে, পপুলার ভিউ-এর কাজ নিয়ে কেয়ারটেকার হয়েছিল সে। সে-ই সব করে দিত। এখন সে নেই, তাই আমাকেই করতে হয়। ঘরদোর নেই, এখানেই চাকরদের ঘরে মেয়ে দুটোকে নিয়ে থাকি, ছেলে আর ছেলের বউও থাকে এখানেই। তবে—!'

কপালে হাত ঠেকিয়ে বললো, 'নসীব বাবু, ওরা আমাকে চায় না। বড় মেয়ে প্রেমবতী, সামনের গাছ-ঘেরা বাড়িটা আছে, 'দেওদার কুঞ্জ', সেখানে এখন কাজ করছে। ওটাও বাঙালী বাবুর বাড়ি। লেডকা, আর বহু—এসেছে অনেক দিন, থাকবেও অনেক দিন।'

তারপরে হঠাৎ যেন মনে পড়লো মায়লীর, নতুন বাবুর সঙ্গে অনেক কথা বলা হয়ে গেছে। হঠাৎ থেমে বললো, 'গোস্তাকি মাফ করবেন। আপনি বিশ্রাম করুন, চা নিয়ে আসছি।'

কিন্তু তার আগেই আমি জিজ্ঞেস করে ফেললাম, 'মায়লী, ওপরে কে আছেন?'

মায়লী যেন সমস্ত চোখে একবার পিছন ফিরে দেখলো। তারপরে চুপিচুপি গলায় বললো, 'একটো বাবু। বাবু কো বিবি ভী ছায়। বাবু সারাদিন তস্বীর বানায় খার। বলাইতী দারু থায়। কারুর সঙ্গে কথা বলে না।'

কথা বলে না, দারু থায় আর তস্বীর বানায়? কিন্তু বিবির সঙ্গে তো ভজলোক কথা বলেন নিশ্চয়? আর তস্বীর মানে কী? সারাদিন কামেরা ক্লিক ক্লিক করেন, নাক রং তুলি নিয়ে আঁকেন? জিজ্ঞেস করতে মায়লী যা বলল, তার অর্থ আঁকেন। আর্টিস্ট। আমি যে চেহারাটি দেখেছিলাম, সেটি তবে আর্টিস্টের? সর্বনাশ! উনি আর্টিস্ট? অবিশ্বাস! বলবার কিছু নেই। গুণের সঙ্গে কি চেহারার মিল থাকে? তবু কলকাতায় কোনো পরিচিতি আর্টিস্টের চেহারার সঙ্গে মেলাতে পারলাম না। আর দার্জিলিং-এর, মাল-এর নিচে, বাঁচছিল রোডের নিরালায় এসে যখন সারাদিন দারু খান ও তস্বীর বানান তখন সম্ভবত কমাশিয়াল শিল্পী নন। লক্ষ্যগুলো তো সব দেখছি, চলতি মতে ক্রিয়েটিভ জিনীয়দের।

জিজ্ঞেস করলাম, 'নাম কী? কতদিন এসেছেন?'

মায়লী বললো, 'নাম তো বাবু আজতক জানি না। এসেছেন কুড়ি একুশ দিন। থাকবেন কতদিন তাও বলতে পারি না। বাবুকে একটু ডর লাগে।'

'কেন?'

'হরবকত গোড়ির ঘোরে আছেন!'

'গোড়ি?'

'ওই দারু আর কী। বাবুর আঁখি তো আগুনের মতো লাল। ডর লাগে, এই মারে তো এই মারে।'

আমি বললাম, 'বিবিজী তো আছেন। তিনি কি বলেন?'

'বিবিজী তো খালি খান আর দরজা বন্ধ করে শুয়ে থাকেন। বাবু বেড়াতে যান। কভী কভী দিন একলাও যান। আর...আর...'

মায়লীর সম্বোধন দেখে, একটু দ্বিধাই হল। প্রতিবেশীর খবর বোধহয় একটু বেশীই নেওয়া হচ্ছে। কিন্তু যার নিচের তলায় আস্তানা নিয়েছি, ওর সম্পর্কে কৌতূহল নিবৃত্তিও হতে চায় না। বললাম, 'আর কী?'

মায়লী বললো, 'গোস্তাকি মাফ হয় বাবুজী, হুজনে থেকে থেকে খুব ঝগড়া করে।'

'কেন?'

'দৈবর জানেন বাবু, কিনো ঝগড়া করে।' ছায় বাবা, কি ঝগড়া মালুম।

হয় কি, ঘরে দরজা বন্ধ করে মারপিট হয়।’

কী বিপদ! শুনেই যে পপলার ভিউ-এর নিবিড় নিঃশীমের আনন্দ শুকিয়ে যাচ্ছে। এমন সময় হঠাৎ বাথরুমের ভেতর থেকে দরজায় টক্‌টক্‌ শব্দ হল। অবাক হয়ে মায়লীর দিকে তাকালাম।

মায়লী বললো, ‘পার্বতী বাইরের দরজা দিয়ে আপনার জুতো বাথরুমে গরম পানি নিয়ে এসেছে। আপনি যান। আমি চা নিয়ে আসছি।’

সে বেরিয়ে গেল। আমি বাথরুমের দরজা খুলে দেখি গরম জলের গামলা থেকে ধোঁয়া উঠছে। পার্বতী চুপ করে দাঁড়িয়ে। আমাকে দেখে তাড়াতাড়ি বেরিয়ে গেল। যাবার আগে বাথরুমের বাইরের দরজাটা টেনে দিয়ে গেল। কিন্তু মনটা গেছে অস্থিত ভরে। কর্তাগিন্নীর সংবাদ স্তম্ভসংবাদ বলে মনে হল না। তবে শিল্পী, চিত্রকর, এইটুকু হল সান্ত্বনা, এবং সব থেকে বড় কোঁতুহল।

তবু যেন স্বস্তি পেলাম। গরম জলে পরিষ্কার হয়ে, জামা-কাপড় বদলে, চাকুটি খেয়ে যখন পূর্ব-উত্তর কোণে কাঁচের জানালা ঘেঁষে বসলাম’ মনটা যেন নিবিড় এক মধুর আলশ্রে ভরে উঠলো। মনে হল, আমি যেন হিমালয়ের অসীম কোণে ডুব দিয়ে আছি। দেখতে পাচ্ছি, লেবং-এর জিহ্বা-সদৃশ মাঠ, ব্যারাকের মতো বড় ঘরের চালা, ঘোড়দৌড়ের বৃত্ত আর আশেপাশের চা বাগান। সব গভীর কুয়াশায় ডুবে গেছে। নীল কুয়াশায় ঢাকা পড়ে গেছে। দূর থেকে দেখছি যেন চারিদিকে পাহাড়। মাঝখানে এক বিশাল নীল হ্রদ। অথচ পাহাড়ের শীর্ষে সোনালী রোদের খেলা। দূরের একটি পাহাড়ের গা গত বছরে কয়েক শো ফুট চৌহদ্দি নিয়ে ধ্বসে গেছে। সেখানে অভ্র কুচি মেশানো পাথরের গা শানের মতো চক্‌চক্‌ করছে। লনের ঘাস চিক্‌চিক্‌ করছে রোদে। রং বেরঙের ফুলগুলো ছলছে। প্রজাপতিরা উড়ছে। ঝিঁঝিরা ডাকছে। তবু কী অসীম নীরবতা। এ নৈঃশব্দ্যকে যেন স্পর্শ করা যায়। যাকে কাজ বলি, ব্যস্ততা বলি, প্রাত্যহিকতা বলি, সে-সব কোথায় যেন হারিয়ে গেছে। জীবনের সকল তুচ্ছতা যেন বিলীন হয়ে গেছে। যেন নতুন জন্ম নিয়ে, নিবিড় বিশ্ময়ে স্তব্ধ হয়ে আছি। এই মুহূর্তের এই নতুন জন্মকে নিয়ে কী করতে হবে, কিছুই জানি নে। ভাষা নেই, ব্যাখ্যার ক্ষমতা গেছে হারিয়ে। বুকের স্পন্দনে কেবল বাজছে, কী অপূর্ব। কী অপূর্ণ। কি করব, আমার

তো দেবতা-বোধ নেই, কিন্তু হিমালয়কে যেন আমি দেখছি, মহান মৌন গভীর কেউ একজন। মহৎ বিশাল রহস্যময় কিন্তু প্রশন্ন। যেন কী এক আশ্চর্য অস্তিত্বকে অহুভব করি। যেন কী এক মহাপ্রাণকে দেখতে পাই। আর ইচ্ছে করে, আমি জিজ্ঞেস করি, ‘আমাকে তুমি কি নির্দেশ দাও। আমাকে তুমি কী করতে বলো।’...

কোথায় কোন্ গভীরে যেন ডুবে গেলাম। কিন্তু চৈতন্য হারালো না। দেখতে পেলাম, নিচের গভীর লেবং-এর ওপর থেকে কুয়াশা আস্তে আস্তে সরে যাচ্ছে। যেন কেউ ধীরে তার কুয়াশার আলখাল্লাটা তুলে নিয়ে চলে যাচ্ছে। লেবং ফুটে উঠছে আস্তে আস্তে। কিন্তু উত্তরের ধূসর আকাশের দরজা তেমনি বন্ধ। কাঞ্চনজংঘার কপাট খোলা নেই।

হিমালয়ের এ সকল কিছু কি আমাদের জীবনেরই প্রতীক ?

সহসা পায়ের শব্দ পেলাম। ফিরে তাকিয়ে চমকেই উঠলাম। একজন যুবতী মহিলা। উঠে দাঁড়ানো উচিত কি না ঠিক করবার আগেই কানে এল, ‘নমস্ते।’

স্বগোল রক্তাভ টিপ্ ঢাকা দিয়ে, দুটি কাঞ্চনভামায়ী করতল জড়ো হয়ে কপালে উঠলো। অবাক হয়ে ভাবলাম, একি পার্বতীই যুবতী হয়ে এল নাকি ? লাল রাউজ, নীল রং শাড়ি, নাকে একটি ছোট্ট পাথর বসানো নাকছাবি। ঘাড়ের ছপাশ দিয়ে সর্পিণী বেলী দোলানো সামনের দিকে। পায়ে একজোড়া জীর্ণ রঙীন স্নীপার। পার্বতীর মতোই একরাশ বেলোয়ারী চুড়ি ফরসা নিটোল হাতে।

‘আমার অপরিচয়ের বিস্তৃত দৃষ্টি দেখেই বোধহয় মেয়েটির রক্তিম মুখ আরো রক্তিম হল। তারপরেই পিছনে দেখি পার্বতী। সে কি একটা বলে উঠলো। মেয়েটি তাড়াতাড়ি আমার টেবিলের ওপর থেকে চায়ের কাপ-ডিশ তুলে নিয়ে চলে গেল। কিন্তু পার্বতী গেল না। দরজার আড়াল থেকে ওর কাপড়ের অংশটা আমি দেখতে পাচ্ছি। তারপর একটু একটু করে মুখের একটি পাশ ও একটি চোখ জেগে উঠলো দরজার পাশে। শুনলাম, ‘মেরো দিদি প্রেমবতী’। মুখটি আবার অদৃশ্য হল। মেরো দিদি মানে আমার দিদি, প্রেমবতী নামটিও মায়লীর মুখে শোনা ছিল। দরজার দিকে তাকিয়েই তাই জিজ্ঞেস করলাম, ‘কিন্তু তোমার দিদি তো দেওদার কুঞ্জে কাজ করে। এল

কী করে?’

আবার একটু একটু করে মুখখানি জাগলো। সামনের বড় ঘরটা প্রায় অন্ধকার বলে বোধহয়, পার্বতীর আধখানি মুখ ছবির মতো দেখাচ্ছে। কিন্তু পুরোটা নয় কেন বুঝতে পারছি নে। বললো, ‘এখন ওকে ছ’ঘণ্টা ছুটি দিয়েছে, তাই বাড়ী এসেছে।’

‘ও’!

আবার শুনতে পেলাম, ‘কাপ-ডিশ মো লে আবে যাতী রাহা, দিদি বোলি, ও লে আয়গী।’

কথার মধ্যে একটু কৈফিয়তের ছর। যদিও পার্বতী আমার থেকে ভাল হিন্দী বলে। আমি বললাম, ‘ঠিক আছে।’

ও আবার বললো, ‘গোস্ঠাকি নেবেন না।’

আমি বললাম, ‘না না, তাতে কী হয়েছে।’

পার্বতী আবার অদৃশ্য হল। ভালাম বোধহয় চলেই গেল। ভেবে মুখ ফেরাতে যাব, আবার ওর মুখ অর্ধেক ভেসে উঠলো। বললো, ‘মা বাজারে গেছে।’

বলতে হল ‘আচ্ছা।’

তারপরেই আবার, ‘আপনার এখন কিছু চাই?’

যেন চাইলেই পার্বতী খুশি হয়। কিন্তু কি চাওয়া যায়? অবিশ্বি একটি তুষ্কা আমার সময় অসময় মানে না। বললাম, ‘চাই।’

তৎক্ষণাত পার্বতী পুরোপুরি বেরিয়ে, দরজায় একেবারে অ্যাটেনশন। বললো, ‘কী।’

বুঝতে পারি, ওর মায়ের শিক্ষা এসব। অতিথিকে আপ্যায়ন এবং খুশি করার থেকেও, পার্বতীর ছেলেমানুষ মনে, উৎসাহের আধিক্যও বেশী। পরিশ্রমটা ওর কাছে এখনো আনন্দের। আমি বলে উঠলাম, ‘চিয়া চিয়া।’

ও একমুহূর্ত আমার দিকে বড় বড় চোখে ঈঁ করে তাকিয়ে রইলো। পরমুহূর্তেই হেসে উঠে, দাঁত দিয়ে ডুরে শাড়িটার আঁচল কামড়ে ধরে, ধূপধাপ করে দৌড়ে চলে গেল। খুব খুশি!

ও চলে যাবার পরেই, নিখুঁত বাঙালী মেয়ের চীৎকার শুনতে পেলাম, ‘ধাক্কা দিস না লক্ষ্মীটি, পড়ে যাব।’ তারপরেই কয়েকটি মেয়ে গলার প্রবল হাসি ও কলরব যেন আমার দক্ষিণ দিকের জানালাতেই একেবারে ফেটে পড়লো। দক্ষিণ দিকে তো পাহাড়ের পাঁচিল। ফুট পঞ্চাশ ওপরে একটি

বাড়ি, তার ওপরেই ম্যাল রোড। শব্দটি কি ম্যাল রোড থেকেই এল না কি এ বাড়িতেই কেউ এসে ঢুকলো ?

উঠে গিয়ে দক্ষিণের জানলায় ঊকি মেরে উচুতে তাকালাম। অবিশ্বাস্ত দৃশ্য। তিনটি রংবেরঙের শাড়ি প্রায় উড়তে উড়তে নেমে আসছে ওপর থেকে। তাদের লক্ষ্য পপুলার ভিউ কিনা জানিনে, কিন্তু চলটা অনিবার্যভাবে এদিকেই। যদিও পাহাড়ের গায়ে পপুলার ভিউ-এর পাঁচিল খাড়া করা আছে এবং অবিশ্বাস্ত এই কারণে, চিনতে অস্ববিধা হল না, সেই তিন শ্রীমতী। এর এখানে এল কী করে ?

আমার ভাবনা শেষ হবার আগেই, তিনজন একেবারে পাঁচিলের ওপরে ছোটটি, যার নাম ইভা, সে বলে উঠলো, ‘দিদি ঝাঁপ খাব ?’

বলে কী! অমন নিটোল হাত-পাগুলো যে ভেঙে চুরমার হবে! ভয়ে আগে আমিই বলে উঠলাম, ‘দোহাই, ও কাজটি নয়, তার চেয়ে একটু ঘুরে নেমে আসা ভাল।’

ওরা তিনজনেই থমকে গেল। অবাক হয়ে তাকাল আমার দিকে তার পরে তিনজনেই মুখ চাওয়া-চাওয়ি করে, এক মুহূর্ত চূপ করে রইল। প্রথমে একটি গলায় কুক্ করে একটি শব্দ হল। দ্বিতীয় গলায় থিকথিক। তারপর তিন গলাতে খিলখিল।

হাসি একটু সামলে বড়িটাই সম্ভবত বললো, ‘আপনি তো আমাদের সঙ্গে—?’

আমি বলে উঠলাম, ‘এক গাড়িতেই এসেছি।’

ওরা আবার নিজেদের মধ্যে মুখ চাওয়া-চাওয়ি করে একটু যেন লজ্জিত হয়ে উঠলো। কিন্তু নিঃশব্দ হাসিতে মুখে আঁচল চেপে ফুলতে লাগলো।

মেজ জিজ্ঞাসা করলো ‘আপনি, বুঝি এ বাড়িতে এসে উঠেছেন? বেশ সুন্দর বাড়িটা!’

আমি বললাম, ‘কিন্তু আপনারা এখানে এলেন কী করে? ম্যাল রোড থেকে সোজা ঝাঁপ দিয়ে নাকি?’

ওরা তিনজনেই প্রায় সমবেত গলায় শালিকের মতো কিচির মিচির করে উঠলো, ‘না না, আমরা তো ওই বাড়িটার, ওই যে ওপরে দেখতে পাচ্ছেন, ওই বাড়িটায় এসে উঠেছি।’

মানে আমার মাথার উপরেই? আসবার সময় যে বাড়িটার পাশ ধেঁবেই এলাম? আশ্চর্য, টের পাই নি তো!

ইভা বললো, 'বাড়িটার নাম রূপকুমারী।'

হেসে বললাম, 'ঠিক বাড়িতেই এসে উঠেছেন।'

ওরা তিনজনেই হেসে উঠলো। বড় বললো, 'গোছগাছ করেই, চা খেয়ে এ বাড়িটা দেখবার লোভ হল। আমাদের জানালা দিয়ে এ বাড়িটা ঠিক ছবির মতো দেখাচ্ছে।'

বললাম, 'তা বেশ করেছেন। কিন্তু দোহাই, ঝাঁপ খাবেন না।' কথা বলতে বলতে হঠাৎ লক্ষ্য পড়লো, ইভার নজর দোতলায়। সে মজুরে শংকা, এবং যেন সম্বোধনে স্থির। বড় বোনের আঁচলটা নিয়ে শুধু টানছিল। তার-পর তিনজনেই দৃষ্টি ওপর দিকে গেল। দোতলায় আমার দৃষ্টি যাচ্ছে না বটে। অনুমান করতে পারছি, শিল্পী মহোদয় ওখানে। জানালায় এসে দাঁড়িয়েছেন নিশ্চয়। তারও স্থির নিবন্ধ চোখ নিশ্চয় তিন বোনের উপর পড়েছে।

বড়বোন একবার আড় চোখে আমার দিকে তাকালো। আবার ওপরের দিকে। পরমুহূর্তেই আমার দিকে ফিরে বললো, 'কোনখান দিয়ে নামবো বলুন তো?'

বললাম, 'পশ্চিম দিকে এগিয়ে যান, গেলেই রাস্তা পাবেন।'

সঙ্গে সঙ্গে বড় বোন বলে উঠলো, 'ওঠ, চল, ওদিকটায় গিয়ে রাস্তাটা দেখি।'

তিনজনেই দেখলাম ভয়ে ভয়ে ওপরের দিকে তাকিয়ে গুটি গুটি হাঁটা ধরলো। আমার চোখের আড়াল হবার পর মনে হল, ওদের একটু সাহায্য করা দরকার। বাইরের বারান্দায় গিয়ে দাঁড়াই। ফিরতেই দেখি, পার্বতী চায়ের কাপ নিয়ে দাঁড়িয়ে আছে।

বললাম, 'টেবিলে রাখ, আমি আসছি।'

পার্বতী বললো, 'ঠাণ্ডা হো জায়েগী।'

বললাম, 'এখুনি আসছি।'

বলে পা বাড়াতে গেলাম। পার্বতী বলে উঠলো, 'উনলোগ কওন হান্ন?'

একটু যেন বিস্ময় আর অশুশি পার্বতীর পার্বত্য মুখে। কালো চোখের তারায় তীব্র অনুসন্ধিৎসা। ভেবে দেখলাম, অত্নায় কিছু নয়। এখন পার্বতীই আমার কর্ত্রী, আমার ভালো-মন্দের দায়িত্ব তার হাতেই। ছেলে-মাছুষ? তাতে কী। ও যদি বড় হত তবে তো নীরব থাকতো। বাড়িতে আমার ছোট বোন যা করতো, ও ঠিক তাই করছে। তাতে বোঝা গেল,

মনের পথ সমতলে আর পাহাড়ে একই রকম চলে। পার্বতী যে এখন আমারও কোয়ার্টেকার। কারণ, ভেবে দেখ, মা-ও বাড়িতে নেই, বাজারে। দিদি তো এ বাড়ির কেউ নয়, সে দেওদার ভবনের লোক। আমার যদি একটা বিপদ-আপদই ঘটে!

বললাম, ‘ওরা আমার কেউ নয়। বেড়াতে এসেছে। চল দুজনেই যাই।’

এ আমন্ত্রণে একটু যেন খুশি হল। ঘাড় নেড়ে সম্মতি দিয়ে কাপ টেবিলের ওপর রেখে, ডিশ ঢাকা দিল। ওদিকে অ্যানিটী রুমে পৌঁছবার আগেই, মেয়ে গলার একটি তীব্র আর্তনাদ শুনলাম। ছুটে বাইরে বেরিয়ে দেখি, তিন জনেই এদিকে ছুটে আসছে। মেজটি চোঁচাচ্ছে আর জোরে হাত ঝাড়া দিচ্ছে।

উৎকণ্ঠিত বিষয়ে জিজ্ঞেস করলাম, ‘কী হয়েছে?’

কাছে এসে হাত তুলে দেখালো, বললো, ‘এই দেখুন, হাতে জোঁক ধরেছে। কী হবে আমার?’

তাই তো! আমারও যেন গায়ের মধ্যে কেমন করে উঠলো। হাত দিতে পারলাম না। ইভা এবং বড় বোনেরও আমার মতো অবস্থা; ওরা নিজেদের হাত-পা অনুসন্ধানে ব্যস্ত।

পার্বতী তাড়াতাড়ি এগিয়ে গিয়ে টান মেরে জোঁকটা খুলে নিল। ছোট্ট ঘাসের ডগার মতো সরু সবুজ জোঁক। নিয়ে আবার দূরের ঘাসেই ছুঁড়ে ফেলে দিল। সঙ্গে সঙ্গে কে যেন খিলখিল করে হেসে উঠলো পিছন থেকে। সবাই ফিরে তাকিয়ে দেখলাম, প্রেমবতী। পার্বতীও হেসে উঠে, দিদির ঘাড়ের ওপর ঝাঁপিয়ে পড়লো। এবং দু’জনেই হাসতে লাগলো।

মেজটি একবার ভালো করে জোঁক ধরা জায়গাটা দেখে নিল। রক্ত বেরোয় নি, ঈষৎ নুনছাল উঠে যাবার মতো হয়েছে একটি বিন্দুতে। আর একটু সময় পেলেই মোক্ষণ শুরু হত। তারপর ওরা তিন বনেও হাসতে আরম্ভ করলো। আমার মনে হল, কান দুটোতে তালো লেগে গেল ষায়।

হঠাৎ ওরা তিন বোনের হাসি থামালো। পাহাড়ী বোনেদের হাসি আগেই থেমেছিল। তিন বোন নিজেদের দিকে তাকিয়ে, একটু লজ্জিত হয়ে উঠলো। বড় বললো, ‘আপনি খুব ষা-তা ভাবছেন নিশ্চয়।’

‘কেন?’

‘এই চেনা নেই, পরিচয় নেই, অমনি চলে এলাম, আর হা হা করে হাসছি।’

মনে মনে ভাবলাম, সত্যি কি তাই? আগেই কুয়াশায় ডোবা লেবং-এর

দিকে তাকিয়ে পর্বতের ঝিল্লিরের সঙ্গে যেন আমিও নিবিড়ভাবে একাত্ম হয়ে গিয়েছিলাম। তারপরেই এই প্রাণ-চঞ্চল হাসির উচ্ছ্বাস। দেওদার ভবন আর গভনরের বাড়ির উঁচু নিচুর মাঝখানে নানান বনস্পতির ফাঁকে ফাঁকে রোজ্জুছটা, প্রজাপতিদের ওড়া-ওড়ি ছুটোছুটি, ফুল ঝিকিমিকি, প্রাণবেগের ছন্দে বেজে ওঠা, বাঁচহিলের পাহাড়ে পাহাড়ে প্রতিধ্বনিত এই হাসি, আমার নিবিড় তন্ময়তায় কেনো নিরানন্দ এনেছে কি? মনে তো হয় না। বরং সেই নিবিড়তার মধ্যে যেন একটা ধ্বনি আবর্তিত হচ্ছিল। ওদের হাসির বেগে সেটাই বেজে উঠলো। বললাম, 'তাতে বরং সৌভাগ্যই মানছি। পাখা-ওয়ালা প্রজাপতিগুলো হাসতে পারে না, আপনারা পারেন। এইটুকুই যা তফাত।

ওরা তিনজনেই লজ্জা পেল, খুশি হল, একটু দ্বিধাও বোধহয় হল। সবচেয়ে ছোট ইভা তাই বাড় তুলিয়ে বলে উঠলো, 'ইস্!'

বললাম, 'সত্যি।'

তিনজনেই হাসলো আবার। ওদিকে দুই পাবতা ভগ্নী কুঞ্চিত ভ্রু, অথচ একটু অসুসন্ধিগত হাসি নিয়ে এই দৃশ্য ও আলাপন লক্ষ্য করছে।

মেজ বলে উঠলো, 'দেখব একটু এ বাড়িটায় ঢুকে?'

বললাম, 'স্বাচ্ছন্দ্যে।'

কিন্তু ওরা তিনজনেই থমকে গিয়ে একবার ওপরের দিকে তাকালো। যদিও সেখান থেকে কিছুই দেখা যায় না। দেখলাম, ওদের চোখে একটু আগের শঙ্কা জিজ্ঞাসা আবার ফিরে এসেছে। বললাম, 'কিন্তু দোতলা যদি দেখতে চান, সেটা আপনাদের দায়িত্ব।'

বড় ভাড়াভাড়ি ওর সেই গতকালের কলকাতায় পরা বাসি কাজল মাথা চোখ দুটিই বড় বড় করে বললো, 'সেই কথাই তো আপনাকে জিজ্ঞেস করছি। ওরা কারা? ভদ্রলোকের মুখটা কি মস্ত বড়!'

মেজ বললো, 'আর চোখ দুটো লাল টকটকে।'

ইভা বললো, 'আর ওই মেয়েটি—যানে, ভদ্রমহিলা গুঁর বউ বুঝি?'

তিনজনের গলাই বেশ উচ্চগ্রামে বাঁধা। আমি একটু বাইরের ঘরটার দিকে পিছন ফিরে দেখে দিলাম। কারণ, দোতলার সিঁড়িটা ওই ঘরেরই কোণের দিকে। গলা একটু নামিয়ে বললাম, 'ভদ্রলোক একজন আর্টিস্ট, এখনও আলাপ হয় নি, শুনেছি মাত্র। আপনাদের মতো দূর থেকে একবার দেখেছি, গুঁরা কত গিল্লিতে আছেন।'

ইভা বলে উঠলো, 'ওরকম দেখতে কেন ভঙ্গলোককে।'

এ কথার জবাব আমার জানা ছিল না। বড় বলে উঠলো, 'তুই খাম ইভা।
আচ্ছা, আর্টিস্ট মানে, কিসের?'

'চিত্রশিল্পী। মানে ছবি আঁকেন, পেণ্টিং যাকে বলে।'

মেজ বললো, 'বাড়ির ভেতর ঢুকলে ওরা কিছু বলবেন না তো?'

বললাম, 'অসম্ভব নিচের তলায় ঢুকলে তো না বলাই উচিত। কারণ, এটা
নাকি আপাতত আমারই অধিকারে।'

ইভা বললো, 'আমি ঢুকছি। চুরি তো করি নি।'

সে-ই আগে পা বাড়ালো। পিছে পিছে দুই বোন। ওদিকে, পার্বতী
আমার দিকে জিজ্ঞাসু চোখে তাকিয়ে। প্রেমবতী নতমুখী। পার্বতীর চোখ
দেখে বোঝা গেল, তিনটি মেয়ের এ রকম অবাধ প্রবেশ ওর ভালো লাগছে না।
আমার চোখের দিকে দেখে, আমার মনোভাব বুঝতে চাইছে।

বললাম, 'পার্বতী, এস। ওরা তোমাদের এ বাড়িটা দেখতে এসেছে।'

পার্বতী দিদির দিকে একবার তাকালো। প্রেমবতী ঠোট টিপে হাসলো
বোনের দিকে তাকিয়ে। একবার আঁচোখে দেখলো আমাকে। তারপরে
পার্বতীর কাঁধে একটু ধাক্কা দিয়ে, সম্ভবত বললো, 'যা না।'

জবাবে পার্বতী যেন কী বললো। প্রেমবতী হেসে ফেললো, আর কিছু
একটা বললো। পার্বতীর মুখ কিন্তু গম্ভীর। আমি প্রেমবতীর দিকে জিজ্ঞাসু
চোখে তাকালাম।

প্রেমবতী বললো, 'পার্বতী বলছে এরা আপনার কেউ নয় তো, জানলো কি
করে আপনি এখানে আছেন?'

মরেছে! এ যে রীতিমতো জবাবদিহি! তাও কেয়ারটেকারের মেয়ের
কাছে? একটু বিরক্ত হয়ে উঠলাম। বাড়াবাড় ঠেকলো। তাকালাম।
কঠিন কথাই কিছু বলতে যাচ্ছিলাম। কিন্তু পার্বতীর প্রায় শিশুর মতো গম্ভীর
করণ মুখ দেখে কিছু বলতে পারলাম না। আমারও প্রেমবতীর মতো হাসি
পেতে লাগলো। বললাম, 'ওরা এসেছে ওই রূপকুমারী হাউসে। গাড়িতে
ওদের সঙ্গে আলাপ। ওরা আসলে এমনি এসেছিল তোমাদের এ বাড়িটা
দেখতে। আমার সঙ্গে দেখা হবে, এটা জানতো না। দেখা যখন হল, তখন
ওরা তো আমার মেহমান।'

প্রেমবতী আবার খোঁচা মারলো পার্বতীর গালে। চোখ পাকিয়ে চাপা
গলায় ধমকে কিছু বললো।

কথাগুলো বুঝেও ঠিক বুঝে উঠতে পারছি নে যেন। পার্বতী বাড়ির ভিতর দিকে পা বাড়ালো। প্রেমবতী তাড়াতাড়ি আমাকে বললো, ‘ওর কস্বর নেবেন না। ও একটু ওই রকম, আর ছেলেমানুষ তো।’

তা বুঝতেই পেরেছিলাম। বললাম, ‘আমার ওকে খুব ভাল লাগছে, ও খুব ভাল মেয়ে।’ প্রেমবতী হেসে চোখ নামালো। আমি তাড়াতাড়ি ভিতরে গেলাম। ভিতরে তিন বোনের গলাও পেলাম।

শুনতে পাচ্ছি। কিন্তু কোথায় তা বুঝতে পারছি নে।

বাইরের ঘরের পর খাবার ঘর, সেটাও কাঁচের জানালায় ঘেরা। পাশে আর একটি ছোট ঘর, আর এক অংশে যাবার পথ নির্দেশ করছে। সেখান থেকেই আবিষ্কৃত হল, তিন বোনেই রান্না ঘরে গিয়ে জুটেছে। পার্বতীকে নানান কথা জিজ্ঞাসাবাদ করছে। আমাকে দেখে বেরিয়ে এল! এ-ঘর ও-ঘর করে, আমার ঘরটায় ঢুকে, তিনজনেই একসঙ্গে বলে উঠলো, ‘আঃ, কি সুন্দর ঘর! সব কাঁচ দিয়ে ঘেরা। আমাদেরটা এরকম নয়।’

ঘরে চেয়ার সোফার অভাব ছিল না। ওদের বসতে বললাম। বলবার আগেই প্রায় অসন্ধোচে যে যেখানে পারলো, বসে পড়লো। এর পরে স্বভাবতই জিজ্ঞেস করতে হল, ‘একটু চা হোক?’

ইভা এক পায়ে খাড়া। ঘাড় কাত করে বলে উঠলো, ‘হুম।’

মেজ ঠোট কুঁচকে বললো, ‘হুম! ওদিকে বাবা-মা ভেবে ভেবে মরুক।’

বড় বললো, ‘হ্যাঁ, দেরি হয়ে যাবে। আজ থাক, আমরা তো রোজ আসতে পারব।’

সর্বনাশ! দরজার কাছে দাঁড়ানো পার্বতীর দিকে চকিতে একবার দেখে নিলাম। সমতলের নগর-কন্যাদের যে তার একটুও ভালো লাগছে না তা বুঝতেই পারছি। কিন্তু ওর চোখে আবার কোঁতুহল।

বললাম, ‘নিশ্চয় আসবেন।’

ইভা বললো, ‘আচ্ছা আপনার নাম কী?’

নাম বললাম, এবং জিজ্ঞাসু চোখে তাকাতাই, বড় নিজের থেকেই বললো, ‘আমার নাম মল্লিকা।’

মেজ বললো, ‘আমার নাম মালতী।’

ছোট বলার জগ্রে মুখ খোলবার আগেই আমি বলে উঠলাম, ‘মল্লিকা মালতীর সঙ্গে ইভা তো ঠিক মিলছে না?’

তিনজনেই একটু অবাক হয়ে তাকালো। মল্লিকা বললো, ‘ইভা আমাদের

মাসতুতো বোন। কিন্তু আপনি ওর নামটা জানালেন কী করে?’

ইভার দু-চোখ যেন বিষয়ে কেটে পড়ছে। আমি একটু রহস্যময় নীরবতায় ঠোঁট টিপে হাসলাম।

ইভা বলে উঠলো, ‘বলুন না তাড়াতাড়ি।’

বললাম, ‘অত ব্যস্ত কেন, বলছি। যতদূর মনে পড়ছে—’

বলে জ্র জোড়া কুঁচকে, মুখ বিকৃতি করে, একটু শ্বশ্তি হাতড়াবার ভান করলাম। ওদের তিনজনের বোধ হয় নিশ্বাস বন্ধ হয়ে এল। ইভার তো বটেই। বললাম, ‘যদূর মনে পড়ছে, বরণকে যে গবেট বলেছিল তার নামই ইভা।’

তিনজনের গলাতেই একটা অশ্রুট অর্তনাদ ফুটে উঠলো যেন। আরক্ত ইভা তো একেবারে থ। তিনজনে তিনজনের দিকে একবার তাকালো। তাতে বিষয় এবং সন্দেহ দুই-ই ছিল।

মল্লিকা প্রায় চুপিচুপি গলায় বললো, ‘কী করে জানলেন?’

বললাম, ‘আড়ি পেতে নয়। বোধহয় কার্মিসিয়ং-এর ক্যাটারিং-এ ভিড়ের মধ্যে চা খেতে খেতে—’

ইভা বলে উঠলো, ‘এ মা! ছি!’

বলে তাড়াতাড়ি মুখ ঢাকলো। মল্লিকা আর মালতী খিলখিল করে হেসে উঠলো।

আমি বললাম, ‘আহা। তাতে কি হয়েছে! কিন্তু মিটমাট হয়েছে তো?’

ইভা মুখ ঢেকেই রইলো। মল্লিকা আরক্ত হয়ে বললো, ‘চাল পারনি।’

তৎক্ষণাৎ ইভা মুখ খুললো, ‘জাখো বড়দি, ইয়ার্কি করো না বলছি। তাহলে আমি সব ফাঁস করে দেব।’

আমি তাড়াতাড়ি বললাম, ‘উহু, ফাঁস করবার কিছু দরকার নেই। কিন্তু কথা হচ্ছে, ওরা উঠেছে কোথায় সে কথা কিছু বলেছে? অনেক দূরে নাকি?’

এবার তিনজনেই বোবা। সহসা লজ্জা ও সঙ্কোচে, তিনজনের অবস্থাই সমান। কেউ আর আমার দিকে সহজে তাকাতে পারছে না।

আমি গম্ভীর ভাবেই বললাম, ‘মানে আর কিছু নয়, ওরা কাছে-পিঠে থাকলে একটু গান, মাউথ অর্গানের বাজনা-টাজনা শোনা যেত। এই আর কী!’

তিনজনের আরো গুটিয়ে যাওয়াটা আমার কাছে পরম উপভোগ্য হয়ে

উঠলো। ভিতরে একটা হাসির প্লাবন পাক খেতে লাগলো। এবং শেষ পর্যন্ত হাসির বেগ চেপে রাখা গেল না। ওরা তিনজনেও হঠাৎ হাসির পাগলাঝোরার প্লাবনে ফেটে পড়লো। মনে হল গোটা পপুলার ভিউ বাড়িটাই হাসিতে কাঁপছে। এমন কি পার্বতীর অবস্থ বিম্বিত মুখেও, ছোঁয়াচে ব্যাধির মতো হাসি ছড়িয়ে পড়লো। নীল পাহাড়ের শীর্ষে শীর্ষে রক্তিম রোদও যেন হাসছে।

ছুটো দিন কোথাও বেরলাম না। প্রত্যাহের অনেক কোলাহল, অনেক বাস্তবতা, জটিলতা, তিক্ততার বাইরে এসে বার্চহিল রোডের এই নির্জনতা, হিমালয়ের এই আরণ্যক স্তব্ধতায় ডুবে গেলাম। এই ছুদিনের মধ্যে কাঞ্চনজংঘার সঙ্গে, কয়েক মুহূর্তের জন্তে মাত্র ছবার দেখা হয়েছে। যেন শুধুমাত্র নিয়ম রক্ষার্থে দিনে একবার। কয়েক মুহূর্তের জন্তে মন্দিরের দরজা খোলা হয়েছে। দর্শনার্থীদের একটু সাধুনা দেবার জন্তে। অনেক প্রার্থনার ব্যাকুলতায়, একটু উন্মোচন। এবং আশ্চর্য, আকাশ জোড়া সেই দরজা, সূর্যোদয়ের সময়ই একটু খুলেছে। তারপরে, সারাদিনের মধ্যে ঘণা কাঁচের মতো ধূসর আকাশটা গভীর ভাবলেশ-হীন অটুট থেকেছে। বিশ্বাস করা যায় না, উত্তরের ওই ধূসরতার কোথাও সেই আশ্চর্য দরজা রয়েছে।

সেই আশ্চর্য দরজা, যার অন্তরালে রয়েছে তিব্বতীয়দের সকল পাখিব সংসারের খাজাঞ্চিখানা। ওদের ভাষায় কাং-ছেন-দ্-জাং-গা, যার থেকে আমরা উচ্চারণ করছি, কাঞ্চনজংঘা। কাং-ছেন-দ্-জাং-গা-এর বাংলা মানে 'বরফ-বড় খাজাঞ্চিখানা-পাঁচ।' কাঞ্চনজংঘার পাঁচটি শিখরের তারা এই নাম দিয়েছে। যে উচ্চতম শিখরটি আছে, সূর্যাস্তের রক্তিম ছটায় সে সোনার বর্ণ ধারণ করে। তাই সে সোনার খাজাঞ্চিখানা। দক্ষিণের চূড়া সূর্যোদয়ের আগে পর্যন্ত ধূসর, সূর্য বলক লাগলেই রূপোলী হয়ে ওঠে, সে রূপোর খাজাঞ্চিখানা। বাকী তিনটি চূড়াকে বলা হয়েছে রত্ন, শস্ত আর অস্ত্রের খাজাঞ্চিখানা। বিশাল হিমালয়ের চূড়ায় তারা তাদের সকল পাখিব জীবনের প্রতীক দর্শন করেছে। কাঞ্চনজংঘার কাছে তারা আবহমান কাল ধরে প্রার্থনা করে এসেছে জীবনধারণের সকল সার, ধর্ম, খাত্ত, ঐশ্বর্য। কাঞ্চনজংঘা তাদের কাছে সকল রাজার রাজ্য। বাস্তব জগতে মানুষের সকল শাসন মেনে নিয়েও কাঞ্চনজংঘা রাজ্যের বশব্দ প্রজা তারা। তাই পূর্বদিকে শিখরের নাম দিয়েছে

পানদিম। যার অর্থ রাজমন্ত্রী। কাকনজংঘার পাশে পান দিম রাজমন্ত্রীর মতোই দাঁড়িয়ে আছে।

মানুষ বোধহয় এ জন্তেই বিচিত্র, এ জন্তেই, মহৎ, সে অরণ্যে, পর্বতে, সমুদ্রে নদীতে বিশ্বপ্রকৃতির সকল কিছুর মধ্যে জীবনের অর্থকে খুঁজেছে। তার সকল পার্থিব জগতের মধ্যে ভূগর্ভে হৃদয় অপার্থিবকে সন্ধান করেছে।

হুদিন কয়েক মুহূর্তের জন্তে কাকনজংঘাকে দেখেছি। কিন্তু সেই পাঁচ খাজাঞ্চিখানায় একক মহারাজ যেন বড় কুপণ। চোখ মেলে দেখবার আগেই দূর আকাশে, নিঃশব্দে তার ধূসর দরজা বন্ধ হয়ে গেছে। কিন্তু এমন কথা মনে করতে পারিনি, ধূসর দরজার আড়ালে সে মজা করে হাসছে। বরং মনে হয়েছে তার সময় নেই। নির্বিকার মহাকালের মতো, সে যেন কি এক মহান কর্মে ব্যস্ত। এই পৃথিবীর মতোই, সময় নেই, সময় নেই।

এই হুদিন কোথাও না বেরুনোয় আমার সকল শ্রায় তৃপ্ত শান্ত। গভীর অবগাহনের একটি প্রশান্তি যেন আমাকে জড়িয়ে রয়েছে। কিন্তু খুশিতে চঞ্চল দেখছি পার্বতীকে। সে আমাকে বারে বারে জিজ্ঞেস করছে বটে, ‘আপনি কোথাও বেড়াতে যাবেন না?’

হয়তো একটু সন্দেহ হয়েছে, আমি বেড়ার পথবাট জায়গা চিনি বলে বেরতে পারছি নে। তাই বলেছে, ‘মলে সবাই বিদেশীরা বেড়াতে যায়। আপনি কি মল চেনেন না?’

বলেছি, ‘চিনি। সেখানে যেতে ইচ্ছে করে না।’

পার্বতী ওর সরল পার্বত্য চোখে বিস্মিত হয়ে আমার দিকে চেয়ে থাকে। হয়তে ভাবে, আমি দারুণ খাচ্ছি, ছবি আঁকছি, সঙ্গে বউ নেই, তবু শুধু ধরে আর বাগানে বসে বসে কখনো বই পড়ে আমার সময় কাটছে কি করে। অবিশ্রি আর একটা গুরুতর প্রশ্ন ওর চোখের ওপারে লুকিয়েছিল। আমি দেখতে পাই নি। গতকাল সন্ধ্যায় সেকথাটাও আমাকে জিজ্ঞেস করলো পার্বতী, ‘ওরা আসবে বুঝি? তাই কোথাও যান না?’

ওরা? কাদের কথা বলছে পার্বতী। ওর দিকে অর্থাৎ হয়ে থাকিয়েছি। ও একটু লজ্জা পেয়েছে, একটু বোধহয় ভয়ও হয়েছে মনে মনে। তবু দক্ষিণের ওপরে আঙুল দেখিয়ে বলেছে, ‘ওই রূপকুমারীর দিমিলোগ।’

কয়েক মুহূর্ত একেবারেই থমকেই গিয়েছি। বুঝতে অসুবিধে হয় নি, ও মল্লিকা, মালতী, ইভাদের কথা বলছে। মনে মনে হেসেছি। ওদের তিন বোনের কথা হুদিনের মধ্যে যে একবারও মনে পড়েনি তা নয়। ওরা আসবে,

এ কথা একবারও তাবি নি। যদিও আশাটা মোটেই বিচিত্র নয়। যে কোন মুহূর্তেই, বাঁচলি রোডের নির্জন নিঃশব্দ ঝাঁকি ডাকা পাতা বরা রাস্তা, মুখর প্রজাপতিগুলোর কলরবে চকিত হয়ে উঠতে পারে।

আমি অন্তরিকে চোখ রেখে জিজ্ঞেস করেছি, ‘রূপকুমারীর দিদিদের তোমার ভালো লাগে না, না?’

পার্বতী ওর পাহাড়ী স্বরে বলেছে, ‘কিনো?’ বহুত আচ্ছা লাগে!’

কথাটা সম্পূর্ণ বিশ্বাসযোগ্য কি না, বোঝাবার জন্য ওর চোখের দিকে তাকিয়েছি। ও ওর বকবকে দাঁতগুলো দেখিয়ে, রক্তাভ ঠোঁট বিস্তারিত করে হেসেছে। আবার বলেছে, ‘কিনো?’

ওর মুখে ‘কিনো’ শুনে আবার কয়েক মুহূর্ত তা কয়ে থেকেছি মুখের দিকে। এ হাসি, এ চাউনি কি সত্যি কোনো অভিজ্ঞ চতুরা নারীর? একবারও তো তা মনে হয় নি। পার্বতী তো এখনো শিশু, বালিকাই বলতে হবে। ওর দিকে তাকালেই বোঝা যায়, ও কৈশোরের কলরবহীন স্তব্ধ স্থপ্নের পথে হাঁটছে। তরলী লাবণ্যের চকিতে জাগরণের জোয়ার, উচ্ছ্বাস কোথাও নেই। চোখে গভীরতা আছে, তাতে এখনো কোনো ঘূর্ণির পাক নেই। আমার সামনে ওর গাঙ্গীর্গতা তো আসলে সম্পর্কের শালীনতাকে বাঁচাবার জন্তে। তাই ওটা কপট। আমি ওর হাসি চীৎকারও কম শুনলাম না এ দুদিনে। তবু ওর কথা শুনে চমক লাগে, সংশয়ের ঘোর লাগে।

অথচ সামনে, ওর মুখের দিকে তাকিয়ে আবার নিঃসংশয় হয়েছি। চাতুরী ওর মনের দিগন্তে কোথাও নেই। ও অভিজ্ঞ নারীও নয়। হয়তো ওর জীবনের অভিজ্ঞতা কিছু অসহজ, জটিল। মায়ের স্নেহটুকু মাত্র সখল। আর সমস্ত পৃথিবীটাই নির্ধর, কঠিন। বিনা শ্রমে, মুখের গরাসের একটি কোণও ভরে না। আসলে সবটাই প্রবৃত্তির খেলা। যে-প্রবৃত্তির মধ্যে মা বোন এবং চিরন্তন মেয়েটি বাস করে। দুদিন ধরে, কাছে ও দূর থেকে ও আমাকেই দেখছে এবং আমার কোনো সমস্যা আছে কি না, তারই সন্ধান করে মরছে। যদি আমি বলতাম, ‘হ্যাঁ মল্লিকাদের জন্তেই অপেক্ষা করে বসে আছি—’ তবে সম্ভবত, রূপকুমারী হাউসে ছুটে যেত তাদের ডাকতে। ও তো জানে না, হিমালয়ের বৃকে ডুব দিয়ে আমি জীবনায়নের পথ ধরে চলেছি।

বলেছি, ‘এমনি বললাম। আমি রূপকুমারীর দিদিদের জন্তে বসে নেই। এটাই আমার ভাললাগে।’

এর পরে আর ওর মনে কোনো সমস্যা দেখা দিল না। বরং কখন আমি

চিয়া চিয়া বলে উঠবে, সে জ্ঞাত যেন ওর হিয়া খরো খরো। এক এক সময় ইচ্ছে করে, ওকে কাছে ডেকে ছোট্ট কাকলীর মতোই আদর করি কিন্তু ও এমন একটা ভাব করে থাকে যেন, অনেক বড় হয়ে গেছে।

মায়লী এসে কয়েকবার কোঁগলা দাঁতে সবুজ শাওলা মুখে অজস্র রেখা ফুটিয়ে বলেছে, ‘পার্বতী খালি আপনার চারপাশে ঘুরে বেড়াচ্ছে। আপনাকে নিশ্চয় বিরক্ত করছে?’

আমি বলি, ‘না, বিরক্ত কেন? ও খুব ভাল মেয়ে।’

সে কথা আবার মায়লীকে বলার উপায় নেই। তা হলেই টপটপে শিশির পড়া পাতার মতো তার চোখ ছুটি ভিজ়ে ওঠে। বলে, ‘মগর বাবু, খারাপ মায়ের পেটে ওরা জন্মেছে। আমি ওদের একটু হুখ দিতে পারি না।’

বলতে আরম্ভ করলে মায়লীর সুদীর্ঘ দুঃখের কাহিনী সহজে শেষ হতে চায় না। ছেলে আর ছেলের বউয়ের উপর অভিযোগই বেশী। গতকাল রাজে ছেলে আর বউয়ের মাতাল গানও শুনেছি। সকালবেলা পার্বতী বলেছে, দাদা আর বৌদি খুব রকসী খেয়েছিল। দুজনে গান করছে, রগড়া করছে, কেঁদেছে ইত্যাদি।

মায়লীর শেষ কথা হল, ‘পার্বতী বেশী জ্বালাতন করলে ধমকে দেবেন বাবু। ছেলেমানুষ আপনার কাছে একটু আশকারা পেয়েছে, তাই বিরক্ত করতে সাহস পায়।’

বলেছি, ‘ঠিক আছে, ওটা তোমাকে ভাবতে হবে না।’

মনে মনে ভেবেছি, সব কিছুই সম্ভবত একটা ছন্দ আছে। আমার এই নির্জন নিবিড়তার মধ্যে যদি মাঝে মাঝে পার্বতীর আবির্ভাব না ঘটত তবে হয়তো তার ছন্দ নষ্ট হত। এই নির্জনতায় যে এক হাহাকারের অস্তিত্ব আছে, সে হাঁ করে ছুটে আসতো।

ওপর তলার শিল্লীর সঙ্গে খালাপ হয়েছে প্রথম রাত্রি প্রভাতেই। প্রথম দিন স্বামী-স্ত্রী কারুর সঙ্গেই আলাপের সৌভাগ্য হয় নি। তাঁরা নিচেই নামেন নি। সেটাও মায়লীর একটা অভিযোগ। ওদের দুবেলার প্রধান খাবারও নাকি ওপরে পৌঁছে দিয়ে আসতে হয়। নিচের খাবার ঘরে কখনো এসে বসেন না। পার্বতী কিছুতেই ওপরে যাবে না। ওর নাকি সাহেবকে দেখে ভীষণ ভয় লাগে।

রাত্রিবেলা মাথার ওপরে কাঠের ছাদে গুরুভার কিছু পতনের শব্দে চমকে ছিলাম। একবার নয়, কয়েকবার। কিছুটা অলুমান করেছিলাম। শিল্পী মহাশয় হয়তো মত্ত হয়েছিলেন। সকালবেলা চা খেয়ে বাগানে বেরিয়েছিলাম। মনে হয়েছিল কালিম্পং-এর আকাশ থেকে সূর্য উঠেছে। এবং এক মুহূর্তে জগৎ কাঞ্চনজঙ্ঘার দর্শন পেয়ে, উত্তর দিকেই স্তব্ধ হয়ে তাকিয়েছিলাম। আবার যদি দরজা খুলে যায়।

উত্তরের দরজা খোলে নি, দোতলার শিল্পী দম্পতির দর্শন পেয়েছিলাম। দেখেছিলাম, কর্তা-গিন্নী দুজনেই নেমেছেন। দর্শনেই চমকে না উঠে পারি নি। আগের দিন দূর থেকে শিল্পীকে দেখেছিলাম। মুখ দেখেছিলাম। পরদিন সকালবেলা, কালো অলেস্টার গায়ে দেওয়া এবং অসম্ভব চওড়া লোমশ লু, ঐষং রক্তিম কোটরাগত ছোট ছোট চোখ! মনে হয়েছিল সে চোখে একটা দম্ভ আর বিরক্তি যেন মাথামাখি করে রয়েছে। মুখখানি সত্যি বিরাট নিরেট। আর তাঁর পাশেই শিল্পী-গিন্নী। কী আশ্চর্য অমিল। একহারা ফরসা ঐষং লম্বা মুখ, একটি যুবতী। দৈর্ঘ্যে শিল্পীকে ছাড়িয়ে গেছে। দেখেছিলাম, সকালবেলাই ঠোঁটে গাঢ় রঙের প্রলেপ, চোখে কাজল। চুলের গোছা প্রায় রক্ষ, কপাল থেকে সরানো। একহারা ফরসা দীর্ঘ-দেহিনী যুবতী মহিলার সর্বাঙ্গে এমন একটা চোখ খোঁচানো গুঁজতা আর তীক্ষ্ণতা ছিল, মনে হয়েছিল ঝুল ভারী গদার পাশে স্থদীর্ঘ বকবকে সরু তরবারি। বয়স অলুমান করা মুশকিল ছিল। আন্দাজ করছি পঁচিশ-ছাব্বিশ। চোখের চারপাশে ঐষং কালিমার ছায়াই বোধহয় তার চোখের চাউনিকে একটু তির উজ্জ্বল করে তুলেছিল। অহঙ্কারের বালাই ছিল না। মণিবন্ধে শুধু ঘড়ি। নীল শাড়ির ওপরে, একটি সাদা উলের স্কার্ফ কাঁধে ফেলা ছিল মাত্র। শীতে যে কাবু নন মোটেই, বোকা গিয়েছিল গুঁর হাতকাটা, পেট খেলা জামা দেখে।

শিল্পী বোধহয় আমাকে দেখতে পান নি। গিন্নির সঙ্গে তাই প্রথমে চোখাচোখি হয়েছিল। তিনি স্বামীর গা ঘেসে ছিলেন। চোখাচোখি হতেই কেন জানি নে, মনে হয়েছিল, গুঁর চোখ যেন একটা সন্ধিসংসার বলক হেনেছিল। আমাকে পা থেকে মাথা পর্যন্ত একবার দেখে ঠোঁট দুটি বোঁকে উঠেছিল। ঘাড় কাত হয়ে গিয়েছিল। তারপরে একবার বলেছিলেন, ‘আঃ, কী হুন্দর রোদ উঠেছে।’

তাতে শিল্পীর মুখের একটি রেখাও কাঁপে নি। তাঁর নিরেট মুখখানি নিয়ে সূর্যের দিকেই রক্ষ গভীর চোখে তাকিয়েছিলেন। কিন্তু রোদের কথা

বলেই মহিলা আর একবার তাকিয়েছিলেন আমার দিকে, এবং প্রায় অবিস্মৃত ভাবে, নিচের ঠোঁটটা উঠে, কাঁধে একটু ঝাঁকানি দিয়েছিলেন। আমার চেয়ে থাকার অভদ্রতাতে রেগে উঠেছেন, ভেবেছিলাম। তাই তাড়াতাড়ি চোখ ফিরিয়ে নিতে গিয়ে সহসা একটি সরু তাজা রক্তাভ ক্ষত দেখেছিলাম ওর গালে। আরও আশ্চর্য, মহিলার চোখের কোণে মনি, দেখছিলেন আমাকে, কিন্তু বলেছিলেন সামনেই। ঠোঁট দুটি কুঁচকে উঠেছিল। জ্র-জ্রোড়া চোখ পাকানোর মতো ওপরে উঠেছিল।

পপ্লার গাছের কাছে পৌঁছবার আগেই শিল্পীর সঙ্গে আমার দৃষ্টি বিনিময় হয়েছিল। একই বাড়ির বাসিন্দা, স্বাভাবিক ভদ্রতা বোধেই হাত দুটি আমার কপালে উঠেছিল। মুখ থেকে বেরিয়েছিল, ‘নমস্কার।’

ভদ্রলোক যেন ঘুম থেকে উঠেছিলেন, কাঁচা ঘুম ভাঙার মতো একটা হক-চকানো বিরক্তিতে বলে উঠেছিলেন, ‘অ্যা ? ও, হ্যাঁ, নমস্কার ! আপনি কাল এসেছেন নিচের ঘরে, তাই না ?’

গলার স্বর ততোধিক গম্ভীর আর মোটা মনে হয় নি। এবং যা ভয় পেয়ে ছিলাম, হয়তো কথাই বলবেন না, ঠিক তা নয়। বলেছিলাম, ‘আজ্ঞে হ্যাঁ। শুনলাম আপনি একজন—’

ভদ্রলোক তার আগেই বলে উঠেছিলেন, ‘অ্যা ? হ্যাঁ হ্যাঁ, আমি আঁকি।’

আবার মুখফুটে কোঁতুহলটা প্রকাশ করেছিলাম, ‘আপনার নামটি—?’

তৎক্ষণাৎ জবাব দিয়েছিলেন, ‘গণেন, গণেন সেন।’

গণেন সেন নামটা তো পরিচিত ! এঁর কিছু কিছু ছবি আমার দেখা ছিল, এবং চিত্রকলা প্রেমিক হিসাবে গণেন সেন সম্পর্কে একটা কোঁতুহল বরাবরই ছিল। বিষয়ে এক মুহূর্তে স্তব্ধ হয়ে গিয়েছিলাম। আমার সামনে সেই গণেন সেন, যার আঁকা দেখে অনেক কল্পনা করেছি, যার রঙের আবর্তে অনেকবার ডুবেছি। আমি উচ্চারণ করেছিলাম, ‘ও, আপনি। আমার নাম—’

আমার নামটা তাড়াতাড়ি বলেছিলাম। উনি তার জবাবে বলেছিলেন, ‘ও, তাই নাকি ? ঠিক আছে।’

এমন অদ্ভুত চণ্ডের কথা আর কখনো শুনি নি ! ওঁকে যতটা নিরেট, গদার মতো ভারী আর ভাবলেশহীন মনে করেছিলাম, কথায় তা একেবারেই নন। কথা খুব তাড়াতাড়ি বলছিলেন। ঘন ঘন জ্র কুঁচকে উঠেছিল। কাছাকাছি হতে দেখেছিলাম, মুখের সমস্ত রেখাগুলো যেন প্রতি মুহূর্তে

কাঁপছিল। উনি পূর্ব দিকে মুখ ফিরিয়ে একেবারে নিশ্চুপ হয়ে গিয়েছিলেন। আশ্চর্য। তখন আর কালো বেঁটে চওড়া ভল্লুক-সদৃশ লোকটিকে আমি আগের চোখে দেখতে পারছিলাম না। আমার মনে শ্রদ্ধা ও বিষয়ের একটা ঘোর লেগেছিল।

আর যেন ঠিক বিশ্বাস করতে পারছিলাম না, একটা ভয়ংকর দর্শন মাতাল লোক আমার মাথার ওপরে রয়েছে। এবং নিজেকে সোভাগ্যবানই মনে করেছিলেন।

তবু গুরু জীর (নিশ্চয় জী?) ভাব-ভঙ্গি অদ্ভুত লেগেছিল। উনি যখন কথা বলছিলেন তখন 'মহিলাটি অবজ্ঞামিশ্রিত বিদ্বেষে টেপা হাসি হাসি মুখে চোখ বাঁকিয়ে ঠুঁকে দেখছিলেন। গণেন সেন তা দেখতে পাচ্ছিলেন না। আমি যে দেখছিলাম তাতেও মহিলাটির বিন্দুমাত্র জল্পেপ ছিল না। ভেবেছিলাম, গণেনবাবু গুরু জীর সঙ্গে পরিচয় করিয়ে দেবেন। দেন নি বরং ভাব-ভঙ্গি দেখে মনে হয়েছিল গুরু পাশে যে কেউ আছে, তাই যেন খেয়াল নেই।

আমার সঙ্গে কথা শেষের পর মহিলা বলেছিলেন, 'একটু নিচের দিকে গেলে কেমন হয়? গণেন সেন কোনো জবাব দেন নি। যেন শুনতেই পান নি। আমার ভীষণ অস্বস্তি হচ্ছিল। ওরকম একটা পরিবেশ থেকে যেন পালাতে পারলেই বাঁচতাম। এবং পায়ে পায়ে, সরতেই আরম্ভ করেছিলাম। দেখেছিলাম, গণেনবাবুর নিশ্চুপ নির্বিকারত্বে, মহিলাটির কাঁধ দুটি বেকে উঠেছিল। আমার দিকে আড়চোখে তাকিয়ে বিব্রত ভাবটা কাটাবার জগ্নেই যেন হেসেছিলেন। ভীষণ অস্বস্তিতে আমি চোখ ফিরিয়ে নিয়েছিলাম। মহিলাটিকে মোটেই স্বাভাবিক মনে হয় নি। বরং সন্দেহ হয়েছিল। মাথায় ছিট আছে কি না। আর ঠিকভাবে ব্যাখ্যা করতে পারছি। মহিলার প্রতিটি অঙ্গ-ভঙ্গির মধ্যে একটা অশ্লীলতা ফুটে উঠেছিল। মুখটা ফিরিয়ে রেখে যদিও গোপন করতে চাইছিলেন তবু গালের কাটা দাগটা আমি দেখতে পেয়েছিলাম।

ফিরে যেতে গিয়ে আমার কানে এসেছিল, 'এই এই।'

মহিলার গলা। ফিরে তাকিয়ে দেখেছিলাম, উনি গণেন সেনকে পিঠে দাক্ষা দিয়ে ডাকছেন। গণেন বাবুর গলা শুনতে পেয়েছিলাম, 'কী?'

'ডাকলে জবাব দাও না কেন বলতো? নিচে যাবে একটু?'

'তুমি যাও।'

'আমার একলা ভয় করে।'

মহিলাটি যেন ঠিক কচি খুঁকির মতো চোঁট ফুলিয়ে আঙুরে গলায় কথা

বলছিলেন। গণেনবাবু কোনো জবাব দেন নি। আবার মহিলার গলা শোনা গিয়েছিল, ‘কী ভীষণ জ্যোঁক বাবা এখানকার ঘাসে। বিচ্ছিরি জায়গা। এস না সঙ্গে।’

বলে গণেনবাবুর হাত ধরে টেনেছিলেন। গণেনবাবু ঝটকা দিয়ে হাত ছাড়িয়ে নিয়ে প্রায় ঝেঁজে উঠেছিলেন, ‘আঃ ছেড়ে দাও।’

সঙ্গে সঙ্গে ভদ্রমহিলা গণেনবাবুর চওড়া শরীরটা প্রায় দু’হাতে জড়িয়ে ধরেছিলেন। আতঙ্কে যেন চীৎকার করেই উঠেছিলেন, ‘ওরে বাবা! এত জোরে ধাক্কা দিয়েছ, পড়ে যাচ্ছিলাম আর একটু হলে।’

বলেই ছেড়ে দিয়ে হেসে উঠেছিলেন। চোখ তুলে দেখেছিলেন আমি দেখছি কিনা আমি তাড়াতাড়ি মুখ ফিরিয়ে নিতে যাচ্ছিলাম। যদিও মহিলা টের পেয়েছিলেন, আমি সমস্ত ঘটনাই দেখছি। কিন্তু মুখ ফিরিয়ে নিতে পারি নি। মহিলার কাণ্ড দেখে একেবারে থ হয়ে গিয়েছিলাম। গণেনবাবু তেমনি ভোটিয়া বস্তুর দিকে মুখ করেই দাঁড়িয়েছিলেন। এবং মহিলাটি আমাকে দেখিয়ে দেখিয়েই, পিছন থেকে গণেনবাবুকে জিত ভেংচে-ছিলেন। আর হেসে উঠেছিলেন খিল খিল করে।

আর কিছুতেই দাঁড়িয়ে থাকতে পারি না। তাড়াতাড়ি বাড়ির মধ্যে ঢুকে পড়েছিলাম। বাইরের ঘরেই, কোণের আয়নার সামনে পার্বতী দাঁড়িয়ে ছিল। বুঝতে পেরেছিলাম, সে অগ্ন্য কোথাও ছিল। সেইমাত্র বাইরের ঘরের আলো-আঁধারি কোণে এসে দাঁড়িয়েছিল। আর খয়েরী ডুরে শাড়ির আঁচলটা মুখে চেপে হাসছিল, ‘ওদের দেখলেন?’

‘হ্যাঁ।’

তারপর চোখ বড় বড় করে বলেছিল, ‘আপনাকে কী বললো ওই লোকটা? গালাগাল দিচ্ছিল?’ বলেছিলাম, ‘না, গালাগাল দেবেন কেন? এমন কথা হচ্ছিল, উনি একজন খুব বড় মানুষ।’

কথাটা আপদেই বিশ্বাস করে নি পার্বতী। কয়েক মুহূর্ত স্তব্ধ বিষ্ময়ে আমার মুখের দিকে তাকিয়েছিল। বলেছিল, ‘বড় আদমি হুই? তো দারু কিনো পিতা? মারপিট কিনো করতা?’

সত্যি, কথার কোনো জবাব দিতে পারি নি। দারু খাওয়াটা যদি বা যুক্তি দিয়ে বোঝানো যেত, মারপিটটা বোঝানো যেত না। আমার নিজের বিষ্ময়ও কম ছিল না। ‘হু’ জনকেই যেন কেমন অস্বাভাবিক রহস্যময় মনে হয়েছিল। গণেন সেন দম্পতি মারামারি করেন, ভাবতেও অবাক লাগে।

অথচ মহিলার গালের সরু লম্বা ক্ষতটি তো তাজাই। সব ঘেন কেমন এলোমেলা হয়ে গিয়েছিল।

ভিতরে ভিতরে একটা দিশাহারা বিশ্বয়ে, পার্বতীকে ঠিক জবাব দিতে পারি নি। বলেছিলাম, ‘ওসব কেন করেন, আমি জানি না। কিন্তু উনি একজন বড় মানুষ, এটা জানি।’

পার্বতী অসহায় বিশ্বয়ে আমার মুখের দিকে তাকিয়েছিল। আমি আমার কাঁচধরে গিয়েছিলাম গুঁদের দেখব বলে। তখন আর গুঁরা সেখানে ছিলেন না। হয়তো মহিলার টানাটানিতে নিচেই নেমে গিয়েছিলেন।

হুদিনের মধ্যে আর গণেশবাবুকে দেখতে পাই নি। মহিলাকে দেখেছিলাম। এবং সে দৃশ্য ভোলবার নয়। পরদিন দুপুরের খাওয়ার পাট মিটে যাবার পরেও, খাবার ঘরেই বসেছিলাম। কাঁচের জানালা দিয়ে উত্তরদিকে পাহাড়ের শীর্ষে শীর্ষে রোদের খেলা দেখছিলাম। হঠাৎ দুপদাপ শব্দ এবং মেয়ের গলার তীক্ষ্ণ চীৎকারে চমকে পিছন ফিরেছিলাম। দেখেছিলাম, লেশ বসানো সিল্কের শায়া আর একটি সংক্ষিপ্ত অন্তর্বাস মাত্র মহিলার শরীরে। কাঁধে একটি লাল তোয়ালে।

রুম্ফ চুল খোলা। বাংলা ভাষাতেই তিনি গলা ফাটিয়ে চীৎকার করছিলেন, ‘পার্বতী, এই ছুকরি, কতক্ষণ ধরে যে গরম জল চাইছি, কী হল?’

বলতে বলতে উনি খাবার ঘরে ঢুকতে গিয়ে আমাকে দেখে বোধহয় একটু ধমকে ছিলেন। সে এক মুহূর্ত। তারপরেই অসঙ্কোচে ঢুকে, রান্নাঘরের দিকে যাচ্ছিলেন। তার আগেই পার্বতী এসে পড়েছিল। ভীকু গলায় বলেছিল, ‘আভী লে জাতী মেমসাব।’

মহিলা শরীরের একটা অভূত ভঙ্গি করে, থেঁকিয়ে উঠেছিলেন, ‘আভী লে জাতী! মারব এক খাপ্পড়, একেবারে বদন বিগড়ে দেব। কখন থেকে জলের জন্তে হাঁ করে বসে আছি, ওর আর পান্তা নেই।’

ইতিমধ্যে মায়লীও এসে পড়েছিল। বলেছিল, ‘কস্বর মত্ লিজিয়ে মেমসাব আভী জাতী।’

মহিলা সমস্ত অঙ্গ ছুলিয়ে, কাঠের মেঝেয় দুপদাপ শব্দ করে চলে গিয়েছিলেন। আমি পাথরের মতো স্তব্ধ হয়ে বসেছিলাম।

পার্বতী করুণ মুখ নিয়ে ফিরে গিয়েছিল রান্নাঘরে। মায়লী কপালে আঙুল ছুঁইয়ে বারে বারে দাঁড় নেড়েছিল। বলেছিল, ‘আপ দেখা বাবুজী? কেয়া বাতায়গা।’...

আমার মনে হয়েছিল, মহিলা চালাচলন ব্যবহারের মধ্যে একটা যেন হিষ্টিরিয়ার লক্ষণ রয়েছে।

এই দুদিনের মধ্যে, আর একটি ঘটনা আমাকে কৌতূহলিত করেছে। দেওদার ভবন আর প্রেমবতীকে নিয়ে কোথাও একটা গোলমাল ঘটেছে। মায়লীর মুখে শুনেছি, দেওদার ভবনে যে দম্পতি আছেন, তাঁরা এসেছেন প্রায় দেড়মাস। দেওদার ভবনের মালিকও তাঁরা-ই। এই দম্পতির মাঝখানে আর একজন আছেন। তিনি নাকি দার্জিলিং-এরই আপাতত বাসিন্দা, বড় এক সরকারি চাকুরে। চাকরি উপলক্ষেই দার্জিলিং-এ বাস। নাম শ্রীমন্ত রায়। ভবনের মালিক, কলকাতার কোনো এক সম্পন্ন লাহিড়ী পরিবার। তাঁদেরই এক ছেলে শুভেন্দু আর তাঁর স্ত্রী ললিতা (নামটা পার্বতীর মুখে শুনেছি) রয়েছেন এখানে। শুভেন্দুর নাকি ছেলেবেলার বন্ধু শ্রীমন্ত। এখন দেওদার ভবনই নাকি তাঁর বাসা হয়ে উঠেছে। উনি অবিবাহিত।

এই সব নামধাম পরিচয়, সবই প্রায় মায়লী আর পার্বতীর কাছে পেয়েছি। কোনো কৌতূহল প্রকাশ করে নয়। নিতান্তই কথায় কথায়। এ কথাও শুনেছি, গিন্নি ললিতার প্রেমবতীকে একদম পছন্দ নয়। তাঁর সমর্থক শ্রীমন্ত। শুভেন্দু প্রেমবতীকে তাড়াবার কোন কারণ খুঁজে পান না।

এঁদের তিনজনকেই চোখে দেখার শৌভাগ্য আমার হয়েছে। যে দুদিনের কথা বলছি, তার প্রথম দিন দুপুরেই আমার কাঁচঘরের জানালা দিয়ে লেবং-এর দিকে তাকিয়ে বসেছিলাম। জানতাম, আমার পিছনে নিঃশব্দে পার্বতী এসে দাঁড়িয়ে রয়েছে। আমার মতো একান্ত এই একলা নির্জনতা প্রেমিক লোকটির প্রতি ওর অসীম কৌতূহল। জানি, একটু পরেই ও জিজ্ঞেস করবে, ‘এক নজরে তাকিয়ে তাকিয়ে কী দেখছেন?’

আমি বলব, ‘পাহাড়।’

ও বলবে, ‘কোন পাহাড়টা?’

তারপরেই শুরু হবে ওর আশ্চর্য আশ্চর্য সব কাহিনী। তার মধ্যে অধিকাংশই অলৌকিক মানুষ ও ঘটনার গল্প। বিশেষ করে, লালচে দাড়িওয়ালা এক ভোটগিয়া গুণিনের কথা। সে নাকি অদৃশ্য হবার মন্ত্র জানে। মেয়েদের, বিশেষ করে পার্বতীদের বয়সের মেয়েদের মন্ত্র দিয়ে ছোট একটা পাখি তৈরি করে খাঁচায় ভরে নিয়ে যেতে পারে। কেউ টেরও পাবে না। কারণ, আমার

পাখি আমি খাঁচায় ধরে নিয়ে যাচ্ছি, তুমি কিছু বলতে পারো না।

আমি যদি অস্বাভাবিক হয়ে বলি, ‘তাই নাকি?’ তাহলে পার্বতীর কালো ঈষৎ গোল চোখ দুটি উত্তেজনায় চকচকিয়ে ওঠে। বলে, ‘ইয়ো পপ্লার ভিউমে ভী উ কভী কভী আতা। আমি তখন ওর চোখের আড়ালে গিয়ে লুকিয়ে থাকি। এবং শুধু এ সবই নয়। ছেলেদেরও মন দিয়ে ঠিক পোষা কুকুর বানিয়ে ফেলতে পারে। তুড়ি দিয়ে শিশু দিয়ে ডাকলেই ল্যাজ তুলে ওর পিছন পিছন চলে যাবে।

কী ভয়ংকর লোক! এর পরে জিজ্ঞেস করতেই হয়, ‘আমাকেও নিয়ে যেতে পারে?’

‘বেসখ্।’ একেবারে চোস্ত হিন্দী উচ্চারণে বলে পার্বতী। এবং নিয়ে গিয়ে ওর বাড়িতে রেখে দেবে। খেতে দেবে না কিছুই। না খেয়ে শুকিয়ে মরে যেতে হবে।

এ কি অবিচার! কুকুর বানাবে, খেতেও দেবে না? বাঃ। তা হলে আর গুণিন হয়েছে কেন? তাও তো বটে।

যাই হোক, লেবং-এর দিকে তাকিয়ে বসেছিলাম। পপ্লার ভিউ-র উত্তর গা দিয়ে তিন চার ফুট নিচে একটি কাঁচা রাস্তা আছে। প্রায়ই ও-পথ দিয়ে স্থানীয় লোকদের নিঃশব্দে চলাকেরা লক্ষ্য করি। হঠাৎ দেখি একজন মহিলা আর একজন পুরুষ চলেছেন সেই পথে, পুরুষটি পুরোপুরি সাহেব। মজবুত শক্ত শরীর। চলার মধ্যে এমন একটা ভাব যেন এ বিশ্বকে দেখিয়ে চলার একটা স্পর্শ তাঁর আছে। জীব-জগতের সবটাই অনেকখানি তুচ্ছ। চওড়া ঘাড়ের ধাক্কায় তিনি সব ধসিয়ে দিতে পারেন। বয়স বোধহয় চল্লিশের কাছাকাছি। মহিলাটিকেও পুরোপুরি মেমসাব বলতে বাধা ছিল না। কপালে কোপলে ঠোঁটে ভুরুতে রং তো ছিলই, চুলের একটি গুচ্ছ কপালের ওপর এসে পড়েছিল। শুনেছি, ওঁটা নাকি ইচ্ছাকৃত প্রসাধনের পর্যায়ে পড়ে। চোখ দেখতে পাই নি। কারণ সেখানে আয়ত হরিণ চোখের ছাঁচে ঢালাই করা এক জোড়া কালো কাঁচ পরা ছিল। গগল্‌স্‌ যার নাম। চোখ ঢাকা থাকতে তাঁর সৌন্দর্যের সবটুকু দেখতে পাই নি। স্বাস্থ্যটি ভালোই। বয়স তিরিশের উপরে নয় সম্ভবত। মায়লার মতে তিনি বন্দ্য। সম্ভান হয়নি একটিও।

পার্বতী আমার পিছন থেকে ফিসফিস গলায় বলে উঠেছিল, ‘দেওদার ভবন কি বহুজী।’

—অর্থাৎ ললিতা। জিজ্ঞেস করেছিলাম, ‘আর উনি কে? শুভেন্দুবাবু?’

পার্বতী তাড়াতাড়ি বলে উঠেছিল, 'না, না, উ শীমন্তবাবু হই।'

শীমন্তকে শ্রীমন্ত ধরে নিতে হবে। ওঁরা দুজনেই একবার পপ্লার ভিউ-এর দিকে মুখ তুলে তাকিয়েছিলেন। কিন্তু আমার ঘরের দিকে নয়, দোতলার দিকে। দুজনেই কিছু বণাবলি করেছিলেন এবং হাসাহাসি করেছিলেন। শ্রীমন্ত এমন কিছু বলেছিলেন যাতে ললিতাকে লাল হয়ে উঠে বলতে হয়েছিল, 'যাঃ।' তারপর হাতের ছোট ব্যাগটা খুলে চেপে হেসে উঠেছিলেন।

কিন্তু মুখ ফিরিয়ে একটি আশ্চর্য ঘটনা লক্ষ্য করেছিলাম, যেটা পার্বতীর চোখেও পড়ে নি। পপ্লার ভিউ-এর লনের প্রান্তে, দক্ষিণ দিকের প্রকাণ্ড দেবদারু গাছের আড়ালে নীল রঙের একটি শাড়ি পরে দাঁড়িয়েছিল প্রেমবতী। দেখছিলাম ও তীক্ষ্ণ চোখে যেন ললিতা আর শ্রীমন্তকেই লক্ষ্য করছে। আমি পার্বতীর মুখের দিকে তাকিয়েছিলাম। ও দিদিকে দেখতে পায় নি। শ্রীমন্ত আর ললিতাকেই দেখছিল। বিস্মিত কোঁড়ুহলে আমিও আবার দেখেছিলাম ওঁদের। ওঁরা পশ্চিম থেকে এসে, পুর্বের ঢালুতে বেকে ক্রমেই নেমে যাচ্ছিলেন। আস্তে আস্তে ওঁদের মাথা ডুবে গিয়েছিল।

দেখেছিলাম, প্রেমবতী দেবদারু গাছ ধরে, গলা তুলে উঁকি মেরে দেখেছিল। অনেকক্ষণ দেখেছিল। তারপরে এদিক ওদিক দেখে দক্ষিণে, পাহাড়-কাটা দেওয়ালের কোল ঘেঁষে চলে গিয়েছিল। অদ্ভুত লেগেছিল ব্যাপারটা।

পার্বতীর দিকে তাকিয়ে দেখেছিলাম, ঠোঁটে ঠোঁট শক্ত করে টেপা। বোঁচা নাকের পাটাও ফুলে উঠেছিল চোখ দুটি যেন দপদপ করছিল। বলেছিলাম, 'কী হল পার্বতী?'

পার্বতী আমার দিকে ফিরে বলেছিল, 'শীমন্তবাবু খারাপ আদমী।'

'কেন?'

জবাব দিতে গিয়ে হঠাৎ যেন লজ্জায় একটু আরক্ত হয়ে উঠেছিল পার্বতী। তাড়াতাড়ি চোখ নামিয়ে বলেছিল, 'আমি জানি। সবকোই জানতা।'

জিজ্ঞেস করেছিলাম 'কী জানে সবাই?'

পার্বতী পুরনো রবারের স্লীপার দিয়ে কাপের্টের ওপর ঘসছিল। হঠাৎ কোনো জবাব দিতে পারে নি। চোখ তুলে চকিতে চকিতে আমাকে দেখছিল, আর সঙ্কোচে ও লজ্জায় মাথা আরো झুয়ে পড়ছিল। কোনোরকমে খাপছাড়া-ভাবে একবার উচ্চারণ করেছিল, 'ওরা—ওরা, দুজনে...'

তারপরেই মাথা নেড়ে বলে উঠেছিল, 'মো নেই বাতানে সাকতী।'

সহসা আমারও খেয়াল হয়েছিল, পার্বতীর মুখ থেকে ওভাবে কিছু শোনা

আমার উচিত হচ্ছে না। বলেছিলাম, ‘থাক, তোমাকে কিছু বলতে হবে না।’

যদিও আমি কিছুটা অনুমান করতে পেরেছিলাম। এবং ভেবেছিলাম, প্রেমবতীর ভাবভঙ্গি যেন অনেকটা গুপ্তচরের মতো। কার গুপ্তচর সে? শুভেন্দুর নাকি? না কি, শুধুমাত্র একটি মেয়েলী কৌতূহল ও উত্তেজনায় অমন নুকিয়ে দুজনকে দেখছিল?

কিন্তু কী লাভ ওসব ভেবে? হয়তো ললিতা এবং চিরকুমার শ্রীমন্ত সমাজের চলতি নিয়মের বাইরে পা বাড়িয়েছে। শ্রীমন্তর চিরকুমারস্ব হয়তো ললিতার ছোঁয়ায় কাঁপছে থরথরিয়ে, ফাটল ধরেছে। ওরা কেউ চোট নন। ওঁরা খারাপ কিংবা ভালো, সে চিন্তাই বা আমি করি কেন?

এই অসীম বিশাল, বাস্তব ও অলৌকিকে মাখামাখি কী রহস্য যেন শুদ্ধ অথচ মুখর বিরাট হিমালয়ের বুকে কত ললিতা, কত শ্রীমন্তরা মানবলীলার বিচিত্র খেলা খেলে গেছে। হিমালয় মহাকাশের মতো সব দর্শন করেছে। কিন্তু তার চিরলীলায় কোথাও বিষয় ও মাধুর্যের অভাব হয় নি। অজস্র লীলার ভাণ্ডার এই বিচিত্র লীলাময়কেই তাকিয়ে দেখি। ডুব দিয়ে থাকি তার পরম শান্তি ও গান্ধীর্যের কোলে। কিন্তু পার্বতীকে ঠিক বুঝতে পারি নি আসলে। ও যে অত্যন্ত নিবিষ্ট চোখে আমার মুখের প্রতিটি ভাবভঙ্গি লক্ষ্য করছিল, তা জানতাম না। জানতাম না, ললিতা-শ্রীমন্ত প্রসঙ্গ ওর বুকের মধ্যে তখনো টগবগিয়ে ফুটছিল। ও বলেছিল, ‘আপ সমঝ গেয়া?’

আমি চাপা দেবার জন্তেই বলেছিলাম, ‘না।’

পার্বতী মাথা ঝাঁকিয়ে অস্বস্তিসূচক শব্দ করেছিল। অর্থাৎ কেন আমি বুঝতে পারছিলাম না। এবং শেষ পর্যন্ত এ অবুঝকে বোঝাতে, লজ্জা সঙ্কোচ বিসর্জন দিয়ে বলে ওঠেছিল, ‘ইসকে মানে, বহজী আপনা স্বামীকে ছিপাকে...’

আমি তাড়াতাড়ি গান্ধীর গলায় বলে উঠেছিলাম, ‘বুঝেছি, বুঝেছি।’

আমার গান্ধীর্য ও চেয়ে দেখে নি। খুশি হয়ে বলেছিল, ‘সমঝ গেয়া আপ?’ ‘হুম।’

‘তো ইয়ে খারাপ ছই কি না?’

ঘাড় কাত করে ও আমার দিকে তাকিয়েছিল। আমি অন্য দিকে তাকিয়ে তেমনি সংক্ষেপে জবাব দিয়েছিলাম, ‘হুম।’

তখন ওর সংবিৎ ফিরেছিল, লক্ষ্য করেছিল আমার গান্ধীর্য। নিচু গলায় বলেছিল, ‘আপকা গোসা হয়?’

‘হ্যাঁ।’

‘কিনো?’

‘তোমার মুখে এসব কথা আমার শুনতে ইচ্ছা করে না।’

পার্বতী চুপ করেছিল। জানতাম, এই সামান্য লোকালয়, এখানে যে কোনো ঘটনাই সকলের কানে ওঠে। বিশেষ করে পার্বতীদের জীবনধারণের রীতিটা এমন যে, পরের খবরটা ওদেরই যেন বেশী রাখতে হয়। মায়লীর নিশ্চয় এমন বোধ নেই, ছোট মেয়ের সামনে কি কথা বলা যায় বা যায় না। পার্বতীর কোন দোষ নেই। হয়তো আমি যা ভাবছি, তার চেয়েও গুরুতর গৃহ জীবনের নানান সবাদ তার জানা আছে। তবু না বলে পারি নি, ‘তোমার ওসব বিষয় ভাবা উচিত নয়, ওসব কথার মধ্যে তোমার মতো মেয়ের থাকা উচিত নয়।’

ও বলেছিল, ‘জী।’

স্বভাবতই কুণ্ঠা ও অপরাধ বোধ ছুটে উঠেছিল ওর মুখে অথচ জানি, পার্বতী অত্যন্ত সরল, মন এখনো সম্পূর্ণ নিষ্কলুষ। ও চুপ করে দাঁড়িয়েই ছিল। আমিও কিছুক্ষণ কোন কথা বলতে পারি নি। তারপরে ও নিজেই বলেছিল, ‘এখন আপনাকে একটু চিয়া দেব?’

গলার স্বরটা রুদ্ধ মনে হয়েছিল। কিন্তু পার্বত্য মেয়ে, সহজে চোখের জলে ভাসতে রাজী নয়। ও তখন আমার গাভীর ভাঙবার চেষ্টা করেছিল। আমি খুশি হয়ে উঠেছিলাম। হেসে বলেছিলাম, ‘বাঃ, তুমি তা বহুত আচ্ছা লেড়কী হায়। জরুর লে আও।’

ভেবেছিলাম ঝকঝকে দাঁত দেখিয়ে হেসে উঠবে। কিন্তু চকিতে একবার আমার দিকে তাকিয়ে পার্বতী ছুটে চলে গিয়েছিল। আমার মনটা বিমর্ষ হয়ে উঠেছিল সহসা। বসে থাকতে পারি নি। আন্তে আন্তে পা টিপে টিপে রান্নাঘরের দিকে গিয়েছিলাম। রান্নাঘর অবধি পৌঁছতে হয় নি। খাবার বরের এক কোণেই দেখেছিলাম, পার্বতী ওর থেকে অনেক বড় শাড়ির আঁচল দিয়ে চোখ মুছে। আমাকে দেখা মাত্র, ধরা পড়ে যাওয়ার লজ্জায় ও উত্তেজনায় ঠকঠকিয়ে উঠেছিল একেবারে। ওর বেড়াবিহীন বাঁধা মাথাটা স্তব্ধ আঁচলে ঢেকে ফেলেছিল প্রায়। আমি ওর কাঁধে হাত রেখে ডেকেছিলাম, ‘পার্বতী, তোমাকে আমি গালি বকি নি।’

‘জানদি।’

‘তবে কাঁদছ কেন?’

‘তিমির গোসা ভয়ো।’

‘না, রাগ হয় নি।’

ভেজা রক্তাভ চোখ তুলে আমার দিকে তাকিয়েছিল। আর শুষ্ক তুষার-
শীর্ষে রোদ্দ্র ঝিলিকের মতো একটু হাসি ফুটে উঠেছিল তার মুখে। এবং
পরমুহূর্তেই যেন আবার ভীষণ লজ্জায় মুখ নীচু করে বলেছিল, ‘আমি চিন্মা নিয়ে
আসছি।’

ঘরে ফিরে এসেছিলাম। মনটা আনন্দ ও বেদনার যুগপৎ একটা অহুত্বভিত্তে
ভরে উঠেছিল।

কিন্তু প্রসঙ্গটা ছিল প্রেমবতীর। সেই দিনই প্রায় আমি, একটু পাশ্চাত্য
করতে করতে, পশ্চিমের সরু রাস্তা ধরে দেওদার ভবনের কাছে গিয়েছিলাম।
দেখেছিলাম, দেওদার ভবনের বারান্দার আরাম কেদারায় একজন পুরুষ বসে
আছেন। সামনে দাঁড়িয়ে প্রেমবতী। পুরুষের চেহারা, পোষাক এবং বয়স
দেখে অল্পমান করতে অস্ববিধে হয় নি, উনি শুভেন্দু। আর প্রেমবতীর সলজ্জ
হাসি মুখ, কাছে দাঁড়িয়ে কথা বলার ভঙ্গি দেখে, ঠিক গৃহকর্তা আর পরিচারিকার
কথা মনে হয় নি। আমি যেন লজ্জিত হয়ে উঠেছিলাম। দু’জনের কাকুরই
চোখ পড়ে নি আমার দিকে। দু’জনেই কথা বলতে ব্যস্ত। ঘটনাটা লুকিয়ে
ঘটছিল না। বাড়ির বাইরে বারান্দায় বসেই কথা হচ্ছিল।

তবু আমি তাড়াতাড়ি পিছন ফিরে, চলে এসেছিলাম। মনটা আবার
আবর্তিত হয়ে উঠেছিল। কেন যেন সহজ হতে পারছিলাম না। যা আমার
ভাববার নয়, যাতে আমার কিছুই করণীয় নেই, তাই যেন আমার মনের
চারপাশে ভিড় করে আসছিল। পরিবেশকে সম্পূর্ণ কাটিয়ে ওঠা কঠিন, আমরা
অনেক সময় তার অসহায় শিকার হয়ে পড়ি। আমার বার বার মনে হয়েছিল,
কোথায় যেন একটা বেল্লর বাজছে। ললিতা বেড়াতে গেছেন শ্রীমন্তর সঙ্গে।
প্রেমবতী তা লুকিয়ে দেখলো। তারপরে, শুভেন্দু বাড়িতে বসেছিল, গল্প
করেছিলেন প্রেমবতীর সঙ্গে। এটাও জানা ছিল, প্রেমবতীর প্রতি ললিতা
এবং শ্রীমন্ত খুশি নন। কী ঘটেছিল, কে জানে।

সেই দিনই রাত্রে, বাতি জ্বালাবার পর, আমার স্ববিধে অস্ববিধের কথা জিজ্ঞেস
করতে এসে মায়লী দেওদার ভবনের কথা তুলেছিল। আর বার বার বলেছিল,
‘আমার বড় ভয় লাগছে বাবুজী, প্রেমবতীর জন্য আমার বড় ভয় লাগছে।
যাঁরা এসেছেন তাঁরা দুদিন বাদে যাবেন। কিন্তু আমার মেয়েটার যদি কোনো

ক্ষতি হয় আমি মরে যাব।’

এত ভয় কিসের মায়লীর, বুঝতে পারি নি। প্রেমবতীর কী ক্ষতি হতে পারে, অনুমান করতে পারি নি। কিন্তু মায়লী মা। সে যা বুঝতে পারে, আমার পক্ষে তা বোঝা সম্ভব ছিল না। তবে একথা বরাবরই মনে হয়েছিল, সভ্যতার শীর্ষ থেকে আগত যে তিনটি প্রাণীর লীলা চলেছে দেওদার ভবনে সেই লীলায় প্রেমবতীর না জড়িয়ে পড়াই উচিত। কারণ, সভ্যতা আর হিমালয় শীর্ষের জীবনে অমিল আর তফাত অনেকখানি।

আজ দেখছি, উত্তর দিগন্ত নিটুট, নির্বিকার। তার ধূসরতায় কোথাও একটু চিড় খায়নি, একটু ফাট ধরে নি। সকল পার্থিব খাজাঞ্চিখানার দরজা বন্ধ ও নিরেট। লেবং-এর মাঠে দেখছি মানুষের বিন্দু বিন্দু মূর্তি কাজে ব্যস্ত। পার্বতী বললো, ‘ঘোড়দোড় হবে, তাই সাক্ষ্য করছে।’

এক এক সময় মানুষকে মনে হয় অপরাধেয়। সে যেখানে গেছে, সেখানেই তার প্রয়োজনের সব আয়োজনকে উপস্থিত করেছে। হিমালয়ের বুকে সে তার প্রমোদ খেলার ব্যবস্থাটুকুও বাদ রাখে নি।

সকালবেলাই আমাকে জামা-কাপড় পরতে দেখে, পার্বতী একটু অবাক হল। জিজ্ঞেস করলো, ‘কোথায় যাচ্ছেন?’

বললাম, ‘আজ একটু বেড়িয়ে আসি।’

যাক, ও যেন একটু স্বস্তি পেল। আমি লোকটা তা হলে নিতান্তই ষরকুনো। অস্বাভাবিক একটা কিছু নই। জিজ্ঞেস করলো, ‘কোথায় যাবেন?’

‘ম্যাল-এ, তোমাদের শহরে।’

ও ক্র কুঁচকে অবাক হয়ে বললো, ‘এটা বুঝি আমাদের শহর?’

‘তবে কাদের?’

আমার অজ্ঞতায় ও বিস্মিত হল। ষাড় তুলিয়ে বললো, ‘আপনাদের তো।’

খুব সহজ সরল কথা। কিন্তু মনে হল ওর এই সারল্যের মধ্যে কোথায় একটা অচেনা ব্যাখ্যার ছায়া লুকিয়ে রয়েছে। শহরটা শুধুই বাইরের ভ্রমণ-বিলাসীদের জগত। ওদের নয়।

বললাম, ‘না, আমাদের সকলেরই।’

পার্বতী হেসে বললো, ‘মো জ্ঞানদি না।’

ও জানে না। কিন্তু পরমুহূর্তে বললে, ‘বেশী দেরী করবেন?’

দেখলাম, ওর চোখে উৎকণ্ঠিত জিজ্ঞাসা। বললাম, ‘না না। তাড়াতাড়ি আসব। তুমি যাবে?’

‘না। আমি মায়ের সঙ্গে রান্না করব।’

কিন্তু যেতে বলায় এত খুশি হল যে ওর সারা চোখমুখ ঝলকাতে লাগলো।

বললাম, ‘তোমার বৌদি তো মায়ের সঙ্গে কাজ করতে পারে।’

‘ওরা তো কোন্ বিহানে দু’জনে বেরিয়ে যায়, ফেরে রাত্রে বেহুঁশ হয়ে।’

তাও তো বটে। সেই বেহুঁশ হওয়ার খোয়ারি কাটানো তো রোজই টের পাই।

প্রস্তুত হয়ে ঘর থেকে বেরতে যাব, সিঁড়ির ওপর থেকেই গণেনবাবুর ব্যস্ত ডাক শুনতে পেলাম, শুন্ন শুন্ন। আপনার নাম তো?’

বললাম, ‘হ্যাঁ।’

‘মানে, আপনি কি সেই ইয়ে লেখক?’

সন্কোচের সঙ্গে স্বীকার করতে হল। গণেনবাবুর সেই একই চেহারা। ক্রকুটি চোখে একবার আমার আপাদ মস্তক দেখে বললেন, ‘বলেন নি তো, জ্যা? আপনি—জ্যা? হুঁ, বুঝছি। বেশ ভালো। আমি আপনার দু’একটা লেখা পড়েছি।’

গণেন সেন আমার লেখা পড়েছেন, এতে পরম সৌভাগ্য মানি। পিছনে দাঁড়িয়েছিলেন সেই মহিলা। তিনি প্রায় হেসে ঘাড় হেলিয়ে তাকালেন আমার দিকে। গণেন সেন আবার বললেন ‘পরে আমার সন্দেহ হল, আপনার নামটা তো আমার জানা। আচ্ছা, ঠিক আছে, বেশ।’

দ্রুত উচ্চারণে কথাগুলো বলে সিঁড়ি দিয়ে নেমে এলেন। আমি সাহস পেয়ে বললাম, ‘আপনি কি এখন আঁকতেই ব্যস্ত?’

হঠাৎ দাঁড়িয়ে পড়লেন। দেখলাম, ওঁর কুঞ্চিত ক্র দুটি সহজ হয়ে উঠলো। রক্তিম চোখ দুটি যেন বড় হয়ে ভেসে উঠলো। সে চোখ রক্ত কঠিন নয়, বিরক্তি নেই তাতে। যেন একটা স্বপ্নের ঘোর নেমে এল। প্রায় আত্মমগ্ন সুরে বললেন, ‘ব্যস্ত? আমি আর কী জানি? শুধু আঁকতেই জানি, বসে থাকতে পারি না। জীবনটা তো নষ্ট হয়ে গেল, আর তো কিছুই জানলাম না, দেখলাম না।’

গলায় একটা অদ্ভুত শব্দ করে বোধহয় হাসলেন। তারপর এগিয়ে গেলেন দরজার দিকে। আমি যেন স্তব্ধ হয়ে গেলাম। এমন কথা এর আগে কখনো শুনেছি কিনা জানি না। না এঁকে পারেন না, আর সেটাই ওঁর—যন্ত্রণা!

আর একবার শুনতে পেলাম, ‘এটা কোনো জীবন নয়।’

আমিও তাড়াতাড়ি গুর সঙ্গে এগিয়ে গেলাম। বললাম, ‘আপনার যদি আপত্তি না থাকে, তবে একটু ছবি দেখতে চাই।’

‘দেখবেন? তা, হ্যাঁ, আসবেন, দেখবেন।’

তিনি লনের দিকে চলে গেলেন। মহিলাটি হেসে একবার তাকালেন। চোঁট টেপা হাসি। আমি হাত তুলে গুঁকে নমস্কার না জানিয়ে পারলাম না। তাতে উনি চমকে উঠলেন, একটু অবাক হলেন। তারপরে হাত ছুটি কপালে তুলে কোনো রকমে প্রতিনমস্কারের ভঙ্গি করে, যেন লতিয়ে গেলেন। কেন? এটাও অস্বাভাবিক মনে হল আমার কাছে। আমি তো আসলে গুর সঙ্গে আলাপ করতেই চাইছিলাম। যাতে শিল্পীর সম্পর্কে কিছু শুনতে পাই। কিন্তু দেখলাম, গালের ক্ষতরেখার ওপরে ছুটি আঙুল রেখে, উনিও তাড়াতাড়ি লনের দিকে চলে গেলেন।

আমি পথ বেয়ে শহরের দিকে উঠতে লাগলাম। আর ভাবলাম, সবটাই এই দূর উত্তরের জীবনের পরম ঐশ্বর্যের মতোই নিশ্চুপ নির্বিকার। কখন তার দরজা সহসা খুলে যাবে, কেউ জানে না।

রূপকুমারী হাউসের কাছে একটু না দাঁড়িয়ে পারলাম না। কোথায়, সে মূখর প্রজাপতিগুলো কোথায়? তাদের কোন সাড়া-শব্দ পাচ্ছি নে তো। বাড়িটার দরজা-জানালা বন্ধ, স্তব্ধ। পিছন দিকে একটু ঘোঁয়ার আভাস দেখা যাচ্ছে। দেখতে দেখতেই, একটি কাঞ্চী, জিজ্ঞাসু চোখে পায়ে পায়ে এগিয়ে এল। জিজ্ঞেস করলাম, এ বাড়ির লোকেরা কোথায়?

বললে, ‘সবকোই বাহার ঘুমনে গেয়া।’

স্বাভাবিক। প্রজাপতির নিশ্চুপ হয়ে ঘরের কোণে বসে থাকবে, এটা হতে পারে না। ম্যাল-এ এসে দেখলাম, সেই একই দৃশ্য। বিদেশী পোশাকের ঝলক, রঙের ফিনিক, শহরে সভ্যতার একটি চলমান একজিভিশন। তার মাঝে মাঝে পাহাড়ী নরনারীরা তেমনি চুপচাপ বিচিত্রবেশে বসে।

একদা আঠারো শো উনত্রিশ খ্রীষ্টাব্দে, ইংরেজরা দার্জিলিং-এ এসেছিল। সিকিমরাজের অধীনে, এই জায়গায় একটি স্বাস্থ্যনিবাস করতে চেয়েছিল তারা। খাজনা হয়েছিল, বার্ষিক ছয় হাজার টাকা। স্বাস্থ্যনিবাস তৈরী হয়েছিল। খাজনাও কিছুকাল দেওয়া হয়েছিল। তারপর সিকিমরাজ বিরক্ত হয়ে যখন দু’জন ইংরেজকে তাদের অস্থায়ের জগ্না বন্দী করেছিলেন, তখন খাজনা বন্ধ করে দেওয়া হয়েছিল। তখন ইংরেজ রাজত্বে সূর্য অস্ত যেত না। তার শক্তির

ছক্কার সর্বত্র ।

মাল থেকে সরে এসে, যেদিকে ভোটিয়া লেপ্‌চাদের টাট্টুদের আস্তাবল তার পাশ দিয়ে, জলা পাহাড়ের নির্জনে এগিয়ে গেলাম । এক সময়ে মনে হল, আমার চারপাশে সব ঢেকে দিল মেঘে । একটা আশ্চর্য অহুভূতিতে মনে হল, এ বিশ্ব-সংসারের আর কেউ নেই । শুধু আমি, একলা । এবং সেই জ্বলেই যেন আমার জীবনের প্রিয় অপ্রিয় সব মুখ আর ঘটনাগুলো হঠাৎ ভেসে উঠতে লাগলো । আমার অবচেতন থেকে যেন কেউ কথা বলে উঠলো, ‘এই জীবনটা যখন আমি পেয়েছি, তখন তার সঠিক পথের চাবি-কাঠি আমাকে দাও, আমাকে দাও !’

কে বলছে, কাকে বলছে, যেন বুঝতে পারলাম না । হঠাৎ কানে বেজে উঠলো ঘোড়ার পায়ের শব্দ । যেন কয়েকটা ঘোড়া মধুর পায়ের এক সঙ্কে আসছে । সামনে বিশেষ কিছু দেখতে পাচ্ছি নে । তাই সরে দাঁড়ালাম । একটু পরেই আমার সামনে অন্ধ আর তার সওয়ার ভেসে উঠলো । চিনতে অস্ববিধে হল না, তিন শ্রীমান । ওরা আমাকে দেখেই, রপ্‌ রপ্‌ করে নেমে পড়লো । দেখেই নেমে পড়ার মতো পরিচয় বা সম্পর্ক ওদের সঙ্গে আমার গড়ে ওঠে নি ।

একজন বলে উঠলো, ‘কোথায় চলেছেন ?’

বললাম, ‘একটু বেড়াচ্ছি ।’

বললো, ‘আমাদের তো আজ বিকেলে আপনার ওখানে প্রোগ্রাম ।’

‘আমার ওখানে ?’

‘হ্যাঁ, আপনার ওখানে, মানে পপুলার ভিউ-তে ।’

বুঝতে অস্ববিধে হল না, শ্রীমতীদের সঙ্গে কথাবার্তা হয়ে গেছে । বললাম, ‘তাই নাকি ? বেশ তো, আসুন না ।’

কথা শেষ হতে না হতেই দেখি আরও তিনটি ঘোড়া কুয়াশা ভেদ করে এগিয়ে আসছে । কিম্বাশ্চর্যম্ । তিন শ্রীমতী, মল্লিকা মালতী ইভা । অবিশ্তি ওদের সঙ্গে একটি ভোটিয়া মেয়েও রয়েছে । দুটো ঘোড়ার লাগাম তার দু-হাতে ধরা । সঙ্গে সঙ্গে হাসিতে কলরবে জলা পাহাড়ের পথ মুখর হয়ে উঠলো । এবার তিনটি নয়, ছয়টি মুখর প্রজ্ঞাপতি । ওরাও তাড়াতাড়ি ঘোড়া থেকে নেমে পড়লো ।

মল্লিকা বললো, ‘এদিকে কোথায় যাচ্ছেন ?’

জবাব দিলাম একই । কিন্তু বিশ্বয়ের ঘোরটা তখনো কাটে নি । বললাম,

‘কিন্তু ব্যাপার কী? ভাগ্যিস পরমেশবাবু দার্জিলিং-এ নেই। তা হলে তো একটা ভয়াবহ ঘটনা ঘটে যেত।’

‘পরমেশবাবু কে?’

‘দেঁন, সেই ট্রেনের বুড়ো ভদ্রলোক।’

ওরা দু’জনেই যেন আঁতকে উঠলো। আমি বললাম, ‘কিন্তু অভিভাবকেরা কোথায়?’

মল্লিকা বললো, ‘মা বাবা বাজারে গেছে।’

‘আর এদিকে বীর বীরঙ্গনারা—’

দু’জনেই একটু লজ্জিত হল, মাথা নিচু করলো। তারপর একসঙ্গে সবাই জোরে হেসে উঠলো। মল্লিকা বললো, ‘আপনার সঙ্গে এদের পরিচয় করিয়ে দিই। এর নাম হীরেন, বি. ই. কলেজের ছাত্র। এর নাম, এর নাম—’

ছেলেটি নিজেই বলে উঠলো—বিজয়। সর্বনাশ! ব্যাপার তো অনেক দূর গড়িয়েছে! বিজয়ের নামটা জানা সত্ত্বেও মল্লিকা উচ্চারণ করতে চাইলো না। আমি গম্ভীর থাকবার চেষ্টা করে ঘাড় নেড়ে বললাম, ‘হুম।’

মল্লিকা বলে উঠলো, ‘কিন্তু এ কিছুই করে না। খালি খায় আর ঘুমোয়, লেথাপড়া অনেকদিন ডকে ভুলে দিয়েছে। এখন শুধু মাউথ অর্গান, গীটার আর পিয়ানো অ্যাকর্ডিয়ান বাজিয়ে বেড়ায়।’

বিজয় সঙ্গে সঙ্গে প্রতিবাদ করে উঠলো, ‘বাজে কথা বলো না। আমি লোককে বাজনা শেখাই, সেটা বলো।’

মল্লিকা বললো, ‘তার মানেই ঘরের খেয়ে বনের মোষ তাড়িয়ে বেড়াও।’

আর এই মোষ তাড়ানো বাজনারটিই যে মল্লিকার পাপড়িতে পাখার ঝাপটা মেরেছে, তা বুঝতে অস্ববিধে হয় না।

বিজয় বললো, ‘তা এখন যা খুশি বলতে পারো!’

মল্লিকা তৃতীয় জনকে দেখিয়ে কিছু বলবার উত্তোষ করতেই, আমি বলে উঠলাম, ‘বরুণ, অ্যাপ্লায়েড ফিজিক্স। এটা কোন্ বছর?’

বরুণ বললো, ‘সিক্সথ।’

আমি চকিতে একবার ইভার দিকে তাকালাম। ইভা আমার দিকেই তাকিয়েছিল তাড়াতাড়ি মুখটা ফিরিয়ে নিল। বুঝতে পারছি, ওর হাসি পেয়ে গেছে। আমি বললাম, ‘বাঃ! তা বেশ, সব ঠিক হয়েছে। কিন্তু ইভা আর কোনো রকম গালাগালি দিচ্ছে না তো?’

সবাই হেসে উঠলো। ইভা তাড়াতাড়ি বলে উঠলো, ‘আমি বুকি লোককে

খালি গালাগালি দিই? যে যেরকম ব্যবহার করে আমি তাকে তাই বলি।’

আমি সমর্থন করলাম, ‘নিশ্চয়ই। সেটা মোটেই গালাগাল নয়। তবে সবাই তো বোঝে না।’

ইভা বললো, ‘আহা।’

বাকীরা হাসলো। মালতী বললো, ‘তবু ওদের রোজ একটা বিষয়ে ঝগড়া হবেই।’

‘সেটা কী?’

ইভা বলে, ‘বরুণের পিওর ফিজিক্স পড়া উচিত ছিল।’

বরুণ তাড়াতাড়ি যোগ করলো, ‘আর তা নইলে নাকি আমি একটা শিক্ষিত মিস্ত্রি ছাড়া আর কিছু হব না। এমন পাগলের মতো কথা শুনেছেন কখনো?’

সহসা ঘাড় দোলাতে সাহস পেলাম না। একবার ইভার দিকে তাকলাম। ইভার জু তখন লতিয়ে কঁকড়ে উঠেছে। বললো, ‘আমি পাগল, না। আর মাথা ঠাণ্ডা করে আপনি অ্যাপ্লায়েড ফিজিক্স পড়তে গেছেন। আমার এক খুড়তুতো দাদার তাই হয়েছে। পাশ করে তিন বছর কারখানায় কাজ করার পর একটা সার্টিফিকেট দিয়েছে, কিন্তু এঞ্জিনীয়ারের ওপরে কোনদিন মাথা তুলতে পারবে না, তা জানেন?’

কী মুশকিল। রাগারাগি তর্কাতর্কির বিষয়টাও তো বড় জটিল দেখছি।

বরুণ বলে উঠলো, ‘তোমার দাদার মাথায় কিছু নেই, তাই ওরকম করেছেন।’

ইভা তৎক্ষণাৎ জবাব দিল, ‘আমার দাদার মাথায় কিছু নেই, আর আপনার ওই নিরেট মাথায় আছে।’

বরুণ সঙ্গে সঙ্গে গম্ভীর। বললো, ‘নিরেট মানে?’

ইভা বললো ‘নিরেট মানে নিরেট।’

থমথমিয়ে উঠলো বরুণের মুখ। ঘাড় গোঁজ করে প্রায় গোঁড়া স্বরে বললো, ‘বেশ, আমি নিরেট।’

বলেই বীর বিক্রমে ঘোড়ায় উঠে চলতে আরম্ভ করলো। হীরেন আর বিজয় ডেকে বললো, ‘এই বরুণ, কোথায় যাচ্ছিস?’

চলতে চলতে মুখ ফিরিয়েই জবাব দিল, ‘হোটেল!’

সবাই থমকে গেল। আমার অবস্থাটাও প্রায় অপরাধী হয়ে উঠেছে। বিজয় বললো, ‘নাঃ, বরুণটাকে নিয়ে কিছুতেই পারা যাবে না।’

মল্লিকা বললো 'বড় গোয়ার ।'

হীরেন বললো, 'দুজনেই সমান ।'

ইভা সঙ্গে সঙ্গে বলে উঠলো, 'আপনারা সব মাথা ঠাণ্ডা ভালো মালুষ ।'

ইতিমধ্যে কুয়াশা কেটে উঠেছিল। আমার ভিতর আসলে প্রবল হাসির বেগ কলকলিয়ে উঠেছিল। পাছে ছেলেমানুষ ইভা বেচারীকে কষ্ট দিই, তাই অনেক কষ্টে হাসি চাপতে হল। বললাম, 'তা হলে এখন সবাই ধাওয়া করুন, ওকে পাকড়াও করে ঠাণ্ডা করুন ।'

সবাই উঠলো বোড়ায়। মল্লিকা বললো, 'বিকালে আপনার ওখানে এরা যাবে ।'

'আর আপনারা ?'

'আমরা একটু পরে যাব। কিন্তু এই ইভা, বোড়ায় ওঠ ।'

ইভা কখনো বোড়ায় চাপে নি। বললো, 'তোমরা চল, আমি হেঁটে হেঁটে যাচ্ছি ।'

ওরা সবাই এগিয়ে গেল। ভোটিয়া মেয়েটি আর ইভা দাঁড়িয়ে রইলো। দেখলাম, ইভার চোখ দুটি প্রায় ছলছল করছে। আমি কাছে গিয়ে দাঁড়াতেই বলে উঠলো, 'দেখলেন তো কী রকম ব্যবহার, এখন আর আমার সঙ্গে দেখা হলেও কথা বলবে না ।'

শেষ কথাটি উচ্চারণ করতে গিয়ে ইভার গলা প্রায় বন্ধ হয়ে গেল। খুশিতে আর বিশ্বয়ে আমার গলাও বন্ধ। শুধু পথের দেখায় কয়েকদিনের মাত্র পরিচয়ে কেমন করে মানুষের সম্পর্ক এত নিবিড় হয়ে ওঠে সে কথা জানে মানুষের অন্তর্ধামী। ইভা, কতই বা ওর বয়স, আঠারো উনিশের বেশী নয়। কিন্তু ওর এই স্বন্দর মনটা দেখে চমকে উঠলাম। সঙ্গে সঙ্গে আমার চারপাশের নৈতিক ভ্রুকুটিগুলো মনের চারপাশে দেখতে পেলাম। যাদের ভ্রুকুটির শাসন আজ এদের মনকে বিরক্ত করে বিপথে চালাতে পারে। সৌন্দর্যকে বাড়িয়ে তুলতে পারে না তাই, সেই ভ্রুকুটির কোনো মর্যাদা নেই আমার কাছে। বললাম, 'কথা না বলে ও কোথায় যায়, বিকেলে দেখব আমার ওখানে। আপাতত তুমি চোখ দুটি মোছ ।'

লজ্জা পেয়ে তাড়াতাড়ি চোখ মুছলো ইভা। আরো গভীরতর লজ্জায় ও একেবারে মাথা নীচু করে ফেললো। বললাম, 'কী হল ?'

ইভা জাঁচল খুঁটেই লাগলো। আন্তে আন্তে বললো, 'আপনি কী ভাবলেন ?'

বললাম, 'যা সত্যি তাই। দেখলাম এখনো মিথোরা এসে তোমাদের মাঝখানে ভিড় করে নি।'

সেই মুহূর্তেই ইভা প্রায় উত্তেজিত গলায় বলে উঠলো, 'দেখুন দেখুন।'

ওর চোখের নির্দেশে। করে দেখলাম, খাজাঞ্চিখানার দুই দীর্ঘ আকাশের উত্তরে ঝলকাচ্ছে। হয়তো সোনা ও রূপোর খাজাঞ্চিখানা দুটি। আকাশের সকল বাধা বিদীর্ণ করে একেবারে বেরিয়ে পড়েছে।'

ইভা বললো, 'আমি যাচ্ছি ওদের কাছে, অ্যাঁ ?'

বললাম, 'এস।'

প্রাঙ্গণে দাঁড়িয়ে স্বর্ণশিখরের দিকে তাকিয়ে রইলাম।

আবার ফিরে এলাম ম্যাল-এ। সেই একই রকম জনতার ভিড়। অথচ দশটা বেজে গেছে। অবিশ্টি এখানে ভ্রমণকারীরা কে-ই বা ঘড়ি ধরে বসে আছেন। ভিড় ছাড়িয়ে অবজারভেটরি হিলের দিকে যাবার ইচ্ছে হল। শুনেছি, সেখানে দুর্জয় শিবের বাস কিন্তু ঊনবিংশ শতাব্দীর প্রথমভাগে নেপালীদের আক্রমণের আগে, ওখানে আসলে একটি বৌদ্ধদের মঠ ছিল। সিকিমের প্রসিদ্ধ দার্জিলিং মঠের শাখা, ওটাকে দোর্জে বলা হত। নেপালীরা আক্রমণ করে সে মঠ বিনষ্ট করেছিল। দোর্জের অর্থ বজ্র। কে জানে, বৌদ্ধদের বজ্রকেই দোর্জেলিঙ্গে পরিণত হতে হয়েছে কিনা। ভারতবর্ষের ইতিহাসে এমন নজীর নতুন নয়।

ম্যাল-এর থেকে পা বাড়াতে যাব। সামনে অবিস্মৃত দৃশ্য। মাথায় লাল টুকটুকে টুপি, গায়ে পুরো হাতা লাল সোয়েটার, কাকলী। কাকলী নয় কাকুলী। কিন্তু আশ্চর্য ওর ভঙ্গি। চোখাচোখি হতেই চট করে চোখ নামিয়ে মুখের মধ্যে পুরো তর্জনীটা পুরে দিয়ে স্থির হয়ে দাঁড়িয়ে রইলো। আমি ততোধিক প্রস্তুতবৎ। যদিও কাকলীর চোখের পাতা ঘন ঘন কাঁপছে, পলকে পলকে আমাকে দেখছে এবং মাথা নামিয়ে রাখা রীতিমতো কষ্টকর হয়ে উঠেছে ওর। রাগ না অভিমান কিংবা লজ্জা বুঝতে পারছিলাম। ওকে বুঝতে পারা কঠিন। ওর মা, ওঁরাই বা কোথায়? স্মৃতি আর বিবেকবাবু!

খুব আস্তে ডাকলাম, 'কাকলী।'

মাথা তুলে একবার দেখলো। তারপরেই তর্জনী ঘন ঘন মুখের মধ্যে আন্দোলিত হতে লাগলো। কিন্তু জবাব নেই।

আবার ডাকলাম, ‘কাকলী।’

আবার দেখলো। কিন্তু অবস্থা অপরিবর্তিত। ওর কাছ ঘেঁষে গেলাম। ওর সমান সমান হবার জন্যে কোঁচা গুটিয়ে উবু হয়ে বসে পড়তে হল আমাকে। বললাম, ‘আমাকে চিনতে পারছ না।’

টুক করে একবার ঘাড় নেড়ে উঠলো। অর্থাৎ চিনতে খুবই পারছে। বললাম, ‘তবে এসো আমার কাছে।’

বলে হাত বাড়ালাম। আমার চোখের দিকে তাকিয়ে খুব আস্তে আস্তে প্রসারিত হাতের মাঝখান দিয়ে বুক ঘেঁষে এল। দু’হাতে প্রায় জড়িয়ে নিয়ে বললাম, ‘তবে কথা বলছিলে না যে? রাগ করছে?’

ঘাড় নেড়ে জানালো, ‘হ্যাঁ।’ বললাম, ‘কেন?’

‘তুমি আতো নি কেন?’

আমার নিবিড় নির্জনতার স্বাদ তো ওকে বোঝাতে পারব না। তাই প্রায় মিথ্যে করেই বলতে হল, ‘আমি যে বাস্তব ছিলাম।’

‘কাজ কতখিলে?’

‘হ্যাঁ।’

‘কী কাজ?’

‘মানে পাহাড়গুলোর তো সব আলাদা নাম আছে, চিনে নিচ্ছিলাম।’

ব্যাপারটা ঠিক হৃদয়ঙ্গম করতে না পারলেও মোটামুটি কাজ বলেই বিশ্বাস করলো। তারপর একটি আঙুল দিয়ে আমার চিবুক, গালে ছুঁইয়ে ছুঁইয়ে ফিক করে একটু হাসলো। আমি ওকে কোলে নিয়ে উঠে দাঁড়ালাম। সবে জিজ্ঞেস করতে যাব, মা কোথায়? সেই মুহূর্তে ডাক শুনতে পেলাম, ‘এই যে এদিকে আছি আমরা।’

তাকিয়ে দেখলাম, স্মিতা আর বিবেক দুজনেই বসে আছেন উত্তর দিকে, মাথায় ছাউনির তলায় বেঞ্চে। কাকলীকে নিয়ে সেদিকে এগিয়ে গেলাম। ডাক দিয়েছিল স্মিতা। সেই বললো, ‘আমরা বসে বসে দুজনের মানভঙ্গনের পালা দেখছিলাম। ও তো আপনাকে দেখেই ছুটে গিয়ে সামনে দাঁড়ালো।’

বিবেকবাবু বললেন, ‘বহন। অনেক পরিশ্রম করতে হয়েছে নিশ্চয় মেয়েকে বোঝাতে?’

সকলেই হেসে উঠলাম। স্মিতা বললো, ‘আমরাও ভাবছিলাম, আপনি ভুলে গেলেন নাকি।’

বললাম, ‘না, ভুলি নি। হৃদয় একটা বাড়ি পেয়েছি। সারাদিন চুপ

করে কদিন বসেইছিলাম।’

সুমিতা বললো, ‘আর ইতিমধ্যে আমরা একটা জিনিস আবিষ্কার করেছি।’
‘কী বলুন তো?’

সুমিতা আর বিবেক পরস্পরের দিকে তাকিয়ে একটু হাসলেন। বিবেকবাবু বললেন, ‘আপনি মশাই সাহিত্যিক?’

বললাম, ‘এই আবিষ্কার। আমি ভাবলাম, না জানি কী।’

সুমিতা বললো, ‘ভাবলাম, আপনি যখন সাহিত্যিক, তখন নিশ্চয় আমাদের মতো ক্ষুদ্র মানুষদের সব ভুলেই গেছেন।’

বললাম, ‘কিন্তু বিশ্বাস করতে পারেন, আমি ক্ষুদ্র তো বটেই, এই ক্ষুদ্রতমটিকেও ভুলি নি।’

বলে বৃকের ওপর কাকলীকে একটু চাপ দিলাম। ওঁরা হেসে উঠলেন। সুমিতা বলে উঠলো, ‘তবে ক্ষুদ্রতা প্রমাণ করুন। চলুন বাড়িটা চিনে আসবেন, আর একটু চা খেয়ে আসবেন।’

‘এত বেলায়? এগারোটা যে বাজে।’

‘কেন, এখানেও কি সম্পাদক প্রকাশকেরা আপনাকে তাড়া করছে নাকি?’

লজ্জাই পেলাম। বললাম, ‘না না, সে কি কথা। আপনাদের রান্না খাওয়ার সময় এখন।’

সুমিতা বললো, ‘ওসব পাট আমরা হোটেলের ঘাড়ে চাপিয়ে রেখেছি। খাবার রেখে যায়, যখন খুশি হিটারে গরম করে নিয়ে খাই; তা বলে চায়ের সাজ সরঞ্জামটা নিজের হাতেই রেখেছি।’

সম্মতি দিতেই হল। নইলে যদি সত্যিই আমার ক্ষুদ্রত্ব অপ্রমাণ থেকে যায়। কাকলীকে আমার কোলে নিয়েই চললাম। ও আমার গালের কাছে টোট ছুঁইয়ে বললো, ‘খুব মজা লাগতে।’

কিন্তু কাকলীদের সিঁড়ির রাস্তা ভেঙে, বাড়ির দরজার কাছে এসে, সুমিতা আর বিবেকের সঙ্গে আমিও থমকে দাঁড়িয়ে পড়লাম। ওঁদের সঙ্গে আমিও দেখলাম, প্যান্ট-কোট পরা এক ভদ্রলোক দাঁড়িয়ে আছেন দরজায়। বয়স চল্লিশের নিম্নেই। গস্তীর মুখ, স্থির দৃষ্টি। আমি দেখলাম, ভদ্রলোকের ঠোঁটের ওপরে গৌঞ্চ।

কাকলী বলে উঠলো, ‘বাবীন বাবীন!’...

কাকলীর বাবা, সুমিতার স্বামী! কিন্তু কাকলীর ডাকের কোনো জবাব দিলেন না ওর বাবা। সুমিতা যে বিষয়ে এবং অস্থিতিতে বাকবুদ্ধ, তাও বুঝতে

পারলাম। বিবেকের মুখে একটু বিব্রত হাসির ভাব। হুমিতা বললো, 'তুমি ? কখন এলে ?'

একটু অলিত শোনালো হুমিতার গলা। কাকলীর বাবা বললেন, 'ভোরের প্লেনে এসেছি। এই মিনিট পাঁচক হল, দরজায় দাঁড়িয়েছি।'

দেখলাম, ঝি একটি দরজা খুলে ভিতরে দাঁড়িয়ে। সেখানে একটি এয়ার-পোটের টিকিট-মারা স্টকেস।

হুমিতা দরজার সিঁড়িতে উঠতে উঠতে বললো, 'কোনো খবর দাও নি তো !'

ভদ্রলোক বললেন, 'অসুবিধে হল তাতে ?'

হুমিতা বললো, 'না, অসুবিধে আবার কী !'

বলে, পিছনে ফিরে বললো, 'বিবেক, তুমি ঠকে একটু বাইরের ঘরে বস। আমি ঠুঁর সঙ্গে একটু ভিতরে গিয়ে কথা বলি। চল ভিতরে যাই।'

স্বামীকে উদ্দেশ্য করে বলে, দু'জনে ভিতরে চলে গেল। আমারই বুকটা তখন টিপটিপ করতে আরম্ভ করেছে। বেহুঁর শুনছি। ভীষণ বেহুঁর ! ঠিক যেন তালে মিলছে না।

বিবেকবাবু তাড়াতাড়ি আমার পিঠে আলগোছে হাত রেখে বললেন, 'চলুন, ঘরে চলুন !'

কাকলীকে কোলে নিয়ে আমাকে ঘরে উঠতেই হল। বোঝা গেল, বসবার ঘর। বাগ্নের মতো ছোট। পপুলার ভিউ-এর বিস্তার এখানে নেই। শহর তো ! ভিতরের ঘরে তখন কী ঘটছে, কে জানে। কিন্তু কষ্ট হল কাকলীর দিকে। তাকিয়ে গুর বাবার চোখে-মুখে এমন একটা ঘৃণা ও উত্তেজনা ছিল যে, মেয়ের আহুঁর ডাকের জবাবটুকুও দেন নি। বললাম, 'বিবেকবাবু, অহুমতি করেন তো এখন যাই। কাল-পরশু আর এক সময় আসব। এখন উনি এসেছেন, সকলেই ব্যস্ত।'

বিবেকবাবু তাড়াতাড়ি বলে উঠলেন, 'না না, ব্যস্ততা কিসের। এই কাকলী !'

উনি ডেকে উঠলেন। কাকলী একটি ছোট দরজা দিয়ে এসে ঢুকলো। বিবেক বললেন, 'চার কাপ চায়ের জল বসাও তাড়াতাড়ি।'

ঘাড় নেড়ে কাকলী বিদায় নিল। কাকলী আমার কোল থেকে নেমে, আমার দিকে একবার ফিরে তাকালো। বললাম, 'বস এখানে।'

ও শোফায়, আমার পাশে বসে বসে, পা দোলাতে লাগলো। বললো,

‘তুমি এখন তলে দাবে?’

বললাম, ‘চা খেয়ে যাব।’

‘আবার আসবে?’

‘আসব বৈ কি!’

মিথো বললাম না তো। আর কি আমি এখানে আসব? আসতে ইচ্ছে করবে? খুঁট করে ভিতর ঘরের দরজা খুলে গেল। স্মিতা বেরিয়ে এল। মুখে যে তার কাঠহাসি, বুঝতেই পারছি। কারণ, মুখটি প্রায় রক্তশূন্য দেখাচ্ছে। তবু হেসে বললো, ‘উনি খুব টায়ার্ড, তাই এলেন না, পরে দেখা হবে। বসুন, চা আসছে।’

বললাম, ‘নিশ্চয় নিশ্চয়। আমি বিদায় নিতেই চেয়েছিলাম। বিবেকবাবু ছাড়লেন না।’

স্মিতা বললো, ‘বেশ করেছে।’ বলে একটি মোড়ায় বসলো।

কিন্তু কথা ফুরিয়ে যেতে লাগলো যেন। আমার বারে বারেই মনে হতে লাগলো ঝড় আসন্ন। আমার বিদায়ের পরেই হয়তো তাওব হবে। কাকলী মায়ের কাছে গিয়ে বললো, ‘মা, বাবীন খুব লাগ কলেছে, না?’

স্মিতা বললো, ‘না, বাবীনের ভীষণ মাথা ধরেছে। তুমি এখন কাকুকে টা-টা করে বাবীনের কাছে যাও, তোমাকে ডাকছেন।’

কাকলী আমার দিকে ফিরে হাত তুলে প্রায় নিঃশব্দে উচ্চারণ করলো, ‘টা টা।’ এবং খুব মন্থরে ভিতরের ঘরে চলে গেল।

চা এল, পান এল। দু একটা মামুলী কথার পরেই আমি উঠলাম, আবার আসার প্রতিশ্রুতি দিয়ে। বিবেকবাবু বললেন, ‘চলুন, আপনাকে একটু এগিয়ে দিয়ে আসি।’

স্মিতা তাড়াতাড়ি বললো, ‘ই্যা, তাই এস। কিন্তু খুব দেরি করো না যেন।’

আমি আপত্তি করতে পারলাম না। কারণ, মনে হল, বিবেকবাবুর একটু সাময়িক অস্থিতি বোধহয় স্মিতার দরকার। বিবেকবাবুর সঙ্গে বাইরে বেরিয়ে, ম্যাল পেরিয়ে প্রায় বার্চ হিল রোডে পা দেওয়া পর্যন্ত দার্জিলিং-এর আবহাওয়া আর বাজার নিয়ে দু-একটি কথা হল। বার্চ হিল রোডে পা দেবার পর আমি বললাম, ‘থাক, আর কত দূর আসবেন।’

বিবেকবাবু দাঁড়িয়ে পড়ে বললেন, ‘না, আর বেশী দূর যাব না। কিন্তু আপনিও একটু দাঁড়ান ভাই দয়া করে। এমন একটা মুহূর্তে আপনি গিয়ে-

ছিলেন, আপনাকে দু-একটি কথা বলব।’

আমার লজ্জা করতে লাগলো। আমি ওঁর দিকে বিরে তাকালাম। বিবেকবাবু একটু ইতস্তত করে বললেন, ‘সমস্ত ব্যাপারটার মধ্যে একটু বিসদৃশতা হয়তো আপনি লক্ষ্য করেছেন।’

বলে উঠলাম, ‘না না, বিসদৃশ আবার কী।’

বিবেকবাবু হাসলেন। বললেন, ‘যাই মনে করেন, একটু বলা দরকার বোধহয়। ভয় পাচ্ছি, একটা কোনো গোলমাল না ঘটে। আমার আজ বিকেল চারটের গাড়িতে চলে যাবার কথা ছিল। শিলিগুড়ি আমার কর্মস্থল। স্মৃতি আগে খবর দিয়েছিল, বাড়ির ব্যবস্থা আমিই করেছিলাম। ও একলা মেয়ে নিয়ে থাকবে ভেবেই শহরের ঘিঞ্জিতে বাসা ঠিক করেছিলাম। সম্পর্কটাও বলি, স্মৃতি আমার কলেজের বন্ধু। ও এখন একজন ওয়েস্ট বেঙ্গল গভর্নমেন্টের ছোটখাটো গেজেটেড অফিসার। একদা আমাদের সম্পর্কটা ছিল প্রেমের। দৌড়টা বিয়ে অবধি পৌঁছতো। কিন্তু তার আগেই এই স্ত্রীরের, অর্থাৎ স্মৃতির স্বামী আবির্ভাব। স্ত্রীরকে দেখা মাত্র স্মৃতির মনে হয়েছিল, আমাকে বিয়ে করার চিন্তাটা ওর ভুল হয়েছিল। স্ত্রীর স্পোর্টসম্যান, মেকানিজমের বিগ্গেটা পাকা করে এসেছিল তখন বিলেত থেকে, একটা কার-খানার মানেজার ও এখন। ওদের পরস্পরের দেখা হওয়া মাত্র স্থির হয়ে গেছিল, ওরা দুজনে প্রায় ইটর্নল হাজবাও আও ওয়াইফ। কয়েক মাসের মধ্যে বিয়ে হয়ে গেল। সম্ভবত পাঁচ বছর পূর্ণ হতে চলেছে কিংবা হয়েছে। ওদের বিয়েটা যত তাড়াতাড়ি হয়েছিল, গোলমালটা লেগেছিল ঠিক তত তাড়াতাড়ি। বোধহয় এক বছরের মধ্যেই। তবু কাকলীর উদয় হয়েছিল। সংসারটা বাইরে থেকে ভাঙে নি, ভিতরটা চূর্ণবিচূর্ণ হয়ে গেছে। অবিভক্তি, এগুলো আমার মজা করে বলার গল্প নয়। কিন্তু স্ত্রীর এই বিশ্বাস নিয়েই এসেছে, স্মৃতির সঙ্গে আমার যোগসাজসেই দার্জিলিং-এ আসা হয়েছে। যোগাযোগ আমার সঙ্গে ঠিকই হয়েছে, কিন্তু একমুখে বাস করার কোনো পরিকল্পনা ছিল না। যদিও প্রকারান্তরে প্রায় তাই ঘটে গেছে। আর এ কথাও বলি, হয়তো আমি আর স্মৃতি এখনো পরস্পরের দিকে তাকিয়ে থাকলে, কোথাও একটা যন্ত্রণা বেজে ওঠে। কিন্তু আমরা পরস্পরের কাছে এটুকু বলাবলি করেছি, কোনো তৈরি কার্যকারণের ভিতর দিয়ে আমরা সংসার সাজিয়ে বসব না, আমার পক্ষে তো আর সম্ভবই নয়। আপনাকে... আপনাকে খালি বলছি, এসব আপনার গল্পে স্থান যেন না পায়, আমার সঙ্গে স্মৃতির

কোনো অবৈধ সম্পর্ক নেই। তবু, ওদের দুজনের ডাইভেস্টিং আজ অত্যন্ত দরকার হয়ে পড়েছে। সেটা আপোসেই স্থমিতার কামা। স্থবীর দৃঢ়প্রতিজ্ঞ, তা সে দেবে না।...জানি নে, যেখানে অবশিষ্ট আছে আর শুধু ঘুণা, সেখানে কেন ডাইভেস্টিং পরস্পরকে দেবে না। অবিশ্যি জানি, এর না দেবার মধোও স্থবীরের প্রতিশোধের আকাঙ্ক্ষা কিছুটা তৃপ্ত হচ্ছে। কিন্তু যাক এসব কথা। আমি বোধহয় আজ চারটের গাড়িতেই চলে যাব। আপনার সঙ্গে আর দেখা নাও হতে পারে। আপনাকে যে এত কথা বলে ফেললাম, ভেতরের একটা অস্থির উত্তেজনাতেই। পরে হয়তো লজ্জা পাব, আপনি মনে মনে যেন ক্ষমা করেন।’

বলে, নামতে গিয়ে আবার হঠাৎ বলে উঠলেন, ‘কিন্তু যে জন্তে বললাম, তা আর একটু বাকী থেকে যাচ্ছে। একটা কথা আমিও স্থমিতাকে বলতে পারি নি। আসলে...আসলে কী জানেন, মাহুঘের একনিষ্ঠতা বলে কিছু আছে কি না কে জানে, আমি আর একটি মেয়েকে ভালোবেসেছি। অতি সাধারণ, প্রায় গ্রাম্য গৃহস্থের একটি মেয়েকে। এ ভালোবাসাটা আমার পাপ নয়, কিন্তু স্থমিতাকে না বলতে পারাটা পাপ। কী করবো বলুন, আমি পারি নি, পারি নি। আচ্ছা চলি। ক্ষমা করবেন...আর...অসুবিধে না হলে স্থমিতার সঙ্গে একটু দেখা করবেন। ওর এক মাস থাকবার কথা। যাচ্ছি—’

বিবেকবাবু চলে গেলেন। কয়েকটা মুহূর্ত বার্চহিল রোডের গাছের ছায়ায় স্তব্ধ হয়ে দাঁড়িয়ে রইলাম। এতক্ষণ ধরে যা শুনেছি, তাই আবার স্মরণ করতে চেষ্টা করলাম। আর কিরে তাকিয়ে দেখলাম, আমার মাথার ওপর দিয়ে, ম্যাল রোড ধরে বিবেক তাড়াতাড়ি হেঁটে চলে যাচ্ছেন। আমার গায়ে শুকনো পাতা উড়ে পড়লো। প্রজাপতিরা উড়ছে। ফার্ন ফাছগুলো অল্প বাতাসে মাথা দোলাচ্ছে। উত্তরের দরজা বন্ধ। স্থমিতার মুখখানি আমার মনে পড়লো।

পা বাড়াতে গিয়ে চোখ ফিরিয়ে দেখলাম, বিস্তৃত অঞ্চল ঘিরে, অতিকায় বিশাল খেত সরীসৃপের মতো কুয়াশা নিচের থেকে উঠে আসছে। পপুলার ভিউটা দেখতে পাচ্ছি না।

কয়েকটা দিন ঘুরে ঘুরে কাটলাম। ছয় শ্রীমান শ্রীমতীরা মাঝে বর্গীর মতো এসে কাঁপিয়ে পড়েছে। ইভা আর বরুণের ঝগড়াটা কিছুতেই থামতে

চায় না। কিন্তু ওরা দুজনেই দেখেছি সব থেকে প্রাণবন্ত, সরল আর সহজ।
টানটাও ওদের বেশী। পার্বতী এখন আর ওদের আপদ মনে করে না। বরং
খুশি হয়ে আতিথেয়তা করে।

সুমিতার ওখানে যাই নি। মাল-এ ওঁদের দেখতেও পাই নি। বিবেকবাবু
চলে গেছেন কি না, তাও বলতে পারি না। কিন্তু নতুন আর আশ্চর্য এবং
সাধারণ অনেক মানুষের সঙ্গে আলাপ হয়েছে। যাদের আমার মনে হয়েছে,
এই প্রাঙ্গণে না দেখলে চিনতে পারতাম না।

একদিন সকালবেলা মাল-এর কাছেই, আপাদমস্তক মুড়ি দেওয়া একটি
ভদ্রলোককে দেখলাম। কেবল চোখ নাক আর ঠোঁট বেরিয়ে আছে।
বাদবাকী সবই ঢাকা। মনে হল, ভদ্রলোক আমার দিকেই তাকিয়ে আছেন।
আমি পাশ কাটাতে গেলাম। ভদ্রলোকের গলা ঘড়ঘড়িয়ে বোজ্ঞে উঠলো,
'ওহে, তুমি যে কী বলে, একেবারে চিনতেই পারছ না, আ! ?'

কে ? পরমেশবাবু ? এ যে আকাশ-ভাঙা বিষয় ! যাঁর ধনুকাভাঙা পণ
ছিল দ্বিতীয় দিনই ফিরবেন, তিনি যে দ্বাদশ দিনেও দার্জিলিং-এ আছেন, কী
করে ভাবব ? তাছাড়া, সেটাও তো আমার অপরাধ, ওঁর এত পাকা বুদ্ধি
সত্ত্বেও চিনতে পারি নি। দেখলাম ওঁর নড়বড়ে দাঁত ঠেলাঠেলি করছে।

বললাম, 'আপনি ?'

'কেন, চেনা যাচ্ছে না ?'

'আজ্ঞে না, তানয়। তবে আপনি যে দার্জিলিং-এ আছেন, তাই তো
কল্পনা করতে পারি নি। পরদিনই তো আপনার ফিরে যাবার কথা ছিল
যেন ?'

মুখটা বেজায় গম্ভীর করে পরমেশবাবু বললেন, 'তা ছিল। তবে যাওয়া
হয় নি।'

আমি একটু উৎকণ্ঠিত হয়ে বললাম, 'আপনার মেয়ে-জামাই সব ভালো
তো ?'

মুখটা বিকৃত করে বললেন, 'ভালো ? তাই তো দেখছি, মুহুর ডালের জল
আর ভাত গিলে তো ছুটিতে আছেন, তার ওপর একটি এসেছে। মানে ছেলে
হয়েছে একটি। সুখ তো ঘোল আনা। কয়েকদিন থেকে একটু মজাটা দেখে
যাচ্ছি।'

সাংঘাতিক লোক, সন্দেহ নেই। মেয়ে-জামাইয়ের চরবস্থায় মজা ভোগ
করার জন্তে, এখনো আপাদমস্তক মুড়ি দিয়ে এই পাহাড়ের দেশে রয়েছেন।

জিজ্ঞেস করলাম, ‘আছেন কোথায় ? মানে এখন উঠেছেন কোথায় ?’

পরমেশবাবু একটু ক্রোশে মুখখানি তেমনি মুখবিকৃত করেই বললেন, ‘আছি
অবিশ্রি মেয়ের ওখানই ...।’

কথাটা শেষ না করে যেন থেমে গেলেন। কিন্তু কথাটা যেন কেমন
ঠেকল। শুনে আমারও যেন মজা-লাগা চমক লাগে। যাদের দূরবস্থার মজা
দেখবার ইচ্ছে, তাদের ঘরেই অবস্থান, একটু যেন কেমন কেমন শোনায় না !

পরমেশবাবুও তা বুঝতে পারলেন বোধহয়, তাই কোনো রকমে শীতার্ভ
হাতখানি বের করে, ঘুরিয়ে বললেন, ‘আছি মানে, ওই রকম। আমার আবার
হোটেলের খাওয়া-দাওয়া পছন্দ হয় না, সয় না, তাই। আর এসেছি যখন,
বাজারটা রোজ করি, আনাজ-টানাজ বেশ ভালোই, কিনতে-টিনতে বেশ
ভালোই লাগে। ভালো লাগে বলেই কিনি, অন্য কোনও গরজ নেই। এসব
সবুজ নধর শীতের তরকারি, দেখলে চোখ জুড়িয়ে যায়।’

তারপরে হঠাৎ গলার স্বর বদলে বললেন, ‘যাবে আমার মেয়ের বাড়ি ? চল
না যাই, আদাড়ে-বাদাড়ে ঘুরে কী করছ, আঁ ? চল যাই ?’

না গিয়ে আর পারলাম না। একটু কৌতূহলও ছিল। তাঁর কথায় যেন
কেমন একটু রহস্যের ছোঁয়া। অনিচ্ছাতেও একদিনের জায়গায় বারো দিন
আছেন, নিতান্ত চোখে সুন্দর লাগে বলেই একটু আনাজ-পত্র বাজার করেন,
এসব শুনে একটু কৌতূহল হয়। তাই গেলাম। বাজারের পাশ দিয়ে,
কাঁট রোডের ওপর খানিকটা নিচের দিকে গিয়ে, পরমেশবাবুর মেয়ের
ছোট্ট কুটির। মেয়ে-জামাইকে দেখে মনে হল, ধরণীর এক কোণে ছুটি সাধারণ
কিন্তু অসাধারণ সুখী মানুষ এসে বাসা বেঁধেছে। বাংলাদেশের মহিমুল্লোগুলো
অ-সাজেতেই সাজানো যেন। মেয়েটি দেখতে এমন কিছু নয়। শামলা রঙ,
ভাগর ছুটি চোখ, ঘরকন্না করা শ্রমপুষ্ট শরীর, মুখে একটি পরিচ্ছন্ন দীপ্তি ও
হাসি। জামাইটি ঝুজু, বলিষ্ঠ, তার মধ্যেই মনে হয়, চোখ দুটিতে একটু
ভাবুর ছায়া। অথচ আত্মগর্বাদার একটা গাভীরের ছাপও আছে। পরমেশ-
বাবুর কাছে পরিচয় পেয়ে মেয়ে-জামাই দু’জনেই ছুটোছুটি করে অভ্যর্থনা
করলো। একটি পায়ী ভাঙা চেয়ার দিল তাড়াতাড়ি বসতে। তারপরেই
দেখলাম, মেয়ের গভীর মুখ, ভ্রুকুটি দৃষ্টি বাবার ওপরে। পরমেশবাবু যেন
দেখেও না দেখে, আমার সঙ্গেই কথা বলতে ব্যস্ত হলেন।

মেয়ে বলে উঠলো, ‘বাবা, কেন তুমি অতগুলো মুরগী কিনেছ ? তুমি তো
ছোঁও না।’

পরমেশবাবু বলে উঠলেন, 'ছি, এ বয়সে আর গম্ব কি পারা যায়। তোরা খাবি বলেই এনেছি। দেখি সবাই কিনে কিনে হাতে ঝুলিয়ে নিয়ে যায়।'

'তাই তুমিও নিয়ে আসবে?'

'তা কী হয়েছে। অমন করছিস কেন খুকি। কনক খেতে ভালোবাসে। তা জামাইয়ের জন্যে আনব না, কী বল হে? আজ যদি কলকাতা হত?'

মনে হল, শেষের কথা কটি বলতে পরমেশবাবুর গলা খাদে নেমে গেল। আর তার খুকির চোখ দুটি কেমন ঝাপসা হয়ে উঠল। জামাইকে দেখে বোকা গেল, সে লজ্জাও পেয়েছে, বাথাও বোধ করছে। বাবা মেয়ের মাঝখানে এই মুহূর্তে দাঁড়িয়ে থাকতে সে যেন অস্বস্তি বোধ করল। আমার দিকে একবার দৃষ্টিপাত করে সে সরে গেল।

আমার বুকের ভেতরটা একেবারে ভরে ছাপিয়ে উঠেছিল। আর ভাবছিলাম, এই কি সেই পরমেশবাবু? যাকে আমি ট্রেনে দেখেছিলাম? তিনি আমাকে উদ্দেশ্য করেই সাক্ষী মেনেছেন। আমি খুব জোর দিয়ে তাঁকে সমর্থন করে বললাম, 'নিশ্চয়ই।'

টলটলে চোখ নিয়েই কন্যা আমার দিকে চেয়ে হেসে উঠলো। বললো, 'না, দেখুন না, বাবা রোজ কাঁড়ি কাঁড়ি বাজার করছেন, কে এত খায় বলুন তো! নষ্ট করা আমি দু চক্ষে দেখতে পারি না।'

পরমেশবাবু বললেন, 'তোর মায়ের মতো কথা বলছিস। কিন্তু কতকাল বাজার-টাজার করতে পাই নি, সেটা ছাখ্।'

কন্যা হেসে ধমক দিল, 'তাই বুঝি এখন শোধ তুলছ?'

তার কথা শেষ হয় না। ঘরের মধ্যে শিশুর কান্না বোজ উঠলো। পরমেশবাবু বললেন, 'ছাখ্! ভালুকটা বোধহয় উঠলো, আমার কাছে নিয়ে আয়।'

খুকি গিয়ে শিশুকে নিয়ে এল। সত্যি, ভল্লুক। তবে কালো কুচকুচে চোখ, খেত ভল্লুক। পরমেশবাবু দু হাত বাড়িয়ে দৌহিত্রকে বুকে তুলে নিলেন। আমার মনে হল, তাঁর দুটি চোখ স্নেহ স্নিগ্ধতায় ভিজে উঠেছে।

আমার মনে হল, আমারও উঠবে। তাতে লজ্জিত হব না, মনে মনে বলব, একদিন যে পরমেশবাবু বলেছিলেন, 'ভাত কুরকুরায় না প্রেম কুরকুরায়' তাই দেখতে চলেছেন, তার জবাব, মাঝখের এইটুকু অহঙ্কার, সে পেট সর্বস্ব ক্ষুধা-কাতর জীব নয়, প্রেমের ক্ষুধা তাকে মনুষ্যত্বের শ্রেষ্ঠ আসন দিয়েছে। এখানে এই দরিদ্র দম্পতি, আর স্নেহকাতর পিতার মধ্যে তাই দেখলাম।...

বেলা প্রায় তিনটে। ঘরে বসে দেখছি, লেবং-এ আজ মাতৃষেবা পোকার মতো গিজগিজ করছে। ঘোড়ার দৌড় হচ্ছে। পরিষ্কার দেখতে পাচ্ছি, মাঠে ঘোড়ারা চক্রবৎ দৌড়ছে। ওপরে গণেন সেনের ঘরে ছবি দেখতে গিয়েছিলাম। বিচিত্র ঘর। শায়া শাড়ি রাউজ পায়জামা পাঞ্জাবি, মদের বোতল, ছবি, ইজেল, রঙের টিউব, আর কতগুলো আঁকা ক্যানভাস সব মিলিয়ে এক আশ্চর্য দৃশ্য। এবং আরো জেনেছি, গণেন সেনের স্ত্রী নন মহিলাটি। একদা মডেল হিসাবেই এসেছিলেন। সাত বছর আগে আন্তাকুড থেকে রমলা, অর্থাৎ মহিলাটিকে এনেছিলেন। এবং ক্যানভাসে রমলার প্রচুর ছাত্র চিত্র। নানান ভঙ্গিতে। এখন দুজনের সম্পর্কটা বিচিত্র। কেউ কাউকে ছাড়তে পারেন না, সহ্যও করতে পারেন না। ভয়ংকর বিকার তাঁদের চেতনাকে গ্রাস করে রেখেছে। শুধু এমন বিপরীত, ঘৃণা ও আকর্ষণের জীবন আমি দেখিনি। গতকাল রাজে দু'জনের, ভয়াবহ হাতাহাতি গেছে নিঃসন্দেহে। আবার আজই আঁকার সরঞ্জাম নিয়ে, দু'জনে লেবং-এর ঘোড়দৌড়ের মাঠে চলে গেছেন।

দেওদার ভবনের শুভেন্দু ললিতা শ্রীমন্তরাও ঘোড়দৌড়ে গেছেন। বার্চ-হিলের এ পাড়াটায় আমি বোধহয় আজ একলা বিদেশী। কারণ, মল্লিকারাও দল বেঁধে ঘোড়দৌড় দেখতে গেছে। কলকাতায় নাকি কোনোদিন দেখে নি।

বসেছিলাম, হঠাৎ পার্বতী ছুটে এল। রুদ্ধ উত্তেজিত গলায় বললে, 'বাবুজী, তাড়াতাড়ি আসুন। মা দিদিকে মেরে ফেলেছে।'

বিদ্রোহীদের মতো চমকে, দাঁড়িয়ে উঠে গুকে অতঃসরণ করলাম। গিয়ে দেখলাম, রান্নাঘরের পাশে ওদের শোবার ঘরে, প্রেমবতী মেঝেয় পড়ে আছে। মায়লী তাকে একটা চালা কাঠ দিয়ে ভীষণ পিটছে। প্রেমবতী কোনো বাধা দিচ্ছে না।

ছুটে গিয়ে তাড়াতাড়ি মায়লীর হাত চেপে ধরলাম। ধমকে বললাম, 'করছ কী মায়লী, মেরে ফেলবে?'

মায়লী চীৎকার করে বললো, 'হ্যাঁ, মেরে ফেলব, গুকে মেরে ফেলব।'

বলেই হঠাৎ বুক চাপড়ে, ডুকরে কেঁদে উঠলো, 'সর্বনাশ করেছে ও বাবুজী, সর্বনাশ করেছে। আমি তো এ ভয়ই পেয়েছিলাম বাবুজী, ও বাচ্চা হোনেবালী। সমাজে আমি কেমন করে মুখ দেখাব?'

আমি চমকে উঠলাম। জিজ্ঞেস করলাম, 'কিন্তু কে, কার কথা বলছ তুমি ?
কে ওর বাচ্চার বাবা ?'

মায়লী কান্না কঙ্গ গলায় বললো, 'শুভেদু বাবু, শুভেদু বাবু।'
শুভেদু। কি আশ্চর্য। বারো বছরের বিবাহিত জীবনে যে ছিল নিঃসন্তান,
আজ সে এই পার্বত্য মেয়ের সন্তানের পিতা ? শুভেদু কি জানে। সে
কীভাবে এ সংবাদ গ্রহণ করবে ? কিংবা করেছে।

দেখলাম, প্রেমবতী তেমনি মুখ গুঁজে পড়ে আছে। পিঠের জামা ছিঁড়ে,
ধবধবে সাদা পিঠে রক্ত দেখা যাচ্ছে। বললান, 'কিন্তু ওকে এখন আর মেরে
কি হবে মায়লী। ওকে না মেরে, বরং দেখ এখন কী করা যায়। কোনো
একটা গতি করা যায় কি না, তার উপায় ভাব।'

মায়লী বললো, 'ব্যবস্থা কিছু করার নেই বাবুজী, আমাদের এখনি
পঞ্চায়েতের কাছে যেতে হবে। আমাদের তাদের কাছে সব কথা বলতে হবে।
নইলে তারা যখন জানতে পারবে আমাদের রক্ষে রাখবে না।'

বললাম, 'বেশ তো, তুমি যাও। প্রেমবতীকে আমি দেখছি।'

মায়লী আর দেরী করলো না। ও চলে যাবার একটু পরে, পার্বতীর
সাহায্যে প্রেমবতীকে উঠিয়ে বসালাম। এক সঙ্গে আমরা চা খেলাম।
তারপরে ওর মুখে সব ঘটনা শুনলাম।

কাহিনী সামান্য। শ্রীমন্ত আর ললিতার ওপর নজর রাখবার জন্তেই প্রথমে
শুভেদু ওকে বলেছিল। প্রেমবতী বিশ্বস্তভাবেই তা পালন করেছিল। কিন্তু
আন্তে আন্তে প্রেমবতীর সঙ্গে শুভেদুর সম্পর্ক বন্নিষ্ট হয়ে উঠেছিল। প্রেমবতী
প্রথমে শুভেদুর প্রস্তাবে আপত্তি করলেও, জ্বর দ্বারা প্রভাবিত একজন মানুষের
প্রতি সহৃদয় হয়ে উঠেছিল সে। তারই পরিণতি এই মাতৃত্ব ! তার মনে
হয়েছিল, এই প্রবঞ্চিত নিরপরাধী লোকটির মন যাতে শান্তি পায়, সেরকম
কোনো কিছুতে তার বাধা দেওয়া উচিত নয়।

কিন্তু বেচারী মেয়েটি, পর্বতচূড়িতা তার সারলা দিয়ে বুঝতে পারে নি,
একটি প্রবঞ্চিত লোককে কল্পনা করতে গিয়ে, সে নিজেই কল্পনার পাত্রী হয়ে
উঠেছে। অপমান ও বিপদের খড়্গ নেমে এসেছে তার ওপর।

মায়লী পঞ্চায়েতের লোকজন নিয়ে ফেরবার আগেই, দেওদার ভবনের
তিনজনেই ফিরে এলেন। পঞ্চায়েতও এল। দেওদার ভবনের বাইরের
ঘরেই প্রায় পঞ্চাশজন লোকের জটলা। যাবার ইচ্ছে ছিল না। মায়লী আর
পার্বতী ছাড়ে নি। পঞ্চায়েতের সঙ্গে গুরখা লীগের কয়েকজন সদস্যও ছিল।

শ্রীমন্ত আর ললিতা চীৎকার করে তাদের গালাগালি দিতে লাগলো। তাদের দুজনের বক্তৃতা হল, প্রেমবতী আর তার মা এবং এই পক্ষায়েত উদোর বোঝা বুদোর ঘাড়ে চাপিয়ে কিছু টাকা মারবার মতলবে আছে।

শুভেন্দুকে ওরা কোনো কথাই বলতে দিচ্ছিল না। সে যতবারই কিছু বলতে যাচ্ছিল, ততবারই ললিতা আর শ্রীমন্ত তাকে বাধা দিয়েছিল। দু তিনবার ললিতা শুভেন্দুকে আড়ালে ডেকে নিয়ে গিয়েছিল কথা বলবার জন্যে। প্রত্যেক বারই, ললিতার রোষ বেড়ে উঠছিল। পক্ষায়েতের সঙ্গে ঝগড়া করবার জন্যে শ্রীমন্ত একলাই একশ' ছিল। কেন জানি না, লোকটার ভাবভঙ্গি আমার একটুও ভালো লাগছিল না। কেমন যেন দূর্ত আর শঠ মনে হচ্ছিল।

কিন্তু শেষ রক্ষা করা গেল না কিছুতেই। তবু শেষ পর্যন্ত শুভেন্দু মুখ খুললো, এবং স্বীকার করলো, প্রেমবতীর সঙ্গে তার সম্পর্ক। এই স্বীকারোক্তির মধ্যে যেন, যুগপৎ একটা গৌরব এবং বাধা প্রকাশ পাচ্ছিল। তার রক্তও যে পিতৃত্ব ধারণ করে, সেই তার গৌরব। কিন্তু তার সম্ভাবনের জননী যে-পাত্রী, যে চর্যটনার মধ্য দিয়ে সেই পিতৃত্ব ঘোষিত হয়েছে, সেটাই তার বাধা।

তখন স্বভাবতই পক্ষায়েত চেপে ধরলো, তা হলে শুভেন্দুকে বিয়ে করতে হবে। প্রেমবতীকে স্ত্রীরূপে গ্রহণ করতে হবে।

এ সময়ে ললিতা যেন একেবারে উন্মাদ হয়ে উঠলো। শুভেন্দুকে সে অন্ধ মূর্খ বলে তীব্র বিদ্রোপ ফেটে পড়ে বললো, 'এটা বুঝতে পারছ না, মেয়েটাকে তোমার ঘাড়ে চাপাবার জন্যে এরা একটা ষড়যন্ত্র করেছে। তুমি নিজে জান না, এ তোমার দ্বারা সম্ভব নয়। আমাকে দেখেও কি তুমি বুঝতে পারছ না, এ তোমার কাজ নয়?'

কিন্তু শুভেন্দুর তাতে বিন্দুমাত্র ভাববিকার দেখা গেল না। সে পরিকার বললো, 'কোনটা কার কাজ, তা সে-ই বলতে পারে, কাজটা যে করেছে। অন্ততঃ এক্ষেত্রে আমি তা অস্বীকার করব না।'

পক্ষায়েতকে সে জানালো, বিয়ে করা তার পক্ষে সম্ভব নয়। পক্ষায়েত এ বিষয়ে যেন বিবেচনা করে। তবে প্রেমবতীর যে-সম্মান হবে, তাকে বরাবর মানুষ করার দায়িত্ব তার। তা ছাড়া, প্রেমবতীকে সে ছ'হাজার টাকা দেবে। ভবিষ্যতে আর কী হবে, জানে না।

দেখা গেল, পক্ষায়েত এটা মেনে নিল। আমার একবার মনে হল, প্রেমবতীকে বিয়ে না কারাটা শুভেন্দুর অগ্গায় হচ্ছে। কিন্তু সময়ের পথ চেয়ে থাকা ছাড়া কোনো উপায় নেই। কারণ, শুভেন্দুর চোখে আমি একটি বিচিত্র

আলোর ঝলক দেখেছি। সেটা বোধহয় তার অবরুদ্ধ হতাশ পিতৃত্বের
সহসা চকিত ঝলক। প্রেমবতীকে কি সে চিরদিন ছেড়ে থাকতে পারবে?

দার্জিলিং থেকে ফিরে যাবার দুদিন আগে স্মিতার সঙ্গে মাল-এ দেখা
হল। কাকলী ছুটে এসে আমাকে জড়িয়ে ধরলো। দেখলাম, দার্জিলিং
স্মিতার মুখের রক্তই শুষেছে কেবল। জিজ্ঞেস করলাম, 'বিবেকবাবু আর
সুবীরবাবু কোথায়?'

স্মিতা অবাক হয়ে বললো, 'বিবেক তো সেদিনই বিকেল চারটেয় চলে
গেছে। সুবীরের তো তার পরের দিনই ফ্লাই করার কথা।'

এ আবার কেমন কথা! খট করে যেন কানে লাগলো। স্মিতার দিকে
তাকলাম। সে তখন দৃষ্টি ফিরিয়ে রেখেছে অগ্নিদিকে। জিজ্ঞেস করলাম,
'ফ্লাই করার কথা মানে? করেছেন কি না, সে খবর আপনি রাখেন না?'

নীত লেগেই যেন স্মিতার ঠোঁট শুকিয়ে উঠলো। হাসিটিও তেমনি
শুকনো। বললো, 'কী করে রাখব বলুন। আমাকে একবার বলেছিলেন,
'পরের দিনই তিনি প্লেনে কলকাতা চলে যাবেন।'

আমি বললাম, 'উনি যখন বাড়ি থেকে বেরোন, তখন নিশ্চয়ই আপনার
সঙ্গে দেখা হয়েছিল?'

স্মিতা আমার দিকে অবাক চোখে তাকিয়ে, পরমুহূর্তেই লজ্জিত হয়ে
উঠলো।

বললো, 'ওঃ, আপনি বোধহয় জানতেন না, উনি যেদিন এলেন, সেদিন
আপনারা চলে যাবার আধঘণ্টা পরেই স্ট্রটকেশ নিয়ে হোটেলে চলে গেছিলেন।'

আচমকা একটা খাপ্পড় খাবার মতো থমকে গেলাম। সুবীরবাবু যে
সেইদিনই হোটেলে চলে গেছিলেন, সে খবর জানা ছিল না। কোনোরকমে
একবার উচ্চারণ করলাম, 'ওহ, তাই নাকি?'

স্মিতা চুপ করে, দূরের অস্পষ্ট কুয়াশা-ঢাকা পাহাড়ের দিকে চেয়ে
রইলো। কাকলীকে বুকে নিয়ে আমিও চুপ করে রইলাম। সন্দেহ হল,
কাকলীও যেন এই বিষম অস্বস্তিদায়ক অবস্থাটা একরকমভাবে অনুভব করে,
চুপ করে আছে। আমার জামার বোতাম খুঁটতে খুঁটতে, শিশুটিও অগ্নমনস্ক
হয়ে অগ্নিদিকে তাকিয়ে রইলো।

কিন্তু কাকলী বৌশিফ চুপ করে থাকতে পারলো না। হঠাৎ বলে উঠলো,

‘বাবীনতা তলে গ্যাতে, তুমি দানো না?’

আমি ওর মুখের দিকে চেয়ে হাসবার চেষ্টা করলাম। ষাড় নেড়ে জানালাম, জানি না। আমার বুকের মধ্যে মোচড় দিয়ে উঠলো। কাকলী আবার বললো, ‘বাবীন আমাকে হোতলে নিয়ে দেতে তেয়েখিল।’

বললাম, ‘গেলে না কেন।’

কাকলী গম্ভীরভাবেই জবাব দিল, ‘মা দায় নি।’

‘মা না-ই বা গেল। তুমি তো বাবীনের কাছে যেতে পারতে।’

কাকলী একটি বড় মেয়ের মতো দূরের দিকে চেয়ে বললো, ‘ছ দনের কাছে থাকতে ইত্তে কলে।’

এবার শুধু বুক মোচড় নয়। মনে হল, আমার গলার স্বর বন্ধ হয়ে আসছে। দেখলাম, হুমিতার মুখ নত। তার মুখ দেখতে পাচ্ছিলাম না। কিন্তু মনে হল, কাকলীর কথায়, আমার থেকে তার অবস্থা ভালো না। একটু পরেই তার গলা শোনা গেল, ‘খুকু, কাকুর কোল থেকে নেমে, তুমি একটু সরে গিয়ে খেলা কর তো।’

কাকলী একবার আমার মুখের দিকে তাকালো। তারপরে মায়ের দিকে ফিরে গম্ভীরভাবেই জিজ্ঞেস করলো, ‘তোম্বা কথা বলবে?’

হুমিতা বললো, ‘হ্যাঁ তোমার নতুন কাকুর সঙ্গে আমার একটু কথা আছে।’

কাকলী আমার মুখের দিকে তাকালো। নিজের থেকেই কোল ছেড়ে নামতে নামতে বললো, ‘কিন্তু আমি এখন খেলা কল্বো না। ওখানে দেয়ে দাঁড়াবো।’

বলে সে একদিকে অঙ্গুলি নির্দেশ করে আন্তে আন্তে হেঁটে গেল। দেখলাম, কাছেই, একটি বেকিতে বাস থাকা বুড়ো নেপালীর পাশে গিয়ে সে দাঁড়ালো। নেপালী বুড়ো ফোগলা দাঁতে হাসলো। কাকলীও হাসলো। তারপরে, হুজনেই ষাড় নেড়ে নেড়ে কী ভাষায়, কী কথা যে বলতে লাগলো, তা ওরাই জানে।

হুমিতা আমার দিকে ফিরে তাকালো। ইতিমধ্যেই তার মুখ যেন আরো শুকিয়ে উঠেছে। বললো, ‘আপনি হয়তো জানেন না, স্থবীর কেন এসেছিল।’

মুখ খুলতে আমার সঙ্কোচ হল। সরাসরি কিছু না বলে, বললাম, ‘হয় তো আপনাদের হুজনের বিষয়ে কিছু একটা স্থির করতে।’

‘আপনাকে বিবেক কিছু বলেনি?’

‘বলেছিলেন।’

‘সে হয়তো আপনাকে ডাইভোর্সের বিষয়ে বলেছিল।’

এত সোজা-সুজা কথায়, সন্দোহে চূপ করে থাকা চলে না। ‘হ্যাঁ, শুনেছি আপনি ডাইভোর্স চান।’

সুমিতা কিছুক্ষণ চূপ করে রইল। তারপরে, কিছুটা কষ্ট মেশানো দ্বিধার সঙ্গে বললো, ‘চাই কি না, ঠিক জানি না। কখনো মনে হয়, চাই। কখনো মনে হয়, ডাইভোর্স নিয়েই বা আমার কী হবে। কেন জানি না, আপনার কাছে কোনো সন্দোহ হচ্ছে না কথা বলতে। আমার কোনো দ্বিতীয় জীবন নেই।’

শেষের কথায় যেন একটি দৃঢ় স্বীকারোক্তির স্বর ফুটে উঠলো সুমিতার গলায়। তার কথার মধ্যে যে স্পষ্ট ইঙ্গিত ছিল, তা বুঝতে অসুবিধা হল না। হয়তো বিবেকের কথা মনে করেই, সে অমাকে একথা বললো। কিন্তু সেটুকু বিশ্বাস আমার ছিল, সুমিতার জীবনে কোনো দ্বিতীয় পুরুষের স্থান নেই। ও নিজেই আবার বললো, ‘মেয়েদের এ অবস্থাটা কতখানি হেল্প্‌লেস, হয় তো বুঝতে পারেন। তবু ডাইভোর্সের কথা এই কারণে ভাবি, যা হোক একটা স্থির হয়ে যাক। ত্রিশঙ্কর মতো, ঝুলে থাকা যায় না। স্ববীর তাও দেবে না। অথচ, আমি তো জানি, স্ববীরেরও কোনো দ্বিতীয় জীবন নেই। এক এক সময় বুঝতে পারি না, তা হলে কী নিয়ে ব্যবধান থাকছে।’

বললাম, ‘যদি কিছু মনে না করেন, তা হলে আমার ধারণা, এটা নিতান্তই ব্যক্তিস্বের সংঘাত।’

আমার কথাটা অস্পষ্ট বোধ হওয়ায় সুমিতা জিজ্ঞাসু চোখে তাকালো। আমি আবার বললাম, ‘আপনাদের বিবাদটা তো বাইরের বিবাদ নয়, ভিতরের বিবাদ। স্বামী স্ত্রীর সম্পর্কের মধ্যে যে অধিকার, সেই অধিকারের বিবাদ। জানি না, সে বিবাদ মেটানো সম্ভব কি না। এ আপনাদের নিতান্ত হুজুনের ব্যাপার। মন না মানলে, এর বোধহয় শেষ হয় না।’

সুমিতা বলে উঠলো, ‘কিন্তু আপনি যদি স্ববীরের ব্যবহার দেখতেন। সে অমাকে আজকাল অবিশ্বাস পর্যন্ত করতে শুরু করেছে।’

‘সেটাও বোধহয়, এ ক্ষেত্রে আস্তে আস্তে অবশ্যাস্তাবী হয়ে পড়ে।’

‘এখানে এসে, খুকুর সামনেই কী রকম করে কথা বলছিল, তা যদি শুনতেন। স্ববীর জোর করে খুকুকে আমার কাছ থেকে নিয়ে নিতে চায়।’

বলতে বলতে, সুমিতার স্বর রুদ্ধ হয়ে এল। চোখের কোণ চিকচিক করে উঠলো। এ সময়ে আমার যে কী বলা উচিত, জানি না। হিমালয়ের

এই পথ চলতে, আমাদের পরিচয় বা কতটুকু। বলবার অধিকার বা কতখানি।
অথচ স্মিতার জ্ঞান মনটা বাথা করে উঠলো।

স্মিতা নিজেই আবার নিচু স্বরে বললো, ‘স্ববীরের জীবনে তো তবু কাজ
আছে। কাজ আছে বলে, তার অনেক লোক আছে। তার কত নাম, কত
প্রশংসা। কিন্তু আমার কী আছে। খুকুকে যদি নিয়ে নেয়, তাহলে আমার
আর কী থাকে। ও খুকুর মন বয়স পর্যন্ত ভুলে গেছে। খুকুকেই সোজাসৃজি
বলেছে, ‘তুমি তোমার ময়ের সঙ্গে থাকতে চাও, না আমার কাছে?’ ভাবুন-
তো বোটারীর অবস্থা। সে এই একটু আগে আপনাকে যে জবাব দিয়েছে, ও
হুজনের কাছেই থাকতে চায়।’

আমি বললাম, ‘ওর পক্ষে সেটাই তো স্বাভাবিক আর স্বন্দর। ওর মনের
মধ্যে যে এখনো পক্ষপাতের স্টি হয় নি, সেটা একটা আশীর্বাদ।’

স্মিতা আমার দিকে চোখ তুলে তাকালো। বললো, ‘ঠিক বলেছেন।
আমিও তাই মনে করি।’

বললাম, ‘একটা কথা জিজ্ঞেস করব?’

‘করুন।’

‘স্ববীরবাবু নিশ্চয় তাঁর মেয়েকে ভালোবাসেন?’

স্মিতার দৃষ্টি একটু নত হল। বললো, শুধু বাসেন বললে ভুল হয়।
স্ববীরকে আমি যদি ঠিক চিনে থাকি, ও যা-ই করে থাক, খুকুকে ছেড়ে মনে-
মনে একেবারে ক্ষেপে উঠেছে।’

‘আপনি যেমন ভাবছেন, আপনার মেয়েকে কেড়ে নিতে চান উনি, উনিও
সেই রকম ভাবছেন, আপনি ওঁর মেয়েকে কেড়ে নিয়েছেন।’

জংঘের মধ্যে স্মিতা একটু হাসলো। বললো, ‘বাপারটা সেই রকমই
দাঁড়িয়েছে।’

আমি বললাম, ‘তা হলে, স্ববীরবাবুর দিক থেকেও কিছু কিষ্কিৎ যুক্তি
আছে।’

স্মিতা চুপ করে রইলো। আমি তাড়াতাড়ি আবার বললাম, ‘দেখবেন,
এর থেকে যেন ধরে নেবেন না, পুরুষকেই কেবল সমর্থন করছি।’

স্মিতা বললো, ‘না, তা ভাবছি না।’

বলে সে কাকলীর দিকে তাকালো। আমিও তাকালাম। দেখে মনে
হল, বুড়ো দরিদ্র নেপালীটার সঙ্গে সে গভীর সমশ্রামূলক আলোচনায় ব্যস্ত
হয়ে পড়েছে। কাকলী গম্ভীরভাবে, গালে আঙুল রেখে, ঘাড় নাড়ছে। আর

ঝুড়ো কী যেন বলছে।

কাকলীর দিকে চেয়ে থাকতে থাকতে, আমার ভিতরে যেন অনেক কথা কলকল করে উঠলো। মনে হল, এ বেচারীর কী দোষ! যত অন্ধ্যা অধিকারের বোঝা তো, এই শিশুটির ঘাড়ের চেপে বসেছে। আমি হঠাৎ বলে উঠলাম, ‘আপনাকে আর একটা কথা জিজ্ঞেস করব?’

স্মৃতি মুখ ফিরিয়ে বললো, ‘নিশ্চয়ই।’

‘দেখুন, আপনার আর স্ববীরবাবুর মাঝখানে যে সংঘাত, সেটা নিশ্চয় একটা ভিতরের ব্যাপার। বিবেকবাবু যে আমাকে বলেছিলেন, আপনাদের দুজনের মধ্যে এখন ঘণাই শুধু অবশিষ্ট আছে—’

স্মৃতি বলে উঠলো, ‘শুধু ঘণা?’

‘আমি সেইরকমই শুনেছি।’

স্মৃতি নত মুখে নিচু স্বরে বললো, ‘অবিশ্টি বিবেক আমার কথা থেকেই সেরকম আন্দাজ করেছে।’

আমি বললাম, ‘কিন্তু আমি ঠিক ততটা চিন্তা করি নি। সম্ভবত ঘণার চেয়ে জেদটাই আপনাদের দুজনের মাঝখানে বেশী রয়েছে। ইংরেজীতে হয়তো একে “এগো” বলে। তারপরেও তো, আর একটা জায়গা আছে। আপনাদের দুজনের মন-ই সেটা সব থেকে ভালো বোঝে। বিশেষত আপনাদের কাকুরই যখন দ্বিতীয় জীবন বলে কিছু নেই।’.....

কথা শেষ করতে পারলাম না। দেখলাম, স্মৃতির মাথাটা একেবারে নত হয়ে পড়েছে। তার চিবুক প্রায় বুকের কাছে ঠেকেছে। ফর্সা ঘাড়ের রোদ লেগে, স্বর্ণগ্রীবা সদৃশ দেখাচ্ছে। হয়তো সে কাঁদছে। তবু কথা যখন উঠেছে, আমার থামতে ইচ্ছা করলো না। বললাম, ‘যদি মনে করেন, তারপরেও কিছু থেকে যায়, সেটুকু কি খুকুর মুখ চেয়ে ছাড়া যায় না? ও যে বাবা মায়ের মাঝখানে জুড়ে থাকতে চায়, ওর এ সাধ কেন অপূর্ণ থাকবে।’

স্মৃতি রুদ্ধ গলাতেই বলে উঠলো, ‘আপনি জানেন না, স্ববীর কী রকম নির্ভুর। ও ভাঙবে তো মচকাবে না।’

‘আপনি মচকান।’

আমার কথা শুনে স্মৃতি ভেজা চোখ তুলেই যেন চমকে তাকালো। আমি হেসে, অকুরোধের স্বরে বললাম, ‘খুব কঠিন জানি, কিন্তু আপনি তো জানেন, এ মচকানোর অর্থ কী। এ মচকানো, সত্যি কি মচকানো?’

স্মৃতি যেন অনেকটা ব্যাকুল স্বরে বলে উঠলো, ‘কেমন করে, কেমন

করে বলুন।’

আমি তেমনি হেসেই বললাম, ‘আমি যোগিনী হয়ে যাব সেই দেশে, যেথায় নির্ভর হরি। সব দিয়ে দেখুন না, আসল ভাঙন মচকানোটা কার। কার হার, কার জিত।’

স্মিতা আমার দিকে যেন চেয়ে থাকতে পারলো না। অনেকক্ষণ মুখ নিচু করে রইলো। জানি, সে কাঁদছে। একটু পরে সে বললো, ‘থুকুকে ডেকে নিন।’

আমি কাকলীকে ডাকলাম। শুনেই সে ছুটে এল। বোঝা গেল, সে আমাদের কাছে আসবার জন্তে মনে মনে ব্যস্ত হয়েছিল। স্মিতা তাকে কোলের কাছে টেনে নিল। বুকের কাছে চেপে ধরলো। বললো, ‘চল, এবার আমরা উঠি।’

বলেও সে কাকলীকে বুকে চেপে বসে রইলো খানিকক্ষণ। আমি চুপ করে দেখলাম। তারপরে যখন স্মিতা মুখ তুললো, দেখলাম, তার ভেজা মুখে হাসি। হাসিটি স্নিগ্ধ, পরিচ্ছন্ন, যেন কৃতজ্ঞতায় ভরা। মুখে তার রক্তাভা। বললো, ‘কে যে কেমন করে কখন বন্ধু হয়ে ওঠে, বোঝা যায় না।’

আমি বললাম, ‘ঠিক সময়ে বোঝা যায়।’

দুজনেই চোখে চোখে তাকিয়ে হেসে উঠলাম। বন্ধুর হাসি। স্মিতা বললো, ‘আপনার কথা সারা জীবন মনে থাকবে।’

আমি বললাম, ‘সারা জীবন না হোক, কলকাতায় গিয়ে যেন ভুলে যাবেন না।’

আবার হেসে উঠলাম দুজনেই। তারপরে বললাম, ‘আপনার তো ফেরার দিন হয়ে এল।’

স্মিতা বললো, ‘হ্যাঁ, পরশু যাব। আপনি?’

বললাম, ‘তার পরের দিন।’

স্মিতা বললো, ‘অত্ন কিছু যেন মনে করবেন না, অসুবিধে না হলে চলুন না, এক সঙ্গেই যাই, নইলে আমাদের মা মেয়েকে একেবারেই মুখ বুজে যেতে হবে।’

কেন জানি না, বুকের মধ্যে একটা খুশির হাসির বেগেই যেন টনটনানিতে ব্যথা করে উঠলো। আপত্তি করার কোনো কারণ খুঁজে পেলাম না। কাকলীকে হাত বাড়িয়ে নিয়ে বুকের ওপর ধরে বললাম, ‘নিশ্চয়, তাতে কী হয়েছে। আমারও তো পথে একটু কথা বলবার লোকের দরকার।’

দেখলাম, আজ সারাটা দিন ধরে খাজাঞ্চিখানা উত্তরের আকাশে বলকাচ্ছে ?
পূব থেকে পশ্চিমে ধবলগিরি অর্ধচক্রাকারে দার্জিলিং-এর প্রান্তরকে ঘিরে
রয়েছে। আজ আর কাকর তেমন কৌতুহল নেই, উচ্ছ্বাস নেই। আজ তার
কোথাও ঢাকাঢাকি নেই। সকল দুয়ার হাট করে খোলা।

ফিরে আসবার সময় অনেক কষ্টে পার্বতীকে ঢালু পাহাড়ের কোল থেকে
আবিষ্কার করেছিলাম। সে সামনে দাঁড়িয়ে আমাকে বিদায় দিতে চান নি।

বার্চ গাছের আড়ালে আড়ালে, চড়াই উৎরাইয়ের ধাপে ধাপে, নিজেকে
লুকিয়ে, সে স্টেশন পর্যন্ত এসেছিল। ওর মা মায়লী, স্টেশন অবধি আমাকে
বিদায় দিতে এসে বারে বারে বলেছিল, ‘মেয়েটা কিছুতেই আপনার সামনে
আসতে চাইল না। তাজ্জ্ব লেড়কী আমার। বাবুর কি চিরদিন এখানে বসে
থাকা চলে।’

বলে, মায়লী ফোগলা মুখে, ককণ হেসেছিল। জিজ্ঞেস করেছিলাম,
‘ও কোথায়?’

মায়লী স্টেশনের সামনেই, রাস্তার ধারে যে উচু চড়াইয়ের সবুজ চূড়াটা
রয়েছে, তার ঢালুতে আঙুল তুলে দেখালো। দেখলাম, পার্বতী সেখানে
দাঁড়িয়ে এদিকেই তাকিয়ে রয়েছে। চোখাচোখি হতেই, পিছন ফিরে সে ছুটে
চলে গেল। হাসতে গিয়ে কোথায় একটু লাগলো। জীবন মন, সবই কত
বিচিত্র।

একটু পরেই, স্মৃতি আর কাকলী এসে পড়ল। পাড়ি প্রস্তুত, এবার
কেবল উৎরাইয়ের পালা, অবতরণ।

*

খুঁজিবার পথ

অনেকদিনের ঠিকানা, তাতে কোনো ধাঁধা নেই। পথ একটু ঘোরালা।
দিশা খুঁজে নিতে হবে। ঢাকা দিল্লী কলকাতা, যে-ঘাট থেকেই আসি, সোজা
বাটের রসিদ কেউ দেয়নি আমার হাতে। যদিও সে আমার ঘরের কোলে
‘আরশীনগরের’ মতো আখচারের আনাযানায় পড়ে, তবু সে ‘পড়শীকে’ পেতে,
ঘুর-পথে হাতড়ে ফেরা ঘোচে না। কলের গাড়ি থেকে নামলাম নিপাটে,
বাবুকে টিকিট দিয়ে হাজির হলাম ঠিক টিকানায়, সেটি হবার জো নেই।

পথের ধুলো মাখতে হবে গায়ে। পারলে বলতাম,

ক্যাপা, না জেনে তোর আপন খবর

যাবি কোথায়?

আপন ঘর না বুঝে,

বাইরে খুঁজে

পড়বি ধাঁধায়।

কিন্তু ধান কাটা সারা হয়েছে। জলে ধরেছে টান। পীক কাদা শুকিয়ে পথ
ঘাট খট খট করছে। সোনা যদি কখনো নীল হয়, তবে সে আকাশে গিয়ে।
এখন যেমনটি, যেন নীল বলকে চোথ ধোঁধো যায়। পৌষ-সংক্রান্তির এই বেলা
যতো ছোট আকাশ ততো বড় দেখায়। ঘরে কেউ থাকতে চায় না। বাংলা
দেশে মেলার মরসুম পড়েছে তাই। এ মেলা যেন গ্রামীণ বাংলার বন ভোজনের
কাল। বাংলার যে-জেলাতেই যাওয়া যাক, ঘরে কেউ ‘আপন খুঁজতে’ নেই।
বিশেষ, এখন এই আমন ফল ঘরে ওঠার কালে। ধান গোলায় উঠেছে, গঞ্জে
গেছে। সে হিসেবে, বোটানিকেল গার্ডেনের শহুরে বন-ভোজনের সঙ্গে এসব
মেলার তফাৎ আছে। মেলা মানেই শুধু বেড়ানো নয়। উৎসবের আড়িনায়
দেখা-সাক্ষাতের পালা আছে। আছে কেনাবেচার লেনদেন। সেই সঙ্গে

তীর্থ-ধর্মের পাট চুকিয়ে নেওয়া। বন-ভোজনটাও এখানে ধর্মের নাম ধরেই জমে। এর নাম মেলা।

অগ্রহায়ণ থেকে শুরু। বৈশাখ পেরিয়ে জ্যৈষ্ঠ ধরো ধরো। এক'মাস ধরে অরণ্য আর আবাদ থেকে, উত্তরের পাহাড়ি কোলে, পশ্চিমের ধূলিধূসর প্রান্তর থেকে পুবের নদীবহুল শ্রামলী সমতলে, যেদিকে যাওয়া যাক, যেদিকে চাওয়া যাক; মেলা আছে কোপাও না কোথাও। উপলক্ষের অভাব নেই।

যে-তত্ত্বজ্ঞ ধরে বসে রূপ দর্শনের কথা বলছে, সে কিন্তু একতারা নিয়ে মাঠে নেমেছে। ঘরে থাকা যে তার দায় হল, সে-ই সকলের দায়। আমারও। ঘরে কেউ 'আপন খুঁজতে' থাকল না। সবাই বাটে এসেছে। আমিও। আমার ঘোঁরালা পথের ঠিকানা ঘরের কোলে কেন্দ্রবিষ। ডাক নাম কেঁহুলি। কিন্তু যদি ডাক দিয়ে শুধায়, 'কন্দুর?'

তা হলে এক কথায় সবাই জবাব দেবে, 'জয়দেব'।

কেন্দ্রবিষ নয়, কেঁহুলিও নয়। শেষ পর্যন্ত সব মিলিয়ে একটি নামেই কার্য-কারণের সন্ধান মিলবে। 'জয়দেব' মানেই জয়দেবের পাটে। আর জয়দেবের পাট ও কেঁহুলি, সঙ্গে জয়দেব-স্মারক মেলা, সব 'জয়দেব'।

সহজ ভেবে এসেছিলেম

পড়েছি অসহজের হাওরে

ক্ষাপা, পড়লি একি ফাঁপরে।

পথ খুঁজতেই বেলা গেল। কোন্ পথ ধরা যায়, সেইটি ভাবনা। নইলে, এক ডাকে চেনা যাবে, এমন অনেক জায়গার নাম করা যায়। আসানসোল থেকে বাসে চেপে ছবরাজপুর হয়ে যাওয়া যায়। বোলপুরের বাসের সহিসও হাঁক দিয়ে জানায়, 'জয়দেব। জয়দেব।' বর্ধমান থেকে দুর্গাপুর হয়ে, সংরক্ষিত বনের পথ ধরে যাওয়া যায়। আর শেষোক্ত পথটাই নাকি দক্ষিণের শহর থেকে আসা মাছুয়ের পক্ষে সহজ।

সেই ভালো, কিন্তু 'সহজেরে চিনলে নে মন!' সারা গায়ে ধুলো মেখে দুর্গাপুরে এসে যখন মোটরবাস দাঁড়াল; তখন তার ভিতর বাহির একাকার। তিল ঠাঁই আর নাইরে। রাজিবাসের দাম্বে লটবহরও আছে। নিজের ঠাঁই নেই, তার ওপরে মাল সামাল দেওয়া।

এতেই বিচলিত? চোখে না হয় না-ই দেখা গেল বসবার আসনগুলি। না হয়, মেয়ে পুরুষের মাঝখানে, গাড়ির মেঝেতেই বসতে হল। তার পরেও তো সেই দস্তি মেয়েটা বাকী ছিল, কোলে যার ছাগশিঙ। হাতে কাঁটাল

পাতা। কাঁধে ঝুলি। সম্বোধ করে লজ্জা পেয়ে লাভ নেই। লেডীজ সীটের ফিকিরে সে কোনদিন মান বাঁচিয়ে ফেরেনি। সে গায়ের সঙ্গে লেপটে বসায় যদি কারুর তরঙ্গ লাগে, সে আপন তরী সামলাক। সীমস্তিনী চলেছে আর এক তীর্থের বন-ভোজনে। সেখানে মন গুণে ধন পাওয়া যাবে। সেখানে প্রেমিক তার মরণের ভয়টুকুও প্রেমিকার পায়ে দিয়ে পাগল হয়েছে। ঝড়ের রাতে দুর্জয় নদী তার প্রেমের সাহসে থির হয়েছিল সেখানে। মনের মাহুধকে চিরদিন ধরে যেখানে মাহুধ খুঁজেছে। সে যাবে ‘চিন্তামনিত’।

বোঝা গেল, শুধু জয়দেবে নয়, এ যাত্রা চিন্তামণিতেও। বিব্রমঙ্গলের সেই অধরা প্রেম চিন্তামণিরূপে যে বিরাজে সারা অধর বৃন্দাবনে।

কিন্তু সেখানে ছাগ বলি কেন? বাংলা দেশের এ বড় ঘোরপ্যাঁচের কথা। নবদ্বীপে কিংবা শান্তিপুরে, কেন শান্তিদের দব্দবা? চণ্ডীদাসের বাস্তুলী কেন শক্তিরূপিনী?

তা যেন হল। এ মেয়ে কেন যায় বলি নিয়ে?

সে কথা আছে তার সিন্দুরের ডগ্‌ডগানিতে, চোখের ছটায়, হাসির ঝিলিকে। এ মেয়ে যায় অধর ধরার মানত দিতে। ধান উঠেছে, ছাগ কিনেছে, পাওয়ার উৎসবের এই তো সময়।

কিন্তু বনের পথ, বনেরই পথ। গাড়ি যে শুধু পায়ে চলার মত আন্তে চলে, তা নয়। মাহুধ সব দলা পাকিয়ে টালমাটাল। গাড়ি নয়, যেন মস্থর গতি মাতাল হস্তি। পথ যেন থ্যাপার মত লাল এলোমেলো। গাড়ি লাফিয়ে লাফিয়ে চলে।

ছ’পাশের শালবনের দিকে তাকিয়ে, বুঝতে যদি ভুল হয় যে, ছ’পাশের এ পথের সীমানায় শালবন রাঙা কেন, তবে নিজেই দেখলেই হবে। এ পথে যার বাস, এ পথে যার যাওয়া-আসা তাকে সে দাগ না দিয়ে ছাড়ে না। এ পথের কাগ থেলা পৌষ-সংক্রান্তি থেকেই শুরু হয়। লাল ধুলো মুখের মধ্যে ঢুকেও কিচকিচ করে জ্ঞানান দেয়। আর বাইরে অনবরত যে বিকট চীৎকার শোনা যায়, সে হল গাড়োয়ানের বলদ সামলানোর দায়। গ্রামবাসী বলদের যন্ত্রের শব্দ শুনেই মাথা খারাপ। একেবারে কানার মত থানায় নেমে ভৌঁ দৌড়। গাড়ির মধ্যে মাহুধ তাতে পড়ল কি মরল, বিচার করবে না।

আগে নামে চিন্তামণির যাত্রীরা। তারপরে জয়দেবের যাত্রীরা অজয়ের ধারে। কিন্তু অজয় নদ কোথায় বহে, কে জানে। সামনে দেখা গেল হস্তর মক্‌ভূমি। রোদ কলক দিচ্ছে বালিতে। বালি উঠেছে আকাশে। বালি

উড়ছে মানুষের পায়ে পায়ে। মোষ বলদের খুরের ঘায়ে।

লাইন দিয়ে চলেছে গরমোষের গাড়ি। কাতার দিয়ে চলেছে মানুষ।
এক তরফা নয়। যাওয়া আসা দুই-ই চলেছে। ছ' একটি জীপগাড়িও
যে না দেখা যায়, তা নয়। গায়ে তাদের লিখন আছে দুর্গাপুরের ইস্পাত
কলের ছাপ। অজয়ের এ বালির চরে কলের গাড়ির শব্দ কোনো
আন ছনিয়ার চমক দেয় না। দূরের ওই কৈতলি গায়ের মেলা থেকে
কলের গানের যে রকম জাস্তব শব্দ ভেসে আসছে, তাতে বোঝা যায়, কলের
আওয়াজে বাংলার কোনো গ্রাম, কোনো নদীর চর-ই আর তেমন
চমকায় না।

বালির পথ কিছু কম নয়। ঘাম দেখা দিয়েছে। বালির পথ ঠেলে যাওয়া
ছাড়া উপায় নেই। মানুষ তবু নিজের কলে চলে। কিশাণের শক্ত হাতের
ঠেলা না পেলে গরুর গাড়ির চাকা বালি কামড়ে থামতে চায়।

কিন্তু তরী বুঝি পাড়ে এসে ডুবল। ঘুর পথের শেষ ধাক্কা, এবার চড়া
পেরিয়ে নদী। এমন কিছু ছোটখাটো কাঁদর নয় যে লাফ দিয়ে ডিঙোব
বৈতরণী। অজয়ের বুকে জল আছে। জলের চেয়ে জলের টান আছে
বেশী। এপার ওপারও একটুখানি।

অগত্যা পায়ের জুতো হাতে, আর হাতের মাল মাথায়। এ দরিয়া পার
হতে হবে। তবে আপন-বুঝ তরীতে চলবে না। পয়ের পায়ের দাঁড় ধরে
পাড়ি দিতে হবে। প্রায় গুরুর পা ধরে চলার মত। নইলে অচেনা খানা-
পল্লর আছে।

কিশাণের ক্রুদ্ধ গর্জন যদি শোনা যায়, 'হেইরে শালার ভীমরতি হয়েছে,'
তবে ফিরে তাকাবার দরকার নেই। কারণ তারপরেই ছপ্টির ঠাস্ ঠাস্ শব্দেই
জানা যাবে, নদীতে গাড়ি পার হচ্ছে। মালপত্র নিয়ে যদি মানুষেরই
ভীমরতি হতে পারে, জোয়াল কাঁধে গরুর আর দোষ কী? তবে কাঁধটা শুধু
মোষ বলদের নয়। কিশাণের নিজের কাঁধও চাকায় ঠেকেছে। তাতে পেশী ফাটে
কি রগ ছেঁড়ে, দরিয়া পার হতে হবে।

কিন্তু কাপড় যতখানি দরকার, তুলতে লজ্জা করলে চলবে না। কারণ
লজ্জাটুকু অজয়ের ঘাট পারানির মাশুল নয়। তা হলে মেয়েরা মাথার ঘোমটায়
শালীনতা রেখে অমন করে হাসতে হাসতে পার হয়ে যেত না। তাতে শহুরে
চোখ যদি লজ্জা পেয়ে থাকে, তবে শহরের গায়েই কাঁটা দিয়েছে। এখানে
গার কুলে ভেড়ার সে কুলে ভিড়েছে।

শুকনো ডাঙায় পা দিয়ে মনে হল, সহজের বাজন শুনি, অসহজের টঙ্কারে।
এখন বেশ ভালই লাগছে। ঘুরপথের সীমানা পেরিয়ে, সেই ঘরের কোলেই
এসেছি। কিন্তু আমার 'পড়শীর' দেখা এখানে নেই। সদরে তার দেখা
পাব, আশা নেই তেমন।

পার হয়ে এলাম বর্ষমান। এপার হল বীরভূম। অজয়ের উঁচু পাড়ে উঠে
প্রথমেই গরুর গাড়ির ভীড়। তারপরেই মেলার শুরু। সেই একই মেলা।
কলের গানের কান কাটা চীৎকার। আয়না সাঁজানো, ছবি টাঙানো, সারি
সারি পান-বিড়ির দোকান। থরে থরে খাবার সাঁজানো। খাজা গজা
পানতুয়া, সন্দেশ রসগোল্লা ছানার মুড়কি, সিঙাড়া নিমকি বোঁদে। বেগুনি
ফুলুরি আশুবড়ার সঙ্গে মুড়ি। চা কোথায় নেই? বাংলা দেশের অসুখস্পৃশ্য
বনে বাঘটাও বুঝি বেলা তিনটেয় চায়ের জন্ম হাই তুলতে আরম্ভ করে।

মেলার সদর জুড়ে সেই, হাত কাটা লোকের পা দিয়ে খেলার মার্কাস।
এক মাছঘের তিন মাথা, জলপরীর ম্যাজিক আর বৈদ্যাতিক নারী, যার গায়ে
আঁড়ল ছোঁয়ালেই আগুন।

মাছুষ চলছে আজব কলে।

কিন্তু 'কেন্দুবিষ্মদন্তবরোহিনীরমণ' তাল দিয়ে ফিরছে আমার মনের ঝঙ্কারে।
যাঁর স্মারক মেলায় 'অধর মনের মাছুষের' সন্ধানীদের খোঁজে এসেছি, সেই
'পদ্মাবতী রমণ' 'পদ্মাবতীচরণচারণচক্রবর্তী'র স্মরণচিহ্ন আছে কোথায়। এই
ঝুড়ে বটের ছায়াভরা দীন গ্রামখানির কোথায় সেই,

জয়দেবে মাধবর স্তুতিক বর্ণাব

পদ্মাবতী আগত নাচন্ত ভঙ্গিভাবে।

কৃষ্ণর গীতক জয়দেবে নিগদতি

রূপক তালর চেবে নাচে পদ্মাবতী।

কোনু মন নিয়ে শুনতে পারি সেই বসন্ত-গুর্জরী-মালব রাগের গান, তার সঙ্গে
রূপক তাল, যতিতাল, অষ্টতালী, একতালী। যে রাগ ও তালের বোলে, মোহিনী
নাচের ছন্দে, হুপুয়ের ধ্বনি শুনে গ্রাম কেঁছলির রাত্রি আঁতুর হয়েছে। অজয়ের
খরশ্রোত স্তব্ধ হয়েছে কেন্দুবিষ্মের পায়ে।

অজয়ের তীর ছেড়ে, একটু এলেই রাধাবিনোদের মন্দির। দ্বাদশ
শতাব্দীর কবির বাসগৃহের ভিটের বুঝি সপ্তদশ শতাব্দীতে এ মন্দির উঠেছিল।
পোড়া ইঁটের ফলকে ফলকে ছবি আঁকা। কিন্তু রাধাবিনোদের লীলা নেই!
মন্দিরের গায়ে লীলা করেন দশভুজা মহিষমর্দিনী। তাঁর পায়ের তলায় লড়াই

করে বানরে আর রাক্ষসে। লঙ্কার পাপ আর পঞ্চবটীর পুণ্য কাহিনী।

এই মাটিতেই সেই কবির ঘরকন্না? এই মাটিতেই কবি লেখেন গান, প্রেম-
মুগ্ধ সলজ্জ চোখে দেখেন পরী?

কিন্তু কলের গানে কান পাততে পারি না। শাশুড়ি ননদ বউয়ের আঁচলে
আঁচল বাঁধা ভিড়ের ঠেলায় দাঁড়াতে পারি না। ঘোমটার তলায় পাঁপরভাজা
গুঁজে দেওয়া আদেখলে বরটারই যেন গোটা মেলায় দখলিস্বত্ব আছে।
আঁচথোঁপায় ডিল পড়া আদিবাসী মেয়েটা, অগ্নি বাকুল চোখে কোন্
'অচিন পাখিকে' খুঁজছে, কে জানে। নাকি ওর 'খাঁচার মধ্যে অচিন পাখি'
শুধু যাওয়া আসা করছে, তাই দেখছে।

অজয়ের তীর ধরে বেদনাশা বটের তলা। সেই পথে গেলাম। এক
নদীতে যুগপৎ জোয়ার ভাঁটা। মানুষ আসে, মানুষ যায়। এ দুয়ের উজান
ঠেলে যাওয়া যায় না, থেমে থাকতে হয়। দু পাশেই পসরা। তুলসী মালা, রক্তাক্ষ
আর সিন্দূর। বাঁশের বাঁশি, কাঠের পুতুল, মনোহারীর বলক।

তারপরেই বুরিনাগা বটের বিস্তার। ছায়াময় এক নতুন দেশ যেন।
সেখানে সংসারের যাবৎ ছেঁড়া কাপড়ের টুকরোয় টুকরোয় হলদে লাল আসমানি
রং-এর পুরো আলখাল্লা ভিড়। চুলের চূড়ায় কদা বাঁধন নাচের উল্লাসে স্থলিত,
বাতাসে চূর্ণ চূর্ণ। ভারী-ডুপকি-খুঞ্জরি, কাঠ-করতালি-প্রেমজুরি-খুঞ্জনি, ওই
যা বল, সব আপন তালে আপনি মগ্ন। একতারা-দোতারা-বাঁয়া, লাগ-বুড়া-বুড়,
গুণীযন্ত্র, সব পায়ের ঘুঙুরে দিচ্ছে সাড়া। গলার স্বরে আত্মহার।

এখানে দোকান নেই, পসার নেই, ছেঁড়া কাঁথার আলখাল্লা পরে সব অধর
ধরার খাপামিতে নাচ গান জুড়েছে। কাঠ দিয়ে জেলেছে আগুন। গন্ধেই
অহুমান, গঞ্জিকা চলেছে প্রতিটি আসরে আসরে। গুচ্ছ গুচ্ছ আসর, ছড়িয়ে
ছড়িয়ে রয়েছে সর্বত্র। হুশ। হুশ। পাখিদের তাড়া না দিলে মাথা মুখ
নষ্ট করে ওপর থেকে। নীচে বাউল সমাবেশ। গাছের ডালে ডালে পাখির
সমাবেশ।

বাউলের শুধু আলখাল্লা নয়। গেকুয়া বসনও আছে অঙ্গে। মাথায় আছে
পাগড়ি। হাতে অনেকের লোহার বালা। কাঁধের বুনি নাগাবার অবসর
হয়নি। জয় গুরু! জয় গুরু! বলে, অভিনন্দন প্রত্যাভিনন্দনের পরেই
একতারাতে তুঁং তুঁং। বাঁয়াতে বুগ্ বুগ্। হেসে হেসে ক্র নাচিয়ে উদ্ভাত গলায়
ডাকে,

ওরে স্ক্যাপা।

মন আছে তোর মনের ভিতরে

তারে একবার ছাখ না নেড়ে চেড়ে।

আসরে সহসা স্তব্ধতা। গায়কের দিকে সকলের অবাক মুগ্ধ দৃষ্টি। গায়ক
আঙুল দিয়ে নাড়াচাড়ার ভঙ্গি করে দেখাল। সবাই বললে, আহা! আহা!

বাউল কোমর হুলিয়ে হুলিয়ে গাইল,

দেখবি দেখায়, জলের মধ্যে আগুন জলে,

নিরালায় সে আছে বসে নীরে আর ক্ষীরে।

মন আছে তোর মনের ভিতরে।

পরমহুর্তেই হরিধ্বনি কাঁপাল বটতলা।

জলের মধ্যে আগুন জলার তরকথা স্বদূর রহস্য। শুধু স্বরে আর বাজনা
আপনা থেকে দোলা লেগে যায় নিজেরই শিরদাঁড়ায়। ও যাদের কথা তাদের
কথা। বুঝাত গেলে, জলের তল নেই। আর-এক আসরে গিয়ে দাঁড়ালাম।
এই যুগেও, ছেঁড়া আলখাল্লার অহংকার কোথাও একটু মুখ ভার করে মাথা
নামিয়ে বসেনি। এ কিসের সম্মোহন? আত্মদম্মোহন? ঘাটে ভাঙ্গা, বাটে
ঘোরা এই নিত্যভিষ্কার ঝোলাওয়ালারা, আপন তত্ত্বগানে কেমন করে নিমগ্ন।
এই সব খোয়ানো সাহস এরা পেল কোথায়? দ্বিতীয় মহাযুদ্ধ এদের শেষ
করতে পারেনি? বাংলার এই ছুটি দশকের নিরন্তর মনস্তরের ধাবা এদের
একেবারে গ্রাস করতে পারেনি? আশ্চর্য! কেন?

সিউড়ির বুড়ো বাউল উদার হয়ে তাকায় অজয়ের শ্রোতে। যেন নদীর
শ্রোত দেখে না, পার হয়ে যাওয়া সময়ের শ্রোত দেখে। উত্তর বাতাসে তার
দাড়ি কাঁপে। বলে, ‘অ’ বাবু, এ আর কি দেখতেছেন। সব গেঁইছে, এখন এ
চাট্টি বাউলে ঠেইকৈছে। এও যায় যায়। যাবে গা, বাউল থাকবেক না।’

তারপর একতারার আঙুল বৃষ্টি আপনি আঙুলে ঝংকার দেয়, স্বর করে
বলে,

এক দেহান্তে হলি কানা

(তাতে) মাহুষ জনম আটকাবে না।

মাহুষ যদিই থাকবে রে মন

তারে সাধতে হবে মন মনা।

সে বলে সাধতে হবে। কেন? না, ‘অ’ বাবু, এ শরীলের ভাণ্ড হলেন
বেক্ষাও। মাহুষের নিজের মধ্যে সব। জয়দেবে বাউল আসবেক না; নিজেকে

খোজার জালা সে ধোবে কুণা ?

তারপর আপাদমস্তক দেখে বলে, 'বেদ-নাশা বটের তলায় যান, সিথানে
কলে মুখ নাগিয়ে গান গাঁচ্ছে। বসবার জায়গা হয়েছে, আরাম পাবেন, বইসে।'
পাশের 'ইস্তিরি পোকটিকে' দেখিয়ে কেউ যদি জিজ্ঞেস করে, ইনি ?

বাউল মোহন হেসে বলে,

চতুর্দাসের রজাকিনী
যুগল প্রেম তারি শুনি
পদ্মাবতী চিন্তামণি
বিষম রসে পাতলি ঘুনি
নয়ন কোণে ঝলক দিয়ে
বাঁধগা এনার তিরিবেণী ॥

মহজ পরিচয় বুঝি বাউলানী।

ঘোষপাড়ার ছায়া দেখছি সবখানে। নদীয়া জেলার ঘোষপাড়া, সেখানে
খোলা আকাশের তলায় আদিগন্ত লিচু বাগানের ছায়ায় ছায়ায় বাউল-বাউলানীর
ভিড়। সেখানে এমনি আসর দেখেছি দোল-পূর্ণিমার রাত্রে। এমনি গান
শুনছি সেখানেও, যেখানে তবু ছাড়া গান নেই। তবু ছাড়া শিল্পশৃষ্টির কোনো
প্রেরণা নেই। তবু আছে বলেই কথা আছে। কথা ছন্দে বাঁধার তলে তলে
গুহ্যতত্ত্ব প্রকাশ। তবু কেন্দুবিজুই আদি। ঘোষপাড়ার বাউল যেলার বয়স
বোধহয় এখানকার রাধাবিনোদের মন্দিরের বয়সী।

আর-এক আসরে তিনজন একযোগে গান ধরেছে। খুঞ্জনি, বাঁয়া-একতারা
আর ডুপকিতে তাল দিয়ে গাইছে নেচে নেচে,

বাঁয়ে ইড়া ডাঁয়ে পিঙ্গলা,
সুয়ুয়া মাঝে
রজ আর তমর মাঝে
গুণ বিরাজে।

একদিকে কমল, অতীতকি কুশি, মাঝে সুরতবিলাস। তাই কি বাউল
আসে জয়দেবে ? মহজ সাধনের প্রকৃতি বলে কল্পনা করা হয়েছে নাকি
জয়দেবের পদ্মাবতীকে ? যে-কল্পনায়, অপূর্ণ ব্রহ্মাণ্ডের পূর্ণ আধাররূপিনী
শ্রীরাধিকা ? মহজ সাধনের দেহ ব্রহ্মাণ্ডের অরূপ রসে ডোবার ছন্দ বুঝি
বেজেছিল পদ্মাবতীর ঝপুয়ে। বাউল তাই ঝাড়া শিমূলের রক্ত মাতনের মত
রঙে রঙে মাতে এসে বুঝি জয়দেবের পাটে।

হালের ভাষায় বলা যায়, পৌষ সংক্রান্তিতে জয়দেবের পাটে এ যেন বাউল কংগ্রেস। জয়দেব-স্বরগোবিন্দকে কেন্দ্র করে কোনো এক অতীতে বুদ্ধি এ-বাউল সম্মেলন শুরু হয়েছিল। দল থাকলেই মিলন চাই। পরস্পরের দেখা-শোনা, আলাপ আলোচনার সামাজিক পন্থা চাই।

বাউল আছে যে যেখানে, সবাইকে আসতে হবে। আর এই যদি সব হয়, তা হবে বৃষ্টিতে হবে, নদীতে আর বান নেই। উৎসে তার টান ধরেছে অনেকদিন।

বাউল কবেকার? চৈতন্যচরিত্রামৃতে নাকি অনেকবার বাউলের নামোচ্চারণিত হয়েছে।

‘আমি ত বাউল আন্ কহিতে আন কহি।’

কিংবা

নীবিবন্ধ পড়ে খসি বিনা মূলে হয় দাসী

বাউল হঞা কৃষ্ণ পাশে ধায়।

চণ্ডীদাসেও বাউল শব্দ আছে।

যদি জিজ্ঞেস করি, বাউল কে? তবে শুনি, ‘সবার উপরে মানুষ নত। তাহার উপরে নাই।’ ‘সেই মানুষে কিরি খুঁজে’, তাই আমি বাউল। সে মানুষ কে? সে মনের মানুষ, সহজ মানুষ, সে রসিক, সে অচিন পাখি, সে অধরা। সেই ‘সোনার মানুষ ভাসছে রসে। সেই আলোকের মানুষ আলোকে রয়।’ সংসারের ‘এই মানুষে সেই মানুষ আছে।’

কেমন করে পাওয়া যায় তাকে? ‘সহজ সাধনে।’ ‘সহজ ভজনে।’ মানুষের সঙ্গে মানুষের মিলনে। যেমন চণ্ডীদাস আর রজকিনী। নারী আর পুরুষের প্রেমে। তাই রূপ নেই, সে অরূপ। তার ভাষা নেই, সে অনির্বাচনীয়। সে শুধু অহুভবের স্পন্দন। এই সহজ সাধন ‘রেচক পুরক স্তম্ভন দিয়ে নদী কর বন্ধন।’ কিন্তু ‘সে নদী অত্যন্ত গভীর আছে কামরূপী কুন্তীর।’ ‘কুল-কুণ্ডলিনী শক্তি রয় মূলাধারে, প্রণয়ের যোগে জাগাও তাহারে।’

বাউল বেদবিরোধী, সহজিয়া মতে, ‘মাটির দেহ মাটিতে মিশায়।’ গানের মধ্যে রাখা কৃষ্ণ গৌর নিতাই শুধু তরুণতার প্রতীক। তার দেবতা নেই, কোনো মূর্তি নেই। বেদজ্ঞ ব্রাহ্মণ যখন জলে নেমে স্নান করত, সে গান গেয়ে বলে ‘ভাই তোমার তর্পণের জল যদি অতদূর স্বর্গের কাছে পৌঁছায়, তবে চাষের ওই কঠিন মাঠে অমনি করে জল পাঠিয়ে দাও না।’

দেখে আসি বেদ-নাশা বটের তলা। এদিকে সন্ধ্যা ঘনায়। অজয়ের বুক

নামে ছায়া। আকাশে জাগে চাঁদ। উত্তরের বাতাসে কনকনে ঠাণ্ডা। বাতাসও বড় সহজ নয়। পশ্চিমের কোণে চাবুক আছে তাতে।

এদিকটায় মেলা বলতে মেলা নেই। হাজার ডে-লাইট নেই, দোকান-পুসার নেই, কলের গান নেই। আছে শুধু বুরি নামা, দাড়িওয়াল বৃড়ো বাউলের মত বট আর বট। বাউলেরা কেউ কেউ বা হারিকেন জালিয়েছে। কিন্তু অধিকাংশেরই বাতি নেই। তাই এখানে আলো আঁধারের লীলা। স্পষ্ট, কিন্তু সবই অস্পষ্ট। তবে শুধু বাঁয়া ডুপ্‌কি একতারা প্রেমজুড়ি আর মেয়েদের সেমিজের মত আলখাল্লা কোমরবন্ধনী ও মাথায় পাগড়ি নেই। খেল করতাল আর গেরুয়া বসনও আছে বাউলদের মাঝে মাঝে। ছাই মাথা কপ্‌নি আঁটা ত্রিশূল আর চিমটাধারীও আসর নিয়েছে।

কিন্তু বেদ-নাশা বটতলায় বড় আলো ঝলমল। মস্তবড় ক্যাম্প হয়েছে। সেখানে সাজানো টাটে মনোহর ফ্যাপার স্তম্ভের ফ্রেমে বাঁধানো প্রকাণ্ড ছবি। এ আশ্রম মনোহর ফ্যাপারই। স্থায়ী আশ্রম পুকলিয়ার। ব্যাটারিসেট মাইক বসিয়ে আসর করা হয়েছে। সামনে বেড়া ঘিরে গদী করে আসন হয়েছে মনোহর ফ্যাপার। সেখানে তিনি বর্তমান। মাথায় আছে চুড়ো বাঁধা চুল, গায়ে গেরুয়া পাঞ্জাবীতে ঝলক দিচ্ছে সোনার বোতাম। তার ওপরে মার্জের গলাবন্ধ কোট। বাঁ হাতের মণিবন্ধের ঘড়িতে নজর করছেন মাঝে মাঝে, তাতে আংটির পাথরে দিচ্ছে চমক।

আর একটি মহিলাকে দেখলাম, গেরুয়া সিক তাঁর পরনে। মধ্যবয়স্কা, তাহুলরঞ্জিত ঠোঁট, চোখে কাজল, কিন্তু চশমা, হাল ফাসানের ব্লাউজের গলায় সোনার হার। ভক্তরা মা মা বললেন। এখানেই দেখলাম শহরে ভক্তলোক-দের ভিড়। শিখ এসেছেন টেপ রেকর্ডার নিয়ে। আসর জমেছে ভাল। সমবেত হয়েছে বাউলেরা। বসে পড়লাম। নবীন এক বাউল তখন একতারা আর বাঁয়া নিয়ে নেচে নেচে গাইছে,

আমি দোষ কারুরে দিব না,

আমি রয়েছি যেই সেই কানা।

কুস্বভাবের ফেরে পড়ে

কুইচ্ছের নেহা করে

সেই একের মধ্যে সার অসার গুরু বস্তু চিনলাম না।

ওয়ে মন, ফিরে যা তাড়াতাড়ি

হবার আগে ভরাভরি (ভরাডুবি)

গড়েছি বীদর অধর ধরতে পারলাম না।

বাউল নয়, যেন বনের হরিণ। খুশিতে নাচছে তাল দিয়ে। চোখে হাসি,
মুখে হাসি, কোমরের বাঁকা গতি। বাউল লাক দিয়ে দিয়ে নাচে।

একে একে অনেকে গাইল। তারপরে সেই খুজুনি বাজল, সেই দোতারার
তারে লাগল টংকার। মিষ্টি মেয়ের গলায় সপ্তমে উঠল স্বর,

যদি এসে থাক হরি

নিয়ে নামের তরী

আমারে নিয়ো পার ক'রে।

কে সে কোথা যায় বেয়ে

ও তরীখানা দাও ধরিয়ে।

যদি না নেয় তরীতে

ওগো, আমি যাব দাঁড় ধরি।

পরিচয় হল। নাম রাধারাণী। পাশে বসে যে দোতারার বাজায় সে বাউল
গোপাল ক্যাপা। এসেছে বীরভূমের ঝোরামাঠ বাউল আখড়া থেকে।
কালো গোপালের উন্নত নাসা, চুল চুলু ছুটি ভাবময় চোখ। মাথায় চূড়ো,
গালে দাড়ি, হাতে বাল। পাশে তার রাধারাণী, জ্বী নয়, সাধন-সঙ্গিনী
প্রকৃতি। ছোট্ট সিন্দুরের টিপটি বুঝি সংস্কারের ছোট করে আঁকা হৃন্দর রস-
কলি। অতল কালো ছুটি চোখ, এক মাথা আঁচড়ানো চুল। সামান্য বেশভূষায়,
বছর বাইশ তেইশের এ বাউলানীর চোখ মুখে নিয়ত এক ভাবের হাসি।
গোপালের চোখে চোখ পড়লে লজ্জার মাধুর্য ফোটে। আর তাদের সঙ্গী
দীনবন্ধু, সেও দোতারার বাজাল গান গেয়ে। হুনিয়ার আজব কলে নাকি
খুঁজে সে। দিনাজপুরের আদিবাস ছেড়ে এসেছে সে। এখন থাকে হুগলীর
লক্ষণপুরে। জয়দেবে তাকে আসতেই হবে। নইলে সকলের দেখা পাওয়া
যায় না। বিশেষ করে গোপাল-রাধারাণীর সে বড় প্রিয়।

বললাম, ‘আপনাদের আশ্রম কোথায় এখানে?’

গোপাল বললে, ‘বড় বটের তলায় আসবেন, ওই আমাদের আশ্রম।’ বলেই
হাসি। রাধারাণীর খুজুনির বিনিষ্ঠিনি বোলের মতোই তার নিজের হাসি।
বললে, ‘আসবেন আমাদের আশ্রমে।’

‘কখন?’

‘দিনে রাতে, যখন খুশি। মন বললেই আসবেন।’

ওরা চলে গেল। কিন্তু এই আলোকোজ্জল আসরে আর আমার থাকতে

ইচ্ছে করল না। বেরিয়ে পড়লাম। গোটা কঁকালি গ্রামটাই বুঝি টহল দিচ্ছে ফেললাম। মেলা যে কত বড়, বুঝলাম এবারে। এখন শীতকাল। ধান উঠে গেছে। খরদরজা সারাবার সময়। তাই বুঝি, দরজা জানালাও সাজিয়ে নিয়ে বসেছে ছুতোব মিস্তিরি। কুড়ল কাস্তে কোদাল মায় ঢেঁকি। কাঠের বাটি, কাঠের গেলাস, কাঠের কুনুকে, বাদ যায়নি। কাঁসা পেতলের তো কথাই নেই, জামা জুতো অপরিপাণ্ড।

রাত এগারোটা নাগাদ আবার এলাম বটের বাগানে। বড় বট কোথায় জানিনে। কিন্তু দীনবন্ধুর গলার গান শুনে জায়গা চিনতে ভুল হল না। পাতা ঝরা বটের ফাঁকে ফাঁকে জ্যোৎস্নার ঝিলমিলি। গোপাল ডেকে বলল, ‘আসেন গো, আসেন।’

রাধারানী জায়গা করে দিয়ে বলল, ‘বসেন।’

বললাম, ‘গান শুনব।’

জবাব হল, ‘নিচুত। বসেন শোনবেন।’

গাঞ্জকা তৈরী হচ্ছে গোপালের হাতে। রাধারানী ডাকল, ‘দীনবন্ধু।’

দোতারার তারে একটি ছোট টংকার দিয়ে বলল দীনবন্ধু, ‘আজ্ঞা কর।’

‘খাবার জল চাই একটু।’

‘এনে দেই।’

গোপাল বলল, ‘দীনবন্ধু বুঝি আজ্ঞাদীন?’

দীনবন্ধু বলল, ‘না। চির অধীন।’

রাধারানী হাসল খুঁজুনির মুহু শব্দে। তারপরে মুখ গভীর হল। গোপালকে বলল, ‘ওসব আর থাক, সারাদিনে তো অনেক হয়েছে।’

অর্থাৎ গাঞ্জকা। গোপাল ততক্ষণে টান দিয়েছে। ধোয়া ছেড়ে বলল, ‘স্বপ্ন আসে না যে।’

তুলে নিল দোতারা। দীনবন্ধু এসে পড়ল জল নিয়ে। সে নিল ডুপ্‌কি। রাধারানী খুঁজুনী। ‘দেখলাম, আরো মেয়ে পুরুষ রয়েছে শুয়ে বসে।’

রাধারানী বলল, দীনবন্ধু, গাও।’

ডুপ্‌কি রেখে সে গান ধরতে গেল। গোপাল ঢুলু ঢুলু চোখে তাকিয়ে বলল, ‘মন খুলে গাও দীনবন্ধু।’

দীনবন্ধু বলল, ‘সেই আজ্ঞা কর গোঁসাই।’ গান ধরল সে,

আমার এক কলসে নয়টি ছিদ্র,

কেমনে রাখি জল গো মথি,

কেমনে রাখি জল।

ছিঁদ্রের এমনি গুণাগুণ

সব সময়ে, সব ছিঁদ্রে,

জল পড়ে না তেমন।

গালা কিংবা মোম জমায়

বন্ধ করতে যাই

বহির্মুখের শ্রোতের ধারায়

খুলিয়া পলায়

ছিঁদ্রের ভিতর মুখে প্রলেপ দেওয়ার

কী করি কৌশল।

তারপরে গাইল রাধারাগী,

ও মন এবার কোন উপায় দেখি না

অটল মাহুশে ডাকতে (আমার) সরে না রসনা।

অবশ্যই দীনবন্ধুর সঙ্গে সব গান উত্তর প্রত্যুত্তর হিসেবে হল না। যেন মনে হল তাই। কিন্তু রাধারাগীর শ্রেষ্ঠ গান আমার মনে হল,

আমার যেমন বেণী তেমনি রবে,

চুল ভেজাব না।

এ গান শহরে শুনেছি, সভায় সমিতিতে। কিন্তু কেহুঁলির বটের তলে এই জ্যোৎস্নার আলো-আধারে, জ্যোৎস্নালোকিত অজয়ের নিশি-পাওয়া বালুর চর ও শ্রোতের ধারায়, এমন উপযুক্ত পাত্রীর মুখের মত করে শুনি নি। এ যেন রাধারাগীরই গান।

রাত্রি বুঝি ছুটো বাজে। ওদের একটু বিশ্রাম দরকার। কিন্তু এই পরিবেশ ছেড়ে যেতে আমার ইচ্ছে করছিল না। উঠতে গিয়ে পা ঠেকে গেল রাধারাগীর পায়ে। তাড়াতাড়ি দাঁড়িয়ে বললাম, ‘আহা!’

গোপাল হেসে বলল, ‘হ্যাঁ গোঁশাই, দেহিপদপল্লবমুদারম।’

রাধারাগী হাসল খিলখিল করে। দীনবন্ধু বলল, ‘জয়গুরু!’

গান সারারাত ধরেই চলবে। অজয়ের বালুচরে গিয়ে দাঁড়লাম। একেবারে নির্জন নয়। দেখলাম, এত রাত্রেও গরুর গাড়ি এপার ওপার হচ্ছে। মালপত্র আনা নেওয়া চলছে রোধহয়। ইতস্তত নরনারী দেখতে পেলাম এদিকে ওদিকে ছায়ার মত। দূর থেকে নানান গলায় ভেসে আসছে গান।

সময়ের পিছনে ফিরে গিয়ে, উতলা হব না। ফিরে যাব না মন ভার করে।

একদিন ছিল এরা অনেকখানি নিয়ে, আগামী দিনে আর থাকবে না হয়তো এ বাউলেরা। ওদের গুহতর থাকবে মাহুঘের স্বভাব বিকাশে। সেই বুড়ো বাউলের কথা আমার মনে পড়ল, ‘অ’ বাবু, শরীরের ভাঙ হলেন ব্রহ্মাণ্ড মাহুঘের নিজের মধ্যে মন। জয়দেব বাউল আসবেক না, নিজেকে খোঁজার আপা মে গোবে কুখা?’

মাহুঘ নিজেকে খুঁজবে। মাহুঘে মাহুঘে ভালবাসাবাসি করবে, মাহুঘের মধ্যেই মে সর্বমানবের অপকৃপ রূপ দর্শন হবে, একথা চিরদিন ধরে বলতে হবে আমাদেরই, বাউল যেদিন থাকবে না সেইদিনও।

*

www.boirboi.blogspot.com

বর্তমান খণ্ডের গ্রন্থ পরিচয়

ভোটদর্পণ

'প্রবাস' পত্রিকার (এখন আর নেই কাগজটি) ১৯৪২ খৃষ্টাব্দের ফেব্রুয়ারী সংখ্যায় 'ভোটদর্পণ' প্রকাশিত হয়েছিল। কোনো বইয়ে লেখাটি এর আগে সংকলিত হয়নি। লেখাটির সঙ্গে 'কালকূট' রচনার মূল ধারায়ও তেমন কোন যোগ নেই। লেখাটির ইতিহাস সম্বন্ধে যারা কৌতূহলী, তাঁরা বর্তমান সংকলনেই কালকূটের 'গাহে অচিন পাখি' নামে লেখাটি দেখবেন। একটা কারণে লেখাটি বর্তমান সংকলনের প্রথমে স্থান পাবার দাবি রাখে। এই রচনাতেই 'কালকূট' নামের প্রথম প্রকাশ ঘটেছে।

অমৃত কুন্ডের সন্ধানে

'অমৃত কুন্ডের সন্ধানে' বেঙ্গল পাবলিশার্স থেকে গ্রন্থাকারে প্রথম প্রকাশিত হয় ইংরাজি ১৯৫৪ (অক্টোবর নভেম্বর), বাংলা ১৩৬১ সালের কার্তিকে। 'দেশ' পত্রিকায় ধারাবাহিকভাবে রচনাটির প্রকাশ হয়েছিল। তখনই বইটি বিপুল জনপ্রিয়তা লাভ করে। এক এক বছরে দুটো করে সংস্করণ হয়েছে—প্রকাশকের মৃত্যু তথা থেকে তা জানা যায়।

দ্বিতীয় মুদ্রণে কালকূট মূল রচনার আরম্ভে 'বিচিত্র' নামে একটি সংযোজনী লিখেছিলেন। নানা কারণে এই 'বিচিত্র' লেখাটি জ্ঞাপ্যপূর্ণ। সেটি আমরা এখানে ছেপে দিলাম :—

বিচিত্র

অনেক বিচিত্রের মধ্যে মানুষের চেয়ে বিচিত্র তো আর কিছু কোনদিন দেখিনি। সে বিচিত্রের মাঝেই আমার অপরাধের দর্শন ঘটেছে। ভেবেছিলাম, একদিন মানুষ ছাড়িয়ে, অতীত কোনখানে আমার সেই অপরাধের দেখা পাব।

সব মানুষই একজন নন। আর একজন আছেন তাঁর মধ্যে। একজন, যিনি কাজ করেন বাচবার জন্তে, অর্থের জন্তে, গলদঘর্ম দিবানিশি, যিনি আহাঃ মৈথুন সন্তানপালনের মহৎ কর্তব্যে

ব্যাপ্ত প্রায় সর্বক্ষণ, এই জটিল সংসারে যার অনেক সংশয়, ভয় প্রতি পদে পদে। অবিবাহ, সন্দেহ, বিবাদ এইসব নিয়ে যে মানুষ, তাঁর মধ্যে আছেন আর-একজন—বিনি কবি, সাহিত্যিক, পাঠক, শিল্পী, গায়ক, ভাবুক। এক কথায়, বিনি রসপিপাসু। হয়তো তিনি লেখেন না, লেখা পড়ে হাসেন, কাঁদেন, মুগ্ধ হন। গায়ক নন, গান শুনে হৃদের মাঝে হারিয়ে যান। মানুষের এই অনুভূতির তীব্রত্ব, সে বড় একলা। এ একাকিত্বের বেদনা যত গভীর, আনন্দ তেমনি তীব্র।

বৃহত্তম পারি নে, মানুষের এ একাকী মুহূর্তেই, তাঁর ঘরবাঁধ মন মানুষের হাটের মাঝে যায় হারিয়ে। তখন তো আর সে ঘরের নয়, পরের। তখন সে যত একলা যত দাঁকলা। এতে মনের কোন অলৌকিকত্বের ছলনা নেই। আমাদের জীবনধারণের ক্ষেত্রে এ একাকিত্ব অকাঙ্ক্ষের খেলা হয়ে আছে। এ অনুভূতি যখন এককোকে মনের দরজা খুলে, ছড়িয়ে পড়ে রক্তকোষে, চাঙ্গিয়ে যায় শরীরে, তখন আমরা সেই-হাট-করে-খোলা মনটি নিয়ে সশরীরেই ঘাই মেলায়। পথে ঘাটে মাঠে ঘাই। দশজনের মিছিলের মধ্যে, সকলের স্তর নিয়ে কখনো আসি পিছিয়ে। কখনো ঝাঁপ দিই সাহসে বুক বেঁধে।

যখন কোন নিঃশব্দ নিরাল্য মুহূর্তে, বিষয়ে বেদনায় আনন্দে লক্ষ্য করেছি, এক প্রসন্নময়ের অবিভাব ঘটছে আমার চোখের সামনে, তখনই অবাক হয়ে দেখছি, সে আর কেউ নয়, মানুষ! তাকে ছাড়িয়ে কোন অপরূপের দর্শন আমার ঘটন না। তাই আমার সব নমস্কার মিলিয়ে এক নমস্কার নিয়ে ফিরেছি বারংবার তারই দরজায়।

যে প্রসঙ্গে এত কথা উঠল, সেই কথা বলি। বইটি বেরবার পর অনেক মানুষের অনেক চিঠি পেয়েছি। কেউ দিয়েছেন 'দেশ' পত্রিকার ঠিকানা, কেউ প্রকাশকের ঠিকানা। জনে জনে জবাব দেওয়া সম্ভবপর হয়নি। আজো ঠিক তেমনি করে জবাব দিতে বসিনি। সব মিলিয়ে কিছু কথা জমেছে মনে। সেটুকু না লিখে পারলাম না। যে পাঠক-পাঠিকারা পত্র দিয়ে কালকূটকে অভিনন্দিত করেছেন, তাঁদের ধন্যবাদ। এই নতুন সংস্করণ তাঁদের হাতে পৌঁছুবে কিনা জানিনে। যাদের হাতে পৌঁছুবে তাঁদের, এবং তাঁদের হাত দিয়ে আগের পাঠক-পাঠিকার উদ্দেশ্যে এই বিচিত্র কথা উৎসর্গ করছি।

যত বিচিত্র মানুষ, তত বিচিত্র তার পত্র। এ দেশে মহৎ মানুষের পত্রগুচ্ছ ছাপানো হয়। আমার পাওয়া পত্রগুচ্ছ তার চেয়ে কম মহৎ নয়। এ পত্রগুচ্ছ এক-একটি বিচিত্র দরজা খুলে দিয়েছে আমার সামনে। সব পত্রে নিরঙ্কুশ প্রশংসা, বিশ্বাস অভিনন্দন নেই। অনেক কৌতুহল, জিজ্ঞাসা, সংশয়ও আছে। এমন কি স্তব্ধ আছে।

একজন অনেক কথার পর লিখেছেন, “আমি বুদ্ধ এবং অন্ধ। চোখে দেখতে পাই নে। আমার ভাইপো বইটি পড়ে শুনিচ্ছে। তাকে দিয়ে লিখিয়ে নিয়েছি পত্রটি। পত্রটি না দিয়ে পারলুম না। আমার সব জ্ঞান ঘুচে গেল ভাই!”

পত্রটি পড়ে বুঝছি, আর ঘাই হোক, তিনি আমার চেয়ে চক্ষুস্থান।

অনেকে জিজ্ঞাসা করেছেন, যাদের খেলায় দেখছি, তাঁদের কারুর দেখা কিরে এসে পেয়েছি কি না। শেয়েছি বৈকি। মঙ্গলমস্কত তো আজ শূন্য। সবাই আমরা কিরে এসেছি জনপদে। আমরা যে সবাই জনপদেরই অধিবাসী। এখান থেকেই তো সবাই গিয়েছিলাম সেখানে। কিরে

এনেতি, দেখতে পেয়েছি, চিনতে পারি নে। সেই মহামেলার দেখা পাওয়া, আর এখানে দেখা পাওয়া, জুয়ে যে অনেক তুলতে।

যুগে ফিরে একটি নৈতিক প্রশ্নের সম্মুখীন হতে হয়েছে কোন কোন পাত্র। হবেই। সেইজন্মেই মানুষ ব্যর্থ বিভিন্ন। পত্রের লেখক-লেখিকার সম্পর্কে অধিকারের আমি প্রশ্ন তুলতে পারি নে। কিন্তু সব কণার অব্যবহায়ায় যাঁরা মা, সব মানুষই জানেন।

মা লিখেছি, 'তার চেয়ে বেশী লেখার কিছু আমার এই মুহুর্তে নেই। বলেছি, তামা বৈয়গি নয়। যদি কেউ তা ভাবেন, সে নৈতিক দাবির আমারই। তাকে বাইরে সঞ্চাল করেছি আমি।

একবার ফিরছিলাম মূদুর উত্তর-পশ্চিম প্রদেশ থেকে, এক মেল ট্রেনে। ছোট কামরাটিতে দু'লো তিনটি পরিবার। তার মধ্যে একটি অবাঙালী। আমি ফিরছিলাম, একটি বাঙালী পরিবারের বন্ধু হিসাবে। অপর বাঙালী পরিবারের মধ্যে ছিলেন স্বামী-স্ত্রী।

প্রাণী স্পর্শ নন। কিন্তু সব মিলিয়ে বাইশ-চব্বিশে ভ্রমহিলার একটি অজুত চটক ছিল। তাঁর বড় বড় চোখের চাউনি কেমন অলস, কিন্তু একটি বিচিত্র হাসি ঝিকিমিকি করছিল চোখের কোণে। তাঁর ঈশ্বর স্তূল স্টোলের বিয়ত্বার মধ্যে কেমন একটু অজুত হাসির বিদ্যুৎ চমক ছিল। স্বামী ভ্রমলোককে বেশ দীর্ঘ মনে হচ্ছিল। জানালা দিয়ে এর চা এগিয়ে দেন, ওর জল এগিয়ে দেন। একে আরগা ছেড়ে দেন তো আর-একজনের শোবার জয়ে উঠে দাঁড়ান। কিন্তু ব্যত্বাগীশ নন। ওর মধ্যেই, ভ্রমলোককে আবার সব বিষয়ে কেমন বেন নিরাসক্ত মনে হচ্ছিল।

একটি জিমিগ চোখে পড়ল অনেকক্ষণ পর। আমাদের পরিবারের মধ্যে এক বুৎ ছিলেন। তিনি আমাই। জনাকরেক বুৎতা শান্তির তত্ত্বাবধানে তিনি কলকাতায় ফিরছিলেন। সেই বুৎকের সঙ্গে দেখলাম, ও-পক্ষের স্ট্রাটির কখন বন্ধ হতে গেছে। সব ফেলে ওই ছুটি।

কেমন করে, কখন এ বন্ধ হয়েছিল, কেউ খবর রাখেনি। বোধ হত ওঁরা দুজনেও রাখেন নি। যখন চোখ পড়ল, তখন বেশি, ভ্রমহিলার স্টোলের চমক, চোখের ঝিকিমিকি, কখন আর-এক ভাবে ধরা দিয়েছে বুৎ। এমন দুটির বন্ধ হলে যা হয়। দজ্জাল কথটি বাংলার গালাগাল কিনা, স্ট্রিক জাণি দে। তবু বলছি, ভ্রমহিলা দজ্জাল মূদুরী নন। তাই তাঁর আবেগের মধ্যে কিছু ভাবগততার লক্ষণ দেখেছিলাম।

শান্তির চোখে যে না পড়েছিল তা নয়। তবে, নিজেদের মেয়েটির রূপ ও স্বপ্ন সম্পর্কে আত্ম-নত বেশী ছিল যে, আমাইয়ের অঙ্গ তাঁদের ভয় ছিল না একটুও। তবে মানুষের মন তো! চোখের মণ্ডলি চোখের কোণ থেকে আর মাঝে গেল মা তাঁদের।

স্বামী ভ্রমলোকের ব্যাপারটি ঠিক বুঝতে পারছিলাম না। আমাদের মনে যাই থাক, সবটুকুই গুণ সহজ চোখে দেখবার চেষ্টা করছিলাম। স্বামীও বোধ হয় তাই। কেননা, উনি যেন সকলের চেয়ে সহজ। ওর মধ্যেই মাঝে মাঝে স্ট্রীর সঙ্গে দু-একটি কথা যে না বলছেন, তা নয়। কখনো গাভের তাকিয়েছেন, কাগজ পড়ছেন, চা খাচ্ছেন। কিন্তু ঝিমুচ্ছিলেন না একদম।

বলতে গেলে আমাইগানু আমায়ও আমাইগানুই। আলোপও কম হয়নি। এখন চোখাচোখি হলেও তিনি তাড়াহাড়ি চোখ ফিরিয়ে দিচ্ছিলেন। সে বোচ্যারও যে অস্বস্তি কম ছিল, তা নয়। কিন্তু সেও তো মানুষ। ভ্রমহিলার চোখ ছুটিও কম নয়। তার উপরে তাঁর চোখের বিয়ত্ব চারার কোল যে-সে যে সামান্ত একটু রোদের ঝিকিমিকি ছিল, এখন সেই ছুটি চোখের পুরোটাই

তৃতীয়ার চাঁদের মত বকিন ও রহস্যময় হয়ে উঠেছিল।

সন্ধ্যার পর খাওয়া, শোয়া ইত্যাদির জন্ত সকলকেই কিছু পরিমাণে এলোমেলো হতে হল। সেই ফাঁকে একবার শুনতে পেলাম ভদ্রমহিলা বলছেন, বউ বুঝি খুব রূপসী আর গুণী?

জামাই বললেন, সেটা তা হলে আপনাকে গিয়ে দেখে আসতে হয়।

ভদ্রমহিলা : আমাকে ? কেন, আপনার মুখ দেখেই তো বুঝতে পারছি।

জামাই : মুখ দেখলেই সব বোঝা যায় বুঝি ?

ভদ্রমহিলা : নয় ?

বলে ওঁরা দুজনের দিকে কয়েক মুহূর্ত তাকিয়ে রইলেন।

তারপর রাত হয়েছে। কতরাত কে জানে। কোনদিনই গাড়িতে সহজে ঘুমোতে পারি নি।

ভদ্রমহিলা শান্তিদিদের একপাশে আধশোয়া হয়েছিলেন। জামাই আমার মাথার কাছে কনুই রেখে অস্ত্র বেকিতে আধশোয়া। তার পাশে স্বামী ভদ্রলোক।

শুনলাম ভদ্রমহিলা বলছিলেন, মনে আছে তো ?

জামাই বললেন, নোটবুকে লিখে রেখেছি।

: যদি একেবারেই মনে না থাকে, সেই ভয়ে, না ? ভদ্রমহিলার গলায় একটু অক্ষুট হাসির নিকণ।

জামাই : না, মনে থাকবে। তবু লিখে রাখা উচিত।

ভদ্রমহিলা : তবে কাগজে। আবার একটু হাসি।

একটু নীরবতা। আবার ভদ্রমহিলা বললেন, আসবেন তো সত্যি ?

: সত্যি আসব।

: মিথো বলছেন না ?

ভদ্রমহিলার গলায় কী ছিল জানি নে। মনে হয়েছিল যেন বুগ-বুগান্ত ধরে শুধু মিছে কথাই শুনে এসেছেন। জামাই বললেন, মিথো বলি নে।

তারপর চুপ। শুধু ঢাকা আর লাইনের ঘষাঘষি। ওঁদের স্তব্ধতা দেখে, চোখ চাইলাম।

আশ্চর্য! দেখলাম, জামাই অত্যন্তিক মুখ করে আছেন চিন্তিতভাবে। ভদ্রমহিলা জামাইয়ের দিকে তাকিয়ে রয়েছেন বিষণ্ণ হাসি নিয়ে। আমার চোখের ভুল কিনা জানি নে, ভদ্রমহিলার চোখ দুটি ভেজা মনে হয়েছিল।

তারপর হাওড়া স্টেশন। স্বামী স্ত্রী নামলেন। ওঁদের নিতে লোক এসেছে। গাড়ি এসেছে নিতে। জামাই আমি দুজনেই মালপত্র নামাতে ব্যস্ত। শান্তিদিদের ধমকানিতে জামাই একটু বেশী ব্যস্ত।

মালপত্র নামানো হল। সেই স্বামী-স্ত্রী তখনো দাঁড়িয়ে। স্ত্রী এগিয়ে এলেন জামাইয়ের কাছে। বললেন, হয়েছে ?

জামাই চমকে বললেন, আঁ? তারপর ভদ্রমহিলাকে দেখে লজ্জিত হয়ে বললেন, হ্যাঁ হয়েছে।

ভদ্রমহিলা বললেন, তা হলে যাচ্ছি।

এই মুহূর্তে জামাইকে একবার বিষণ্ণ ও বিস্মিত হতে দেখলাম। যেন এতক্ষণ সে বুঝতে পেরেছে এই মেয়েটির সঙ্গে তার এক বিচিত্র ভাবের বন্ধন হয়েছে। সে মেয়েটির হাসি মুখের দিকে

তাকিয়ে কেবল বলল, আচ্ছা! ভগ্নমহিলা আমাদের দিকে ফিরেও একবার হেসে নমস্কার করলেন।
স্বামীও তাই করলেন। জামাইকে বললেন, আসবেন কিন্তু।

শেষ। তবু শেষ নয়। কেবলি ভাবছিলাম, একে কী বলে? কখন এর শুরু আর কখন শেষ,
কেউ জানে না। অপ্রসন্নে ধরা পড়তে পারে।

কিন্তু এ ঘটনা দিয়ে বলার ভোঁ কিছু নেই।

বেশ কিছুদিন পর, জামাইকে ঠাণ্ডা একটি গলির মোড়ের কাছে দেখে থমকে দাঁড়ালাম।

মনে পড়ে গেল সেই টিকানাটি, গলিটা দেখে মনে পড়ল, সেই মেয়েটির মুখ। গলি দেখিয়ে
বললাম জামাইকে, এ পাড়াতে গেছেল বুঝি?

জামাই অবাক! বললেন, না তো? তোমার বাড়ি কি এ পাড়ায়?

বললাম না। আমি যাব একটু অন্তরিকে। একটু সন্দেহ করেই জিজ্ঞেস করলাম, তবে তুমি
এদিকে কোথায়?

জামাই নির্বিকার। সরল ভাবেই বললেন, আগের বাসটা ধরতে পারিনি। একটু এগিয়ে এসে
দাঁড়িয়েছি বাসের অপেক্ষায়।

তবু জামাইয়ের চোখের দিকে তাকিয়ে বললাম, এ পাড়ায় তোমার কেউ নেই?

জামাই আকাশ খেঁচ পড়লেন। গলিটার দিকে একবার আঁকুড়ে তাকিয়ে বললেন, কই মনে
পড়ে না তো!

থাকবে কেন। কাগরের লেখা তো! হেসে বিদায় নিলাম। হয়তো কোন একদিন ওঁর মনে
পড়বে। তবু আমারই সারা মন দুর্বল অভিমানে ভরে উঠল। মনে মনে বললাম, মিথ্যুক। তুমি
বড় মিথ্যুক!

কিন্তু তারপর! তারপর আর, কি বলবে! সকলের সব পত্রের, সব প্রীতি, ভালোবাসা, ধন্যবাদ,
আশীর্বাদ আমি মাথা পেতে ও বুক ভরে নিয়েছি। কলকাতার কোন এক অশ্রুত গলির বাঁকাচোরা
অন্ধরের সে বিচিত্র প্রহরকারী চিঠি থেকে শুরু করে সেই দৃষ্টিহীন ভক্তলোক এবং লক্ষ্যের লেখিকার
সনেট, বহু পত্রের, জবাবের প্রত্যাশাহীন অভিনন্দনের জগৎ কৃতজ্ঞতা জ নাই!

কিন্তু অনেকের আনু কণার কী জবাব দেব। তাতে শুধু আনুবাড়ির রাস্তাই খোলা হয়ে যাবে।

তাই সে সব কথা রইল। আমার নীরব হওয়ার পালা অনেক আগেই এসেছে। নীরবই ছিলাম।
মাঝে এই বিচিত্রের গানটুকু বোধ হয় বাকি ছিল গাওয়া। আমাকে বেনী বলিয়ে লাভ নেই। সব
কথা বলা ও শোনা যায় না।

আর একটি কথা। বিচিত্র লিপিতে বসেছি, একটি প্যাকেট এল ডাকে। খুলে দেখি, 'ডাকের
চিঠি' পণ্ডিত ভট্টাচার্য মহাশয়ের নতুন বই। পাতা খুলে দেখি, চিঠি; লিখেছেন কালকূটকে,
প্রথম পাতাতেই 'অমৃত কুন্তের সম্মানে'র জগ্গে বিশ্বয় ও ভালোবাসা জানিয়ে। এ পর্যন্ত এই আমার
শেষ চিঠি। কৃতজ্ঞতা জানাই থাকে।

মাঝে মাঝে রাস্তায়, ট্রেনে এক শ্রেণীর অবাঙালী মেয়েকে ভিলে করতে দেখলে খুঁসির সর্বনাশীকে
মনে পড়ে। বুকে হাত দিই। মানিষাণের জগ্গ দিই কিনা জানি নে।

লক্ষ্মীদাসীর মূল গায়নকে দেখতে পাই, চিনতে পারি না। ভাবি, লক্ষ্মীদাসীর মনিরের রাধারানী
আর তেমন করে হাসে কিনা।

যাকে দেখতে পাই নে, চিনতে পারিনি, সে তো আমার ভিতরের অঙ্ককারেই ঢাকা রয়েছে।
সেখানে আলো কোনদিন পড়বে কিনা জানি নে।

কালকূট

গ্রন্থটি উৎসর্গ করা হয়েছিল কুস্ত ট্রাজেডিতে নিহত মানুষগুলির উদ্দেশ্যে। উৎসর্গ পত্রটি নিম্নরূপ :

অনেক আশা নিয়ে যারা গিয়েছিল,

আর কোন আশা নিয়ে কোনদিন ফিরে আসবে না

তাদের উদ্দেশ্যে—

—কালকূট

‘অমৃত কুস্তের সন্ধান’ রচনার ইতিবৃত্ত বর্তমান সংকলনের ‘গাহে অচিন পাখি’তে মিলবে।

স্বর্ণশিখর প্রাক্ষণে

‘স্বর্ণশিখর প্রাক্ষণে’ প্রকাশিত হয়েছিল ১৯৬৫ খৃষ্টাব্দের ৬ই সেপ্টেম্বর (বাংলা ১৩৭২ সালের ২১শে ভাদ্র)। ‘কল্পণা প্রকাশনী’ গ্রন্থটির প্রকাশক। মনে হয়, লেখা হয়েছিল তার এক বছর আগে। প্রথম লেখাটি বেরোর ‘জলসা’ পত্রিকায়। গ্রন্থটির প্রথম সংস্করণের ভূমিকায় কালকূট লিখেছিলেন :—

একটু ভূমিকার প্রয়োজন হল এই কারণে যে স্বর্ণশিখর প্রাক্ষণে যত আলোছায়ার খোঁজ আমি দেখেছিলাম, তার সবটুকু একে উঠতে পারিনি, এই কথাটি জানাবার জন্তে। পরবর্তী সংস্করণে সেই আলোছায়ার বিচিত্র বর্ণ-বাহার যাতে সবখানি দিতে পারি, তার চেষ্টা করব। এবারে সময়ের অভাবেই সে চেষ্টা ফলবতী হতে দিল না।

আর একটি কথা অপ্রাসঙ্গিক হবে কিনা জানি না, এ ভ্রমণ কাহিনীর চিত্ররূপ তৈরি হতে চলেছে। হয়তো কিছু অমিল চোখে পড়বে; সেটা নিভান্তই সাহিত্যের সঙ্গে চিত্রের যতটুকু অমিল, ততটুকুই।

কালকূট

গ্রন্থটির তৃতীয় সংস্করণে লেখক আরেকটি ভূমিকা লেখেন। সেটা এই :—

তৃতীয় সংস্করণে আবার একটু ভূমিকার প্রয়োজন হল। স্বর্ণশিখর প্রাক্ষণে আলোছায়ার খোঁজ যতটুকু দেখেছিলাম তার সবটুকু একে উঠতে পারিনি বলে যে আক্ষেপ ছিল, এই সংস্করণে তার কিছু আঁচড় কাটতে পেরেছি। তাতে রঙ ও বিশ্বাস কিছু বিস্তৃত হয়েছে। ফলত কিছু পরিবর্তনও চোখে পড়বে।

সেই পরিবর্তনটুকু পাঠকের তৃপ্তি বিধান করলে আমিও তৃপ্ত হব, বলা বাহুল্য।

কালকূট

গ্রন্থটি যে উৎসর্গ করা হয়েছিল শ্রীলক্ষ্মীনাথ মুখোপাধ্যায়কে সে কথা আমরা পূর্বেই বর্তমান গ্রন্থাবলীর মধ্যে বলেছি।

একটা কথা—দেখা যাচ্ছে, কালকূট নিজে তাঁর এ জাতীয় রচনাকে ভ্রমণ কাহিনী বলতেই চান—বিশেষ নিবন্ধকার ঘাট বলুন।

খুঁজে ফিরি সেই মানুষে

অরুণেন্দ্র মেসার পটভূমিতে রচনাটির পরিকল্পনা। লেখাটি প্রকাশিত হয়েছিল ১৯৬০-এর ৫ই মার্চের (১৩৬৬ সালের ২১শে ফাল্গুনের) 'দেশ' পত্রিকায়। লেখাটি নিজস্ব মূল্য ছাড়া আরেকটি কারণে গুরুত্বপূর্ণ—'কোথায় পাবো তারে'—রচনার সূত্রপাত বলা যায় এই লেখাটিকে।

গাছে অচিন পাখি

১৯৭৫-এর সাহিত্য সংখ্যা 'দেশ' পত্রিকায় লেখাটি ছাপা হয়। 'কালকূট' নাম গ্রন্থের তাৎপর্য এবং 'অমৃত কুন্ডের সন্ধান'ে বইটি রচনার নেপথ্য বৃত্তান্ত এই রচনাতে পাওয়া যায়। সে কারণেই আমরা গ্রন্থারম্ভে এটাকেই লেখকের কথা হিসাবে স্থাপন করলাম।

সাগরময় ঘোষ